




10450  
cat 1965



104<sup>00</sup> 1965  
cat

METALLOTHECA  
VATICANA  
MICHAELIS  
MERCATI,





METALLOTHECA


VATICANA

MICHELE  
MERCATI











MICHAELIS MERCATI

SAMMINIATENSIS

METALLOTHECA

Opus Posthumum,

*Auctoritate, & Munificentia*

CLEMENTIS

UNDECIMI

PONTIFICIS MAXIMI

*E tenebris in lucem educum;*

Opera autem, & studio

JOANNIS MARIAE LANCISII

ARCHIATRI PONTIFICII

ILLUSTRATUM.



ROMÆ MDCCXVII.

Ex Officina JO: MARIAE SALVIONI ROMANI

In Archigymnasio SAPIENTIÆ.

---

SUPERIORUM FACULTATE.



MICHAELIS MERCATI

S A M I N I A T E N S I S

ME TALL OTHE CA

CLEMENTS

✓ *E. conspurcator* in lucens eductum;

Opeta autem, & studio

R O M E M D C C X L V

22 2 4 2 4 2 5 2 2 2 2 2 0 4 2 2 2 2 2



9

BEATISSIMO PATRI  
CLEMENTI XI.

PONT. MAX.

Jo: Maria Lancisius perennem incolumitatem.



*ESI* nihil antiquius habuerim,  
*BEATISSIME PATER*, quàm  
*Sanctitatis Vestre* mandatis  
pro mearum virium tenuitate  
obtemperare; nunquam tamen  
gratius, acceptiusque mihi fuit iis submissè  
morem gerere, quàm cum procurari à me edi-  
tionem posthumi Operis *Michaëlis Mercati*,  
b quæ

18



quæ Tua Benignitas est, præcepisti. Nam (ut  
cætera mittam) jure quodam deposcere posse  
videbar, ut Pontificii Archiatri labores, qui  
viginti supra centum annorum decursu in obli-  
vionem prope venerant, & deflenda sanè Li-  
teratorum jactura, pulvere, carieque defor-  
mati jacuerant, Archiater ipse Clementia Tua  
in lucem proferrem, & qualicunque adhibito  
studio, pro virili parte augerem: Tametsi vix  
ullas mihi aut sollicitudinis, aut laudis partes  
tribuere ausim, cum Amplissimi Consilii Tui,  
atque incredibilis in bonas Artes Munificentiae  
fuerit quidquid operæ ad Codicis inventionem,  
perfectionem, impressionemque collatum est.  
TUA enim SANCITAS latentes exteris in scri-  
niis, ac penè corrosas schedas eruere; Æreas Ta-  
bularum contracta rubigine exesas restituere, ac  
deficientes supplere dignata est: postremò quæ-  
cunque ad Mercati memoriam redintegran-  
dam, ornandamque; quæcunque ad ejusdem  
Metallothecam, diu multumque à studiosis de-  
sideratam, castigatè, splendidè, cumulatèque  
in publicum proferendam pertinebant, benignè,  
ac liberaliter erogavit. Quamobrem quod Xy-  
stus V. & Clemens VIII. sapientissimi Anteces-  
sores Tui, alter morte sublatus, alter curis di-  
strictus perficere fortasse non potuerunt, Tu,  
PONTIFEX MAXIME, tot inter temporum diffi-  
cultates feliciter implevisti. Etenim, cum Me-  
tallo-



tallothecam hanc Typis evulgandam mandaveris, longè plura ad naturalem Historiam amplificandam, meo quidem iudicio, contulisti, quàm superiores Pontifices per suas ætates præstitissent, si Museum duntaxat in Vaticano adornassent. Facilius est enim magnis Principibus tum locum seligere, tum capsulas construere, tum denique corpora naturalia conquerere, ac propriis in Ædibus collocare, quàm elegantissimam disponendi rationem, pulcherrimas eorundem corporum icones, commentarios tandem doctissimos & habere, & cum omnibus, ut modò facis, non tantum viventibus, & Romanis Civibus, sed posteris etiam, atque externis, studio benemerendi communicare. Accedit autem ad singularem SANCTITATIS TUE commendationem, quòd, cum in operis prospectu, atque in armariis Pontificia scuta delineata jam essent; nullo tamen certo stemmate expresso; non Tua; ut jure debebatur; sed insignia Clementis VIII. cui opus ab Auctore nuncupatum fuerat; in illis per summam moderationem, ac Magnanimitatem, insculpi volueris. Si quis igitur fructus, qui certè uberrimus erit, ex insigni hoc Opere in literas redundabit, Tibi, SANCTISSIME PATER, Eruditorum Respublica acceptum referet. Si quid contra doctis Viris meo in labore non arriserit, id totum infirmitati meæ tribuendum erit, quæ non patitur,



ut ea, quæ animus cupit, vires assequantur. Interim verò cunctis naturæ investigatoribus vehementer gratulor, quod SANCTITAS TUA secretiorem Bibliothecam aperire, rarissimasque opes, non privatæ Tuæ Domui, sed omnium utilitati prospiciens, in commune conferre jam cœperis; mihique plurimum gauderem, si ipsemet affectæ quanquam ætatis, per infirmos conatus meos quidquam antiquis, vel novis illinc producendis monumentis possem contribuere: Unde major semper (quod unicè opto) sacratissimo Tuo Nomini claritas, & celebritas; Almæ Urbi splendor, & fama; literario tandem Orbi certum commodum, atque emolumentum proficiscatur. Det itaque BEATITUDINI TUÆ Deus diuturnam Ecclesiæ tranquillitatem, hilaremque valetudinem, quibus deficientibus, literæ, pacis & gaudii alumnae, penitus languent, & hebescent.



IN METALLOTHECAM  
VATICANAM  
PRÆFATIO  
JOANNIS MARIE LANCISII  
ARCHIATRI PONTIFICII

*Ad humanissimum Lectorem.*

**I**NTER egregias, & præclaras dotes, quibus refulget animus Sanctissimi Pontificis CLEMENTIS XI. postremo certè loco non est accensendus amor ille, quo nusquam non prosequitur Monumenta Præcorum, aut propter religionem colenda, aut propter artium, & studiorum commodum observanda; ut proinde reparandis, restituendis, immo etiam magnificentius exornandis, atque amplificandis sacris Ædibus, quæ Christiana quidem memoria intra Urbem celebrabantur, sed ob vetustatem squalidæ, penitusque labefactatæ jacebant, per tria jam lustra, quàm diligentissimè studuerit. Scriptorum verò oblitterata penè commentaria, atque ævo invidente cum ipsis Auctorum cineribus confecta, ita conquirenda, eruenda, atque illustranda curaverit, ut nullâ locorum distantia, nullâ impensarum magnitudine, nullo denique difficultatum objectu retardari potuerit, quominus pretiosissimis thesauris & Vaticanam, & privatam suam Bibliothecam, sive, ut æquius judicemus, universam Rempublicam Literariam locupletaverit. Præ cunctis verò in censu naturalium scientiarum, post Anatomicas Bartholomæi Eustachii Tabulas, à rubigine, tenebrisque vindicatas, laudanda nobis occurrit, quam nunc in manus hominum damus, Michaelis Mercati Metallotheca; quæ de re pluribus admonitum Te oportet.

Sanctiss. Pontificis CLEMENTIS XI. studium in ædificiis tum profanis, tum sacris restituendis, ornandisque.

Summa ejusdem cura in optimis Codicibus undequaque conquirendis, & illustrandis.

Post Eustachii Tabulas Sanctiss. Pontificis munificentia in lucem prodit Mercati Metallotheca.

Metallothecæ nomine quid comprehendatur.

Metallothecæ codex quando scriptus.

Diligentiæ ad Metallothecæ locum inveniendum adhibita.

Mercatus Vaticano Horto simplicium Præfectus.

Et quidem primò Mercatum sub Metallothecæ nomine duas inter se admodum diversas res comprehendisse. Scilicet tum novum Commentarium summo studio, atque eruditione ab ipso elucubratum, in quo de fossilibus, ac lapidibus appositè, doctèque differuit; tum etiam locum Pinacothecæ instar in Vaticanis Ædibus, in quo eadem naturalia corpora, Pontificio veluti in Museo, diligenter suo quæque ordine essent distributa. Ut verò Metallotheca priori modo accepta magnam partem à Mercato multis ante obitum annis fuit absoluta, estque Volumen, quod nunc emittimus in lucem; ita qua in parte tunc temporis Vaticani Palatii fossilia, & lapides, quemadmodum elegantissimis iconibus expressit Auctor, continerentur; dubium sanè fuit, quod nos, antequam voti compotes fieremus, per integrum annum sollicitos, atque in perquirendis ferè omnibus magnificarum illarum Ædium angulis anxios detinuit. Ut autem Tibi, Amice Lector, filum porrigamus, quo ab ejusmodi quasi labyrintho egressi sumus, operæ pretium est utramque Metallothecam suis à primordiis altiùs repetere.

Porro perspicuum est ex Mercati Vita, quam Illustriss. Majellus politè, ac luculenter scripsit, Michaellem Pii V. deinde Gregorii XIII. mox etiam Xysti V. Pontificum Maximorum jussu, atque auctoritate, Vaticano simplicium Horto præfuisse.

Itaque ambigendum minimè censemus, quin nihil antiquius habuerit Mercatus, cum primùm Romæ Botanicam excolere, ac docere cœpit, quàm  
ut



Mercatus quan-  
do Metallothe-  
cam adornare cœperit.

ut varia metallorum, aliorumque mineralium fragmenta sibi compararet, ac per suas quæque classes distribueret, quibus præceptam animo Metallothe-  
cam cum in chartis exarare, tum in Vaticano condere aliquando posset. Etenim ab usque anno 1576. nempe quarto Pontificatus Gregorii XIII. in quo nonnullas animadversiones, ac remedia ad avertendam, curandamque Pestem Mercatus edidit; ingentem jam metallorum supellectilem eum colle-  
gisse satis constat ex eleganti carmine Achillis Statii, celebris illorum tem-  
porum Poetæ, & Ariæ Montani viri doctissimi, quorum versus ex ejusdem libri prolegomenis huc traducimus:

Achillis Statii  
Carmen de Mer-  
cati Metallothe-  
ca.

*Solers Naturam extantem, penitusque latentem  
Retexit, atque prodidit  
Mercatus, stirpes, herbas, genus omne METALLA.*

Aliud Ariæ Monta-  
ni.

*Innumeras natura ferax, terraque, marique  
Humano generi condit, & edit opes,  
Cernere quas gratum est, quarum sed gratior usus,  
Dum petitur justis, instruiturque modis,  
Præstat utrunque tibi Michael natura benigna  
Larga manu, studiis dum favet ipsa tuis.  
Nam rerum formas in vasto colligis orbe,  
Inque sacram confers, continuasque domum, &c.*

Mercati obitus.

Bibliotheca Vati-  
cana à Xysto V. am-  
plificata.

Verisimile esse Me-  
tallothe-  
cam subXy-  
sti V. Pontificatus  
initio penè absolu-  
tam fuisse.

Metallothe-  
ca tem-  
pus ex ipsius Mer-  
cati literis deduci-  
tur.

*Secul. 1. edit. Rom.  
pag. 171.*

Baronii testimo-  
nium de Mercato,  
ejusque Metallo-  
the-  
ca.

Exploratum propterea videri potest, duodevigesimo ferè anno ante-  
quam Mercatus è vivis excederet, utranque Metallothe-  
cam ab ipso fuisse inchoatam: obiit enim Junio mense anno 1593. Præterea nemini non notum  
Xystum V. anno 1583. Bibliothecam, vetustissimis omnium linguarum codici-  
bus insignem, eâ magnificentiam, quam nunc omnes mirantur, in Vaticano ex-  
citasse: idcirco planum quoque erit, nostrum Auctorem, gloriæ stimulis, &  
Principis exemplo maximopere inflammatum, novam in spem adductum fuisse,  
Metallothe-  
cam, Pontificiis quoque conspirantibus subsidiis, in eodem Vaticano re ipsâ fore construendam, nativis, non artefactis corporum typis  
ornatam, & divitem: immo verò fateri cogimur inter initia Pontificatus ejus-  
dem Xysti, quod ad corpora naturalia spectabat, absolutam utcunque extitisse  
Metallothe-  
cam: cum Auctor in Epistola, quâ suum Opus de Obeliscis huic Pontifici sistit, animi illius magnitudinem laudet à maximis tam brevi tempo-  
ris spatio gestis rebus, ac potissimum ob instructas in Vaticano *Typographiam,*  
*Bibliothecam, & METALLOTHECAM,* quam Vir cum summæ eruditionis, tum  
omnium suffragio integerrimæ fidei Cardinalis Baronius se vidisse attestatur.  
Pervestigabat ipse quid vasa, quid vina essent myrrhata: *Feliciter,* inquit,  
*occurrit nobis Michael Mercatus Miniatus Protonotarius Apostolicus, Sanctis-*  
*simi Domini Nostrî intimus Familiaris, celebris ætate nostra Philosophus, rerum*  
*naturalium eruditissimus, qui materiam, ex myrrha arbore incisa fluentem, in*  
*massam coagmentari tradit, coloribusque ad speciem inductis, artem inde potiora*  
*ingere, quæ in summis populi Romani deliciis essent. Et inferius: Idemque talem*  
*phialam ex India per Lusitanos advectam, dono sibi datam promebat ex sua ME-*  
*TALLOTHECA VATICANA, quam omni naturæ varietate instruxerat.*

Metallothe-  
ca locus  
inquiritur.

Quo autem Vaticanarum Ædium loco materiale Metallothe-  
cam (ab-  
utor verbo Scholarum) Mercatus collocaverit ab initio, diligenter nobis inqui-  
rentibus, ut alias conjecturas omittamus, sat exprimi atq: ostendi visum est, ele-  
ganti sanè Joannis Cargæ illius ætatis nobilis Poetæ carmine, quo Metallo-  
the-  
ca hæc, ipseque Mercatus celebratur:

Joannis Cargæ Epi-  
gramma de Metal-  
lothe-  
ca situ.

*Hospes tecta remota Vaticani,  
Quæ flet Laocoon subi: videto  
Quid Mercatus ibi recludat, atque  
Hoc mirabilia inter adde Roma.*

Quibus



Quibus procul dubio impluvium illud indicatur, quod patet in Vaticanis hortis ad Bibliothecam, qua Septentrionem spectat, pertinentibus: ibi enim Laocoontis, aliæque antiqui, ac mirifici operis statuæ custodiuntur. Quod demum ab ipso Mercato apertissimè declaratum comperimus Armario X. Cap. III. quo ita scriptum reliquit: *Nam cum ea Statuæ* (videlicet Laocoontis, Apollinis, &c. de quibus supra meminerat) *ac pleraque alia in quodam atrio Vaticanorum Hortorum posita sint, conclavia autem mihi attributa, ubi & Metallothecam habeo illi atrio conjunctam.* Idemque affirmat in Tractatu de Gemmis Anonymus, ubi de Ave Japonica agit.

*Tesoro delle Gemme dell' Accademico Eteoreo Ardente pag. 171.*

Hæc sanè omnia cum diu nobiscum mente agitassemus ex infinito prope-modum cubiculorum in ea Vaticani Palatii parte positorum numero, eam fuisse Metallothecæ sedem statuimus; unde & subjecti Horti Medici, & Ædium in nemore Pontificio sitarum, quas Pii IV. vocant, pateret aspectus. Enimvero in Metallothecæ ichnographia è latere objectam eam Villam exhibuerat Mercatus. Itaque, cum appositam Laocoonti portam fuisset intuiti, per eam ad superiora Conclavia conscendimus, atque supra fornicem Pinacothecæ, quam vernacula voce dicunt *Centinata*, pleraque omnia adamussim congruere observavimus, quæ in prædicta icone cernuntur. Etenim locus theatri instar longitudinis, ubi major est ambitus, palmorum 150. & amplius, latitudinis verò 16. Horto Medico ad Austrum imminet, Villamque Pii IV. per fenestras ad africanum prospectat. Armariis præterea, rudibus tamen, instructus est, in quibus Mercatus naturalia corpora asservabat, elegantioribus loculis, ut in ipsa spectamus ichnographia, aliquando repositurus, tum longiores certè futuros Xysti V. confidens annos, tum sortem sibi cum valetudine lætiorem. Illud duntaxat temporis longinquitate ad commoda hospitum commutatum nunc videmus, quod semicirculare spatium, quæ tabulatis, quæ gracilibus parietibus interjectis, in quinque cubicula divisum sit. Postquam autem de Metallothecæ situ, hæc nec quidem pauca deprehendimus; quibus cesserint corpora ipsa metallica, & fossilia divinare non potuimus; suspicari tamen licet (cum institutum certè opus esset, sed neque dote ornatum, neque custode munitum) ab hæredibus, quæ Mercati erant, quàm citissimè asportata fuisse.

Metallothecæ locus describitur.

Rudes Metallothecæ reliquiæ adhuc visuntur.

Cur fossilia in Metallotheca asservata amplius non extent.

Neque verò aliter sentiendum arbitror de ipsa M. S. Metallotheca. Non fuisse scilicet natu minorem, sed cum ipso Museo eodem à parente gemellam. Etenim ubi primùm codicem hunc, curiositate ducti revolvere coepimus, illum è vestigio per id temporis, quo Xystus V. vitam adhuc agebat, jussu Magistri sacri Palatii Bartholomæi de Cliranda perlectum, & facultate, per quam imprimi posset, donatum vidimus: quamobrem Auctor jure merito idem opus Xysto destinaverat, quanquam postea, mutatâ per hujus Pontificis mortem rerum facie, mutavit ipse consilium, & Clementi VIII. Metallothecam nuncupavit, deletò solùm, variatoque Principis nomine in Epistola, quam nos autographam asservamus.

Metallothecæ librū unū cum ipsius Museo fuisse inchoatū, ac perfectum.

Huc accedit, quòd Juvenalis Ancina, Vir eruditione simul, ac pietate celeberrimus, nondum mortuo Xysto, nempe die 15. Junii 1590. Mercatum nostrum per epistolam Neapoli hortatur, *ut quantocyus pulcherrimam, raram, ac penè divinam suam Metallothecam in lucem proferat*; subdens, & quidem vaticinatus est: *Memento, quia mors non tardat.* Nam vix concinnam Metallothecæ suæ descriptionem, prioremque ejus partem cum ichnographia, quam nunc vides, in lucem typis mandare destinaverat Mercatus; cum longo primùm in Poloniam itinere distentus; deinde gravissimo renum morbo correptus est, atque in Patriam redire compulsus. Et quanquam stabili tandem animi fiducia ad Urbem reversus majoribus officiis, ac muneribus à Clemente VIII. ad Ecclesiæ gubernacula tunc sedente, adhibitus, & destinatus fuisset; tamen (quæ sunt hominum spes!) singularis hujus Operis editionem differre, tandemque fato etiam cedere coactus fuit. Adeò verum est pulchriores, ac majores doctissimorum Virorum foetus aut in eorundem ingeniis nondum editos,

Juvenalis Ancina Mercatum ad Metallothecam typis mandandum hortatur.

Quid Metallothecæ editionem retardaverit.



Metallothecæ Liber unde, & quomodo ad Pontificis manus pervenerit.

Idem Liber diligenter jussu Pontificis examinatur.

Quid in Codice desiderabatur.

Notarum necessitas.

Notarum cura Auctori à Sanctiss. Pontifice demandata.

In Notis ad Tertull. lib. de Prescrip. p. 70.

Auctor negotiis distentus alterius opera utitur in Notis conficiendis.

Quid præstiterit Auctor in Notis.

Diligenter monumenta, quæ ad Mercatum pertinent inquiruntur.

Mercati epistolæ autographæ, unâ cū ipsius effigie quomodo inventæ.

editos, aut solis chartis obvolutos cum ipsis Auctoribus plerunque interire. Et quidem periisset majus, atque elaboratius Mercati nostri Commentarium, nisi tantæ jacturæ SANCTISSIMUS PONTIFEX, pro suo in literas amore, opportuna opem tulisset. Jacebat porro instructissimus hic naturæ thesaurus variis fortunæ casibus agitatus, ac penè obrutus, locupletemque non minus, quàm fortunatum emptorem Florentiæ expectabat sex ante annos in scriniis Familiæ de Datis. Cùm verò Pontifex, qui semper ad res præclaras, & communem Ecclesiæ, tum literarum utilitatem conversum animum habet, id ab erudito Viro Equite Paulo Alexandro Maffeo, & Dominico de Rubeis, egregio Graphicæ Artis promotore, accepisset; continuò jussit Codicem, ejusque Tabulas æneas Romam perferri; scilicet, ut si hæc in eruditorum commodum cessura viderentur, nulla impensarum habita ratione, coemi, edique possent. Datum autem mihi est negotium à Principe (quæ ejus in me benignitas est) ut M.S. diligenter suis cum figuris excuterem. Quod cùm brevi fecissem, atque operis præstantiam, utilitatem, ac dignitatem Sanctissimo Patri detulissem, ipse statim coemptum sibi voluit.

Quoniam verò duo supplenda erant in Opere, alterum quod multarum Tabularum icones delineatæ quidem, in æs autem incisæ nullo modo invenirentur; alterum, quod cùm Mercatus ante Gesnerum, Aldrovandum, Cæsalpini, Imperatum, omnesque recentiores hoc de argumento scripsisset, Notis, ac Supplementis indigere videbatur. Itaque Pontifex & Notarum mihi provinciam demandavit, & Tabulas cum Auctoris imagine, quæ diligenter conquistata apud hæredes inventa est, insculpi à perito Artifice jussit.

Cùm autem rationi consonum duxerimus nihil planè in antiquo Codice permutandum esse; *veterum enim Auctorum scripta*, ut rectè admonet Nicolaus Rigaltius, *etiam cum hallucinationibus suis* (si quæ fuerint) *representari interest*: mihi propterea nec paucis, nec levibus negotiis distento, circumseptoque seligendus erat aliquis, quem in communionem Operis, & vigiliarum pro concinnandis, & apponendis ad singula ferè capita Notis, adsciscerem. Et quanquam tum plurimi ex Romanæ Medicæ Juventutis flore in mentem venerunt; cæteris tamen D. Petrum Assaltum ideo præferre visum est, quod non solum linguarum Latinæ, Græcæ, Hebraicæ, aliarumque peritiâ præ aliis instructus esset; verum etiam assiduis studiis historiæ naturalis tam professione, officioque suo (est enim Botanica in Archigymnasio nostro Prælector) quàm ingenitâ quadam ejusmodi inquisitionum curiositate præditus, atque expolitus inveniretur. Is igitur tum propter eruditionem, tum propter morum probitatem eximius Juvenis (electionem Summo Pontifice commendante) gravi me onere, multa inquirendi, conferendique, relevavit; ita ut eas duntaxat partes mihi præcipuas reservaverim, ut quæ ipse collegerat, excuterem, simulque, aliis additis, aliis commutatis, aliis resectis, cum eodem sæpe digerem. Quamobrem D. Assalto non tantum Lectorum benevolentiam, gratumque animum hisce in Notis, sed majores etiam ex novis suo Marte elaborandis operibus eruditorum laudes augurari facilè possum.

Nullam interim diligentiam reliquam feci, ut Monumenta omnia, quæ ad vitam, & scripta Mercati conferre poterant, eruerem. Imploratis igitur Sanctissimi Pontificis consilio, & ope, à Reverendis. Cœnobita Petro Antonio de Rubeis (olim Romæ Procuratore Generali Ordinis Servorum B. Mariæ Virginis, mihiq; officiosissimo alioquin amico, nunc verò in Pisana Academia Historiæ Sacræ meritissimo Interprete) per epistolam petii, ut pro sua cum Episcopo Samminiatiensi necessitudine Præsulem illum obtestaretur, si quid posset à Mercati hæredibus ad rem nostram pertinens obtinere. Factum autem est humanitate doctissimi Professoris, ut ipsemet Samminiatum è vestigio contenderet, ubi à D. Marino Mercati, unico Michaelis agnato, fasciculum autographarum epistolarum, unâ cum vera ejusdem imagine liberaliter impetravit, eumque continuò ad nos perferendum curavit: unde pleraque omnia testimonia collegimus, quibus non solum Auctoris Vitam Illustris. Majellus, sed nos



nos ipsi è lectissimis veluti floribus fertum, & coronam Mercati meritis inter Prolegomena concinnavimus.

Quid habet, inquires, in sua Metallotheca Mercatus, quo veri, pulchrique amatores allicere possit, ac retinere? Multa profectò, siue enim delectationem, siue utilitatem tibi proposueris, certè cupiditati tuæ abunde hinc satisfactum iri confidimus. Et quanquam difficile sit in rerum naturalium commentariis oblectationem ab emolumento sejungere; summopere tamen placituram existimo præclaram instruendi nobilis Musei methodum; elegantem ejusdem ichnographiam; pulcherrimam iconum varietatem, eamque ad rerum veritatem exactissimè delineatam, & subtilissimè insculptam; denique nihil fortè cernes in Metallotheca, quod futurum Tibi non sit jucundissimum. Sed quoniam philosophantibus præstat proficere, quàm delectari: Idcirco non sinè summa admiratione conspicias Mercatum ea omnia, quæ Græci, Latini, atque Arabes de naturali historia, præsertim verò de Fossilibus prolixè, confusèque scripserunt, miro ordine, sincerè, ac dilucidè collegisse, & contraxisse: quinimo, cùm multa obscura illustraverit, mutila restituerit, ambiguaque distinxerit, plurima inter se pugnancia contulisse, & composuisse deprehendes. Denique hoc opus ita à Mercato adornatum spectabis, ut nihil pro temporibus illis in eo desiderari facilè comperias, si volumini evolvendo necessariam curam, & attentionem adhibueris. Etenim; ut omittam incredibilem illius eruditionem, industriam, & fidem; præterire non possum grave, ac maturum ejusdem judicium, quod in conscribenda historia summopere expetitur. Id sanè apertissimè docet critica facultas, quâ Mercatus multum valuisse videtur, dum falsa à genuinis opportunè discernens, aliorum lapsus optimè cognoscit, studiosissimè refellit, ac præclarè emendat. Quantum verò præstiterit ingenio in reconditis antiquorum sensibus sagaciter explorandis, ac naturæ arcanis investigandis, ex eo conjicere licet, quod, quanvis veterum foret studiosissimus, nihilominus tamen eorum sæpe sæpius opinionibus rejectis, novas, solidioresque feliciter comminiscitur. Ut enim cætera prætermittam; cui sanè admirationi minimè fuerit, cùm viderit Mercatum sedulò inquirentem in abditas ante illum, penitusque ignotas Magnetis proprietates, quas ipse non quidem ex sympathia, non ex animæ analogo principio, non ab aliis id genus inanibus, ac nihil planè significantibus vocibus derivavit, sed oblitteratam post Epicurum, & Lucretium, quæ ad veritatem rursus detegendam ducit, viam certè inter primos refecit? Afferit enim Magnetis vim ex corpusculis ab eo effluentibus esse deducendam. Multa quoque ad eundem lapidem pertinentia tunc temporis incomperta deprehendit, veluti lanuginem, villosque ex eo prodeuntes.

Præterea usque adeò diligens fuit Mercatus in omnibus naturæ arcanis inquirendis, ut plerunque alienis observationibus minimè contentus, nobili, generosoque animo neque longis, molestisque itineribus, neque magnis sumptibus, neque maximis periculis pepercerit; ut certam, diversamque terrarum, ac mineralium notitiam adipisceretur. Elucet hoc in capite potissimum de Terra Lemnia, cujus historiam oculatus testis pertractat. Insuper in insulam Ilvam ad multarum terrarum originem, ac discrimina propius indaganda profectus est: ubi sanè, metallorum fodinis optimè perspectis, fossilium corpora, & proprietates cùm sigillatim, tum invicem, & cum exoticis, aliisque apud Priscos descriptis mineralibus conferendo, suorum sensuum trutinâ patienter examinavit; fideliterque descripsit: Novo deinde suscepto itinere in eandem, tametsi piratarum insidiis obnoxiam insulam (est enim fossilium, ac vegetabilium feracissima) non tantum Magnetis venas suis oculis lustravit; sed variarum quoque stirpium illic nascentium formas probè distinxit, ac delineavit; similiter Ænariam insulam summâ diligentia peragravit: mox in longa per Germaniam, ac Poloniam peregrinatione multum temporis, inquirendo, ac curiosè observando, consumpsit. Unde rara quædam terrarum, salium, bituminum, lapidumque genera, alia quidem à paucis descripta,

Metallotheca lectio jucundissima.

Eadem utilissima est.

Hujus Operis doctrina, atque eruditio.

Mercati judicium commendatur.

Ejusdem ingenium.

Mercati sententia de Magnete.

Ejusdem diligentia, industria, labores, & sumptus.

Itinera ob rerum naturalium inquisitionem ab eodem suscepta.

Ut idem narrat in Cap. De Terra Sinopica.

Quæ observaverit Mercatus.

Quod in Cap. De Magnete recenset. Ut in Cap. De Isidis Palma.



alia etiam nova ipse recensuit. Quid? Quod marinarum quoque plantarum species, plerasque omnes ante ipsum à nemine descriptas, quas Iſidis Plocamos appellant; recentiores verò Lithophyta vocitant, disposuit, ac demonstravit. Quibus sanè factum est, ut, sicuti locupletissima olim naturalium rerum ornamenta Auctor noster in Vaticano congeſſit; ita Metallothecam hanc nobis reliquerit mirificis iconibus adornatam, ac nitentem. Unde cùm nihil ad historiæ veritatem; nihil ad candorem, gravitatemque Romani sermonis; nihil denique ad communem studioſorum gratiam, & utilitatem conducens à Mercato per suam ætatem aut requiri, aut desiderari potuerit; facilè ominari nobis licet, te magnos, Lector benevole, uberesque cum voluptate fructus fore percepturum.

Metallotheca M.S.  
à Viris præstantis-  
simis summo opere  
commendatur.  
A Cæſalpino.  
In Epist. Dedicat.

A Nicolao Steno-  
ne.

A Paulo Boccone.  
In suo Museo.

A Carolo Dato.

Ab Antonio Vallis-  
nerio.

Notæ inter maxima  
negotia conficiun-  
tur.

Lancisii Opera  
edenda.

Quæ cùm ita sint, nihil mirum, si optimi Viri, ac scientiæ potissimum naturalis peritissimi, postquam M. S. hoc viderint, amplissimis illud laudibus fuerint proſequuti, maximoque literariæ Republicæ emolumento fore putaverint, si typis aliquando vulgaretur. His præſertim adnumero doctissimum Andreæ Cæſalpinum, Mercati olim præceptorem, qui in suo de Metallis Commentario, præ cæteris nostri Auctoris lucubrationibus, Metallothecam commendat; quippe quæ *loculis propriis ſingulorum corporum turbam aneis typis miro ordine, ac ſine ulla turbatione intuentibus exhibet, adjuncta enarratione ſacundiſſima ex omnibus Auctioribus tam priſcis, quàm poſterioribus collecta, ut nihil amplius deſiderari poſſit.* Similiter clarissimum Nicolaum Stenonem, qui in suo de Gloſſopetris Tractatu Lamiæ caput, & Gloſſopetrarum figuras à Mercati Metallotheca ſe mutuatum fuiſſe fatetur, atque *multa in eadem ſcitu digniſſima contineri* aſſerit. Præterea Paulus Bocconus dignam reputat, quæ publici juris fiat; quippe quam cenſet cùm ob varias figuras, quibus referta eſt, tum ob locupletem hiftoriam naturalem *ab eruditis omnibus phyſicæ ſtudioſis meritò expetendam.* Denique firmissimum teſtimonium Caroli Dati de raritate, atque utilitate Metallothecæ habemus perſcriptum duabus illius epistolis ad Illuſtriſs. Abbatem Octavium Falconerium datis, in quibus fuſè de Mercati, atque huiusce Commentarii laudibus, variaque fortuna differitur: nec quidem tacere poſſumus ab eruditissimo Antonio Valliſnerio *Metallothecam ante aliquot annos Florentiæ accuratè animadverſam, eique plurimum fuiſſe commendatam.*

Hæc ſunt, amice Lector, quæ te non ignorare pretium operæ duximus. Cæterum optaſſem, ut aliis curis ſolutus, otioque tranquilliori fruens, copioſiores, atque elaboratiores Notas ſingulis Metallothecæ membris in ejuſdem illuſtrationem, atque ornamentum unà cum D. Aſſalto adſcribere potuiſſem: veruntamen vix ſucciviſſis horis in has incumbere licuit. Nam ſtudioſorum omne penè tempus abſumunt perpetuæ muneris noſtri occupationes, & non exigua opuscula tum de Noxiis Paludum Eſſuviis, tum de Motu Cordis, & Aneurysmatibus, quæ jamdudum Phyſiologiſ polliciti ſumus. Quantum itaque in nobis (eſt verò admodum tenue) quantumque à maximis per negotia licitum fuit, voluntati Principis Sanctiſſimi pariter ac liberaliſſimi morem gerere ſtudiimus: nullum enim obſequii genus CLEMENTIS XI. ſuis à familiaribus præſtari poteſt jucundius, quàm ut ad proprium SANCTITATIS SUÆ inſtitutum, dies, noctesque partim in pietatis, & charitatis officiis, partim in literariis lucubrationibus impendant, atque traducant. Vale, & feliciter utere ſubſequentibus tum Vita ab Illuſtriſs. Majello eleganter exarata, tum magnorum Virorum de virtutibus Mercati teſtimoniis, tum aliquot ejuſdem epistolis, quæ omnia per ſummam induſtriam, ac diligentiam undequaque conquiſivimus.



ILLUSTRISSIMO VIRO  
JO. MARIAE LANCISIO

AB INTIMO CUBICULO,

*Et Archiatro Sanctissimi Pontificis*

CLEMENTIS XI.

CAROLUS MAJELLUS S. P. D.

**M**ULTA quidem se Tibi debere profitentur literæ, doctrinaque, quas in publicam utilitatem excolere, adhibere, & ornare per omnem ætatem feliciter studuisti; illud tamen Tibi præ cæteris acceptum referunt, Vir Illustrissime, quod easdem ab anticipata quadam vulgi opinione vindicaveris, qua passim jactare solent, commentandi, scribendique curas ad homines dumtaxat otio abundantes, atque ab omni negotiorum turba sepositos, esse amandandas. Tu enim doctissimis commentariis, tam tuis emittendis, quàm alienis illustrandis, planum cunctis fecisti, inter ipsam rerum gerendarum frequentiam, interque assiduam officiorum interpellationem & concipere, & edere mentem posse partus sempiterna laude dignissimos; si cui tamen vividum illud, præsens, promptum, atque ad omnia factum ingenium obtigerit, quale Tibi à Deo O. M. datum est. Hanc tamen Tibi laudem cum posteritas deferet, eximiam Sanctissimi Pontificis CLEMENTIS XI. virtutem, & benignitatem maximè celebrabit. Agnoscet enim quanti referat, sapientissimo, doctissimoque Principi præsto esse, cujus eruditissimis sermonibus erudiaris, cujus limatissimo judicio scripta tua emendes, & expolias, cujus lucubrationes gravissimas, & disertas frequenter audias, cujus denique studiis contentissimis ad literarios labores vehementius exciteris. Enimvero cum cæteri Virorum Principum Medici, ut ne suo muneri desint, ab omni legendi, scribendique consuetudine revocari se, & arceri conquerantur, Tu, ILLUSTRIS. LANCISI, ab eodem Principe Optimo, cujus affectam, & assiduis laboribus fractam valetudinem tueris, nova semper habes & incitamenta, & commoda, & mandata scribendi, ut non tam in Aula omnium celeberrima, quàm in literarum palestra versari videaris. Neque enim solitudinem studiis opportunam incolebas, neque à consuetis muneris tui curis vacabas, sed præter cæteras multiplices occupationes, non levibus, & crebris BEATISSIMI PATRIS morborum incursum depellendis distringebaris, cum accuratissimos Libros edidisti, De Mortibus Subitaneis, De Nativis, deque adventitiis Romani Coeli qualitatibus, Dissertationesque luculentissimas de universa Anatome, deque sede cogitantis animæ, de re Physiognomonica, de Plinianæ Villæ Ruderibus, de Ostiensis Litoris incremento, de Generatione Fungorum, de Recta Medicorum Studiorum Ratione, de Bovilla Peste, non apud nostrates modò, sed maximè apud externos, utraque montes positos viros doctissimos præcipua commendatione, plausuque exceptas, & collaudatas; aliosque præterea elaboratissimos Commentarios parare ubique expectatissimos de Noxiis paludum Effluviis, de Motu Cordis, ac de Aneurysmatibus, quorum editionem non otium hæcenus, aut remissio, sed nunquam intermissa aliorum operum, rerumque procuratio remorata est; præter Medicorum responsorum multitudinem ad consulta, quæ ad Te undique à remotissimis etiam regionibus confluunt. Quam in Te ad Literaria, & Medica Reipublicæ commoda alacritatem, cum SANCTISSIMUS PRINCEPS incredibili benignitate foveret, Tibi Eustachianas Tabulas ab interitu post longum doctorum hominum desiderium auctoritate sua, consilioque vindicatas typis emittendas, & doctissimis animadversionibus explicandas tradidit;



didit; nuper verò METALLOTHECAM MICHAELIS MERCATI in publicam lucem proferendam commisit, ut literatorum hominum memoriam, & præclara opera, diuturnitate temporis conspulta revocaret ad vitam, & bonarum artium incremento consuleret, novamque Tibi & laboris, & laudis materiam suppeditaret. Est hoc enim vero, ILLUSTRISS. LANCISI, in præcipua ætatis nostræ felicitate ponendum, quod Sapientissimus PONTIFEX erga doctos homines tam humaniter, & liberaliter animatus sit, ut non præsentis modò beneficiis ornare, sed fatis etiam functos è tenebris excitare, eorumque illustria monumenta vulgare satagat, & , quo solo mortuos prosequi licet, præmio cumulare. Quod quidem eo præstantius, & laudabilius est, quod in illis non officia, sed merita; non obsequia, sed doctrinam, & literas complectatur. Itaque post longam annorum seriem EUSTACHIUS, & MERCATUS opem illam à CLEMENTE XI. nacti sunt, quam plerique Scriptores ab illis ipsis, quos coluerunt, Principibus assequi non potuerunt. Tametsi autem hoc illis fortunatissimum fuerit, ut literatorum beneficentissimum Principem hæc tempora tulerint, ad eorundem tamen felicitatem accessit, quod Te quoque, Vir Clarissime, qui amborum studiis tantopere celebraris, in ipsa SS. CLEMENTIS Aula, intimoque Cubiculo versantem invenerint, cui edenda opera ille commendaret, qui obscura illustrares, mutila suppleres, confusa digereres, & tanquam fœtus proprios omni diligentia, ac sollicitudinis contentione perficeres. Ac mihi quidem Metallotheca Mercati editio, non tam vitio superiorum temporum neglecta, aut dilata, quàm divino consilio Tibi reservata videtur, qui scilicet vita, ingenio, doctrinarum cultu, celebritate nominis, favore Principum, munere, dignitate, ita illum expressisti, ut qui utrumque noverit, Te non solum vindicatis ejus operibus, sed representatis etiam virtutibus Mercatum Urbi Romæ reddidisse fateatur; Ille enim GREGORII XIII. & CLEMENTIS VIII. Tu INNOCENTII XI. & CLEMENTIS XI. Familiaris, & Medicus: Uterque Scriptorum monumentis commendatus; in negotiis transigendis summa utrique dexteritas; par denique utriusque Reipublicæ juvanda studium, & amor; nam ille Metallothecam publicis Philosophorum, & Medicorum usibus comparatam, Tu Bibliothecam libris, & machinis egregiè instructam communi eorundem utilitati dedicasti. Quam igitur Viri optimi Vitam Metallotheca præfigendam, ut tibi morem gererem, exaravi, nomini Tuo inscriptam volui, qui exemplis etiam laborum tuorum conciliare possis narrationi fidem, & dictis auctoritatem. Ut autem illam breviorē fortasse, quam par erat, conscriberem, diligentia tua in causa fuit; enimvero & illustrium Virorum de Mercato testimonia, & subtilem Metallotheca historiam, & alia pleraque, jam à Te occupata, atque in Prolegomenis operis edenda resciveram; quæ à Te exornata à scriptis tuis Lectori petenda relinquere malui, quàm retractando deterere. Enitere modò, dum Mercatum virtute, atque eruditione imitaris, ut illum immaturo fato sublatum pergas vitæ diuturnitate, & incolumi, vegetaque senectâ superare. Vale.

E Bibliotheca Vaticana nonis Januarii MDCCXVI.



# V I T A

## MICHAELIS MERCATI.

**S**PLENDIDUM, ac luculentum Etruriæ Oppidum à Sancto Miniate, cujus ibi Corpus colitur, Samminiatum dictum Langobardi condidere, quod à Desiderio illorum Rege auctum, ac deinde arce imposita à Friderico II. Imperatore communitum, sedes Magistratuum fuit, quos Etruriæ parti sibi olim obnoxia, vicaria potestate Germani præficiebant. Inter illius autem antiquas nobilesque Mercatorum Familia numeratur, in qua tres præcipuè philosophiæ & eruditionis laude claruerunt; Michael, & ex eo natus Petrus, & Michael alter Petri filius, cujus Vitam perscribere aggressi sumus.

Majori Michaeli conjunctissima fuit studiorum, & amicitia necessitudo cum Marsilio Ficino inter superioris ætatis Platonicos magni nominis Philosopho; de quibus illud memoriæ proditum est à Cæsare Baronio, ad annum 411. quod se à Michaeli Mercato integerrimæ fidei Viro accepisse ait: cum nimirum inter crebros, quos de philosophia ferebant sermones, de animorum immortalitate ex Platoniorum placitis quadam die disputassent Marsilius, & Michael, tandem junctâ simul dexterâ sibi mutuo fidem dedisse, uter eorum prior decessisset, superstitem alterum, si liceret, de animorum corpore solutorum statu faceret certiores. Marsilio autem haud ita multo post Florentiæ vitâ functo, rei ignarum Michaellem Samminiati commorantem nocte intempestâ fores domus suæ pulsari inaudisse, cumque fenestram exploraturus aperuisset, hanc ad ejus aures vocem accidisse: *Vera, vera sunt illa*; atque inde equitem candida veste indutum, albo item equo vectum, citato cursu recedentem vidisse. Deinde Mercato visa, & audita apud animum suum assiduè reputanti literas esse perlatas, quibus intellexit, eâ nocte, eâque noctis horâ, quâ sibi pulsatae fores increpuissent, Marsilium obiisse, atque adeò satis illum sponcioni fecisse, fidemque amico obstrictam liberasse. Extant præclara apud Marsilium aliosque de Michaelis hujus probitate & literis testimonia.

Patris sui exemplis insistens Petrus, & ipse Virorum Principum Summorumque Pontificum benevolentia floruit. Hic duos ex illustri fœmina Alphonsina Flaminga conjuge filios suscepit, Michaellem nostrum viii. idus Apriles anno M D XLI. in lucem editum, & Franciscum; qui parentem satis functum omni pietatis officio prosecuti sunt; ejusque memoriam insigni hoc Elogio, quod in Samminiateni Aede Sancti Francisci legitur, posteris commendarunt:



## P E T R O M E R C A T O

*Philosopho, & Medico præstantissimo,  
Qui bonas Artes prudentia, fide, & religione  
Ornavit,*

*Domus clarus fuit, foris honoratus,  
PIO V. & GREGORIO XIII.*

*Summis Pontificibus*

*Cognitus, & gratus,*

*MICHAEL, & FRANCISCUS filii*

*Parenti optimo posuere.*

*Vixit annos LXXI. dies XIII.*

*Obiit idibus Maji M D LXXXV.*

Minori Michaeli neque à natura, neque ab institutione, neque ab industria quidquam defuit, quo minus ad optima quæque jam indè à puero comparatus, & instructus videretur. Subtilissimo enim ingenio firmam memoriam, & acerrimum supra ætatem judicium conjunxerat. Eaque bonarum frugum semina mirifica parentum sedulitate ita exculta sunt, ut celebritate nominis annos prævertere, & brevi maximas in doctrinis, atque honoribus progressiones facere potuerit.

Primis igitur ad humanitatem artibus in patria informatus Pisas adiit, ubi clarissimis usus Magistris Philosophiæ, ac Medicinæ publicè Doctor est appellatus; tantamque sui admirationem apud celeberrimam illam Italiæ Academiam commovit, ut non in oculis modò, & ore discipulorum esset, sed Doctores ipsi discipulum suspicerent; inter quos Andreas Cæsalpinus Michaelis doctrinam luculento, & magnifico testimonio profecutus, tanto auditore non immerito gloriatur.

Exacto Academicorum studiorum curriculo Romam se contulit; cùmque annum vixdum ætatis vigesimum excessisset, à Sancto Pio V. Pont. Max. horto Botanico Vaticano præfectus est. Quod quidem tam Sancti, ac sapientis Pontificis judicium ad Michaelis etiam tum adolescentis laudem, & probitatis simul, atque eruditionis non vulgare argumentum redundavit. Quam autem sedulitatem, & diligentiam in ea provincia ornanda Mercatus præstitit, præceptam apud omnem existimationem ingenii, doctrinæque affirmavit, & auxit. Jam tum ille Metallothecam in proximis ædibus horto imminentibus instruere occæpit, quam deinde metallis, ac fossilibus omnis generis undique conquisitis locupletavit; tum etiam figuris ære expressis, & luculentissimis dissertationibus explicavit, typis edendam, nisi dilatum, & affectum opus, doctis Viris tantam jacturam deflentibus, mors tandem immatura intercepisset.

Annum agebat Michael septimum supra vigesimum, cùm Ferdinandus I. Magnus Dux Etruriæ, ut benevolentiae, & amoris sui in Mercatum eruditionis fama ubique jam celebrem aliquod extaret monumentum, inter nobiles illum Florentiæ Familias adscriptum voluit; Senatusque Romanus proximo post anno eundem amplissimo privilegio Romanâ quoque nobilitate donavit.

Apud



## MICHAELIS MERCATI. xxij

Apud Gregorium XIII. non minori valuit gratiâ Mercatus, inter illius enim familiares connumeratus est, eique supremo morbo decumbenti sedulus, & assiduus adfuit, ut epithemata jacenti imponeret, cæteraque remedia adhiberet. Eo Pontifice Mercatus consilia italicè conscripsit de peste, & de iis, quæ clam afflantur venenis; de Podagra, & Paralyfi, quæ Romanis typis anno 1576. prodierunt. Illa Jacobo Boncompagno Copiarum Ecclesiasticarum Duci nuncupavit; in quibus selectiora, & tutiora remedia, quibus ea mala caveri, & propulsari possent, indicavit. Quod quidem opus ita Medicis probatum est, ut Cosmo II. Magno Etruriæ Duce paralyfi correpto, Florentini de curandi ratione Mercatum consuluerint.

Xystus V. ingeniorum Judex acerrimus, & incorruptus amplis redditibus, & Apostolici Protonotarii dignitate Michaellem auxit, qui sub ejus auspiciis plerisque in Romana Curia muneribus egregiè perfunctus, cum probitatem, sapientiam, candoremque animi sui cunctis probasset, comes Cardinali Hippolyto Aldobrandino, qui postea Sedem Apostolicam tenuit, ab eodem Xysto additus est, cum Hippolytus ad Sigismundum III. Poloniæ Regem pro pace inter illum, & Maximilianum Archiducem Austriæ componenda Legatus esset. In ea negotii asperitate Mercatus quàm sapienter, & naviter versatus sit, Hippolytus ipse datis ad Xystum Pontificem literis testatus est, egregiasque in ea pace jungenda Mercati partes commendavit. Itaque Laurentius Frizolius Româ Cracoviam Mercato per literas gratulatus est, quòd negotiis non interesse solum, sed etiam præesse prædicaretur. Eam opportunitatem ditandæ, augendæque Metallothecæ suæ intercidere non est passus Michael, institutisque longis etiam itineribus, ut fodinas illarum provinciarum lustraret, metalla quæcunque posset, observavit, corrogavitque. Laudavit præterea, nec immerito Cardinalis idem Aldobrandinus ad Xystum scribens, Michaelis ingenium in eo, quòd librorum subsidio destitutus, solâ memoriæ ope in illo Polonico itinere librum exaraverit de Obeliscis, quem Xysto V. nuncupavit, cujus deinde operis supplementum emisit, unâ cum doctissimis animadversionibus ad ea, quæ Latinus Latinus observaverat. Ita illum neque ab studiis negotia, neque à negotiis studia divellebant. Apud externos autem Principes tantam gratiam inivit, ut cuncti illius ingenio, & consuetudine plurimum delectarentur. Et quidem Rodolphus ipse Imperator, sapientiâ, doctrinâque Mercati mirificè captus, cum illum in Italiam remeantem iterum videre optaret, ægrè tulit, quòd reditum Pragâ, ubi illum præstolabatur, minimè instituisset, ut Franciscus Lenzonus Magni Ducis apud Imperatorem Ablegatus scribit ad Mercatum.

Hippolyto Aldobrandino ad Petri Cathedram evecto, qui Clemens VIII. est appellatus, Mercati fortuna, gratia, & auctoritas magnis auctibus increvit; ejus enim Pontificis Archiater fuit, quem Patronum studiosissimum habuerat, & laudatorem. Atque illud quidem non exiguum fuit benevolentiae Sanctissimi Principis in Mercatum, & Mercati in Patriam suam amoris documentum, quòd cum veterem arcem Samminiati à Friderico II. Imperatore extructam coemisset, quem etiam nunc Mercati possident, à Summo Pontifice obtinuerit, ut in celebri ambu-  
lacro



lacro Vaticano inter Urbes insignes depingeretur, cui hanc epigraphen adjecit: *Miniatense nobile Oppidum à Desiderio Rege auctum, postea à Friderico II. intra cursum Imperii Vicariorum sede, Altodescum Tribunal ideo appellatum.*

Nullum autem fuit negotiorum genus, in quo solertiam, & dexteritatem suam non celebravit. Præ cæteris verò Ferdinandus Magnus Dux Etruriæ Mercato usus est maximis in rebus. Nam, ut Clementis animum in Henricum Navarræ Regem hæresi infectum leniret, crebras ad Mercatum literas dedit, ab eoque Pontificis responsa accepit. Contra verò cum Petrum, & Cynthium Aldobrandinos Summi Pontificis fratris filios inter Cardinales cooptari vehementer cuperet, curaretque Mercatus, Ferdinandum ipsum rogavit, ut apud Cardinalem Montaltum officiis suis illorum honori velificaretur, quod ab illo haud segniter præstitum prosperè cessit. Ad ampliores autem dignitatum gradus Michaellem Clemens provexisset, nisi in prospero rerum cursu mors intercessisset Viri doctissimi. Jam enim Commendatarium, ut vocant, Sancti Spiritus in Saxia Mercatum designaverat, sed antequam *magnificentissimi muneris*, ut scribit Prosper Mandosius, *possessionem adiret, diem clausit extremum.*

Illa nunc commemoranda veniunt, quæ Philosophiæ, ac Medicinæ studiis, quæ partis honoribus & dignitatibus, collatisque hominum laudibus longè antecellunt; argumenta scilicet christianæ pietatis, quæ Mercatus edidit per omnem ætatem, quæque illi Summorum Pontificum, & illustrium hominum favorem pepererunt. Fuit enimvero mirificus in eo religionis cultus, virtutis studium, atque eximia in pauperes & sacra loca liberalitas. Siquidem ut sacrarum Virginum Cœnobium, quod Sanctissimæ Trinitatis nuncupatur, in Patria institueretur, sub Pio IV. strenuam operam navavit, & tandem à Pio V. impetravit, ut Apostolica auctoritate confirmaretur; ubi tres Sorores suas, tanquam novi operis Fundatrices Deo consecravit, magnam vim auri construendis Ædibus contulit, paternas substantias Cœnobio dicavit, quod postremo bonorum suorum hæredem scripsit. Eximio illum amore profecuti sunt Sanctus Philippus Neri, Juvenalis Ancina, Cæsar Baronius, aliique Patres Congregationis Oratorii doctrinâ, & sanctitate primarii. Cum anno 1582. ita ægrotaret Michael, ut pater ejus Petrus, qui tum Romæ Medicinam profitebatur, rebus propè conclamatis vehementiùs angeretur, Sanctus Philippus utrique conjunctissimus divino instinctu bono illos animo esse jussit, & recuperandæ salutis responso confirmavit. Atque anno deinde 1586. cum iterum diuturno morbo conflictatus esset, in Vallicellanas Ædes Sancto Viro annuente se recepit valetudinem confirmaturus, qua de re Ancina cum Nerio per literas gratulatus est; ac Cæsari Baronio scribens, cum Patres cæteros salvere juberet, honorificis verbis mentionem Mercati inter illos diversantis injiciebat. Servantque adhuc Samminiatenses Sancti Philippi manu datas ad Mercatum literas.

Tantis sanctorum, doctorumque Virorum studiis celebratus ad annum 1593. pervenerat, cum Junio mense ex renum affectione decumbere coactus, paulatim ingravescente vi morbi, spem vitæ amisit. Nihil autem ei curæ prævertit, ut cum Beato Philippo antea vitæ rationes



tiones conferret, & christiano ritu maculas expiaret, cæteraque virtutum, à quibus nullo unquam ætatis tempore abhorrerat, officia præstaret. Ingentem itaque pecuniam pauperibus distribuendam cum erogasset, ejusdem Philippi, & Cæsaris Baronii consilio supremam voluntatis suæ testationem ordinavit. Nihil autem admirabilius fuit, quàm religiosissimo homine digna vehementissimi doloris patientia. Eo enim morbo decessit, quo vix alius esse possit acerbior. Cruciatus tamen diuturnos ita pertulit, ut de tranquillitate mentis nunquam excideret, neque ulla aut rationis, aut consilii perturbatione commoveretur; sed potius assiduas Deo ageret gratias, laudesque persolveret, piis precationibus jugiter intenderet, atque incredibili animi præsentia æternæ vitæ curam nunquam intermitteret. Clemens VIII. ad illum invisendum sæpe intimi Cubiculi familiares, & Præfectum ipsum dimisit, cumque desperatæ valetudinis nuntium accepisset, obortis lacrymis, Magnæ, inquit, probitatis Virum, & Familiarem optimum amittimus. Deinde ab eodem Sancto Philippo salutari Viatico refectus, & sacro Oleo perunctus, Summi Pontificis benedictione donatus VII. kal. Julias ab humanis excessit, cum ætatis annum secundum supra quinquagesimum egisset, & mensis tertii diem sextum.

Intercesserat Michaeli non solum cum summis Viris, qui in Romana Aula versabantur arctissima necessitudo, animique conjunctio, sed maximi etiam Proceres, ac Reges ipsi illius amicitiam per literas coluerunt. Nam præter Cardinales Alexandrinum, Cremonensem, Comensem, de Monte, S. Stephani, & Mediceum, qui postea Leo XI. Pont. Max. renunciatus est; ejus operam flagitabant, ut res sese dedisset, Duces Urbinas, Etruscus, Venetus, Archidux Austriæ, & Sigismundus Rex Poloniæ. Eximiis eum laudibus ad cælum ferre solebant Andreas Cæsalpinus, Marsilius Cagnatus, Angelus Bargæus, Latinus Latinius, Melchior Guilandinus, Vincentius Mazzonus, Hieronymus Mercurialis, & Ulysses Aldrovandus, alique permulti rerum naturalium, atque interiorum literarum cognitione per eam ætatem celebrati, qui sive in obscuris Scriptorum locis, sive in Philosophiæ, ac Medicinæ difficultatibus explicandis Michaellem adibant, ejusque judicium exquirebant; præter cæteros, qui consecutis post Michaellem temporibus, memoriam ipsius, & scripta celebrarunt.

Fuerat in Mercato mite ingenium, & in omnes benevolentia, atque humanitas singularis. Nullas unquam exercuit similitates. Literarias cum amicis controversias ita egit, ut non tam sententia dissidere, quàm officio certare videretur. Neminem habuit aut gratiæ suæ invidum, aut fortunæ infestum, aut eruditionis, & gloriæ adversarium. Ut amicis, ac literatis Viris commodaret pro se impigre adnifus est. Cum summa solertia simplicitatem, & antiquos mores conjunxit. Procul omni astu, & vafricie ad honores grassatus est fide, virtute, & industria. Habitu corporis fuit subpingui, atque ad membrorum exercitationem inertior; legendi autem commentandique, supra quam ratio valetudinis pateretur, studiosior; iisque propterea morbis obnoxius, qui à corporis quiete, animique contentione progigni solent.

In dissecto demortui cadavere lapides duo in ureteribus hærentes inventi sunt, quorum alter nucem avellanam mole æquabat; alter verò



proximè accedebat. In renibus minuti alii albicantes numero sexaginta; in cysti autem fellea sex & triginta obscuri coloris, & angulares, qui ciceris magnitudinem referebant; itaut faterentur omnes, Mercatum non temerè dicere solitum fuisse, se lapidum fodinam in corpore gerere; *quasi dum terræ cuniculos rimaretur*, ut de illo scripsit Cæsalpinus, *in se ipso non absimilia procrearet*. Ingenti desiderio, luctuque bonorum omnium, supremis sacris illi parentatum est in Æde Vallicellana, ibique in sepulcrum Familiæ Mediobarbæ cadaver illatum in Sacello, ubi tum celeberrimam Imaginem Beatæ MARIÆ colebant, quæ deinde Aræ maximæ suffixa est.



*Illustrissimo, ac Reverendissimo Viro*

**CAROLO MAJELLO**

AB HONORE SACRI CUBICULI,

Et Vaticanæ tum Basilicæ Canonico, tum Bibliothecæ Præfecto.

JO: MARIA LANCISIUS S. P. D.

**N**ISI judicium tuum semper elimatum, atque gravissimum agnovissem, eique plurimum deferrem, libenter crederem laudes, quas in me confers, VIR CLARISSIME, ab amore potius, qui sæpe nobis imponit, quàm ab ulla studiorum meorum existimatione profectas, atque idcirco tuis magis moribus, quàm ullis meis meritis acceptas esse referendas. Cogor tamen, Te judice, etiam invitatus mihi placere: scilicet literatissimi, ac prudentissimi Viri testimonio cedente conscientia. Illud quidem ab iis, quibus ingenium qualecunque meum perspectum est, non agrè forsitan per Te impetrabo, ut à me non diffiteantur in omne tempus laborem pro virili parte hilariter susceptum fuisse, ubi vel ad sarcienda prisorum literatorum damna, vel ad curandas, antevertendasque in Ecclesiasticis ditionibus epidemias imperium Principis benignè vocavit. Immortales interea tibi gratias habeo, agoque pro tanto in me collato non officio solùm, sed beneficio: posteritas enim tenuitatis meæ penitus ignara æquo animo arbitrabitur, me talem vixisse, qualem Tu, VIR ILLUSTRISIME, eloquentissimus præco promulgare, & prædicare dignatus es.

In eo autem, quòd affirmes aliquid conatibus meis debere MERCATUM, humanitati tuæ cùm indulgeas, ipse parcere modestiæ tuæ nec possum, nec debeo. Nam tibi potius præcipuam illius famæ partem tribuent Lectores: Metallotheca siquidem opus (ut de reliquis minoris momenti taceam) certis quibusdam eruditionis finibus continetur: rectus verò, ac decorus vitæ ejus cursus, quem præstans pariter, atque exercitatus stylus tuus explicavit, ornavitque, immensum quid completitur, ac perstringit, nimirum Auctoris Patriam, ingenuos eximiosque parentes; mirificam indolem cum suavissimis moribus; sedulam educationem, ac sub egregiis præceptoribus disciplinam; assidua studia summam eruditionem; amicitias Viro- rum etiam Principum virtute conglutinatas; ampla, gravioraque munera strenuè suscepta, & feliciter gesta; itinera quoque, Fortunas; improbum in naturæ operibus vestigandis laborem; pietatem denique singularem, propter quam animorum similitudine cum hominibus non tantùm probis, sed etiam verè sanctis vixit conjunctissimè, atque inter eorundem manus, precesque defecit. Enimvero si nuda Scriptorum imago spirantem illorum quasi mentem, tacitumque sermonem intuentibus ingerit, ut eorum ingenia abunde jam novisse videamur, cùm vultum tantummodo conspexerimus (in oculis namque, frontisque lineamentis perspicuum quid, & animæ veluti speculum à Deo nobis objectum fuisse, satis, ut arbitror, in Physognomonica nostra dissertatione demonstravimus) quantò posteri nunc tutius, certiusque de Mercati ingenio, moribus, doctrina, meritisque judicium ferre poterunt, postquam in hujus operis vestibulo non oculis solam intuebuntur oris illius, sed absolutam quoque totius vitæ imaginem per Te politè, eleganterque descriptam, mente, animoque lustrabunt? Et quidem Philosophorum, ac literatorum hominum vita cumulatiùs, & vehementiùs quàm scripta ad disciplinas colendas instruit, & accendit, quippe quæ legentibus nobis expeditum iter ostendit, ut non solùm, quæ illi scripserint, planiùs assequamur, sed eò etiam doctrinæ, ac



*sapientia, quò illi pervenerint, ipsi perveniamus. Quid? quod certam fidem dubia rei solet interponere, qui Auctorum gesta ipsorum libris præponit. Lectores enim, nisi exploratum habeant studia à Scriptoribus recta ratione diu fuisse suscepta, atque exculta, facile pendent animis in eo potissimum hærentes, num commentaria, plena quanquam eruditionis, ac prudentiæ, legitima sint, an è contrario, quod sæpe accidit, supposititia. Vidi non semel eximios codices, qui suppresso Auctoris, & suffecto plagiarii nomine, extorta etiam ab aliis laude, circumferebantur.*

*Itaque nemo videbitur post maximam SANCTISSIMI PONTIFICIS auctoritatem, ac munificentiam diligentissime adhibitam in eruenda è vetustatis tenebris, atque in lucem proferenda MERCATI METALLOTHECA, Te uno melius, VIR SAPIENTISSIME, immortalis hujus Scriptoris memoriæ, & Lectorum utilitati consuluisse. Fac interim, ut valeas, & cura diligenter, ut dulcis studiorum labor ita animum oblectet, ut corporis sanitati non officiat.*

*Ex Museolo in Quirinali x. kal. Februarii M DCC XVI.*



# PETRUS ASSALTUS

## LECTORI SUO.

CUM ab Illustris. LANCISIO munus mihi sanè jucundissimum fuerit injunctum, ut in hoc præclaro Historiæ naturalis monumento notis illustrando, meum quaecunque symbolum unà cum ipso conferrem, illudque propterea diligenter pervolutaverim, nonnulla animadverti, de quibus candidum Lectorem moneri, operæ pretium existimavi.

Ac primò quidem cùm Volumen hoc nulli prorsus in eodem genere hætenus edito de Iconum præstantia concedat, ideoque, quemadmodum in egregiis Operibus usuvenit Auctoris noscendi desiderium facilè pariat, haud æquum esse judico, ut eorum nomen lateat, qui suo artificio, vel sumptu posterorum eruditioni oblectamento, eximiæque artis ornamento consuluerunt. In his itaque Tabulis pingendis, atque incidendis, usus fuit Mercatus. opera Antonii Eisenhout Vvarburgensis, ut ipse tradit Armario IX. Cap. V. *Antonius Eisenhout Vvarburgensis insignis adolescens, cujus arte cùm in pingendo, tum in sculpendo aliquot jam annos usi sumus, quantumque profectum sit, nostræ Tabellæ indicabunt.* Verùm quia nonnulli dictarum Iconum ærei typi reperiri nullo modo potuerunt (ut idem Illustris. Lancisius in sua Præfatione indicavit idcirco Summi Pontificis jussu ex Tabulis impressis, quæ in Codice m.s. appositæ extabant, sequentes, ab Aloysio Gomier Artifice perito, non minùs eleganter in æs fuerunt incisæ, inscripto ejusdem Artificis nomine, quo ab aliis faciliùs dignoscantur: *Quantum Dioscoridis Alcyonium. Isidis plocamos secundus. Isidis plocamos tertius. Lapis Phrygius fungos ferens. Pumex. Avis Japonica. Trochites. Enastros. Ctenites. Porphyroides. Lepidotes alius. Lapis Sarnius.* Earum verò damnum præstari nequaquam potuit, quarum nec æreæ Tabulæ, nec charta impressæ repertæ sunt: harum autem locus indicatur ubicunque inscribitur *Deest Figura*, exceptis Statuis marmoreis, quas ex ipsis archetypis, quas Summus Pontifex, nè quidpiam in tam egregio Opere desideraretur, delineandas, ac incidendas à variis Artificibus mandavit, addito Cleopatraræ simulacro.

II. Ad singulorum quinque duntaxat Armariorum calcem variorum fossilium species, quæ ad ea pertinent, quæ in dictis Armariis recensentur, breviter describuntur. Nè quis igitur suspicetur aut nostra negligentia in reliquis armariis hujusmodi indices fuisse omissos, aut casu aliquò deperditos, aut ab ipso Mercato nondum opus ad umbilicum perductum accipe cur id factum esse probabiliter existimemus.

In prioribus quinque Armariis agit Auctor de Terris, Salibus, Alumine, Succis acribus, & Bituminibus, quorum Historiam singulis Capitibus cùm eruditè, ac fusè persecutus esset, varias, ac plurimas eorundem species, quæ in ipsius Museo asservabantur, tum quòd figuram aliquam insignem non præferrent, haud dignas censuit, ut earum Icones in Capitibus interponebantur; tum quòd brevi enarratione egerent, singulis Capitibus enarrandas non duxit; sed brevi descriptione complexus, ordineque dispositas in fine Armarii indicis formâ eleganter digessit: quos quidem indices apprimè utiles, ac jucundos ob mirificam naturæ varietatem, & copiam hujusmodi rerum studiosis fore arbitramur.

In cæteris verò Armariis cùm ea describere aggressus sit, quæ forma peculiari præstant, ideò Iconibus elegantibus expressit, & fusiùs, atque aptè singulis Capitibus descripsit, quæcunque Armariorum Loculis includebantur.

Deni-



III. Denique Armario IX. singulis ferme Capitibus Loculorum numerus adscribitur, quo ordo indicatur, quo lapides idiomorphi in Metallotheca ipsa materiali collocati erant. Hic autem Loculorum numerus in quibusdam dicti Armarii Capitibus non habetur, quia in iis lapides recensentur, quorum naturam ex aliorum Historia expiscatus est Mercatus, quosque nec unquam nactus est, nec fortasse aspexit. In ceteris verò Armariis nullibi reperitur, quòd cum hæc Auctor scripsit, non adhuc singula naturalia corpora suis locis in Metallotheca disposuisset. Videtur autem Mercatus potiori cura studuisse lapidibus idiomorphis in suos ordines tribuendis, quod maxima esset apud ipsum illorum gratia: eos enim tanquam naturæ sponte genitos, ac varias animalium imagines adamussim exprimentes, summa admiratione dignos arbitratur.

Quæ quidem ita se habere quilibet cognoscere poterit ex Metallothecæ autographo, quod unà cum æreis typis post absolutam editionem Vaticanis Ædibus, unde prodierat, restitui, atque in Bibliotheca inter alia ornamenta collocari Summus Pontifex, qua est in veterum monumentis restaurandis propensione, iussit, ut quodammodo amissæ naturalis Metallothecæ damnum refarciretur.



TESTIMONIA  
CLARISSIMORUM VIRORUM  
DE  
MICHAELE MERCATO

Ex eorum vel autographis descripta, vel operibus excerpta.

*Epistola*

S. PHILIPPI NERII.

*A tergo:* Al Molt' Illustre, e Reverendiss. Monfig. mio Osservandiss.

Il Sig. Michael Mercati.

S. Miniato d'Alto Desco.

*Intus verò:* Molt' Illustre, & Reverendiss. Monfig. mio Osservandiss.

**L** A Lettera di V.S. Molt' Illustre, e Reverendiss. insieme insieme mi ha recate molte cagioni di allegrezza; & la prima si è, che molto mi è piaciuto intendere il suo arrivo costì a salvamento, & che il viaggio non solo non l'è stato molesto, anzi principio di miglioramento, & accrescimento di sanità: il che mi aggrada grandemente, essendo uno de' maggiori desiderii, & cosa grata, che mi potesse succedere di presente; l'altra cagione di contentezza è, che non solamente ha ella principio di acquisto di sanità, ma, siccome scrive, va alla giornata acquistando; di che ne ringrazio il Signore, sperando la totale recuperazione della pristina sanità, sì per l'amenità dell'aria, & delle Persone da bene, & d'ingegno, dalle quali averà contentezza interiore, che aiterà a consolidare il tutto; la sua Rocca di più, che le gusta per la vaghezza de' Giardini, de' Salvaticchi, di Pomarii, & altre vaghezze, che lei gode mi reca similmente contentezza; perchè insieme con lei mi contento, & allegro di qualunque vaghezza ivi si trova: & lei la gode presenzialmente, & io mi godo, che ella ne gioisca; & con l'animo ho la mia parte della contentezza, che ella ne prende; mi aggiunge consolazione l'intendere, che le Sorelle di lei, & Spose di Christo tenghino memoria di me, & ancora più per la buo: mem: del Padre loro, il quale mentre visse, se li piacque haver, e spargere qualche buon'odore di me, quello procede dalla innata bontà sua, & che egli era avvezzo a pensar bene, & parlar meglio di chi trattava seco, la quale bontà ho sempre ammirato, & hora mi persuado, che egli ne colga il frutto in Cielo, & l'istessa bontà havendo hereditato sue Figliuole facilmente seguiranno le orme di lui, le quali tutte saluto con affetto santo, & di cuore godendomi, che la grazia del Signore in esse verrà a perfezionar li doni naturali, sicchè cresceranno  
di



di spirto, e di virtù, il che desidero assai. Circa poi quel personaggio, che desiderano sia assunto al sommo grado, il desiderio loro procedendo da buona, & semplice intenzione, può essere preso bene, ma mi par più sicuro, pregar in generale per quello soggetto piacerà alla Divina Provvidenza concederci; & restando tutto di V.S. le prego santa consolazione.  
Di Roma il dì 3. di Maggio 1591.

Di V.S. Molt'Illustre, & Reverendiss.

*Affezionatiss. Servo in Christo*

C. Filippo Neri.

### *Epistola*

## JUVENALIS ANCINÆ.

Illustre, e Molto Reverendo Signore.

**A** Gli molti obblighi vecchi, che io tengo con V.S. due altri nuovi mi vengono aggiunti, l'uno della carità usata a mio fratello mezzo ophtalmico: l'altra del nuovo libro di Avvertimenti suoi, quale mi è stato gratissimo, e spero goderlo per la prossima settimana, che sarà legato: del che tutto quanto più posso, la ringrazio, e le ne bacio riverentemente le mani. Quello degli Obelischi, pieno di tanta erudizione, e grata varietà, lessi già sin d'Ottobre passato nella mia convalescenza, e fecilo gustare sapientemente a certi Cavalieri Napolitani, dotti, e curiosi di cose antiche più recondite. Hor la prego, e scongiuro a voler quanto prima mandare in luce la bellissima, rara, e divina sua METALLOTECA, senza più indugiare, per non privare il mondo di tanto frutto; oltreche la morte viene, e spesso rompe i disegni di molti anni passati. Morte vi s'interpose, ond'ei no'l fe. Memento, quia mors non tardat. Eccli. 14. Con qual fine a V.S. e a Monsignor Frizzolio di tutto cuore mi offro, e raccomando, pregandole ad entrambi da Dio N. S. ogni vero contento.

Napoli li 15. Giugno 1590.

Di V.S. Illustre, e Molto Reverendo

*Devoto Servo Obbligatissimo*

Giovenale Ancina.



*Epistola*C A R D I N A L I S  
HIPPOLYTI ALDOBRANDINI.Exinde ad Pontificatus fastigium eveſti Nomine  
CLEMENTIS VIII.*A tergo: Sanctiſs. Domino Noſtro Sixto V.**Intus verò: BEATISSIMO PADRE.*

**P**Otrà ben la Santità Voſtra, ſenza il mio teſtimonio, ſolo leggendo il Libro di Monſign. MERCATI, Protonotario Apoſtolico, degli Obeliſchi di Roma, che ora egli dedica a Voſtra Beatitudine, conoſcere di lui una grandiffima erudizione, & una cognizione eſattiſſima delle iſtorie antiche, & una oſſervazione minutiffima, & diligentiffima, non ſolo delle coſe, ma de' tempi, de' luoghi, & di tutte l'altre circonſtanze, & un'acume d'ingegno grandiffimo nel congetturare quelle coſe, le quali o la poca diligenza degli Scrittori antichi, o l'ingiuria del tempo ci ha laſciate molto oſcure, & un giudizio graviffimo nel metodo, & diſpoſizione di tutta l'Opera. Ma ſenza il teſtimonio mio, o di altri, che l'haveſſe veduto, come ho fatto io, difficilmente potria, ſe io non m'inganno, Voſtra Beatitudine ſapere quello, che a me è parſo, & parrà ſempre degno di molta maraviglia, come in un viaggio tanto lungo, & tanto travaglioſo habbia egli potuto ſottrarre tante ore alle cure convenute gli per bontà ſua haveſſe nel viaggio, che ſono ſtate molte, & non punto leggieri, havendolo adoperato in queſto negozio della Pace bene ſpeſſo in molte, & di verſe occaſioni, & anco al proprio ſonno, & ſenza ajuto di altri libri, che di quello della propria memoria, & della diligente oſſervazione fatta negli Scrittori antichi, & antichiffimi, & cavare dalle tenebre dell'oblivione materia sì aſtruſa, & quaſi già totalmente uſcita non ſolo all'età noſtra, ma a molte ſuperiori della memoria degli huomini, ſtimolato ſolo da un'ardentiſſimo deſiderio, che porta fiſſo nell'animo di celebrare ſempre, quanto potrà, le azioni veramente eroiche della Santità Voſtra. Di che le poſſo far'io certiſſimo teſtimonio, ſiccome fo, poichè i ragionamenti ſuoi tenuti in queſto tempo meco, non hanno quaſi mai riguardato altro oggetto, che queſto. Se io non ſapeſſi, quanto la Santità Voſtra ama gli huomini dotti, e particolarmente Monſig. MERCATI, il quale inſieme con la molteplicità delle ſcienze ha anco congiunta molta prudenza nelle azioni, & una grandiffima bontà di vita, & candidezza

e di



di costumi, ardirei di supplicare Vostra Beatitudine a ricevere con grato animo & il Libro, & l'Autore del Libro: ma sapendo quanto ella intrinsecamente lo conosca, & ami, giudicandolo superfluo, cesserò da questo, non lasciando però di supplicarla, come fo umilissimamente, & con tutto l'affetto dell'animo mio, a ricevere quest'Opera ancora con tanto miglior cera, poichè insieme riceverà un compagno, & se fusse lecito usar questa parola, un mio comperegrino in questo viaggio. Bacio con questo fine a Vostra Santità con tutta quella maggiore humiltà, che io posso, li santissimi piedi, sperando con la grazia di Nostro Signore Iddio Benedetto, poterlo fra non molto tempo da poi fare di presenza.

D'olmuz alli xvij. di Marzo 1589.

Di Vostra Santità

*Humilis. & Obligatiss. Serv. & Creatura*

Hippolito Cardinale Aldobrandini.

### *Epistola*

## CAROLI DATI

*A tergo: All'Illustriss. e Reverendiss. Sig. Abate Ottavio Falconieri &c.*

*Intus verò: Illustrissimo, e Reverendissimo Signore, e Padron Colendissimo.*

**L**A settimana passata si prese vicino a Livorno un grandissimo pesce, e molto terribile. Era di peso intorno a tre mila libbre. Gli Scrittori di cose naturali lo chiamano Lamia. Il capo venne a Firenze, & il Serenissimo Gran Duca lo diede al Sig. Niccolò Stenone Danese, perchè vi facesse sopra osservazioni anatomiche. Tutti i curiosi sono concorsi a vederlo. E perchè ella pure ne possa goder la vista, le mando quì incluse due copie dell'intaglio di essa testa. Mi dirà V.S. Illustrissima, come può essere, che in così breve tempo si sia fatto a Firenze sì bell'intaglio? Anche quà è giunta questa cosa nuovissima; ma a lei rivelerò il mistero. Agli anni passati io comprai la Metalloteca Vaticana m.f. con tutti i fuoi rami intagliati, mirabilmente descritta da Monfig. Michele Mercati, con pensiero di farla una volta stampare, perchè veramente è Opera insigne; e ne fa menzione onoratissima il Cardinale Baronio nel Tomo degli Annali Ecclesiastici. Il detto Autore con occasione di trattare delle Glossopetre dice, ch'elle sono tanto simili a' denti del pesce Lamia, che da alcuni sono spesse volte scambiate. E dopo averne assegnate le differenze, pone il disegno del capo di



di questo pesce. Mi sovvenne di ciò, e trovando il rame, ne ho fatti tirare num. 12. soli, per non offendere l'intaglio, che è gentilissimo, risparmiandolo per la stampa dell'Opera. Quì mi pigliarò sicurtà di confidare a V.S. Illustrissima un mio pensiero. Il m. s. e i rami mi costarono dugento piastre, e promisi 12. copie a suo tempo. Ma perchè a stampar l'Opera con ogni squisitezza, dugento doppie non bastano, e a me sono cresciute molte spese, e a questi anni forti diminuite le rendite, non posso assolutamente effettuare il disegno. Per essere quest'Opera compilata sotto la protezione di Sisto V. e la Galleria eretta, e conservata a quei tempi nel Vaticano, mi pareva obbligo, pubblicandola, di dedicarla ad un'altro Sommo Pontefice, e particolarmente al Regnante, per tutte le circostanze superiore a quel, che mai si possa desiderare. Favorisce il mio concetto l'essere nelle stampe lasciati voti gli scudi dell'armi Pontificie, da potervi collocare le insegne gloriose della nobilissima Casa Chigi. Monsignor Magalotti avendo, non so come, penetrata questa mia intenzione, aveva destinato con opportuna occasione di farla palese alla Santità di Nostro Signore, e congiuntamente l'impossibilità di adempirla senza un'ajuto di costa proporzionato. Ma prevenuto dalla morte, non potette farmi questo suo spontaneo favore. Se V.S. Illustrissima con occasione di far vedere la stampa, con la sua innata gentilezza volesse toccare qualche cosa di questo affare, farebbe a me un gran beneficio, ed al Pubblico insieme, perchè se non si muta vento per me, il quale io non veggio d'onde si possa spirare, io non sono in grado di far questa grande spesa, e mi trovo avere inchiodate 70. doppie, senza minima speranza di mai ricuperarne un picciolo. E quel, che più mi preme, non vedendo il modo di far pubblica questa fatica, stata occulta più del dovere. Se io non mi trovassi in Villa mandarei a V.S. Illustrissima il Frontespizio, e la veduta della Metalloteca, che sono due bellissimi rami, benchè siano assai più belli quelli delle cose naturali, intagliati con tanta finezza, che si lasciano addietro ogn'altro libro stampato sin'ora di sì fatte materie. Gli mandarò la prossima. Intanto assicuro V.S. Illustrissima, che per tutti i requisiti è Opera, che merita la Protezione, e il Nome di un tanto Pontefice. Se mi fortisse impetrar questa grazia dalla generosità di Sua Beatitudine, la vorrei stampare prestissimo, e venir subito a Roma a presentarla in persona. Sig. Ottavio mio abbracci V.S. Illustrissima questo negozio col suo solito affetto verso di me, e col suo nobil zelo di promuovere le buone lettere, in premio del quale il Signore Iddio le conceda tutte le felicità, che io le bramo, le quali sono infinite e per grandezza, e per numero. E senza più mi confermo  
Di Firenze 25. Ottobre 1666.

Di V. S. Illustrissima

Serv. Devotiss. ed Obbligatiss. di cuore

Carlo Dati.



*Alia Epistola ejusdem*

## CAROLI DATI.

*A tergo* : All'Illustriss. e Reverendiss. Sig. Abate Ottavio Falconieri &c.  
*Intus verò* : Illustriss. e Reverendiss. Signore, e Padron Colendiss.

**D***Alla gentilissima di V.S. Illustrissima intendo, che la testa intagliata del pesce Lamia, cavata da un rame della Metalloteca Vaticana di Monsignor MICHELE MERCATI, ha mosso curiosità a V.S. Illustrissima di restar pienamente informata delle qualità di quest'Opera; e in che maniera si trovi appresso di me.*

Di Monsignor MERCATI non perdo tempo a darle notizia, perchè il valore di esso, e l'Opera degli Obelischi l'ha reso celebre, e particolarmente in cotesta Città. Anzi io spero da lei a suo tempo qualche ajuto per fare di questo Letterato un breve Elogietto storico. Fra gli altri studj di questo Prelato fu quello delle cose naturali, e spezialmente delle Metalliche: onde mentr'era al servizio di Sisto V. Pontefice Massimo formò nel Vaticano una copiosissima Metalloteca, la quale poi descrisse in lingua latina, secondo l'ordine, col quale era disposta, trattando le principali materie con eguale curiosità, erudizione, ed eleganza; ed adornolla di figure intagliate in rame con estrema finezza, senza guardare a spesa, o diligenza veruna.

*Prevenuto dalla morte, non potette pubblicare detta Opera, che già era riveduta, e passata da' Superiori, e resa famosa dal testimonio dell'Eminentissimo Cardinal Baronio nel Tomo I. degli Annali Ecclesiastici, dove tratta del vino mirrato dato in Croce a GESU Cristo Signor Nostro. Restarono adunque presso agli eredi il m.s. e i rami, con grandissimo pericolo di andar male, e furono più volte in cimento di essere portati oltre i monti. Agli anni passati avendone io qualche precedente cognizione, procurai di veder l'uno, e gli altri, e talmente me ne invogliai, che avanti di restituirgli, negoziai, e conclusi la compra, con qualche mio scomodo, per la somma di 70. doppie, e num. 12. copie, quando l'Opera si fosse stampata. Fatta diligente rassegna de' rami finiti, abbozzati, e rifatti, che in tutto sono 130. non trovo, che vadano in opera se non 118. e forse altri due, de' quali non mi assicuro. Ben'è vero, che il rame degli Armari, per i quali si distinguono i trattati, e le materie, va replicato parecchie volte con diverso titolo, in tal maniera, che in ogni Volume compariranno in tutto 130. figure, o poco meno, ma fatte per eccellenza, è certo, che a farsi costarono più di mille piastre.*

*La stampa sola a farne 500. solamente, cioè 400. in carta di pesto fino, e 100. in carta reale, importerà almeno 200. doppie; e se i fogli ricrescono, non basteranno &c.*

*Per essere questa Galleria stata eretta in Vaticano, e perciò Vaticana intitolata, a diletto, e spese di un Sommo Pontefice, il mio concetto era,*  
 pub-



## CLARISSIMORUM VIRORUM. xxxvij

pubblicandola, consegnarla al nome glorioso del Regnante Pontefice Ottimo Massimo, e riempire i vuoti delle armi Pontificie, con le insegne trionfali di Casa Chigi &c.

Non mi resta se non un buon desiderio, e un godimento di avere assicurata quest'Opera degnissima, perchè altri, quando che sia, abbia miglior fortuna di pubblicarla.

Questo è quanto posso significare a V.S. Illustrissima in questo proposito; alla quale, oltre il Frontispizio, e la Veduta, invio anche il rame della Zolfatara, che è il maggiore di tutti. Gli altri sono mezzani, e alcuni piccoletti &c.

Di Firenze 6. Novembre 1666.

Di V.S. Illustrissima

Serv. Devotiss. ed Obbligatiss.

Carlo Dati.

## CARDINALIS BARONIUS

Sæculo I. pag. 171.

**S**ed quænam revera esset myrrha, & ex ea confecta vasa myrrhina, & quod in eis conditur vinum myrrhinum, seu myrrhatum, dilucidius intelligere, ut valeremus, diu, multumque pervestigavimus. Sed feliciter occurrit nobis MICHAEL MERCATUS Miniatensis, Protonotarius Apostolicus, Sanctissimi Domini Nostri intimus familiaris, celebris ætate nostræ Philosophus, rerum naturalium eruditissimus: qui haud assentitur Plinio dicenti, naturam vi coloris humorem sub terrâ densare, ac glebam ex eo procreare, ex quâ myrrhina cavari possint: quin potius ipsam materiam ex myrrhæ arbore incisâ fluentem in massam coagmentari tradit; coloribusque ad speciem inductis, artem inde potiora fingere, quæ in summis Populi Romani deliciis essent. Confirmabat hæc ille rationibus, quas quidem explicat in Opere, quod omnium rerum fossilium naturam completitur, ubi & demonstrat myrrham esse (nam opinio recentiorum in hac re varia est) quam Indi hac nostrâ tempestate *Benzui* vocant: idemque talem phialam ex India per Lusitanos advectam, donoque sibi datam promebat ex suâ Metallothecâ Vaticanâ, quam omni naturæ varietate instruxerat. Certè quidem idem est color benzui, qui myrrhæ describitur, nempe maculosus: nam Martialis ait:

*Florat Eros, quoties maculosæ pocula myrrhæ*

*Inspicit.*

Sapor quoque idem videtur: vinum enim in eâ phialâ (quod nos experiri volumus) magnam haurienti cum odore simul gratiam saporis exhibet.

*Plin. Nat. Histor.  
lib. 37. 6. 2.*

*Lib. 10. Epigram. de  
Erot.*

## ANDREAS CÆSALPINUS

*In Epist. Dedicat. ad Clementem VIII. super Opera de Metallicis.*

**S**ed ecce, quamprimum Romam petii tua singulari benevolentia advocatus, ut Medicinam publicè profiterer, comperi eandem Provinciam



ciam à Reverendissimo, ac Perillustri MICHAELE MERCATO Viro doctissimo susceptam, eamque cum is mihi communicasset tanquam Præceptoris suo, quo usus est dum Pisis simplicia profiterer, incredibili lætitia affectus sum, quòd discipulum præclarissimum ex schola mea tanquam ex proprio ventre prodeuntem adeò profecisse viderem, ut toto Orbe admirabilis redderetur. Inter cæteras enim lucubrationes Metallothecam Vaticanam miro ordine construxit, loculis propriis singula corpora distribuens, ut ingens eorum turba absque ulla turbatione intuentibus præstò esset. Eorundem imagines æreis typis imprimendas curavit, adjuncta enarratione facundissima ex omnibus Auctoribus tam priscis, quàm posterioribus collecta, ut desiderari quid amplius nequiret. Ob hæc superfluous videbatur labor hic noster, sed pro dolor! vix confecit primum Volumen, in quo de Terris agit, Salibus, Aluminibus, cæterisque congeneris, Sulphure, Bitumine, & Lapidibus quibusdam: quando immatura morte præventus, eaque inevitabili ob calculos in utroque rene ingentes, ac numerosos, & quamplurimos alios in vesica fellis repertos (quasi dum terræ cuniculos rimaretur, in seipso non absimilia procrearet) imperfectum opus relinquere coactus est. Deest enim de Marmoribus tractatio, & de Gemmis, & Metallis: quorum sylvam esse quidem apud se in fragmentis quibusdam assebat, sed minus elaboratam. Hinc duxi &c.

## STEPHANUS VINANDUS

P I G H I U S

*In Hercule Prodicio pag. 544. ubi agit de morte Caroli Princ. Cliviae.*

**C**AUSAM, atque originem tanti mali nec familiares, qui aderant ejusque corpus à puero curarant, nec Medici doctissimi, ac artis peritia non solum præstantissimi, verum & prudentiæ fama tunc in Urbe celeberrimi, MICHAEL MERCATUS, & Alexander Petronius, qui periclitanti semper præstò fuere, consilium, ac opem sedulo suggerentes, aliam divinare potuerunt, exanthematum copiam, atque violentiam, atque inde natas in visceribus suppurationes, quas anno superiore quum eodem morbo Viennæ Februario item mense laboraret (sicut & ante memoravimus) non fati expurgatas fuisse, rerum successus tandem demonstravit.

## ANTONIUS AUGUSTINUS

*In Antiq. Roman. Dial. II.*

**M**ICHAEL MERCATUS tractatum integrum edidit considerationum ad Observationes Latini Latinii de Obeliscis.

MAR-



## MARSILIUS CAGNATUS

*Lib. 3. variar. observat. cap. 15. pag. 236.*

VIdi apud MICHAELUM MERCATUM Medicæ Artis aliàs peritissimum ; rei vero herbariæ, & metallicæ studio Romæ clarissimum, Achatem, in qua Solem natura inter nubes radios jacentem macularum discursu tanta expressit similitudine, ut similem magis exprimere ars nulla posse videatur, quamobrem minus visum est creditu difficile in Achate Pyrrhi Regis olim spectatas Mufas, & Apollinem, &c.

*Idem ibid. lib. 4. pag. 265.*

Æliani, & Strabonis loca de fossili bitumine conferuntur ; ad MICHAELUM MERCATUM Doctorem Medicum, & Philosophum. Cap. IV.

Cùm proximè in tua METALLOTHECA, cujus legendæ copiam mihi pro tua humanitate, MICHAEL ornatissime, fecisti, sermonem de bituminum differentiis valde doctum perlegerem ; in his verò meis observationibus loca quædam probatissimorum Auctorum contuliffem, qui de fossili bitumine ea scripserunt, quæ rerum naturalium studiosum latere minimè debent, & non levem philosophandi materiam præstant, in hanc ipsam adnotatiunculam commodum eodem tempore incidi : etenim ea mihi visa est ad mutuam benevolentiam nostram tui nominis inscriptione testandam aptissima.

## JO. GEORGIUS SCHENKIUUS

*In Bibliotheca Medica.*

MICHAEL MERCATUS Miniatensis summus Philosophus, Physicus eruditissimus, Sanctissimi Domini Nostri intimus : edidit Opus longè pulcherrimum, quòd omnium rerum fossilium naturam complectitur, Romæ. Meminit hujus Operis Cæsar Baronius in Annalibus Ecclesiasticis Sæculo I. & Marsilius Cagnatus *lib. 4. cap. 4. variarum observationum suarum Opere*. Ejusdem MERCATI de Peste Commentarii accuratissimi excusi Romæ 1577. Italicè.



## ANSELMUS BOETIUS

DE BOOT,

*Gemm. & Lapid. Historia lib. 2. cap. 76. De Aferia,  
aut Solis Gemma Italica Girasole.*

**A** Plinio Astroites, & quæ deterior Ceraunia, à MICHAELE MERCATO  
Astrobolus, ab aliis Oculus felis &c. vocatur.

## GASPAR ALVERUS

*In Opere: Roma in ogni stato par. 2. pag. mihi 264.*

**M**ICHELE MERCATO di San Miniato, essendo stato esaltato alla va-  
cante allora Precettoria, ne morì prima di prenderne il possesso.

## PETRUS CASTELLUS

*In Horto Messanensi.*

**I**N Roma MICHELE MERCATO Medico insigne del Sommo Pontefice  
Clemente VIII. ristaurò l'Orto de' Semplici nel Vaticano.

## DOMINICUS PANAROLUS

*In Volumine de Necessitate Botanices pag. mihi 372.*

**L**ongissima experientia Medici Herbariæ peritiæ studiosi apud Reges,  
& Magnates maximis honoribus ornati fuerunt, Matthiolus, Do-  
donæus, Prosper Alpinus, Cortusius, Cæsalpinus, & hic Romæ Castor  
Durantes, & MICHAEL MERCATUS Clementis VIII. Pontif. Max. insignis  
Medicus Horti Simplicium in Vaticano restaurator, & Metallothecæ  
exornator.

## NICOLAUS STENO

*In Element. Myolog. specim. ubi de Canis Carchar. Dissert. c. 1. pag. mihi 70.*

**Q**Uam imaginem sub Lamie nomine conspicias literatissimi amici  
Caroli Dati benevolo in me animo debes; qui, cum videret, la-  
cerum caput æri incisum Lectoris desiderio minus satisfacturum



ex variis Tabulis æneis, quas possidet ad Metallothecam Vaticanam Tab. IV. & VI. MICHAELIS MERCATI Miniatensis spectantes, meis usibus eas concessit, quibus Lamiae caput, & dentes, atque glossopetras majores expressas vides. Passus quoque est sequentia hinc apponi ex eodem MERCATI manuscripto, quod de terris, salibus, succis pinguibus, lapidibus, & corporibus idiomorphis, aliisque multa scitu dignissima, & variae eruditionis plena continens æterna nocte latuisset sepultum, nisi literatissimi Dati solertia ab Orco reductum fuisset, data occasione luci exponendum.

„ (a) Ut ea, quæ tractarem, essent quàm planissima, laboravi semper, „ & nostri erat instituti, res non solum docere, sed falsa, atque supposititia „ amovere extra locum, & occupatum ordinem relegare, vel ad minus „ fraudem prodere: itaque feriem hoc loco cogor interrompere eam ob „ causam. Video namque Glossopetras magnas, & Lamiae piscis dentes „ confundi etiam à curiosis. Similitudo errorem subornavit, quæ tanta „ est, ut qui utrorumque ortum non noverit, nihil suspicetur, qui utrin- „ que notas non contulerit non dignoscat. Certè non ingratum Lectori „ fore confido illud diverticulum, præsertim ad naturæ miraculum, „ monstrosam scilicet belluæ faciem. Lamiam Rondeletius accuratè de- „ scripsit. Capite est magno, oris scissura maxima, dentibus acutissimis, „ durissimisque trianguli figura utrinque ferratis; quorum sex sunt ordi- „ nes: primi ordinis dentes extra os prominent, & in anteriorem par- „ tem vergunt: secundi recti sunt: tertii, quarti, quinti, & sexti in os „ recurvi, maxima ex parte in utraque maxilla, carne molli, fungosaque „ contenti. Piscis est carnivorus, voracissimus, & anthropophagus; cada- „ vera enim mortuorum etiam integra vorat, quod ex dissectione com- „ pertum est. Massiliae, & Niceæ (eodem Auctore) ceptæ sunt, in quo- „ rum ventriculo homo loratus inventus est. Unum Lamiae caput, „ quod apud me est, incisoris opportunitate depingi placuit. Quod inter „ dentes, & glossopetras illas discriminis est, exiguum fanè. Craffiores „ plerumque glossopetræ, tenuiores dentes, & mollius nitent, ut inter „ osseam, & lapideam glossopetrarum materiam ex aspectu iudicium ca- „ piamus. Unus quoque, & perpetuus dentium color candidus, vel ætate „ flavescens; glossopetræ variant.

(a) Vide *Armar. IX.*  
*Cap. L. XIX. pag. 333.*

*Idem pag. 87.* Quod numerum spectat (scilicet dentium) cum aridum caput fuerit, quod MERCATUS viderat, non mirum sex tantum dentium ordines ab illo observatos, reliquis, quorum basis mollior fuerat; dum ficcicaretur caput, delapsis, aliove modo deperditis, &c.

*Idem pag. 109.* Multi, & magni Viri sunt, qui eadem corpora sine animalium concursu producta credunt. Namque ut publico notos taceam MERCATUS Miniatensis, cujus mentionem supra feci, eandem sententiam tuetur, &c.



## M. JOANNES REISKIUS

*Commentatio Phys. æquè ac Histor. de Glossopetris  
Luneburgensibus pag. 71.*

**I**gitur quia MERCATUM Miniatensem, & Antonium Nardi contradicentes, quos ipse citabat, Italos æquè tulit; nec alios contrariæ sententiæ patronos animo feret iniquo.

## P R O S P E R M A N D O S I U S

*In Theatro Archiattrorum Pontificum pag. mihi 164.*

**M**ulta tradit de MICHAELE MERCATO, Italo, Miniatenfi, Clementis VIII. Pont. Max. Medico.

## P A U L U S B O C C O N U S

*In Opere: Recherches, & Observations naturelles. 17. Lettre.  
pag. mihi 143.*

**T**ouchant les Auteurs, qui ont écrit sur la nature de cette pierre, en passant par la Ville de Florence, Monsieur Charles Dati, Academicien tres-illustre me fit voir un manuscrit original, intitulé: *Theatrum Metallicum Illustrissimi, & Reverendissimi Domini Michaelis Mercati*, qu'il garde chez soy avec grand soin, parce que c'est un ouvrage tres exact, & tres sçavant, ou il ya beaucoup de figures en taille douce, qu'on devroit imprimer sans le differer d'avantage ala faveur de Gens de Lettres, & de ceux, qui s'attachent a l'étude de la Physique. Dans le quel Theatre je remarquay cette meme pierre sous le nom de (a) *Lapis Lumbricatus* tres bien figuree.

(a) *Vide Cap. LIV.  
Amarii IX.*

*Museo di Fisica, ed Esperienze pag. 264.*

**N**el *Pulmo Marinus*, che è chiamato di Monfig. MICHELE MERCATO nel suo Museo Metallico Alcyonium 4. Dioscoridis, & Galeni, che è corpo fibroso, viscoso, e di color di tanè, &c.

*Et pag. 295. Osservaz. 46.*

Nota, tirata dal Museo Metallico di Monfig. MICHELE MERCATI, m.f. e degno di essere dato alle stampe: al presente si conserva in Fiorenza in Casa de' Signori Dati, eredi di Carlo, e Francesco Dati, Gentiluomini, anche illustri per le lettere, cioè:

Pente-



Pentexoché minor, five Mespilæus, con la sua figura, che rappresentava alcuni tubercoli sopra un guscio, che non è altra cosa, che una particola d'Istria Marino d'Imperato, impietrita, che in Malta chiama il volgo *Tette*, o *Mammelle di San Paolo*, perchè rappresentano due corpi rilevati come due mammelle. Questo m.f. è pieno di figure; e per l'istoria naturale, e per l'erudizione che contiene, merita di essere visitato da ogni Viaggiatore virtuoso, ed amatore della Fisica.

Nel medesimo Museo Metallico raccolsi questa nota: (a) *Androsace viridis Spoleti ad Mocnia in fonte juxta portam Divi Pauli*, che fin'ora non mi sono avvisato ricercare; ma in tempo di estate farei curioso di esaminare, che cosa possi essere questa pianta. (2) *Vide Armar. VI. Cap. XXIV. pag. 136.*

## ANTONIUS VALLISNERIUS

*Considerazioni, ed Esposizioni intorno al creduto Cervello, &c.*  
pag. 17.

Vien chiamata da Monsignor MICHELE MERCATI nel suo Teatro Metallico *Lapis lumbricatus*; e non è altro, che una produzione marittima coralloide, non dissimile dalla sua nascita dal *Fungus coralloides*, creduto malamente, e posto fra le cose petrificate, &c.

## PATER BONANNUS

*In Museo Kircheriano pag. 199.*

Multi, & magni Viri sunt, qui eadem corpora (*loquitur de Glossopetris*) finè animalium concursu producta credunt: namque, ut publico notos taceam, MERCATUS Miniatensis eandem sententiam tuetur; quod etiam agit in suis Scenis Hetruscis Antonius Nardi, quem Librum manuscriptum possidebat clarissimus Franciscus Redi Serenissimi Magni Hetruriæ Ducis Archiater.



## IMPRIMATUR,

Si videbitur Reverendissimo Patri Sacri Palatii  
Apostolici Magistro.

*N. Archiepiscopus Capuæ Vicesgerens.*

## APPROBATIONES.

**M**ULTUM in erudito de Obeliscis Opere Antiquitas, sed plus in  
VATICANA METALLOTHECA MERCATO debet Natura. In hac,  
Mundi sublunaris, & subterranei deteguntur arcana, illustrantur, ordi-  
nantur. Telluris, & Oceani thesauri in methodum redacti accurata descri-  
ptione, Tabulis aeneis ad vivum expressis, oculis subjiciuntur. Et licet  
Auctor in nonnullis ad scopum non collimet, in multis aliorum Fidei  
nimis deferat, non ideo è Naturæ penetralibus excludendus, quinimmo  
cum laude, cum honore admittendus. Hoc primis rerum naturalium  
Scriptoribus, & novi Orbis detectoribus evenire solet, ut scientiarum  
rudimenta, & littora, tantummodo detegentes, rerum qualitates, &  
essentiam, mediterranea, & intimas regionum fodinas, felicioribus po-  
steris perscrutandas, fruendasque relinquunt. METALLOTHECA igitur, quæ  
diu privatos inter parietes delituerat ad Vaticanæ Bibliothecæ loculos,  
quibus MERCATUS destinaverat, transferatur. Cùm enim ex commissione  
Reverendissimi Patris Gregorii Selleri attentè percurrerem nihil in ea,  
quod Christianæ Fidei, bonisque moribus adversetur deprehendi. Hoc  
Sanctissimi CLEMENTIS XI. liberalitati, ac munificentiae debebitur,  
qui aliorum Summorum Pontificum in MERCATUM existimationis non  
immemor, ob privatam, publicamque utilitatem Opus imprimi curavit.  
In quorum fidem, &c. Dat. ex Museo IV. kalendas Septembris MDCCXV.

*Leo Strozgius.*



**M**ETALLOTHECAM VATICANAM olim à MICHAELE MERCATO adornatam, atque descriptam, cum diu sepulta jacuisset, ita ut ejus jam memoria fatisceret, & de ejusdem editione, eruditi Viri prorsus desperarent, Auspiciis Sanctissimi Pontificis CLEMENTIS XI. in lucem emittit Illustrissimus LANCISIUS, Vir undequaque celeberrimus, & quòd ejusdem Pontificis salutem, tam Orbi Christiano necessariam, utpote ejus Archiater, fovet, & tuetur, & quòd quâ scriptis, quâ nominis famâ universam Europam pervasavit: Hic collato studio cum Petro Affalto Viro erudito, & multarum artium, & scientiarum doctrinâ prædito, METALLOTHECAM ipsam, nedum suo candori restituit, sed illi Notas, & Observationes insuper addidit, apprimè proficuas ad tam multiplicem explicandam materiam, atque ad hæc tempora deducendam, in quibus doctorum Virorum industria ea nobis suppeditavit præsidia, quibus MERCATUS ipse, non ingenii defectu, sed materiæ ignorance, destituebatur: Notas ipsas Operi utiles, ac necessarias, jussu Reverendissimi Patris Magistri Sacri Palatii Apostolici, diligenter, nec sinè voluptate percurri, nam in iis delectat erudita rerum ubertas, linguarum etiam Orientalium, & scientiarum, præsertim Physicarum, varietate condita, quo fit, ut Lectoribus abundè satisfaciant; cùmque nihil in iis deprehenderim, quod vel Christianæ Fidei, vel Christianis moribus obstet, tutò poterunt in lucem emitti, ut vel sic satisfiat eruditorum Virorum desiderio, qui cùm jacturam præcipui Operis usque modo iniquo animo tulerint, ipsum recipiant cum fœnore, quod vel centesimas superet, ut Jurisconsulti loquuntur. Ex Ædibus Divi Callisti die xxix. Septembris MDCCXVI.

*D. Jo: Baptista de Miro Abbas, & Procur. Gener. Cassinen.*

## IMPRIMATUR.

Fr. Gregorius Selleri Ordinis Prædicatorum,  
Sacri Palatii Apostolici Magister.



M. *Metaphysicam* Vaticanam olim a Michaele Marcato adnotatam, apud deceptorum, cum diu sepulta jacuisset, ita ut ejus jam memoria transieret, et de ejusdem editione, eruditus Viri prius deperirent, Augustus Sanctissimus Pontifex C. J. E. M. E. N. T. I. S. X. I. in lucem emittit Illustrissimus L. A. N. C. E. S. V. i. r. u. n. d. e. q. u. a. n. q. u. e. c. o. l. l. e. c. t. i. o. n. e. s. q. u. o. d. ejusdem Pontificis salutem, tam Obi Christiāno pietatē, ut pote ejus Architecto, foveret, et tueretur, et quod quā scriptis, quā nominis tam uni- versam Europam perveniret: hic collato studio cum Petro Abbate Viro erudito, et multarum artium, et scientiarum doctissimo, METALLO- THECAS ipsam, nequa suo candore restituit, sed illi Notas, et Obse- rvationes intertextu addidit, aptissime proferas ad tam magnificam explicandam materiam, apud ad haec tempora deducendam, in quibus doctorum Viro- rum industria et nobis suppeditavit praesidia, quibus Marcatus ipse, non ingenui desectus, sed metatis ignorantiae, delinquitur: Notas ipsas Operi utiles, et necessarias, Julia Reverendissimi Patris Magistri Sacri Palatii Apostolici, diligenter, nec sine voluptate percurrit, nam in his doctus credita recondidit, singulorum etiam Orientalium, et Scien- tiarum, praesertim Physicarum, varietate condita, quo fit, ut lectoribus abunde i. n. s. t. i. t. u. t. u. r. c. u. m. q. u. o. n. i. b. i. l. i. s. d. e. p. r. e. h. e. n. d. e. n. t. u. r. q. u. o. d. v. e. l. C. h. r. i. s. t. i. a. n. e. i. p. s. e. i. v. e. l. C. h. r. i. s. t. i. a. n. i. s. m. o. d. o. o. b. i. e. t. t. u. r. p. o. t. e. r. u. n. t. i. n. l. u. c. e. m. e. n. t. i. s. u. t. v. e. l. s. c. i. e. n. t. i. a. n. t. i. s. v. i. r. o. r. u. m. d. e. l. i. c. i. o. s. q. u. i. c. u. m. j. a. s. t. u. r. t. a. m. p. r. i. n. c. i. p. a. l. O. p. e. r. i. s. u. l. t. i. m. o. m. o. d. o. i. n. s. i. t. a. s. q. u. i. n. o. t. u. l. i. n. e. i. p. s. a. m. r. e. c. i. p. i. a. n. t. c. u. m. t. i. m. o. r. e. q. u. o. d. v. e. l. c. e. n. t. i. s. s. i. m. i. s. s. u. p. e. r. u. r. u. t. i. n. i. n. c. o. n. s. u. l. t. i. s. s. o. p. u. n. t. u. r. *Ex Aedibus D. N. I. Gallii die xxix. Septembris m. d. cc. xvi.*


IMPRIMATUR.

Sacri Palatii Apostolici Magister,  
Fr. Gregorius Scleri Ordinis Praedicatorum,









DE MONTMARTIN  
QUINCY  
ET ORDINE  
MINISTRE  
AMERIQUE  
ALLES-TOILES  
GEMMES-TERRES  
METALLS-LAPIDES  
IN-VATICANO  
METALLOTHECA









*Jacobus Robusti alias Tintoretto pinx.*

*Pet. Nelli del.*

*Bened. Fariat scul. Romae super. perm.*



# CLEMENTI VIII.

PONT. MAX.

MICHAEL MERCATUS.



Su plerunque venit, BEATISSIME PATER, ut alia ex aliis studia oriantur, atque in dies augeantur: maximèque indè fit, ut ad res novas inveniendas, institutosque labores expoliendos, hominum excitetur industria: id

quod mihi accidit in suscepto à Sanctitate Tua munere. Cùm enim multum temporis in naturalium rerum investigatione, & cognitione posuissèm, tunc vel maximè fènsi earundem teneri cupiditate, cùm amœnissimum herbarum, fruticumque hortum in Vaticano excolere, & singula ordine ponere institui. Nec verò hìc studium meum conquieuit, sed statim à natura vegetis, vividisque, ad ea processit, quæ minimè vegeta, metalla, gemmæ, lapides, & ejusmodi alia, è terra effodiuntur: quorum genus multiplex est, & varium, incredibilemque



utilitatem habet, & jucunditatem. Nec verò mea hoc contenta fuit (quantulacunque est in perquirendis Naturæ rebus) industria. Quæ enim videntur exposueram, ea quoque scriptis meis complecti, & quibus viribus prædita essent, volui explicare, susceptasque artes propagare, atque ornare sum conatus. Quarum artium nulla est (quod optimè novit Sanctitas Tua) ita superiorum ætatum studiis perfectæ, ut ad eam absolvendam nihil à posteritate possit accedere, quod fortasse Dei benignitate hominibus accidit, nè se ignaviæ dedant, sed semper aliquid se dignum aut meditentur, aut agant. Illa sanè rerum Naturæ pars, qua plantarum vis, & præque earum utilitates continentur omnibus ferè sæculis homines habuit sui amatores, & valde studiosos, qui eam singulari studio, diligentiaque excoluerunt. Quæ sanè res potissimum causa fuit, quamobrem scriptis meis eam adhuc non attigerim, nè ligna in sylvam, quod ajunt, congerere viderer. Et licet in illa ipsa aliqua, atque adeò multa (quod ego ex diuturno studio didici, atque animadverti) desiderarentur, quæ si quando plus otii nactus fuero supplere est animus: nunc tamen ad hæc magis animum appuli, quæ vel non satis ab antiquis explicata, vel planè illis ignota, ad hujusque sæculi investigationem, & cognitionem reservata, ad se studium hominum trahunt. Non defuere tamen, qui de his ipsis rebus multa scripserint, verùm qui ante oculos earum formam posuerit, & multa huc usque non intellecta declaraverit, aut etiam non visa è tenebris eruerit, idemque de iis libros ediderit, aut fuit nemo, aut videre mihi non contigit. Huc accedit, si qui hæc attigerunt, eorum libros, quòd hæretica aliqua labe foedati sint, legi non posse, ut ea aliunde peti non inutile fore videatur. Ad hoc me  
quo-



# EPISTOLA DEDICATORIA.

li

quoque honesta ratio impulit: nam si Georgius Agricola homo Germanus, plerisque omnibus, qui in hunc usque diem hac de re aliquid literis prodiderunt, & doctrina, & scriptionis genere anteponendus, Germaniam suam harum rerum locupletem, scriptis suis extulit: cur mihi Italo non detur Italiam his etiam bonis abundantem omnibus gentibus testari? Quod Italis omnibus, Sanctitati quoque Tuæ, cujus virtute non Italia modò, sed totus Christianus Orbis gloriatur, gratum fore existimavi. Neque, etiam illud ei ingratum, peregrinos, & doctos viros, qui Romam ex omnibus terrarum partibus conveniunt, post religiosa loca à se frequentata, post plantarum in Vaticanis hortis spectatam seriem, habere in eodem Vaticano, ubi tot res, tam varias, novas, admirabiles, in unum tanto labore à me collectas spectare possint: quæ non solum oculos forma, & varietate, & admirabili parentis Naturæ artificio pascant; sed multas, & magnas suppeditent, usque huc non à multis cognitæ in hominum valetudine vel tuenda, vel recuperanda utilitates. Quibus adjungam licet expressas, quo maximè potui artificio, & diligentia, earundem rerum formas, veramque insitarum in eis virium, nisi fallor, explicationem: ut veris comparatæ à nemine ignorari queant, neque timendum sit, quin ægrotis, si usus veniat, tutò possint exhiberi; quod antea multo secus accidisse compertum est. Sæpe enim vitam hominum in discrimen puncto temporis adduxerunt, nec principibus quidem viris pepercerunt, quorum valetudini cum hæc, quæ rara sunt, & maximi pretii, & viribus longè præstant, sæpius adhibeantur; quantò eorum vita, quod ex ea Reipublicæ status pendet, majori curæ esse debet, tantò magis sunt animadvertenda. Quare quæ potui privatus homo (quantum passa est tenuitas mea)



fatīs multa undique collegi, disposui, & publicæ utilitatis causa spectanda præbui: quorum partem dum aliæ expoliuntur, scriptis meis utcunque declaratam, ad Sanctitatem Tuam, cujus illa auctoritate, & beneficentia in me singulari nata sunt, deferro, eamque rogo majorem in modum, ut post graves curas, quas in pastoralī specula vigilans sustinet, ad hæc infima, Dei Optimi Maximi, cujus vices gerit, exemplo oculos aliquando dejicere non dedignetur. Quod si mihi non denegabit benignitas tua, tūm verò sperabo fore, ut METALLOTHECÆ (sic enim congestarum à nobis rerum, & in sua Armaria, & Loculos digestarum multitudinem appellare libuit) in Vaticano sacrosancta tua auctoritate constitutæ, multum decoris, & amplitudinis accedat. Nam si Aristoteli in conscribenda Animalium Historia, multa contulit Alexandri Magni studium, & potentia; quanto majora expectare debet opus hoc meum à Sanctitatis Tuæ diffusa per omnem Christianum Orbem potestate? Modò enim exterarum provinciarum populis innotescat, Sanctitati Tuæ METALLOTHECAM curæ esse, nihil erit, quod non ultrò huc ad se ornandum, & eam augendam ex suis sedibus commigrare gestiat. Quam etiam maximè ob causam Sanctitatem Tuam, ut libenti animo, hos diligentiae meæ conatus accipiat, iterum, ac sæpius rogo, atque oro, ut quæ nova sunt, & utilitatis publicæ causa, ad quam suis in consiliis omnibus, & rationibus Sanctitas Tua spectat imprimis, sunt suscepta, benignitatis tuæ auxilio communiantur, atque in dies magis amplificentur. Sanctitatem Tuam Dominus noster JESUS Christus incolumem servet.



# BENEVOLO LECTORI.

**O**MNEM hanc, amice Lector, fossilium, lapidum, variorum terræ generum, iisque similium historiam, cum explicare constituisssem; in duas Partes universum Opus dividere constitui, quarum altera ipsa rerum genera, generibusque subjectas partes universè complecteretur, & quæ his inter ipsas similitudo sit, quid inter se differant, natura, facultate, dignitate, notis, ac signis exponeret; altera verò, quam nunc in lucem mihi edendam esse putavi, singulas res distinctè (quantum ipse potui) pertractaret. Nec verò in hac posteriori parte prætermitto, quam quidque horum similitudinem cum cæteris habeat, quove discrimine differat: sed singillatim, cum prior illa, ut dixi, generatim, & universè res easdem persequatur. Consilium autem, quo usus sum, æquis Lectoribus confido probatum iri. Nam cum prior illa de universis generibus disputatio docendi ordine, & ratione antiquiorem locum habeat; hæc verò longè utilior sit, copiosior, jucundior; faciendum esse non putavi, ut diutius à viris harum artium studiosis hæc ipsa desiderarentur. Illa interim de jure suo, atque ordine decedet, neque tum utilitati jure, ac merito servientem inturbabit. Nam ut scitè, & acutè (meo judicio) vetus Poeta scripsit:

*Etiam oblivisci qui sis interdum expedit.*

Expedit oblivisci nunquam loci sui, atque ordinis, ut communibus commodis, quo consilia omnia nostra, & facta referenda sunt, consulatur. Quod me si quis acrius urgeat, præposterum esse ea posthabere, quæ antiquiora videantur: imitabor Passonis Pictoris antiqui dictum, qui jussus equum in pulvere se volutantem pingere, cum currentem pinxisset, quærenti ei, qui operam ipsius conduxerat: *Inverte*, inquit, *tabulam: ita enim habiturus es, quod petis*. Non aliter ego, si quis eum librum, quem edam, prius edendum fuisse dicet, jubebo eos ita compingendos curare, ut ille, qui posterior editus erit, ordine antecedit. Nota præterea est Poetarum ars, qui, ut quidam ex eis ipsis scripsit, semper ad eventum festinant, & in medias res auditorem trahunt. Quin immò Naturam ipsam hac in re ducem, & auctorem habemus. In condendo enim mundo, Deus Naturæ ipsius parens, & artifex (fas enim interdum est parva, & exigua magnis componere) non ex suis quamque rem seminibus oriri jussit, sed ipsas res creavit, quas deinde ad principia sua & semina redire, ex iisque alia progigni voluit. Accedit, quòd hac ratione non aliorum tantum, sed mea quoque studia juvare possum. Cum enim videre omnia, & experiri unus nequeat, meum exemplum alienam spero industriam excitabit, quæ mihi erit adjumento ad alia cognoscenda, quæ me adhuc latent, ut fruor labore alieno vivus, quem mea excitarit industria.

In his autem scribendis ordinem, brevitatem, ac perspicuitatem, quàm maximè potui adhibui: quid præstiterim, vos æqui eritis judices, quibus studii mei rationem paucis explico. Nomina rerum, quibus nationes variæ utuntur (quod novum non est) primum posui. Deinde figuras diligenter expressas exhibui: tum sapes, præterea & quæ tactu percipiuntur qualitates explicavi. Postremò facultates, & singularum usus, & si quæ factitia sunt, ratio nonnunquam indicatur. Et in quibus quæque locis inveniantur edocui. Nec verò eam mihi legem iniquè statui, ut hunc ordinem perpetuò servarem. Nam sæpe aliquam ob causam illum immutare coactus sum. Et quo-

*Horatius de Arte Poetica.*



quoniam quo hæc ordine à nobis eduntur, eodem apud nos in Armariis, Loculisque disposita sunt: unicuique ideo Armario arithmeticum indicem ad-  
junxi, quo Liber Armariis omni ex parte responderet. Veteres Scriptores  
Græcos, & Latinos secutus sum. Auctores, ut debui, laudavi: inter quos  
ex recentioribus Georgium Agricolam, quem longè omnibus in hoc genere  
antecellere existimavi. Quæ ipse observavi, quæ experiundo cognovi, ac  
didici, verè, liberèque professus sum. Singularum rerum iconas æreis tabel-  
lis mirifica arte incidendas curavi, nec sumptui parcens, nec labori. Pictori  
ipsas iconas assimilanti plurimùm affui, ut de his, quæ in singulis figuris dili-  
gentiùs observanda essent, admonerem. Quamobrem spero fore, ut indu-  
striæ, studioque meo æqui omnes sitis, meæque voluntati faveatis, atque  
ignoscatis, & sicubi quid melius reperietis ipsi (non enim ego is sum, qui mihi  
persuaserim, hæc meliora fieri alieno studio non posse) cùm aliis communi-  
cetis. Si quos autem hæc legisse juverit, ii secundùm Deum gratiam habeant  
Sanctissimo Domino Nostro CLEMENTI VIII. Summo Pontifici, qui pro  
animi sui magnitudine non se indignum existimat, hæc quoque infima respi-  
cere, contemplari, tueri, & singulari sua benignitate sustentare.



# AUCTORIS

*In Metallothecam suam.*

V Idisti Nemus antiquum, plantasque virentes,  
Et quæ dat manibus terra beata suis?  
At nunc nè tibi quid desit, nostrove labori,  
Inspice & occulto, quæ fovet illa sinu.

*Sequuntur Carmina diversorum Poetarum  
ab Auctore collecta.*

## PETRI ANGELI

B A R G Æ I

*In Metallothecam MICHAELIS MERCATI*

## C A R M E N.

Quicquid sub vastis Nereus pater occulit undis,  
Quicquid terra parit mirabile, quicquid & aer,  
Depictum hic oculis fas est percurrere, & usus,  
Et varias rerum pulchrarum ediscere vires.  
Ut quicunque semel perlegerit omnia, prorsus  
Omnia nosse putet Naturæ arcana parentis,  
Ludicra, amicitias nimirum, & mutua passim  
Dissidia inter se, & species, formasque suâ vi  
Concretas, quales unquam non ulla periti  
Artificis manus experiens confingere possit.  
Quin etiam causas obscura in nocte latentes  
Jamdudum, & tenebris, atra & caligine mersas,  
Perlatis videat nunc demum in luminis oras.  
Notitiæque incredibili cum senserit auctum  
Inde animum, admirans dicat, proh Juppiter, unde,  
Quæ nulli novere alii, MERCATIUS unus  
Novit? & extremis advecta è partibus Orbis  
Inciso gratus noscenda expressit in ære?



## JOANNES CARGA

*De eadem.*

**Q**uicquid lapillis, quicquid herbis contulit  
 Natura pulchrum & utile,  
 MERCATUS id jubente XYSTO Principe  
 Et Urbi, & Orbi dividit.

*I D E M.*

**H**ospes tecta remota Vaticani  
 Quâ flet Laocoon fubi, videto  
 Quid MERCATUS ibi recludat, atque  
 Hoc mirabilia inter adde Romæ.

## LAURENTIUS GAMBARA

## AD MICHAELEM MERCATUM.

**A**spera bella canant alii, superataque regna,  
 Et fufas campis acies: MERCATE recludis  
 Terrarum ingenium varium, nitrique, falisque,  
 Præpingues, glebasque acres; qua parte metalla  
 Abdita terrarum venis nascantur in imis:  
 Quo pelago ramosa corallia convellantur:  
 Marmoris unde ingens possit vis erui, & unde  
 Multiplices lapides: ubi gemmas colligat Indus:  
 Quæ cuncta Orbe brevi, necnon facili ordine pandis.

*I D E M**De Metallotheca Vaticana.*

**Q**uas vires terræ venis Natura ministrat,  
 Transtulit hoc MICHAEL, disposuitque loco.  
 Gratia debetur XYSTO, quo Principe Cœlum,  
 Nedum sub terris, quæ latuere patent.



ACHILLES STATIUS  
MICHAELI MERCATO.

**T**hesauros Natura tibi MERCATE reclusit  
Uni, larga suos explicuitque sinus.  
Nam Tellus quæcunque supraque, infraque creavit,  
Quæque lacus, fontes, flumina, pontus habent,  
Nota tibi: nudam licuitque impunè videre  
Naturam, ipsa oculis se retegente tuis.  
Imploramus opem, teque ò MERCATE rogamus  
Una inter tot opes nè careamus ope.

ALIUD

*Ejusdem.*

**Q**uidquid ubique modis Natura parabile miris  
Finxit, & hoc terræ, five tulistis aquæ,  
MERCATI mirum ingenium, & manus impigra longè  
Quæsitum paucos contulit in Loculos.  
I nunc, & radio descriptum gentibus Orbem  
Mirare, Iliacum nuxve quod hausit opus.

LAURENTII FRIZOLII  
DE MICHAELE MERCATO.

**Q**uæ genitrix diversa locis Natura creavit,  
Obruta quæ terra, quæ latuere mari,  
Eruit, & sedem MERCATUS cogit in unam:  
Et jubet ordinibus quæque nitere suis.  
Rerum etiam effingit nativas ille figuras:  
Ipsas facundo res docet eloquio.  
Quid Libya, & Ponto studiosus mira requiras?  
Eoos penetres, Hesperiosve sinus?  
En licet obtutu mater quæ protulit uno  
In Vaticanis cernere cuncta jugis:  
Illita quin etiam doctis miracula chartis  
MERCATI hinc tecum munere ferre licet.



*A L I U D**Ad eundem.*

**N**I debet MERCATE tibi Natura, tua ni  
 Clarior exacta prædicat esse opera,  
 Nil sentit: fin quid sentit, deperdita sensum  
 Aut stupet, aut studiis invidet illa tuis.

**M. A N T O N I U S**  
**M U R E T T U S.**

**V**Erè herbas, verè arboreos dum spectat honores  
 MERCATUS tellus quæque alit omniparens;  
 Rimantem interiùs Naturam invenit, & acer  
 Occupat injiciens aurea vincla Deæ.  
 Virque triumphum agit egregius, Natura apud illum  
 Dædala, nunc etiam Dædala tecta colit.

## ΕΙΣ ΤΟ ΑΥΤΟ.

**T**Ας βοτάνας τὰ τε δένδρα νοῶν καλῶς ἔαρος ὥρα  
 Μερκάτι καὶ γῇ παμφόρῳ ὅσσα φύει.

Ευρίτωρ φύσιν οὖρεν ἄριστα γράφουσιν ἀρούρας,  
 Τῇ τε θεῶν χρυσέας ἀψὲς ἐπέβαλλε πέδας.

Ἡγάγε τόνδε θρίαμβον ἀνὴρ σοφὸς, ἄρτι δ' ἐταίρι  
 Θήκας δαιδαλέας, δαιδαλήν τε φύσιν.

*Excerpta ex Opere MICHAELIS MERCATI de Peste.***BENEDICTI ARIÆ MONTANI.**

**I**Nnumeras natura ferax, terraque, marique  
 Humano generi condit, & edit opes:  
 Cernere quas gratum est, quarum sed gratior usus,  
 Dum petitur justis, instruiturque modis.  
 Præstat utrumque tibi MICHAEL natura benigna,  
 Larga manu studiis dum favet ipsa tuis.

Nam



Nam rerum formas in vasto colligis Orbe,  
Inque sacram confers, continuasque domum.  
Ut limen quisquis Petri, monumentaque viset,  
Membra Orbis cernat, cernat & ille caput.  
Id tibi non satis est, arte, atque salubribus herbis  
Languenti plebi prospicis, ac miseræ.  
Nunc etiam studio tenues, ditiesque juvandi,  
Non Urbi solùm commoda ferre paras;  
Sed viro, ac pesti, podagræ, membrisque solutis,  
Ut sibi quisque sciat consuluisse doces.  
Nusquam aliàs natura, tuæ quàm sedibus aulæ,  
Alma magis colitur, conspiciturque mihi.  
Nec quemquam illa ævo magis hoc produxit avaro,  
Quàm te præstantem, perfimilemque fui.

## ACHILLIS STATII.

**S** Olers naturam extantem, penitusque latentem  
Retexit, atque prodidit  
MERCATUS, stirpes, herbas, genus omne METALLA,  
Docens quid ipsa singula  
Essent, prodesse, miro complexus amore,  
Cui fervit humanum genus.  
Summa mala hoc victore abeunt mortalibus ægris  
Nunc, ò Virum ter maximum,  
Dira venena, lues avida, immitisque podagra,  
Membra solvensque paralisis.  
Partem aliquam Alcides monstris, hic liberat Orbem  
Totum nefandis pestibus.



Non totum formis in vasis colligit Orbis  
Induc faciem coelestem, cernuntque hominum  
Et hanc quidam Petri, monumentumque vider  
Membra Orbis cernat, cernat de ille caput  
Id tibi non laus est, ante, sedus talibus herbis  
Languenti plecti propolis, ac melle  
Nunc etiam studio tenues, distendat juvenis  
Non Urbi solent communis fore paries  
Sed vno, ac petiti, pedibus, plectatque solent  
Et tibi quidam solent coelestem docet, plectatque  
Nunciam alia natura, tunc quoniam sedibus ante  
Alia magis colitur, coelestemque nunci  
Nunc quidam illa vno magis hoc plectatque avano  
Nunc te plectantem, plectantemque tui

## ACHILLIS STATA

2  
Oler humanum extantem, plectantque lacrimam  
Nunciam, sedus plectat, plectatque lacrimam  
Mactatus, sedus, plectat, plectatque lacrimam  
Ducens quid ipse singular  
Erent, plectat, plectat, plectatque lacrimam  
Cui tervit humanum genus  
Summa mala hoc victore abant mortalibus agis  
Nunc, o vno ter manum  
Dix venens, laus avida, humanis pedibus  
Membra solentem plectat  
Plectat aliquid Achille monitis, hic libet Orbem  
Totum actus plectat

## BENEDICTI ACHILLIS



# INDEX CAPITUM.

## METALLOTHECA VATICANA.

**Q**uo ordine Metalla in rerum natura sint. Caput I. pagina 1  
 Quid sint Metalla, item quæ ad Metalla pertineant. Cap. II. 2  
 De iis, quæ antecedunt Metalla. Cap. III. pag. 3  
 De Metallorum differentiis. Cap. IV. ibid.

## ARMARIUM I. TERRÆ.

**D**E Terrarum generibus. Cap. I. 7  
 De Lemnia terra. Cap. II. 8  
 De Armenia terra, sive Bolo Armenio. Cap. III. 11  
 De Rubrica Sinopica. Cap. IV. 13  
 De Rubrica Fabrili. Cap. V. 14  
 De Alana gleba. Cap. VI. ibid.  
 De Samia terra. Cap. VII. 15  
 De Chia. Cap. VIII. 16  
 De Selinustia. Cap. IX. ibid.  
 De Melia. Cap. X. ibid.  
 De Eretria. Cap. XI. ibid.  
 De Melitenſi Terra, vulgò Petra S. Pauli. Cap. XII. 17  
 De Cimolia. Cap. XIII. ibid.  
 De Pnigitide. Cap. XIV. 18  
 De Paratonio. Cap. XV. ibid.  
 De Ochra. Cap. XVI. ibid.  
 De Cretica terra, sive Creta. Cap. XVII. pag. 19  
 De Argilla. Cap. XVIII. ibid.  
 De Margis, & Medullis. Cap. XIX. 20  
 De Tripela. Cap. XX. ibid.  
 De Arena. Cap. XXI. 21  
 Index Armarii I. 23

## ARMARIUM II. SAL, & NITRUM.

**D**E Salis generibus. Cap. I. 25  
 De Sale fossili. Cap. II. 28  
 De Sale Ammoniaco. Cap. III. 30  
 De aquatili diversorum generum Sale. Cap. IV. 31  
 De Halosantho, & Halosachne. Cap. V. pag. 32  
 De factitii Salis generibus. Cap. VI. 33  
 Epistola Illustris. Lancisi ad clar. Virum D. Raymundum Vieussenum 36  
 De usu, ac viribus Salis. Cap. VII. 40

De Nitro, & Chrysolilla. Cap. VIII. 41  
 De Aphronitro. Cap. IX. 44  
 De Halinitro. Cap. X. 45  
 Index Armarii II. 51

## ARMARIUM III. ALUMINA.

**D**E Aluminis differentiis. Cap. I. 53  
 De Alumine rupeo, & reliquis, quæ inter Alumina recensentur. Cap. II. 54  
 Index Armarii III. 57

## ARMARIUM IV. SUCCI ACRES.

**D**E Atramento Sutorio. Cap. I. 59  
 De factitio Chalcantio, ejusque conficiendi ratione. Cap. II. 61  
 De Chalcitide. Cap. III. 64  
 De Misf. Cap. IV. 65  
 De Melantheria. Cap. V. 66  
 De Sory. Cap. VI. 67  
 De Chrysocolia. Cap. VII. ibid.  
 De Cyaneo, sive Lapide Lazuli. Cap. VIII. pag. 70  
 De Lapide Armeno. Cap. IX. 71  
 De Ærugine. Cap. X. 72  
 De Rubigine, & Ferrugine. Cap. XI. 73  
 De Auripigmento, sive Arsenico. Cap. XII. pag. ibid.  
 De Sandaracha. Cap. XIII. 74  
 Index Armarii IV. 75

## ARMARIUM V. SUCCI PINGUES.

**D**E Sulphure. Cap. I. 77  
 De Bituminum generibus, & primum de liquidi Bituminis differentiis. Cap. II. 81  
 De spissi densive Bituminis differentiis. Cap. III. 82  
 De Bitumine Judaico, sive Asphalto. Cap. IV. 83  
 De Pissasphalto, & Mumia. Cap. V. 84  
 De Gagate Lycio, sive Thracio Lapide. Cap. VI. 85  
 De Carbonibus fossilibus. Cap. VII. 86  
 De Terra Ampeliti, & Pharmaciti. Cap. VIII. 87  
 De Succino, sive Electro, & Lyncurio. Cap. IX. ibid.  
 De Ambra Odorifera, Grysea vocata. Cap. X.



Cap. X.	91
Index Armarii V.	93

ARMARIUM VI. MARINA.

<b>D</b> E Alcyonii generibus. Cap. I.	95
De primo antiquorum Alcyonio. Cap. II.	97
De secundo antiquorum Alcyonio. Cap. III.	ibid.
De tertio antiquorum Alcyonio. Cap. IV.	pag. 99
De quarto antiquorum Alcyonio. Cap. V.	pag. 100
De quinto antiquorum Alcyonio. Cap. VI.	pag. 102
De secundo quinti generis Alcyonio. Cap. VII.	104
De tertio quinti generis Alcyonio. Cap. VIII.	106
De Alcyonio petroso, & reticulato. Cap. IX.	107
De Alcyonio Polyphyllo. Cap. X.	109
De Alcyonio petroso, vermiculato. Cap. XI.	ibid.
De Pila Marina. Cap. XII.	111
De Adarce. Cap. XIII.	112
De Coralliis. Cap. XIV.	114
De Coralliis. Cap. XV.	122
De Trunco, Spongia, & Lapide Corallite. Cap. XVI.	124
De primo Isidis plocamo. Cap. XVII.	126
De secundo Isidis plocamo. Cap. XVIII.	128
De tertio Isidis plocamo. Cap. XIX.	129
De quarto Isidis plocamo. Cap. XX.	131
De Isidis Palma. Cap. XXI.	132
De Junco Lapideo. Cap. XXII.	134
De Plantula lapidea scutulata. C. XXIII.	pag. 135
De alia Planta lapidea. Cap. XXIV.	136
De Umbilico Marino. Cap. XXV.	138
De Pumice spumoso. Cap. XXVI.	140

ARMARIUM VII.

LAPIDES TERRÆ SIMILES.

<b>D</b> E Lapidum differentiis. Cap. I.	143
De Lapide Affio, seu Sarcophago. Cap. II.	145
De Lapide Calaminari, sive Cadmia fossili. Cap. III.	146
De Phrygio lapide. Cap. IV.	147
De Lapide Manganesi. Cap. V.	148
De Lapide Comensi. Cap. VI.	149

De Pumice. Cap. VII.	150
De Topho. Cap. VIII.	152
De Lapide Bibulo, Mica, & Ammochryso. Cap. IX.	ibid.
De Magnetide. Cap. X.	153
De Lapide Speculari. Cap. XI.	154
De Amianto. Cap. XII.	155
De Gypso. Cap. XIII.	160
De Morochtho Galactite, & Melitite. Cap. XIV.	161
De Hamatite, & Schisto. Cap. XV.	162
De Magnete, & Theamede. Cap. XVI.	163
De Smyride. Cap. XVII.	169

ARMARIUM VIII.

LAPIDES ANIMALIBUS INNATI.

<b>D</b> E Lapide Bezoario. Cap. I.	171
De Cervi lacryma. Cap. II.	177
De Lapide Malacensi. Cap. III.	179
De Topho Juvenearum. Cap. IV.	180
De Avis Japonica Lapide. Cap. V.	181
De Alethorio. Cap. VI.	182
De Chelidoniis Lapillis. Cap. VII.	183
De Bufonite, Chelonia, & Carapatina. Cap. VIII.	184
De Lapide Limacis, seu Cochleæ. Cap. IX.	pag. 186
De Lapidibus Piscium. Cap. X.	187
De Margaritis, sive Unionibus. C. XI.	188
De variis Margaritarum nominibus. Cap. XII.	ibid.
De Margaritarum origine, & natura. Cap. XIII.	189
De Unionibus Orientalibus, & Concharum captura. Cap. XIV.	195
De Unionibus Occidentalibus. Cap. XV.	pag. 200
De Unionibus vilioribus. Cap. XVI.	203
De Unionum delectu. Cap. XVII.	206
De Unionum ornatu, & pretio. Cap. XVIII.	pag. 208
De Unionibus adulterinis, & dignoscendi ratione. Cap. XIX.	210
De Unionum Medicinis. Cap. XX.	212
De Lapidibus Spongiarum. Cap. XXI.	213

ARMARIUM IX.

LAPIDES ΙΔΙΟΜΟΡΦΟΙ.

<b>D</b> E nomine Lapidum ΙΔΙΟΜΟΡΦΩΝ, & de ordine ipsorum ad alia genera Lapidum. Cap. I.	215
De	



# INDEX CAPITUM. lxiiij

<i>De differentiis Ἰδιόμορφων, &amp; natura.</i>		<i>Osteocollus.</i> Cap. XXIX.	279
Cap. II.	216	Loculo XXV. <i>Dactyli Idæi, &amp; Belemnita.</i>	
<i>De facultatibus Ἰδιόμορφων, &amp; quid veteres de iis senserint.</i> Cap. III.	224	Cap. XXX.	280
Loculo I. <i>Lapis Judaicus, Circos, Syctes, Phœnices, Pyren.</i> Cap. IV.	226	Loculo XXVI. <i>Pentexochæ minor, sive Mespilæus lapis.</i> Cap. XXXI.	282
Loculo II. <i>Entrochus, &amp; Trochita.</i>		<i>Alii Lapides fructibus arborum similes.</i>	
Cap. V.	228	Cap. XXXII.	283
<i>Encrinos, &amp; Pentacrini.</i> Cap. VI.	230	Loculo XXVII. <i>Pisolithi, &amp; eorum tegumenta.</i> Cap. XXXIII.	284
Loculo III. <i>Enastros, &amp; Astrici.</i>		Loculo XXVIII. <i>Pœcilospermos, Sitophoros, Cenchrates, Meconites.</i> C. XXXIV.	
Cap. VII.	ibid.	pag.	285
Loculo IV. <i>Monostroites, vel Cryptopetra species altera.</i> Cap. VIII.	232	Loculo XXIX. <i>Conchites Pausaniæ.</i>	
Loculo V. <i>Cucurbites, sive Echites Floridus, vel species prima Cryptopetra.</i>		Cap. XXXV.	287
Cap. IX.	233	Loculo XXX. <i>Conchites lævis.</i> C. XXXVI.	
Loculo VI. <i>Astroites.</i> Cap. X.	234	pag.	290
Loculo VII. <i>De Lapide Crucifero.</i>		Loculo XXXI. <i>Conchites Lunatus.</i>	
Cap. XI.	237	Cap. XXXVII.	292
Loculo VIII. <i>Lapis Literatus, sive Grammatias, &amp; Eumeces.</i> Cap. XII.	239	Loculo XXXII. <i>Ostracites.</i> C. XXXVIII.	
Loculo IX. <i>Nummi Lapidei.</i> C. XIII. <i>ibid.</i>		pag.	293
Loculo X. <i>Nummi Diabolici.</i> C. XIV.	240	Loculo XXXIII. <i>Phloginos, sive Chrysites.</i> Cap. XXXIX.	295
Loculo XI. <i>Ceraunia cuneata, quæ Sotaci Ageratus Batulus.</i> Cap. XV.	241	<i>Ceramites.</i> Cap. XL.	ibid.
Loculo XII. <i>Ceraunia vulgaris, &amp; Siclex.</i> Cap. XVI.	243	Loculo XXXIV. <i>Conchites Striatus, &amp; Ctenites.</i> Cap. XLI.	297
Loculo XIII. <i>Brontia, &amp; Chelonitis.</i>		Loculo XXXV. <i>Porphiroides, &amp; Muricites.</i> Cap. XLII.	299
Cap. XVII.	246	Loculo XXXVI. <i>Buccinum lapideum, &amp; Strobilodes.</i> Cap. XLIII.	301
Loculo XIV. <i>Ombria.</i> Cap. XVIII.	247	Loculo XXXVII. <i>Dentale.</i> C. XLIV. <i>ibid.</i>	
Loculo XV. <i>Edita Nubibus, Ferrum, Lapides, bola, &amp; pluviæ portenta.</i>		Loculo XXXVIII. <i>Strombites, &amp; Nerites.</i> Cap. XLV.	303
Cap. XIX.	248	Loculo XXXIX. <i>Cochlea lapidea.</i>	
Loculo XVI. <i>Stiriæ Lapideæ, &amp; Calculi Tiburtini.</i> Cap. XX.	252	Cap. XLVI.	304
Loculo XVII. <i>Fungus Glaphyrus, &amp; Columella Phaustæ.</i> Cap. XXI.	257	Loculo XL. <i>Myites, &amp; Myscites.</i>	
Loculo XVIII. <i>Aetites, Gæodes, Cissites, Cyamea, Ocitocyus, Callimus.</i> C. XXII.		Cap. XLVII.	305
pag.	259	<i>Tellinites, Chemites, Onychites, aliisque Testaceis Lapides similes.</i>	
<i>Lapides cæteri è nidis Avium, Aspilates, Cirrites, Coracia.</i> Cap. XXIII.	265	Cap. XLVIII.	ibid.
Loculo XIX. <i>Pæanites, sive Gemonis.</i>		Loculo XLI. <i>Cancer lapideus.</i>	
Cap. XXIV.	267	Cap. XLIX.	306
Loculo XX. <i>Lapides Aculeati, sive Aculeoferi.</i> Cap. XXV.	270	Loculo XLII. <i>Ammonis Cornu Aureum.</i>	
Loculo XXI. <i>Dendrophorus, Dendrophytus, Gæsidanes, Lapis Palmatus, Daphnia.</i> Cap. XXVI.	272	Cap. L.	307
Loculo XXII. <i>Smilaces, Cissites, Narcissites, Barbaris Zoronifios.</i> Cap. XXVII.		Loculo XLIII. <i>Ammonis Cornu Lapideum, &amp; Ophioides.</i> Cap. LI.	309
pag.	275	Loculo XLIV. <i>Chrysalites.</i> Cap. LII.	
Loculo XXIII. <i>Stelechites, sive Osteocollus.</i> Cap. XXVIII.	277	pag.	311
Loculo XXIV. <i>Tertius Stelechites, sive</i>		Loculo XLV. <i>Tephritis, seu Menoides.</i>	
		Cap. LIII.	ibid.
		Loculo XLVI. <i>Ovum Anguinum.</i>	
		Cap. LIV.	312
		Loculo XLVII. <i>Erotylos, sive Amphicome.</i> Cap. LV.	314
		Loculo XLVIII. <i>Lepidotes.</i> Cap. LVI.	
		pag.	315
		Locu-	



lxiv INDEX CAPITUM.

Loculo XLIX. <i>Ananchitis</i> , seu <i>Synochitis</i> . Cap. LVII.	316
Loculo L. <i>Ammites</i> , & <i>Coccodes</i> . Cap. LVIII.	317
<i>Sphaericus Lapis</i> . Cap. LIX.	318
<i>Hemisphaericus Lapis</i> . Cap. LX.	ibid.
Loculo LI. <i>Spinus Meliboci</i> . Cap. LXI.	319
Loculo LII. <i>Hieracites</i> , <i>Geranites</i> , <i>Perdicites</i> , <i>Icterias</i> . Cap. LXII.	321
Loculo LIII. <i>Ceratites</i> . Cap. LXIII.	323
Loculo LIV. <i>Elaphoceratites</i> . Cap. LXIV.	324
<i>Lapides Offei</i> . Cap. LXV.	325
<i>Lapis Sarnius</i> . Cap. LXVI.	328
<i>Onychites</i> . Cap. LXVII.	330
<i>Glossopetra Magna</i> . Cap. LXVIII.	331
<i>Lamiae Dentes</i> . Cap. LXIX.	333
<i>Glossopetra media</i> . Cap. LXX.	334
<i>Glossopetra parva</i> . Cap. LXI.	

pag.	336
<i>Carapatina</i> . Cap. LXXII.	ibid.
<i>Encardia</i> . Cap. LXXIII.	338
<i>Enorchis</i> . Cap. LXXIV.	340
<i>Auricularis Lapis</i> . Cap. LXXV.	342
<i>Ocularis Lapis</i> . Cap. LXXVI.	343
<i>Σχιζοπόδες</i> , five <i>Digitati</i> . Cap. LXXVII.	ibid.
<i>Silex Aureus</i> . Cap. LXXVIII.	344
<i>Silex multiplex Oculatus</i> . Cap. LXXIX.	345

ARMARIUM X.

M A R M O R A.

<b>M</b> <i>Armoris Etymon</i> , & <i>Definitio</i> .	
Cap. I.	351
<i>Differentiae Marmoris</i> . Cap. II.	352
<i>De Candido Marmore</i> , <i>Pario vocato</i> . Cap. III.	354










OPY  
 I - TERRAE - II - SAL ET NITRUM - III -  
 SUCCI PINGVES - VI - MARINA - VII - LA  
 ANIMALIBVS INNATI - VIII - LAPIDES *ἰδιόματα*  
 X - SAXA ET LAPIDEA FACTA XI - MARMORA  
 METALLA  
 XIII - AVRUM ET ARGENTVM - XV -  
 XVII - FERRVM ET *σίμωνα*, SIVE CH  
 NASCENTIA - XIX - AFFINIA METAL





CA  
ALVMINA · IIII · SVCCIACRES · V ·  
ES TERRAE SIMILES · VIII · LAPIDES  
IDEST PECVLIARI FORMA PRAEDITI ·  
SILICES, ET FIVORES XIII · GEMMAE  
EYTA  
S · XVI · PLVMBVM ET STIMMI  
BS · XVIII · AFFINIA METALLIS SPONTE  
QVAE IN FORNACIBVS EXISTVNT.









# METALLOTHECA VATICANA.

*Quo ordine Metalla in rerum natura sint.*

## CAPUT I.



**O**MNIUM, [1] quæ complexu mundi continentur, Homines æquum est, præsentia primùm inquirere, & eorum, quæ sunt minimè operosa, ex facili queunt ipsi cognoscere. Continentur autem corpora, quorum partim coæva mundo, ad interitum declinare animadverti non possunt, alia contra interire, ac rursus, instaurata specie oriri, quæque reperiuntur in dies. Illa simplicia rectè, ut ex nomine ratio perpetuitatis accipiat, hæc verò Composita pari ratione nuncuparunt. Existimandum est enim durare quicquam, dum in principia non dissolvitur. Principiis simplex corpus nullis constat: namque per se unum est, sicut unum per alia compositum, quibus hoc caducum fit, illud verò nequaquam. At principia compositorum cùm simplicia sint corpora (non enim serie infinita procedunt) [2] ordines simplicium apparent duo; alter materiam exhibens, alter cùm nihil fiat à seipso, formam attribuens. [3] Quorum hic, præstans efficientia orbes Mundi summos obtinet, nimirum cœlo circumscriptus. Nam ejus motus circularis non alius finis intelligitur, neque tot ejusdem lumina, ordine singulari collocata, videntur aliò spectare. Alter huic ordini subditus, occupat interiores Mundi orbes, à cœlo contiguos ad imum pertinentes. Utrique necessarium est à cœlo afficiatur, ex quo opera Naturæ constituentur. Appel-  
lamus autem Naturam, ratum Dei institutum, quo per ordinis utriusque simplicia, fiunt corpora composita, quæ sunt opera Naturæ. Simplicia quidem, uti causæ compositorum, locum istis antiquiorem habent: [4] verum non à nostræ cognitionis progressu. Quæ enim nobilitate prima sunt, ea propter mentis humanæ imbecillitatem, quæ sensuum administrationi addicta est, cognitione sunt ultima. Ita cœlum à Mortalibus longo disclusum interstitio, etiam propter excellentiam nobilitatis suæ, perplexus angustia sensuum non capeffit animus, quòd ii dignum in ipso specimen illius creare nequeant. Materia verò quæ subest cœlo quatuor distincta formis, quot præcipuæ qualitates deprehenduntur principia alterationis, quam excipiat generatio; totidemque regionibus assignata, quarum circa infimas versantur Homines, exiguè quantum innotescere percipitur. A compositis ergo nobis exordiendum est, à quibus de materia, quæ differunt, pleraque colliguntur. Quorum etiam alia, cùm inter se cuncta non retineant æqualitatem, debent aliis antecedere. Nam qua potentia dignitas simplicium æstimatur, ab ea pariter ordinem Compositi-

Ordo servandus in scientiis.

Quæ sint rerum principia.

Mixtorum corporum divisio.



positorum censeamus. In primis autem efficientiam, qua materia cœlum antecellit, ut veriùs assequuntur composita, ita nobiliora, plusque completi operis judicantur. Ea sunt quibus inditum est motus activi principium, quæque animantia communi nomine vocata, multis etiamnum à summo gradibus, ad reliqua quæ secundæ conditionis habentur, ordines demittunt. Deinde reliqua speciem materiæ adæquatam habent, ut divisionem secundum materiam patiantur, quæ nobis Metalla, nonnullis Fossilia, vel utroque simul nomine Veteribus dicuntur: atque de his ultimis ob dictam causam est in præsentia dicendum.

## N O T Æ.

[a] *Aristot. lib. 1. Physicor. cap. 1.*

[b] *Apulejus de doctr. Platon. Plutarc. de plac. Philos. Diogen. Laert. in vita Platon.*

[c] *Hesiod. Theogon.*

[d] *Aristotel. de generat. animal. lib. 1. cap. 2.*

[e] *Aristot. lib. 1. Physic. cap. 1.*

[1] Scientiarum omnium, ac præsertim Physicæ initium ab his, quæ nobis sunt faciliora cognitu, esse ducendum præcipit [a] Aristoteles: *πρότερον δὲ ἐκ τῶν γνωριμωτέρων ἡμῖν ἢ ὁδοῦ, καὶ σαφέστερον, ἐπὶ τὰ σαφέστερα τῇ φύσει, καὶ γνωριμωτέρα.* Hæc autem insita natura nobis est via, ut è notioribus nobis magisque manifestis, ad notiora naturæ magisque manifesta proficiamus.

[2] Sapiunt ista [b] Platonis dogma: qui statuit inter principia materiam, & Deum rerum formas efficientem.

[3] Omnia ex cœlo ac terra tanquam parentibus progigni, vetustissima fuit sententia, ut est apud [c] Hesiodum.

*Κλέετε δ' ἀθανάτων ἱερὸν γένος αἰὲν ἔόντων.*

*Οἱ γὰρ ἐξεγένοντο, καὶ ἔραυν' ἀσεβέεντος.*

*Celebrate sacrum genus immortalium sempiternorum:*

*Qui ex terra geniti sunt & cœlo stellanti.*

Quibus allegoricè omnium rerum generationem ex cœli ac terræ connubio adumbrat: terra enim, ut inferius subdit, *ἔραυν' ἐυνυθεῖσα τῷ ὠκεανῷ βαθυδίνῳ &c.* cum cœlo concumbens peperit oceanum profundum vorticis. Idemque habetur apud [d] Aristotelem. *Διὸ καὶ ἐν τῷ ὅλῳ τῷ γῆς φύσιν ὡς θῆλυ, καὶ μητέρα νομίζουσιν. ἔραυν' δὲ καὶ ἥλιον, καὶ εἴτι τῶν ἄλλων τῶν τοιούτων, ὡς γεννῶντας, καὶ πατέρας προσαγορεύουσι.* Quamobrem in universo quoque naturam terræ quasi feminam matremque statuunt; Cœlum autem & Solem, & reliqua generis ejusdem nomine genitoris patrisque appellant.

[4] Simplicitas naturæ sua compositis potiora sunt, utpote eorum principia: verum ob nostrorum sensuum imbecillitatem ultima nostræ cognitioni occurrunt, juxta [e] Aristotelem: *ἐστὶ δ' ἡμῖν τὸ πρῶτον θῆλυ, καὶ σαφὲς τὰ συγκεχυμένα μάλλον.* Ὑστερον δὲ ἐκ τούτων γίνεται γνώριμα τὰ στοιχεῖα, καὶ ἡ ἀρχαία. At composita primò nota nobis sunt magis, ac manifesta: elementa verò, principiaque posterius ex his innascuntur.

## Quid sint Metalla, item quæ ad Metalla pertineant.

## C A P. I I.

Fossilium definitio.

Quædam ex animantibus inter Metalla posse recenseri.

Metalli etymologia.

**M**ETALLA igitur corpora sunt composita, quæ ab universali efficiente formas ad summam perfectionem materiales obtinent. Quapropter non omnia inanima sunt Metalla: non quæcunque anima destituta coagmentationem corporis relicta partium pertinacia tuentur: non recrementa Animantium, Gummi, Gibetum, Moschum, Mel, cæteraque id genus, quoniam ab anima oriuntur. Verum Auctores Animantia quædam inter Metalla connumerant, nempe Alcyonia, Isidis plocamum, Corallium, & alia cum virium comparatione, tum materiæ similitudine Metallis propinqua. Quorum exceptionem quamquam ordo Naturæ postulat, tamen haud consultò fiat, quando in ipsis Anima metallicum opus exæquari demonstrat, nec interesse quicquam plerique existiment, quos talium Animantium proventus latet. Et sanè à Metallī nomine non aliena reperiuntur; siquidem id ab investigando natum est, ac ejusmodi ferè sunt, quæ nec obviam procedunt, nec in conspectu surgunt, sed tanquam defossa terris, studium sui comparandi majus exigunt: His accedunt alia in Metallis referenda, quorum scilicet materiam ab Anima susceptam extraneæ qualitates specie Metallī afficiunt: cujus generis lapides Animantium habentur. Præterea ex metallis multa sunt, ad æmulationem Naturæ, commenta solertiæ humanæ, quæ ad præsens institutum rediguntur.

De



## De iis, quæ antecedunt Metalla.

## CAP. III.

**S**ED universam corporum recensionem ad Metalla deductam, si cum illis exequimur, quæ posterius definiunt imperium Naturæ; interea sanè luculentior Metallorum fiat demonstratio. Non enim Metalla videntur esse compositorum ultima. Quæ videntur autem, quo defectu Metalla non sint, explicandum est. Quispiam enim Terram non sinè Aqua, non Aquam sinè Terra, nec Aerem, nec Ignem denique ostendat integrum. Verùm uti materiam multis generandis destinatam, non sub una forma oportebat existere; ita neque diversas ejusdem species propriis finibus circumscriptas continuæ generationi futuræ, sinè mutua permixtione omnino esse conveniebat. Quocirca Materiæ quatuor Elementa, tametsi impura habentur, quia tamen primæ Materiæ à Natura præficiuntur, non Metalla, sed priora Metallis statuuntur. Item excellentia portione alicujus Elementi, præter terrena, & quædam fortassis Aquæ, nondum ad Metallum gradum pervenerunt: qualia sunt halitus intrà Terram, supra, exhalationes, & meteora, quæ nullo perfectionis gradu formam sunt affecuta. Nam & meteora ad finem contendunt, ut colluvies materiæ libera alieno, ad sua loca deveniat. Nequeunt enim consistere, quæ neque conventionem inter se, neque terminorum à se præscriptionem habent. Ut verò consistent quæcunque composita sunt, omnis in hoc est conatus Naturæ, primum ut simpliciter ipsa sint, tum etiam ut propter quæ sunt, aliis prosint. Consistere duritie porro est, durities autem Terræ, sed duris necessaria conglutinatio; cui debetur affine corpus nimirum Aqua. Et quoniam ad certam rationem ex Aqua debet confieri gluten; jam tertium quæritur corpus, quod contrariis qualitatibus Aquæ moderationem adhibeat. Id verò Ignis est, cujus profectò natura, nisi Aeris intercessione jungatur, à duobus illis nimirum abhorreat. Atque posteriora duo, Aer inquam, & Ignis nonnihil interventu suo, quantum cujusque permittit conditio, ad varietatem materiæ conferunt. Supra materiam igitur metalla sunt, quæ consistendo adeptam formam tuentur: eoque materiæ propinquiora existunt, quò minus operæ ad formam materiæ inducendam in iis à Natura collocatum est. Quæ enim vegetandi munere, sicut Animantia, non conservantur, uti se tueri queant, primum consistunt duri corporis beneficio: deinde multa resistunt etiam, quòd firmo partium nexu consequuntur,isque non sinè multo materiæ perficitur apparatu.

Cur elementa pura nusquam reperiantur.

Metallorum elementa.

Cur halitus terrestres, aliaque meteora inter metalla non sint connumeranda.

Qua ratione metalla ex quatuor elementis in dura corpora coagmētentur.

## De Metallorum differentiis.

## CAP. IV.

**D**ESIGNATIS autem in universo rerum ambitu Metallis, qua ratione ipsa inter se dignosci queant, proximam disputationem habent. Aristoteles in fine tertii Meteoron, differentias Metallorum à materia deducit his verbis: *Δύο μὲν γὰρ αἱ ἀναθυμιάσεις, ἡ μὲν ἀτμίδωδης, ἡ δὲ καπνώδης, ὡς φημέν \* ὅτι. \* ὅτι. Δύο δὲ καὶ τὰ εἶδη τῶν ἐν τῇ γῇ γινομένων· τὰ μὲν ὀρυκτὰ· τὰ δὲ μεταλλώδη. \* ἡ μὲν ἐν ξηρᾷ ἀναθυμιάσις ὅτι, ἥτις ἐκ πυρῆος ποιεῖ τὰ ὀρυκτὰ πάντα, οἷον λίθων τε γένη τὰ ἄτμικτα, καὶ σπανδαράκην, καὶ ὄρεαν, καὶ μίλτον, καὶ θάρον, καὶ τ' ἄλλα τὰ τοιαῦτα. τὰ δὲ πλεῖστα τῶν ὀρυκτῶν ὅτι, τὰ μὲν κοινὰ κεχρωματισμένη, τὰ δὲ λίθος ἐκ τοιαύτης γεγενῆσιν συστάσεως, οἷον τὸ κιννάβαρι. τῆς δὲ ἀναθυμιάσεως τῆς ἀτμίδωδης, ὅσα μεταλλάσσεται καὶ εἰσιν \* ἐλατὰ ἢ χυτὰ, οἷον σίδηρος, χαλκός, χρυσός. Αἰτ, duas aspirationes vapidam, atque fumosam esse. Duas item species nascentium in terra corporum; partim fossiles, partim verò investigandas. Itaque siccaneam aspiratio-*

Metallorum divisio ex Aristotele.

\* aliis εἰσι.

\* aliis ἢ χυτὰ ἢ ἐλατὰ.



nem esse, quæ exæstuans omnes conficit fossiles: veluti genera lapidum non fluida, Sandaracam, Ochram, Minium, Sulphur, talesque alias. Quippe plurimas esse fossiles, quasdam pulveres coloratos, quasdam verò lapides ex eadem ortos constitutione, velut Cinnabari. Aspirationis autem vapidæ quæcunque investigantur,

[a] Theophrasti de lapidibus.

Metallorum divisio juxta Theophrastum.

Aristotelis, & Theophrasti sententiæ conciliantur.

Fossilium divisio juxta Galenum.

Galenus sententia rejicitur.

Metallorum divisio juxta Avicennam, & Albertum.

Galenus sententia explanatur.

Et ductiles esse aut fusiles sicut ferrum, æs, aurum. Hanc sententiam [a] Theophrastus optimi Præceptoris insistentis vestigiis, ita refert. τὸ ἐν τῇ γῇ συνισαμένων τὰ μὲν ὄντιν ὕδατος, τὰ δὲ γῆς ὕδατος μὲν, τὰ μεταλλοδόμνα, καὶ ὁμοίως ἀργυροῦ, καὶ χρυσοῦ, καὶ τ' ἄλλα. γῆς δὲ, λίθου τε καὶ ὅσα λίθων εἶδη περιέχοντα, καὶ εἴτινες δὴ τῆς γῆς αὐτῆς ἰδιώτεροι φύσεις εἰσὶν, ἢ χρώμασιν, ἢ λειότησιν, ἢ πυκνότησιν, ἢ καὶ ἄλλῃ τινὶ δυνάμει. Verba sic efferimus. Eorum quæ in terra constituuntur, ista sunt aquæ, illa terræ. Aquæ autem, quæ investigantur sicut Argentum, Aurum, & alia: Terræ verò, lapis, & quæcunque species lapidum numerosa, & si quæ porro ipsius terræ peculiare naturæ sunt, vel coloribus, vel levitate, vel densitate, vel quavis alia habitudine. [1] Quæ Aristoteles ex vapidæ aspirationis foetura propter venas sparsim diffusas investiganda dicit, eadem non malè Theophrastus putat aquea, non quòd potissima pars Aquæ sit, sed comparatione Fossilium, & pro duri corporis complexione, Aqua in iis multa reputatur: [2] quæ ex aspiratione fumida, propter coactionem molis, Fossilia vocat Aristoteles, eadem rectè Theophrastus Terrena dicit. Præceptor enim in libris Meteoron ostendit vapidam aspirationem in humorem affluere, fumidam verò diripere partes Terræ afficcatas. Itaque ambo respectu materiæ in eandem eunt sententiam. Sed Galenus ab utroque dissentiens veritatis arbitrium exercet. Initio enim non in *περὶ ἀπλῶν* universalem de Terra tractationem assumens ad sensa Philosophorum, Terram, inquit, tribus generibus definiri: quorum unum Lapis, alterum sit Corpus Metallicum, tertium verò Terra, quæ colitur. Igitur Terræ nomine dura corpora Galenus comprehendit quæcunque præter Animantia sunt in rerum natura. Sed horum omnium æqua fieri nequit in tria genera distributio. Nam Terræ elementum, tametsi omnino expers alterius cujusque elementi nusquam exhibetur, id tamen quaecunque puro elemento vicarium est, prius compositis existens, neque Lapidi, vel ductili corpori potest adæquari. Primum genus autem species Lapidum solas continet, cætera, quæ hinc detrahit proximo generi tribuit, Metallicum corpus id vocitans, nulla verbi, sicut hætenus, originis habita ratione. Quæ sunt Sal, Auripigmentum, Gypsum, Sulphur, & alia, quibus nulla, vel materiæ, vel formæ alicujus communitas cum ductilibus intercedit. Quamobrem non uno genere Philosophus utraque complectitur: quod Medico liceat ad facultatum digestionem, qui metallica vocat, quæcunque in Ductilium fodinis oriuntur. Tertium genus Terræ, quæ colitur, Aristotelis, & Theophrasti exemplo, compositis non est annumerandum: sed ipsius recensionem eximendæ sunt terræ non idoneæ cultui, atque ad Fossilia reducendæ, quod ex historia Terræ Lemniæ Galenus ipse concedat, qui collem illum, ex quo effoditur ea in Lemno Insula, nullam efferre frugem, & in conspectu videri ustulatum tradit. Non igitur temere quispiam à Magistro sapientiæ ad alienas factiones se convertet. Quod facere videtur Avicenna, quatuor genera statuens, Lapidem, Metallum, Sulphur, & Sales: Albertus tria, Lapidem, Metallum, & Media; quo nomine intelligit quæcunque ambigunt inter Metallum, & Lapidem: At hi, si rectè perpendantur, nequaquam ab Aristotele dissentiant: quòd enim Galenus omnia Terram vocet, consentit cum Aristotele, qui Terræ species tum Lapidem, tum Metalla, tum reliqua corpora, quæ intrà terram fiunt, asserit. Et si enim quorundam principia magis ad Aquam spectent, omnia tamen conditiones Terræ magis possident, præsertim circa facultates, quas Medici quærunt. Dividit autem in tria genera tanquam sensui manifesta, Lapidem, Metallum, & Terram, quæ colitur: quamvis enim omnia sint Terræ species; differt tamen quæ colitur à cæteris, quia cum Aqua in lutum concrevit, quod cæteris non contingit, quia coagulationem quandam id prohibentem passa sunt: hæc autem ad Elementi naturam magis accedit, ex quo cum Aqua cætera fiunt. Metallum autem accipit non solum quod fusile est, sed & quæcunque affinitatem



nitatem quandam cum illis habent, five cum illis nascantur, five ignis vi sejun-  
gantur, five quocunque alio artificio parentur, ideo cum de pumice agit, am-  
bigi, inquit, utrum inter Lapides, an inter Metalla numerandus sit, adeo ut quæ-  
cunque subterranea non Lapides sunt, Metallica vocet. Sed post eum distin-  
ctius Avicenna, quæ ambigua sunt in Salis genera, & Sulphuris distribuit;  
Albertus autem media mineralia vocavit. Hæc autem non repugnant divisioni  
ab Aristotele tradita. Non enim negant, quædam ex sicca exhalatione magis  
constare, quæ terrea est, quædam ex aquea. Ad siccam enim exhalationem re-  
fert non solum Lapides illiquabiles, sed & Pulveres vario colore præditos,  
in quibus numerantur Terræ in lutum solubiles, & Sales, & Sulphur. Ad hu-  
midam autem, quæ ab igne liquabilia sunt, aut ductilia, hæc enim humiditatis  
sunt effectus. At recens quidam Auctor, ab Aristotele discedens, omnes jam  
commemoratas divisiones laceffit: verum Peripatetica luce orbatus, nil mirum  
si in graves incidit errores: cogitur enim idem sub diversis generibus ponere,  
ut succum concretum modò inter Sales, modò inter Lapides; quid enim aliud  
est succus lapidescens quàm concretio? Sed nè videamur inutilia persequi, ad  
nostrum institutum revertamur, ab iis incipientes, quæ à sicca exhalatione fiunt.  
Quorum alia humore solubilia sunt, ut Terræ propriè vocatæ, quæ in lutum  
transeunt, Sales qui in aquam, Sulphur quod in oleum. Alia insolubilia ut la-  
pides illiquabiles. Postremò explicabuntur, quæ humida exhalatione con-  
stant, hæc autem igne liquabilia sunt, aut ductilia.

*Desunt hic multa.*

## N O T Æ.

[1] Quod ad Metallorum generationem attinet, variæ sunt Physicorum sententiæ: quamvis enim  
omnes ferè cum Aristotele conveniant, ea ex halitibus è terræ visceribus prodeuntibus gigni; nihilo-  
minus, quòd materia hæc nimis sit remota, atque universalis, alia Metallorum elementa in halitibus  
præfatis latentia, inquirere aggressi sunt. Ac primum Chymicorum alii Metalla fieri contendunt  
ex Mercurio & Sulphure, alii ex Mercurio Sulphure & Sale: Mercurii nomine autem accipiunt,  
non Mercurium vulgare, seu Argentum vivum, sed substantiam quandam humidam viscosam atque  
unctuosam, qua potissimum Mercurius vulgaris abundat: pro Sulphure, materiam pinguem acido pe-  
culiari minerali coagmentatam, ex quorum permissione qualitates metallicas, duritiem nempe,  
ductilitatem, ac liquabilitatem creari existimant. Alii verò ex Mercurio vulgari Sulphure ac Terra  
componi volunt. [a] Cl. Hombergus ex materia subtilissima lucis Mercurii globulos diversimode  
penetrante varias Metallorum species provenire ingeniosè admodum ex suis experimentis deducere  
conatur. Alii ex seminibus gigni ac plantarum instar illa vegetare existimant; eo quòd in fodinis  
exhaustis iterum ac sæpius renascantur, tanquam ex relicto inibi seminio; arborumque vegetationem  
æmulentur, dum in truncos producuntur, ramosque emittunt: immo singula peculiarem formam præ-  
ferunt, ut plerique affirmant; & nos conspeximus in Museo illustrissimo Illustrissimi Leonis Strozæ  
Viri sanè tum nobilitate, tum rerum naturalium cognitione, tum morum suavitate præstantis, matri-  
cem metallicam ex cubis invicem coherentibus à natura ipsa tam affabre atque eleganter efformatis  
concinnatam, ut perfectiores Artificis norma effingi nequeant: quamvis integri non sint, sed qua par-  
te mutuo se contingunt, deficiunt: horum autem alii majores, alii minores observantur. Eidem sen-  
tentia accessisse quoque celeberrimum Malpighium ab Illustrissimo Lancisio accepimus. Cui licet  
non assentiamus; existimamus enim Metallorum generationem, atque incrementum, partium, ut ajunt,  
juxta positionem fieri; nihilominus analoga quadam ac rudi vegetatione ea progigni ac crescere arbi-  
tramur. Etenim singula in peculiaribus matricibus oriuntur, ac foventur, quas uteri quodammodo, aut  
placentæ munus obire verisimile est. Siquidem per ipsarum porulos, veluti per quasdam glandulas,  
ut evenit in viviparis, nutrimentum metallicum liquoris, aut vaporis forma secernitur ac percolatur  
à reliquis particulis heterogeneis. In hoc autem liquore, seu vapore moleculæ materiæ metallicæ  
immersæ, ac permixtæ sunt: quæ paulatim advectæ, ob aptam earum figuram ita invicem coalescunt  
ac congruunt, ut magno inter se contactu jungantur: quo fit, ut arctius cohæreant, ac quàm paucos,  
& perexiguos poros relinquant. Hinc Metalla cæteris corporibus longè compactiora, solidiora,  
ac ponderosiora evadunt. Cæterum iisdem principiis chymicis atque alia Fossilia concrefcere proba-  
bile admodum est. Etenim alkali, atque acidum cunctis ferè Metallis, inesse variis experimentis  
comperta sunt. Sulphur verò, Terram, ac Salem in illis contineri, sequentia evincunt. I. enim plera-  
que ex ipsis, veluti Stannum, Plumbum ac Ferrum facili deflagratione Sulphur produunt. II. [b] omnia  
Metalla speculo ustorio exposita in auras abeunt, relicta pauca terra vitri speciem exhibente. Ex quo  
experimento colligitur, ea partibus tenuissimis ac volatilibus sulphureis potissimum componi, quæ  
radiorum Solis vehementia tanquam cuneo divulsæ atque impulsæ extruduntur, & ab arcto aliorum  
principiorum fixiorum nexu liberatæ avolant: residuum autem nihil aliud est quàm Terra ob Salium  
fixiorum alkaliorum admixtionem vitri formam adeptæ. III. demum venæ metallicæ ut plurimum  
Sulphure, Vitriolo, Nitro, aliisque Fossilibus scatere deprehenduntur. Quod sanè magno argumento  
est, ex iisdem penè principiis Metalla ac cætera Mineralia compingi.

[2] Lapides, non secus ac Sales, Metalla & pleraque alia Fossilia, ex particulis in aliquo fluido innatan-  
tibus, atque exinde diversimode arctèque invicem coherentibus progigni admodum consentaneum est.

Eorum.

Fossilium genera ju-  
xta Galenum, Avi-  
cennam, & Alber-  
tum Aristotelis di-  
visioni accommo-  
dantur.

Aristoteles defendi-  
tur.

Fossilium specierum  
definitiones.

Variæ Chymicorum  
sententiæ de Metal-  
lorum generatione.

[a] *Memoir de l'Aca-  
dem. Royal. des Scienc.  
an. 1709.*

Materia Metallorum  
juxta Cl. Homber-  
gum.

Metalla quomodo  
gignantur.

Metalla ex chymicis  
principiis constant.

[b] *Memoir de l'Aca-  
dem. Royal. des Scienc.  
an. 1709.*

Lapides quomodo  
generentur.



Lapidum materia  
initio fluida demon-  
stratur.

Diversa heteroge-  
nea corpora intrā  
lapides contenta.  
Gemmæ aqueum li-  
quorem cōtinentes.

Lapides intrā dura  
corpora reperti.

Res variæ in lapi-  
dem conversæ.

Hominis sceletos  
crusta lapidea obdu-  
ctus.

Aquæ lapidescentes.

Aquæ Tyburtinæ.

Aer & vapores la-  
pidum generationē  
promovent.

Varii modi quibus  
lapides cōcrescunt.

Diversitatis lapi-  
dum causæ.

[2] Lettre de M.  
Cheurier contenant  
un memoire sur la  
coagulation par M.  
Matte.

Duo liquores limpi-  
di invicem commi-  
xti in lapideum cor-  
pus concrescunt.

Terrarum catero-  
rumq; fossilium ge-  
neratio, quomodo  
fiat.

Eorum enim materiam fluidam initio fuisse evidenter demonstratur ex sequentibus. Multi siqui-  
dem passim observantur lapides, qui diversas res, fossilia, nempe, vegetabilia, animalia, aliaque ex-  
tranea, atque heterogenea corpora, ita quaquaversus complectuntur, circumvestiunt, ac concava sui  
superficie, eorum superficiei convexæ mutuo contactu adamussim congruunt, atque aptantur, ut suis  
cavitatibus illorum figuras graphicè ac perbellè expressas demonstrent, atque conservent. Nonnun-  
quam etiam gemmæ perlucidæ inclusos liquores ostendunt: quemadmodum observavimus apud præ-  
dictum Illustrissimum Strozam, apud quem bina crystalli frusta spectantur, quæ aquei liquoris guttam  
interceptam admodum limpidam, & ex qualibet levi agitatione in quancunque partem celeriter con-  
fluentem demonstrant.

Contra verò alii Lapides plerumque in intimis extraneorum, durorumque corporum partibus, tan-  
quam nuclei, circumsepti & tunicati undequaque reperiuntur, ac continentium solidorum internos  
hiatus ita implent, opplentque ut eorum figuras exactissimè induant.

Multa denique nimirum diversorum animalium partes, arborum trunci, conchyliæ, aliaque testa-  
cea &c. ita cum lapidea substantia intimè permixta, conjunctaque deprehenduntur, ut à veris lapidi-  
bus discerni, vix, ac nè vix quidem possint. Quorum passim occurrunt exempla apud Scriptores,  
& nos plura id generis conspeximus in laudato Museo, in quo præ cæteris spectabilis sanè est homi-  
nis sceletos crusta lapidea admodum crassa undequaque obductus, cum ejus internæ partes, ut natura  
sunt, spongiosa, atque ossæ penitus, ubicunque scissuræ occurrunt, observentur.

Quæ quidem omnia fieri nequaquam possent, nisi lapidum materia liquida, ante ipsorum concretio-  
nem foret; ita ut, modò res duras exterius obliniret, atque obduceret, modò per angusta foraminula  
influens interna ipsarum spatia penetraret, modò poros exiguos ingressa, totam earum substantiam  
subiret, ac pervaderet.

Accedit demum quòd innumeræ aquæ recensentur, quæ paulatim in lapides concrescunt: quales  
Romæ etiam spectare licet in antiquis aquæductibus, qui à præterfluente aqua lapidescente penitus  
obstructi sæpe sapius reperiuntur; præ cæteris verò insignes sunt aquæ Tyburtinæ, ex quibus assidue  
calculos concrescere observatur.

Quamvis autem lapidum elementa, ut ex dictis manifestum sit, in aqueo fluido, ut plurimum im-  
mersa reperiuntur; nihilominus aer etiam, ac vapores terrestres ad eorum generationem nonnihil con-  
ferunt, quòd salinis particulis quibus scatent concretionem adjuvent.

Demonstrata igitur lapidum materia, quomodo ex ipsa gignantur nunc explicabimus. Ac I. qui-  
dem lapideæ moleculæ, salinæ nempe, terreæ, argillaceæ, fabulosæ, glareosæ, & similes, sive aqua,  
sive aere, aut vaporibus contentæ, ob imminutum fluidi motum, quo suspendebantur, decedentes ac  
invicem coeuntes in duram molem concrescunt. II. ob earum auctam, aut fluidi imminutam quanti-  
tatem graviores factæ pariter subsidunt, ac unà congeruntur. III. dum unà cum vehiculo fluido per  
poros nimis angustos corporum, aut eorum figuræ minimè accommodatos percolantur, detinentur,  
& cum illis in solidam substantiam coguntur. IV. in varia corpuscula, ac præsertim salina impin-  
gentes, cum illis arctè implicantur, ac ferruminantur. Verùm de his fusiùs cum de salium concretio-  
ne agetur.

Pro varia autem mixtione, ac diversitate particularum, variæ lapidum species oriuntur. Duriore  
enim, molliore aut fragiliore, pro arctiore, aut laxiore partium nexu, & cohæsiōe fiunt. Hinc  
gemmæ quæ ex salinis potissimum moleculis modica terra admixta gignantur, duræ ac pellucidæ  
sunt, variumque colorem juxta varios metallorum vapores, quibus inficiuntur, suscipiunt, ut in gem-  
mis factitiis evidentissimè apparet. Fragiliores autem magisque opaci redduntur lapides, cum ex  
magna terræ copia, habita cæterorum principiorum ratione, componuntur. Variant demum quòd ple-  
raque ipsorum genera, ex diversis salibus, succis concretis, bituminibus, metallisque coagmenten-  
tur. Quippe alii salem marinum, alii nitrum, alii chalcanthum, alii sulphur, alii alumen, alii as, alii  
ferrum, alii aurum majorem partem continere observantur.

Verùm, ad lapidum generationem illustrandam, plurimum faciunt chymica experimenta, ex qui-  
bus facillè intelligitur, quomodo liquores inter se mixti, salium ope in durum corpus concrescant.  
Paretur [a] enim ex residuo, ex quo distillatus antea fuerit spiritus volatilis salis ammoniaci admixta  
calce, lixivium; quod percolatum, ac lentè, usque ad pelliculam, ut ajunt, evaporatum, æquali por-  
tione, in oleum tartari per deliquium affundatur. Quo factò, utrique liquores prædicti, quamvis  
antea forent limpidissimi, bacillo ligneo leniter agitati, brevi in massam duram concrescunt, quæ si  
leni igni admoveatur, donec aqueæ particula evanescant, in lapideam substantiam prorsus abit. Sal  
enim acidus marinus cum sale fixo calcis in prædicto lixivio contentus, sali alkali tartari arctè jungi-  
tur: hinc aquearum molecularum quæ in interstitiis includuntur, motus inhibetur, ac sistitur, unde  
soliditas, ac durities inducitur.


Diversa autem terrarum aut colorum genera oriuntur ex variis metallorum vaporibus, salium, alio-  
rumque fossilium unà cum terra diversimode coalescentibus.













# ARMARIUM I. TERRÆ. DE TERRARUM GENERIBUS.

## C A P. I.



UONIAM superius Fossilia in universum, tum quæ communia sunt omnibus generibus, summatim persecuti sumus; consequens nunc esse videtur, ut quæcunque ad ipsas partes generum pertinent, singillatim explicare aggrediamur. Parentis itaque Naturæ congruum velut ordinem sequentes, de Terra primùm differemus. Hæc namque inter Fossilia omnia simplicior naturam obtinens, prima sese nostris sensibus spectandam offert, eaque de causa nobis omnibus notior est, atque perspectior. Accedit quòd earum rerum, de quibus agere instituimus, maxima pars ex crassiore, densioreque materia constat; etenim Fossilia plurima terrestrem substantiam procul dubio magis continent: & quæ aqueam habere putantur naturam, & si quæ sunt, quæ vel aere, vel igne plurimo constent, nihilominus propter sui duritiem, ac soliditatem, terram magis, quàm aliud quodvis elementi genus non obscurè præferre dignoscuntur. Jam verò si, quæ ubique progignuntur, spectemus, terra est cæteris elementis multò copiosior, præstantiorque; quæ si quicquam aliud, eo mirabilior, ac dignior videtur, quòd Fossilia omnia, herbas, frutices, arbores, animantia cuncta, atque in his hominem, non modò suis fructibus alat, unde & alma dicta est, sed etiam sustentet, ac tueatur. Ab ea igitur jure optimo exordium nobis erit: sed admonendi priùs Lectores veniunt, duo esse Terræ genera, alterum simplex, syncerum absque aliqua adventitiæ materiæ mixtione, alterum mixtum. Simplex, syncerumque id dicitur, quod saporum omnium, odorumque planè expers, nullo, præter album, colore præditum videtur; [1] Elemento enim simplici, simplex quoque tribuendus est color; quia tamen aquis miscetur, & ex spirituum quoque sublimatorum opere, tingente nimirum subterranea exhalatione, Terra multicolor apparet, alioquin candida. Quia verò simplex, ac syncera Terra saporum, odorumque expers omnium minimè reperitur, mixtarum, & quidem earum, quas videre licuit, naturam tantummodo strictim, ac breviter attingemus: earum differentiæ nonnisi ex odore, sapore, colore, & eis qualitatibus, quæ sub sensum cadunt, animadverti possunt. Nam Fossilibus omnibus, non solùm vis sentiendi nulla inest, movendique, quibus animalium natura constituitur; sed nec aliud ullum genus animæ inditum est, quo saltem alantur, incrementum recipiant, & generent, quemadmodum plantæ; propterea etiam nullus instrumentorum apparatus necessarius fuit illis; quamobrem ad naturam partium, quas similes appellant, magnopere accedunt, in quas non solùm odores, sapes, & colores referuntur; sed etiam qualitates tangendi sensui subjectæ. Terrarum igitur quædam duræ, atque aridæ sunt, nonnullæ molles, humoreque multo diffuentes; pingues aliæ; quædam non pingues, sive macræ; aliæ naturam tenacem, & veluti glutino compactam habentes; densæ aliæ; aliæ raræ; nec unius omnes usus. Varia sortiuntur nomina, pro diversitate scilicet vel usus, vel ipsius, unde importantur, loci. Agricolaë terras norunt, quibus pro fimo utantur, quæ margæ dicuntur, de quibus, utpote minus, quàm cæteræ, vulgò notis, infra dicemus; aliæ frugibus, aliæ pascuis, aliæ ferendis arboribus aptiores. Vasis instituendis figuli

Maxima Fossilium pars ex Terra constat.

Terra laudatur.

Terræ genera duo.

Terra simplex quæ.

Terrarum differentiæ unde accipiuntur.

Terrarum differentiæ à tactu.

Terrarum differentiæ ab usu.

tena-



tenacioribus terris utuntur . At eæ, quibus Plastræ, & Fullones eluendis utuntur maculis, Cretæ nominantur; quæ etiam eadem vasis argenteis poliendis, armis tergendis utiles putantur . Suas quoque Cretas Pictores habent, coloresque solum in eis quærunt, ut rubricas, ochras, cretas virides, nigrasque; Medici quoque quasdam Terras ad varios morbos propulsandos adhibent . Itaque omnium ferè naturam conabimur ostendere, & in Armarii hujus loculis unumquodque genus seorsum collocabimus . Atque hæc de Terrarum differentiis .

## N O T Æ.

Terræ nomina .

Terra quot modis accipiat .

Causa colorum quæ sit .

Terra Latinis dicta est, quod ab omnibus teratur, juxta Varronem; Græcis γῆ ποτὶ τὴν γενέσιν, quod ex ipsa omnia gignantur, hinc δημιουργή, idest Terra mater, necnon etiam τροφή quasi omnium nutritrix à Poëtis vocatur . Hebræis אֶרֶץ *Erets*. Variè autem Terræ nomen accipitur . I. enim globum terræqueum significat . II. altera hujus globi pars, quæ à mari dividitur, ac proprio pondere librata consistit, Terra dicitur; quæ Hebræis יבשה *iabbsciab* propriè appellatur, hoc est arida . III. Ita audit apud Chymicos corpus illud porosum, fixum, grave, insipidum, inodorum, aliisque principiis effectum, ac post Chymicas analyses residuum: quod *Caput mortuum*, ac *Terra damnata* vulgò nominatur . IV. inter præcipua rerum elementa à Physicis recensetur, ideoque Terram simplicem ac elementarem Veteres dixerunt. [1] Quæ autem de hujus colore differit Auctor, illius ætatis vitio sunt tribuenda; colores enim non ex interna rerum mixtione aut simplicitate gignuntur, sed ex varia superficie corporum textura; quæ qualis futura fuisset in terræ simplici elemento, non adeò facile est determinatu . V. Fossilium genus est . Definitur autem . Corpus fõsile, quod aqua aspersum in lutum abit: de quo hic agitur .

## DE LEMNIA TERRA.

## C A P. I I.

**F**ACILIOR, & jucundior Lectori erit hæc tractatio, si quid sit unaquæque res Fossilis, & qualis vera, ac genuina sit uniuscujusque rei natura, quosque usus habeat, breviter antea declaraverimus . Commodissimum itaque fore putavi à Lemnia Terra ordiri, tanquam ab ea, quæ omnium laudatissima est, & à Veteribus summo opere celebrata . Lemnia Terra Sphragis [a] à Galeno dicta est, quod signata venderetur; σφραγίς enim signare est: officinis Terra sigillata dicitur . Ex Lemno Græciæ Insula Stalimine hodie dicta nomen traxit; [b] Avicenna lutum sigillatum appellat . [3] Est autem pinguis, aliquantulum tenax, densa, mollis, rubricoloris, modicè astringens, in qua cum abraditur, tenuissimæ quædam bracteolæ, instar plumbi nitentes apparent; quæ quidem nota, vera à ficta facillè dignosci potest . [c] Eam quidem Sphragida Lemniam appellant, quasi sigillum Lemni Insulæ; quoniam Dianæ sigillum impressum habebat, [2] sicut hodie Turcicæ literæ imprimuntur; alii Milton Lemniam, id est, Rubricam Lemniam, quoniam rubeat, id quod ipse Galenus libro nono Simplicium testatur his verbis: *Lemniam Terram quidam cognominant σφραγίδα λεμνίαν* (hoc est Sigillum Lemnium) *ob impressum videlicet illi Sigillum Dianæ sacrum, ceu etiam nonnulli ob colorem Lemniam Milton, seu rubricam vocant; eundem enim, quem rubrica colorem habet; verum ab ea differt, quod contactu non contaminet, ut illa; & secundum collem in Lemno, qui totus colore fulvo est, & in quo neque arbor, neque saxum, neque planta nascitur, tantum hujusmodi terra visitur*; Hæc ille . [4] Ex cujus sanè verbis non obscurè conjici potest, recentiorum sententiam (à quibus profectò dissentire cogor veritatis tantum aperiendæ, ac vindicandæ, non contradicendi studio) à Galeni mente, quammaximè dissidere, quod Lemniam Sphragida, etiam Galeni testimonio, impensè, & vehementer rufescere scribant; quemadmodum etiam cujusdam asserentis Terram Lemniam, hoc est Sacram à Galeno fulvo colore pingi, non rubente, quali plerumque rubrica Terra insignitur . Satis enim notabili intervallo fulvus, & rubeus color, veluti simpliciter, & impensè, sive saturatè ruber, qualis bolus Armenus orientalis dictus visitur, de quo mox fusiùs dicendum erit, inter se discrepare animadvertuntur: Quin etiam quod Lemniæ Terræ Sphragidos color loturæ carnis similis fuerit, ex hoc in primis testimonio facillimè comprobari potest, quoniam Dioscorides fan-

[a] Galenus primo de Antid. cap. 2.

Terra Lemnia, Sphragis, Terra sigillata, &amp; Lutum sigillatum appellata .

[b] Avicenna lib. 2. tract. 2. cap. 419.

[c] Galen. 5. Meth. Terræ Lemniæ veræ notæ .

Terra Lemnia, Rubrica Lemnia, &amp; Milton Lemnia cur dicta .

Terræ Lemniæ locus .

Nonnullorum Auctorum sententia de Terræ Lemniæ colore confutatur .



# Terræ.

9



fanguine hircino, vel caprino conformari credidit; quod sibi persuaserat etiam Galenus, antequam vidisset: idcirco ruborem talem habere debet, qualem faceret sanguis terræ mistus; alioqui hi summi Viri non putassent sanguine hædino parari; (quam ob causam à Lemniis Sacerdotibus se irrisum refert Galenus) neque Poetæ finxissent, è cœlo Vulcanum illuc cecidisse, [6] suoque cruore Terram ibidem conspersisse.

Perrarò hodie vera Veterum Terra Lemnia ad nos affertur, & in Pharmacopoliis rariùs adhuc haberi consuevit, mirum enim in modum adulteratur. [5] Verùm non desunt hodie Viri docti, qui constantissimè asserere audeant, Armenium Bolum, quem vulgò Orientalem appellamus, præstantissimam, atque legitimam esse Terram Lemniam: sed quo in errore versentur, sequenti Capite luce meridiana clariùs ostendetur.

Terræ Lemniæ raritas.

Terra Lemnia non est Bolus Armenus Orientalis.

PATERA E TERRA LEMNIA.



TERRA LEMNIA SIGILLATA.



[a] Dioscorides lib. 1.

Terræ Lemniæ vires.

[b] Galen. 9. Simpl.

Galen. 14. Met.

Patera è Terra Lemnia Clementi VII. à Francisco Gallie Rege donata.

Cæterum Lemnia Terra in vino pota (ut [a] Dioscorides ait) contra venena præsentaneum remedium est, evomere omnia ea cogens præsumpta cibis: animalium quoque lethalibus plagis, atque moribus convenit: additur & antidotis. [b] Galenus verò ad sanguinis expuitiones valere inquit: sanguinis ex utero profluvia, & muliebrem fluxum magnificè juvare; exulcerationibus, dysentericisque mirificè conferre; necnon rabientis canis morsum sanare in vino diluto epotam, & ulceri ex aceto impensè acri impositam; aliarumque ferarum ictus egregiè curare. Ad extremum porrò insignem Pateram è Terra Lemnia vera, colore candicante, ac diluto rubro intermixto, aquæ è lotura carniū simillimo, quam Franciscus Gallie Rex à Turcarum Imperatore sibi elargitam, Clementi Septimo Pontifici Maximo postea dono dedit, propter eximiam ejus magnitudinem, opusque pulcherrimum hinc etiam volumus graphicè depictam ostendere, quæ nunc in pretiosissimis Summorum Pontificum Gazophylacii Theauris diligenter recondita asservatur, & visitur. Cætera verò, quæ de Terra Lemnia dicenda supersunt, sequenti Capite paulò latius persequemur.

## N O T Æ.

[a] Plin. lib. 35. c. 6.

[b] Salmaf. exercitat. Plinian. in Solin.

[c] Petrus Bellonius lib. 1. observ. cap. 22.

Terræ Lemniæ notæ.

Genuinam Terram Lemniæ ex colore deprehendi non posse.

[d] In Comment. in Diosc.

Matthiolum sibi non constat.

Terra Lemnia quibus partibus componatur.

[e] Bellon. lib. 1. observat. cap. 33.

Fabula de Vulcano quid involvat.

[f] Eustathius in Iliad.

[g] Homer. Iliad. 1.

[1] Quamvis à nonnullis Sphragidem Lemniam, Rubricam quoque appellari tradat Galenus; nihilominus primo de antidotis rectius Terram Lemniam, quàm Rubricam nominari scribit; ut secernatur ab alio Terræ genere, quod Lemni effoditur; sed longè diversis facultatibus præditum est, ac manus inficit. Quare [a] Plinius notatur à [b] Salmasio, quod Terram Lemniam Rubricam appellaverit, unoque nomine duas res inter se diversas confuderit.

Terræ Lemniæ historiam accuratissimè persequitur [c] Bellonius, utpote qui Lemnum adnavigavit, ut *ἀντιόχης* ejus naturam inquireret: à quo multa quidem scitu digna de cerimoniis, aliisque semel in anno, sexto die Augusti celebrari solitis in ejus effusione enarrantur; sed sequentia potissimum prætermittenda esse non duximus. [2] In sigillo, quo hodie Pastilli obsignantur Arabicis characteribus, duo hæc verba leguntur, *Tin imachtou*, idest Terra sigillata: (Quæ sanè verba corrupta scribuntur apud Bellonium, aliosque pro *طين مختوم* *Tino machtumon*) ut idem à quodam Turca

Arabica linguæ perito se accepisse refert. [3] Inter bonitatis notas hæc duæ præstantissimæ judicantur. I. ut inter mandendum aromaticum spiret odorem. II. ut arenaceum quid præferat.

[4] Color autem incertus admodum est genuinæ, vel adulterinæ Terræ Lemniæ index. Nam prædictus Bellonius refert, tum saturatiùs rubentes, tum carneo colore infectas, & albescentes Sphragidas æquè in pretio illic esse ac præstantes; immo in eadem fodina variis coloribus spectari traditidemque affirmat Albacarius pariter oculatus testis in sua epistola apud Matthiolum, ac Vvormius in Museo. Quare non audiendus [d] Matthiolum (quem hic notare videtur Mercatus) dum ait: *Ex cuius quidem (idest Galeni) verbis facillè conjici potest, Lemniam Terram, quam ad nos hoc tempore convehunt Mercatores Turcici characteribus obsignatam, illegitimam esse, & minimè synceram; quandoquidem constat Galeni testimonio Lemniam Sphragidem impensè rufescere, non autem subrufescere, vel potius subalbescere, qualis hæc visitur, quam passim pro legitima, synceraque circumferunt impostores*: Etenim paulò inferiùs mutata sententia sic scribit: *Ego ex officina Rustani Bassani aliquot Sphragidum globulos acceptos mihi pro thesauro asseruo, quorum aliqui albi sunt, aliqui rubent, & nonnulli humanæ carnis colorem referunt. Nec ob coloris diversitatem fraudem aliquam vereor; cùm ipse Albacarius fateatur reperiiri terram hanc iis omnibus coloribus infectam*. [5] Hinc etiam loqui videtur Auctor de Matthiolo, qui scribit, Bolum Orientalem officinarum Terram esse Lemniam non signatam: cùm autem plerique Auctores fide digni asserant, Bolum prædictum ex Lemno afferri, nec viribus tamen, neque colore cum Terra Lemnia sigillata conveniat juxta Mercatum, probabilius videtur juxta nonnullorum sententiam, Bolum Orientalem prædictum non esse quidem Terram Lemniam non sigillatam, quæ Terra sacra Antiquis dicebatur, sed Rubricam Lemniam, quæ à Rubrica Sinopica parum differt, vel ali-quod aliud Terræ genus, quod hodie fortasse à recensitis diversum, Lemni repertum est.

Quænam sit ejus substantia facillè innotescit ex eo, quod adeò pinguis sit, ut sebum quodammodo æmuletur, sudores moveat, ac morbis malignis venenatisque moribus adversetur. Ex quibus omnibus liquidò constat, Terram sigillatam nil aliud esse, quàm concretionem terreo-sulphuream, quæ ex halitibus pinguibus infernè exhalantibus, ac terræ superficiei adhærentibus coalescit. Sulphur enim lentorem, molliciem, ac pinguedinem corporibus tribuere, vi alexipharmaca, ac diaphoretica insigniter pollere, vel mediocriter in Physicis, ac Medicis versato notissimum est. Accedit ad hæc loci, unde eruitur, qualitas, quem maximè bituminosum esse demonstrant [e] aquæ calidæ illinc erumpentes, & antiquæ ignium eructationes, quibus olim Insulam conflagraisse refert [f] Eustathius. Unde fabulæ occasio de Vulcano lapsu; de quo sic Homerus: [g]

Ἡδὲ γὰρ μὲ καὶ ἄλλοτε ἀλεξέμεναι μεμαῶτα,

Πῦρ ποδὲς τετραγὼν ὑπὸ βελῶ δεσπεύοντο.

Ἦδὲ δ' ἡμᾶρ φερόμεν ἄμα δ' ἡελίῳ καταδύντι.

Κάππεσον ἐν λήμνῳ ὀλίγῳ δὲ πὶ θυμῷ ἐνῆεν.

Jam enim me & aliàs auxiliari cupientem

Fecit pede extensum à limine divino.

Totam autem diem ferebar; unà verò cum Sole occidente,

Decidi in Lemnum: modicum autem animi erat.



Immo sub Vulcani larva Terram Lemniam innuisse Poetam mythicis inventis res physicas. adumbrantem, ob ejus caliditatem, contendit Myrtilus apud [g] Natalem Comitem.

[g] *Natalis Comes Mytholog.*

Hinc, quamvis Terra Lemnia naturæ sit Alkalicæ, ut cætera terrarum genera; [h] nihilominus spiritibus acidis mineralium difficillimè solvitur; eo quòd partes sulphuræ ramosæ, quibus scatet, salinas acidorum cuspidēs implicent, ac præpediant, quòd minùs ejus compagem subeant, ac laxent.

[h] *Memoir. de l'Acad. Royal. des Scienc. an. 1700.*

[6] De sanguinis Vulcani effusione, nihil (quod sciamus) extat apud Poetas, & Mythologos: Hinc suspicamur, hoc à Mercato fabulæ additum fuisse; quòd ex lapsu vulnus probabiliter conjectari possit.

## DE ARMENIA TERRA,

### Sive Bolo Armenio.

#### CAP. III.

**A** Ge nunc post Lemniam de Armenia Terra dicamus: siquidem ex unius descriptione alterius naturam conjicere licet. [a] Armenia terra, sive *πυλὸν αἰμαρινόν*, idest lutum Armenium, ut Actuarius sæpe, sive [1] Bolum mavis appellare, colore est [2] pallido, teri facilis, calcis modo, arenosa substantia carens, modicè densa, gravis adeò, ut his, qui negligentius illam intuentur, videatur lapis. Sic dicta, quòd ex Armenia minori Cappadociæ finitima ad nos afferatur: Hæc autem vera, & genuina hac tempestate ferè ab omnibus Europæ incolis ignoratur. Quamobrem ii omnino reprehendendi sunt, qui Bolum à seplasiariis orientalem, & finum cognominatum, Armenium verum esse sibi persuadent. Neque interim recentis cujusdam Auctoris, & aliorum, qui ipsum sequuntur, sententiæ acquiesco, quòd certò statuunt, hujusmodi Bolum Armenum nunc appellatum orientalem, esse lutum Lemnium, videlicet terram Lemniam non sigillatam, nihilque ab ea, quæ Turcicis characteribus insignitur, differre, nisi quadam arenula, quam habet: quam arenam, sive album sabulum, volunt, non nisi impressi sigilli retinendi gratia, ipsi terræ admisceri. Sed ii procul dubio decipiuntur: Ut enim admittamus hunc Bolum passim Armenum vocatum ex orientali plaga adferri, tamen neque viribus veræ Lemniæ (quam patrio quodam ritu, piamentis quibusdam additis, Galeni ætate sacerdos colligebat) attributis, neque facie, & notis, quibus nunc effoditur, similis existit. Quod ad vires attinet, terram Lemniam, quæ ex Lemno insula antiquitus Dianæ sigillo insignita, & nostra hac ætate sigillo Turcico ex Turcicis literis confecto, munita, vera, non adulterata magnis principibus adfertur, contra venena, & lethalia medicamenta præsentanei antidoti vires habere, & antiquorum testimonia, & recentiorum frequens experientia satis ostendunt. Hic autem Bolus orientalis, qui passim sub nomine Armeni venundatur, easdem vires non habet; licet enim hoc passim medici utantur, quod non solum venenis adversari eum, sed pestiferis quibuscunque morbis, ipsis, & aliis persuasum sit; ejus tamen felici optatoque successu frustrantur, & antiquiores tanquam de eo mentitos liberè accusant; unde ad Theriacam, Mithridatium, & alia quædam Alexipharmaca confugiunt. Atque interdum in quibusdam Italiæ locis luteam quandam glebam ex Apulia, vel ex agro Neapolitano allatam huic præferendam judicant. Equidem celebres quosdam Medicos ipse novi, qui cum frequenter cuidam pestilenti febre laboranti Bolum rubrum orientale vocatum propinassent, nullumque ex eo consequenter profectum vidissent, cum primum decessisset æger, amicis id curantibus, iisdemque medicis præsentibus, atque cernentibus, dissecto cadavere, tam in ventriculo quàm intestinis illam ipsam Boli quantitatem quotidie exhibitam interiora obstruentem admirabundè, atque adeò obstupescentes repererunt: tantum abfuit, ut morbi malignitatem expulerit. Quòd autem Bolum hunc vocatum Armenum Orientalem ex Lemno Insula deferri, & ideo veram Terram Lemniam esse astruant, ex notis falsum esse deprehendimus, quum hoc tempore colore nunc subalbicante, nunc subrufo, aut humanæ carnis colorem referente, tantummodò effodiatur. Cujus rei locupletissimum testimonium mihi præbuerunt Turcæ, qui paucis ab hinc

Terræ Armeniæ nomina.

[a] *Gal. l. 9. simp. med. Aginet. lib. 7.*

Ejusdem descriptio, atque etymologia.

Terra Armenia non est bolus Armenus officinarum.

Bolus Armenus officinarum à Terra Lemnia diversus.

Bolus Armenus inefficax in morbis malignis experientis deprehenditur.



Terræ lemnæ historia à Mahometo Euboeæ Præfecto Auctori descripta.

Optimæ terræ Lemniæ notæ.

Centum globuli terræ Lemniæ Auctori mittuntur.

Bolus Armenus orientalis officinarum est Rubrica Sinopica veterum.

Terræ Armeniæ vires.

annis ad Echinadas insulas devicti, hic Romæ postea captivi tenebantur, inter quos fuit Mahomethus Bei Euboeæ insulæ (vulgò *Negroponte*) Præfectus, vir penès Turcas insignis, atque illustris, & mihi perfamiliaris: cui ego, quippe quum universam ipsemet insulam Lemnum perlustrasset, & aliquando ejusdem Præfectus fuisset, fidem adhibendam putavi. Hic ergo cum de totius insulæ, & præsertim collis, ex quo nunc quotannis viii. Idus Augusti dumtaxat hujusmodi terra effoditur, situ plura differuisset (sub capitis enim poena cautum est, nè quis clam, vel palàm eò ad fodiendum accedat) præterea nonnulla etiam de fossoribus addidisset Græcis, & monachis hujus insulæ incolis, qui eam postea in globulos aliquando majores, aliquando minores effingentes, imperatorio sigillo obsignant, & Constantinopolim ad magnum Turcarum Imperatorem transmittunt; mihi colorem hunc diligenter inquirenti affirmavit, eam tantum effodi, quæ aut majori ex parte candicante, aut sub rubro colore visitur, quæque inter fragiles quosdam lapides pinguis, lentaque delitescit, eaque præsertim, quæ calculorum sit experts. Quæ res ut mihi certissimè constaret, simul atque redemptus ad suos rediisset, centum sphragidum globulos principis sigillo præclare insignitos, quod liberaliter pollicitus erat, Constantinopoli ad me fideliter deferendos curavit, quos ego pro veris accepi, & habui, propterea quòd terram hanc iis tantum coloribus affectam inveni. Eam igitur terram, quam Medici, & seplasiariorum officinæ Bolus Armenium orientalem falsò vocant, ac illam, quæ ex germanicis fodinis adfertur, ab antiquis Rubricam Sinopicam dici existimo; siquidem non ex Lemno insula, sed ex Cappadocia, in qua Sinopis Civitas continetur, Constantinopolim advehitur: & notæ, quibus ab antiquis describitur, ad unam omnes huic Bolo orientali conveniunt, ut in sequenti capite fusiùs explicabitur. Porro Armenia Terra, ut Galenus ait, ad dysenterias, ventris profluvia, sanguinis expuitiones, catarrhos, putrescentia oris ulcera competit: illos mirificè juvat, quibus ex capite in thoracem fluxio delabatur, & eos etiam, qui phthoe laborant; iis, qui peste afficiebantur, Galeni tempore dumtaxat non fuit auxilio, quia planè erant deplorati. Sed hæc de Armenia Terra satis, nunc ad alias huic proximas transeamus.

### N O T Æ.

[a] *Salmas. exercit. Plinian. in Solin.*

[b] *Mus. Vormian. lib. i. sect. i. cap. 4.*

[c] *Crato in epist.*

Terra Armenia Arabicè *طين ارمني* *Tino Armeni*, hoc est, lutum Armenium: [1] Bolus etiam vocatur, quòd in glebas efformata adveheretur: gleba enim [2] *βόλος* Græcis appellatur. Hanc *ἄρχεν τῶν χερῶν* fuisse scribit Galenus, idest colore luteo, non autem pallido, ut ineptè interpretantes carpit [a] Salmasius: quoniam palliditas non est quædam peculiaris coloris species; sed potiùs modus, ac de omnibus coloribus minùs intensus dici solet. Excusari tamen possunt, qui rubram fuisse asserunt, inter quos Cardanus à Scaligero notatur: nam *ἄρχεν* modò pro luteo, modò pro rubro Græcis accipitur.

Notandum autem, longè diversam esse Bolus prædictam ab Armenio Dioscoridis, & à lapide Armeno; cum illud coloris cœrulei genus sit, hic ita durus & compactus, ut gemmis expoliendis, ac perforandis adhiberetur, juxta Stephanum. Ab Armenio etiam Strabonis, & Arsenico, quod *βωλῶδες* à Dioscoride vocatur, quamvis colore fortasse non discrepet, qualitatibus tamen longè differre videtur.

Terræ Armeniæ nostra ætate penitus incognita, terram Strigoniensem commodè substitui posse censet [b] Vormius.

Bolus autem officinarum Terræ Sinopice veterum respondere, præter Auctorem nostrum, alii etiam affirmant; pro qua Germani Toccaviensem usurpant: hanc orientali appellatæ longè præstare asserit [c] Crato. Gallis verò ea in usu est, quæ in plerisque Galliæ Provinciis nascitur, præsertim in Burgundia, Bloesis, Salmurii, ac loco circa Lutetiam, *Bavilles* nuncupato. Seligenda autem est, pura, non calculosa, mollis tactu, friabilis, colore rubro ac splendenti, labiisque si admoveatur, adhærescens.



## DE RUBRICA SINOPICA.

## C A P. I V.

**R**UBRICA Sinopica, quæ [1] *μλτθ σινωπική* Græcis dicitur, à Sinope Cappadociae urbe olim deferabatur, quemadmodum tempestate nostra ex Cappadocia, in qua Sinopis est Civitas, Constantinopolim advehitur, & à mercatoribus ad nos importatur, sub nomine tamen Armeni Boli orientalis; quod quidem nomen, quàm falsò huic terræ impositum sit, satîs superque capite superiori ostendimus. Quòd verò hic idem Bolus Armenius orientalis vocatus vera Rubrica Sinopica sit, ex notis nunc facilè deprehendi licet: Terra enim est *ἡπατίζουσα*, idest hepatis colorem referens, sibi que tota concolor, gravis, densa, calculorum expers, admodumque fusilis, ac cùm diluitur solubilis: Quæ quidem notæ omnes huic orientali Bolo vocato conveniunt; nec quidem spernenda recentis cujusdam Auctoris opinio asserentis, ex Agricolaë placitis, Rubricam illam, quæ in Ilva insula, & Germaniæ fodinis effoditur, & in quadratas deferitur massas, quam Bolum Armenum vocant, quæ maximè Chirurgis expetitur ad Sanguinis fluxum cohibendum, & fracta ossa ferruminanda, veram veterum Sinopicam esse: quamquam enim ex Sinope Cappadociae urbe non deferatur, nihil tamen obstat, quò minùs in Ilva Tyrrheni maris insula, atque Germaniæ metallis, ferrariis, ærariis, argentariis, aurariis, propriisque etiam venis eadem reperiatur. Nam apud Veteres quoque ex aliis locis, quàm ex Sinope Civitate, Rubrica hæc deferabatur, neque inferiori facultate prædita, ut clarissimè [a] Strabo narrat historiarum gravis auctor, cujus verba hæc sunt: *Ex Turdiania fertur Rubrica, quæ non est deterior quàm Sinopica terra; & alibi: In Cappadocia nascitur ea, quæ Sinopica Rubrica dicitur omnium optima, cùm ea verò Iberica decertat; idcirco Sinopica appellatur, quod eam mercatores eò deferabant priusquam Ephesiorum emporium tam celebre esset; & alibi: In Carmania dicit Onesicritus esse Rubricam fodinam: & quamvis colore magis, vel minùs rubente, Rubrica hujusmodi conspiciatur, non ob hoc inter Sinopicæ genera referenda non est; siquidem à veteribus memoriæ proditum est, & à [b] Plinio præsertim, [3] Sinopicæ Rubricæ tres esse species, rubram scilicet, minus rubentem, & inter has mediam. [2] Ego cùm in Ilvæ ferrariis, fossoribus astarem, in Rubricæ excutientibus generibus totus fui, omnesque, quò ea, quæ ad institutum nostrum pertinere viderentur, feliciùs, certiusque tractarem, ferri fodinas perlustravi; neque ulla ad hujus rei investigationem visa est promptior, quàm quæ portui proxima; hujus enim montem apertè invasere, ejusque latus ob ferri copiam planè exhaustere, ut quæ inter diversas ferri venas natura compegerit, neminem lateant. Hoc in loco tria Rubricæ sese offerunt genera, unum Sinopicæ omnino *ἡπατίζουσα*, quod inter fibram & fibram, atque ipsis sæpe venis, ferreisque fragmentis includitur; alterum Sinopicæ quidem, sed non ita firmi coloris, neque adeò diluti, ut in fabrilem degeneret, reperiturque non secus, atque alterum, sed rariùs; tertium fuit fabrilis, cujus colorem animadvertentes, tripliciter etiam dividunt; quæ quidem differentiæ, & in nostrate pariter Bolo Armenio videntur, & in orientali fino vocato. Rursus tam Bolus Armeni vires, quàm orientalis vulgò dictus, iisdem viribus pollet, exiccandi videlicet, [c] astringendi, atque obstruendi: quamobrem potiùs alvum sistunt, sanguinis profluvium cohibent, vermes enecant, atque medicamentis emplastricis miscentur. [d] Avicenna secundo Canonum Capite de luto macra, sive, ut mavis, magra [e] Pauli auctoritate dicit, quod ipsum est (ut ejus utar verbis) *in operationibus stypticis, & exiccationis melius, quàm sigillatum*. Rubricam hanc in pretio fuisse à Trojanis usque temporibus [f] Homerus testatur; is enim illitas Rubrica naves commendat; nunc etiam pictoribus utilis. In Lusitania, ubi maxima ejus copia reperitur, pulcherrima ex ipsa vasa conficiuntur, quæ*

Rubricæ Sinopicæ  
etymologia.

Rubricæ Sinopicæ  
descriptio.

Rubrica Sinopica  
cum Bolo Armeno  
convenit.  
Rubrica in Ilva In-  
sula, & Germania  
effossa vera est vete-  
rum Sinopica.

Rubrica Sinopica  
in pluribus locis ef-  
foditur.

(2) Strabo lib. 3. 12.  
& 15. Geograph.

(b) Plinius lib. 35.  
cap. 6.

Tria Sinopicæ ru-  
bricæ genera.

Tres rubricæ spe-  
cies in Ilva ab Au-  
ctore repertæ.

Boli Armeni vires.

(c) Galenus lib. 5. de  
compos. med. secun-  
dum loc.

(d) Avicenna lib. 11.  
tract. 2. cap. 428.

(e) Aegineta lib. 7.

(f) Homerus Iliad. 2.



Terræ Sinopica nomina.

quæ ita hærent, cum labiis admoventur, ut difficulter avelli queant; plurima quoque in Hispania reperitur, quo in loco Arabica ferè voce *almagre* appellant; Germani verò hanc ipsam *bergroetel* nominant; Italicè *Sinopia* vulgò dicitur.

## N O T Æ.

(a) *Theophrastus de lapidibus.*

Rubrica Sinopica dupliciter accipitur.

(b) *Salmasius exercit. Plinian. in Solin.*

(c) *Theophrastus de lapidibus.*

Bolus in ferreis fodinis Interamnenfibus observatus.

Bolus ferrearum particularum separationem adjuvat. Bolus ferrum continet.

(d) *Theophrastus de lapidibus.*

Rubricarum plura recenscebantur genera apud veteres; quarum mentionem facit [a] Theophrastus. [1] Sinopica Rubrica vocatur etiam *σίνοπις*, & Zosimo *σίνοπις*. Dupliciter autem apud Græcos accipitur, ut advertit [b] Salmasius: modò enim generaliter de omnibus Rubricis usurpatur; modò peculiare earum genus significat, quod ex Sinope advehebatur. Hinc faciù est fortasse, ut Arabes

Rubricam fabrillem cum Sinopica confuderint: utramque enim *طين المغرة* *Tino almagra* appellarunt, idest lutum rubrum. Rubricæ verò, ac Bolares terræ ut plurimum reperiuntur in venis ferreis, ut refert [c] Theophrastus, (2) & præter Auctorem nostrum nos quoque observavimus in nuper detectis Interamnenfibus fodinis, in quibus ferrum inter Boli amplexus retineri, ac foveri comperimus placentæ in modum, cujus officium esse videtur, salinos, sulphureosque halitus infernè prodeuntes, à reliquis, quibus permiscuntur, separare, ac per proprios poros, veluti per quasdam glandulas trajectos, ideoque apta partium figura, atque idoneo situ invicem concretos, in ferri alimoniam ac substantiam commutare. Hinc prædictæ Bolares terræ nonnihil ferri admixtum produnt: si enim acido dissolvantur, sub viridem colorem præferunt æquè ac ferrum, & vi pollent adstrictoria. Nonnullas verò Bolares terras auri quoque portionem continere verosimile est; inter quas eminet Bolus Toccavienfis.

(3) Accepit hæc Plinius à (d) Theophrasto, qui eadem de tribus terræ Sinopica generibus scribit.

## DE RUBRICA FABRILI.

## C A P. V.

Etymologia.

(a) *Dioscorides lib. 5. cap. 112.*

*Galenus 9. simpl. & primo de antidot.*

Tria Rubricæ fabrilis genera.

(b) *Plinius lib. 35. cap. 6.*

Rubricæ fabriles ubi nascantur.

Optimæ Rubricæ quæ.

Rubrica fit ex Ochra

(c) *Theophrastus de lapid.*

Rubricæ fabrilis nomina.

RUBRICA [a] fabrilis Græcis est *μίλτον τεύλον*, quia rubet, & fabris usum præstat, ad lineas producendas supra lignum, cum serra lignum ipsum dividere volunt; ideo fabrilis Rubricæ nomen invenit. Ejus tamen genera tria sunt, quemadmodum etiam de Sinopica ([b] Plinii testimonio) superius diximus, videlicet rubra, minus rubens, & inter has media, quæ quidem species distinctæ in Armario propriis in loculis conspici possunt. Reperiuntur autem hujusmodi Rubricæ in omnibus ferè metallorum fodinis, & nonnunquam in propriis venis. Optimæ sunt illapidosæ, & friabiles, fabris, & pictoribus tantum expetitæ. In medicina verò nullius sunt usus, minore enim per omnia effectu, quàm Sinopicae sunt. Hæ parùm ab Ochra differunt, immo (ut Dioscorides ait) *exusta Ochra Rubrica fabrilis evadit*. [c] Theophrastus quoque narrat quendam Cidum primum fuisse, qui ex combusta Ochra Rubricam fecit. Arabes non distinguunt Rubricam Sinopicam à fabrili: itaque utramque eodem nomine appellant: scilicet *macra*, vel *magra*. Germani verò *rotel*, sive *rotelstein* vocant: vulgò *Terra rossa*, & *Sinopica* dicitur.

## DE ALANA GLEBA.

## C A P. VI.

IN multorum fossilium cognitione diu ac sæpe desudavimus: (interdum enim eadem res multis nominibus à Scriptoribus designatur) quæ apud alios nomina diversarum sunt rerum sortita: nonnunquam idem nomen à diversis Auctoribus diversis fossilibus positum est. Quæ varietas tum nominum, tum interpretationum, non exiguam rebus obscuritatem asferre solet. Nunc verò in Alana gleba describenda contrarium nobis evenire videtur: obscuritas enim nobis offunditur, non propter nominum varietatem, aut interpretationum diversitatem; sed quia nimis pauca de ea scripta reperiuntur: solus enim [a] Ægineta inter veteres (quod sciam) hujus terræ meminit, ejus facultatem tantum exprimens his verbis: *Alana gleba Armenia vim obtinet*; quamobrem vix possumus dignoscere, quænam sit vera, & genuina. Verùm quia ab Alanis populis, qui nunc *Vallachi*, gleba quædam advehitur in fusco lutea, colore ei non dissimilis, quæ vulgò *Terra d'ombra* à Pictoribus vocatur, qua, tabe affectis,

& pe-

Alana gleba quæ existimetur ab Auctore.



& pestilentibus morbis correptis ejus regionis incolæ utuntur; facilè adducor, ut credam hanc ipsam esse, cujus vis à Paulo ita breviter descripta est, præsertim cum hujus terræ dilutum contra malignas febres ipse sim expertus.

Ejusdem vires in febribus malignis.

## DE SAMIA TERRA.

## C A P. VII.

**S**AMIA [a] terra à Samo insula dicta est; duorum est generum, una quæ Collyria nominatur, quod soleat oculorum medicamentis admisceri, quæ Collyria appellantur. Quæ quidem candida est, levis, pinguis, mollis, linguæque glutinosa, subdulcis, atque friabilis, [1] συρωπικόν Græcis dicta. Mediocriter refrigerat, & exiccat: verum è Galeni sententia lavari non debet. Prodest sanguinem expuentibus cum rosaceo saccharo deglutita, vel aliter sumpta. Contra ferarum morsus, & lethalia venena, pota ex vino, non autem ex aqua auxiliatur: internis quoque ulceribus opitulatur. Quin etiam emplastris miscetur, quæ siccandi causa componuntur; quapropter in mammarum, ac testium inflammationibus adhibetur trita cum aqua, rosaceo tanto adjecto, ut pharmacum exarescere non sinat. Altera [b], quæ Aster vocatur, globosior est, ex crustis constans cotis modo, prædensa, levis, tenax, viscosa; iisdem viribus pollet, quibus Collyrion, sed imbecillioribus; (ut Dioscorides ait) Galenus [c] tamen Samio Astore, tanquam præstantiore, semper usus est.

Recentiores plerique opinantur, ex Samo in Italiam hodie non afferri: proinde [2] non rectè sentiunt, qui putant Lapidem specularem, *Alumen scajolæ* officinis vocatum, legitimum Samium Asterem esse; nec minùs errant, qui Talcum sibi esse persuadent, cum neque notis, neque viribus cum Samio conveniant. Antiqui ex Samia quadam terra vasa conficiebant, ut Plautus in Captivis author est, dicens: *Samiiis vasis utitur*: verum, an de hac ipsa, cujus Dioscorides mentionem fecit, intellexerit, non satis perspicuum est. Neque etiam verisimile est, Hippocratem libro *de natura muliebri* eandem Samiam intellexisse, cujus ex Dioscoridis, & Galeni placitis meminimus modò; quandoquidem terram quandam nigram Samiam ipse appellabat, quam aqua bibendam ad provocanda menstrua propinare solitus erat.

Cæterum Samiam utramque terram invenimus, cum in Ilva Insula, tum etiam alibi, omnibus sanè notis, quibus ab Authoribus describitur, ut in Armarii loculis, in quibus à me asservatur, videre est: licet enim ex Samo Insula ad nos non ampliùs de tempore afferatur, non tamen ob id dicendum est, aliis in locis reperiri non posse. Quod quidem de reliquis, quibus à locis ab Antiquis nomina indita sunt, intelligendum arbitror; neque interim diffiteor terras quasdam esse, quæ peculiaribus in locis solùm reperiantur: At plurimas etiam terras esse constat certis locis à Veteribus assignatas, quæ in aliis regionibus etiam tunc inveniebantur, vel postea inventæ sunt: ita tamen antiquorum literis proditum fuit, vel quia horum locorum terras, tanquam optimas, & frequentissimas, alibi verò rarissimas, nec adeò efficaces, celebrare voluerunt, vel quia indigenarum incuria aliarum Orbis partium, quas ipsi non perlustraverant, terræ ipsæ ignotæ erant.

## N O T Æ.

Terræ Samiæ, præter Ilvensem ac Melitensem, Norvegicam albicantem commodè substitui posse testatur Vvormius (a). Arabibus *طين شاموس* *Tin sciamus*, idest, lutum Samium, vocatur. Alterum ejus genus [1] *πρωπικόν* quasi casei aspectum referens, non *συρωπικόν*, ut apud Plinium legitur, appellandum nonnulli censent: nam re vera caseum æmulatur. Sed correctione egere hic locus minimè videtur: rectè enim *συρωπικόν* dici potuit à *σύν* traho, & *πικόν* visus, quod res molestas ex oculis trahat, atque expurget. Verum nonnulla Mss. loco *syropicon* habent *collyrion*; quam lectionem probant Plinii Interpretes, ac Salmasius (b), qui ita hanc terram appellatam existimat etiam à Dioscoride, non quia oculis medeatur, sed ob colorem cinereum: *καλλίγεα* enim Græcis subcinericius panis dicitur, unde

Etymologia.  
Samia terra duplex.  
(a) Dioscorides lib. 5.  
cap. 172.

Collyrii notæ.  
Galenus lib. 5. Simp.  
cap. proprio.

Avicenna lib. 2. tractat. 2. cap. 422. qui appellat *Lutum Samium*.

Ejusdem vires.  
Asteris Samii descriptio.

(b) Plinius lib. 35.  
cap. 16.

Egineta lib. 7.  
Aetius tetrabibl. 1.  
serm. 2. cap. 6.

(c) Galenus 4. de Comp. med. secundum locos.

Idem 4. Simp.  
Aster Samius diversus est à Lapide speculari, & Talco.

Ex Samia terra vasa antiquitus conficiebantur.

Samia terra Hippocratis non est eadem ac Galeni & Dioscoridis.

Utraque terra Samia in Ilva, aliisque locis reperitur.

Eadem terræ diversis in locis nasci possunt.

Terræ cur ab antiquis peculiaribus quorundam locorum nominibus sint insignitæ.

(a) In Museo Vvormiano lib. 1. sect. 1. cap. 4.

(b) Salmas. exercit. Plinian. in Solin.



Collyrii etymologia.

Terrarum utilitas in Collyriis.

unde *καλλύειν*, nempe cinereum : quod nomen primum iis oculorum medicamentis impositum fuit, quæ *ἀντιπρόδια*, & *τερεα*, hoc est cinerea vocantur, ac deinde de omnibus usurpatum. Hinc conjicit, nulla alia ratione adductum Plinium, quàm solo collyrii nomine, quod apud Dioscoridem legerat, terræ Samiæ vires ophthalmicas incautè tribuisse. Sed non videmus, pace tanti viri, cur non aliunde, quàm ex Dioscoride potuerit Plinius hujus terræ facultates edoceri. Præsertim cum nominis etymologiam aliunde alii desumant, qui collyria dicta esse contendunt à viribus, quibus pollent, nempe, *ἐπὶ τῇ καλλύειν τὸν ῥεῖον*; hoc est à cohibendo fluxu : juxta quorum sententiam, non ineptè, etiam ex nominis ratione, vires terræ Samiæ colligi possunt. Immo ab Illustrissimo Lancisio accepimus, hujusmodi terrarum genera ad oculorum vitia utilissima se in collyriis comperisse; utpote quæ acidum absorbent, & detergendi facultate prædita sunt. Sicuti etiam pro certo affirmare non ausimur, utra ex his vocibus, collyrion, an syropicon Pliniani Codicis genuina sit. Illud tantum probabile est, alteram ex his interpretationis gratia, quod idem significet, in margine aut supra lineam, additam, exinde in textum irrepsisse, ut plerumque evenit : nisi collyrion potius recipiendum videatur, quod sit magis usitatum.

[2] Samius alter *ἄλβι* *Altalē* apud Averroem & alios Arabes appellatur : Græci verò recentiores, lapidem Selenitem seu Specularem, qui vulgò *Alumen Scajola* dicitur, *τἀλκ* nominarunt. Unde ista fortasse rerum homonymia decepti Auctores, Asterem Samium, de quo hic agitur, idem esse putarunt, ac lapidem Talcum, & Specularem.

## DE CHIA.

### C A P. VIII.

Etymologia.

(a) *Dioscorides lib. 5. cap. 174.*

*Galenus 9. Simpl.*

*Plinius lib. 35. c. 16.*

*Aetius lib. 1. serm. 2. cap. 7.*

*Egineta lib. 7.*

Terræ Chiæ descriptio & vires.

**C**HIA [a] dicitur, quòd ex Chio Insula deferatur, Samiæ terræ similis; est enim candida, glutinosa, & aqua dilui celerrima; sed præfertur, quæ ad cinereum colorem vergit. Effectus ejus, qui Samiæ; efficaciter tamen stringit, & abstergendi maxima vi pollet, quapropter mulieribus utilis est, ad faciem abstergendam, erugendamque; ulceribus quoque carnem, & cicatricem inducit, ambustis præsertim.

## DE SELINUSIA.

### C A P. IX.

Etymologia.

(a) *Dioscorides lib. 5. cap. 175.*

*Galenus 9. Simpl.*

*Plinius lib. 35. c. 16.*

*Aetius lib. 1. serm. 2. cap. 7.*

*Egineta lib. 7.*

Selinusiæ descriptio & vires.

Ejusdem temperies.

(b) *Vitruvius lib. 7. cap. 14.*

**S**ELINUSIA [a] ex Selinunte Oppido Siciliae nomen invenit: candida est, splendens, atque friabilis. Eadem vis Selinusiæ tribuitur, quæ Chiæ: nam exterforiam facultatem valde moderatam habet; quapropter interdum foeminae ad faciem hac utuntur: verum cum levi ficcatione, ac extersione, neque caliditatis, neque frigiditatis manifestè particeps est; & propterea ad ulcera in superficie corporum commoda existit, qualia sunt ambustorum. Hæc eadem facultas Chiæ; de qua superius diximus, attribuitur ab Aetio. Hæc si cæruleo inficiatur (ut [b] Vitruvius inquit) colorem indici imitatur.

## DE MELIA.

### C A P. X.

Etymologia.

(a) *Theophrastus lib. de lapidibus.*

*Plinius lib. 35. cap. 6.*

*Dioscor. lib. 5. c. 180.*

Meliæ terræ descriptio.

Ejusdem facultates.

**M**ELIA [a] ab Insula Cycladum Melo dicta est, unde etiam Melinus dicitur color: cinerea est, & aliquando candida; sed macra, & aspera; linguam tantu fccat: Aluminosam facultatem habet, sed remissam; quare lepras, & vitiliginis abstergit, corpus nitidum reddit. Hæc Veteres ad navium picturas utebantur.

## DE ERETRIA.

### C A P. XI.

Etymologia.

(a) *Dioscorides lib. 5. cap. 171.*

*Galenus 9. Simpl.*

*Plinius lib. 35. c. 16.*

*Egineta lib. 7.*

Eretria duplex.

**E**RETRIA [a] dicitur, quòd ex Eretria Euboeæ Civitate afferatur: duorum est generum, altera alba, cinerea altera: valde candida utuntur Pictores; cinerea tantum in medicina præfertur. Probatur mollitie, & cum æreis operibus attri-



attrita, lineam violaceam referat. Lavatur ut cerussa; vim habet refrigeratorem, atque astringentem, leviterque mollientem; cava explet, & sanguinolenta conglutinat.

Eretria notæ bonitatis.  
Ejus vires.

## DE MELITENSI TERRA,

Vulgò Petra S. Pauli.

CAP. XII.

**T**ERRA Melitenfis à Melita Insula, vulgò *Malta*, ex qua modò importatur, dicta est: Terra S. Pauli à nonnullis vocatur; à circulatoribus enim quibusdam venditur, qui se à Sancto Paulo originem traxisse jactitant. Terra est subcandida, mollis, teri facilis, linguæque glutinosa, admodum levis, atque pinguis: Samiæ quidem (ut recens quidam Auctor etiam scribit) non dissimilis. Pota adversus venena, & serpentium morsus auxiliatur. Contra fungorum venena (ut sæpius experimento probavimus) præstantissimum est remedium; præfertim si drachmæ tres cum cretico vino illico propinentur.

Etymologia.

Terra Melitenfis descriptio.

Ejusdem vires.

## DE CIMOLIA.

CAP. XIII.

**C**IMOLIA [a] vel creta Cimolia à Cimolo Insula dicta est, cujus duplex genus; altera quidem candida, altera ad purpureum vergens. Hodie Saponaria terra à nonnullis vocatur, tum quia substantia saponem refert, tum verò quia saponi admisceri solet (ut etiam mos erat antiquorum) in vestibis abluendis. Præstat, quæ innatam habet pinguedinem; tactuque frigida sentitur. Utriusque Cimoliæ frustum sub nomine Boli candidi, & Carnei boli ex Ilva primò ad me perferendum curavit reconditæ eruditionis vir Andreas Cæsalpinus Aretinus, quo olim Pisis usus sum Præceptore, qui summo ingenii acumini singularem humanitatem adjungit; nedum enim hæc paucula, verum & quamplurima alia summa diligentia, studioque collecta, quæ sua est benignitas, me certè sui studiosissimum humanissimè docuit; cui ego utinam aliquando gratiam referre possim, habebo certè dum vivam quantas maximas animus meus capere poterit. Cæterum hujusmodi Bolum candidum, quem Cimoliam candidam, cum [b] Cordo putamus manibus propriis collegi in ferri fodinis Ilvæ Insulæ, illi in totum similem, qui ex Anglia, sive Britannia advehitur, unde etiam Insulæ nomen olim fuit Albion, cujus Cajus Cæsar in Commentariis de Bello Gallico, & plerique alii Authores meminerunt: ex quo quidem Bolo in quibusdam Flandriæ locis, simul cum Gallico sapone orbiculi formantur ad panni maculas eluendas, tollendosque nævos idonei. Præter candidam Cimoliam in iisdem ferri fodinis, reperitur etiam in candido-purpurea, quæ cum interdum carnis colorem referat, ideo Carneus bolus à Præceptore meo vocabatur. Tertiam ex tanta, diversisque locis eruta copia, quam in Ilva Fosfores mihi porrigebant, duabus his addidi, candidam nempe; sed nigris quibusdam intervenientibus venis interceptam. His accedit una colore nonnihil luteo, & altera ochra admixta impura: reliquis verò notis utraque à tribus superioribus non dissidet; ambæ enim dum recentes, molles sunt, pingues, leves, contrectarique manibus, ut adeps, possunt. Sed cum omnes hæ, ut etiam ochra, exilioribus glebis, nec ita frequenter Ilvæ Ferrariis promiscuè interpositæ sint; includitur quiddam tenuioribus ferri venis, veluti ipsius medulla Cimoliæ simillimum, nisi delicatius, rariusque esset, & candore vinceret. Libet etiam hic referre cætera, quæ ferreæ illæ fodinæ ostentant, Cimoliam imitantia: sunt magnæ, & frequentes glebæ, colore nonnihil fuscæ, quas primo intuitu Cimoliam quis existimaret; tamen non aliter,

Etymologia.

(a) Strabo lib. 10. Geographiæ.

Dioscor. lib. 3. c. 176.

Plinius lib. 35. c. 17.

Duplex Cimoliæ genus.

Bonitatis notæ.

Cæsalpini laudes.

Cimolia candida in Ilva reperta.

(b) Valerius Cordus in Dioscorid. lib. 5. cap. 44.

Cimolia candido-purpurea in Ilva observata.

Aliæ terrarum species in Ilva observata.

C

quàm



## Cimoliæ vires.

(c) Galenus 9. Simp.  
Avicenna lib. 2. tra-  
ctat. 2. cap. 426.  
Ægineta lib. 7.

quàm si quid arenosæ materiæ haberent, quod à Cimolia alienum est, neque ita molles sunt, neque pingues. Harum maximas Pnigitidem, minores Eretriam, esse nonnulli volunt; quanvis veram Cimoliam istarum quibusdam inclusam vidi, quam veluti densæ quædam crustæ cingebant. Cimolia ex tribus superioribus generibus aliqua vim habet (ut [c] Galenus ait) partim refrigerandi, partim digerendi, præsertim si non fuerit lota: lota verò finè ullo morfu ficit: aceto diluta parotidas, & alia tubercula discutit. Ambusta igni si statim Cimolia oblinantur, pustulas non sentient: Ejus loco quidam utuntur ferri, & molæ retrimenti in subditam aquam congestis; sed cum legitimam ex Ilva, & ex Anglia facile habere possimus, non est cur in ejus locum aliud substituamus.

## N O T Æ.

Cimolia terra σμύγης γῆ ab Hippocrate vocatur, juxta Galeni interpretationem, a σμύγω abstergo; quod vi polleat deterfiva: hinc à Theophrasto ob eandem rationem πλωγῆς γῆ dicta est à πλῶω lavo, quod in usu foret ad pannorum maculas abluendas. Arabibus طين قيموليا Tino kimulia, nimirum, Lutum Cimolium.

## DE PNIGITIDE.

## C A P. XIV.

## Etymologia.

(a) Dioscorides lib. 5.  
cap. 177.

Galenus 9. Simpl.  
Plinius lib. 35. c. 16.  
Ægineta lib. 7.

Pnigitidis notæ, &  
vires.

Creta nigra qualis.

(b) Agricola lib. 2. de  
natura fossil.

**P**NIGITIS [a] dicitur, quod ex Pnigeo Libyæ pago afferatur; alia nigra est perinde ut Ampelites, alia cinerea est Eretriæ simillima, grandioribus tamen glebis: adeò glutinosa, & tenax est, ut tactu linguæ pensilis hæreat, tota quidem facultate Cimoliæ assimilis, infirmior tamen. Nigræ Pnigitidis simillima terra illa est, quam cretam nigram vocant, qua Rubricæ loco Lignarii fabri, atque Pictores, quibusdam locis utuntur: cujus sententiæ fuit etiam Georgius Agricola. [b]

## N O T Æ.

Pnigitis unde dicta. Pnigitis non modò à Pagi nomine, sed etiam ab ejus virtute, qua fauces præcludit, appellata creditur. πνίγω enim suffoco significat.

## DE PARÆTONIO.

## C A P. XV.

## Etymologia.

(a) Plinius lib. 33.  
cap. 5. & lib. 35. c. 6.

Vires.

**P**ARÆTONIUM (ut [a] Plinius ait) nomen loci habet: ex Ægypti enim civitate ejus nominis venit. Terra est candida, pinguis, tenacissima, quæ, ut dicunt, fit ex spuma maris solidata cum limo, & ideo conchæ minutæ inveniuntur in ea. Abstergendi facultatem citra morsum obtinet: ea nunc Pictores utuntur.

## DE OCHRA.

## C A P. XVI.

Ochra à luteo colore dicta.

(a) Dioscorides lib. 5.  
cap. 108.

Plin. lib. 35. cap. 6.  
Galenus lib. 5. Simpl.

Es Com. 11. in Hipp.  
prognost. de vomitione  
agens.

Ochræ optimæ notæ.

Ochra ubi nascatur.

(b) Ægineta lib. 7.

**O**CHRA [a] terra glebosa est coloris lutei, quæ cum in metallorum fodinis, tum in venis propriis reperitur. Optima est quæ levis, friabilis, lapidibus carens, saturato colore. [1] Copiosam, atque præstantissimam Ochram in propria vena, non longè à Balneo regio, juxta chalcanti fodinas invenimus. Sed reperitur etiam optima in Corsica insula, in Ilva, in Volaterrano agro, atque multis aliis Italiæ, & Germaniæ locis. Veluti [b] Cadmia uritur, atque lavatur: tubera, inflammationesque dissipat, excrescere carnes prohibet, cum cera concava explet, tophosque articulorum comminuit. Quidam arte Ochram conficiunt, vel



vel ex nigro plumbo tamdiu in vase excocto, quousque Ochrae colorem conceperit, vel ex Rubrica, dum vase fimo oblito torretur: sed fossilis, qua Pictores utuntur legitima est.

Ochrae facultates.  
Ochra factitia.

## N O T Æ.

[1] Ochra in quamplurimis aliis effoditur regionibus, ut in Ungaria, Bohetia, Germania in fodinis argentariis, Norvegia, Cimbria, Islandia, aliisque. Distillata præbet spiritum acerrimum spiritui falis viribus ferè æqualem.

Ochra in quibus locis nascatur.

## DE CRETICA TERRA,

## Sive Creta.

## C A P. XVII.

**C**RETA, vel Cretica Terra, ab Insula Creta, in qua olim melior inveniebatur dicta est; vel à crescendo dicitur, quoniam ejus proprietas est, ut in macerando crescat. Ab [a] Avicenna [1] Lutum Creticum nuncupatur. Terra est similis quodammodo Samiæ, quæ pluribus in locis invenitur: & quidem diversorum colorum; nam alia alba est, nigra alia, vel viridis, aut cinerea, vel denique alterius coloris. Quædam argentaria Creta nominatur, propterea quòd Argentarii fabri ea ipsa uti solent ad nitorem argenteum suis operibus inducendum, veluti Thessalica Creta est. Abstergunt omnes citra morsum: sed quæ virides sunt plus habent acrimoniæ; quare magis abstergunt. Præstantissima est inter virides, [b] Vitruvio teste, quam Græci *θεοδότης* vocant, quæ Smyrnæ nascitur. Viridi & nigra utuntur Pictores; aliæ apud Fullones in usu sunt ad conceptas ex oleo maculas delendas.

Etymologia.

(a) Avicenna lib. 2. tract. 2. cap. 425.  
Aetius lib. 1. serm. 2. cap. 10.  
Plinius lib. 35. c. 17.  
Galenus 4. Simp.  
Egineta lib. 7.  
Varia Cretæ genera.

Cretæ usus.

[b] Vitruvius lib. 7. cap. 7. de Architect.

## N O T Æ.

[1] Creta Arabibus vocatur *طين اقرطس* *Tin acritis*, idest, Lutum Creticum.

## DE ARGILLA.

## C A P. XVIII.

**A**RGILLA [a] græcè *αργίλη*, ex candore, sive puritate apud Græcos nomen invenit; nam quædam Argilla invenitur, cui micæ nitent argentæ: vel potius (ut [b] Isidorus scribit) ab Argis Argilla vocata fuit, apud quos primum ex ea vasa confecta sunt. Terra est glutinosa, ac tenax, qua Figuli utuntur ad vasa facienda, quæ igne in fornace excocta lapidescit. Verum alia tenuior reperitur, alia crassior: quædam ignem fert, quædam verò minimè. Ea, quæ fert ignem, Tasconium à [c] Plinio appellatur; neque enim alia (de Tasconio loquens ait) afflatum, ignemque, & ardentem materiam tolerat. Hac utuntur auri-fabri ad fundendum aurum, atque argentum, quæ in Comitatu Sanctæ Floræ reperitur non longe à monte Laterone vocato, aliisque Italiæ locis. Reliquæ verò Argillæ multis in locis frequentes, & quidem diversorum colorum inveniuntur: [d] nam vel candidæ, vel in candido cineræ, vel nigræ, vel luteæ, vel rubræ, aut denique alterius coloris; ex quibus varia conficiuntur vasa, qualia in Italia Faventina, in Hispania Valentina, in Germania Colonienſia Pharmacopolis valde expetita, ad liquores conservandos, electuaria, atque eclegmata. Ex Argilla, quæ nunc ex Vaticano colle effoditur, optima olim etiam conficiantur fictilia, unde Juvenalis ait: [e]

Etymologia.

[a] Strabo 13. Geogr.  
[b] Isid. lib. 16. Etymol. cap. 1.  
Figulinæ diversa genera.

[c] Plinius lib. 33. cap. 4.  
Tasconium Plinii.

Argilla quibus in locis reperiatur.

[d] Galenus 9. Simp.

Argilla ex Vaticano colle effossa.

[e] Juvenalis sat. 6. Athen. lib. 11. copiose.

— aut quis  
Simpullum ridere Numæ, nigrumque catinum,



Et Vaticano fragiles de monte patellas  
Ausus erat? certe nemo —

Locus Argilletum dictus. [f] Ab Argilla locus Romæ dictus Argilletum, à quo tabernæ Argilletanæ apud Martialem. Porro Argilla aceto temperata, fronti & temporibus illita, fluxum sanguinis narium arcet.  
[f] Vide Varronem, de lingua Latina, ac Servium Virgilii interpretem.

## N O T Æ.

Argilla *κεραμικὴ* cur dicta. Argilla *κεραμικὴ* etiam Græcis dicitur, quod à Figulis ad vasa testacea conficienda adhibeatur. Quanvis autem ab albedine primum nomen invenerit; quod fortasse alba primum innotuerit; exinde aliis diverso colore infectis observatis, albam Argillam *λευκὰ γύλλον* Græci appellavere, ut legitur apud Plinium.

Argilla ex quibus conitet. Gignitur autem ex congerie minutissimorum granulorum, durorum, iisque similium, quibus arena componitur, verum longè minorum, quæ invicem coharendo, tum ob singulorum duritiem, ac soliditatem, tum etiam ob aptam figuram, qua invicem coeunt, compagem efformant minimè porosam, tenacem, ac liquoribus imperviam. Hinc [g] Plato in suis legibus prohibet, nè aqua à vicino petatur, donec proprio agro usque ad figulinam effosso, nulla scaturigo reperiatur: nisi enim locus humore penitus destitueretur, Argillæ tenacitas aquam inferius effluere non siveret.  
[g] Plutarch. in opuscul. de Mutuo.  
Distillata multum præbet acidi.

## DE MARGIS ET MEDULLIS.

## C A P. XIX.

Margæ descriptio.

Margæ ubi nascantur.

[a] Plinius lib. 17. cap. 6. & 8.

Varia Margarum genera.

[b] Agricola lib. 2. de nat. fossil.

[c] Plinius lib. 17. cap. 7.

Capnumargon quid sit.

Margæ vires.

**M**ARGA terra est pinguis, atque densa, quæ aliquando mollis, aliquando dura invenitur, vocaturque à nonnullis etiam medulla, cum interdum ita fluida, & candida invenitur, ut medullæ ossium animantis speciem referat. Reperitur cum in venis propriis, tum in fibris, commissurisque saxorum, & nonnunquam in ipsis includitur faxis: in metallis etiam inveniri solet. *Est enim* (ut [a] Plinius ait) *quidam terræ adeps, & veluti glandia in corporibus ibi densante se pinguitudinis nucleo.* [b] Multorum est generum; nam alia dura invenitur lapidis instar, alia arenacea, partim tophacea: colore quoque differt; nam alia alba est, alia rufa, vel in rubro nigra, vel lutea, vel cinerea, aut alterius coloris. Differt etiam lavore, & asperitate: nam lapidosa, tophacea, arenosa, aspera est: terrena verò lævis. Figura quoque Marga differt à Marga; nam alia crustarum formam habet, quæ terrena est, alia fistulosa est, ut tophacea. Est aliud quoddam genus, quod vocatur à [c] Plinio Capnumargon, quasi fumum dixeris Margæ. Pota drachmæ pondere cum plantaginis aqua, sanguinis per ora venarum profusionem sistit. Hac in stercorandis agris Agricola utuntur in regionibus illis, ubi arva sunt macra, ut quibusdam Germaniæ, & Galliæ locis, ubi in propriis venis abundè reperitur.

## DE TRIPELA.

## C A P. XX.

Etymologia.

[a] Agricola lib. 1. & 6. de natura fossil.

Tripela qualis.

Vires Tripelæ.

**T**RIPELA [a] terra nominatur, quia ex Tripoli affertur. Genus est cretæ luteæ, atque asperæ, quæ Meliæ terræ non dissimilis videtur. Quædam etiam reperitur in Corsica Insula huic valde similis, quæ pro Tripela Romæ vendi solet, eundemque præstat usum. Abstergendi facultate prædita est; ideo hac Barbitonfores in extergendis pelvibus utuntur, & qui gemmas, marmora, atque arma poliunt.



## DE ARENA.

## CAP. XXI.

**E**XIGIT locus, ut de Arenis prius aliquid dicatur, quam libri finem (in quo de terris tantum agere statutum erat) faciamus; quandoquidem terram, plerunque omni pinguedine destitutam, arenam esse nemo dubitat. Hæc itaque (ut [a] Isidoro placet) ab ariditate dicta est, non ab adhærendo in fabricis, ut quidam volunt; cuius quidem species tres reperiuntur: fossilis scilicet, fluviatilis, & marina. Fossilis illa est, quæ ex arenariis fodinis effoditur; fluviatilis, quæ ad flumina reperitur; marina verò, quæ in littore maris. Quidnam esset marina arena docuit [b] Aristoteles in Problem. his verbis: *Arena saxum in parva, minimaque perfractum est, quod ictu fluctuum frangitur*; ubi etiam quo pacto fluvii fluviatilem arenam conficere queant, demonstrat. Porro Arenæ omnes inter se differunt substantia; nam aliæ tenues, ut plerunque fossiles; aliæ crassæ, ut fluviatiles ferè omnes, atque marinæ, quibus videlicet sabulum admixtum est. Colore quoque differunt: nam vel candidæ, ut quæ Sylvenæ effodiuntur, quo in loco etiam rubræ, & crocæ inveniuntur; vel nigræ, ut quæ juxta Vulturnum lacum reperiuntur; vel luteæ, ut quæ Romæ in Janiculo monte eruuntur, qui quidem mons ob Arenæ colorem aureum, aureus nunc vocatur, vulgò *Montorio*; vel cineræ, ut quæ ad amnes, & rivos reperiuntur; vel denique alterius coloris. Præstantior illa judicatur, ut [c] Vitruvius scribit, quæ idonea est ad materiam miscendam, neque terram habeat commixtam: probatur verò, si manu impressa stridat, aut si in vestem candidam sparsa nihil fordoris relinquat. Genus Arenæ optimum illud est, quod pulvis Puteolanus appellatur, de quo Vitruvius ita scriptum reliquit: [d] *Est genus pulveris, quod efficit naturaliter res admirandas: nascitur in regionibus Bajanis, & in agris municipiorum, quæ sunt circa Vesuvium montem; quod commixtum cum calce & cemento, non modò ceteris ædificiis præstat firmitates, sed etiam moles, quæ construuntur in mari, sub aqua solidescunt*. Nuper verò hujus Arenæ duo genera ad me missa Neapoli fuerunt à familiari meo Ferrante Imperato Pharmacopœo industriosissimo.

Arenæ fluviatiles, & marinæ (ut Galenus inquit) tumentem carnem ab aqua inter cutem exiccant. Et hæc sunt, quæ de terris præmonuisse oportuit, ut noster singularum Terrarum catalogus, ab omnibus facilius intelligeretur. Nunquæ in Armario continentur indici arithmetico singulis loculis accommodato subijciemus. Quædam nonnunquam simul veluti admonitoria habebimus, non quæ explicent diffusè, sed quæ veluti digito indicent, & quæ suis Capitibus sunt explicata redigant in memoriam.

## NOTÆ.

Arena nihil aliud est, quam congeries minutissimorum ramentorum, quæ ad lapideam, vitreamque naturam quodammodo accedunt: durissima enim sunt, ac pleraque omnia splendentia. Hinc Arena Pisauriensis microscopio spectata Cl. Hombergus elegantem diversarum gemmularum speciem exhibuit. Heterogeneis ut plurimum ac variorum corporum fragmentis Arena componi passim observatur, metallorum nempe, diversorum lapidum, vegetabilium &c. Ferrum enim deprehenditur in Arena opere magnetis, qui admotus nonnulla ipsius segmenta ad se trahit. Variorum autem lapidum, ac præsertim talci frustula in Arena Romana observantur, ut testatur Cl. Hombergus [a]. Plerunque auro ditatur, quo insignes sunt Tagi Pactoli, aliorumque fluminum Arenæ, ac præsertim quæ in Pactianorum Indiæ regione occurrunt, ex quibus aurum à formicis effoditur, si Herodoto credendum, aliæque, de quibus Agricola.

Quapropter eam gigni probabile est, partim ex aquarum defluxu, quo lapides, metalla, aliæque dura corpora juxta maris litus, ac fluminum oras, ubi copiosissima est, atteruntur; partim à moleculis salino-acidis, quæ à marinis undis, fluminum aquis, ac vaporibus subterraneis in terræ porulis derelinquuntur, ac cum terreo alkalico corpusculis arctissime junctæ in dura granula concrevissent: quæ à lapidibus tantummodo molis parvitate differre videntur. Quamobrem Arenæ ad lapidum generationem admodum conferunt. Quod etiam experimento D. du Clos [b] optimè comprobatur. Refert enim aquam, quæ Arenam stampensem imbutam spiritu vini, sale tartari, ac volatili aceti impregnato, solverat, in lapidem concrevisse.

Ex hæcenus expostis omnes Arenæ proprietates faciliè possunt explicari. Nanque calci solet admisceri,

Arenæ etymologia.  
[a] Isidorus lib. 16.  
cap. 3.

Arenæ triplex genus.

[b] Arist. Problem.  
sect. 33.  
Arena quid sit.

Arenæ differentia à substantia.

Ejusdem differentia à colore.

[c] Vitruvius lib. 2.  
cap. 4. de Architect.  
Arena optima qualis.

Pulvis Puteolanus optimus.

[d] Plin. lib. 35. c. 13.  
Vitruvius lib. 2. c. 6.  
de pulvere Puteolan.  
Ferrantes Imperatus laudatur.

Arenarum fluviatilium usus in Medicina.

Arena quid sit.

Arena diversa continet heterogeneorum corporum segmenta.  
[a] Histoir de l'Acad. Roy. des Scienc.  
ann. 1701.

Arena quomodo gignatur.

Arena lapidum concretionem adjuvat.

[b] Du Hamel. Reg. Scienc. Acad. Hist.  
lib. 1. ann. 1667.



**Arena cur misceatur calci.**

ri, ad tenacitatem firmitatemque ipsi conciliandam. Siquidem ejus granula utpote dura, ac perpolita, facillimè, arctèque cum salibus calcis junguntur, moleculisque sulphureis ramosis, quibus pleræque Arenæ scatent, implicantur, ac progressu temporis in solidum continuumque corpus concrefcunt, & ad pristinam quodammodo lapidis formam redeunt.

**Arenæ siccitas unde.**

Aridissimæ est naturæ; quod prædicta arenacea corpuscula nimis sint compacta, rigida, minusque porosa, nec adeò facilè humorem excipiant, ut mollescant, ac veluti in funiculos inflexa, sese mutuò amplexentur, & coeant in lentorem. Præterquamquod, cùm intima earum textura aqua diduci nequeat, idcirco salinæ, ac sulphureæ moleculæ, potissimæ lentescentiæ causæ, præpediuntur, atque à proprio munere cohibentur.

**Cur corpora incorrupta in Arena servantur.**

Fructus autem plantarumque radices, cæteraque corruptioni obnoxia corpora Arena recondita diu conservantur: tum quia salino-sulphurearum particularum halitus, ex quibus potissimùm fermentationes excitantur, aut nullos, aut perpaucos ex se emittit, ob illarum inter se firmam cohæsionem; tum etiam quia prædictorum salium, ac sulphurum effluvia, quæ aliunde, ac præsertim ab aere adveniunt, opposito confertissimo granulorum agere depellit, & arcet.

**Arena cur ad vitra conficienda atq; expolienda adhibeatur.**

Vitris conficiendis adhibetur fortasse, quia salium compagem, concretionemque adjuvet ac firmet, eo quo supra dictum est modo: illisque detergendis, atque expoliendis ob granulorum tenuitatem ac duritiem aptissima est.





# I N D E X

23

## ARMARII PRIMI.

**T**erra Lemnia subcandida, sigillo Turcico insignita.

Terra Lemnia subrufa.

Alia Terra Lemnia adulterina sigillo insignita.

Terra Armena recentiorum, & officinarum, sive Rubrica Sinopica.

Rubrica Sinopica alia saturato colore.

Rubrica Sinopica minus rubens.

Rubrica Sinopica inter has media.

Vascula ex Rubrica Sinopica Lusitaniae sub nomine Boli Armeni ficta.

Rubrica fabrilis mollis.

Rubrica fabrilis dura.

Rubrica fabrilis firmiori colore.

Rubrica fabrilis minus rubens.

Rubrica fabrilis inter has media.

\* Fortasse Atramensosa. Rubrica \* Armentosa ex sylvena. Terra lapidosa rubra, quæ ex monte S. Orestis prope Romam foditur.

Alana Gleba.

Bolus Armenus officinarum luteus.

Bolus citrinus alius.

Bolus candidus ex Ilva.

Bolus candidus, venis diversi coloris intercurrentibus, innatus ferri saxis in Ilva.

Bolus albus venis nigris intercurrentibus.

Bolus rubeus ferri saxis avulsus, ex Ilva.

Bolus rubeus Sabaudienfis, ad albedinem accedens.

Bolus Jecoris colore, ex Apulia.

Lac Lunæ, vel Agaricus terrestris, sive saxatilis, nonnullis Terra Samia.

Terra Samia vera, Collyrion dicta.

Samius Aster.

Terra Chia.

Terra Selinusia.

Terra Melia cinerea.

Terra Melia candida.

Terra Eretria alba eruta ex fodinis ferreis Ilvanis.

Terra Eretria cinerea.

Terra succo Aluminoso prægnans.

Terra Melitenfis, vulgò Petra S. Pauli.

Terra Cimolia candida, Saponaria à nonnullis dicta.

Terra fullonia, candida, mollis, densa, gravis, & quæ intus assumpta mirificè obstruit; etiam Saponaria dicta, qua Pictores utuntur, ex agro Vicentino.

Terra Cimolia alia, ad purpureum vergens, ex Britannia & Ilva sub nomine Boli candidi & carnei.

Terra Pnigitis nigra.

Terra Pnigitis cinerea.

Terra Pnigitidi nigra simillima, quam Cremam nigram vocant.

Paratonium.

Ochra fossilis electa, friabilis, saturato colore.

Ochra ex nigro Plumbo.

Ochra ex Rubrica.

Ochra levis, friabilis Corsica.

Ochra Smyridi avulsa.

Ochra innata ferri lapidibus, ex Ilva.

Ochra lutea, dura, ex Agro Veronensi.

Ochra adnata lapidi plumbario.

Ochra fistularis.

Ochra nativa crocei coloris ex Agro Balneoregensi.

Terra carulea cum ochra.

Terra cretica, sive Creta alba.

Creta nigra.

Creta viridis ex Smyrna.

Creta viridis, acris, lapidosa, ex Agro Veronensi.

Creta alia viridis, mollis.

Creta Cinerea.

Creta Thessalica, Argentaria dicta.

Creta diversi coloris ex monte Mario Vaticano proximo.

Creta lutea mollis, quæ facillimè lineas ducit.

Creta succo chalcanthoso prægnans, ex Sylvena.

Creta bituminosa.

Creta argentaria, cui micæ argenteæ internitent.

Creta fabrilis candida, ex qua quibusdam locis muros, & parietes extruunt.

Creta in cinereo candida, glutinosa, densa, adstringens, ex monte Baldo.

Creta Tophacea.

Creta ex Peloponneso, incolis Terra d'Iddio.

Creta in cinereo violaceo, eruta in Ilva Insula, ex loco, qui dicitur La Piaggia di Dio, à nonnullis Eretria vera violacei coloris judicatur.

Terra cinerea, ex Ilva, caseum acescentem redolens.

Terra alba ejusdem odoris.

Terra nigra, operi figulino apta, ejusdem odoris; ex Ilva.

Terra nigra, marchasitam continens, ex vena cinnabarii effossa, & quandoque vena cinnabarii mixta reperitur.

Terra, quæ, cum effoditur, mollis est, ut se-vum, gustu acris, ex eodem loco.

Terra lutea, petrosa, gustu acerrima.

Terra cinerea aluminosa.

Terra lutea, styptica, in Ilva inventa, in loco vulgò dicto: L'Agno la vita.

Terra Viterbiensis, vulgò Di Navici.

Terra subfusci coloris, quæ à Pictoribus vocatur Terra d'ombra; ex Sclavonia.

Argilla tenuior.

Argilla crassior.

Argilla ignem ferens, à Plinio Tasconiū dicta.

Ar-



Argilla candida, cui intermicant micæ argenteæ.

Argilla nigra.

Argilla lutea.

Argilla rubra.

Argilla cinerea.

Argilla in cinereo candida.

Argilla fulva.

Argilla Bohemica friabilis, ex qua eximuntur granati.

Tripela Terra.

Tripelæ non diffimilis, Creta ex Corsica.

Marga, sive Medulla, dura, candida.

Marga candida, pinguis, mollis.

Marga arenacea.

Marga candida, lapidosa, ex Ilva.

Marga tophacea.

Marga candida, crustacea.

Marga alba, & pinguis.

Marga candida, lapidosa.

Marga rufa.

Marga fulva, crustacea, aurum in se continens.

Marga in rubeo nigra.

Marga lutea.

Marga cinerea.

Marga lævis.

Marga aspera.

Marga crustarum formam gerens.

Marga fistulosa.

Marga dura, arenosa, Belgica, qua Incolæ agros stercoreant.

Medulla candida pinguis.

Medulla candida dura.

Medulla candida metallica; ex Ilva Insula, nascens in venis ferri, quæ cum primum

eximitur, colore caseum liquidum refert, in aere statim indurescit; ita tamen ut ore retenta butyri instar lique scat.

Medulla alia candida nascens in venis argenti.

Medulla in Geode inventa Ochreæ similis.

Medulla alba, friabilis; ex Geode.

Medulla flava, dura; ex Geode.

Medulla in candido rubra.

Medulla viridis.

Arena fossilis, tenuis, & candidissima; ex Sylvena.

Arena rubra ex eodem loco.

Arena crocea ex Sylvena.

Arena fluviatilis, quæ cum calce miscetur, & adhibetur ad ædificia.

Arena marina.

Arena nigra, à Vulfinio lacu.

Arena lutea, ex Janiculo, vulgò *Montorio*.

Arena cinerea, quæ ad amnes, & rivos plerunque reperitur.

Arena in Geode reperta.

Pulveris Puteolani duo genera.

Arena metallica, ex qua lavatur aurum.

Arena metallica, in qua ramenta auri reperiuntur.

Sabulum, quo sternuntur viæ.

Sabulum nigrum, è quo nigri lapilli lavantur, & è quibus plumbum album excoquitur.

Sabulum sterile.

Arena factitia ex Magnetide.


Arena factitia ex plumbo nigro.

Arena factitia ex Pyrite, qua nonnulli scripta exiccant.






# ARMARIUM II.



ARMARIUM II. LIBRARY OF THE UNIVERSITY OF CHICAGO  
CHICAGO, ILL. 1900







# ARMARIUM II.

## SAL, ET NITRUM.

### DE SALIS GENERIBUS.

## C A P. I.



**B**soluto primo Armario, quod terrarum genera complectitur, ad alterum transeamus, quo sal, & nitrum continetur; quandoquidem ea, quæ humore solubilia sunt, primum post terras obtinent locum; quinimo terræ species à quibusdam sal esse dicitur, nec injuria, cum Aristoteles terræ magis esse, sicuti & nitrum, asseruit. Habent enim siccam exhalationem multam, aqua solubilem in succum. Ideo succi dici possunt nunc liquidi, nunc concreti. Ea est enim sicci halitus natura, ut

in pulverem cogatur primum, deinde verò propter copiam, corpulentiores nactus substantiam terra videatur: exemplo est fuligo. At verò succis quavis aquea fortè materia existat, natura tamen ob mistionem alia est, atque alia, cui par nominum diversitas aptè respondet; sic etiam vinum, acetum, lac, cæteraque hujusmodi, licet quod eorum materia est aqua, rectè fortasse dicantur aquea, immo ab Aristotele vocentur species aquæ; tamen aqua neque sunt, neque dicuntur, quoniam mistione rerum alienarum, mutata aquæ natura, hoc dicitur lac, illud vinum, uti statua ænea non amplius vocatur æs, verum statua. Quanvis igitur fossiles succi, de quibus loquimur, initio, aquæ instar, humidi, ac fluidi sint, & deinceps quoque liquecant; nihilominus tamen concretione ad ipsius terræ naturam accedunt. Qua concretione fit quoque, ut ab aquis medicatis plurimum distent: quanvis illæ quoque salem, bitumen, sulphur, & hujusmodi respiciant; nam siccus ille halitus, quo aqua bituminis, aut sulphuris saporem nanciscitur, tantus est, ut aquam sapore alieno inficere solummodo possit, non autem ut vi caloris aliqua constringat eam, & induret; quemadmodum, quos dicimus succos, videmus.

Ut autem à Sale ordiamur, scire licet, Salem, qui Græcè *αλς* dicitur, Arabibus [1] *Melech*, seu *Melba*, Germanis *Salz*, Hispanis *Sal*, Italis *Sale*, nihil aliud esse, quam succum quendam ex terra, atque humore mistum, in falsum saporem vi caloris concretum. [2] Constat enim substantia terrea ex adustione amara, & aquea insipida, quæ ambæ si æquales sint, falsum perficiunt saporem; si terrea vincit, amarior evadit; si aquea, falsugo mitior est. Cogitur autem sal calido, & sicco, ut è contra humido liquefcit. Salis maximè communes differentię sunt, naturalis, & factitius. Sal nativus, vel ex aquis provenit, vel ex montibus cæditur, vel è terra effoditur, vel sub arena reperitur. Factitius alius ex aqua fit, alius ex plantis, aut earum partibus, alius ex animalium partibus quibusdam, & excrementis, alius ex aliquo naturali succo; de quibus omnibus singillatim differemus.

[3] Salis verò differentię minùs communes sumuntur vel à substantia; nam aliud durum, & densum est, ut fossile; aliud friabile, & molle, ut aquatile: vel à figura; nam vel in formam glebæ, aut massæ eruitur, qualis est, qui in Polonia, & Calabria effoditur; vel micæ formam habet, ut excoctum, atque marinum: vel nonnunquam in stiria figuram concrefcit, ut in scopulorum fibris quibusdam: vel à sapore; nam alibi suavis, alibi amarus, alibi verò falsissimus invenitur (falsissimum salem putant, qui sit siccissimus) alius habens cum sal-

D

fedine

Sal, & nitrum quid sit, & ex quibus componatur.

Succi dividuntur in liquidos, & concretos.

Aqueorum succorum differentię ex quo gignantur.

Succi concreti ad terræ naturam accedunt.

Succi concreti quo ab aquis medicatis differant.

Salis nomina.

Sal quid sit.

*Mef. lib. 2. de med.*

*simp. purgan. cap. 16.*

*Plinius lib. 31. cap. 7.*

*Dioscorides lib. 5.*

*cap. 35.*

Sal quomodo concrefcit.

Salis differentię communes.

Salis nativi genera.

Salis factitii diversæ species.

Salis differentię à substantia.

Salis differentię à figura.

Salis differentię à sapore.



Salis differentia ab odore.

Salis differentia à colore.

[a] Galenus 4. simp. cap. 20.

[b] Plin. lib. 31. cap. 7.

[c] Strabo lib. 3.

sedine saporem ovi duri, uti Polonicus, qui in provincia Polonia invenitur: vel ab odore, ut Arabicus Sal, qui suavem, & jucundum odorem spirat: Cappadocius etiam odoratissimus est: Naphthicus verò malè olet: vel à colore; nam vel [a] candidissimus est, ut Tarentinus, & Volaterranus; vel niger, ut Naphthicus ex naphtha quæ in ipso est, & fossilis quidam Polonicus, & quicunque ex lignis extrahitur; vel purpureus, ut in parte quadam Sicilia, ubi Ætna mons est, ut Solinus, & Centuripis, ut [b] Plinius scribit, & in Lusitania, ut [c] Strabo inquit; vel rubens, ut Memphiticus; vel croceus, ut qui in Cappadocia effoditur; vel rufus, ut circa Oxum, Plinio auctore; qui etiam tradit, circa Gelam Sicilia tanti splendoris Salem esse, ut imaginem recipiat. De differentiis ejus generatim diximus, nunc singillatim eas persequamur, sumpto initio à fossili.

### N O T Æ.

Præcipua salis notæ, quibus à cæteris corporibus distinguitur. Salis definitio.

Salis nomen variis modis accipitur.

Sal principium quid sit juxta Physicorum sententiam.

Quomodo diversa Salium genera ex Sale principio juxta Chymicos gignantur.

[a] Guglielminus de Salibus.

Guglielmini sententia de Sale principio.

Salina principia quæ & qualia sint.

Potissima Salis proprietates.

Quomodo Sales ex particulis in fluido innatantibus gignantur.

Qua ratione Sales generentur ex aqua terræ poris percitata.

Salium generatio ex humoris evaporatione.

Salium generatio ex aquæ motu imminuto.

Quomodo Sales ex vaporibus terrestribus concrecant.

[1] Sal Arabibus *الملح* *Almelho*, quod tractum est ab Hebraico *מלח* *Melach*. Inter Salis proprietates, ejus naturam à cæteris rebus potissimum discriminare videntur durities, solubilitas in aqua, ac præsertim sapor, qui omnium consensu maximè peculiaris est salis nota. Hinc alii cum Avicenna ipsum definiunt: Corpus durum in aqua solubile: alii verò addunt, Quod saporis sensationi excitandæ aptum est.

Multifariè autem salis nomen accipitur. I. enim Sal communis, ac marinus ita vulgò appellari solet. II. reliqui succi concreti, aliæque corpora mixta, quæ etsi aliarum rerum admixtione consent, nihilominus Sales vocantur, quod salina partes in ipsis, cæteris, tum copia, tum activitate præstent. III. qui nihil heterogeneum admixtum habet, Sal simplex appellatur. IV. particula Salis elementares Sal principium apud Physicos audiunt, de quo multi multa prodidere. Etenim Chymici unicuique illud esse, atque universale statuunt, mundique spiritum appellant, ex quo variè cum variis corporibus permixto, varia Salium genera emergere contendunt: idque probare conantur experimentis, quæ in salinorum succorum genesi per chymicam *σύνθεσιν* facta passim occurrunt, veluti in generatione Aluminis, Virrioli, aut Sulphuris ex eodem spiritu acido minerali, modò cum terra ac lapidea substantia, modò cum ferro, aut cupro, modò cum oleo terebinthinæ, carbonibus aliisque similibus sociato. At contra doctissimus [a] Guglielminus, qui acutissimè ac mechanicè Salium naturam pervestigare aggressus est, plura facit salina principia, figura differentia, indivisibilia, ingenerabilia, atque incorruptibilia. Alii verò illa in infinitum dividi posse, ac proinde generari, ac corrumpi arbitrantur. Quorum controversias missas facimus: Etenim in re tam ambigua non ita facile est aliquid certi determinare: neque id hujus loci, aut nostri instituti esse arbitramur. Illud tamen probabilissimum esse judicamus, salina principia corpuscula esse dura, & angulosa, cum in hoc ferè omnes conveniant, atque exinde salis phænomena satis commodè explicari, ac demonstrari possint.

Præcipua autem salis proprietates, atque actiones sunt sequentes. I. organa gustus afficiendo, saporis sensum excitare. II. in aqua facilè dissolvi. III. corporum duriorum solutionem promoverè. IV. duritiem, fixitatem, ac pondus rebus impertire; atque ut plurimum easdem à putredine præservare.

[2] Salium generationem hac propemodum ratione absolvi verisimile est. Salina particula, quæ in aliquo fluido, aeris, nempe, aquæ, aut vaporum dispersæ vagantur, ejus motibus obtemperantes circumquaque feruntur, donec occasione data deponantur, coeant, ac multifariè cum variis corporibus sociatæ, in crystallos abeant Salium sui generis; quos proinde succos concretos, veteres, improprie, ut nonnullis videtur, appellarunt, quod ex liquoribus concrecentibus eodem modo, ac glaciem ex aqua, eos gigni crediderunt.

I. Etenim aqua, per telluris internos meatus continenter fluens, terreæque compagem undequaque pervadens, eam laxat, Sales inclusos ab ipsius nexibus liberat, exolutosque secum avehit, donec magna salinarum partium copia imbuta, partim expeditius iter nata, alicunde, sub acidularum, thermarum, aut alterius mineralis aquæ specie foras erumpit, partim dum per varios terræ, aut alicujus fossilis poros trajicitur ac percolatur, sales prædictos, veluti quasdam exuvias inibi deponit, tum ob dictorum pororum angustiam, aut minùs aptam conformationem, saliumque figuræ minùs accommodatam, tum ob varias eorundem inflexiones; quibus non modò aquæ motus retardatur, sed etiam multo magis solidorum corpusculorum in ipsa innatantium: quæ, cum angulosa sint, non eadem facilitate, atque aqueæ particula tortuosis anfractibus obsecundant, sed in latera opposita impingunt, ac paululùm resistant, donec aliæ ejusdem generis particula advenientes cum ipsis implicentur; quo fit ut pori angustiores semper reddantur, salinisque moleculis exitus magis præcludatur, ex quo earum coacervatio necessariò sequitur.

II. Aquæ salibus scatentes, aut solis radiis, aut sulphureorum corporum incallescencia paulatim attenuatæ, in vapores elewantur, dum interim salina moleculæ fixiores residuæ, secedentibus aqueis particulis eas continentibus, ac fulcipientibus, quarum interpositione sejungebantur, invicem coeuntes, majores, gravioresque fiunt: quapropter deficiente pristino æquilibrio, quo in aqua suspendebantur, concidunt, aut humore penitus exhausto, in fundo subsidunt.

III. Imminuto intestino aqueorum globulorum motu, quo potissimum solidorum in fluidis sustentatio adjuvatur, ut ex volatu, & natatu perspicuum fit, sales, qui in aqua soluti fluitabant, necessariò concidunt, ac fundum petunt, excessu proprii ponderis, sustinentis liquoris cohesionis superata.

Haud absimili ferè ratione, ex vaporibus, & aere Sales generantur: nam vapores ex intimis terræ penetralibus excitati, Sales volatiles secum abreptos, atque elevatos, in lapidum, aliorumque duriorum

rum



rum corporum poris, quos subeunt, ob expositas rationes, relinquunt, seu ob frigus, vel partium sulphurearum evanescantiam, motu torpidiores redditi, eosdem secretos dimittunt.

Ita pariter aer salinorum corpusculorum effluvia, quæ à terra assidue exhalant, suo sinu excepta secum circumagunt, exinde per angustos poros corporum, quæ in terræ externa superficie sita sunt permeant, eorum sarcinam illic deponit, aut aliqua alia de causa superius memorata, relinquit.

Aerem siquidem diversorum salium generibus refertum esse, ex eo conjicere licet, quod si marcastæ, terræ, aliaque corpora suis salibus efficta sub diu exponantur, novo salium proventu rursus imbuantur: ut passim observatur.

[3] Præter allatas ab Auctore Salium differentias, nova eorum genera è Chymicorum observationibus prodire. Cum nanque animadvertissent, ex quorundam Salium cum acidis mixtione, modò ebullitiones, modò effervescentias, modòque fermentationes excitari, hos quidem utpote peculiari caractere insignitos, ab aliis discernendos esse judicarunt, ac nomen ab Arabibus mutuati,

Alkali appellarunt: **قلبي** Kali enim, & præposito articulo **القلي** Alkali cineres herbæ **اشنان**

**Usnanon** ab Arabibus dictæ, & Botanicis kali & soda, vocantur; quod hæc herba plurimo Sale Alkali scateret. Unde celebris illa divisio in Alkali, Acidum, & Salsum apud plerisque emanavit.

Alkalium texturam valde porosam esse Physici volunt: ea siquidem ipsius effectibus explicandis maxime est accommodata. Etenim acidorum spicula, dum alkalium poros subeunt, partim orificia occludunt, unde interni meatus angustiores fiunt; quo fit, ut aer, unà cum materia æthereâ inibi interceptus, ac compressus impetum faciat, effractusque carceribus sese in libertatem asserat; partim verò alkalinarum molecularum nexum incidunt, easque ab invicem divellunt, ac proinde ad interstitia interna, quæ aere tenuiore occupantur, iter patefaciunt externo aeri superincumbenti; qui propria gravitate adactus impetuosè illuc irrumpit, partesque vehementer concutit, divellit, ac disjungit: eodemque tempore particula volatiles sulphureæ acidorum aculeis exolvuntur: ex quibus omnibus, intestini motus necessariò cientur, ac fermentatio excitatur.

Amplissima est Alkalium familia, siquidem non modò diversi generis sales complectitur, veluti fixos, volatiles, urinosos, atque etiam acidos nonnullos, qui habita ratione aliorum acidorum, cum quibus ebulliunt, Alkalici existimantur; sed etiam quascunque terreas ac sulphureas substantias, quæ cum acidis prædictas edunt actiones. Verùm Sales Alkalici à cæteris alkalicis corporibus hac nota facile possunt dignosci iuxta Cl. Hombergum, quod illi unà cum admixtis acidis post ebullitionem, effervescentiam, aut fermentationem, ita invicem coeunt, ut in Salis tertii falsi crystallos abeant, quod in his non contingit.

Alkalia humores fundunt, acidum absorbent, atque obtundunt, vique pollent deterfiva: quapropter ad maculas è pannis detergendas adhibentur.

Acidum dicitur, quodcumque acoris sensationem valet excitare, nisi præpediatur. Ejus particula rigida existimantur, longæ, valde subtiles, & acutissimis spiculis instructæ, quibus poros facillimè subeunt, linguæ papillas compungunt, ac sensum gustus afficiunt.

Diversa ratione adhibitum, varias exerit actiones; modò enim solvit, modò figit, ac coagulat humores, modò condensat, modòque incidit, & attenuat. Qui contrarii effectus in lacte potissimum observantur: hoc enim, acido affuso, concrevit; iterumque, postquam concreverit, novo liquore acido admixto dissolvitur, ac liquefit. Coagulatur autem primò, quia salium acidorum cuspidibus ramosis ac flexibilibus lactis partibus irretiuntur, hinc repletis interstitiis inibi contentum liquorem exprimunt, ac cum fibrillis lacteis abeunt in molem densiorem, quæ propria gravitate impulsæ à reliquo fluido, in imum secedit. Exinde verò, si lacti jam concreto novus liquor acidus affundatur, eadem fibræ lacteæ, non amplius molles, & flexiles, sed ob interjectas prius admixti acidi particulas extensæ, solidæ, ac rigidæ, à Salium acie facilius inciduntur, ac comminuantur in exigua fragmenta, quæ ob sui tenuitatem, in nuper adjecto humore sustinentur, cum eoque permixta, in corpus subfluidum abeunt.

Sal falsus, qui & tertius, neuter, atque enixus vocatur, ex alkali, & acido in unum coalescentibus gignitur, veluti Sal ammoniacus, qui ex acido Salis marini, atque alkali urinæ, & fixo fuliginis oritur. Sales autem falsi tum multimodis artificio parantur, tum etiam plerique natura gignuntur.

Alkali sese prodit in mixtis ex ebullitione, fermentatione, aut effervescentia, quam excitat cum spiritu Vitrioli, Sulphuris, aut similis acidi, nec non etiam ex solutione sublimati corrosivi in aqua communi, quæ alkalium admixtione turbatur, lactescit, flavescit, viridescit, ac nonnunquam etiam coagulatur: & succo heliotropii tricoeci, quem viridi colore inficiunt alkalia.

Acidum verò, licet ipsius optimus index sit gustus, nihilominus, cum sæpius sulphureo-terreis particulis involutum, aut aqueis nimis dilutum lateat, ita ut sensum fallat, deprehendi solet Sale tartari, aqua calcis, spiritu Salis ammoniaci, aliisque urinosi, & alkalici, cum quibus effervesceat, floribus malvarum, syrupo violarum, aliisque, præsertim verò solutione succi heliotropii tricoeci, aut papyro eodem succo, cœruleo colore infecto: uterque enim affuso acido, facillimè, modò intensius, modò remissius rubescit, pro acidi quantitate, aut qualitate.

Salis falsi indicia desumuntur, ex alkali, & acido per Chymicam analysim, aut alia ratione in eodem mixto deprehensis.

Physici demum varios Salium modos, seu status Chymico-mechanicè considerantes, alia veteribus ignota eorum discrimina invexere, in fixos, volatiles, solutos, fluidos, ac fufos dividentes.

Sales fixi apud Chymicos vocantur, qui ob firmum partium nexum, ac magnitudinem, aut in distillatione ignis actionem eludunt, & in fundo vasis resident, aut in calcinatione, vel combustionem non avolant. Varii autem sunt fixitatis gradus, pro majori, aut minori partium cohesionem, qua solida adversus solventium vires se tuentur.

Fixis volatiles opponuntur; quippe qui, ob particularum tenuitatem, laxamque earundem compagem, ac sulphurearum partium admixtionem, facillè dissolvuntur, elevantur, ac in auras abeunt.

Soluti dicuntur, qui in minimas moleculas divisi, per aquei fluidi interstitia dispersi fluitant.

Sales fluidi nil aliud sunt, quam Sales soluti; sed ea quantitate, ut suas vires commodius exerant.

Hinc omnes fluidi soluti, non autem contra, omnes soluti, fluidi dici possunt.

Modus quo Sales ex aere generantur.

Aer diversorum Salium particulis scatet.

Alkali etymologia.

Salium divisio in Alkali Acidum, & Salsum.

Quare ex Alkalium cum acidis admixtione fermentatio oriatur.

Qua nota Sales Alkalici ab aliis Alkalicis corporibus distinguantur.

Alkali facultates.

Acidi particulae quales.

Cur liquores modò coagulentur, modò solvantur ab acidis.

Sal falsus quid sit.

Alkalia, qua ratione deprehendantur in mixtis.

Acidum occultum, quibus indiciis comperiatur in mixtis.

Salis falsi indicia.

Sales fixi quid sint.

Sales volatiles.

Sales soluti.

Sales fluidi.



Sales fusi.

Fusi denique à solutis non differunt, nisi quòd unà cum aliis diverſi generis corporibus, veluti ſulphureo-terreis, ſalinisque variis commixti ſint; quales præcipuè ſunt plantarum ſucci, atque animalium humores.

## DE SALE FOSSILI.

## CAP. II.

Optimi Salis Fossilis notæ.

Sal Fossilis ex quibus locis eruatur.

Fodinarum nomina.

Auctor Salis Fodinas Poloniæ lustrat. Salis Polonici glebæ magni ponderis, ac perlucidæ.

Sal Hungaricus in ignem coniectus non crepitat, nec diffilit. Salis Hungarici uſus Salinum, &amp; tabula cum latrunculis ex Sale gemmeo confecta.

Sal niger Sarmaticus.

Sal Ætnæ.

[a] Solinus Polybiſt. cap. 10.

Sal marmoreus ex Calabria.

Sal Hispanicus, &amp; Indicus.

[b] Plinius lib. 31. cap. 7.

[c] Strabo lib. 15.

Strabo lib. 16.

Sal Metallicus: Arabicus: Cappadocius.

Salis Fossilis, &amp; Aquatilis diſcrimen.

[d] Galen. lib. 9. ſimp.

**S**AL Fossilis maximè probatur candidus, cryſtalli inſtar lucidus, denſus, illapidosus, ſciſſilis, & æqualis, qui ob perſpicuitatem, gemmæ Sal à Pharmacopolis vocatur. Hujus fodinæ in aliquibus Germaniæ, & Pannoniæ locis viſuntur; quin etiam in ea Sarmatiæ parte, quæ hodie Major Polonia nuncupatur ad Urbem Carodunum, vulgò *Cracovia*: Oppidum autem *Vyelyezka* vocatum, ubi Sal foditur, diſtat à Cracovia leuc. 1. à meridie. Fodinarum, quæ modò ſunt apertæ, hæc ſunt nomina. *Seraf, Rebyz, Bonar, Buzein, Loyz, Vodnagora, Poguipan*. Tres, quatuorve aliæ fodinæ jam ſunt collapsæ. E profundis ſpecubus excindi glebas magni ponderis, & valde lucidas ibi vidimus, cujuſmodi nonnullæ, apud nos reſervantur viginti, & triginta librarum, tanta perſpicuitate, ut quidam verum cryſtallum perſæpe judicent. Similis quoque in Hungaria reperitur in Carpato monte, aliisque locis, qui ob copiam, & ſaliendi vim omnium celeberrimus exiſtimatur. Hic in ignem coniectus, præter cæterorum naturam, nec diffilit, nec crepitat, ſed veluti ferrum igneſcit. Eo utuntur Medici in balanis, & clyſteribus exacuendis; à mulieribus etiam expetitur ad cutis nitorem inducendum. Ex ipſo animalium ſimulacra, & vaſa alabaſtris ſimilia conficiuntur. Salinum ex gemmeo Sale confectum miſit ad me Magnus Hetruriæ Dux, unà cum tabula quadrata, in qua calculis, quos latrones, & latrunculos antiqui appellarunt, juniores verò ſcachos vocitant, luditur, ex Sale quodam foſſili candidiſſimo, & rubro colore diſtincto, cryſtalli inſtar pellucido, miro quodam artificio confecta.

Reperitur quoque in Sarmatia Sal quidam niger, qui alvum emollit drachmæ pondere ex vino potus. Alius invenitur foſſilis purpureus, cryſtalli modo pellucidus, quem Ætna mittit, de quo [a] Solinus. Alter verò in Calabria reperitur, qui veluti lapis excinditur in loco, vulgò *Altomonte* vocato, translucidus lapidis ſpecularis inſtar; à quibuſdam marmoreus, vel ſaxeus nuncupatus. Alibi quoque ſimilis invenitur, ut in Hiſpania in agro Cæſarauguſtano. In India quoque [b], Plinio auctore, Salis mons Oromenus eſt, in quo lapicidinarum modo ſal cæditur, & renaſcitur; dixitque Oneſicritus, ut [c] Strabo reſert, in Carmania duos eſſe montes, alterum arſenici, alterum ſalis.

Inter foſſiles etiam referendus Sal eſt, tum qui interdum variorum colorum in metallis reperitur, & ideo Sal metallicus à nonnullis vocatur; tum Arabicus Sal, qui ſuavem, & jucundum odorem ſpirat, & Cappadocius etiam, qui odoratiſſimus eſt. Foſſilis Sal ejuſdem facultatis eſt cum aquatili, verum hoc differunt (ut [d] Galenus ait) quòd Salis ex terra effoſſi ſubſtantia magis ſit compacta, ac proinde in hoc major eſt, & partium craſſities, & aſtringendi potentia. Quamobrem aquatilis affuſa aqua protinus liqueſcit, quod non item foſſili evenit.

## NOTÆ.

Salis Fossilis, &amp; Aquatilis differentia.

Particularum Salis figura, quæ ſit.

Particularum Salinarum formæ cauſa.

Sal foſſilis, à fontium, lacuum, ac maris non tantum re differt, quàm generationis modo. Prior enim è fodinis concretus eruitur, quem in terræ gremio, ex aqua, quo ſupra dictum eſt modo progigni arbitramur. Secundus ex aqua falſa fontium, ac lacuum excocta paratur. Tertius ex aqua maris, Solis, vel ignis calore exiccata. Hunc parare etiam ſolent Galli ex lixivio factò ex aqua Rhodani, atque arena maris, cujuſ interſtitia Salis fragmenta à marinis fluctibus alluentibus delata, aſſidue excipiunt, ac detinent.

Hujus Salis elementares particulas nonnulli cylindricas, rigidas, atque aculeis inſtructas arbitrantur; Guglielminus verò cubicas eſſe contendit. Quidquid tamen ſit, majores ipſius moleculæ cubicam ferme figuram reſerunt: omnes ſiquidem Sales propriam ſibi formam vindicant. Cujus rei ratio non aliunde peti poſſe videtur, quàm ex varia ſingulorum Salium, particularum figura, varioque motu, quo ex fluidis decidunt, atque corporis, dum coeunt, eas circumambientis, preſſione. Hinc ſi aqua



- aqua vehementius agitetur, salini cubi imperfectiores evadunt, ut observatum est in Occitaniae litoribus; ubi ventis vehementioribus, aqua rapidius commovetur.
- Verum Chymici Salem communem ex acido sulphureo minerali, corpori alkalico sociato, gigni arbitrantur, quod ex ejus generatione artificio comparata optime demonstrari contendunt. Etenim ex spiritu Salis cum quovis alkali juncto, ac praecipue cum Sale tartari, vel ejusdem cineribus, aut cum calce, Salem communem emergere asserunt. Præterea multa afferunt experimenta, quæ in Sale prædicto tum alkali, tum acidum inesse evincant.
- Diversi generis autem fossilium nonnihil continere sequentibus experimentis comprobari posse videtur, ac I. cum nitro affinitatem quandam ei intercedere, ut affirmavit Beccherus. [a] Etenim Sal communis in dupla aquæ parte solutus, ac per sexagies repetitas cohobationes distillatus, tandem in liquorem abiit insipidum, qui exinde in vase bene clauso per triennium servatus, ac sæpius, & per intervalla interea digestus, denique salem deposuit nitro, sapore haud absimilem. Nitrum quoque generari compertum est ex distillatione Salis in aqua forti soluti.
- II. Salem quandam stypticum à vitriolo haud abhorrentem ex solutione Salis, & ex aqua marina parari posse refert D. du Clos.
- III. Sulphur quoque Sali inesse comprobatur, quod ejus spiritus sulphuris odorem redolet, striarumque sulphurearum specie elevatur: immo in ipsius distillatione nonnihil sulphuris concreti recipientis lateribus adhærescit.
- Sal gemmeus variè metallici sulphuris halitibus inficitur pro locorum varietate, ex quibus eruitur, nam ferè semper juxta metallicas venas diversi generis nascitur: quo fit ut magna sit ipsius varietas, quam non modò ex vicinia variorum metallorum, sed ex vario ipsius sapore conjicere licet. Hinc non omnis indiscriminatim adhibendus.
- Verum Sal marinus heterogeneorum corporum admixtione fossilem, ac fontanum longè superat. Etenim mare omnigenarum pæne rerum congeriem immenso sinu complectitur, partim innascentium, partim aliunde confluentium, piscium videlicet, zoophytorum, vegetabilium, lithophytorum, lapidum, fossilium diversi generis, aliorumque, quorum multa ex aere decidunt, multa ab omnibus advehuntur, multa ex naufragiis absorbentur, multa denique ipsius maris aquæ per intimas, cæcæque terræ cavernas irrumpentes, perenni fluxu, ac refluxu secum important. Harum autem rerum quamlibet ad Salis prædicti compositionem symbolum suum conferre verosimillimum est. Cum enim maris undæ motu vehementissimo, continenter, ac quæquæ versùs agitentur, res prædictas contentas, adjuncta solarium radiorum percussione, verberant violenter, rapido impulsu invicem collidunt, salinis spiculis lacerant, abradunt, ac comminuunt in exigua fragmenta, quæ per marinam aquam undequaque dispersa, exinde cum salinis moleculis implicitæ in generatione salis falsi marinique concreverunt. Hinc fit, ut Sal marinus per simplicem evaporationem concretus subobscuram quandam amaritiem præferat.
- His enarratis, modò hujusmodi Salis proprietates, ac naturam persequamur. Fixus admodum est: hinc si aqua, in qua dilutus est, evaporetur, vix aliquot ipsius moleculæ, tres, aut quatuor digitos unâ cum vaporibus supra aquæ planum elevantur, ac baculo supra posito adhærescunt, ut experimento compertum est.
- Aqua ponderosior est; si enim non valde tritus, sed crassiusculus, ac confertim in ipsam immittatur, statim fundum petit.
- Si in ignem conjiciatur, non liquefit, sed decrepitat, ac in calcem redigitur: quem effectum, aqueis, atque aereis particulis in ejus porulis inclusis, ignis vi commotis, vinculisque disruptis, foras magno impetu erumpentibus tribuendum esse censent Physici.
- At si postquam fuerit calcinatus, igni vehementiori admoveatur, liquefit, ac postmodum refrigeratus in vitrum abit: quoniam Salis particulae crassiores, ob vehementiorem ignis agitationem impulsæ mutua collisione atteruntur, comminuuntur, ac levigantur. Quo fit, ut magis planas, æquales, atque expolitas superficies adeptæ, inter se commodius aptentur, exactius congruant, atque adhærescant, porosque relictos, & exiguos relinquant: hinc in substantiam duram ac perlucidam compinguntur. Ideoque Sal communis ad vitrum conficiendum solet admisceri.
- In aquam coniectus difficilior, ac tardius quàm cæteri Sales, dissolvitur, ob suam fixitatem, [a] solutus verò ipsi nonnihil frigoris conciliat: nam thermometer in liquore immersum, post solutionem nonnullas lineas deprimitur. Verum cum spiritibus acidis mineralium commixtus incalescit, præsertim cum spiritu vitrioli, quo affuso, edito fragore fermentat, magna vaporum copia emissa, dum interim liquor condensatur, tantusque excitatur calor, ut non modò ex magna thermometri elevatione, sed etiam sensu percipi possit.
- Si in ignem spargatur, flammam reddit acriorem: nanque ejus spicula in motum undequaque ignis vi circumacta, veluti quidam gladii corpora obvia discindunt. Hinc opifices ad metalla facilius colliganda fornacibus salem inspergunt.
- Eximium etiam usum præbet in dissolvendis metallis, quæ multo sulphure abundant, auro, nempe antimonio, ac stamno: & propterea ex ipsius spiritu aquæ regiæ appellatæ potissimum componuntur. Ac proinde in Salium sulphureorum censu habetur à Chymicis: cætera verò metalla minus sulphurea, veluti argentum ac mercurium, Salibus acidis, atque aquis stygiis soluta præcipitat.
- Spiritus Salis per distillationem paratus acidus est: hinc cum alkalicis sociatus ingentem ciet effervescentiam. Inter cæteros spiritus acidos mineralium hoc sibi proprium vindicat, ut aurum dissolvat. Insignis est autem usu medico vi stomachica, diuretica, ac, ut aliquibus arridet, lithontriptica.
- Sal communis ex quibus constat juxta Chymicorum sententiam.
- Sal communis nitro cognatus.
- [a] Du Hamel. Reg. Scien. Acad. Hist. ann. 1695.
- Nitrum ex sale genitum.
- Sal vitriolicus ex Sale confectus.
- Sulphur in Sale continetur.
- Salis gemmei varietas.
- Sal marinus ex diversis corporibus heterogeneis componitur.
- Sal communis valde fixus est.
- Salis communis pondus.
- Cur in ignem coniectus decrepitet.
- Quare Sal communis in vitrum abeat.
- Difficile in aqua dissolvitur.
- [a] Memoir. de l'Acad. Royal. des Scienc. ann. 1700.
- Sal aquam refrigerat.
- Liquores acidos calefacit.
- Sal ignem reddit vehementiorem.
- Sal metalla sulphurea dissolvit.
- Spiritus Salis proprietates, & vires.



## DE SALE AMMONIACO.

C A P. III.

Plinius lib. 31. cap. 7.  
Etymologia.

Avicenna lib. 2. tra-  
ctat. 2. cap. 526.

Averr. 5. Collig. cap.  
30. de Sale Ammo-  
niaco.

Sal Ammoniacus fa-  
ctitius.

Dioscorides lib. 5.  
cap. 35.

Sal Ammoniacus  
nativus à factitio  
quomodo dignosca-  
tur.

Ammoniaci factitii  
usus.

Serap. de Simp. min.  
cap. 413.

Ammoniaci nativi  
facultates.

Sal Ammoniacus  
Puteolanus à veter-  
um Ammoniaco nō  
differt.

Sal fossilis puteola-  
nus aeri expositus  
gravior est quā in  
fodinis.

Salis Puteolani co-  
lor & sapor.

Sal Puteolanus in  
igne non crepitat.

**S**AL [1] Ammoniacus appellatur, quia in arena reperitur, quam Græci ἀμμων  
dicunt; sub arenis enim ardentissimis in littore maris fervor Solis inter-  
dum aquas ipsas marinas in Salem excoquit; vel ob Ammonis oraculum, unde  
vehitur, Ammoniacus vocatur. Pharmacopolæ verò Salem Ammoniacum  
appellant, aliumque ostendunt factitium ex Germania allatum, foris nigrican-  
tem, intus verò subcandidum.

Nativus à factitio eo cognoscitur, quòd verus facilè finditur scissuris re-  
tis, crustas oblongas habet alumini fissili similes, subacer est, ac levis, qui  
quidem in ignem coniectus nec exilit, nec crepitat, licet nonnulli contrarium  
fatìs temerè asseruerint. Factitius ab auri fabris magis, [2] quā à Medicis ex-  
petitur. Nativus verò utilis est, si quando aliquid detergere opus sit; acer enim  
est, & modicè astringens, & ideo humores acres in superciliis inspersus con-  
sumit, à quibus scilicet pili malè nutriti excidunt. Verus autem, atque à sub-  
dititio alienus Sal dictus Ammoniacus, jam pridem adferri cœpit Puteolis,  
qui licet sub arenis, ut in sitientibus Africæ locis non reperitur, reliquis ta-  
men & notis, & qualitatibus adamussim illi respondet, [3] ac levissimus (ut Pli-  
nius etiam de eo prodidit) intrā specus suos in lucem universam prolatus, vix  
credibili pondere ingravescit, ut videre est inter Puteolos, & Neapolim, loco  
vulgò dicto Sulphureta, nisi Sulphurata mavis, ubi cuniculorum spiritu madido  
maximè juvante in extremis summitatibus, ex ardentissimis exhalationibus,  
quæ è profundis specubus erumpunt, densatur, diverso quidem colore, nam  
& rubens, & croceus, interdum etiam albicans, nigricansque apparet, adeò  
falsus, ut ingratissimo, & acri sapore, non sinè quadam amaritudine deguste-  
tur; substantia verò levis, in igne minimè crepitat, neque ab eo exilit. Opi-  
nionem nostram indicavimus exactius hujus rei judicium studiosis relinquen-  
tes. Hæc de Sale fossilis, jam de aquatili dicemus.

## N O T Æ.

[a] Salmasius exerc.  
Plinian. in Solin.

Sal Ammoniacus  
quid sit, & ex qui-  
bus confet.

Salis Ammoniaci  
duplex spiritus.

Spiritus urinosus  
Salis Ammoniaci  
quomodo paretur.

Quare Sal Ammo-  
niacus admixta cal-  
ce, vel oleo tartari  
spiritum urinosum  
emittat.

Du Hamel in Hi-  
stor. Academ. Reg.  
Scient. an. 1696.

Amborū spirituum  
Salis Ammoniaci  
inter se mixtorum  
effectus.

[b] Memoir. de l'A-  
cad. Royal. des Scient.  
ann. 1700.

[1] Verum [a] Salmasius, Salem Ammoniacum, non ab arenis nomen traxisse censet, sed ab Ammo-  
nia Cyrenaicæ regione, in qua magna hujus Salis copia effodiebatur.

Sal Ammoniacus, quo hodie utimur, falsus est volatilis, atque ex acido Salis marini cum alkalico vo-  
latili juncto componitur: paratur enim arte, ut plerique omnes tradunt, ex una parte Salis communis,  
dimidia fuliginis, ac quinque urinæ. Immo perfectissimum Salem Ammoniacum ex spiritu Salis  
cum volatili urinæ mixto, progigni, tradunt Chymici: Quapropter alkali, & acidi non obscura  
exhibet indicia. Etenim ipsius solutio, acidorum instar, papyrus cœruleum rubro colore inficit.  
Binos quoque spiritus inter se diversos præbet, alterum urinosum, alterum verò acidum, spiritui  
Salis communis, Sulphuris, aliisque mineralium haud absimilem; qui inter se, commixti tumul-  
tuantur. Urinosus paratur adjecto quodam Sale fixo, veluti calce, tartaro &c. in distillatione.  
Plurimis enim Chymicorum experimentis compertum est, si Sal ex acido & alkali volatili conflatus,  
in aqua, Sale quocunque fixo imbuta, dissolvatur, partem acidam, alkali volatili dimisso, cum  
fixo arctius copulari, eoque implicitam, atque irretitam cogi ac detineri; alkalicam autem carceri-  
bus liberatam avolare. Hinc Sal Ammoniacus in aquam calcis, aut oleum Tartari injectus, statim  
spiritum volatilem urinosum emittit. Siquidem aqua, calcis aut tartari salinis spiculis instructa,  
eaque agitans, Salis ammoniaci compagem dissolvit, atque exinde particulæ alkalicæ volatiles ab  
acidis, quorum nexu præpeditæ gravabantur divulsæ, ac sui juris factæ, nequeunt ampliùs intrā  
liquoris substantiam coerceri, quòd illa leviores evaserint, acidorum onere deposito, quo æquilibres  
ipsi fiebant; sed per circumfusum aerem disperguntur. Acidæ verò molecule partim proprio pon-  
dere pressæ, partim salium fixorum amplexu devinctæ intrā aquei fluidi terminos continentur.

Si ambo spiritus hi non confertim, sed sensim misceantur phlegma insipidum per effervescentiam emit-  
tunt, ac in unum liquorem abeunt, utriusque activitate debilitata, unius nempe sapore acido, alte-  
rius odore urinoso, amisso. Quæ liquor si evaporetur Salem marinum deponit. Siquidem particulæ  
alkalicæ in horum spirituum mixtione spicula Salis acidi in suos poros excipiunt: quo fit, ut invicem  
arctè copulentur, atque acidi aculei, alkalici tanquam vaginæ induti, nequeant linguæ papillas  
fodicare, sensumque gustus excitare; dum interim partes urinosæ acidi compedibus præpeditæ,  
ampliùs avolare non possunt ad olfactus sensum efficiendum. Ex amborum denique unione Sal falsus  
marinus concrefcit.

Longè faciliùs quā cæteri Sal Ammoniacus aqua dissolvitur: quoniam particulæ alkalicæ urinosæ,  
inter acidas interpositæ, laxiorem ejus compagem efformant. [b] Aqua verò, ut tradunt, ob ejus  
solutionem adeò frigida evadit, ut interdum in glaciem æstate concrefcit. Tribus enim uncis Salis  
præ-



prædicti in duobus aquæ sextariis dilutis, thermometer decem & octo pollicum, vasi impositum, citius horæ quadrante, duos pollices ac novem lineas demissum fuit. Liquores vegetabilium acidos vehementer quoque refrigerat: cum spiritibus verò acidis mineralium sociatus frigidas excitat fermentationes, præsertim cum oleo vitrioli, in quo dissolutus, miros præbet effectus; siquidem ingenti oborta ebullitione, vaporumque exhalatione, liquor admodum concrefcit, ac adeò frigescit, ut thermometer tres pollices & sex lineas descendat; quamvis vapores emissi calidi deprehendantur; nam thermometer alterum, ita suspensum, ut dictos vapores excipiat, ad nonnullas lineas elevatur. Hujus autem phænomeni ratio ita explicari posse videtur. Etenim Salis Ammoniaci particula in aqua dissoluta ipsius motum intestinum reddunt hebetiorem, quòd ejus interstitia replentes, aditum subtiliori materiæ præcludant, corpusculaque sulphurea partim excludant, partim figant; unde necessariò caloris remissio, quàm frigoris intentio sequitur. Quamvis autem in solutione in oleo vitrioli facta, ex ebullitione, motus potius auctus videatur ad sensum; secus tamen res sese habet: etenim ebullitio illa excitatur à particulis volatilibus, ac sulphureis exolutis, atque avolantibus, non per universam, intimamque liquoris substantiam, nec inter singulas minimasque ejusdem particulas, sed per intervalla, ac majoribus tantummodo moleculis agitatæ, dum interim dictæ particula minimæ coguntur, invicemque arctius junguntur, motu ebullitionis circumquaque vehementius compressæ. Nihil autem mirum, si ex liquore frigido vapores calidi efferantur; hi nanque nihil aliud sunt, quàm partes Salino-sulphureæ volatiles, in ebullitione, uti dictum est, dissolutæ, atque in auras abeuntes.

Si libra una mercurii sublimati corrosivi, unà cum altera Salis Ammoniaci, seorsim contrita, in vase vitreo cum tribus sextariis aceti distillati misceatur, vehementerque agitetur, frigus adeò intensum excitatur, ut æstatis tempore, vas manibus vix contineri possit, & aliquando liquor concrefcit; quòd salinæ particula diversæ, arctè invicem coeuntes, motum liquoris, uti supra dictum est, impediunt.

Ex Sale Ammoniaco admixta ferri scobe, aut lapide hæmatite, per distillationem flores prodeunt, croceum colorem, atque odorem æmulantes: quare nonnulli existimant, flores hosce ferro, aut hæmatiti tribuendos esse, ex quibus colorem præfatum atque odorem mutuari arbitrantur. Id autem licet verisimile sit, quòd attinet ad colorem; nihilominus odorem Sali Ammoniaco acceptum esse ferendum alii statuunt, ea ducti ratione, quòd Sal Ammoniacus, aqua solutus, ac in vase terreo, aut plumbeo rursus in candidos crystallos concretus per evaporationem, vasi prædicto adeò vehementem croci odorem communicaverit, ut illum diu servaverit, aliisque decoctionibus impertierit.

Spiritus Salis Ammoniaci urinosus, utpote alkalicus, aquam calcis, ex solutione sublimati corrosivi rubentem, coagulat, ac albescentem reddit. Si verò spiritui vini affundatur, illum pariter coagulat, quòd ejus partes salinæ cum sulphureis, ac ramosis spiritus vini implicentur, ac coeant: verum id non evenit, si spiritus prædictus calce sit paratus, fortasse quia Salina Ammoniaci corpuscula, tenuiora calcis actione evaserint, omnique acido sint expoliata, quo alterum spiritum tartaro paratum non omnino carere verisimile est: quo fit ut expeditius per implexos sulphurearum partium, meatus vagari possint, absque eo quòd tortuosorum pororum ambagibus intricentur.

[2] Sal Ammoniacus factitius hodie magno usui est in medicina: (quòd Mercato, minùs innotuerat; nanque ars chymica tunc temporis, Romæ præsertim, involuta jacebat) præstat enim vi aperienti, abstergenti, incidenti, diuretica, & antifebrili: hinc adversus morbos chronicos, ac præcipuè febres intermittentes, & quartanas passim adhibetur. Ipsius spiritus volatilis urinosus, efficacissimum habetur remedium in morbis capitis, & nervorum, veluti in Apoplexia, Lethargo, affectionibus Hystericis, & similibus.

[3] Idem narrant de [a] Sale fossili Polonico, quem fossiores longè leviorẽ intrà fodinas comperiunt, quàm foràs extractum atque aeri expositum: cujus rei ratio ea esse videtur, quòd Sal prædictus suis poris salinas particulas in aere fluitantes excipiat, quibus compactior, ac gravior evadit.

Sal Ammoniacus aquam impensè refrigerat.

Frigida fermentatio ex admixtione Salis Ammoniaci cum oleo vitrioli.

Vapores calidi & frigida fermentatione.

Horum effectuum ratio explanatur.

Frigus ex admixtione Salis Ammoniaci cum aceto, & mercurio sublimato.

Cur flores Salis Ammoniaci croceum redolant.

Spiritus urinosi Salis Ammoniaci effectus varii.

Cur dictus spiritus coagulet spiritum vini.

Salis Ammoniaci factitii usus in Medicina.

[a] *Miscell. Acad. Nat. Curios. ann. 1701. pag. 396.*

## DE AQUATILI DIVERSORUM GENERUM SALE.

### C A P. I V.

**S**AL, qui sponte ex aquis provenit, aut in mari, aut in lacubus, aut in paludibus, aut in fluminibus, aut in fontibus nascitur. De marino Sale [a] Plinius inquit: *Aliud genus ex aquis maris sponte gignitur, spuma in extremis litoribus, ac scopulis relicta. Hic omnis rore densatur, & est acrior, qui in scopulis invenitur. De lacustri, Siccatur, inquit, in lacu Tarentino æstivis solibus, totumque stagnum in Salem abit, modicum alioquin, altitudine genua non excedens. Item in Sicilia in lacu, qui Cocanicus vocatur, & alio juxta Gelam. Horum extremitates tantum inarescunt, sicut in Phrygia, Cappadocia, Aspendi, ubi largius coquitur, & usque ad medium lacum. Aliud etiam in eo mirabile, quòd tantundem noctu subvenit, quantum die auferas. Omnis est talis Sal minutus, atque non gleba est. In Bactris duo lacus vasti, alter ad Scythas versùs, alter ad Arios, Sale astuant. Sunt & in Africa lacus, & quidem turbidi, Salem ferentes!* [b] Vitruvius dixerat Parætonio, & quæ est iter ad Ammonem, & Casio ad Ægyptum, lacus sunt Palustres, qui ita sunt salsi, ut habeant insuper se salem congelatum.

*Plinius lib. 31. cap. 7.*  
Sal marinus.

Sal lacustris Tarentinus.

Lacus Cocanicus salem gignens.  
Sal Phrygiæ, Cappadociæ, Aspendi.

Sal Bactrorum, & Africa.

[b] *Vitruvius lib. 4. c. 3.*



[a] Strabo lib. 12. Tatta palus. Tattæ paludis aqua facillime in Salem concrefcit. Sal Tragafius. tum. De paluftri Strabo, [c] Tatta, inquit, palus eſt inter Galatiam, & Capadociam, quæ falina eſt naturalis; etenim tanta promptitudine aqua circumcreſcit, ut impoſito junco circuli figura, ſalis corona extrahatur, avesque ſi alis aquam contingant, ob ſalis concretionem protinus concidunt, & capiuntur. Galenus libro undecimo ſimplicium Tragafium Salem dixit non procul à Sminthio in quibusdam ſtagnis falſedinem habentibus aqua æſtu conſumpta provenire. Item in ſtagno Sodomenco Salem naſci tradidit, quem Naphthicum aliqui vocant, ex Naphtha, quæ in ipſo eſt, Plinius Asphaltiten; A Serapione verò Sal lacus mortui dicitur; qui ſubniger eſt odorem habens Naphthæ; cùm ſubfumi- gatur, Naphtha, inquit Albertus, liqueſcit, & ab eo ſeparatur, & tunc fit album. In fluviis quoque reperitur, ut in Narbonenſi Gallia. De fluviatili, Sed & ſumma fluminum, inquit Plinius, denſantur in Salem amne reliquo, veluti ſub gelu fluente, ut apud Caſpias portas, quæ ſalis flumina appellantur. Item circa Mar- dos & Armenios. Præterea apud Baſtros amnis Ochus, & Oxus ex appoſitis mon- tibus deferunt ſalis ramenta. Ferunt quidem & calidi fontes, (nam & hoc de Sale fontium naturali ſubdit) ſicut Pagafei. Reperitur quoque in ſex Adriatici maris fontibus, quæ vergit ad Aquilonem (ut Polybius auctor eſt), Hæc de aquatili.

Sal Naphthicus, & Asphaltites. Sal lacus mortui. Sal fluviatilis. Caſpiarum porta- rum Sal. Sal ex amnibus Ocho & Oxo. Fontes Pagafei.

## DE HALOSANTHO, ET HALOSACHNE.

C A P. V.

COMMODOUM eſt de Halofantho, & Halofachne hîc dicere propter cognationem, quam habent cum aquatili Sale, ut conſtat ex iis, quæ de his dicuntur. Magna eſt inter recentiores controverſia, qua nimirum ſignifica- tione ἀλός ἀνθος à veteribus nuncupatum accipi debeat; variè enim hac de re dubitatum fuit. Sunt qui medicamentum quoddam Sperma Ceti à Germanis vocatum, verum Dioſcoridis ἀλός ἀνθος eſſe exiſtiment, non levi conjectura adducti, inter quos extitit [a] Valerius Cordus, vir multo ingenio præditus, cui, cùm prorsus auctoritate ſua conjecturam hanc confirmet, & ſtabiliat, tantisper adhærendum eſſe arbitror, donec ex Ægypto, unde olim afferebatur, certius aliquid cognoscamus. Ex Nilo enim (ut [b] Dioſcorides ait) deſertur, ſed & lacubus quibusdam innatat, laudatiſſimumque dicit eſſe, quod crocei ſit coloris, odore ingrato, ceu gari, interdum longè magis virus olens, guſtuque mordacius, & ut quandam olei pinguedinem reddens, cùmque ſyncerum ſit, non niſi oleo reſolvitur. Ad quod [c] Ariſtoteles alluſiſſe videtur, ſcribens in Problematibus, ex Sale marino oleum exudare; ὑπὸ γὰρ τῶν ἀλῶν ἔλαον ἀφαιρέται, [d] & paulò infe- riùs ſubdit; τοῖς ἀλσὶ ὑφ' ἑαυτῶν τὸ ἔλαον. Qui verò non maris, ſed ſalis flo- rem ἀλός ἀνθος interpretari volunt, proculdubio uniufcujuſque ſalis florem intelligere videntur, cum in fodinis, tum in ſalinis effloſcentem, ut puta, tenuiſſimum, levem, & candidiſſimum Salem, qui à Plinio favilla ſalis leviſ- ſima, & candidiſſima nuncupatur. Cato florem ſalis vocat, qui è populari Sale candidus arte factus ſit, propterea & alabaſter à Democrito quandoque dici- tur. Sed cùm ſalis flos, ἀλός ἀχνη, quæ ſalis ſpuma, vel maris potiùs dici poteſt, propter ſimilitudinem, qua ferè invicem junguntur, in memoriam mihi redegerit; non inutile fore putavi, quo legentibus ſatisfieret magis; pauca hîc, quæ ab auctoribus de ea literis prodita ſunt, aſcribere. ἀλός ἀχνη igitur nihil aliud eſt (auctore Dioſcoride) niſi ἐπιψήγμα ἀλός ἀφρώδες, hoc eſt, lanu- go ſpumofi maris, ſive ramentum mavis: nam ψῆγμα etiam ramentum ſignificat. Eſt itaque ſalis quoddam genus; marina enim aqua, quandoque apricis ſco- pulis fluctibus aſpergitur, atque in raram, ſpumofamque lanuginem Sole exic- catur, & concreſcit. Et fortasſe hoc voluit Plinius de marino Sale ea ſcribens, quæ ſuperiori Capite retulimus; Salem ex aquis marinis ſponte gigni ſpuma in extremis littoribus ac ſcopulis relictæ. Galenus verò ἀλός ἀχνη appellat ſpu- moſam ſalis effloſcentiam, multò tenuioris, quàm Sal ipſe naturæ, quare & ex-

Aλός ἀνθος idem eſſe ac ſperma Ceti, nonnulli exiſtiment. [a] Valerius Cordus de Halofantho. [b] Dioſcorides lib. 5. cap. 87. Αλός ἀνθος locus, & deſcriptio. [c] Ariſtotel. ſect. 23. queſt. 15. [d] Ibid. queſt. 32. Αλός ἀνθος Salis flos Cato de re Ruſt. cap. 88. Salis flos Alabaſter dictus. Αλός ἀχνη quid ſit. Plinius lib. 31. c. 7. Galenus lib. 11. Simp. Actius lib. 1. ſerm. 2. cap. 45. & 46.



& extenuare, & digerere multo plus ipso potest: verum quod substantia est reliquum, contrahere, ut Sal, nequit. A nonnullis autem recentioribus Sal petrae Marinus nuncupatur; quandoquidem saxi in littore maris ita adhæret, ut Sal petrae vulgò dictus, qui in humidis, ac subterraneis parietibus gignitur, videatur.

Salis flos aquae marinae admixtus (ut Galenus inquit) pro corpulentis, & hydropicis idoneus est, & splenes induratos sanat, si extrinsecus ipsis in vesica apponatur. Haecenus de nativo Sale.

*Aegineta lib. 7. Serap. de Simp. cap. 409.*

[a] Galenus 2. ad Glauco. Idem 14. Meth. Vires Salis floris.

N O T A E.

Scribit [a] Plutarchus, Aegyptios Sacerdotes Salem marinum *πρωτον αερον* appellasse, idest Typhonis spumam, seu potius maris; nam apud ipsos Typhonis nomine mare innuebatur: unde fortasse *αλδς αχυνς*, & *αλδς ανθς* appellationes ductae sunt, cum idem propemodum significant. Quare si fas est in tanta rerum ambiguitate aliquid statuere, verisimile videtur, tum *αλδς αχυνς*, tum *αλδς ανθς*, nihil aliud habita fuisse, quam Salis marini diversas species genitas ex ipsius particulis cum variis fossilium, ac praesertim bituminis generibus concrecentibus. Etenim Aegyptus Salis communis copia ubique scatet; omnesque ipsius aquae, seu sponte à fontibus manantes, seu ex effossis puteis haustae, falsae deprehenduntur. Immo, ut praefatus [b] Auctor memoriae prodidit, tota quondam Aegyptus maris undis alluebatur, atque exinde continens facta imbuta falsuginis reliquias haecenus fervat. Hinc nihil mirum, si diversorum Salium adeò ferax deprehendatur.

[a] Plutarch. de Iside, & Osiride.

Quid probabiliter sit *αλδς ανθς*, & *αλδς αχυνς*.

[b] Plutarch. ibid. Aegyptus quondam mare fuit.

DE FACTITII SALIS GENERIBUS.

C A P. VI.

**F**ACTITIUS [1] Sal primum occurrit, qui ex aqua maris fieri solet: ideo marinus à nonnullis appellatur; aliter Sal panis, vel Sal massae dicitur. Quandoquidem in massas quasdam coacervari solet, ut in Romanis Salinis ad Ostiam videre est, & in agro Ravennati ad Cerviam vocatam (ut quidam [a] putant) quasi Acerviam; ibi enim Salis acervi collium instar construuntur, quorum superior crusta extrinsecus vi primum ignis, qui ex cannis aridis undique tumulis circumpositis excitatur; deinde verò Solis ardore adeò obdurescit, ut imbris non solum non liquecat, sed vix cadatur ferro; id quod etiam fieri solebat apud antiquos. Africa, inquit [b] Plinius, circa Uticam construit acervos Salis ad collium speciem: qui ubi Sole, Lunaque induruerunt, nullo humore liquefcunt, vixque etiam ferro caduntur. Fit tamen & in Creta sine riguis in salinas mare infudentibus. Et circa Aegyptum ipso mari influente in solum (ut credo) Nilo succosum. Fit & in Lusitania, atque alibi. Ancus Martius Consul Salinas huiusmodi primus instituit, & Populo Romano Congiarium Salis dedit. Hodie major Italiae pars hoc Salis genere vescitur. Sal putealis dicitur abeducta falsa è puteis, quae in arenas diffusa adveniente rore coeli condensatur, & in candidissimum Salem concrefcit, quae etiam egeritur ex puteis altissimis, & in cortinis plumbeis decoquitur, paulatimque in Salem densatur, & extrahitur, ut fit Volaterris, quo universa ferè Hetruria utitur. Fit quoque in quodam pago, qui huiusmodi puteis plurimum abundat, unde falsa scaturit, quem ob id fortasse Mediolanenses *Selz* vocant, cujus verò loci aqua falso sapore longè marinam aquam superat; palatum enim mirificè mordicat, ac labra pungit, astringitque magis propter nimiam acredinem, quam maris aqua. Illud sanè mirum, ovum in eam immissum deorsum nequaquam fidere, quod pro maximarum virium argumento ducitur. In multis verò locis compertum est, Salem ex tali aqua in farinae massam non adhiberi. Cæterum per se exiccatur contra marini Salis, & cuiusvis alterius ex aqua coacti naturam, qui ad Solem diu, multumque, ut probè exiccari possint, exponuntur, vel supra aridum locum, ad quem humiditas nulla pertingat, sternuntur; quod propter falsedinem, quam habet majorem, & potentiolem, quam alii Sales fieri dixerim. Incolae sanè in eo excoquendo non minimum lucrum faciunt. Quod si fortè operam aliquantisper intermiserint, & à labore exhaustiendae aquae destiterint; nempe cum

Sal marinus, Sal panis, & Sal massae dictus.

Salinae Ostienses, & Cerviae.

[a] Hermol. in Dioscor.

Cervia ex Salis acervis nuncupata.

Salis marini duri- ties.

[b] Plin. lib. 31. c. 7. Sal Uticensis.

Sal Creticus.

Sal Aegyptius.

Ancus Martius Salinas primus instituit.

Sal putealis quomodo paretur.

Sal Volaterranus.

Aqua putealis marina falsior & acrior.

Sal putealis facilius quam marinus exiccatur.



[a] *Plinius lib. 31. cap. 7. & 8.*  
*Dioscor. lib. 5. cap. 87.*  
*Cato de re Rustica. cap. 88.*  
*Columella lib. 12. de re Rustica, de aqua salsa, vel muria ad vina condienda.*  
 Sal muriaticus.  
 Muria quid sit.  
 [b] *Pomponius Mela lib. 2. de situ orbis cap. 3.*  
 [c] *Columella lib. 12. de re Rustica cap. 6.*  
*Muria dura quomodo fiat.*  
 Sales lixiviales ex vegetabilibus parati

Sal ex fimo.

[d] *Albertus de rebus Metallicis lib. 5. c. 1.*  
 Sal ex urina.  
 Sal ex cranio humano.

Sal ex quercu.

Sal ex Corylo.  
 Sal ex arundine.

Sal alkali quid sit.

[e] *Pandectarius.*

Alumen catini quid.

vel inopia materiæ premuntur, vel demetendo frumento incumbunt, aqua puteorum ora transcendit, & hæc illac erumpit, atque in fluvium proximum coit; tanta est inibi aquæ scaturigo, quæ hyemis, æstatisque tempore perinde durat. Eodem quoque modo conficitur Sal ex [a] muria, idest, aqua falsamentorum, quæ recoquitur etiam, iterunque liquore consumpto ad naturam suam revertitur, vel ex aqua marina in ahenis decocta. Est autem muria, quam Græci ἀλμυρ, vulgus verò *salamoja* vocat, nihil aliud quàm aqua salsa, quemadmodum etiam mare ipsum falsum est: sed hoc à natura, illa verò ab arte fit, & ut usus expostulat, magis, vel minùs falsam esse contingit. Quare differt etiam à salsa puteorum & amnium aqua, quæ quidem ipsa quoque natura falsa est, magis etiam interdum (ut superius ostendi, & Pomponius [b] Mela de quodam Galliæ fonte testatus fuit) quàm marina; & ad hoc etiam liquida, cum muria quoque dura fieri possit, arte scilicet, quam Columella [c] docet.

Alia factitii Salis genera reperiuntur, varia quidem pro materiæ, ex qua parantur, diversitate; nam præter jam dictum, qui ex muria, sive aqua maris, & falsorum fontium confici solet, elicitur quoque non è lignis modò, sed ex herbis, atque ex omnibus ferè arborum frondibus combustis, si earum cineres aqua recoquantur; quanvis infimi generis Sal sit, atque subamarus; Qui quidem Sales cum ex variis rebus aliis extrahantur, plerunque non ad escam, sed ad alios usus accommodantur, ut Absinthii Sal, qui in febribus, & peste probatur; & ex succino confectus, qui peste correptis plurimùm proficit; & juniperinus qui in calculo; & de humanis ossibus, quem febris quartanæ præstantissimum putant esse remedium; & qui ex antiquo fimo armentorum, & equorum, ab iis, qui pulverem ad glandes tormentorum bellicorum excutientdas conficiunt, solet excerpti, & cum sulphure, atque halinitro misceri. Sunt enim stercorea omnia admodum biliosa, acria, & subfalsa, atque inter alia recrementa maximè omnium lotium. Ex urina hominis, (inquit Albertus [d]) præcipuè puerorum, per alchymicas operationes, & sublimationem Sal parari potest. Recens quidam Scriptor ex craniis humanis se Sal distillasse fatetur. Conficitur quoque ex Quercu, Corylo, Junco, Arundinisque trunco in cinerem redactis, & dulci aqua, sive marina excoctis, donec exiguum superfit. *Quercus optima*, inquit Plinius, *ut quæ per se cinere sincero vim Salis reddat*; alibi corylus laudatur ita infuso liquore falso, carbo etiam in Salem vertitur. Quicunque ligno confit Sal niger est. Apud Theophrastum invenio imbrios arundinis, & junci cinerem decoquere aqua solitos, donec exiguum superesset humoris. Insuper ex marina brassica, beta, & consimilibus nitrosis rebus, aliisque cineribus fieri solet, quemadmodum [2] Sal alkali, qui ex herba kali ab Arabibus vocata conficitur, quæ à nostris vulgò *soda* nuncupatur, quam quidem herbam solent pastores, Salis inopia urgente, ad Solem torrere, ac exiccare, eaque in pulverem redacta pro Sale uti. A plerisque verò *gala*, vel *difelta*, vel *usne* dicitur, quo nomine eam arborem esse apud Armenios Serapion testatur. [e] Pandectarius illam herbam ex falso ejus sapore Salsolam nominat. Sal autem, quod ex hujusmodi herbæ decoctione resultat, alkali vocatur. Cinis verò jam induratus Alumen catini à nonnullis appellatur.

#### N O T Æ.

[1] Sales factitii pro diversis rationibus, quibus confici solent, in tres classes dividuntur, in Volatiles, Lixiviales, atque Essentiales.  
 Volatiles per distillationem parantur, in qua, modò crystallorum forma, modò spiritus acidi, aut urinosi, modò olei eleantur. Hi rursus subdividuntur in Urinosos, Acidos, ac Salfos.  
 Urinosi alkalici sunt, atque ita vocantur, quòd urinæ odorem præferant: eliciuntur autem ut plurimùm ex animalium partibus, quæ horum Salium copia, cæteris longè præstant. Quanvis multa etiam è vegetabilibus magnam eorundem quantitatem præbeant. Exeunt verò vel Salium concretorum specie, vel spiritus urinosi, quem nihil aliud esse Chymicorum experimento compertum est, quàm Sales volatiles in fluido aqueo dissolutos.  
 Hujusmodi Sales aut in aqua, aut in liquoribus acidis exoluti, eos refrigerant, eodem pæne modo, ac Sal ammoniacus, præ cæteris verò Sal urinæ.  
 Acidi in animalibus pauci reperiuntur: si qui autem insunt, latent ut plurimùm in eorum pinguedinibus,



bus, vel per morbos in aliis liquoribus manifestantur. (Hic non ingratis Lectoribus existimamus fore Illustrissimi Lancisii Epistolarem Differtationem de Acido Sanguinis, qua respondet ad [a] Cl. [a] Raymun. Vieussienium, cujus epistolæ exemplar impressum legitur anno 1698.) Sed parantur potissimum ex vegetabilibus, ac mineralibus, quorum natura admodum diversa est; nam Sales acidi vegetabilium longè mitiores sunt, palato gratiores, ac volatiliores; nec tam violenter cum spiritibus urinosis effervescunt, ac minerales, qui fixiores sunt, ac corrosivi; ideoque valde efficaces ad metallorum corpora dissolvenda, quæ vegetabilium acidorum vires eludunt, eò quia acidi minerales aculeos habent magis accommodatos, rigidioresque metallorum poris subeundis: ideoque cunei vim exercentes latera divellunt. Hinc fit, ut non omnes Sales acidi minerales omnibus metallis indiscriminatum solvendis accommodentur, sed alii alia exolvant. Prodeunt autem ut plurimum Sales prædicti in phlegmate, aut spiritu acido diluti, in distillationibus enim difficillimè omnium in crystallos concrefcunt, ac concreti, non modò in aquam coniecti, sed etiam humido aere circumfuso statim in liquorem rursus abeunt.

Sales falsi volatiles ex acido cum urinoso simul in distillationibus ascendunt, ac invicem coeuntibus gignuntur, veluti Sal ammoniacus, de quo supra.

Lixiviales appellantur, quòd ex lixivio parari soleant; suntque Sales fixiores alkalici, qui ignis vi separari, atque elevari nequiverunt in distillatione, aut in combustionem, & calcinationem. Eliciuntur autem ex residuis distillationum, aut ex cineribus, & corporibus calcinatis, quæ in aqua soluta ac digesta lixivium præbent salibus fixis imbutum, qui humore per evaporationem imminuto concrefcunt in crystallos. Sales hosce lixiviales nihil aliud esse arbitrantur Chymici, quàm Sales acidos, arctius cum terrestri alkalicaque materia sociatos, ac propterea, à volatilibus acidis, re nihil prorsus differre: immo asserunt, artis ope, volatiles è fixis reddi posse. Idque triplici ratione obtineri contendunt. I. per vehementioris ignis admotionem, quæ terrestrium corporum Sales acidos arctè complectentium vinculis effractis, Sales dicti in libertatem afferuntur. II. per longas ac repetitas digestionem, ex quibus crystallos salini parantur, qui admixta bolo distillati, volatiles acidi evadunt. III. per admixtionem alterius Salis ad urinosi naturam accedentis: nam Sales urinosi unà cum lixivialibus exoluti cum illorum acido in Sale tertium volatilem coeunt, atque in aqua inatant, terrestri materia lixiviali in fundo subsidente, liquore autem exinde evaporato concrefcunt, ac distillati volatilium instar elevantur, deperdito acido sapore ob urinosarum partium admixtionem. Verum non omnes Sales urinosi, omnibus lixivialibus volatilibus reddendis apti sunt: sed lixivialibus vegetabilium admiscendum est alumen; mineralium autem borax. Ex animalibus nihil ferè Salis lixivialis extrahi potest, sed copiosè ex vegetabilibus paratur, ac præsertim ex plantis resinosis: nam resina nihil aliud sunt, quàm oleum Salium acidorum vi coagulatum ac fixatum: quo fit ut bona pars acidorum resinorum ignis actionem eludant, quòd cum crassiori, ac magis terrestri sulphuris parte sociati implicentur. Sales lixiviales in aqua diluti eam calidiorem reddunt, fortasse ob sulphuris particulas nonnullas, quæ, dimisso Sale fixo, in motum aguntur, caloremque cient.

Sales essentielles ex succis vegetabilium concrefcunt: hoc autem nomine insigniuntur, quia non sunt simplices Sales, sed tum volatiles, tum fixos, acidos, & alkalicos, nec non etiam sulphureas, terrestresque partes continent, omnemque ferè mixti substantiam, atque essentiam complectuntur, ejusque virtutem referunt. Hinc chymica analysi resoluti, facefcunt in aquam inspidam, liquorem acidum, salem volatilem concretum, oleum foetidum, salem lixiviale, ac terram, non secus ac plantæ ipsæ, è quarum succis gignuntur.

[2] Nomine قلى Kalion, ut supra monuimus, herbæ cineres potius apud Arabes appellantur: nam herbam ipsam اشنان Usnanon, vocant, & حشيش القلى Hasciscio Alkali, nimirum, herba Kali, videlicet, herba ex qua cineres Kali vocati parantur: ex quo loquendi modo, Arabibus alioqui familiari, plerique decepti herbam ipsam Kali passim nominant: Quid autem fuerit Usnen Arabum, ambiguum: Kali recentiorum Botanicorum est herba maritima, ex qua vitrum conficitur. Consule Joannem Bauhinum, aliosque.

Sequitur laudata Epistola Illustrissimi Lancisii.

[a] Raymun. Vieussienium, cujus epistolæ exemplar impressum legitur anno 1698.) Sed parantur potissimum ex vegetabilibus, ac mineralibus, quorum natura admodum diversa est; nam Sales acidi vegetabilium longè mitiores sunt, palato gratiores, ac volatiliores; nec tam violenter cum spiritibus urinosis effervescunt, ac minerales, qui fixiores sunt, ac corrosivi; ideoque valde efficaces ad metallorum corpora dissolvenda, quæ vegetabilium acidorum vires eludunt, eò quia acidi minerales aculeos habent magis accommodatos, rigidioresque metallorum poris subeundis: ideoque cunei vim exercentes latera divellunt. Hinc fit, ut non omnes Sales acidi minerales omnibus metallis indiscriminatum solvendis accommodentur, sed alii alia exolvant. Prodeunt autem ut plurimum Sales prædicti in phlegmate, aut spiritu acido diluti, in distillationibus enim difficillimè omnium in crystallos concrefcunt, ac concreti, non modò in aquam coniecti, sed etiam humido aere circumfuso statim in liquorem rursus abeunt.

Sales falsi volatiles.

Sales lixiviales quid sint.

Sales fixi lixiviales, qua ratione volatiles fiant.

Sales lixiviales ex quibus corporibus parentur.

Sales essentielles quid sint.

Kali, & Usnen quid sint.





D. RAYMUNDO VIEUSSENIO

*Medicinæ Doctori, & in Monspelienſi  
Academia Profefſori longè  
Clariffimo.*

ARCHIATRO RUM

COLLEGII ALMÆ URBIS NOMINE

JO: MARIA LANCISIUS S. P. D.

Cl. Vieuffenii pruden-  
tia commenda-  
tur.

Excusat tarditatem  
literarum.



TIAMSI pro tua ſingulari ſapientia, nobis apprime jam nota, abunde per Te ſapis, Spectatiſſime Vir, neque externis eges animadverſionibus; tamen, cum plerumque aliena rectius quam noſtra perſpiciamus, meritò alios in conſilium adhibes de re, vel eo argumento ſummopere abſtruſa, quòd Nobiliſſimus Boylius eandem, ſi non intactam, certè imperfectam reliquit. Legimus, qua decuit ſedulitate, ſumma capita edendi operis tui, & gratulamur non Tibi ſolùm, ſed univerſæ etiam literariæ Reipublicæ, quæ non exiguum inde fructum eſt collectura. Dolemus interea ſeram ad Te reſponſionem noſtram tranſmitti, multoque

magis, quòd hæc unica tribus ad nos datis epistoſis ſufficere debeat. Sed hujusmodi tarditatem non modò non negligentia noſtra, ſed nè occupationibus quidem tribuendam volumus, quæ, etſi magnæ ſint, tamen nullæ eſſe poſſunt tantæ, ut noſtra erga Te officia valeant retardare. Hujusce moræ cauſa fuit, partim quòd tardiùs, quam par erat, à Tabulario Gallico (cum quo nullum nobis commercium eſſe ſolet) priores literæ tuæ redditæ fuerunt; partim etiam, quod ut ſententiam noſtram Tibi aperiremus, nonnulla experimenta Chymico-mechanica præmittenda erant, quæ, ut ipſe judicare poteris, non modicum temporis inſumpſerunt. Verùm ad rem aggrediamur, monentes tamen in limine, nos ad Te tanquam ad Virum ingenuum ingenuos ſcribere: ita enim omni penitus aſſentatione ſemota, futurum arbitramur, ut neque Te conſuluiſſe, neque nos ſuaſiſſe poeniteat.

Ex Cl. Vieuffenii  
epiſtola duo proble-  
mata eliciuntur.

I. An Sal acidum  
ſanguini inſit, & ex-  
trahi ab illo poſſit.

II. Num proportio  
inter partes ſanguinis  
certis ſub legi-  
bus contineri poſſit.

I. Problema exami-  
natur.

Sal acidum in ſan-  
guine contineri, Au-  
toritate, & ratione  
demonſtratur.

Sal marinum, alia-  
que acida interdum  
in ſanguinem con-  
fluunt.

Sal marinum in ſa-  
norum ſanguine exi-  
ſtere experimento  
comprobatur.

In primis verò, nè revocantibus nobis ad examen Chymicam ſanguinis Analyſim, & ſuperſtructas meditationes, quas ad nos perferendas ſtudiſti, ullæ occurrant ambages, patiaris, rogamus, ut longam, ordinatamque tuorum experimentorum, ac petitionum ſeriem ad duo potiſſimum Problemata referamus, quæ totidem erunt noſtræ hujus reſponſionis argumenta: Quæremus igitur priùs, An præter Sal acre, & alkalinum cum volatile, tum fixum, humano, circulantique ſanguini ullum Sal acidum; & an qui tua induſtria ab eodem cruore acidus ſpiritus elicitus fuit in eodem ſanguine præextiterit. Poſteriùs verò, Num proportio, quam partes ſanguinis à natura inter ſe quantitatis, & ponderis habere, neceſſum eſt, ulla arte ad certas regulas reduci poſſit? Ea enim, quæ de bilis diſtillatione, diverſaque cum acidis miſcela Te expertum fuiſſe aſſeveras, accuratum quidem ſeculi ge-  
nium ſapiunt, omniumque proinde Medicorum calculum promeritura cenſemus.

Quantùm verò ad prioris attinet Problematis ſolutionem, Tecum fatemur, errare eos qui putant, Sal acidum à ſanguine ſeparari non poſſe: qui enim hoc negant, ſupponunt, acidum ſanguini non ineſſe: eſſe autem, vel ipſe docuit Hippocrates lib. de Vet. Med., & quod omni plus valet auctoritate, multæ rationes, atque obvia plurima experimenta aper-  
tiſſimè convincunt: etenim Sal marinum, aliaque multigena ſalia acida paſſim cum cibis, potibus & aere intrà corpus ingerimus, quæ, quanquam in ſtatu naturali majori ex parte vo-  
latilizentur per alkalina, ſæpe tamen ſit, ut in morbis ad nativum fixationis ſtatum reſtituta, ſecernantur à ſanguine, & extra corpus deriventur ſub forma ſudoris, ſalivæ, urinæ, ſaniei, puris, aut aliorum ichorum, quæ, judice ſenſu, externè acida deprehenduntur.

Neque autem ullus dubitationi locus eſſe videtur, quin Sal marinum, quod inter acida numeratur, ſanorum quoque ſanguini inexiſtat; ſi enim portio aliqua cruoris, ſtatim atque è vena profiliit, ſupra tælei laminam excepta, ſponte exiccanda relinquatur, curio-  
ſum



sum exhibet spectaculum cernenti illam per Microscopium; duplex enim Salis species occurrit, una quidem figuræ Salis communis, altera verò Salis volatilis. Quinimo sanguis repositus in furno ad siccitatem redactus, ignique admotus, flammam concipit cum strepitu, crepituque marini Salis, ut notat Clarissimus [a] Boyleus, qui rursus ad tit. 22. suæ Historiæ humani sanguinis pressius scribit, se valida calcinatione tres, aut quatuor drachmas Salis fixi a sanguine extraxisse, quod quidem instar marini Salis comperit, ut expectabat. Jurè igitur, cum evidenter Sal acidum in sanguine contineri manifestum sit, concludi meritò potest, idem Sal acidum, obstetricante Chymia, ab eodem extrahi posse. Immo verò, cum nullus sit adeò hospes in Chymia, qui fœtidum oleum à sanguine excludat; nullus pariter acidi præsentiam in sanguine poterit inficiari; cum naturalem olei compositionem sulphureum acidum necessariò ingrediatur.

Dubium duntaxat, quod hac in re superesse posset, illud esse videtur: An Sal acidum, quod à Te in prima epistola particulari Analyfi ex fixo sanguinis Sale fecerni asseveratur, & spiritus irritans, qui ipso spiritu aceti acidior statuitur, omni ex parte ab ipso sanguine proliciatur; an verò aliis etiam incurrentibus, vel admixtis in præparatione corporibus debeat aliquid suæ aciditatis. Te non fugiunt, doctissime Vir, quatuor illæ regulæ, quas subtilissimus Cartesius [b] proponit iis, qui humanis in scientiis errores vitare cupiunt, quarum prima, & postrema ad id collineant, ut nihil unquam certè verum esse admittamus, nisi quod certè, & evidenter verum esse comperimus; & ut singulas occurrentium difficultatum partes ita enumeremus, ut ad omnia circumspiciendo, nihil penitus omittamus: hac enim methodo omnem præcipitationem, aut anticipationem in judicando, ut idem Auctor inculcat, diligentissimè vitabimus. Hæc sanè monuisse superfluum putaremus, nisi viam sternerent ad roborandas difficultates, quas sumus exposaturi.

Quamquam nonnulli Chymici circa quadam suos in præceptores fide constantissimè tueantur, ignem adactum in corpora distillanda, illorum texturis haud irretiri; experientissimus tamen Boyleus [c] non solum in Chymist. Sceptico, sed strictius part. 4. memoratæ Hist. Sang., agens de Chymica sanguinis Analyfi, apertè fatetur, sibi non constare, num frequentibus distillationibus particulæ quædam ignis possint identidem associari particulis distillati liquoris. Et cum nemo sit, qui ignoret, ignem refertum esse acido-sulphureis particulis, nemo pariter ab omni suspitione admixtionis acidi cum sanguine liberare se poterit; nimirum ex Cartesii monitu, certè verum affirmare nequibit, spiritum acidum; qui à sanguine calcinato mediante igne reverberii elevatur, aliquam saltem suorum constituentium partem ignis miscelæ nullo pacto debere. Neque verò hujusmodi objectum diluitur per tentatum à Te experimentum calcinandi sanguinem ad nudos Solis radios; ii enim, ut probè nosti, & ignis sunt, & ignem accendunt.

Quid, quod cineres calcinatorum corporum libero aeri expositi, multum acidorum Salium ab ambiente atmosphæra possunt mutuari? Licet autem argumenta hæc facillè quis eludat, quod nonnullam quidem acidi portionem ab igne corporibus distillatis, & ab aere capitibus mortuis accedere solum probent, non autem tantam spiritus acidi copiam, quæ ex sanguine distillato prodit, dictis corporibus extraneis, tribuendam omnino esse evincunt: alia tamen eaque major ratio nos urget, qua de externi Salis acidi, uti à Te spiritus acidi ex cruore eliciuntur, præclare admonemur. Nullus est chymicorum, qui neget; quinimo Tu quoque, Clarissime Vir, in scheda, è prælo ad nos missa, publicè profiteris, terras bolares acidulo spiritu gaudere; quo fit, ut si eadem seorsim à quovis alio corpore per retortam forti igne adigantur, liquorem acidum de se emittant. Quis igitur attentè animadvertens modum, quo Tu à fixo sanguinis Sale spiritum, aceti spiritu acidiorum, separas; maximo statim jure non suspicetur, acidissimum hunc spiritum non solius sanguinei salis fixi, sed duplæ majoris boli partis, quam in distillatione admisces, prolem habendum esse? Atque ea quidem firmiori ratione, quod Chymici solent ex marino, exempli causa, Sale tum copiosiorum spiritum acidum elicere, cum majorem boli molem eidem admiscant. Adeò vera sunt, & boli miscelam ad spiritus acidi productionem, ac multiplicationem plurimum conferre; & neminem certè affirmare posse id, quod à mixtura fixi sanguinis Salis, ac boli Chymicis ex organis profuit, universum ab alterutrius tantummodo corpore prodierit.

Sed inquires, Vir Humanissime, si vos firmum, ratumque habetis, humano sanguini marinum præ cæteris Sal naturaliter inesse, modum saltem ostendite, quo citra extranei corporis additamentum, acidus spiritus ab eodem possit elevari. Profectò, nè Tecum tenaciores nostrorum videamur experimentorum, quàm Viris congruat ingenuis, atque ad libertatem natis; fatemur nos animo revolventes, bolum distillandis acidis Salibus eam ob causam admisceri, nè igne fundantur, fusique spirituum ascensum præpediant; statim cogitasse, num boli locum in extrahendo acido sanguinis spiritu, ipsamet damnata, ut ajunt, sanguinis terra, salium particulas utcunque disgregans, satis tenere posset. Qua de re diligentissimus ex nostris Chymiater Franciscus Girottus sumpsit fæces illas subobscuras, ac lucidas, quæ post distillationem omnium partium volatilium cruoris in retortæ fundo inveniuntur, quæque marino præsertim Sale sunt gravidæ, easque in vitream, humiliores-

[a] Hist. S.H. par. 2. exper. 4. pag. 10. & 18.

Sal marino simile ex sanguine extractum. Oleum fœtidum Sal acidum sanguinis arguit.

An Sal acidum à Vieussenio extractum, sanguini sit tribuendum.

[b] In Dissert. de Meth.

Cartesii regulæ ad res exploratè cognoscendas.

[c] Tit. 2. pag. 36. An particulæ igneæ à corporibus distillatis detineantur, ambigit Boyleus. Incertum an acidum è sanguine extractum sanguini sit tribuendum.

Corpora calcinata acido aeris imbuuntur.

Acidum ex sanguine distillatum probabiliter admixto bolo tribui posse.

Non constat spiritum acidum ex sanguine prodierit.

Cur bolus distillandis corporibus miscetur.

Modus extrahendi Salis acidi à sanguine, absque extranei corporis admixtione.



que retortulam solas transfudit : ita enim , reliquis ex arte concinnatis , spe nostra minimè fuimus frustrati . Nimirum igne reverberii fumus ascendit , qui resolutus est intrà recipientis fundum in guttulas liquoris moderatè acidi ; cum aliis acidis nullo modo , at cum alkalicis evidenter luctantis ; in qua certè operatione dubitari non potest , quin acidum , quod à prædicto effluit capite mortuo , majori parte sit ipsius sanguinis incola , cum nullum corpus advena præter ignem eidem admixtum fuerit .

Sal fixum humani sanguinis falsum esse .

Cur distillati sanguinis cineres acidum solum præbeant .

[a] In Clave. Pharm. lib. 3. cap. 21. pag. 336. num. 12.

Alterum problema perpenditur .

Proportionem inter sanguinem , & ejus partes generaliter definiri non posse .

Demonstratur ex mechanico axiomate .

Variam esse sanguinis quantitatem in hominibus .

Nulla ratione omnè sanguinem ex animalibus extrahi posse .

Proportio determinatæ partis sanguinis erga sua principia , non arguit eandem proportionem in universo sanguine .

Specifica sanguinis gravitas generaliter determinari non potest .

[b] Histor. human. ang. p. ag. 11.

Sanguinis gravitas vel in eodem homine varia pro variis circumstantiis deprehenditur .

Pondus partium sanguinem componentium certò statui non posse .

Neque idcirco in controversiam vocamus , acidissimum illum , tua industria elicitum spiritum , ut superius obiter innuimus , aliqua saltem ex parte ab ipso sanguinis Sale profectum fuisse : etenim tecum sentimus , Sal fixum humani sanguinis non unius simplicis naturæ , sed mixtum ex acido , & alkali . Et quoniam ea est fixi Salis alkalici textura , ut igne reverberii strictissimè implicetur , adhæreat , atque , ut Chymicorum verbo loquar , vitrificetur potius , quàm atomum de se elevari sustineat ; ut monet etiam Hoffmannus [a] ; exinde facilè difficultas illa expeditur , in quam minùs in Chymia periti incurrere solent , cum in distillatione fixi sanguinis Salis versantur ; scilicet unde fiat , ut ex cinere humani cruoris ad sensum alkalico , acidus tamen spiritus sublimetur . Partes siquidem Salis alkalici fixantur magis , & penè vitrificantur in retortæ fundo , dum acidi Salis particulæ elevantur .

Sed quid immoramur in re , de qua longius tecum agere , idem profectò esset , ac Sus , ut ajunt , Minervam ; & , Ululas Athenas ? Alterum jam nos problema sollicitat , cujus porro solutionem quanquam ingenium tuum , rebus arduis , atque immortalitati natum , miris modis , summo labore , ingentibus studiis , ac repetitis experimentis , tentare aggressum fuerit ; nihilominus tamen , num omnis in eo superata sit , aut superari possit ambiguitas , maximopere dubitamus : etenim , tametsi proportio partes inter constituentes , ac integram massam sanguinis revera invenitur in singulis hominibus individua operatione ; attamen , unam , universalem , certamque istius proportionis normam , quæ cunctis congruat singularibus sanguinibus inveniri , rationibus quidem ingeniosis ac specie probabilibus potius , quàm veris certisque argumentis comprobari posse arbitramur . Nullam enim rationem iniri posse , qua hujusmodi proportio comperiatur , tum multis aliis rationibus evincitur , tum præcipuè mechanicis principiis facillimè demonstratur .

Primò quidem apud omnes Mechanicos , & Arithmeticos indubitatum est Axioma , veram proportionem ponderis partium ad totum , seu è converso aggregati ad aggregantia haberi non posse , quin certò nobis constet pondus totius , & partium , seu pondus aggregati , & aggregantium . Sed hic , deposita quavis mentis nostræ præoccupatione , neminem certè putamus futurum , qui non cognoscat , & fateatur difficultatem evidentiam istorum , ponderum . Etenim , quantum spectat ad universum sanguinem , quis est , qui non videat , certam , ac determinatam ejusdem mensuram , unam eandemque in omnibus haud inveniri , cum vel in singularibus , qui ferè quotidie ob varias causas permutantur , ægrè satis inveniatur ? Quo fit , ut Scriptorum aliqui libras cruoris 18. , alii 20. , multi 22. , non pauci plures , aut pauciores admittant in homine .

Sed quanvis natura idem cunctis hominibus sanguinis pondus dimensa esset ; quo tamen modò , aut artificio , penitus ipsum haurire , & ad trutinam revocare possemus ? Etenim adeò tortuosi sunt viscerum anfractus , tam perplexi venarum meatus , tam multi , exiles , cæci , atque impliciti , venæ portæ rami , quibus à cava , toto hepatis aggere interposito , se jungitur , ut nullus adeò opportunus , vulnere locus excogitari possit , ex quo totus omnino sanguis effluat : Quamobrem vel in jugulatis animalibus , ac pedibus suspensis , magna cruoris vis in abdomine potissimum , residua latitare passim observatur .

Quòd si dicas sat esse ad partium erga totum proportionem cognoscendam , perspectum habere peculiare pondus unius molis toti similis , principiorumque dissimilium dictam molem toti similem constituentium ; scilicet in casu nostro æquè bene assequi nos posse normam proportionis , quæ sanguinem inter , & sua principia intercedit , si exactè sciverimus verum pondus alicujus saltem molis sanguinis , simulque noverimus particularia pondera dissimilium principiorum , eandem molem aggregantium : etenim ( quidquid sit de validitate istius hypothesis in fluidis , certam semper gravitatem specificam non habentibus ) maxima difficultas versatur in determinando vero pondere unius molis sanguinis , toti similis , & in detegenda eadem in singulis proportionem principiorum dissimilium , sed aggregantium supradictam molem sanguinis . Et quidem cum specifica gravitas humani sanguinis difficilior , quàm quis sibi fingit , stabiliri possit , ut ad rem nostram post Sanctorium scribit Boyleus [b] ; ea enim variat eodem in homine diverso anni , immo diei tempore , cum majori , minorive ab assumptis alimentis vel potibus intervallo , extractus fuerit . An non , etiam arteriosus à venoso , & venosus cavæ à venoso portæ multo specifica gravitatis discrimine inter se distant ? Non igitur certum nobis erit , vel esse poterit , pondus totius sanguinis in omnibus , aut in singulis hominibus , vel specifica gravitas particularis molis ejusdem fluidi .

Deinde verò multo adhuc minùs haberi potest determinatum pondus singularum particularum aggregantium , vel universum sanguinem , vel peculiarem ejusdem molem ; quia fieri nequit , quin hujusmodi partes , seu Chymica principia , additione novorum corporum , igne nimirum , bolo , aut aere , vel detractone nativaram particularum , insensibiliter avo-



lantium, pristinam gravitatem, ac proinde veram inter se proportionem admodum variant: ex quo factum legimus, ut cum præcitatus diligentissimus Boyleus [a] studuisset accuratæ habendæ humani sanguinis distillationi, attamen, postquam singillatim extracta illinc corpora ad stateram revocasset, evidentem in iisdem multarum drachmarum defectum observavit. Atque idcirco paradoxum jurè vocat, quod Chymici nobis imponere satagunt, in distillationibus accuratè factis, separata corpora ad totius pondus exactissimè recurrere. Neque verò, dum hæc asserimus, Boylei, aliorumque magnorum Scriptorum fidei dumtaxat innititur; nanque tentata per nos etiam sedula, quantum fieri potuit, spagyrica humani cruoris analysi, separatæ partes pondus denique toti æquale minimè reddiderunt. In unciis enim septem, & drachmis septem sanguinis post distillationem plus semiuncia desideratum est. Id quod procul dubio tuis etiam in experimentis contigisse suspicamur. Cum igitur neque totius, neque partium sanguinis verum pondus nobis liquidò constare possit; nulla pariter vera proportio, quæ inter corpora componentia, & totum intercedat, cum spe aliqua nobis quærenda superest.

Ad hanc omnino difficilem, ac planè impossibilem scientiam ex parte Artis, certum pondus totius, & partium sanguinis inveniendi, accedit etiam illa difficultas, quæ oritur ex parte naturæ ipsius sanguinis, qui cum non sit ejusdem indolis in singulis, frustrà ab uno proportionem petimus, quæ omnibus hominibus congruat, & commensuretur. Differt enim natura à natura, ut aiebat Hippocrates; nempe juxta diversa alimenta, ætates, regiones, anni tempestates, sexus, animi pathemata, corporis exercitationes, ac potissimum viscerum structuras, ac fermentorum vires, diversa oriuntur in hominibus temperamenta, quæ varium, longèque diversum in uno, quàm in altero sanguinis componentium excessum, aut defectum (quod idem est, ac proportionem dixisse) & significant, & supponunt: exinde fit, ut hominum tum mores, tum morbi tanto intervallo inter se non modò distent, sed etiam commutentur. Neque verò multis opus est argumentis ad probandam facilem variationem componentium massam sanguinis in uno, quàm in altero individuo; cum, Te asserente, vel unicum granum cum quadrante Salis volatilis humani sanguinis integram libram aquæ stillatitiæ perturbare, & novam in eadem proportionem unius ad undecim mille quingenta vigintiquinque inducere apta fuerit. Hæc sanè multorum inter sanguines discrimina, quæ nemo sensibus utens inficiari potest, abunde confirmantur ex vino, & lacte, quæ, cum sint fluida heterogenea, & sanguini admodum analoga, à diversitate regionum, soli, anni temporum, atque suarum ætatum in propriis componentibus eò usque alterantur, ut nullam certè veram proportionis regulam, quæ singulis competat, possint admittere.

Postremò, Vir Ornatissime, enixè petimus, ut, relictis generalibus hypothesibus, sedulò perpendas expositam à Te proportionem unc. i. Salis fixi ad libras 50. sanguinis, ex quibus Sal extractum fuit (mittimus enim hic tot libras cruoris non unius, sed plurimorum hominum, fortè etiam ægotantium è venis fluxisse, quod multum alterare potest normam proportionis naturalis) eamque rationem compares cum illa scrupulorum quinque ejusdem Salis fixi ad solam libram unam sanguinis à laudatissimo Boyleo [b] diligenter exposita; comperies enim (mirum dictu!) non solum proportionem istas non esse similes, sed ita inter se differre, ut proportio Boyleana Salis fixi ad sanguinem superet decies circiter proportionem Salis fixi ad sanguinem per Te enunciata. Huc accedit, quòd Romæ proportionem ab utroque vestrum longè diversam invenimus. An verò hujusce discriminis causa referenda sit in diversas sanguinum indoles, an etiam in varias præparandi formas, ac vias, quibus Londini, Monspelii, ac in Urbe itum est, aliorum esto judicium; satis enim nobis erit, hoc non minuere argumenti vim, quæ utrinque validissimè urget; vel enim in varia sanguinum temperamenta, vel una etiam in diversa artificia refundantur discrimina, perpetuò ipsa insuperabilis varietas infidam reddit quæsitam à nobis proportionem. Proh quantum abstrusa, ac recondita sunt naturæ mysteria, quorum nonnulla fateri se ignorare humanæ partem sapientiæ existimamus!

Cæterum hortamur, ut quæ circa humanum sanguinem strenuè moliris experimenta, non quidem ad inveniendam præfatam, quam invenire prohibemur, componentium proportionem; sed pari animi tui magnitudine, & feliciori forsitan exitu ad exornandam Chymiam, & ad perficiendam praxim medicam, quò totæ Medicorum lineæ collimare debent, studiosissimè dirigas.

Interim quæ nobis Clarissimorum Virorum testimonia transmisisti, tuæ potiùs virtuti, quàm tuæ innocentie gratulantes accepimus; neque enim aliena veritatis face tua indiget sapientia, quæ Tibi æquè fulget, ac aliis. Miramur tamen Clarissimum D. N. N., ingeniosis adinventis alioquin prædivitem, tuis invidisse thesauris, & dum Te Lege plagiariorum damnare studet, ipsum in pœnam Talionis incidisse. Singulares in spiritu sanguinis acri proprietates à Te observatas, placeat nobis impartiri, ut miræ tuæ fecunditatis apud nos cultus major adhuc super maximum adolescat. Vale Nestoreos annos, Vir Doctissime, & nos, ut facis, ama.

Ex Aula Magna Romani Archilycei Kal. Februarii MDCXCIX.

[a] *Loc. sup. cit. append. pag. 72.*

Corporum ex humano sanguine extractorum pondus, ejusdem sanguinis ponderi minimè æquari ex Boyleo.

Idem Auctoris experimento demonstratur.

Sanguinis naturam diversam esse pro diversis circumstantiis.

Proportionem partium erga sanguinè minimis de causis turbari ex ipsius Viussenii experimento demonstratur. Idem exemplo vini, & lactis evincitur.

Proportio Salis fixi cum sanguine à diversis diversa deprehenditur.

[b] *In Append. ad Hist. humani sanguinis pag. 73.*

Proportio à nobis observata ab aliis differt. Quæ sit hujus differentie causa.



## DE USU, AC VIRIBUS SALIS.

C A P. VII.

Salis varius usus.

[a] *Plin. lib. 31. c. 9.*

Salis facultates.

[b] *Plin. lib. 31. c. 9.*

Sal Tattaëus.

Sal Hispaniensis.

Sal Thebaicus.

**S**AL præcipuæ laudis ab omnibus censetur, nam vetus sententia est (ut [a] Plinius ait) *Corporibus nihil esse utilius sale, atque sole*; ideoque piscatorum corpora videri cornea, quia Sole, & Sale obduruerunt. Avicenna etiam inquit: festinandum ut infantium corpuscula perluantur aqua, in qua colliquatum sit Sal, ut umbilicus occalescat, atque item cutis, ita tamen, ut non contingantur nares, & os. Sale etiam Ægyptiorum corpora condiri solebant, ut scriptum reliquit Herodotus. Sal omnis calefacit, discutit, astringit, siccat, cogit, ac densat substantiam corporum, quibus adhibetur. Nam quidquid est in corporibus humiditatis, id ipsum depascitur, & quod reliquum est substantiæ in astrictoriam spissat, unde & siccat, & incorrupta asservat, quæ ob superfluum humiditatem putrescere solent. Lacti quoque admiscetur ex Galeni sententia, nè coaguletur in ventriculo, & fiat caseus. [b] Plinius ejus facultates breviter attigit, cum inquit; *In medendo verò mordens, adurens, repurgans, extenuans, dissolvens. Stomacho tantum inutilis, præterquam ad excitandam aviditatem. Adversus serpentium morsus cum origano, melle, hyssopo. Contra cerasten cum origano, aut cedria, aut pice, aut melle. Auxiliatur contra scolopendras ex aceto potus: adversus scorpionum ictus cum quarta parte lini seminis ex oleo, vel aceto illitus. Adversus crabrones verò, vel vespas, similiæque ex aceto. Ad heterocraneas, capitisque ulcera, & pustulas, papulasque, & incipientes verrucas cum sevo vitulino: item oculorum remediis, & ad excrecentes ibi carnes, totiusque corporis pterygia: sed in oculis peculiariter: ob id collyriis, emplastrisque additur. Ad hæc maximè probatur Tattæus, aut Caunites. Ex ictu verò suffusus cruore oculis, sugillatisque, cum myrrha pari pondere, ac melle, aut cum hyssopo ex aqua calida, utque foveantur balsugine. Ad hæc Hispaniensis eligitur, contraque suffusiones oculorum cum lacte in coticulis teritur. Privatim sugillationibus in linteolo involutus, crebroque ex aqua ferventi impositus. Ulceribus oris manantibus in linteolo concerpto. Gingivarum tumori infricatus. Et contra scabritiem linguæ frictus, comminutusque. Ajunt dentes non erodi, neque putrescere, si quis quotidie manè jejunos salem contineat sub lingua, donec liquecat. Lepras idem, & furunculos, & lichenas, & psoras emendat cum passa uva exempto ejus ligno, & sevo bubulo, atque origano, ac fermento, vel pane, maximè Thebaicus. Hic & ad pruritus eligitur. Tonsillis, & uvæ cum melle prodest. Quicumque ad anginas, hoc amplius cum oleo, & aceto eodem tempore extra faucibus illitus cum pice liquida. Emollit & alvum in vino mistus. Idem noxia, & tinearum genera pellit in vino potus. Aestus balinearum convalescentes ut tolerare possint, linguæ subditus præstat. Nervorum dolorem, maximè usurpanda observatione circa humeros, & renes, in saccis aqua ferventi crebro madefactus levat. Colum, torminaque, & coxarum dolores potus, & in iisdem saccis impositus candens. Podagras cum farina, ex melle, & oleo tritus. Tollit & clavos pedum: item perniones. Ambustis ex oleo imponitur, aut commanducatus, pustulasque reprimit. Ignibus verò sacris, ulceribusque, quæ serpunt, ex aceto, aut hyssopo Carcinomatis cum uva taminia. Phagedænis ulcerum, tritus cum farina hordei, superimposito linteolo madente vino. Morbo regio laborantes, donec sudent ad ignem, contra pruritus, quos sentiunt, ex oleo & aceto infricatus juvat; & fatigatos ex oleo. Multi & hydropicos sale curavere, fervoresque febrium cum oleo perunxere, & tussim veterem linctu ejus discutere; clysteribus infundere ischiadicis; ulceribus excrecentibus, vel putrescentibus imponere. Crocodilorum moribus ex aceto in linteolis, ita ut batuerentur antehac ulcera. Bibitur & contra opium ex aceto mulso. Luxatis imponitur cum farina & melle. Item extuberationibus. Dentium dolori cum aceto & fotu, & illitus cum resina prodest. Ad omnia autem spuma salis jucundior utiliorque. Sed quicumque Sal acopis additur ad excalfactiones; item smegmaticis ad extendendam cutem, lavan-*



lavandamque . Pecorum quoque scabiem, & boum illitus tollit . Daturque lingen-  
 dus : & oculis jumentorum inspuitur . Sal Naphthicus solum ( ut [a] Mesues ait )  
 in medicina non usurpatur, sed aliis miscetur, ut in catapotiis, confectioni-  
 bus, enematis, collyriis, cæterisque remediorum formis . Ad omnia va-  
 lentior aliis est, non secus, ac Indicus Sal; atram enim bilem, atque pituitam  
 valenter educit, corpusque à putredine præservat, & à lepra cæterisque me-  
 lancholicis affectibus . Verum purgatoria basis non est, sed aliis mistus vigo-  
 rem addit, ac stimulos medicamentis omnibus tardè, ac imbecilliter purgan-  
 tibus adhibet .

[a] Mesues de Simp.  
 cap. 16.

Sal Naphthicus .

Galenus lib. 4. Simp.  
 cap. 20.

## DE NITRO, ET CHRYSOCOLLA.

### C A P. VIII.

QUA potuimus brevitate Salis genera, & vires explicavimus: superest mo-  
 dō, ut Nitri naturam, quæ non multum à Sale distat, exponamus.

Nomina & etymo-  
 logia .

[1] Nitrum igitur græcè νίτρον dicitur ὅτι τὸ νίτρον, ut existimant aliqui;  
 eo quod abluendi, purgandique vim habeat: neque refert si legas nitrum,  
 vel litrum, ut nympa, lympa; nam idem prorsus significant, nec ulla  
 sanè ratione differunt, nisi quod λίτρον vocatur Atticè. Itali verò Nitro, Ger-  
 mani Rhamer, sive Salpeter, Hispani Salitre, Galli Nitre nominant. [2] Alii  
 à Nitria regione Ægypti, ubi primum inventum fuit, & in qua copiosissimè  
 nascitur, nomen invenisse sibi, tradunt: quo in loco æstate pluviales aquæ ter-  
 ram madefaciunt, & Solis vehemens æstus aquas ipsas excoquit in petram sali-  
 similem, sed nihil gelidi rigoris, aliquid falsi saporis habentem, quæ tamen in-  
 star salis calido, & sicco durior reddi, humido verò, & nubiloso aere fluere,  
 ac liquefcere solet. A' Mauritanis [3] Baurach vocatur: quo nomine, & ni-  
 trum atque aphronitrum confundunt. Porro ut Salium, ita Nitrorum genus  
 duplex statuendum; unum nativum, factitium alterum.

Galenus lib. 5. de  
 Simp. med. facult.

Isidorus lib. 16. cap. 2.  
 Albertus lib. 5. cap. 6.  
 de rebus Metall.

Albertus lib. 4. Me-  
 teor.

Idem problem. sect. 1.  
 Mesues lib. 2. de med.

Simp. purga. cap. 17.  
 Plinius lib. 31. c. 10.

Nitrum nativum, &  
 factitium .

Nativum terrestre .

Nativum aut est terrestre, aut aquatile . Terrestre, vel lapidum modo  
 excinditur, vel in profundis specubus colligitur, in quibus aut stiriarum modo  
 dependet, aut adhuc liquidum in terram defertur; vel in convallibus, & cam-  
 pis sua sponte efflorescit, quod vocant [4] Halmirhaga . Aquatile dicitur quod  
 in lacu gignitur, ut est illud à veteribus Chalastricum vocatum ab Oppido sci-  
 licet Chalastra, quod est prope lacum nitrosum Macedoniæ; qui quidem in  
 agro Lateo reperitur, in quo nitrum hujusmodi gignitur optimum, copiosissi-  
 mumque, candidum, purum, & proximum Sali . [a] Hoc, in pane, Salis vice  
 utebantur veteres. Factitium verò est diversorum generum, nam vel ex Nili  
 aquis, quas nitrariis infundunt eodem modo, quo sal ex aqua maris in salinis  
 conficitur, vel ex purissima, levissimaque qualibet aqua dulci, veluti pluviali .

Halmirhaga .

Aquatile .

Chalastricum .

[a] Plinius ibidem .

Factitium ex Nili  
 aquis .

[b] Quidam quoque ex recentioribus nitrum ex radicibus betæ, atque brassicæ  
 extrahunt. [c] Cæterum aliæ nitri differentiæ sumuntur vel ex substantia;  
 nam quoddam est durum, & densum lapidis instar, & ob id deterius, veluti  
 Ægyptium illud, ex quo veteres vasa conficiebant, ( ut Plinius [d] auctor est )  
 & marmoreum ex Ilva Insula, idque ex quo Venetiis Chrysocola conficitur,  
 quod vulgò appellant borace non rifatto: Quoddam molle & friabile, ut quod  
 per se in campis efflorescit: vel ex colore; nam aliud candidum est, ut Chala-  
 stricum, & quod in Volaterrano agro invenitur, aliud roseum, vel in candido  
 purpureum, vel fuscum, ut Ægyptium, vel translucidum, ut id ex quo borax  
 conflatur: vel ex sapore; nam vel amarum, vel in amaro falsum reperitur, vel  
 adeò exiguam amaritudinem habet, ut vix sensu percipi queat, ut quod in  
 agro Volaterrano invenitur: vel à figura, nam vel glebæ figuram habet, vel  
 Stiria, vel spongiæ modo perforatum est. Nitrum suapte natura ponderosissi-  
 mum est; nam in aqua, ut saxum aliquod, deorsum tendit: quapropter pluri-  
 mum terreni in se recipiat oportet, & ob id paulò frigidius esse, ut flammam  
 parum extimescat: si lavetur interim, omnes ex eo sordes aquæ innatant.

[b] Galenus 8. Simp.  
 Nitrosam participat  
 qualitatem betæ .

[c] Galenus 8. Meth.

[d] Plinius ubi supr.  
 Ægyptium lapideū

Nitrum ex quo bo-  
 rax .

Differentiæ à colo-  
 re .

A' sapore .

A' figura .

Nitri pondus .



Nitrum in igne non crepitat.

Nitri mira proprietates.

Solem ad Nitri generationem conferre.

Quo Nitrum à Sale differat.

Arabes Nitro in alimentis utebantur.

Nitrum Sale acrius.

Nitrum fossile non reperiri.

Nitrum qua ratione obdurescat.

Nitri differentia à locis.

In Nitrariis genitum.  
Specuarium.

Nitrum optimum quod sit.

Berenicum.  
Chalastricum.  
Armenum.

[a] Dioscorid. lib. 5. cap. 89.

Oribasius lib. 2. c. 56.

Avicenna lib. 2. tractat. 2. cap. 58. & 87.

Vires.

Serap. de Simp. ex

min. cap. 411.

In igne verò non crepitat, nec ex eo exilit, sed prunis impositum bullas paucas emittit, quibus cessantibus, & subsidentibus, remanet salis modò igne tostum; crepitat tamen infusa aqua, ut calx viva, ac multo vehementius si acetum infundatur. Illud sanè nota dignum, Nitri glebam priùs duram, si humidum aerem patiatur, vel diu in abditiore ædium loco detineatur, paulatim emollescere, friabilioremque fieri corrupto insuper colore; figuram tamen priorem in tali mollitie sustinere videtur; ex humiditate verò aliquando in pulverem deficit; in loco autem arido, & sicco non pulverem excitat, sed mollitiem contrahit tantum.

Tradit Plinius, Nitrum, ubi densari cœptum est, statim rapi solitum, & in acervos condi, ut duret, nè si imbres affuerint, resolveretur in nitrariis. Cæterum ad perfectionem non nisi natura terræ, & ingentissimo Solis calore perducitur; quanquam Plinius plus terræ, quàm Soli tribuit, qui dum agit de lacu Nitroso, *Ibi fit Nitrum* (inquit) *circa canis ortum novenis diebus, totidemque cessat, ac rursus innatat, & deinde cessat. Quo apparet Soli naturam esse, quæ gignat: quoniam compertum est, nec Soles proficere quicquam, cum cesset, nec imbres*; tamen Solem etiam proficere eo apparet, quoniam quo loco terra nitrosa Sole non verberatur, quanvis aqua multa madeat, nitrum non cogitur. Et alibi Plinius: *Aquæ nitrosæ* (inquit) *pluribus locis reperiuntur, sed sine viribus densandi*, quoniam scilicet à Sole non coquuntur. Nihil vetat tamen, quo minùs in specubus, & convallibus Nitrum efflorescere videatur: sed illud tenuius, & imperfectius reperitur, quoniam Sol eo minùs penetrat.

Qui verò Nitrum cum Sale conferunt, eodem ferè modo, quo Sal in salinis effici vident, nisi quòd per se id præstet, ut in massam coeat, cum Sal hominis operam desideret; hic autem passim in alimentis hominibus magis servit, illud verò minùs; tametsi olim Arabes eo plurimo utebantur, quòd copiosè illud habebant, ut Salis inopiam eo ipso levarent, quia mari nusquam vicini erant, unde sine gravissimis eorum expensis Sal coemissent. Differt quoque Nitrum à Sale, acrimonia, & mordacitate. *Nitrum enim nihil gignit, aut alit* (ut Plinius testatur) *cum in salinis herbe gignantur, & in mari tot animalia, tantum algæ. Nitrariæ quoque calciamenta protinus consumunt, aliàs salubres, oculorumque claritati utiles*. Denique differt à Sale Nitrum, quia fossile nusquam invenitur; tametsi aliqui aliter censeant, qui naturæ miracula diligentius rimari studuerunt, quàm ipsi veteres, qui nitri fossilis æquè, atque alterius meminissent, si unquam subterraneum visum fuisset. Neminem tamen moveat, quòd superius terrestre Nitrum lapidum modò excindi dixerim; nam cum terram frequenter pluvia, vel fons aliquis humectaverit, tranquillèque aqua complusculos dies superextiterit, in nitrosam substantiam, quæ ex terra prodit, confestim abit, quæ tandem Solis vehementiam passa coercetur quasi in glaciem, & mirabiliter obdurescit: propterea nitrum in superficie terræ abscindi potius, quàm radi, aut avelli putaverim.

Invenitur verò nitrum in pluribus totius mundi partibus, sed aliud alio, pro loci situ, commendabilius. Nitrum enim, quod in nitrariis visitur, terrestrius magis judicatur, quàm illud, quod specubus insidet, quia Sole magis exuritur, & perficitur, estque propterea præstantius. Specuarium verò minùs est coctum propter Solis defectum, & ob id liquidius, tenuiusque, ut flos nitri videri possit. Quare haud scio, an illud spuma dici debeat ex Plinii verbis: *In nitro* (inquit) *optimum, quod tenuissimum, & ideo spuma melior*; quale est illud Ægyptium aphronitrum, quod in vasis picatis, nè lique scat, affertur. Galenus verò Nitrum Berenicum præ cæteris extollit. Plinius Chalastricum ex candore suo, & puritate laudat. [a] Dioscorides Nitrum ex Bunis allatum mirificè prædicat. Avicenna autem Armenum Nitrum Ægyptio præfert. Cæterum in medicinis, quod levius est, & spongiosum, roseum, aut candidum, & maximè amarum expetitur: nam id siccat, digerit, & abstergit. Quamobrem per os sumptum incidit, & tenuat crassos, ac glutinosos humores potentiùs multo, quàm Sal. Tormina etiam sedat, si tritum cum cumino bibatur in hydro-



dromelite, aut sapa, aut aliquibus, quæ inflammationes discutere possint, ut ruta, vel anetho. Emplastris quoque miscetur, quæ extenuant, ficcant, & absumunt, & quæ lepras absterunt. Virgilius verò (inquit [a] Plinius) nitro, & amurca perfundi jubet fabam: sic etiam grandescere promittit. Quod Chalastræum vocatur (ut scribit [b] Ægineta) acrius, ficcantiisque omnibus est; quare ad capitis distillationes, & articulares cruciatus eo utuntur.

Antiqui omnia ferè edulia nitro condiebant, quæ candida, & tenera ex-  
petebant; herbarum enim radices eo pacto teneriores evadere, luxus in convi-  
viorum apparatu maximus eos docuerat, & olera viridiora fieri: quare cecinit  
Martialis.

Nè tibi pallentes moveant fastidia caules,  
Nitrata viridis brassica fiet aqua.

Solebant quoque defunctorum corpora Nitro salire, ut quàm diutissimè à cor-  
ruptione conservarentur: quia nihil eo fortius ad astringendum, exiccandum-  
que ducebatur: quod satis [c] Herodotus indicat: Nitrum autem (ait) carnes  
erodit, & absumit, mortuique tantum cutis, & ossa reliqua fiunt. Ægyptii verò  
(ut Plinius scribit) ad ea quoque, quæ inveterari volunt, illo nitro utuntur.

In lixivio resoluti fullones maculas vestium eluere solebant; & infectores cum  
eodem aqua coquebant lanas, ut colores forberent. Quamobrem Plinius for-  
didum utile esse ait, tanquam ad inficiendas purpuras, tincturasque omnes.  
Modò autem nostrates, quia nitro carent, ejus loco facie vini sicca utuntur.  
Non rectè sentiunt, qui Nitri loco Sal petræ supponendum putant purgatum,  
& in panes coactum; nam decipiuntur corrupta Plinii lectione libro trigesimo  
primo capite decimo. Ita enim vulgò legitur: Sal Nitrum, sulphuri concoctum,  
in lapidem convertitur; cum tamen castigatiora exemplaria sic habeant: Sal, &  
Nitrum sulphuri concoctum, in lapidem convertitur. Proinde [d] Aetius vult Salis  
fossilis (quem gemmam appellari diximus) inopiam pari nitri pondere emen-  
dari; pari ergo ratione Sal fossilis penuriam Nitri supplere poterit.

Supereff nunc, ut de [5] Chrysocolle, quam factitii Nitri generibus in-  
feruisse oportuit, pauca dicamus. Est igitur Chrysocolle ex etymo suo non  
aliud, quàm auri glutinum, cujus usus apud aurifices maximus est, quando  
scilicet aurum cum auro, vel argentum cum argento conglutinare student.

Proinde non immeritò [e] Avicenna [6] Capistrum auri, & argenti, si modò  
verbum verbo interpret reddidit, nuncupari voluit. Arabes Tincar, Latini San-  
ternam, ac alii deinceps aliter nominarunt. [f] Plinius verò duas Chrysocol-  
læ species innuit, unam nativam, factitiam alteram. Nativæ autem summa  
commendationis est, ut colorem herbæ segetis latè virentis quàm simillimè  
reddat: de qua non est hujus instituti dicere. Factitiam verò sic exprimit:

Chrysocollam & aurifices sibi vendicant agglutinando auro: & inde omnes appella-  
tam similiter utentes dicunt. Temperatur autem ea cypria ærugine, & pueri im-  
pubis urina, addito nitro; teritur Cyprio are in Cypriis mortariis. Santernam vo-  
cant nostri. Ita ferruminatur aurum, quod argentosum vocant; signumque est, si  
addita santerna nitefcit; hætenus Plinius. Quibus sanè verbis Santernam nitri

additamento perfici cognoscitur, & æquè argentum, ac aurum ferruminare.  
Plinius quoque hanc Chrysocollam, alio nomine [7] Scoleciam esse designat.

Omnes verò artificiale Nitrum asseverant, quia fortè compositio ejus ex nitro  
potissimum constat. Dioscorides tamen cum de ærugine aurificum agat, Nitri  
non meminit: Fit, & (inquit) quadam ærugo ab aurificibus mortario, & pistillo  
cyprii æris cum urina pueri impubis, qua aurum ferruminant. Galenus quoque,  
in eodem proposito Dioscoridem fortè imitatus, Nitrum prorsus subicit.

Cæterum aurifices nunc passim Chrysocollam, Boracem, nomen ab Arabibus  
mutuati, nuncupant. Borax enim nihil aliud est, quo aurifices utuntur, quàm  
Nitrum artificio, & solertia quadam excogitatum: nec refert in tanta nominum  
varietate, quo pacto appelletur, modò auro glutinum sit, ut est argilla ferro,  
sicuti Plinius refert, cadmia æris massis, alumen laminis, resina plumbo, & mar-

Galenus lib. 9. & 4.  
Simp.

[a] Plinius lib. 18.  
cap. 17.

[b] Ægineta lib. 7.

Nitri usus in herbis  
condiendis.

Nitrum ad cadavera  
condienda adhibi-  
tum.

[c] Herodotus Hist.  
lib. 2.

Ad maculas eluen-  
das.

Nitrum à Sale petræ  
diversum.

[d] Aetius cap. 56.  
lib. 2. & c. 66. lib. 8.

Chrysocolle.  
Etymologia.

Usus.

[e] Avicenna ubi su-  
pra cap. 706.  
Nomina.

[f] Plin. lib. 33. c. 5.  
Chrysocolle nativa.

Factitia.

Santerna.

Chrysocolle Borax  
dicta.

Varia metallorum  
glutina.



mori, & plumbum album nigro, & oleum albo plumbo. Item stannum æramenti, stanno argentum.

## N O T Æ.

Nitri etymologia, [1] Sunt nonnulli, qui Nitri etymologiam petendam esse contendunt ab Hebraico verbo נתר *netber* & nomina.

derivato à radice נתר *natbar*, idest removet. Quod nomen aptissimè quidem impositum fuisse videretur, si Nitrum factitium quod hodie paratur, & ejus vis explosiva antiquis cognita fuisset. Verùm probabilius est, illos rationem habuisse facultatis deterfivæ, atque ita appellasse, quòd maculas eluat, ac removeat: nisi potiùs cum iis sentiendum sit, qui alumen hoc vocabulo significari autumant.

[2] Alii verò Nitriæ regionem potiùs à Nitri copia, & Nitrariis nomen traxisse contendunt.

[3] Nitron Arabibus vocatur بورك *bauracon*, & نطرون *netrunon*, à Græco νίτρον, seu potiùs ab Hebraico נתר *netber*.

[4] Halmyraga appellant hanc Nitri speciem ab ἄλμη *alsugo*, & ῥήγνυμι *rumpo*, quòd falsum sit, & è terra sponte erumpat.

Chrysocollæ nomina, & etymologia. [5] Chrysocolla dicitur quasi χρυσὴ κόλλα, idest auri glutinum. Arabibus تينكارون *tincharon*, & لزاق الذهب *lezaco aldebebi*, idest cohesio, & conglutinatio auri. Græci recentiores appellunt βοράχον, unde Borax vulgò dicitur, ab Arabico بورك *Bauracon*, quo Nitrum vocari dictum est, fortasse ob quandam similitudinem inter Nitrum, & Chrysocollam.

[a] Salm. Hyl. Patr. [6] Ineptè autem Chrysocollam dici capistrum auri ex Alpigi versione, advertit [a] Salmasius. Nam in Arabico Avicennæ codice legitur لحاتم الذهب *Labatamo aldebebi* conglutinatio, aut consolidatio auri. Verùm interpres deceptus fuit nominum similitudine, quæ literulæ tantum apice inter se distant; nam لاهما *lahama* Arabibus conglutinavit, significat, لجم *lagiama* autem frænavit, unde frænum & capistrum. Immo utrumque verbum *Labama*, & *Lagiama* iisdem prorsus characterum formis scriptum reperitur in Mss. punctis diacriticis carentibus.

[b] Salm. Hyl. Patr. [7] Non Scolecia, sed Scoleca apud Plinium legendum, contendit [b] Salmasius. Scolex enim æruginis, Græcis dicitur σκόληξ *is*, idest vermiculus æruginis.

## D E A P H R O N I T R O.

## C A P. I X.

**N**ITRUM, Aphronitrum, & spuma Nitri ejusdem ferè sunt tum naturæ, tum facultatis, & nihil inter se differunt, nisi præstantia quadam; nam spuma Nitri, quæ Græcè dicitur, ἀφρόνιτρον, quia tenuissima ideo optima à Plinio [a] censetur. Galenus [b] tamen solus, quod sciam inter veteres discrimen fecit inter Aphronitrum, & spumam Nitri. Est enim spuma Nitri (ut libro nono Simplicium scriptum reliquit) alba, & triticiæ farinæ similis, in quo tantum differre modò ab aphronitro, sive aphrolitro ostendit, quia farinæ speciem non habet, neque solutum est, sed congelatum, & coactum. Utrumque colligitur in Asia, nunc in speluncis distillans, nunc sponte efflorescens; neque paratur arte, (ut Mesues [c] scribit) & nihil aliud est, quàm Nitri tenuissima pars, unde etiam flos Nitri à nonnullis (ut Albertus [d] ait) vocatur. Arabes tam [1] spumam Nitri, quàm illud, quod Græcis [2] ἀφρόνιτρον unica voce dicitur, *Baurac* nuncupant. Optimum verò Aphronitrum cognoscitur ex pondere, friabilitate, & colore, quemadmodum Dioscorides annotavit: *Spuma Nitri* (inquit) *optima esse putatur levissima, glebosa, friabilis, colore pane purpureo, aut spumosa, & mordens, qualis ex Philadelphia Lydia defertur*. Plinius experimentum insigniter vocat.

Ceterum cum Nitrum, Aphronitrum, & spuma Nitri idem operentur, ferè prorsus ejusdem esse substantiæ mihi statuo, & ab invicem tantum diffidere, quantum Sal à spuma salis, & flore salis; quæ tria cum distinctè passim ab auctoribus citentur, tamen ex una materia oriunda, in unum ferè effectum recidunt. Quid tamen veteres impulerit hæc variè distinguere, nescio, nisi fortè ex colore, qualitateque, in iis pro loci, aeris, atque terræ natura varia, diversa quoque nomina excogitaverint. Miror interim, quòd non æquè singulis singulas suas facultates separatim prodiderint, maximè cum id, quod uni

[a] Plin. lib. 31. c. 10.

[b] Galenus lib. 9. Simp. & 1. de Comp. med. secundum loc.

Aetius lib. 1. serm. 2. cap. 50.

Differentia inter Aphronitrum, & spumam Nitri.

[c] Mesues lib. 2. de med. Simp. purg. c. 17.

Oribas. lib. 2. cap. 56. [d] Albertus lib. 5. cap. 6. de rebus metallicis.

Avicenna lib. 2. tract. 2. cap. 519.

Serap. de Simp. ex min cap. 411.

Bonitatis notæ. Nitri, Aphronitri, & spumæ Nitri, eadem est substantia.



uni peculiare tribuerunt, cæteris convenire in experiundo videatur. Aphronitrum enim Nitri vires æquat, & à Sale etiam non multum natura distat; Sale tamen minus extergit, quia vehementer astringit, & exactè amarum est: in quo nihil à Nitro discrepat: non secus verò ac Sal humore liquefcit. Verum in hoc præcipuè à Sale differt; (ut Galenus inquit) quia Sal corporum, quibus admoventur, redundantes humores tenuat, ac digerit, & propterea corpora ipsa cogit in sese, ac densat; cum Nitri spuma, & laxum Aphronitrum tenuare quidem, & discutere possint, cogere verò, & condensare minimè valeant. Veteres Aphronitro quotidie in balneis ad extergendas sordes utebantur.

Aphronitrum à Sale quo differat.

Galenus lib. 3. de alim. facult.

N O T Æ.

[1] Nitri spumam Serapio manifestè distinguit à Nitro, & Aphronitro, in ea enim describenda, Galenum pæne ad verbum vertit, appellatque unà cum Avicenna زبد المبورف Zebedo albaauraki, idest, spuma Nitri.

[2] Aphronitrum autem ineptè ab Arabibus exponitur بروج الافريقي Bauraco alafrikio, hoc est Nitrum ex Africa, quasi apud Græcos legeretur ἀφρόνιτρον, Nitrum Aphrum, non ἀφρόνιτρον, Nitrum spumofum. Quare non sunt culpandi Interpretes, quasi malè Arabica vertissent, ut eruditissimus alioqui [a] Schelamerus contendit, scribens: Factum id esse errore, ac mera inscitia Interpretum, [a] De Nitro cap. 3. qui nescio, quo pacto cum legerent in Arabicis Mss. Aphronitrum, falsò transfulerunt Nitrum Africum.

D E H A L I N I T R O.

C A P. X.

**H**ALINITRUM, vulgò [1] Sal nitrum, vel Sal petrae dicitur, quia persæpe Salis instar circa lapideos parietes efflorescit; qua de causa nonnullis etiam flos parietum appellatur. Nonnunquam verò in ipsis campis exudans concrefcit. Plurimum quoque in opacis locis, & tutis ab imbribus reperitur, ut in quibusdam Germaniæ non longè à Stasphurdo [a] Agricola auctore. Nascitur aliquando in cæmentis vetustis, & ubi jumentorum excrementa in terra computruerunt, quodque ita efflorescit, candidum apparet: Quod verò exudant parietes non solum candidum, sed subnigrum, & cinereum, non rarò quoque luteum, & subrufum cernitur. Saporem falsum, & subacrem omne Sal nitrum pollicetur. Non infrequens etiam visitur materia quædam tenuis, & mollis, quam exudant saxa montium, & alia dura, & crassa, cujus Stiria ex cuniculorum, & specuum cameris pendere solent. Utraque neque multum amara, neque multum falsa est, sed aliquando magis, aliquando minùs acris. Tam ex hujusmodi materia, quàm ex Halinitris supradictis excoquitur, & arte paratur Sal nitrum vulgò vocatum, ex quo hodie pulverem præparant ad usum tormentorum bellicorum, quod omnes norunt aptissimum, vel minima ignis scintilla pro fomite adhibita. Inde quoque Fortis aqua, à vi sua appellata conficitur, qua aurifices argentum ab auro sejungunt. Hujusmodi Salnitrum excoctum translucet, leve est, rarum, sapore acris, & subsalso, ac facile teritur. Qui verò Salem petrae cum Nitro comparant, maximis utrumque inter se spatiis distare comperiunt, nec minùs facultatibus dispares, quàm dies nocti claritate meridiana. Nitrum autem difficulter comburitur, & cineres nisi contusum non ex se ejicit, sed ignescit, & veluti carbo suffocatur. Sal verò petrae adeò ignem appetit, ut eo tactus violenter flammam rapiat, & in aerem abeat dicto citius, nihilque sui reliquum faciat. Unde patet quàm sit tenuibus partibus compactus, ut & Salem ipsum partium tenuitate superet. Etenim ex tali rei eventu, industria hominum non ita pridem, tanquam diuturnæ vitæ impatiens, tormentarium pulverem in suam perniciem adinvenit; cujus quidem usum multa jam secula priùs hominibus natura præmonstrasset, nisi scelera, flagitia, cædes, & incendia iis timuisset majora.

Nomina, atque etymologia.

Locus.

[a] Agricola lib. 3. de natur. fossil.

Varii Salis nitri colores.

Ejusdem sapor. Halinitrum ex saxis exudans.

Sal nitrum factitium

Aqua Fortis. Halinitri factitii descriptio.

Nitri, & Halinitri diversæ proprietates.

Pari quoque ratione Sal petrae Nitro repugnat in ferruminatione auri, & Nitrum argentum auro agglutinat, Halinitrum disjungit.



argenti; nam cum aurum argento, vel è contra Nitrum agglutinet, Salis petrae potentia, potentiam Nitri infringit, & aurum ab argento dissociat; quæ sanè virium distantia inter utrumque maxima est.

Quantum verò Sal à Nitro, tantum rursus Nitrum à Sale petrae acrimonia, mordacitateque recedit, quæ in ejus gustu non levis est; quapropter ingentem salivam gustatum ciere dicitur. Quoad aquam non liquefit veluti verum Nitrum, & reliqui concreti succi. Cæterum reliquis notis, & qualitatibus minimè Sali petrae cum Nitro convenit, nisi fortè in abstergentibus medicamentis, quæ extrinsecus admoventur; quo casu Nitri locum supplere nonnunquam poterit, [2] licet malè, nec finè gravi noxa medicamentis, quæ corpus introeunt, admisceretur.

Sal nitrum ex nonnullorum sententia est flos lapidis Asii.

Non desunt, qui hunc Salem petrae, quanvis illius nulla apud veteres memoria extiterit, probabiliter florem lapidis Asii, quem antiqui in usu tantum habuerunt, esse existiment. Non enim aliter, sicubi aquam ex substantia illius detractam, quam ab effectu Fortem vocant, instillaveris, erodit, atque exurit, quàm flos lapidis Asii, qui olim in condiendis, asservandisque corporibus Nitri penuriam compensabat.

Pulveris pyrii detestatio.

Nec obstat nominis diversitas, quin idem efficere potuisset, quod Sal petrae; nam quia lapidi Asio primum insidere visus fuit hic flos, ideo ita appellari, & innotescere coepit; non quod omnino negari possit, eandem esse materiam, quam bifariam generari superius diximus; vel quod parietes vetustiores olim talem florem nunquam exudasse credibile sit; nec æquè terram jumentorum, pecorumque excrementis, ut nunc, prius emaduisse, unde passim Sal petrae conquiri potuisset. Verum antiquis flos ille lapidis Asii, qui optimè nostrum Halinitrum, vel Salem petrae æmulatur, in supplementum Nitri duntaxat sufficiebat, nè altiùs id, cui natura meritò adversabatur, indagarent; cum ad alia, quæ cognitione digna erant, & salutaria, investiganda, vix posteritati locum fecerint. Ac utinam nè nunc quidem talis pulvis inventa esset, vel inventa auctorem suum citò absorpsisset, neque ad posteros permanere potuisset. Salubriùs certè de summa rerum ageretur; non ita morti alterius quis incumberet; non tanta alieni sanguinis sitis impunè esset; neque verò in nos mutuò ita crudeliter desæviremus. Quid sanè amplius? cum illius dispersones in mentem veniunt; quid? quod fulmina, & tonitrua videantur, quibus vel summus Juppiter conturbatus, & Olympo exterminatus fuisset, si Gigantes eo pacto ad eum affectassent. At quantò nunc pejùs nos comparamus, qui ad faniora vitæ præcepta admissi, & soli Christo militantes, tam immanibus tormentis Deum irritamus, & quemadmodum Horatius inquit:

*Cælum ipsum petimus stultitia; neque*

*Per nostrum patimur scelus*

*Iracunda Jovem ponere fulmina.*

Savi ejusdem pulveris effectus.

Quæ enim arces sunt quamlibet munitæ, quas non subruimus? Quæ enim turres, quas non humo æquamus? Quæ verò oppida vallis, & mœnibus ita circumcincta, locique natura defensa, quæ non transcendimus? Denique quid tam Sanctum, quod non violandum proponimus, quo jure, quaque injuria, cum machinam bellicam tam horribilem exonerare audeamus? Verum quis illius pulveris, quam natura ipsa abhorruit, [3] auctor primus fuerit, ignoratur, quod parvi admodum refert. Conficitur tamen (si Deo placet) in Italiæ pluribus locis, nec quidem solum ex suillo fimo, quod copiosiore Salis nitri materiam in se continet, verum etiam ex aliis jumentorum excrementis, ex quibus nos, observata ratione, quam sequens tabella, nè quid desideretur, indicat, hinc Romæ fieri conspeximus.





Huic itaque addicti negotio ministri primùm colluviem ex animalibus egestam in subterraneis quidem locis, non tamen humidis, longè latèque diffeminant, & distrahunt, ibique quinquennio plus minùs fermentari sinunt: quo toto tempore, quotannis semel, atque iterum, ut faciliùs exarescat, subvertunt, curantque, ut in terram ferè pulveri similem evadat; quod ubi perfectum fuerit, cupis quibusdam imponunt, eique aquam infundunt, quæ aliquot horarum spatio Halinitrum combibit; tum foramine prope imum fundum recluso, exiliens labro excipitur; moxque eandem superinfundunt aquam, idque sæpius iterant, quoad quicquid in terra inest Halinitri, ipsa absorbeat. His probè peractis, terram eandem inde itidem extrahunt, & in alia quædam receptacula transferunt, in quibus colare permittunt dilutam, ut si quid adhuc recrementi restat, in imum fidat. Hoc itaque clarum, defæcatumque sibi sumunt, & in cortinam æneam transfundunt, & usque dum densetur, lento igne decoquunt: etenim si validissimo igne, diutiusque excoqueretur, tota Halinitri materia inaresceret, & in Salem converteretur. Postquam autem satîs Halinitrum coxerint, vasculis haustum in aliam cortinam transfundunt, ibique ut tantisper quiescat, donec tepidum reddatur, curant: tepesfactumque confestim turbine ex ipsa cortina extrahunt, & in doliola ænea trajiciunt, quibus tandem refrigeratum adhærescit, fitque purum, & limpidum Halinitrum.

Halinitri parandi ratio.



Nitrum quid sit .

[a] In dissert. epistol.  
de Salibus .

Nitrum quomodo  
natura gignatur .

Quod in parietibus  
nascitur verum Ni-  
trum esse .

Nitrum aeris vices  
subit in inflamma-  
tione .

Aerem Nitro inesse  
ex pulveris pyrii ef-  
fectibus deducitur .

Illustrissimi Lancisi  
opinio de Nitrati  
pulveris explosione .

Nitrum quid præ-  
stet in pulvere py-  
rio .

Sulphur cur pulveri  
pyrio misceatur .  
Carbones cur eidem  
addantur .

[1] Nitrum Sal est falsus, ex Sale volatili aereo, acido, cum sulphureo, alkalinoque corpore coagmentato, aerisque particulis unâ inclusis, concretus in crystallos, plerunque prisma bases hexagonas habens, exque aliis sex prismatibus basis triangularis compositum, & nonnunquam etiam rhombum, aut rhomboidem referentes. Quam formam [a] Gulielminus deducendam esse putat ex particulis hujus Salis elementaribus pyramidibus, quæ invicem facili aptantur in prismatis figuram: Alii verò acidis particulis salinis tribuendam esse censent, quas conicas statuunt; quod hæ in alkalicam, porosamque substantiam se induentes, peculiarem Nitri figuram effingant. Siquidem experimentis compertum est, Sales acidos solutos pro varietate corporum alkaliorum, ac terrestrium, quos subeunt, ac corrodunt, varias etiam formas referre.

Ad Nitri generationem, aerem plurimum conferre non levibus argumentis evincitur, ac præcipue ex ipsius concretionis modo, quo vel natura ac sponte gignitur, vel artificio paratur. Natura enim solet efflorescere tantum in extrema terræ superficie, locisque aeri, sed non vento patentibus, ac substantia pingui, & terreo-alkalica refertis, nimirum, in cellis vinariis, parietibus antiquis, stabulis, aliisque sulphure animalium, aut vegetabilium, ac præsertim urinæ, & fimi, imbutis. In quibus hac propemodum ratione, Nitrum progigni, verisimile est. Sales nitrosi volatiles in aere fluctuantes, ejus motu huc illuc delati in corpora sulphureo-alkalica obvia impingunt, eorumque poros subeunt, obstruuntque; hinc aerem contentum intercipiunt, comprimuntque, ac in Salem falsum abeunt. Ideo pro varia aeris compressione, ac pro minori, aut majori ejusdem quantitate, variae Nitri species emergunt, quæ propterea vires, modò vehementius, modò remissius exerunt.

Nè miretur interim benignus lector, quod in variis naturæ phænomenis explicandis, iisdem ferè dicendi formulis utamur; id enim necessitate coacti facimus. Age enim quàm copiosa, quàmque varia est verborum multitudo? quid igitur, si quis eorum compositionem singillatim explicare aggrediat, nonne eadem elementa pæne semper repetere cogetur? Siquidem ex varia earundem, paucarumque alphabeti literarum combinatione infinita pæne vocabula emergunt, æquè ac ex varia corporum sculorum, figura, motu, situ, quiete, ac mole differentium, aggregatione, innumera mixta gignuntur.

Neque enim verum Nitrum esse, quod in parietibus nascitur, negandum censemus cum nonnullis, eo argumento, quod calcis saporem præferat, & cum liquoribus acidis effervescat: licet enim ultrò fateamur, utrosque dictos effectus tribuendos esse calci, quod ejus portiuncula cum hujusmodi Nitro permisceatur; non propterea hinc evinci posse arbitramur, falsum Nitrum illud esse, sed tantummodo impurum; cum alioquin præcipuis veri Nitri notis non destitueretur. Siquidem frigoris sensum in lingua excitat, ac in carbonem coniectum detonat, flammamque cum explosione concipit, non secus, ac Nitrum factitium.

Arte verò paratur Nitrum ex terris pinguibus, ac fimo potissimum, ex animalium partibus, nimirum ex lumbricis putrefactis, ex segmentis Coriariorum &c. ex vegetabilium cineribus, & ex saxo calcinato in Gallia. Quæ omnia aeri diu exposita, atque excocta, Nitrum in lixivio relinquunt, quod deinde refrigerato liquore concrevit. Illud verò notatu dignum est, quod si res prædictæ Nitroso sale semel exhaustæ, aeri rursus exponantur, novum Nitrum, modo quo supra dictum est præbent: idque sæpius præstant, donec omni pinguedine exuantur, earumque textura prorsus immutetur, quæ aereo Sali volatili detinendo apta est.

Conficitur quoque Nitrum ex tribus partibus calcis cum una Salis marini, seu communis, simul calcinatis, atque aeri expositis. Ex quo deducitur, magnam affinitatem Nitro cum Sale intercedere, ut superius demonstratum est. Quod ex eo etiam comprobatur, quia in Nitri purgatione, nonnihil marini Salis concrevit. Accedit demum, quod Nitrum in marinis scopulis interdum efflorescere, observatum sit: illi enim falsis undis, ac vaporibus continuè madescunt.

Verum, illud præcipue Nitri cum aere cognitionem demonstrare videtur, quod unum alterius vices quodammodo obeat. Etenim pulverem Nitratum in vase aere vacuo inclusum speculi ustorii opere accendi, & intrâ aquam demersum non extinguì, compertum habetur: cum alioquin Physicorum experimentis exploratum sit, nihil absente aere inflammari. Hinc factum est, ut nonnulli Nitrum nihil aliud esse putaverint, quàm aerem condensatum: alii autem aliquod utrique commune inveniri suspicantur, quod substantiam Nitro aeream idcirco appellant.

Denique inclusum aerem in Nitri porulis latere, summa elaterii vis, quam exerit accensum, tantum non evidenter demonstrare videtur. Maxima enim vi compressili, atque elastica aerem polleere ex machinis pneumaticis liquidò constat: ita ut qualitates hæc propriissimas sibi vindicare, cæterisque corporibus communicare, nemo inficiari possit.

Sed ut argumentum hoc magis perspicuum fiat, mirabilem explosionis effectum, & Nitro peculiarissimum, fusiùs explicare aggrediemur, ex Illustrissimi Lancisi sententia, quam triginta ab hinc annis, qua est in naturæ arcanis venandis ingenii mira dexteritate, iisque explanandis facundia, dissertatione scriptis mandata, exposuit. Quod ut commodius eveniat, non erit abs re nonnulla præmittere de pulveris pyrii natura. Pulvis pyrius conflatur ex sulphure, carbonibus, ac Nitro, quadam inter se proportionè mistis; ita tamen ut Nitri semper potior pars sit: explosionis siquidem actio ipsi præcipue, ac tota ferè debetur, cum in ipso omnis pæne elaterii vis reposita sit: quemadmodum observare licet, non modò in prædicti pulveris detonatione, sed etiam in solius Nitri in ignem coniecti incensione: in qua aer inclusus tantum non in conspectum venit. Siquidem ignis vi Nitri textura disrupta, effractis carceribus è nitri porulis tanquam ex totidem folliculis, iudice oculo, erumpit, sese explicat, flammamque quaquaversus impellit & agit. Sulphur admiscetur, ut flammam concipiat: carbonem autem efficiunt, tum ut nimia Nitri vis coerceatur, tum etiam ut sulphuris lentor ac viscositas, eorum parte alkalica, quodammodo rarefiat: quo fit ut particulæ sulphuris magis actuosæ, expeditiores sint ad flammam concipiendam, non adeò tenaciter suarum ramosarum partium nexibus implicatæ, tum demum, ut laxiorem pulveris texturam reddant, quo ampliores igni pateant meatus: qua propemodum etiam de causa pulverem hunc in exigua granula solent comminuere, nempe ut hiatus, & spatiola intersper-

gan-



gantur, partim ut facilius per hæc interstitia flamma pervadat, partim etiam ut externus quoque aer excipiat, qui vim expansionis augeat inclusi aeris. His igitur ita comparatis, vel minima scintilla in pulverem pyrium insiliente, confestim mobiliore sulphuris, ac salis particula inflammationis motu cientur, ac violentissimo in Nitrum impetu facto, ejus compagem repente effringunt; hinc aeræ particulae, quæ compressæ adhuc coercerantur, celerrimè sese restitunt, mirumque in modum se expandentes, adjacentia carbonis ac sulphuris corpuscula quaquaversus impellunt, flammam rarefaciunt, ac momento temporis dissipant, ita ut objecta obstacula, pro viribus disjiciant, atque impellant.

Quæ cum ita sint, frustra Cl. Schelamerus explosionis causam in Nitro ab aqua deducere conatur: quæ profectò per se comprimi ac restitui nequit, ut evidenter demonstratur à Magioto in sua [a] Epistola. Etsi enim aqua, aut calefacta, aut refrigerata expandi, ac vim elasticam quodammodo exercere videatur, ut evenit in æolipilis ampullis vitreis, ac Boylei experimentis: id tamen præstat, non ex propria virtute, sed potiùs commisti aeris, ([b] qui tam multus aquæ inest, ut vix antlia pneumatica omnino ab ipsa extrahi possit,) & ignis impellentis viribus. Etenim particulae igneæ aqueos globulos agitant, ac disjungunt, ita ut tum aer externus per dehiscences rimas ingressus, tum alter in interstitiis inclusus, ac compressus, partim ob remota obstacula dictorum globulorum comprimentium, partim ignis ope, majorem vim elasticam nactus, vehementiùs dilatatur, aqueasque particulas impellit quaquaversus, disjicit, ac in flatum resolvit. Aquæ autem refrigeratæ expansio tribuenda est potiùs aeri intercepto, salinisque corpusculis ejus molem augmentibus. Nanque Salium particulae (dum aqua frigore cogitur) ejus meatus subeuntes, non modò sensim veluti quidam cunei, partes ab invicem nonnihil disjungunt, verùm etiam orificia dictorum meatuum occludunt, ac spatia reddunt angustiora. Hinc aer in illis contentus, nimium compressus, ac coarctatus denique majori elaterii impetu (corpora enim elastica, quo magis urgentur, eo vehementiùs obnuntantur) sese restituit, glaciemque dilatat, atque effringit. Propterea [c] glacies, quæ in loco aere destituto concreviscent, ponderosior est, densior minùsque expansa, quàm ea, quæ loco aeri pervio cogitur. Quod postea accuratius observatum fuit à Cl. Hombergo [d]; cum enim aquæ aere probè expurgatæ extensionem notasset in cylindro vitreo continenti, glaciem ex ea concretam, non modò mole nihil auctam, sed potiùs contractam, atque imminutam comperit. Ex quibus facillè intelligitur, aquam omnem compressionis, atque elasticam vim ab aere mutuari, eo quo supra dictum est modo: remoto enim aere, aquæ particulae in concretionem proprio pondere concidunt, inter se arctius cohaerent, ac molem densiorem, compactiorem, gravioremque efficiunt.

Contra verò aer, præter extraneorum corporum admissionem, ex sola mechanica propriarum partium constructione, maximam vim elasticam prodit, ut evidenter apparet ex bombardæ pneumatica, in qua duplici ratione vehementissimè explosionis effectus præstat, non secus ac pulvis pyrius, nimirum vel in vacuum impetuose irruens, vel compressus sese restituens, corpora violenter impellit, atque explodit.

Acidum in Nitro contineri, tum ejus sapor, tum spiritus acidissimus, qui ope distillationis ex ipso elicitur, manifestè evincunt; tamen aliis consuetis experimentis haud facillè deprehendatur. Alkali verò multa præbet indicia. I. enim, si solutioni gallarum misceatur, eam turbat, coagulat, ac cinereo, vel albo colore inficit. II. Nitri solutio, affusa in solutionem sublimati corrosivi brevi albescentem efficit. III. Nitri residuum post distillationem, naturam alkalicam clarè præsefert. IV. ejus substantia spongiosa, aliæque qualitates, de quibus mox, Nitrum esse alkalicum arguere videntur. Ex quibus Nitrum sale falsum esse necessariò sequitur; licet contrarium probare nitatur Cl. [e] Schelamerus: ait enim: *Etiã falsum cum vocant mentiuntur, cum falso enim semper calefaciendi vis conjuncta est, nitro verò refrigerandi.* Verùm experimenta superius allata de Sale communi, & ammoniaco evidenter demonstrant, Sales falsos non semper calefacere, nisi fortasse eos quoque falsos esse inficiari velit eruditissimus vir.

Nitro stirpium vegetationem promoveri, verisimile admodum est: experimentis siquidem, & auctorum testimoniis comprobatur: quæ non satis refellere videtur Cl. Schelamerus [f], eo quòd ut Plinius tradit, nullæ herbæ in nitrariis gignantur. Ibi enim agitur de Nitro veterum; quod profectò à nostro admodum differt: ut enim cætera omittantur, Nitrum antiquorum in medicina calfacit, ut idem Plinius ait; nostrum autem refrigerat: quæ sanè maxima est differentia, præsertim ipsius Schelameri judicio. Immo ex Virgilii [g] testimonio, Nitrum quoque antiquorum, ad plantarum vegetationem contulisse demonstratur. Sic enim scripsit:

*Semina vidi equidem multos medicare ferentes,  
Et nitro prius, & nigra persundere amurca:  
Grandior ut fetus siliquis fallacibus esset.*

Quos versus non satis aptè conciliare nititur cum Plinio laudatus vir eruditissimus, dicens: *Si quid hic veri subest, potiùs ad semina, quàm terram, cui committuntur hoc referendum esse; quæ in aqua, ubi aliquid Nitri admistum sit, macerari observabis, quo promptius germinent.* Quis enim non videt, non admodum interesse, an semina ante sationem aqua nitrata macerentur, an terræ Nitro imbutæ committantur? Siquidem Nitrum terræ admistum ex irrigatione quoque dilui, ac solvi necesse est, atque idcirco fata semina macerare. Quod experimento etiam confirmatur: nanque ex fœniculi seminibus terræ commissis uberiùs multo ac lætiùs ea provenisse [h] tradunt, quæ aqua nitrata, quàm quæ aqua simplici fuerunt irrigata.

Nil autem mirum, si, ut Plinius tradit, in nitrariis nullæ nascerentur herbæ; in illis enim nimia Nitri copia semina ac plantas probabiliter enecabat: eodem modo ac plurimo fimo, aut non bene subactò, & multa aqua, stirpes obrui, ac lædi passim observamus.

Neque verò metuendum est, nè Nitrum ob frigiditatem stirpium generationi officiat: missis enim aliis rationibus, quid aqua frigidius ex Philosophorum, ac præsertim ipsius Schelameri sententia? quid autem eadem conducibilius ad plantarum productionem, nutritionem, & incrementum?

Sulphur autem Nitro inesse non levibus argumentis demonstratur, inter quæ hæc duo præcipua videntur. I. quòd ex pinguibus, ac sulphureis corporibus oriatur, animalium nimirum recrementis, ac partibus, & ex calce, quæ copioso sulphure quoque abundat: quapropter probabile est Nitrum suarum matricum ex quibus gignitur, naturam referre. II. quòd facillimè, in ignem coniectum flammam concipiat (quod sanè gravissimum est argumentum) quod enim aliud habetur sulphuris mani-

[a] *Raffaele Magiotti, Renitenza certissima dell'acqua alla compressione.*

[b] *Du Hamel. Reg. Scient. Acad. Reg. hist. ann. 1693.*

[c] *Saggi di naturali esperienze fatte nell'Accademia del Cimento pag. 171.*

[d] *Du Hamel. Reg. Scient. Acad. hist. ann. 1693.*

Nitrum ex acido, & alkali constare experimentis demonstratur.

[e] *Schelamer. de Nitro cap. 9.*

Nitrum plantarum vegetationem adjuvat.

[f] *Ibid. cap. 15.*

[g] *Lib. 1. Georg. vers. 193.*

[h] *Memoir del Acad. Royal de Scienc. ann. 1699.*

Cur in nitrariis herbæ non gignerentur.



festius indicium, quàm facilis conflagratio? Nam qui contendunt, Nitrum non esse inflammabile ea ducti ratione, quòd in calice fusorio candente, non aequè atque in carbonibus accendatur, nihil penè conficiunt: quoniam eo non evincitur Nitrum nullo modo esse inflammabile, sed tantummodo à quocunque corpore ardenti accendi non posse: quod profectò non solum evenire experimur in Nitro, sed in aliis bene multis substantiis apprime sulphureis, ac præsertim in camphora, quæ etsi omnium consensu pinguißima, ac maximè inflammabilis sit, nihilominus neque in calice fusorio candente, neque in carbonibus ignitis accenditur; licèt, admota flamma, ictu oculi ignem concipiat, ita ut vix ab ipsa aqua extinguì possit. Ex quo manifestè deducitur, ad corpora sulphurea inflammanda diversas materias ignitas, nimirum modò raras, modò densas esse adhibendas, pro varia singulorum intimarum particularum structura. Hinc fit, ut Nitrum, camphora, aliaque hujusmodi sulphurea corpora, quæ compage laxiori constructa sunt, à densiori igne minimè inflammentur, sed duntaxat à rariori. Etenim particula ignea à substantiis compactioribus, veluti metallis, arctius detinentur, nec circumquaque avolant, ac longius diffunduntur; ideo si illis corpus sulphureum, ac spongiosum admoveatur, agunt tantummodo intenso calore, ac vehementer in externam ejus superficiem, quam proximè tangunt: hinc omnes ejus partes citissimè resolvunt, ac inter se miscent: quo fit, ut particula sulphurea à cæteris eodem tempore exolutis obruantur, atque ab inflammationis motu cohibeantur. Contra autem, ignis tenuior, ac præsertim flamma, suas particulas assidue circumquaque confertim ejaculatur: hinc Nitrum, aliaque id generis, quæ laxa structura compinguntur, per eorum porulos quaquaversus intimè subit, ac particulas sulphureas in motum primum agit; (nam alias compactiores non adeò facile divellere potest) quæ particula confertim exoluta illico inflamman-  
[a] Lemery Cours de Chymie.

[b] De Nitro cap. 9.

[c] Memoir. de l'Acad. Royal. de scienc. anno 1700.

[d] Polydor. Virg. de Invent. Rerum.  
[e] Stephanus Forcatulus de Gallor. imper. & Philos. lib. 4.

Nitrum [c] aqua solutum eam refrigerat ferè eodem modo, ac Sal ammoniacus; liquores acidos minerales longè minùs.

[2] Multa ex Nitro à Chymicis utiles medicinæ parantur, nimirum Nitrum depuratum, fixum, lapis prunellæ, arcanum duplicatum, spiritus Nitri dulcis, aliaque, de quarum usu, ac præparatione copiosè differunt Practici, ac Pharmacopœi. Præ cæteris autem admodum elegans, atque utile remedium ex Nitro nostra ætate parari cœpit, quod Magnesium albam vulgò appellant. Cujus conficiendi modus, cum adhuc (quod sciamus) ex Auctorum editorum scriptis clarè non innotuerit; nos operæ pretium facturos existimavimus, si optimam rationem, qua Romæ confici solet, accuratè describeremus sequenti modo: Accipe residuum lixivii, ex quo Nitrum extractum sit (cave tamen ex Illustrissimi Lancisii monitu, nè factum, vel saltem nè refrigeratum sit in vasis æreis, ex quibus venefica vi imbueretur, sed in fictilibus.) Evaporetur sensim in vase pariter figlino, lento calore, donec omnis humor evanescat, atque ad terram sabulosam redigatur. Quæ terra exinde igni vehementi admoveatur, ac interim rude ferulacea assidue agitetur, ac probè misceatur, donec sulphure foetido penitus exhalato, in calcem æquabiliter, ac probè facessat. Quo facto calx prædicta aqua calida probè diluatur, atque aqua, inclinato vase, per decantationem ut ajunt, effusa, octies, aut decies nova aqua, ut dictum est, abluatur; quo fit, ut noxiis particulis salino-sulphureis in aqua depositis, purior, ac defæciatior evadat, ac pulveris albi forma in vasis fundo subsidat; qui Solis calore, vel vaporarii probè exiccatus, ac in ollam testaceam inditus, igne ut ajunt reverberii, incalescat, saltem tribus horis donec in pollinem albissimum, ac tenuissimum abeat. Denique pulvis iste mola marmorea optimè attritus per arctissimum subcuniculum excutatur, ac in phiala vitrea bene clausa, loco sicco asservetur. Secus enim nitrosis particulis, ac veneficis, rursus ex aere imbueretur, præsertim hyeme, quod etiam evenit, ex temporis diuturnitate. Quibus in casibus novo igne reverberii rursus est expurgandus. Pulvis iste, Magnesia alba dictus, eximia vi pollet abstersiva, leniter purganti, absorbenti, ac temperanti, acidumque potenter absorbet.

[3] Pulveris pyrii inventoris nomen [d] juxta nonnullos ignoratur. Alii fuisse tradunt Monachum, quendam Germanum, [e] Bertholdum Schvartum nominatum, aut Constantinum Anklitzen, ut alii malunt.






# I N D E X

## A R M A R I I S E C U N D I .

- S**al fossilis candidus ex Monte Carpa-  
to, omnium celeberrimus.  
Salis fossilis massæ, quæ in Calabria  
effodiuntur, loco dicto vulgò *Alto-  
monte*.  
Sal fossilis niger ex eodem loco.  
Sal fossilis ruber ex eodem loco.  
Sal fossilis cinereus ex eodem loco.  
Sal fossilis croceus Cappadocius.  
Sal Pannonicus pellucidus crystalli instar,  
qui vulgò dicitur *Sal gemmæ*.  
Sal purpureus ex parte quadam Siciliae, ubi  
Ætna mons est.  
Sal fossilis ex Sicilia tanti splendoris, ut  
imagines recipiat.  
Sal fossilis cinereus pellucidus Polonicus.  
Sal rubens Memphiticus.  
Sal fossilis niger Polonicus, in quo repe-  
riuntur carbonēs, qui instar scammonii di-  
cuntur purgare, ut scribit in sua Polonia  
Cromerius.  
Sal fossilis Padolicus habens cum falfedine  
saporem ovi duri.  
Sal fossilis niger ex Sarmatia, qui alvum  
emollit.  
Sal Metallicus variorum colorum.  
Sal Hispanicus ex agro Cæsaraugustano à  
quibusdam marmoreus, vel saxeus nun-  
cupatus.  
Salinum ex gemmeo sale confectum.  
Tabula quadrata ex Sale quodam fossili can-  
didissimo, & rubro colore distincto, crys-  
talli instar pellucido, in qua calculis,  
quos Recentiores scaccos vocant, luditur.  
Sal Ammoniacus nativus.  
Sal Ammoniacus Puteolanus candidus.  
Sal Ammoniacus Puteolanus niger.  
Sal Ammoniacus Puteolanus rubens.  
Sal Ammoniacus Puteolanus albicans.  
Sal Ammoniacus Puteolanus nigricans.  
Sal Ammoniacus Puteolanus croceus.  
Salis spumosa quædam efflorescentia, quam  
*ἀλὺς ἀχρὺς* vocant, à nonnullis Sal petrae  
marinus nuncupatur.  
Salis marini mica, vel granula candidissima  
in scopulis inventa.  
Sal marinus, qui sal panis, sive massa dici-  
tur, ex Romanis salinis ad Ostiam, & ex  
agro Ravennati ad Cerviam.  
Salis marini Stiriae.  
Sal lacustris ex Sardinia.  
Sal Naphthicus subniger odorem habens  
naphthæ.  
Sal Arabicus, qui jucundum, & suavem  
odorem spirat.  
Sal Cappadocius odoratissimus.  
Sal Putealis Volaterranus candidissimus.  
Sal Ammoniacus factitius foris nigricans,  
intus subcandidus.  
Sal Alkali.  
Sal ex succino.  
Sal ex ossibus humanis.  
Sal ex brassica marina conflatus.  
Sal Juniperinus.  
Sal ex corylo confectus.  
Sal ex absinthio.  
Sal Theriacalis Galeni.  
Nitrum nativum, quod lapidum modo ex-  
cinditur.  
Nitrum nativum, quod spongiæ modo per-  
foratum est.  
Nitrum nativum in candido-purpureum Vo-  
laterranum.  
Nitrum nativum colore roseo.  
Nitrum nativum Volaterranum cinereum.  
Nitrum nativum marmoreum.  
Nitri nativi Stiriae, quæ in profundis specu-  
bus colliguntur.  
Nitrum nativum, quod in campis, ex terra  
nitrosa sua sponte efflorescit.  
Nitrum nativum scissile, ex quo Borax ex-  
coquitur.  
Nitrum glebosum, ex quo Venetiis Chryso-  
colla conficitur.  
Nitrum translucidum aliud, ex quo Venetiis  
Borax conflatur.  
Nitrum coctum, & præparatum, Chrysocol-  
la vocatum, ab Arabibus autem *Borax*.  
Nitrum aquatile, quod in lacu gignitur, ut  
est illud à veteribus Chalastricum voca-  
tum.  
Nitrum ex purissima, levissimaque aqua  
Tyberis.  
Aphronitrum glebosum friabile.  
Spuma Nitri triticeæ farinae similis.  
Aphronitrum candidum plumosum, quod  
ex parietibus exudat.  
Aphronitrum flavum plumosum.  
Halinitrum.  
Stiriae ex halinitro candidissima.  
Halinitrum viride.







## ARMARIUM III.

## ALUMINA.

## DE ALUMINIS DIFFERENTIIS.

## CAP. I.



U<sup>m</sup> de Sale, & Nitro fatiſ pro instituto noſtro, in eo, quod præcedit, Armario, egerimus; reliquum eſt, ut de Alumine quoque aliquid dicamus. [a] Alumen itaque Græci ab aſtriſtione vehementiſſima *συμπηλα* vocant. [b] Iſidorus verò Alumen à Lumine nomen inveniffe tradit, quòd lumen coloribus tingendis præſtet. [c] Arabes proprio idiomate [1] *Sceb*, five *Seb* appellant. Qui ſuccus eſt aſtringens ex aqua, terraque Aluminofa Solis calore concretus; cujus plura ſunt genera, tum

natura, tum arte comparata. Natura quidem conficitur Alumen, cùm humor ſulphur combuſtum ſolverit: aqua enim pertransiens, aſtringenti inficitur ſapore, & craſſior facta tandem vi caloris in Alumen tranſit; quod aut liquidum invenitur, aut concretum; liquidum natura primum eſt; nam ex eo reliquæ ferè ſpecies omnes concreſcunt. Id vel purum eſt, maximè limpidum, lacteum, leve, finè lapidibus, igneum quiddam expirans, [2] *φοειμν* [d] Græcis nominatum: Vel ſordibus plenum eſt, colore pallido, *παράφορος* vocatum: Spiſſum verò, vel potiùs concretum, aut eſt ſciſſile, *σχίση* Græcis dictum, eo quòd molle ſit, & in minimas partes ſcindi poſſit; aut rotundum, *σφαιρόν* nuncupatum. Sciſſile, ſeu fiſſile Alumen, [3] *Jameni* Arabibus dictum, aut glebarum inſtar aſſulatim concreſcit, digitis admodum friabile; aut in capillamenta quædam ſingula, & caneſcentia dehifcit, *τριχίτης*, ſeu capillare propterea nominatum, vulgò Alumen plumæ. Rejicienda tamen eſt quorundam ſententia, qui lapidem Amiantum, quo mulieres ſibi illinunt genas, verum Alumen plumæ, vel *τριχίτην* eſſe cenſent. Rotundum, aut conglobatum eſt ſponte naturæ, non tamen abſolutè ſphæricum ſemper invenitur (habet enim nonnuncquam plurimos angulos) ſed ad rotundam figuram nonnihil accedens. Perſæpe bulloſum eſt, & (ut [e] Plinius ait) candido propius, finè arenis, friabile: Vel eſt pumicoſum, & foraminum fiſtulis, ſpongiæ ſimile; Aut talum refert, & ideo vocant *ἀσφαλαώτην*, quod talare dixeris: aut lateris figuram habet, & *πλινθίτης*, ſive latercularium nominatur: vel ex cruſtis conſtat, & *πλακίτης*, ſive cruſtarium dicitur. Proinde ſubſtantia Alumen inter ſe differt. Nam aliud craſſarum eſt partium, ut præcipuè liquidum; aliud tenuium, veluti ſciſſile. Colore quoque differt: nam vel candidiſſimum eſt, ut in Melo Inſula, in Ægypto lacti perſimile, variisſque aliis locis naſcens; vel nigrum, ſive parum admodum fuſcum, ut Cyprium; vel ſubrubrum, ut Puteolanum; vel pallidum, ut aliquando ſciſſile, atque rotundum; vel ſlaveſcens, ut liquidum Puteolis inventum. Aliud denique pinguiffimum eſt, ut liquidi omne genus; aliud minùs pingue, ut faſcitium. [f] Omne autem Alumen in aqua celeriter ſolvitur, & igne liqueſcit. Probaſiſſimum eſt ſciſſile recens, admodum candidum; nam cujuſque nativi, veluti ſlos eſt. Veteres etſi ad medendi uſum, ſciſſile, rotundum, & liquidum eligere videantur, alia tamen genera ipſos animadvertiſſe, ex [g] Dioſcoridis verbis conjici poſteſt.

Ferunt autem Alumen plurima fanè loca; nam ferè in omnibus fodinis concreſcit, ubi copioſè Pyrites inveniri ſolet: & non ſolùm in Lipara Inſula, quod

Etymologia, & nomina.

[a] Galenus lib. 5. Simp.

[b] Iſidorus lib. 16. cap. 1.

Alumen quid?

[c] Avicenna lib. 2. tract. 2. cap. 70.

Averr. de Simp. ex min.

Alumen quomodo natura gignatur.

Alumen liquidum.

*φοειμν*.

[d] Galenus lib. 6. de comp. med. ſecundum loc.

*παράφορος*, & *σχίση*.

*σφαιρόν*.

Alumen ſciſſile quale ſit?

Alumen *τριχίτης*.

Alumen plumæ non eſt Amiantus.

Alumen rotundum quid, & quale.

[e] Plinius lib. 35. cap. 15.

Alumen *ἀσφαλαώτης*, *πλινθίτης*, & *πλακίτης*.

Varia Aluminis ſpecies.

[f] Galenus lib. 9. Simp. & 4. de Comp. med. per genera.

Actius lib. 1. cap. 74.

Oribas lib. 2. cap. 56.

Aluminis probatio.

[g] Dioſcorides lib. 5. cap. 82.



[a] *Diodorus Siculus lib. 5. cap. 3. rerum antiquarum.*

Alumen quibus locis reperiatur.

Alumen quomodo arte paretur.

*Galenus lib. 9. Simp. Dioscorides ubi sup. Aluminis vires.*

*Serap. de simp. ex min. cap. 420.*

*Platear. de Simp. cap. 7.*

*Agineta lib. 7.*

quod cum nullo alio loco orbis generaretur (Diodoro [a] Siculo auctore) magnos Liparensibus, Romanisque afferebat quaestus: verum etiam Ægypto, Melo insula, Macedonia, Africa, Germania, Italia, aliisque locis reperiri, & veterum testimonio, & hodierna experientia constat: ut Puteolis prope Neapolim Aluminis omne genus, in Volaterrano, & Massano agro, in Ilva Insula, in comitatu Sanctæ Floræ ad Sylvenæ Castrum, ubi nos *τηχίτε* magnam vim collegimus omnibus notis insigniti, quas illi veteres tribuerunt. Reperitur quoque in Ænaria, quam Ischiam hodie dicimus, ubi ultimò vidimus, non ita pridem detectam Aluminis venam, ex qua præter naturalia frustra plurima, unum artificiale attulimus, candidum, & perspicuum, ut CrySTALLUM ementia- tur, idque ipsum imperitioribus sæpe videatur. Arte quidem paratur Alumen vel ex aquis ipsis suapte natura Aluminosis adeò decoctis, quousque in Alu- men spissentur; vel etiam ex illis aquis conficitur, quibus vel vena aluminosa, vel saxum, aut Pyrites aluminosi prius fuerint resoluti, ut mox sequenti capi- te fusiùs fumus dicturi.

Cæterum omne Alumen usque adeò apertè exiccat, ut (testante Gale- no) tertium siccitatis gradum obtineat: excalfaciendi interim (auctore Dio- scoride) facultatem habet. Insuper astringit, expurgat, discutit oculos ob- scurantia, carnosæ palpebrarum vitia consumit, & quæcunque per corpus re- liquum excrescunt. Sanguinem profluentem, & aurium fluxiones inhibet: gingivas humore turgidas comprimit: dimotos, vacillantesque dentes cum aceto firmat. Ex eo comparatæ aquæ Chironiis, malignis, putridis, & pa- scentibus ulceribus conveniunt, non tam detergendo, quàm nè longius ser- pant cohibendo. Inutilem denique tum putridam, tum excrescentem carnem absumit. Et hæc de Aluminis differentiis, sive generibus, generatim admo- nuisse nobis satis sit.

## N O T Æ.

[1] Alumen Arabibus vocatur *شباب* Sciabon.

[a] *Exerc. Plinian. in Solin.*

[2] Hoc Aluminis genus à Græcis appellatur *φοειμν*, quasi utile; quod venditum magnam afferret utilitatem. Salmasius [a] verò suspicatur legendum potius pro *φοειμν*, *φωειμν*, idest alumen- mistum.

[3] Hic quoque pro *ἡρόδοτος*, *παραδοξισμ*, idest commistum, legi debere conjicit Salmasius.

[4] Alumen Scissile est *اليمانى* *Aljermanio*, ut habetur apud Avicennam, idest *Jermanite*, aut *Je- manicum*, quod nomen gentilitium est regionis, quæ Arabia foelix appellatur.

## DE ALUMINE RUPEO,

Et reliquis, quæ inter Alumina recensentur.

### C A P. II.

An Alumen rupeum sit idem ac liquidum veterum.

**A**LUMEN Rupeum vocatur, eo quod ex prærupto monte vena illa, ex qua conficitur, excindatur; quæ quidem vena vulgò dicitur *Rocca di Alume*: quare etiam Alumen Rochæ à nonnullis nuncupatur. Quo verò nomine Græ- ci, Latinive nominarint, parum constat. Neque me latet, quosdam hodie reperiri, qui liquidum antiquorum Alumen constanter hoc ipsum esse affir- ment, quod in Aluminis fodinis Summi Pontificis ad Tolfam, arte paratum, studiosè per mercatores, sub nomine *Alume di Rocca*, jamdudum extra Italiam ad gentes alias exportari cœpit: quod ut in primis Brasavolus, quem alii postea secuti sunt, probare videretur: *Alumen Rochæ*, inquit, *quum defoditur liquidum est; postea indurescit*. Sed quantum in eo viderit, vel non viderit, potius ii facillè judicabunt, qui se aliquando eò, ubi rupeum hoc Alumen con- ficitur, contulerint, ut ego feci, qui propiùs Aluminis hujusmodi conficiendi ratio-



rationem spectavi. Et nè rei veritas quenquam lateat, eam hìc diligenter expressam, qua potui brevitate adjunxi.

Primum quidem Aluminis vena ex rupe quadam jam eruta, quæ vel alba, vel subrubens excinditur instar lapidis dura, & gravis, contracta in fornace calcariæ simili exuritur, donec rubescat, & fenum sulphureum exhalet, quod

Aluminis rupei conficiendi modus.



*Aluminis uena 5 Fornax 3 Area 4 Cochlear altum 2  
Canaliculus 7 Cortina 6 lacus in quibus alumen concrevit 8*

fit duodecim, aut quatuordecim horarum spatio; nam si plus, minusve aduretur, vel durior fieret, vel in cinerem converteretur. Ea demum refrigerata, ex fornace extrahitur, & in aream convehitur, aliisque alia superponitur, ut strues fiat longa, quæ dies quadraginta aqua irrigatur: hyeme verò manè, & ve-



Alumen rupeum factitium, non est liquidum Græcorum.

Aluminis rupei descriptio, facultates, & usus.

Alumen Scagliolæ quid sit.

Alumen Catini quid.

Alumen fæcis.

Artificialis Aluminis confectio.

Alumen quomodo natura gignatur.

Quibus indiciis acidum, & Alkali in Alumine deprehendatur.

CrySTALLORUM Aluminis figura.

& vesperi; æstate etiam interdiu, donec calcem restinctam materia ipsa referat. Hæc tunc materia in æream cortinam aqua fervente plenam paulatim conjicitur, certa quadam quantitate, quæ sufficiens à Ministris judicatur, & batillis, quæ usque ad fundum pertingunt, materia ipsa ab imo revolvitur, agiturque, & cum aqua commiscetur. Aquam tandem Alumine refertam, & ad congelandum aptam, per canaliculos ducunt in quosdam lacus querneos, vel cerreos, in quibus aqua congelatur, & in Alumen densatur; hyeme, diebus quatuor, æstate, sex; postea foraminibus, quæ in lacuum fundo sunt, apertis, aquam non congelatam excipiunt vasculis, & super aliam materiam in cortinam refundunt, iterumque recoquunt: quæ quia non caret Alumine, melior est aquis Aluminis prorsus expertibus. Diligentius itaque explorata hac conficiendi ratione, facile deprehendi potest, Rupeum hoc factitium nequaquam esse liquidum Græcis vocatum, siquidem ut reliquas, in quibus differunt, notas omittam, illud artificio quodam, quo diximus, fit ex durissimo quodam lapide: hoc autem natura facit ex aqua, & terra aluminosa, aut (ut Plinius ait) ex aqua & limo, idest, terræ exudantis natura. Cæterum Alumen rupeum solidæ est substantiæ, colore candido, & aliquando subrubro visitur, CrySTALLI modo pellucens, quando scilicet optimè depuratum, defæcatumque sit. Facultate autem hoc cæteris Aluminibus simile est, quanvis non æquè valida: astringit similiter, & exiccat. Uritur, & in pulverem redigitur, atque excrescenti carni utiliter imponitur: cum torretur, in bullas tumet æquè, ac nitrum. Hoc ipso (non quidem usto) locis quibusdam vinum vile conservatur; prohibet enim nè in vasis fiant turbulenta, sed qui hæc faciunt, parum valetudini consulunt.

Porrò alia inter Alumina recensentur, quæ nullam cum Alumine cognationem habent, veluti est Alumen *Scagliolæ*, Alumen Catini, & Alumen fæcis vini.

Alumen *Scagliolæ* officinæ appellant, quod lapidem specularem vocamus, eo, quod Aluminis instar pelluceat, & in squamas scindatur: quapropter *Scagliolum* vocant, quasi squamosum: vulgò *Asini* speculum nominatur, de quo inferius etiam sumus dicturi.

Alumen Catini, cujus in Salium Armario mentionem fecimus, ex herbæ cujusdam cinere conficitur, quæ *Kali* ab Arabibus vocatur, vulgò *Soda*; quod quidem Aluminis genus à vitrariis duntaxat expetitur, ad vitrum scilicet in fornace expurgandum.

Alumen fæcis vini fit ex vini fæce in globos compacta, atque Sole siccata, deinde tam diu exusta, donec candorem ducat; quo mulieres præcipuè utuntur, ut earum crines flavescant.

#### N O T Æ.

Constat Alumen, ut asserunt Chymici, ex acido sulphureo, ac materia terrestri vel lapidea alkalica, ex quorum complexione ac copulatione sal iste falsus efficitur: quod non ineleganter experimentis demonstratur, ac præsertim ex ipsius confectio, quæ artificio fit hoc modo. Diluatur creta in spiritu sulphuris aut chalcanti: ex dissolutione crySTALLI concrecent, Alumen admodum referentes. Itaque non absimili ratione Alumen natura quoque gigni probabile est, seu dum particulæ salino-acidæ in succo aqueo lapidescente fluitantes, unâ cum ipso in lapideam substantiam concrecent, seu dum eadem particulæ à terrestribus vaporibus abreptæ, lapidum, aut alterius corporis fossilis durioris poros subeuntes implicantur, ac detinentur.

Acidum verò multis rationibus in Alumine deprehenditur. Distillatum enim phlegma acidum emittit: ipsius autem solutio papyrum cœruleam, ac succum heliotropii rubro colore satis intenso tingit, lac coagulat, solutionem gallarum turbat, albam efficit, & nonnihil ex ipsa præcipitat. Si cum oleo tartari, aut alio liquore alkalico misceatur, præcipitatur pulvis quidam albus, ac ad lapideam substantiam accedens. Etenim acidum Aluminis dissolutum, cum poris salis tartari, aut alterius alkalici aptius congruit, ideo cum eo facilius sociatur, relicta lapidea materia, qua detinebatur.

Aluminis crySTALLI figuram referunt, ut plurimum octaedricam: Hinc Gulielmus ejus elementares particulas semioctaedricas esse contendit, seu pyramides bases quadratas habentes, quarum bases si uniantur, octaedrum efformant.



## I N D E X

## A R M A R I I T E R T I I.

**A**lumen liquidum candidum *φρέϊν*  
Græcis dictum, Puteolanum.  
Alumen liquidum colore pallido  
sordibus plenum *ῥέρεον* voca-  
tum.

Alumen scissile, seu fissile, glebarum instar  
assulatim concretum, digitis admodum  
friabile, Volaterranum.

Alumen scissile ex sylvena, ex quo chalcan-  
thum efflorescit.

Alumen scissile, subnigrum, cum chalcantho  
mistum, ex Sylvena.

Alumen scissile, quod in capillamenta ca-  
nescentia dehiscit, vulgò Alumen plumæ,  
Puteolanum.

Alumen luteum, scissile, Puteolanum.

Alumen rotundum, candidissimum, Puteola-  
num.

Vena Aluminis rotundi.

Vena Aluminis cum Misy, Puteolana.

Alumen pumicosum, foraminum fistulis spon-  
giæ simile ex agro Massano.

Alumen talare *ἀσβεργαλωτή* vocatum, Puteola-  
num.

Alumen latercularium, quia lateris figuram  
habet, Puteolanum.

Alumen Crustarium, sive *πλακίς*, Puteola-  
num.

Alumen candidissimum lacti persimile, Pu-  
teolanum.

Alumen scissile, pingue, candidissimum, Pu-  
teolanum.

Alumen nigrum, minùs pingue, Puteolanum.

Alumen pallidum, scissile, Puteolanum.

Alumen liquidum, flavescens, Puteolanum.

Alumen subrubrum, scissile, Puteolanum.

Alumen scissile, violacei coloris, Puteolanum.  
Vena nigra Aluminis Puteolana, cui Alumen  
candidum nativum inest.

Aluminis vena alba, ex Tolfa, ex qua Alu-  
men Rochæ conficitur.

Aluminis vena in cinereo nigra ex Agro  
Massano, ex qua Alumen excoquitur.

Aluminis vena subrubra, instar lapidis dura,  
& gravis ex Tolfa.

Aluminis vena candida, dura, ex Ænaria in-  
sula, quam Ischiam vocant.

Alumen Rochæ arte paratum subcandidum  
ex Tolfa.

Alumen Rochæ in candido rubrum arte pa-  
ratum ex Tolfa.

Alumen Rochæ arte paratum, candidissi-  
mum, & instar cryalli perspicuum ex  
Ænaria insula.

Alumen subrubrum, variis angulis, & formis  
insignitum, ex Ænaria insula.

Alumen saccharinum factitium.


Alumen facis vini.

Alumen Scagliolæ.

Alumen Catini.









# ARMARIUM IV.

## SUCCI ACRES.

### DE ATRAMENTO SUTORIO.

## C A P. I.



ORDINIS ratio postulare videtur, ut post Aluminis tractatum, statim de Atramento Sutorio differamus, quod nimirum Alumini valde sit cognatum. [a] Græci (ut ait Plinius) *cognitionem* [1] *æris nomine fecerunt*, & Atramento Sutorio; appellant enim *χάλκανθον*, composito nomine, ut ab æris flore, quem Græci *χαλκὸς ἄνθος* vocant, distinguatur. Atramenti autem Sutorii nomen accepit, quod in denigrandis pellibus olim Sutores coriarii illud usurparent: à vitri verò similitudine vitriolum vulgò

nominatur; quoniam vitri modo pelluceat: [b] Arabes [2] *Chalcanthum*, *Calcant*, *Calcand*, & *Calcadis* vocant: Itali *Vetriuolo*: Hispani [3] *Coparosa*: Galli *Coperose*: Germani *Couffer Wasser*, idest aqua cupri. Atramentum verò Sutorium nihil aliud est, quàm succus quidam, acerbus, peracris, atque astringens, frigore, vel Solis calore condensatus: nam ab utroque confici reperitur. *Fit* (inquit Plinius) *& in saxorum catinis pluvia aqua corrivato limo gelante: Fit & salis modo flagrantissimo Sole admissas dulces aquas cogente*. Generaturque non solum cum humor ipse pyritem ærosum, atque friabilem corroserit, verum etiam cum ab ipsa vi caloris ex terris exprimatur, non secus atque alumen, & reliqua, quæ ipsi chalcantho magis sunt cognata, ut chalcitis, misy, sory, & melantheria, de quibus suo loco dicemus.

Chalcanthum verò, eique cognata ab alumine differunt: nam præterquam quod astringunt, multam etiam acredinem obtinent: colore quoque differunt; nam alumen ferè candidum est semper: chalcanthum rarò, sed plerumque cœruleum, aut viride. Quin etiam ex his, quæ ipsi sunt cognata eodem modo discrepant: chalcitis etenim rubra est, & æris habet colorem; misy auri; sory nigri, vel cinerei: melantheria plerumque nigra est, quæ tamen exiccata, persæpe cinerea fit. Differunt etiam in hoc à chalcantho: nam sory, melantheria, chalcitis, misy, fossilia semper sunt: chalcanthum verò, & fossile, seu nativum, & factitium habetur. Rursus, quanvis omnes hi succi aqua liquentur, duri tamen, & subpingues tardiùs quàm molles, & macri.

Fossile chalcanthum nonnullis Copparosa vocatur, quod vel stiriæ formam habet, vel glebæ, vel capillis, & plumis simile est: tam id, quod stiriæ, quàm quod plumas refert, stillatitium vocant, sive in fibris, commissuris, quæ saxorum frigore [4] condensatum invenitur, sive in cuniculis, & speluncis stiriæ modo pendeat, aut postquam distillatum fuerit in earum solo jaceat, Græci *σαλακτίτην*, *σαλακτικόν*, & *λογχωτόν* vocant quandoquidem, ut diximus, in stiriæ distillando concrevit; quod verò glebæ figuram habet *πηκτόν* Græcis dicitur, hoc est concretum, quod scilicet in glebas condensetur; cujusmodi in agro Sylvenæ infra terræ viscera reperitur, cujus ego magnam olim copiam asportavi, ex quo aliud sponte quidem fiebat, & ex pyrite efflorescebat non aliter, ac stillatitium vocatum, stiriis, capillis, & plumis simile, jucundo admodum naturæ artificio. Proinde colore chalcanthum à chalcantho differt: nam vel candidum invenitur, quod [5] *λευκόον* Græci vocant à violæ albæ similitudine, vel pallidum est, vel viride, vel cœruleum, idque non minùs pro

[a] *Dioscorides lib. 5. cap. 73.*  
*Galenus lib. 9. Simp. Plinius lib. 34. c. 12.*  
 Etymologia, & nomina.

[b] *Avicenna lib. 2. tract. 2. cap. 48.*  
*Averroes de Simp. ex min.*  
*Serap. de Simp. ex min. cap. 386.*  
 Chalcanthum quid sit.  
 Quomodo gignatur.

*Galenus lib. 4. de Comp. Medic. secundum loca, & lib. 2. de Comp. Medic. per genera.*

Differentia inter Chalcanthum, & Alumen.  
 Chalcanthi cognata fossilia, quo inter se differant.

*Dioscorides lib. 5. cap. 74.*

Chalcanthum stillatitium.

*Dioscorides ibidem.*  
 Chalcanthum *πηκτόν* ex Sylvena.

Chalcanthi differentia à colore.



*Agricola lib. 3. de natur. foss.*

*Agricola ibidem.*

*Dioscorides ubi sup.*

*Oribas lib. 2. cap. 88.*

*Actius lib. 1. tetra-*

*bibl. serm. 2. cap. 77.*

*Chalcanthi dele-*

*ctus.*

*Dioscorides ut supra.*

*Galenus 4. Simp. &*

*9. & 4. de Comp.*

*Med. per genera, &*

*13. Meth.*

*Plinius lib. 34. c. 12.*

*Isidorus lib. 16. cap. 2.*

*Chalcanthi vires.*

*Oleum distillatum Chalcanthi.*

[a] *Lib. 34. cap. 12.*  
[b] *Comment. in Plin. Salmas. exercit. Plinian. in Solinum.*

regionum, ac cœli situs, quàm pro materiæ fossilis varietate, ex qua sponte nascitur, vel artificio paratur. Rursus quoddam pellucidum est, ut plerunque stillatitium: quoddam caret perspicuitate, ut glebosum: aliud spissum, & grave est: aliud rarum, & leve; quoddam subpingue reperitur; & persæpe candidum, macrum aliud; subpingue dum torretur, in bullas tumet æquè, ac nitrum, & alumen: quod verò subpingue non est, tantùm fit siccum; aqua liquatur omne chalcanthum perinde ac sal.

Cùm autem alterum naturale sit, alterum factitium, de quo sequenti capite sermonem habebimus, præstantior ex nativo medicina est. Eligitur autem stillatitium, quod perspicuum sit, grave, densum, cœruleum, aut viride, vehementer (ut Galenus testatur) calefacit, & exiccat; ideo vehementissimam unà cum acredine astrictionem obtinet, adeoque constrictæ facultatis est, (auctore Plinio) ut in leonum, & ursorum ora sparsum, tantam vim habeat ad stringendum, ut non valeant mordere: Per os sumptum (ut Dioscorides ait) vomitum provocat: contra fungorum venena potum in aqua occurrit: peste correptis auxiliatur præsertim si fossile, quod Copparosam vocant, propinetur; dissolvitur enim in aqua rosarum, & iterum cogitur, reiteratis tribus, aut quatuor vicibus, daturque obulus ex aqua oxalidis, vel buglossa: ad pellendas etiam ventris tineas denarii pondere sumptum utile admodum est: caput purgat, si dilutum aqua naribus instilletur: passim utuntur uto, lotoque ad sanguinem profluentem sistendum, atque ad maligna ulcera, fistulasque detergendas. Ex eo autem tam nativo, quàm factitio oleum extrahitur magna ignis vi, vitreis vasis; quo quidem utuntur in peste, guttam unam, aut alteram potui exhibentes, cum acetosa, vel borraginis aqua. Sunt, qui calculosis, & ad ciendam remorata urinam valere affirmant, si semisrupuli pondere ex aqua agrimonix exhibeatur: cùm verò sit causticæ naturæ, quidam pro igne potentiali uti solent, & cum hoc ipso incidunt membra, cultro scilicet inuncto tangentes. Eo si jam sauciata tangantur verrucæ, abscedent.

# NOTÆ.

[1] Quod Latinis Atramentum Sutorium, Græcis χάλκανθος, & χαλκανθὲς aptissimè vocatur, quasi æris flos, ob quandam cognationem, ut eleganter ac verè [a] Plinius, quæ quidem re, non autem solo nomine, ut existimat [b] Harduinus, cum ære, Chalcantho intercedit: nanque in æreis fodinis plerunque efflorescit, & ex ipso ære componitur. Frustrà igitur Salmasius, hujusmodi etymologia rejecta, suo quodam more, atque instituto (Plinii reprehendendi studio ductus) obvia, ac in medio posita omittens, remotissima, qua est vasta eruditione, sectatur, & captat: contendit enim Chalcanthum à χάλκη potiùs, idest purpura cœrulea dictum ob coloris similitudinem: nullamque inter æs, & Chalcanthum affinitatem agnoscit.

[2] Chalcanthum Arabibus dicitur قلعدي Calcadon, à Græco χαλκανθός: & زاج الأخضر Zagio Alachadaro, hoc est, zagon viride, ut vulgò vertunt, seu viride ad cœruleum vergens, ut vult Salmasius. قلعدي Calcadison verò dicitur potiùs de Chalcitide, licet nonnunquam pro Chalcantho accipiat.

[3] Coperosæ nomen tractum esse existimat Salmasius ab Arabico قبرشي Kabruson, hoc est Cyprium Chalcanthum.

[4] Injuria rursus falsitatis, atque imperitiæ Plinium arguit Salmasius, scribentem Chalcanthum frigore progigni: quod ipse omnino falsum, immo ridiculum judicat, eo argumento, quia si Chalcanthum frigore concreveret, deberet calore regelari. Etsi enim id ita evenire in liquoribus aqueis passim comperiat, longè tamen secus res sese habet in salinorum corporum concretionibus, quæ licet frigore faciliùs densentur, ac coalescant, ut expositum est in salium generatione; ac evidentè apparet in lixivialium confectione, nihilominus non eodem modo, ac glacies calore liquecunt: immo sicciora, duriora, ac compactiora evadunt, dummodo ignis temperatus adhibeatur, nec adeò vehemens, ut ab eodem fundantur.

[5] Nulla quidem apud Græcos Auctores fit mentio de Chalcantho hoc, Leucoio appellato, itaque ex sequentibus Plinii verbis id accepit Mercatus. Sed ex eo colorem candidum sentientem violam, leucoion appellant. Verùm locum hunc corruptum esse admonet Salmasius, ac se in veteri codice ita scriptum comperisse tradit: Sic ex eo candidum sentientem violam, lonchoton appellant; quod ipse sic omnino censet emendandum. Sic ex eo quodd dependet ut lanciola, lonchoton appellant. Nam Chalcanthi genus, λανχων apud Dioscoridem appellatur, quasi lanceatum, quod in lanceæ figuram concreverat.



## DE FACTITIO CHALCANTHO,

## Ejusque conficiendi ratione.

## C A P. I I.

**F**ACTITIUM Chalcanthum est, quod Dioscorides secundum, & tertium facit, & hoc propriè *πικτόν*, idest concretitium, illud *ἑσθόν*, idest coctum appellari asserit; hujusmodi reperitur in Ægypto, in Africa, in Cypro, in Germania, in Hispania etiam dixerunt veteres auctores; item in Italiæ locis multis, ut in agro Romano, non longè à Balneo Regio in Comitatu S. Floræ ad Sylvenam, in agri Senensis loco, qui vulgò dicitur *Petrojo*, non procul à Pientia Civitate, in Ilva Insula, in Volaterrano agro circa lacunas ad Strissia pagum, & alibi. Non eodem modo conficitur nunc, veluti olim conficiebatur: majori enim industria, & artificio in hoc ipso parando utimur nos, quàm veteres unquam usi fuerunt. Hujus autem conficiendi rationes variæ fuerunt. Plinius [a] *Fit, inquit, & in Hispania ex puteis, stagnisve id genus aquæ habentibus. Decoquitur ea admixta dulci pari mensura, & in piscinas ligneas funditur. Immobiles super has transstris dependent restes lapillis extentæ, quibus adhærens limus vitreis acinis imaginem quandam uvæ reddit. Exemptum ita siccatur diebus triginta. Color est cæruleus, perquàm spectabili nitore, vitrumque esse creditur: diluendo fit atramentum tingendis coriis. Fit & pluribus modis, genere eo in scrobes cavato: quarum è lateribus distillantes hyberno gelu stirias stalagmiam vocant. Dioscorides [b] ait, aqua madefactum decoquunt, mox in piscinas transfundunt, & residere patiuntur. Hoc certis diebus coalescit, in complures formas digestum, tesserarum speciem reddentes, quæ racematim inter se cohærescunt.*

Galenus verò lib.9. *Simplicium, inquit, Aquam tantum Chalcantio refertam, quæ guttatim quotidie ex pertuso Cypri colle distillabat, colligebant, eamque è cuniculis in piscinas quasdam quadratas fictiles efferebant, in quibus paucis diebus frigore, vel Solis calore, concresecbat, fiebatque Chalcanthum, quod πικτόν Græci, Latini autem Concretum nominabant: Nostrum verò, quod Vitriolum Romanum appellant sequenti sanè modo fieri conspeximus, cum in Romano agro non longè à Balneo Regio, tum in Comitatu Sanctæ Floræ ad Sylvenæ Castrum; ubi ingens copia quotidie fit: nam undecunque terra effoditur, vena Chalcantiosa reperitur; quamobrem aptissimè Sylvena vocata fuit, quasi venarum sylva, in qua non tantum Chalcanthi, sulphuris, pyritidis, stibii, venæ sunt, verum etiam aliorum multorum, quorum nec minimam partem in reliquis Italiæ locis invenimus unquam, nec alios invenisse legimus.*

Chalcanthum ubi nascatur.

[a] Lib.34. cap.12.  
Modus Chalcanthi conficiendi ex Plinio.

[b] Idem ex Dioscoride lib.5. cap.4.

Ex Galeno.

Sylvena unde dicta.

Sylvena diverforum fossilium feracissima.

Venæ ex qua Chalcanthum conficitur descriptio.

Vena Chalcanthi veterum Melantheria existimatur.

Eadem quomodo fodiatur.

Chalcanthi vapores fossorum sanitati utiles.

Quomodo ex effossa vena Chalcanthum pareatur.

Vena igitur ex qua Chalcanthum arte conficitur terrea prorsus est, colore exterius nigro, interiùs verò cum frangitur, & siccatur, aliquando ad cinereum tendens, acri, astringentique sapore; quam quidem antiquorum melantheriam esse putamus, quod ab iis eisdem notis, quibus apparet, describitur. Foditur hæc interdum in subterraneis specubus, vel montium cavitatibus; interdum verò aperto undique cælo puteorum instar, non quòd pestilentes, & lethales exhalationes emittat, vel potiùs conclusas habeat, (ut malè sibi persuaserunt nonnulli) sed quòd aliquando cuniculos in quibusdam locis effodientes agere nequeant; tantum enim abest, ut in subterraneis speluncis noxium vaporem cruet, sicuti quotidiana docet experientia, ut potiùs eorum sanitati conducatur. Postquam autem materiam effoderint in amplissimam aream sub dio, vel potiùs sub constructum tectum, nè, aut Chalcanthi materia imbris eluatur, aut Solis ardoribus silentem intrà se ignem excitet, eam comportant, ibique in longitudinem extractam in acervum accumulunt, tandiu rastris, & ligonibus eam dilacerantes, ac subvertentes, donec in pulverem redigatur; quod quo diutiùs fit, & sæpius eo aptior materia redditur ad Vitriolum excoquendum,



Materia Chalcanthi  
quomodo diluatur.

dum. Hoc cum factum fuerit, alveum quendam ex lateribus, & calce extruunt, & crusta quadam tenuissima undique circumlinunt: hunc aqua replent canalibus eò deducta, deinde tantum illius Chalcanthi materiæ in hunc alveum conjiciunt, quantum sat fuerit, & tandiu ministri ligneis quibusdam instrumentis (*tragoli* vulgò vocantur) immissam materiam aquæ commiscent, usque dum aqua omne quod inest vitrioli in se conceperit; postea bene quiescere sinunt, donec recrementa in imum descenderint: Quo facto aquam Chalcantho refertam, beneque defæcatam, aperto in alvei latere foramine, extrahunt,



*Vena Vitrioli tecto aperta 1 Cortina plumbea 2 Alueus 3  
Tragolo 4 Receptaculum magnum 5 Alueoli 6*

& in magnum transferunt receptaculum: hinc postquam claritatem, & viridem colorem conceperit, eximunt, & in cortinas plumbeas, quas caldarias vocant, extructis prius fornacibus crates ferreas intus habentibus per canales deducunt.



cunt. Deinde validissimum succendunt ignem, ut infusa ferveat aqua : interim ferri frusta: (cætera enim metalla injecta non colliquescent) in aquam injiciunt, quo ponderosius, & pellucidius postea Chalcanthum concresecat. Ubi autem ad dimidiam partem vel mellis spissitudinem decoxerint, iterum novam superindunt aquam, quatuor, aut quinque vicibus repetendo viginti quatuor horarum spatio: mox decoctam aquam in quendam adjunctum alveum transferunt, sinuntque quiescere, donec tepida fiat, quam tepesactam alveolis quibusdam ex castaneorum ligno factis excipiunt: ibi enim spatio quindecim dierum concresecit, fitque Chalcanthum vitream referens substantiam, colore viridi, vel subcœruleo, redigiturque in panes, & à mercatoribus ad omnes ferè Europæ oras exportatur. Decocti verò reliquum, à quo secessit Vitriolum, ad caldarias iterum coquendum remittunt eadem, qua diximus, ratione.

Affertur etiam hac tempestate ex Cyprio Insula factitium Chalcanthum cœruleum, ac nitens, nec non ex Germania. Cyprium veteres in Medicinæ usu maximè probabant (Plinio auctore) nostra verò tempestate Romanum omnium validissimum censetur, tam ad Fortem vocatam aquam conficiendam, quàm ad pelles denigrandas, lanasque inficiendas. Germanicum verò infimum omnium tenet locum.

## N O T Æ.

Chalcanthum ex acido minerali sulphureo ferri, aut cupri poris excepto, atque intimè misto progigni, convenit penè inter omnes: Quod satis apertè demonstrari videtur, tum ex ejus generatione artificio comparata, tum ex ipsius analysi. Siquidem duplici ratione chalcanthum chymicæ artis ope conficitur. I. Ex ferri, aut æris unà cum sulphure calcinatione; qua sales acidi sulphuris exoluti prædictorum metallorum compagem subeunt, atque cum eis arctè copulati in salem abeunt ad chalcanti naturam summopere accedentem. II. Ex ferreæ scobis, vel æreorum ramentorum dissolutione in spiritu sulphuris, vitrioli, aut alterius consimilis, chalcanthum pariter concresecit, ex mutua particularum metallicarum unà cum acidis complexione. Acidum verò multis indiciisprehenditur in chalcantho. Etenim ejus solutio heliotropii tricocci solutionem, aut papyrum cœruleam rubro colore tingit, licet non adeò intensè, atque ejus spiritus: quoniam sales acidi materia metallica irretiti, nequeunt suas vires exerere, æquè ac dum exoluti, atque expediti fluitant in phlegmate. Eadem solutio lac coagulat, oleum verò tartari, atque aquam calcis, sibi commista, cinereo colore inficit.

Sed nihil æquè ad chalcanti naturam illustrandam facere videtur, atque ejus commistio cum solutione gallarum; ex qua atramentum confici notissimum est. Atramentum enim nihil aliud esse videtur, ut optimè experimentis conjicit Cl. Lemery [a], quàm ferri particulæ minutissimæ, ab acido, cui prius jungebantur, separatæ, atque in liquore aqueo fluitantes, ac suspensæ. Etenim dissoluto chalcantho, in diluto gallarum, aut aliorum vegetabilium adstringentium, nimirum, balauftiorum, Rhois, Rhabarbari &c. pars ipsius acida ferri ramentis relictis cum alkali gallarum jungitur, particulæ verò ferreæ in tenuissimum pollinem, ab acido corrosivo comminutæ, per liquoris substantiam disperguntur, ac partim molis parvitate, ac levitate, partim viscositate quadam gallarum (ad quam augendam gummata quoque admisceri solent) suffultæ non præcipitant, ut alia alkalia solent ab acidis separata in solutionibus, sed per universam liquidi substantiam dispersæ sustinentur, atque atro suo colore liquorem inficiunt. Hinc etiam ex solo ferro, aut in spiritu sulphuris dissoluto, aut in minutissimum scobem redacto, ac gallarum solutioni permisto, atramentum paratur. Spiritus autem vitrioli atramento conficiendo ineptus est, quod ferreas particulas exuerit, ideoque gallarum solutionem tantum turbat, ac cinereo colore tingit. Immo atramenti lituras delet, quod ejus sales acidi ferrearum particularum porulos iterum subeunt, externam superficiei texturam immutent. Propterea vitreolum cœruleum, Cyprium nimirum, & Hungaricum atramento conficiendo minùs est idoneum, quod magna cupri quantitate, parva ferri scateat. Etenim si solutioni ferri æs adjiciatur, color ex viridi fit cœruleus: quo major autem copia æris vitreolo admiscetur, eo magis atramentum, ex eo confectum ad rubrum colorem vergit. Atramentum chartam cœruleam rubram reddit ob sales acidos, qui gallarum porulis copulati latent. Vitrioli crystalli referunt figuram Rhomboideam.

Cum chalcanthum in medicinis internis adhibetur, viride, ac Romanum feligendum est, utpote quod ferrum admistum habet humanis visceribus magis amicum: nam cœruleum, ob æris admistionem, omnino vitandum; noxium enim admodum est, ac vomitum ciet. Nisi quis pro emetico uti velit. Quo tamen in genere tutiora semper sunt anteponenda: Ufu verò externo cœruleum est præstantissimum, juxta Mercatum nostrum, aliosque.

Propterea, ut tutiora ex chalcantho parentur remedia omni prius ære est probè expurgandum, quod præ cæteris sequenti ratione facile absolvitur. Chalcanthum aqua communi dilutum igni admoveatur; cumque efferbuerit, rudicula ferrea agitur: nanque acidorum cuspidēs, æris particulis dimissis, ferreis, cum quibus facilius congruunt, dissolutis copulantur: quo fit, ut dictæ areæ particulæ acido, quo sustinebantur destitutæ, invicem paulatim coeant, ac in locum ferri, à salino liquido dissolvente abrepti, sensim faceffant, donec totius rudiculæ spatium compleant. Quo experimento nonnulli decepti rudem dictam, ærea crusta obductam cernentes, ferrum in æs immutatū credunt, cum revera æræ particulæ locum ferri decedentis tantummodo occupaverint.

Para-

Solutionis excoctio.

Chalcanti concretio.

Chalcanthum Cyprium, &amp; Germanicum. Romanum omnium validissimum.

Chalcanthum quid sit.

Artificiosa Chalcanti generatio.

Acidum qua ratione prodat Chalcanthū.

[a] *Memoir. de l'Acad. Royal. des Sciences.* ann. 1707.

Qua ratione ex vitriolo atramentum gignatur.

Spiritus Chalcanti, cur atramento conficiendo sit ineptus.

Quod vitrioli genus atramento parando sit commodius.

Chalcanti delectus in medicina.

Qua ratione Chalcanthum ab ære expurgetur.



Spiritus chalcanti  
cū aquam calefa-  
ciat.

Cur idem olea in-  
flammet.

Paratur ex Chalcantho spiritus acerrimus: qui in aquam affusus ingentem calorem excitat; eo quod præter sales acidos magnam copiam materiæ sulphuræ, atque inflammabilis contineat, quæ aquæ dissolventis actione à nexu prædictorum salium liberata, celerrimo motu cietur, ideoque incalcescit. Si verò dictus spiritus phlegmate probè expoliatus, ac ut ajunt, rectificatus, cum oleo terebinthina, caryophyllorum, aut cinnamomi, vel alterius exotici aromatis, pariter ab omni liquore aqueo optimè expurgato, societur, flammam repente concipit: quoniam acidorum salium spicula particulas sulphureas, quibus dicti liquores scatent disruptis vinculis citissimè expediunt: quod non eveniret si tantillum aquæ admistum foret: hæc enim partim salium activitatem retunderet, nè adeò vehementer, celeriterque suas vires in sulphuream materiam exererent; unde repentina ejusdem solutio fieri nequiret; partim suis particulis crassioribus liquoris interstitia obstruendo, non solum elementi sulphurei motum cohiberet ac infringeret, verum etiam materiæ lucis, quæ in circumfuso aere perenni motu agitur, corporumque inflammationem potissimum promovet, accessum præcluderet.

## DE CHALCITIDE.

### C A P. I I I.

Etymologia, & no-  
mina.

[a] *Dioscorides lib. 5.*  
*cap. 75.*

*Galenus lib. 9. Simp.*

*Plinius lib. 34. c. 12.*

[b] *Avicenna lib. 2.*  
*cap. 171.*

*Aver. de Simp. ex*  
*min.*

*Serap. de Simp. ex*  
*min. cap. 186.*

Chalcitidis descri-  
ptio, & electio.

*Dioscorides ibidem.*

Chalcitis in quibus  
locis hodie reperia-  
tur.

Vires.

[c] *Galenus 1. & 2.*  
*Simp. & 3. de Comp.*

*Med. per genera, &*  
*2. ad Glauc. & 4.*  
*Simp.*

*Dioscorides lib. 5.*  
*cap. 75.*

*Galenus de vict. ra-  
tione in morbis acu-  
tis com. 4.*

*Aetius lib. 1. tetra-  
bibl. ferm. 2.*

[d] *Galenus 1. de*  
*Antid.*

*Idem 1. de Comp. Me-  
dic. per genera.*

*Galenus 4. de Comp.*  
*Med. per genera.*

Chalcitis non est  
Chalcanthum albū.

**C**HALCITIS [a] Græcis pariter, & Latinis vocatur, tum quod ad æris, quod χαλκός Græcè appellatur, colorem tendat, tum quod ea æs augeatur: quamobrem à Plinio ærarius dicitur lapis: ab [b] Arabibus verò [1] *Colcatar*, vel *Cholcothar* nuncupatur: succus quidam est, quem calor, vel frigus coegit, non secus, ac atramentum futorium, & reliqui cognati succi mediæ inter misy, & sory substantiæ, illo crassior, hoc tenuior. Præfertur, quæ æris colorem habet, friabilis, nec lapidosa, nec vetus, oblongas habens venas, atque nitidas. Nonnunquam usu venit, ut majorum negligentia, quibusdam nos carere crediderimus, quæ postea eorum, qui diligentius indagarunt, reperit industria, ut Chalcitim ipsam in Italia nunquam reperiri omnino putabant: quod tamen hodie ipsa experientia rerum magistra refutat: optima enim non tantum reperitur in Cypri ærariis, & Germaniæ fodinis; verum etiam in Italia, & pluribus quidem locis, præsertim ubi chalcanti venæ reperiuntur. Plurimam sanè Chalcitidis copiam nobiscum detulimus ex Sylvena, atque etiam ex Volaterrano agro, quam diligenter ad suum usum asservamus. Cæterum [c] Chalcitis calida, & sicca est, cum acredine, & astringenti haud obscura facultate: angulos oculorum, (auctore Dioscoride) ipsosque oculos purgat, & leviter mordet: crustas ulceribus circumdat: ignes sacros, ulcera serpentia, sanguinem erumpentem è naribus cum succo porri suspendit: genas, callos, scabritias erodit, & discutit: collyrii modo adacta fistulas tollit: theriacæ compositionem ingreditur, atque varia unguenta, & emplastra ab ipso [d] Galeno ex eo præscripta. Uritur, ut usus ejus sit tutior, quàm cruda, idest ignem non experta; tantam vim habet, ut crustas molitur: urendi verò ratio à Dioscoride est petenda. Quanvis huic cognata sint chalcanthum, misy, sory, & melanteria, [2] atque horum omnium quasi parens, pyrites ærosus existat, tamen (ut diximus) & colore, & aliis notis inter se valde discrepant. Quare non rectè sentiunt, qui putant, chalcanthum album veram Chalcitim esse, ut eos, eorumque opiniones à nostris Armariis abesse procul velimus.

### N O T Æ.

Etymologia.

[1] Vocabula *قلقديس Calcadison*, & *قلقطار Cholcotaron* si nominis rationem spectes idem pæne significant. Primum enim tractum est à Græco χαλκίτης, alterum ab ejus diminutivo χαλκίτιον. Hinc utrunque pro Chalcitide usurpatur. Apud Avicennam verò ea distinguuntur: nam *Cholcotar* semper accipit pro Chalcitide, atque *asfaro*, idest citrinum facit; *Chalcadis* autem scribit esse

*البيض Abbiado*, idest album, ac nonnunquam pro chalcantho usurpare videtur. Recentiores Chymici *Cholcotar* vocant caput mortuum vitrioli, & quandoque etiam ipsum vitriolum.

[2] Verum Galenus non omnia hæc ex Chalcitide gigni, sed sory in Chalcitidem, Chalcitidem in misy abire scribit, & chalcanthum in Chalcitidem immutari. Hinc pyrites iste ærosus, de quo Mercatus, diversus fortasse est à Græcorum Chalcitide.



**M**ISY [a] Græcè, nec aliter Latinè vocatur, quemadmodum & tria, quæ sequuntur eodem nomine Græci, Latinique appellarunt: hoc ipsum autem Myfi [b] Arabes [c] Zeg, five Zagi vocant. Succus est eodem modo, quo chalcitis, & id genus alia, concretus, nisi quod tenuissimus sit, qui in fodinis tum æris, tum chalcanti plerunque invenitur, & non tantum in pyrite efflorescit, verum etiam in chalcite, fory, melanteria, & in omni denique chalcantho tam fossili, quàm factitio. Colore est subflavo in morem sulphuris ignem jam experti. Præfertur verò, quod durum sit, & cum frangatur perpoliti auri colorem referat, atque stellarum modo sparsim scintillet, quale Cyprium, & Ægyptium.

Reperitur hodie in Germaniæ, atque Italiæ metallis, ubi chalcitim inveniri diximus: Cyprium verò ad ocularia medicamenta validius: ad cætera autem remedia Ægyptium efficacius: [c] uritur perinde ac chalcitis, easdemque vires obtinet ferè: Hujus meminit Hippocrates libro de natura muliebri, ubi remedia menstrua provocantia recenset his verbis: *Misyos obolos duos tritos, & vino subactos apponito*; ut eodem libro inquit: *Si concipere nolit Misyos faba magnitudinem aquam dilutam bibendam dato, & per annum non concipiet*; & libro primo de morbis muliebribus ad finem in remediis oculorum.

## N O T Æ.

Nomen زاج Zagon apud Arabes modò speciatim accipitur pro Misy, modò generaliter de chalcantho, chalcitide, fory, ac melanteria dicitur, quæ colorum differentia apposita, invicem distinguuntur; ideoque Avicenna ea omnia eodem capite, ac vocabulo الزاج Azzagiaton com-

plectitur: quod vocabulum, atramenta vertit Alpagus, non adeò absurdè, atque ineptè, ut [a] Salmasius contendit. Licet enim non omnia hæc Zagi genera colorem atrum præferrent, neque ad atramentum conficiendum æquè essent idonea (quod tamen non satis constat ex veterum monumentis); nihilominus cum adeò inter se natura sint affinia, (omnia enim in eisdem locis effodiebantur, & interdum unum in aliud convertebatur, ut refert Galenus [b]), qui propterea concludit: *ὅς ἐστιν δαυμάσιον ὁμοῦνός ἐστι δυνάμει τὰ πῶς φέρουσι, ita ut nihil mirum, quod simili facultatum genere hæc tria remedia prædita sint*) quid vetat eodem nomine ea appellare? licet illud tractum sit ab argumento cujusdam proprietatis non omnibus æquè communi. Etenim passim observare licet nominum generalium rationes, non æquè singulis speciebus respondere, immo aliquando contrarias penitus nonnullarum naturæ facultates exprimere, veluti, ut exemplo res fiat clarior, nomine Argillæ, quod ab albedine ductum est, non modò Argilla alba, verum etiam aliæ longè diversis coloribus infectæ appellantur. Accedit quòd nullum aptius vocabulum Latinum occurrit, quod Arabico substituat. Interdum Misy adjecto coloris nomine à cæteris cognatis distinguitur, ac زاج اصفر Zagio asfaro, idest Zagio citrinum, aut luteum vocatur. Avicenna autem vocat Zagio, in quo sunt splendor aurei; colorem enim hunc, quem luteum vertunt, tribuit potiùs chalcitidi: ait enim فالقلقطار هواصفر Falcolcotaren hua asfaro, chalcitis verò est citrina. Propterea [c] Sal-

masius nomen Sofron, seu Asfaro, æneum potiùs vertendum esse contendit: nam chalcitis ea magis probatur Dioscoridi [d], quæ æris speciem præferat: sic enim de illa scribit: *χαλκίτην περιτρίβειν πρὸς χαλκοειδῆ, καὶ εὐδρωπὴν, ἀλιδόν τε, καὶ ἑ παλαιάν. Chalcitis seligenda est æri similis, frangibilis minimè calcuosa, nec antiqua. Verum Avicenna inferiùs cum de electione agit, ita locum hunc vertit penè ad verbum: Et melius alcolcotar est, quod velociter frangitur, ærcum mundum, non antiquum: in Arabico ubi est ærcum, habetur النحاسي annabasio, quod derivatum est propriè ab ære, & ab*

Hebraico נחשת Nechoseth æs, ex quo נחוש Nachusc æreus, seu æneus. Itaque nomen Asfaro, seu Sofron luteum potiùs hic significare probabilius est. Quod etiam colligitur ex his Avicennæ verbis in capite de ære: *Æs aliud est rubrum, ad citrinitatem* (in Arabico est المصفرة Affof-rathi) *declinans. Ex quibus conjici potest Colcotar Avicennæ coloris fuisse citrini, ex rubro misti; hinc rectè modò citrinum, modò ærcum appellat. Verum Avicenna in hoc capite pleraque mirè confundit, chalcanthum nimirum cum Misy, Misy cum sahira, & chalcadis cum Misy. Cum enim chalcanthum à cæteris speciebus viridis nota se junxerit, mox ita scribit: Viride Ægyptium est fortius quàm Cyprium; sed in agritudinibus oculi Cyprium est fortius. Eadem enim Dioscorides [e] scripserat de Misy; τὸ δὲ αἰχμήιον πρὸς μὲν τὰ ἄλλα διαφέρει, ἐμπερικότερον δὲ, πρὸς δὲ τοῖς ἀφθαλμοῖς*

Nomina.

[a] Galenus lib. 9. Simp.

[b] Avicenna lib. 2. tract. 2. cap. 48.

Averroes de Simp. ex min.

Serap. de Simp. ex min. cap. 386.

Descriptio.

Plinius lib. 34. c. 12.

Galen. lib. 3. de Comp.

Med. per genera.

Agricola lib. 3. de ort.

Et caus. subterr.

Color.

Delectus.

Oribas. lib. 2. cap. 56.

Locus.

[c] Galenus 1. de.

Antidot.

Agricola lib. 3. de

nat. fossil.

Vires.

Dioscorid. lib. 5. c. 75.

Actius tetrabibl. 1.

serm. 2. cap. 64.

Egineta lib. 7.

Hippocrat. lib. 1. de

morbis muliebribus

mentionē illius fecit.

[a] Homon. Hyl. Jatric.

Alpagi versio defenditur.

[b] 9. Simpl. med.

[c] Hyl. Jatric.

Salmasii opinio.

[d] Lib. 5. cap. 114.

[e] Lib. 5. cap. 116.

Apud Avicennam

pleraque confusa

leguntur.



[a] 9. *Simpl. med.*[b] *Lib. 5. cap. 116.*[c] *Simpl. med. hist. lib. 6.*[d] *Hil. Jatric.*  
Salmasii opinio rejicitur.

Chalcanthi color.

[e] 9. *Simpl. med.*

δυνάμεις πολλὰς λέγεται. *Egyptium* autem quoddam ad alia attinet, præstantius est, utpote efficacius multo; quoddam virtutes vero ophthalmicas, longe ignavius. Et paulò infra: Et subtiliora eis (idest Zagi generibus) sunt alchalcadis, & viride; & æqualius eorum est alcolcotar, & grossius eorum est alsurie: Quæ desumpta sunt ex hoc Galeni [a] loco: παχυμερέσων μὲν γὰρ ἐν αὐτοῖς τὸ σάρον, λεπτομερέσων δὲ τὸ μίον, μέγιστον δ' αὖ ποῖον δύναμιν ἡ χαλκίτις ἔχει. Crassissimum enim est inter ipsa Sori, & tenuissimum Misy, mediam utriusque facultatem habet Chalcitis. Quæ igitur hic de Misy dicuntur à Galeno, Avicenna tribuit Alchalcadisi, & Zagi viridi. Inferius denique, cum hoc modo Misyos naturam expressisset: Et virtus quidem Zagi, in quo sunt splendores aurei propinqua est virtuti alcolcotar: quæ utique de Misy intelligenda sunt; nam Dioscorides [b] sic de eodem Misy habet. Μίσυ δὲ ἀργυροπρόιον, χρυσοφανές, σκληρόν, καὶ ἐν τοῖς θρασυδίνου χρυσίου, καὶ σπέρματι ἀστεροειδές. Δύναμιν δ' ἔχει, καὶ καύσιν πρὸς αὐτὴν τῇ χαλκίτι. Cyprium eligendum est Misy, quod auri speciem præfert, durum est, & cum friatur aureas scintillas mittit, & stellarum instar splendet: sunt eadem illi, quæ chalcitidi vires. His non absimilia scribit idem Avicenna paulò infra de Sahira: Ex atramento vero, quod in encaustro ponitur, quod nominatur Sabira, melius est durum habens quasi aureum splendorem; & virtus ejus est sicut alcolcotar. Hinc suspicamur, hunc Avicennæ locum depravatum esse; neque enim credibile est, tam absurdè, confusè, ac inconstanter ab Auctore scribi potuisse. In Serapionis [c] versione Misy, initio capitis Zeg absolute appellatur, exinde vero Zeg viride semper exponitur; nam profectò de Misy ibi loquitur; siquidem Galeni verba vertit, apud quem ubicunque Misy habetur, Serapio Zeg, aut Zeg viride exponit. Salmasius [d] autem omnino contendit hujusmodi Zeg viride Serapioni, fuisse chalcanthum Græcorum: quod ex nuda nominis etymologia suo arbitratu etiam explicata deducit: ita enim arguit: χαλκανθές, seu χαλκανθός nomen duxit à χαλκῇ, idest purpura cœrulea; ideoque chalcanthum cœruleum est: quod apud Serapionem exponitur Zeg viride in Arabico habetur

زاج الأخضر Zagio alachadaro, quod Zagion cœruleum vertendum est; itaque hujusmodi Zeg Serapionis est procul dubio chalcanthum. Quæ quidem auctoris ingenium, atque eruditionem sapiunt, verum attentè perpenſa, quàm levissimo argumento niti comperientur. Primum enim superius satis demonstratum est, chalcanthum non à cœruleo colore nomen traxisse, sed ab ære. Deinde chalcanthum Græcorum erat interdum viride, interdum cœruleum, & fortasse etiam alterius coloris, quod ex Dioscoridis verbis deducitur, qui ait, chalcanthum cœruleum præ ceteris magis probari. Quid enim opus esset monere, ut cœruleum seligeretur, si nullo alio colore infectum inveniretur? Viride autem fuisse chalcanthum probabiliter deducitur ex Galeno [e], qui illud concrescere scribit ex quodam liquore crasso, quem ὕδωρ χαλκῶδες, idest aquam viridem appellat. Denique neque satis firmas rationes adducit, cur alachadaro explicandum potius sit Cœruleum, quàm Viride, ut communiter vertunt.

## DE MELANTERIA.

## CAP. V.

[a] *Galenus lib. 9. Simp.*  
Etymologia.  
Melanteria quid sit?

Avicenna lib. 2. tractat. 2. cap. 48.

[b] *Serap. de Simpl. ex min. cap. 386.*Averroes de *Simpl. ex min.*[c] *Dioscorides lib. 5. cap. 77.*

Melanteriæ triplex genus.

Tria Melanteriæ genera in Italia reperiuntur.

Melanteriæ probatio.

Aegineta lib. 7.

Aetius tetrabibl. 1. serm. 2. cap. 62.

Oribas. lib. 2. cap. 56.

MELANTERIA à [a] Græcis dicta Latinum nomen aliud non habet: appositio vocabulo Atramentum metallicum nonnullis nuncupatur, tum quia atro colore plerunque conspiciatur, tum verò quòd terra sit atramenti futuri succo semper infecta, quam diximus vitrioli venam à metallicis appellari, quæ cum nigra sit, exiccata tamen plerunque cinerea apparet. Ab [i] Arabibus proprio idiomate [b] Bitirias, & Maltina dicitur. Hæc (auctore [c] Dioscoride) triplex est: altera, quæ in faucibus cuniculorum, quibus æs eruitur, salis modo concrescit: altera verò, quæ terrena est, & in summa facie supradictorum locorum coit; fossilis alia, quæ in Cilicia invenitur, atque alijs multis in locis. In Italia verò tria hæc genera inveniri solent, præsertim ubi chalcanthum arte parari diximus. Quæ si quis omnia diligentius expendet, Melanteriam veram esse judicabit, utpote cui nulla planè nota, quæ à Græcis, Latinisve, aliisque fide dignissimis auctoribus Melanteriæ tribuatur, non perappositè quadret. Præstat sulphuris colore, levis, pura, æquabilis, quæ contactu aquæ ocyus nigrescat. Ea Medici utuntur ad putrefactam, atque excremententem carnem consumendam: eandem enim facultatem habet, quam Misy; astrictoriam videlicet, & causticam.

## NOTÆ.

Melanteria زاج Sabira à Glossa Arabica in veteri Dioscoridis codice exponitur, ut refert

[a] *Homon. Hyl. Jatric.*

[a] Salmasius. Avicenna quoque زاج Sabira nominari scribit Zagion, ex quo fit atramentum, licet eidem, ut dictum est, misyos qualitates tribuat. Ideoque miratur Salmasius, quòd atramentum ab Avicenna appelletur hujusmodi Zagi aureum colorem præferens. Cujus sanè admiratio, admiratione digna est; cur enim ex vitriolo coloris aurei confici non potest atramentum? aut quis ignorat, atramentum suam nigredinem à vitrioli colore haud mutuari? Siquidem ex albo, viri-



viridi, luteo, aliisque coloribus infecto atramentum fieri passim observatur. Sed in hæc impingit vir eruditissimus, ut evincat omnia Zagi genera, dici non debere atramenta: quare verba illa.

زاج الحبر *Zagio alhebro*, legit, atque interpretatur *Zagio*, quod est atramentum, quasi Avicenna hanc solam Zagi speciem atramentum esse his verbis expressisset, cum potius interpretandum sit *Zagio alhebri*, idest *Zagio atramenti*; nimirum ex quo conficitur atramentum; qui loquendi modus Arabibus est frequens, ac sensus congruens est cum communi versione, quæ sic habet: *Ex atramento, quod in encaustro ponitur &c.*

D E S O R Y.

C A P. VI.

**S**ORY Arabes [1] *Suria*, vel *Alsuria*, five *Alsuri* vocant: succus est concretus melanteriæ colore simillimus, ex qua plerunque efflorescit non secus, ac misy ex chalciti: differt autem Sory à melanteria non solum, quod fistulosius, ac lapidosius appareat; verum etiam odoris gravitate, qua nauseam olfactu confestim movet. Præcellit (ut Dioscorides ait) quod terendo nigrius apparet, & splendens foraminosumque, ac leviter pingue, quodque olfactum stomachum subvertit, & gustum astringit. Reperitur non modò in Ægypto, Africa, & Cypro; verum etiam in Germania, Italia, ac aliis Europæ Provinciis, ubi chalcanthi, & æris fodinæ inveniuntur. Facultates habet easdem cum supradictis: etenim non nihil astringit, & urendo escharas excitat: varos in facie cum aqua inunctum abigit: unguentis miscetur, quæ ad inficiendos capillos parantur: Ischiadicis doloribus ex vino clysteribus infusum auxiliatur: Dolori dentium cavernis inditum medetur.

N O T Æ.

[1] Sory Arabibus زاج اخمر *Assurio*, & زاج احمر *Zagio achmaro* vocatur. Quapropter Salma-

sus [a] existimat Arabes Sory cum Sandyce, seu Syrico, ob nominis similitudinem confudisse; Sory enim nigrum fuisse tradunt: de quo sic scribit [b] Dioscorides: *νεγκετέον ὃ αὐγύπτιον, καὶ ἐκ τοῦ δεσυνδῆναι μελάντερον φανόμηνον*. Seligendum autem Ægyptium, quodque cum frangitur nigrius apparet. Verum hæc aliæque Soryos proprietates Arabes minimè latuerunt; nam eadem penè Græcorum verba suis scriptis Arabicè reddiderunt. Sic enim ut cæteros omittamus Avicenna de Sorys electione, Dioscoridis locum expressit. Et melius *Alsuria* est, quod affertur ex Ægypto, & frangitur à nigredine;

idest nigrum dum frangitur conspicitur, in Arabico enim est *عن سوان* *An sudi*, quod verti hinc aptius potest, in nigredinem. An igitur credendum est, viros alioqui doctos, ita hebetes fuisse, ut res adeo diversas ob solam nominis affinitatem confunderent, ac adeo turpiter impingerent, ut penè quid dicerent ignorarent? Probabilius itaque est, Arabes pro Græcorum Sory accepisse aliquod vitrioli genus colore helvo, qui ex rubro in atrum vergeret, infectum, quodque fractum interiorem substantiam magis nigrescentem exhiberet. Etenim concreta vitriolica, diversis coloribus inficiuntur, cœruleo nimirum, luteo, viridi, albo, rubro, aliisque: immo sæpius fit ut colores mutant, juxta varias circumstantias, nimirum ob aeris circumfusi diversas qualitates, ob calorem, magis aut minùs intensum, ac præcipuè ob diversorum succorum, aut salium admistionem, ut passim ex chymicis experimentis observatur; nam vitriolum commune admisto heliotropii tricocci succo rubescit, syrupo violaceo viridescit, oleo tartari, aut aqua calcis ex cinereo nigrum evadit. Diu autem in loculis asservatum varias induit species; extrinsecus enim, quadam crusta obducitur, ex luteo rubescente, interiùs album viride, aut cœruleum visitur.

DE CHRYSOCOLLA.

C A P. VII.

**C**HRYSOCOLLAM Græci, & Latini, ut ante monuimus, vocant, idest auri glutinum, & ideo capistrum auri ab Avicenna nuncupatur. Aurifices hanc sibi vendicant ad glutinandum aurum, unde & nomen accepit. Arabibus [1] *Tincar* vocatur: vulgò *Boracem* appellant. Quæ duorum est generum; fossilis, & factitia: fossilis propter similitudinem quandam, quam cum factitia habet, Chrysocolle nuncupata est; quandoquidem Chrysocollæ nomen priùs factitiæ inditum fuit, deinde in fossilem ob dictam causam derivatum. Chrysocolle

Nomina:

Galenus lib. 9. Simp. & 4. de Comp. med. per genera.

Descriptio.

Plinius lib. 34. c. 12. Avic. lib. 2. tract. 2. cap. 48.

Serap. de Simpl. ex min. cap. 386.

Averroes de Simp. ex min.

Dioscor. lib. 5. c. 78. Oribas. lib. 2. cap. 56.

Electio.

Galenus 1. de antid.

Ægineta lib. 7.

Actius tetrabibl. 1. serm. 2. cap. 64.

[a] Hyl. Jatric.

Arabes à Salmasio reprehensi.

[b] Lib. 5. cap. 116.

Arabum sententia explicatur.

Etymologia, & nomina.

Chrysocolle fossilis quid sit.



[a] Lib. 33. cap. 5.

Optima Chrysocol-  
la quæ.Dioscor. Vitruv.  
Ufus Chrysocol-  
læ in pingendo.

Locus.

[b] Lib. 33. cap. 5.  
Primum Chrysocol-  
læ factitiæ genus.Alterum ejusdem  
genus.Hujus Chrysocol-  
læ vires.Borax quo hodie  
utimur quid sit.Ejusdem parandi  
ratio.

verò fossilis nihil aliud est, quàm humor, qui per ærariam materiam defluens, in fibris, venisve metallicis concretus, atque viridis reperitur non solum usque in duritiem pumicis, (ut [a] Plinius ait) verum etiam aliquando majorem, nonnunquam minùs durus conspicitur. Et quanvis in aurariis, argentariis, atque plumbariis etiam metallis reperiatur, certum est (ut Agricola tradit) eorum venas esse cum ære permistas, ita ut planè intelligatur, nihil aliud esse Chrysocollam nativam, quàm venam ærariam aquis imbutam, & postea exiccata, quæ vel compacta, & dura, saxis, aliisque metallicis adhæret, vel in venis, & fibris per se continetur viridi arenæ simillima: sed aliquando viridi est saturata, & optima judicatur; aliquando verò viride in ea est dilutius, & vilior est. Laudatissima Armenia, deinde Cypria, quæ in ærariis reperitur pura, terræ, & calculorum expers, & *ωπαρίζουσα*, idest porraceo colore viridescens, ut Dioscorides inquit. Vitruvius autem Chrysocollam Macedonicam pingendis parietibus præ cæteris laudavit, cum præsertim ex locis ærariis metallis proximis fodiatur. Hanc Democritus æris similem ærugini describit. Legitur & apud alios quotidianum, & multum fuisse quondam in pingendis triclinii cubiculis, & porticibus Chrysocolle usum. Reperitur verò non tantum in Armenia, Macedonia, & Cipro, verum etiam in Hispaniæ, Germaniæ, atque Italiæ pluribus locis, ubi fodinæ sunt metallorum. Largissimam in Hispania reperiri Plinius dixit.

Factitia multis modis paratur: Quædam olim (Plinio [b] auctore) ex nativa Chrysocolle conficiebatur, luteaque herba tingeatur; & quia orobi colorem referebat, ideo *ὀροβίτις* nuncupabatur, atque omnium pretiosissima existimabatur. Verum hæc ipsa hac nostra tempestate exolevit; neque enim satis explicatum est, qualis nam herba illa sit, quam luteam vocabant: Altera verò, quæ in æreo mortario, pistilloque æreo ex pueri impubis urina æstuosissimis diebus circa canis ortum præparatur, Santerna à Plinio nuncupatur: Præstat autem in hac parandi ratione æs Cyprium, & (ut Galenus docuit) quod rubrum sit: nam quo æs mollius fuerit, eo plus circumagendo pistillo deteritur: cujus meminit Strabo libro decimo sexto: Nicolaus autem Myrepsus in unguento è citriis ubi lapidis borachii mentionem facit, Græcè *λίθου βοράχου*, hanc quam Santernam vocant, intellexit; nam plus quàm Chrysocolle metallica deficcet, & minùs mordicat, tenuiorumque partium existit; quapropter medicamentum optimum est ulceribus contumacibus, tum per se, tum aliis mistum, ut Galenus memoriæ prodidit.

Porro ipsa Chrysocolle, quam Boracem vocant, aliis modis solet comparari; quorum cum historia ita nota sit, ut à me explicari minimè debeat, operæ pretium non est, ut de his pluribus agam, aliasve boracis componendi normas huc afferam: sed quoniam tam veteres, quàm recentiores, quod sciam, nihil de ejus ratione, qui vulgò dicitur *Borace rifatto*, memoriæ prodiderunt; nonnullos fortasse delectabit, si rectum ejus conficiendi modum ex me audiverint, præsertim cum nostræ ætatis hominibus maximo sit usui, paucique sint, qui ipsum rectè, probèque efficiant: ut igitur illis, & mihi satisfiat, rem paucis aperiam, primumque ex qua materia, & quonam modo paretur, brevi referam.

[2] Hæc itaque materia nihil aliud est, quàm pinguedo quædam contrita, & in massam compacta, quam si disjeceris, pluribus refertam lapillis invenies, varias formas referentibus. Optima à mercatoribus quibusdam cadis è ligno conflatis recondita Alexandria Ægypti ad nos convehitur, etsi etiam Venetias hac tempestate ab occidentali plaga præstantissima afferatur: vulgò dicitur *Pasta di Borace*. [3] Sic ergo eam (si mercatoribus fides habenda sit) incolæ conficiunt: In aureis, & argenteis, nec non ærariis metallis invenitur aqua, quæ per se quidem ad aurum ferruminandum est aptissima: eam aquam unà cum limo, qui eam circumstat, & in fundo subsidit fumentes tam diu igne coquunt, donec debitam spissitudinem habeat, tunc ab igne ablatam, excolatamque frigefieri sinunt usque dum concreseat, & in lapillos coeat halinitri modo: sed quoniam ex iis diu per se nulli, vel pauci admodum conservari possent, hac

ratio-



ratione postea utuntur, quæ ad durabilem eorum integritatem, haud exiguum adfert momentum. Excolatæ supradictæ aquæ fæces accipiunt, quibus pinguedinem porcinam, aut alterius animalis admiscunt, & ita simul in certo pondere in alveum quendam ad id paratum, sive in dolia lignea, aut similia vasa suo quisque arbitrato conjiciunt; deinde lapillorum partem affundunt, id tribus, aut quatuor vicibus ulterius repetentes in planum componunt acervum, & aperto cœlo aliquot menses simul fermentari sinunt, donec in materiam bene unitam coeant, fiatque una, & æqualis omnium massa, quam quovis anni tempore doliis exceptam, occasione sibi oblata, mercatoribus divendunt. Et hæc de præparatione dicta sufficiant. Artificiosa verò, & pro maximo Thesauro, ac secreto habita boracis præparatio hoc modo perficitur, qui, ut est omnium facillimus (nam alios aliter facere novi) ita quoque omnium est præstantissimus. Sumunt recentem massam nondum rancidam, neque diminutis, sed integris pluribusque lapillis refertam, deinde in catino lapideo, vel fictili vitreato in singulas decem libras massæ, dimidiatam situlam aquæ fervefactæ adjiciunt, & magna quidem diligentia lavantes, manibusque, ut citius opus expediant, agitantes, per incerniculum tandiu exprimunt, donec aqua omnis exeat, nihilque præter lapillos in eo remaneat, quos oleo ex olivis albissimo inunctos, panno, aut sacco lineo excipiunt, & diligenter asservant; posthæc eam ipsam aquam à lapillis excolatam, cui si vel minimum coaguli leporini admistum fuerit, eam faciliè cogit, & astringit, in caldarium conjiciunt, & super prunis leviter coquunt, rudicula, sive spatha ferrea continenter despumando, quodque utile est, & crassum diligenter detrahendo, dum sordidum nihil emergat, & justam spissitudinem coquendo sit consequuta, quæ cognoscitur, cum guttatim in subjectam tabulam, aut chartam decidens consistit, nec in latum dispergitur. Tunc ab igne ablatum caldarium diligenter occludunt, nè eò pulvis, aut sordes decendant: deinde in fimo sex, aut octo diebus sepeliunt, donec crusta supra concreverit, cujus minutæ particulæ, grandinis instar, visuntur, eas aqua purissima in patina terrea vitrata, seorsim elotas in umbra, nè exiccata corrumpantur, reponunt: id ubi rectè, & ordine factum est, mox eas sibi sumunt unâ cum lapillis, de quibus paulò ante dixi, atque alumen quod vocant fæcis albissimum: Horum libras quatuor in tribus situlis aquæ, additis salis nitri unciiis octo, lento igne decoquunt, & recrementum auferunt. Postquam autem justo tempore decoxerint, permittunt quiescere decoctum, quousque egelidum, & limpidum reddatur: hoc facto, iterum in aliam injiciunt cortinam eodem, quo diximus modo recoquentes: cum verò effervescens spumaverit, nè effluat, & magis purgetur, in ipsum infundunt libras decem crustæ superioris asservatæ, & coquunt, usque dum spissetur, aut summo pollicis gutta inherens non defluat: Coctum autem transfundunt in labrum, cui super imposita sunt duo bacilla crucis instar, ex quibus quatuor pendent restes plumbo extensæ, ad quas adhærescens paucorum dierum spatio concrevit in cubos, qui inde ablatis reponuntur, & oleo olivarum inunguntur: Porro borace ita concreto, decocti, quod est reliquum non congelati in cortinam refusum recoquunt, quod toties facere oportet, donec omne concrevat, & nihil amplius decocti supersit. Cæterum quod ad facultates attinet, tam fossilis Chrysocolla, quàm factitia calefacit, astringit, purgat, valenterque digerit, & siccatur: valet ad excrecentem carnem coercendam, & cicatrices purgandas: inter lethalia quoque medicamenta, vomitumque cientia, à Dioscoride recensetur.

Borax quo artificio expurgetur.

Vires utriusque Chrysocollæ.

N O T Æ.

[1] Vide Notas Armar. II. Cap. VIII. pag. 44. num. 5. & 6.

[2] Borax, cujus insignis est usus in medicina, nostra ætate assertur ex Indiis orientalibus, & Perside in Bataviam, & Alexandria Venetias, cadis vel utribus conditus, ac comminutus in exigua, frustra nitri speciem exhibentia, sordida atque impura, ob admistam quandam pinguedinem. Ubi ut accepimus à Clar. Jo: Hieronymo Zannichellio celebri apud Venetos Chymiatro expurgatur



Borax qua ratione expurgetur.

Borax quid & qualis sit.

Boracis analysi.

[a] *Histoir. de l'Acad. Royal. des Scienc. ann. 1703.*

tur instar aliorum salium hac ratione. Aqua simplici diutius probè percolatur, adjectaque modica aluminis portione, ut facilius salinæ particulæ in fundum subsistant, ac in crystallos concrecant, abit in salem hunc puriorem, qui Borax Venetus factitius vulgò nominatur. Hodie verò Venetiis pæne parari desit, quòd non eadem copia, qua olim solebat, illuc afferatur: Quare hujus rei artificium omnino ad Batavos migravit; apud quos magna quantitate conficitur. Falsò itaque nonnulli tradiderunt Boracem officinarum Venetiis fieri ex nitro, sale ammoniaco, atque urina; nulla enim alia ratione illic boracem parari, quàm superius memorata certiores facti sumus à laudato viro eruditissimo.

[3] Ex hæcenus dictis, atque ex chymica Boracis analysi, de qua mox, satis comprobantur, quæ de ipsius natura, ac conficiendi ratione scribit Mercatus.

Borax hoc modo expurgatus sal est candidus, nitidus ac pellucidus: saporem, gustatus, primò prodit subamarum, quo evanescente, subdulcis percipitur. Est admodum compactus, ac durus; hinc aeri humido expositus, non adeò facilè, ac cæteri sales, liquecit. Scatet ingenti copia salis falsi, urinosi ac volatilis, atque olei bituminosi, ut ex ipsius analysi deprehenditur. Etenim distillatus, nulla alia re admixta, aquam tantummodo emittit inspidam, ac durior & perlucidior evadit, si iterum admixta argilla distilletur, spiritum præbet urinosum; cum sale autem tartari, exhibet aquam quandam inspidam ac fatuam, crassam, & oleosam; teste Cl. Lemery [a], qui nullo artificio acidum ab eo se extrahere potuisse, asserit.

## DE CYANEO, SIVE LAPIDE LAZULI.

### C A P. V I I I.

*Theophrast. lib. de lapid.*

*Agricola lib. 3. de nat. foss.*

Nomina.

*Dioscorid. lib. 5. c. 66.*

*Galenus lib. 9. Simp.*

*Serap. de Simp. ex min. cap. 389.*

*Avicen. lib. 2. tract. 2. cap. 57.*

*Mesues lib. 2. de med.*

*Simp. purg. cap. 14.*

*Averr. de med. quæ ex min. sunt.*

*Isidorus lib. 16. c. 9.*

*Plinius lib. 33. c. 13.*

*lib. 37. cap. 9.*

*Nicolaus Myrep. de Comp. med. antidot.*

*& lap. radiante.*

*Agricola lib. 3. de ortu, & causis subterraneis.*

*Egineta lib. 7.*

*Actius lib. 1. tetra-*

*bibl. cap. 58.*

Lapis Cyaneus factitius.

Lapidis Cyanei usus in pictura.

*Oribas. in exam. Simp.*

Lapidis Cyanei nativi facultates.

**S** EQUITUR chrysocollam Cyaneus, propterea quòd persæpe simul, & nascantur, & se complectantur; adeò, ut in eadem gleba, modò plus Cyanei concrefcere soleat, (auctore Theophrasto) modò chrysocollæ, ut se vidisse Agricola scribit, & nos quoque vidimus, atque in Armariis aliis cognoscendam asservamus. Dicitur Græcis *κυανεύς*, Latinis *Cæruleus*: Arabibus verò [1] *Lapis Lazuli*, vel *Azuli*: à Mesue lapis vocatur stellatus, quoniam aureis pulvisculis, nonnunquam etiam punctis, stellarum instar intermicare videatur: quamobrem à Myrepso lapis radians appellatur. Duplici autem differentia reperitur: fossilis scilicet, & arte paratus: fossilis nihil aliud est, quàm succus, qui perinde ac chrysocolla in fibris, venisque metallorum concrefcit: generatur autem cùm salsus, astringensque humor metallicam materiam corroserit; qui nonnunquam ita compactus, ac durus inveniri solet, ut lapidem potius, quàm succum referre videatur: & ideo inter lapides recensetur; substantia enim jaspidi haud absimilis visitur, colore verò cœruleo: aliquando etiam magna caloris vi arenæ simillimus conspicitur; quandoque verò ita mollis, & friabilis est, ut digitis facilè conteratur. Solinus autem hunc ipsum distinguit, ex peritorum sententia in marem, & fœminam: mas vocatur, qui punctulis ad gratiam interlucentibus, auratisque pulvisculis variatur: fœmina verò nitorem purum habet, & punctis aureis caret: probatissimus mas censetur, maximè qui sui nominis colore est saturatus, & qui præsertim in auri metallis in orientalibus regionibus fuerit inventus.

Reperitur uterque multis sanè in locis, nec modò in aurariis venis, sed in argentariis, atque ærariis; & ideo colore differt, quòd vel nigrior, vel candidior appareat: reperitur quoque (ut Dioscorides ait) in arena litorali, atque in ipsis marinis specubus. Saporem mistum habet, acrem scilicet, & parum astringentem.

Factitii verò multæ sunt species, atque ex his aliqui nativo pretiosiores, quibus pictores tantum utuntur: ejus faciendi modos prolixè, & eleganter docuit Agricola libro nono de natura fossilium, qui quoniam longiores sunt, quàm qui h'ic ascribi debeant, ex ipso auctore petantur, Pictores tam factitio, quàm fossili utuntur: verum ex præstantiori nativo, masculo vocato, cœruleum illum conficiunt colorem, qui vulgò dicitur, [2] *Azzurro oltra marino*, eo fortasse (ut quibusdam placet) quòd marinæ aquæ colorem exuperare videatur: quo ad picturas diutius duraturas uti solent; propterea quòd & igni, & aquæ, ac vetustati obnoxius minimè existat.

In medicina nativus tantum in usu est, qui quidem secundum obtinet caliditatis gradum, siccitatis verò tertium: digerendi, modicèque erodiendi facultatem habet, unde ut chalcitis uritur, & uti cadmia lavatur: conteritur scilicet.



scilicet in mortario affusa subinde aqua dum sordidum nihil emergat; nam si bene abluatur, plurimum poterit juvare, nihilque nocere: mirificè atram bilem expurgat, quamobrem melancholicis omnibus affectibus (auctore Mesue) auxiliatur; maniae videlicet, epilepsiae, elephantiae, cancris, quartanis febribus, hæmorrhoidibus, aliisque nonnullis facultatibus insignitur, quæ ex ipso Mesue petendæ sunt. Exhiberi potest à drachma una usque ad duas, & semissem: verum drachmam unam recentiores non excedunt: ut corrigatur addi solet anisum, cinnamomum, camphora, zingiber, mastix; ex eo pilulæ conficiuntur, quæ de Lapide lazuli appellantur.

Dosis.

## N O T Æ.

- [1] Lapidis lazuli nomen depravatè deflexum est ab Arabico **الزور** *Alazurado*, seu *Alazuardo*, idest cœruleus; Ex quo Græci recentiores corruptè **λίθον λαζύριον**, ac deinde **λαζύρι** appellarunt.
- [2] Coloris nomen *Azurro* detortum pariter est ab Arabico *Alazuardo*.

## DE LAPIDE ARMENO.

## C A P. I X.

**L**APIS Armenus, vel Armeniacus, sive Armenius, vocatur Græcis **λίθον ἀρμενίαν**, quod ex Armenia afferatur. [a] Arabibus verò [1] *Hager Armeni* dicitur: succus est chryfocollæ, & cyaneo adeò similis, ut utriusque naturam referre videatur: colorem enim ex viridi cœruleum habet; nam, ut Plinius scribit, maximè viret communicato colore cum cœruleo: saporem quoque, non secus ac cyaneus, mistum habet, sed parum acer est, modicèque astringens, cum cyaneus valde sit acer, magisque astringat. Ex eadem generatur materia, qua cyaneus, & chryfocolla constant, nullaue inter hujusmodi succos differentia est, nisi quod chryfocolla minùs est excocta; cyaneus verò magis. Quare nihil mirum est, si alter in alterius locum à quibusdam persæpe substituitur: olim ex Armenia tantum afferebatur, nunc autem ex Germaniæ fodinis advehitur, unde frequenter ad me est delatus: Nuper sanè plura frustra Tridento allata dono mihi dedit Aurelius Stagnus Mutinensis, vir optimus, & Medicus doctissimus. Cæterum quoad [b] facultates, secundum obtinet caliditatis, & siccitatis gradum; atram bilem, aliosque crassos, ac lentos humores validè, atque innoxie [2] purgat: quapropter melancholicis, elephanticis, & similibus exhiberi solet: item in renum vitiis, & spirandi difficultate propinari possunt (Aetio, & Actuarius auctoribus) scrupuli quatuor, plus minùsve pro fumentis viribus. Alexander autem Trallianus præstare asserit helleboro albo: non solum quia validior, verum etiam quia citra molestiam alvi dejectionem moveat: lavatur, ut cyaneus: illotus enim vomitum excitat: eadem adduntur, quæ in cyaneo, iisdemque modis propinatur, in pulverem tenuissimum redactus, & palpebris inspersus (Galeno, & Dioscoride auctoribus) earum pilos auget.

[a] *Avicenna lib. 2. tract. 2. cap. 418.*

Nomina.

*Serap. cap. de lap. lazuli.*

Lapis Armenus quid sit.

Color.

*Plinius lib. 35. cap. 6.*

Sapor.

A Cyaneo quo differat.

Locus.

[b] *Mesues lib. 2. de Simp. med. purgan. cap. 13.*

Facultates.

Dosis.

*Aetius tetrabibl. 1. serm. 2. cap. 47.**Actuarius lib. de Comp. med.**Aetius tetrabibl. 2. serm. 3. cap. 38.**Alexand. Trall. lib. 1. cap. 17.**Galenus lib. 9. Simp. Dioscor. lib. 5. c. 65.**Egineta lib. 7.*

## N O T Æ.

- [1] **حجر ارمني** *Hagiare Armenijion* Arabibus idem sonat, ac Lapis Armenius.

- [2] Vi pollet cathartica, atque emetica ob admixtas particulas vitriolicas.



Nomina.

*Dioscorides lib. 5.**cap. 51. & 52.**Avicenna lib. 2. tra-**ctat. 2. cap. 748.**Serap. de min. c. 383.**Ærugo quid sit.**Quomodo gignatur.**Duplex Æruginis**genus.**Nativa.**Factitia.**Galenus lib. 9. Simp.**Ægineta lib. 7.**Electio.**Actius tetrabibl. 1.**tom. 2. cap. 55. & 56.**Facultates.*

**Æ**RUGO à Latinis, ἰδὲ dicitur à Græcis: Arabes [1] *Ziniar* appellant: Germani *Spangruen*: Hispani *Cardenillo*: Galli *Verd de Gris*, & *Verdet*: Itali *Verderame*. [2] Nihil aliud est, quàm æris putris quædam efflorescentia, quæ in æris ipsius superficie, ubi aer præsertim occlusus sit, concrefcere solet: generatur autem propter humidum aqueum, modicumque illius metalli calorem. Quæ duorum est generum; una nativa sponte in ærariis metallis nascens: factitia altera: Nativa, vel ex lapidibus ipsis ærariis abraditur, & ideo ærugo rasilis appellatur, Græcis ἰδὲ ζυγῶς, vel in vermiculorum formam concrefcit, qua de causa ἰδὲ σκῶληξ nominatur, Latinis verò vermicularis, quæ in ærariis fodinis non rarò reperitur. Factitia autem, quæ ubique apud seplasiarios invenitur, à quibus Ærugo rasilis, vel viride æris nuncupatur, propterea quod ex vasis æreis, sive laminis deradatur, quæ in massas deinceps conformatur; omne enim æs Æruginem rasilis obducitur, ac potissimum aspersione acrium liquidorum, ut experimento quotidie comprobatur. Copiosè autem Æruginis parandæ rationem docuit Vitruvius libro octavo, capite duodecimo de Architectura, & Plinius libro vigesimo quarto, capite undecimo. Eligitur quæ plurimum vi- ret, & in os sumpta urit; acris est enim, & ideo detrahendi carnes excrescentes, tam duras, quàm molles minuendi, digerendi, & mirificè exiccandi facultatem habet, usta, lotaque vulneratis nervis prodest: putridis quoque ulceribus, & sinubus expurgandis optima est; non usta verò justo mordacior existit.

## N O T Æ.

[1] Ærugo Arabibus vocatur زنجار; *Zengiaron*.

Ærugo quid.

[2] Ærugo nihil aliud est, quàm æris particula, salibus acidis dissoluta, iisque intimè commista, ut ex dicendis demonstrabitur. Æs enim tum proprio acido assuta aqua, aut humido aere, dissoluta, exeditur, tum multò vehementius ab extraneis salibus in liquoribus permistis, ac fluctuantibus, nimirum aceto, aqua salsa, aliisque similibus corroditur, atque in Æruginem mutatur.

Qua ratione paratur.

[a] *Lettre de Monsieur Cheurier contenant un traité du verd de gris par Monsieur Maître Serane.*

Inter cætera verò menstrua ad Æruginem parandam idonea, longè præstare feruntur vinaceorum aridorum racemi, quibus, olim teste Plinio Ærugo fiebat, atque etiam hodie magna ipsius vis [a] Mons- pelii confici perhibetur. Hi siquidem racemi in vino optimo (videlicet, quod non vapidum, acidum, mucidum, nec dulce sit, sed generosum, ac salibus volatilibus refertum) diu infusi ac macerati, vini partem salino-acidam, volatiliorem, maximè penetrantem, activioremque absorbent, qua imbuti, vapores emittunt acerrimos, quibus admistas, atque alternatim interpositas æris laminas vehementer exolvunt, ac magnam partem in Æruginem redigunt. Cavendum autem esse, mo- nent, nè vel tantillum olei in vasis, in quibus Ærugo conficitur, præextiterit: particula enim oleo- sa, tenaces, ac ramosa sales acidos volatiles implicarent, eorumque vires retunderent. Quæ etiam de causa vinum dulce ineptum est, quod ejus sales oleosis partibus præpediantur: acidum de- nique, mucidum, ac vapidum improbat, quod salibus volatilibus sit effectum, ac proinde in- efficax.

Æruginis partes quæ.

Ejusdem analysis.

Laminas areas prædictas ex racemis vinaceorum extractas, ac jam Æruginis flore extrinsecus obductas, in vinum rursus infundunt, ac in cella vinaria reponunt: ita enim Æruginis granula majora fieri perhibent, ac tanquam alimonia ex vino epota nutriri, atque augeri: particula siquidem vini salina ac volatiliore exhalantes Æruginis poros subeunt, eisque defixæ irretiuntur, molemque augment.

Laminas æris, ex quibus libra Æruginis parata fuerat quatuor uncias imminutas deprehensas fuisse tradunt; quas una cum acidis in Æruginem abisse credendum est. Sed apertius Æruginis natura ex chymica ipsius analysi innotescit. Ferunt enim ex libra Æruginis distillata prodisse primum tres uncias phlegmatis, exinde sex uncias spiritus aceti acerrimi, ac vehementissimè cum alkalicis effervescentis; pulverem denique nigrum ex distillatione residuum admisto borace in igne fustum, abisse in sex drachmas æris purissimi, reliqua parte in scorias facessente.



## DE RUBIGINE, ET FERRUGINE.

## C A P. X I.

**R**UBIGO ferri, à rubore nomen invenit: Ferrugo verò, quia in ferri superficie non secus, ac in ære ærugo efflorescere soleat: Græcis ῥοῦς σιδήρεα, vulgò *ruggine di ferro*. Metallum vitium est, quemadmodum ærugo; & ideo scabies ferri à nonnullis nuncupatur. Generatur autem cum ferrum humore tangitur: nota omnibus res est; deraditur nanque ferro humido clavis veteribus.

Astringendi, atque siccandi facultatem habet: mulierum fluxiones admota cohibet: potu conceptum impedit, ignibus sacris ex aceto illita opitulatur; Item palpebrarum asperitati; genarum reduviis, & condylomatibus prodest; alopecias capillis explet, & gingivas firmat.

## N O T Æ.

Eadem ratione, qua ex æreis particulis æruginem generari diximus, Rubigo ex ferreis gignitur. Appellatur autem à Chymicis Crocus Martis, quod croci colorem referat: ac rite præparata utilis admodum est in medicina præsertim in morbis chronicis, & mulierum.

## DE AURIPIGMENTO, SIVE ARSENICO.

## C A P. X I I.

**A**RSENICUM, [a] Græcis ἀρσενικόν, vel ἀρσενικόν, vulgò *Orpimento* dicitur, Germanis *Operment*: Gallis *Orpin arsenic*: Hispanis *Oropimente*: Arabes [b] *Narneth*, sive [c] *Sarnich*: Latini *Auripigmentum* vocant, eo quod in picturis auri colorem referat: succus est acris, qui ex tenui, & pingui materia constat, sulphuri quidem non dissimili. Duo sunt ejus genera; fossile, & factitium: fossile, aut crustosum reperitur, & ut [d] Dioscorides ait, χρυσίζον, idest aureo colore micans, & in squamas scissile lapidis specularis instar; quod tunc optimum judicatur, cum & purum est, & nulli materiæ permixtum. Hujus generis (ut Plinius scribit) magnum pondus, Cæsar Princeps auri avidissimus excoqui jussit, & fecit planè aurum excellens, sed tam exiguum, ut detrimentum sentiret. Aut glebosum reperitur glandis effigie, colore quodam modò sandaracham referens, quod vilius est. Invenitur autem in aurariis, argentariisque metallis, pluribus sanè locis; Verùm quod in Hellesponti Mysia nascitur (auctore Dioscoride) omnibus præfertur. Dum uritur, olet sulphur; saporem habet acrem.

Quod ad facultates attinet, caliditatis quartum obtinet gradum: excedit enim, estque septicum, causticum, vel escharoticum. Tonfores, & Balneatores eo auferunt pilos; verùm sicubi diutius inhærescit, ulcus facit.

Factitii autem duo sunt genera: quorum unum, quia candidum est, & crystalli modo pellucet, ideo crystallinum Arsenicum vocant. Conficitur hoc sanè modo: salis, & fossilis Auripigmenti æquæ portiones simul conteruntur, & in duobus fictilibus vasis simul impositæ, lutoque diligenter oblitæ excoquantur, donec Auripigmentum omne in altum tollatur, & superiori vasi adhærescat, ibique condensetur lapidis instar, quod tandem iterum, atque iterum teritur, & in pulverem redigitur, excoquiturque denuo, donec candidum crystalli modo appareat.

Quod verò risagallum vocant, ex eadem constat materia, eodemque modo paratur. In hoc tantum ab Arsenico crystallino differt, quod crocei sit coloris, propterea quod non usque adeò excoquitur, ut purum evadat, & crystalli speciem referat. Utraque venena sunt certissima: mitius verò risagallum, utrumque tamen, non tantum hominibus, cæterisque animantibus; verùm

Nomina.

Dioscorides lib. 5. cap. 53.

Plinius lib. 34. c. 15.

Serap. de min. c. 403.

Avicenna lib. 2. tract. 2. cap. 252.

Platear. de Simp.

Rubigo quid sit.

Facultates.

Galenus de oculis.

Nomina.

[a] Galenus lib. 4. de

Comp. med. secundum

loca, &amp; lib. 5. de

Comp. med. per genera.

[b] Serap. cap. 381.

miner.

[c] Avicenna lib. 2.

tract. 2. cap. 45.

Aver. de med. ex min.

Duplex Arsenici

genus.

[d] Dioscorides lib. 5.

cap. 80.

Bonitatis notæ.

Plinius lib. 33. c. 4.

Cæsar aurum ex Ar-

senico confecit.

Locus.

Facultates.

Galenus lib. 9. Simp.

&amp; 3. de Comp. med.

per genera.

Egineta lib. 7.

Actius tetrabibl. 1.

serm. 2. cap. 48.

Arsenici factitii duo

genera.

Arsenici Crystallini

parandi ratio.

Risagallum quò ab

Arsenico Crystalli-

no differat.

Arsenici virus.



etiam plantis, si modò suffiatur, necem præsentem infert: si mures, & lupi ex eo comederint, nec aqua iis oblata fuerit, tanta corripuntur rabie, ut & sui generis animantia mori virulento enecent.

Non est quòd miretur lector, nonnulla nos paucioribus perstringere, quàm alii, qui ante nos scripserunt, fecere: non enim in hoc desudavimus, ut collectanea nostra essent, quæque aliorum auctorum obscurarent gloriam; sed iis, quæ ab illis minùs explicata sunt, hisce nostris observationibus illustraremus. Interim verò tangimus & reliqua in nostra Metallotheca reposita, nè, vel in hac aliqui frustra servari, vel in his commentariis ob negligentiam præteriri arbitrentur.

## N O T Æ.

[1] Arsenicum Arabes زرنیخ *Zarnichon* appellant fortasse à Græco ἀρσενικόν: vox enim *Narneth* depravata est in Serapione (apud quem multa etiam alia Arabica nomina corrupta leguntur) pro *Zarnichon*.

Arsenicum cur venenatum.

Arsenicum arte parari.

Gignitur Arsenicum ex acido sulphureo cum materia metalli imperfecta, quam cobaltum vocant, coalescente. Hinc ob admistum metallum valde ponderosum est, ob sulphur autem admodum volatile, ac maxima vi corrosiva, ac venefica præditum. Acidi enim sales sulphurei duris metalli particulis armati vehementius scindunt, ac lacerant; eadem ratione, qua spiritus vitrioli, vel alterius mineralis mercurio additus, abit in venenum corrosivum, ac præsentissimum. Quo etiam fit, ut ex fodinis metallicis vapores venenati assidue efferantur, utpote Arsenico infecti: halitus enim sulphurei metallorum venas pervadentes, eorum particulas continenter corrodunt, ac secum abripiunt. Itaque artis ope Arsenicum parari potest ex auro nimirum, vel argento unà cum acido sulphureo mistis. Et contra in sua principia, nempe in acidum, & materiam metallicam chymica analysi resolvitur: Si enim sevo, vel oleo, aut saponi Veneto misceatur, vel alicui alkali, quo acidum sulphureum absorbeatur, ac separetur, ac deinde calcinetur, aut distilletur, corpus metallicum relinquitur plumbo haud absumile, acido interim volatili separato, ac florum forma elevato.

## D E S A N D A R A C H A.

## C A P. XIII.

[a] *Dioscorides lib. 5. cap. 81.*

[b] *Plinius lib. 34. cap. 18. & lib. 35. cap. 6.*

[c] *Serap. de Simp. cap. 57. de vernice. Aver de med. ex min. sub nomine auripigmenti rubei.*

*Sandaracha quid sit. Electio, & vires.*

*Oribasius lib. 2. c. 56.*

*Galenus lib. 2. 5. 9. Simp.*

*Ægineta lib. 7.*

*Celsus lib. 5. cap. 5.*

*Actius tetrabibl. 1. in serm. 2. cap. 69.*

**Q**UÆ Sandaracha [a] Latinis, *σανδαράχη* [b] Græcis dicitur, hanc Arabes *Zarnich*, sive *Narneth* unà cum auripigmento vocant: nam quæ Sandarax à [c] Serapione vocatur, non est res fossilis: sed juniperi gummi, vulgò vernix scriptoria nuncupata. Eiusdem est substantiæ cum auripigmento, & in eisdem fodinis inveniri solet: colore tantum, & quadam pinguedine ab ipso differt; Cùm nihil aliud sit Sandaracha, quàm auripigmentum à natura magis excoctum, quam ob causam, & minorem pinguedinem, & rubrum colorem acquisivit, quemadmodum arte quoque evenire solet; si etenim ipsum auripigmentum uratur, Sandaracha fit. Præferenda est autem magis rufa, florida, pura, friabilis, & sulphur redolens; huic eadem vis, quæ arsenico; sed validior: urentis enim facultatis est; & præsentissimum ceu arsenicum, venenum; quapropter non temere per os assumenda, quanquam ex mulso purulenta excreantibus eam ipsam Dioscorides commendet.






# I N D E X

## A R M A R I I Q U A R T I .

- C** Halcanthum fossile candidum , ex Sylvena .  
 Halcanthum fossile in candido rubrum .  
 Halcanthum fossile cinereum , & durum .  
 Halcanthum fossile in candido cinereum .  
 Halcanthum fossile cinereum cum sulphure citrino , Puteolanum .  
 Halcanthum fossile viride , & spongiosum , ex Sylvena .  
 Halcanthum fossile viride , durum , ac spongiosum , ex Ilva Insula .  
 Halcanthum fossile viride , glebosum .  
 Halcanthum fossile pellucidum , stiriarum formam habens , stillatitium vocatum .  
 Halcanthum fossile capillis , vel plumis , simile .  
 Halcanthum fossile in candido , rubrum , spongiosum .  
 Halcanthum fossile subcandidum , pingue .  
 Halcanthum fossile cinereum , durum .  
 Halcanthum fossile subflavum , pingue , Volaterranum .  
 Halcanthum fossile viride cum sulphure mistum , Volaterranum .  
 Halcanthum fossile luteum , friabile , Volaterranum .  
 Halcanthum fossile in candido cinereum , durum , Cyprium .  
 Halcanthum cœruleum coctum , pellucens , sapphiri instar , Cyprium .  
 Halcanthum cœruleum coctum , Romanum vocatum , ex Balneo Regio .  
 Halcanthum viride spongiosum , coctum , ex Balneo Regio .  
 Halcanthum subviride pellucens , coctum , ex Balneo Regio .  
 Halcanthum coctum , cœruleum , ex Sylvena .  
 Halcanthum coctum , viride , ex Sylvena .  
 Halcanthum coctum , in viridi flavum , Volaterranum .  
 Halcanthum candidum , pellucidum , sublimatum .  
 Halcanthum ustum .  
 Oleum ex Halcantho .  
 Chalcitis Cypria .  
 Chalcitis dura , ex Sylvena .  
 Chalcitis friabilis , ex Volaterrano agro .  
 Chalcitis Goslariensis nativa cum Misy .  
 Chalcitis ex Sylvena , pyritæ mista .  
 Chalcitis Volaterrana , cum sory mista .  
 Misy durum , quod , cum frangitur , perpolitum auri colorem refert , atque stellarum modo sparsim scintillat .  
 Misy durum , cum Melantheria mistum .  
 Misy durum , cum chalciti mistum .  
 Misy durum , ex quo halcanthum efflorescit .  
 Misy friabile , ex Sylvena .  
 Misy friabile , Volaterranum .  
 Misy friabile , cum melantheria , & chalciti mistum .  
 Sory Volaterranum .  
 Sory ex Sylvena , cum alumine mistum .  
 Sory cum pyrite .  
 Melantheria ex Sylvena , ex qua halcanthum excoquitur .  
 Melantheria dura cum Misy .  
 Melantheria dura cum chalcitide .  
 Melantheria friabilis ex agro Volaterrano .  
 Melantheria friabilis ex Sylvena .  
 Chrysocolia nativa pulcherrima .  
 Chrysocolia nativa ex Comitatu Tirolensi .  
 Chrysocolia Cypria nativa .  
 Chrysocolia nativa , cum lapide cyaneo mista .  
 Chrysocolia nativa colore satius diluto .  
 Chrysocolia factitia , quam boracem vocant .  
 Cyaneus nativus Persicus , vulgò Lapis lazuli mas vocatus .  
 Cyaneus femina , punctis aureis carens .  
 Cyaneus mas cum pyrite .  
 Cyaneus fossilis , punctis aureis carens , ex Ilva Insula .  
 Cyaneus fossilis , ex Tolpha .  
 Cyaneus fossilis , Cyprius .  
 Cyaneus fossilis , Hispanicus .  
 Cyaneus fossilis cum Chrysocolia .  
 Cyaneus fossilis in pyrite , ex quo argentum excoquitur .  
 Cyaneus fossilis Polonicus , purus .  
 Cyaneus fossilis Snebergensis , lapidibus adherens .  
 Cyaneus fossilis cum lapide candido .  
 Cyaneus fossilis Thuringiacus .  
 Cyaneus fossilis glebosus , Snebergensis .  
 Cyaneus factitius , Ultramarinum vocatus .  
 Armenius ex Comitatu Tirolensi .  
 Armenius Hispanicus .  
 Ærugo nativa , quæ ex lapidibus ærariis abraditur .  
 Ærugo nativa in pyrite ærario .  
 Ærugo nativa in ære fossili .  
 Ærugo nativa , quæ in vermiculorum formam concrevit .  
 Ærugo factitia .  
 Ferrugo , sive Rubigo ferri .  
 Auripigmentum fossile crustosum .  
 Auripigmentum fossile , in squamas scissile .  
 Auripigmentum fossile cum sandaracha .  
 Auripigmentum rubrum , sive sandaracha .  
 Auripigmentum factitium crystallinum , Arsenicum nuncupatum .  
 Auripigmentum factitium Risagallum dictum .







# ARMARIUM V.

## SUCCI PINGUES.

### DE SULPHURE.

#### C A P. I.



Uccos acres superiori nostro Armario contentos explicavimus, inter quos nonnulli cum acritudine pinguedinem non minimam habent, veluti auripigmentum, & sandaracha; jam de iis, qui pingues omnino sunt, ut Sulphur, Bitumen, & id genus alia dicturi, à Sulphure exordiemur, quod Græcis *Θείον*, Latinis [1] *Sulphur*, Arabibus [2] *Rabric*, Hispanis *Piedra sulfre*, Gallis *Soufre*, Italianis *Solfo* dicitur: cujus duo sunt genera; nativum scilicet, & factitium. Nativum Græcis *ἀπύρον*, idest ignis expers, vel ignem, Celso [a] interprete, non expertum, à Latinis vivum appellatur, de quo etiam Poeta in Georg. 3.

*Et spumas miscet argenti, ac sulphura viva.*

[3] Succus est pinguis, frigoris vi condensatus, in cuius tota temperatione aer inest, & ignis; atque ideo facile inflammatur, & accenditur; constat enim ex fumosa exhalatione non combusta, ut fuligines, sed ob refrigerationem condensata in pinguedinem, quod pondus, siccitas, friabilitas, odoris nidor, graveolentiaque satis ostendunt. Ejus differentia à substantia, figura, & colore sumuntur. Substantia quidem, nam aliud durum est lapidis instar; molle verò aliud. Figura, vel etenim glebæ figuram habet, vel stiria, aut arenæ simillimum, quod in ferri fodinis Ilvæ Insulæ jam recens inventum cernitur. Colore quoque distat; nam vel cinereum, vel nigrum, vel luteum, quandoque, quod virgineum vocant, propterea quod purum, & absque ulla admixtione reperiatur. Saporem verò semper subpinguem, atque ingratum habet, estque sui, non alieni odoris, pessimi sanè, & injucundi. Effoditur in quamplurimis Italiæ locis, præsertim in Campania, & prope Neapolim, in collibus, quos Leucogæos vocari Plinius auctor est, de quibus infra dicetur, ipsique campi, totaque illa regiuncula ignibus exusta, & fumo involuta describentur. Item in Comitatu Sanctæ Floræ, in Volaterrano, ac Senensi, & Cæsennati, & Sarfinati agro.

Factitium verò, quod *πρωτογενές* Græcis, idest ignem expertum dicitur, aut ex aquis sulphuratis conficitur, quæ quidem in cortinas plumbeas ingeruntur, & coquantur, donec in sulphur densentur, aut ex venis, & mistis item sulphureis excoquitur.

Vena quidem, quæ nunquam in specubus, aut subterraneis locis erui solet, sed aperto undique cælo, nè noxius, pestiferusque vapor à fossoribus attrahatur, aliquantulum conteritur, & in fictilia quædam magna iis, quibus Romæ aqua Tiberina passim ab omnibus conservatur, quàm simillima, quæ perforatum, & oblongum non longè ab ore nasum habere debent, conjicitur, & operculis quàm diligentissimè contextis, creta quadam tenacissima, ex qua etiam fictilia illa conficiuntur, undique vasa illa muniuntur, obturanturque omnes hiatus, nè quicquam exhalet. Transferuntur deinde fictilia in fornacem, in cujus cavitatem simul connectuntur, & firmantur, adeoque ex lateribus, & calce circunquaque stipantur, ut postea subjectus ignis nullo pacto fursum ferri possit. Quo facto alia fictilia ante dictis non dissimilia apponuntur, quorum

Etymologia, & nomina.

*Dioscorides lib. 5. cap. 83.*  
*Serap. de Simp. ex min. cap. 407.*  
*Avicenna lib. 2. tractat. 2. cap. 620.*  
*Platcar. de Simp.*  
*[a] Celso lib. 5. c. 18.*  
*Plinius lib. 35. c. 15.*

Sulphur quid sit.

Sulphuris differentia à substantia.  
A' figura.

A' colore.

Locus.

Sulphur factitium.

Ratio conficiendi Sulphuris.



rum rostra in ea inferuntur, & circuncirca insertionem eodem luto circunlinuntur, itaut optimè claudantur omnes fissuræ. Demum succenso igne sub fictilium fundo, fervor excitatur quousque sulphurei vapores in altum tollantur, & per nasum guttatim in substrata fictilia distillent; quippe si validiori igne elicerentur cuncta sulphuris materia combureretur, rubrumque acquireret colorem. Hinc foraminibus quibusdam reclusis, liquidum, & dum adhuc fluit,



*Fictilia magna quibus nares sunt .1. Fornax 2. Sulphur ignem expertum 3. eiusdem uena 4*

extrahitur, & aliis quibusdam vasculis excipitur, ubi tandem concrefcit, fitque clarum, defæcatumque Sulphur, quod vel in fistulas, vel in crustæ formam redigitur, vel guttatim per fictilium foramina distillans rotundum efficitur. Factitium, non secus ac nativum, colore inter se differt: nam aliud est cinereum, aliud rufum, & pellucidum, aliud luteum, quod persæpe etiam pellucidum



THE UNIVERSITY OF CHICAGO  
LIBRARY  
1891  
JAN 10 1891  
JAN 10 1891




PLATE I  
THE UNIVERSITY OF CHICAGO



# TERRA SVLPHV

1. Flammaram spiracula,  
salis ammoniaci circumquaque feracia
2. Bullientes aque
3. Vestigia ueterum aluminis officinarum
4. Tuouria ubi hodie excoquitur sulphur
5. Leucogæi colles



Planities sulphurea à grecis ἡ Πάισα




ATA PVTEOLANA



*Ἰσπὰ hoc est Vulcani forum nūcupata*







cidum videre licet. Optimum est fossile vivum vocatum, idest ignem non expertum, quod facillimè accendatur, flammamque lucidam emittat, quodque splendens, atque purum sit; nam persæpe alumine, chalcantho, terris, lapidibus, cæterisque consimilibus infectum inveniri solet; Factitium verò, quod virentius, ac pinguius, eò melius. Tam autem ex nativo, quàm factitio elicitur oleum, ejus primùm ardentis fumo in campanam vitream elato, & in oleum converso; deinde in aliud vas subiectum tandem distillato Chymicorum more.

Quippe illi præcipuam vim Sulphuri tribuunt in metallorum commistione juvanda, atque absolvenda, ejusque accessionem (marem enim nuncupant) virili femini assimilant, cum argentum vivum, cui imbecilliores fœminæ vires ascribunt, in secundis consistat, uti hæc, quæ sequuntur Alberti verba planiùs eloquuntur: *Sed observandum*, inquit, *quod fumus ejus indicat terrestrem substantiam, in ipso esse valde ignibilem, & cremabilem; fætor verò suus indicat ipsum valde indigestum, & non terminatum; sed potiùs calore corrumpente esse corruptum, quàm digestionem completum: & hæc sui incompletio facit, quod possit esse universalis materia omnium metallorum: si enim esset completum, ad completionem unam determinatè, tunc procul dubio non esset convertibile ad alia, nisi primò illa tolleretur; sed nunc propter sui incompletionem convertibile est ad omne, sicut semen, & alia ex quibus generantur res natura: & ideo sagax natura abundat in Sulphure, ubicunque est locus generationis metallorum.* Hactenus Albertus.

Cæterum quoad facultates, tenuis essentia est, & (ut [a] Galenus ait) tanto calore præditum, ut ubi diutius inhæreat, procul dubio exulceret. Extrahendi, atque tergendì vim habet. Saliva, vel lotio, vel veteri oleo, aut melle, aut Terebinthina exceptum venenatis icibus, Scorpionum præsertim plagæ illitum medetur. Potum atque illitum lepras, scabies, pforas, & lichenas tollit. Suffitum in doloribus nervorum valere scribit Celsus. In ovo sumptum (Dioscoride auctore) tussi, suspiriosis, & purulenta excreantibus confert. Ejus oleum mirificè faucium ulceribus auxiliatur. Vitiligines aceto illitum tollit. Suffitum ac etiam illitum, formicas, culices, ac serpentes fugat: *Tanta ejus vis* (inquit Plinius) *ut morbos comitiales deprehendat nidore suo, igni impositum.* Adeò aquis resistit, ut illis immersum diu maneat incorruptum. Eo utuntur ad suffiendas lanas, quoniam candorem, mollitiemque confert.

Voluimus quoque auctarii loco regiunculam juxta Neapolim sitam, quam Vulcani vocant forum, nascentisque, sive potiùs ebullientis Sulphuris venas quis dicat, vulgusque Sulphetaram nominat, præ lectoris oculis ponere, quod eam illi non mediocrem voluptatem allaturam putavimus, præsertim cum nusquam antea, quod quidem sciam, typis impressa, atque edita extaret. Hanc profectò desiderare videbatur tam celebris apud auctores veteres, recentesque ipsius memoria. Nam [b] Plinius modò Colles Leucogæos, modò Phlegæos Campos, aliàs Terram Albam nuncupat; Strabo Vulcani Forum appellat. Quid [c] Diodorum Siculum, aut [d] Silium Italicum commemorem? vel alios recentiores, [e] Volaterranum, [f] Pontanum, cæterosque infinitos? Quorum omnium voces talem non desiderare tantum, sed etiam exigere videbantur. Hæc igitur naturæ miracula, quæ uni loco tantum concessit, non parva eorum, qui nunquam illic fuerunt, ut speramus, voluptate, nec sinè illorum etiam, qui præsentibus viderunt, venia publicamus. Inter quæ, mirabilis illa in primis ebullientium aquarum vis, in montis planitie tota collibus inclusa præter aditum. Tanto æstu fervent illæ, ut in octo, novemque cubitorum altitudinem sese erigant, & cum vicinum mare tempestate agitur in duodecim transcendunt. Flammarum huc illuc spiracula tanta violentia erumpunt, ut saxa grandia injecta respuant, excutiantque. Accedit ad hujus spectaculi jucunditatem, tum origo Salis Ammoniaci circa flammæ spiracula concrementis, tum etiam Aluminis in Leucogæis montibus mira varietas; de qua re diximus, ubi de Sale Ammoniaci verba fecimus.

Optimi Sulphuris notæ.

Sulphur quid conferat ad generationem metallorum?

Vires.

[a] Galenus lib. 9. Simpl. & de Comp. Medic. per genera. lib. 6. cap. 2.

In Comp. Emplastri lib. 6. cap. 2.

Agnetæ lib. 7.

Actius tetrabibl. 1.

Serm. 2. cap. 54.

Dioscorides lib. 5.

cap. 83.

Plinius lib. 35. c. 15.

[b] Plinius lib. 3. cap. 11. & lib. 18. & 13. cap. 2. & 4.

[c] Diodorus Sic. 6. antiq.

[d] Silius Italicus lib. 8.

[e] Volaterranus 6.

[f] Pontanus 2. par.

gen.

Sulphuretæ descriptio.



## Etymologia.

[1] Sulphur ita dictum esse volunt, quasi *ἡλον πῦρ*, totum ignis: alii ejus etymologiam trahunt à *σὺν* cum, & *πῦρ* ignis, quòd ignem perpetuò comitem habeat.

[2] Arabibus vocatur *كبريت* *Cabriton*, ab Hebraico *כפר* *Chopher* bitumen, à quo corruptè legitur *Rabrit* apud Serapionem.

## Sulphuris definitio.

[3] Sulphuris nomen, quo olim species tantummodo corporis fossilis notabatur, nunc de multis aliis, quæ cum dicto fossili, atque inter se maximam habent cognationem, Chymicorum ac Physicorum omnium consensu generaliter usurpari coëptum est. Cum autem omnibus his, quæ Sulphura hodie vocantur præcipua, ac maximè communis proprietas sit facilitas qua flammam concipiunt, ideo Sulphur definiverunt, Corpus quodcunque, quod aptum, promptumque est ad flammam concipiendam. Hinc ejus plures emergunt species. I. enim fossile, de quo hic agitur, quodque Sulphur commune, seu vulgare appellatur. II. cætera corpora fossilia, vegetabilia, atque animalia, quæ faciliè inflammantur, ac Sulphuri communi admodum sunt similia, veluti diversa bituminum genera, resina, ac plantarum olea, animaliumque pinguedines. III. materia omnes oleosa celerrimèque deflagrantes, chymica analysi ex mistis corporibus extracta, quæ sulphureum principium, idest elementum Sulphuris, Chymicis dicuntur; aliis verò Sulphur decompositum. Verùm dicta substantia sulphurea, non modò singula inter se differre comperiuntur; sed etiam in diversa alia corpora, resolvuntur: abeunt enim teste [a] Cl. Homberg in salem partim fixum, partim volatilem, in aquam, & terram: ideoque verum principium sulphureum dici non possunt: hoc enim nequit ullo artificio à cæteris mistis separari: cum ob summam volatilitatem, ac partium tenuitatem è vasis elabatur, atque evanescat in auras.

Sulphur Chymicorum, non est principium.

[a] *Memoir. de l'Acad. Royal. des Scienc. ann. 1705.*

Sulphuris elementum quid sit.

Quod igitur ad principii sulphurei naturam attinet, in varias abeunt Physici sententias. Inter quos Cl. Gulielmus, quæ ad Sulphuris phænomena explicanda satis commoda sibi videbantur, commentus, ejus elementares particulas statuit esse *moleculas exilissimas ex materia partim ætherea, partim salina, figura sphaerica, sed intus porosa, & cavernosa, in superficie recurvis filamentis donatas compressiles, & elasticas*. Plerique materiam lucis subtilissimam esse contendunt, quorum opinionem ingeniosè suis experimentis confirmare nititur [b] Cl. Hombergus.

[b] *Memoir. de l'Acad. Royal. des Scienc. ann. 1705.*

Cæterum in hoc omnes conveniunt inflammationis causam corpuscula esse tenuissima, figura ad motum aptissima, celerrimæ agitationis, ac summè activas, & volatiles; quæ ramosis, ac flexilibus Sulphureorum corporum partibus irretita detinentur: quo fit ut substantiæ omnes Sulphureæ prædictæ sint textura admodum viscosa, unctiosa, ac tenaci.

Sulphur commune quid.

Ipsius analysi.

[c] *Ibid. ann. 1703.*

Ejusdem artificiosa generatio.

[d] *Ibid. ann. 1704.*

His præmissis Sulphuris communis naturam facilius explicabimus. Verisimile est autem illud constare magna Sulphuris principii copia, salino-acidis terreis, ac aqueis particulis impliciti. Quod tum ex ipsius analysi, tum ex artificiali generatione comprobatur. Etenim resolutum fuisse Sulphur perhibent peculiari quadam ratione à Cl. Homberg [c] in æqualem ferè portionem terræ, salis acidi, ac substantiæ cujusdam pinguis, bituminosæ (in qua magnam Sulphurei principii copiam latere, aqueis, ac terreis particulis irretitam credibile est) & in perexiguam æris quantitatem. Ex eisdem autem, in quæ resolvitur Sulphur, artis ope componi posse docent experimenta Glauberi, & Boylei, qui ex oleo vitrioli, quod salis acidi vicem gerit, & oleo terebinthinæ, vel carbonibus, quæ substantiam pinguem referunt, invicem permistis, Sulphur compararunt. Præterea Cl. Geoffroy [d] non modò ex iisdem partibus salinis, atque oleosis, addito tamen sale tartari Sulphur gigni animadvertit, verùm etiam ex materia bituminosa, ac pingui, quam ex Sulphuris analysi prodire dictum est, unà cum oleo vitrioli, aut spiritu Sulphuris, & sale tartari, quem terræ partem suppeditare asserit. Materia autem prædictæ pingui substitui posse affirmat, non solum oleum terebinthinæ, ac carbones, sed ligna, oleum succini distillatum, petroleum, oleum foetidum animalium, spiritum vini, aliaque id genus. Pro sale verò, aut oleo tartari, & spiritibus acidis sumi posse scribit, sales fixos, quippe qui tum salino-acidam, tum terream partem simul præbent, veluti tartarum vitriolatum, salem mirabilem Glauberi, colcotar vitrioli, ex quibus singulis cum singulis corporibus Sulphureis superius memoratis Sulphur à se conflatum esse testatur.

Ex dictis apparet magnam Sulphuri cognationem intercedere cum vitriolo, atque alumine. Siquidem ex eodem genuino spiritu acido Sulphuris, aut vitrioli, cum diversis corporibus, nimirum cum creta, are, aut ferro, & materiis oleosis copulato, gignuntur, modò alumen, modò vitriolum, modò Sulphur. Accedit etiam, quòd ex eodem pyrite, eodem tempore per calcinationem, omnia hæc tria fossilia, emergere observantur.

[4] Ignium eructationes observantur passim in locis multo Sulphure scatentibus, præsertim si venæ vitriolicæ aut ferreæ simul reperiuntur, quæ, uti innuimus, ferè semper eodem loco gignuntur. Sales enim acidi, ferri aut vitrioli, aqua exoluti, expeditius agunt in Sulphur; cujus particula tenuissima atque activiores à reliquarum crassiorum nexu liberata, ac in pristinum volatilitatis gradum restituta, celerrimo motu cientur, flammamque edunt. Quod chymicis experimentis clarè demonstratur. Nam si Sulphur cum ferri scobe, & aqua misceatur, flammam faciliè concipit. Idem præstant substantiæ quæcunque oleosæ puræ atque ab aliis principiis optimè vindicata, si cum vitrioli acido copulentur, ut superius dictum est.



DE BITUMINUM GENERIBUS,

Et primùm de liquidi Bituminis  
differentiis.

C A P. I I.

**D**IXIMUS de Sulphure, sequitur ut de Bitumine dicamus, ob eam, quam cum sulphure [1] cognationem habet. Bituminis vox bifariam usurpatur, speciatim videlicet, ac generatim; speciatim siquidem Judaicum, quod Græci *ἀσφαλτον* vocant, Bituminis vocabulo propriè aliquando intelligitur; Generatim autem accipitur, ubi quicquid Bituminis naturam habet, uno verbo comprehendendum est; cum alioquin, ut res videntur variæ propter earum differentias ab accidentibus quibusdam sumptas, ac linguarum multitudinem, ita diversa Bituminum propria nomina existant, ut Naphtha, Maltha, Pissasphaltum, Gagates, Thracius lapis, Ampelitis terra, Carbones fossiles, Succinum, & alia quædam. Miror autem, quosdam non defuisse, qui nescio, qua vel ratione, vel conjectura existimaverunt, obsidianum lapidem, eam notam, qua à reliquis succis Bitumen distinguitur, nequaquam habentem; item Samothraciam gemmam, & Camphoram (quam ii, qui se ex camphoræ trunco collegisse testantur, gummi esse ajunt arboris in India nascentis) Bitumini esse adnumeranda; nam eorum levis conjectura, ex Plinii, aliorumque Scriptorum verbis facilè redarguitur. Nos itaque, iis omissis, de his tantum agemus, quæ Bituminis naturam citra controversiam obtinere videntur. Priùs tamen pro nostro instituto Bituminis differentias percurramus.

Bituminis nomen  
dupliciter accipitur.

An obsidianus lapis  
Samothracia gem-  
ma, & camphora  
inter bitumina sint  
referenda.

Bitumen nihil aliud est, quàm succus quidam pinguis, tenax, atque terrestris, cujus aliud liquidum est; aliud densum, idque pro loci, ex quo desumitur, natura. Liquidi verò aliud crassius, & veluti limus reperitur, quale est, quod Plinius ait, è stagno in Comagenes urbe Samosata emitti, & Maltham vocari, quod aquæ innatans à vento, & undis ad litus usque pellitur, ibique adeò indurescit mollitie glutinosa, ut nulla re (si Plinio, Solino, & Josepho adhibenda fides est) melius separari queat, quàm filo sanguine menstruo tincto. Tale quoque generatur in Judææ lacu Asphaltite, aliisque regionibus præsertim Babylone, ubi calcis usum præbere ita ferruminatis Babylonis muris, Plinius ait, & fusiùs Herodotus cum de constructione illius Civitatis verba facit: *Postea, inquit, cæno utentes Asphalto ferventi per trigesimum quæque laterum ordinem, summitates arundinum instipatas conglutinabant. Alia urbs nomine Is abest à Babylone octo dierum itinere, ubi fluvius est haud magnus ejusdem nominis, qui se devolvit in flumen Euphratem. Hic itaque fluvius Is unà cum aqua, permultos reddit Asphalti bituminis grumos. Asphaltus ad muros Babylonis comportabatur. Hunc autem in modum Babylon extructa est.* Huc usque Herodotus. Eo quoque Bitumine pro cæmento ædificatores Turris Babel usos fuisse Sacre Literæ docent. Sunt qui, & naphtham bituminis generi ascribant; sed inter eam, & Bitumen Dioscorides distinguit; naphtha enim liquida semper manet, nec igne unquam constipatur, Bitumen verò, etsi liquidum, igne tamen con- crescit, in eoque coquendo solet flamma excitari, quam Saxones linteo quodam humido Bitumini superinjecto ingeniosè compescunt. Naphtha videtur Bituminis tenuissima pars, quæ ex ipsa vi caloris sponte distillat, cui tanta est cum igne cognatio, ut flamma transfiliat in eam undecunque visam. Vulgus oleum Medææ, Petroleum, vel oleum saxi vocat; nam à petris, & faxis multis modis persæpe distillare videtur; nomen verò habet ab oleo, quòd liquida consistentia ad olei similitudinem accedat. Bitumen rursus, quod Naphtha dicitur, aliud esse album, aliud nigrum, aliud in candido-cinereum, Posidonius, referente Strabone, libro decimo sexto tradidit. Reperitur Naphtha

Bitumen quid sit.  
Ejus differentia.

Genes. 11.

Naphtha à bitumine  
quo differat.

Naphthæ duplex ge-  
nus.

L

plu-



pluribus sanè locis, ut in Italia, quæ ex agro Mutinensi, ex Monte Gibio affertur: in Lyguria, ut Theophrastus ait; in Samnio in agro Neapolitano, quodam loco qui dicitur *il Toccho*; ubi quoque sal fossilis reperitur: in Sicilia Agragantino fonte, quo incolæ utuntur ad lucernarum lumina olei vice; ac propterea nonnulli Sicilicum oleum esse judicarunt, quos Dioscorides erroris accusat. Reperitur etiam in Zacyntho Insula, in Britannia, Islandia, aliisque variis locis.

## N O T Æ.

[1] Bitumen Sulphuri admodum est cognatum: siquidem utraque magna Sulphurei principii copia abundat. Hinc tenax, unctuosum, viscidum, ac pingue est ob particulas flexiles & ramosas, maximè verò idoneum ad flammam concipiendam, ob ingentem, qua scatet, quantitatem partium summè volatilium ac tenuissimarum.

D E S P I S S I D E N S I V E  
Bituminis differentiis.

## C A P. I I I.

**H**A CTENUS de liquidi Bituminis [1] differentiis: Spissi verò dense genera etiam diversa sunt: nam vel intrà terram, vel extra exiccantur; efficiturque magis, & minùs durum, & ideo plus, minùsve splendet.

Bitumina intrà terram concreta.

Quod intrà terram densatur, vel lapidis duritiem acquirit, & poliri potest, & Gagates nominatur, vel (ut Solinus ait) Gemmeum Bitumen: vel non potest poliri, sed tantùm talem duritiem acquirit, ut carbones repræsentet, & carbo Fossilis appellatur: vel friabile est, terræ glebam referens, & Ampelitis, vel Pharmacitis terra dici solet.

Bitumen extra terram condensatum.

Quod extra terram concrevit, vel pice sicca durius efficitur, & nigrum splendensque est, non tamen pellucidum, ut Judaicum ex Sodomorum lacu advectum, & in aliis fontibus, & lacubus inventum; vel ex materia tenuiore constat, quæ sponte per suos alveos in mare defluit, ubi tandem maris frigiditate densatur, & coalescit, pellucidumque fit, Succinum, sive Electrum appellatum. Sed jam ad earum rerum separatam explanationem oratio revertatur, quæ à rerum naturæ studiosis, qui subiectum hunc indicem inspexerint, ignorari nullo modo est committendum.

## N O T Æ.

Bituminum differentiarum unde gignantur.

[2] Bartholæus Aët. Med Hafnien. tom. 1. obs. 57.

[1] Bituminis diversa genera sunt pro ejusdem principii Sulphurei, majori aut minori mole, variaque cum salibus, terra, aliisque heterogeneis corporibus mistione: qua modò liquidius modò densius, crassius, aut durius evadit. Si enim particula Sulphuris elementares magna aquæ copia sint dilutæ admisto pauxillo admodum salis, terræ, aliorumque corporum, Bitumen gignitur valde liquidum, volatile, penetrans, flammam celeriter arripens, oleisque volatilibus distillatis, quæ Exaltata vocant, admodum simile: quòd memoratæ particula activiores ab aliarum fixiorum, consortio non multum cohibeantur; sed exolutæ, liberiores, mobiliiores, & expeditiores in liquore agitentur. Quo in genere sunt Naphtha, & Petroleum; quæ exinde salium acidorum ope, ac terræ additione, variè temperata, ac plus, aut minùs coacta, abeunt modò in corpus mollius, viscidum, ac tenax, ut pissasphaltum, modò in substantiam friabilem, ut carbo fossilis, ac terra ampelitis, modòque in lapideam ferè duritiem facessunt, veluti gagates, succinum, & ambra. Quod chymicis experimentis pulchre, comprobatur. [2] Refert enim Borrichius, petroleum leni igne distillatum, ita ut tenuiores particula cum aqueis sensim evanescerent, crassioribus ac fixioribus relictis, denique in substantiam duram, ac lapideam concrevisse, succino admodum similem, paleasque, ac festucas, illius instar attrahentem.



DE BITUMINE JUDAICO, SIVE ASPHALTO.

C A P. IV.

**S** EQUITUR, ut in quoque Bituminis genere proprias notas explicem, quæ hoc, vel illud ostendant: nam in ejus generibus distinguendis non minorem affert difficultatem appellationum varietas, quam in aliis multis, orfus ab Asphalto [1], quod Latini Bitumen Judaicum, à lacu Judææ, qui dicitur *ἀσφαλτῖτης*, unde emergit, vocant. De simili stagno in Arabia non minus eleganter, quam prolixè Diodorus scribit, cujus verba hîc subjicere malui, quam studiosum lectorem ad illum locum remittere. *Est in regione* (inquit Diodorus) *Nabateorum stagnum ingens, quod longitudine quinquaginta, latitudine sexaginta ferme stadia complectitur, Asphaltum producens, ex quo non parum vectigal percipitur. Ejus aqua odoris est pessimi, atque amari: quo fit, ut neque pisces producat, neque aliquod aquatile animal. Et cum plures dulcis aquæ fluvii in illud decurrant, nequaquam tamen aquæ natura mutatur. Asphaltum stagni medietas plurimum annuatim gignit, quandoque ad tria jugera, quandoque ad duo. Unde & circumstantes Barbari majorem partem Taurum, minorem Vitulum appellant. Plenus Asphalto lacus procul aspicientibus Insula apparet. Cum Asphaltum lacus est egesturus, palàm ante vigesimum, & secundum diem apparent signa. Etenim circa stagnum stadiis pluribus fœtor à vento excitatus proprium argento, auroque, & æri colorem aufert: vento iterum reflante restituitur. Propinqua loca ex calore, fœtoreque lacus corrupta, & morbos afferunt incolis, & brevioris vitæ reddunt. Hactenus Diodorus.* [2] Tradit verò Strabo, hoc bitumen ex gleba terræ oriri, quæ à calore liquefacta efflatur, atque diffunditur, rursusque in glaciem fortissimam ab aqua frigida immutatur, qualis est lacuum aqua, unde & sectione, & incisione est opus.

Eligitur Judaicum splendens, nigrum, ponderosum, ac validi odoris. Præteritis annis parum synceri hujus bituminis in Italia fuit, sed jam cœpit legitimum adferri. Quod attinet ad facultates, secundum obtinet caliditatis, & siccitatis gradum. Discutit, glutinat, emollit, inflammationes defendit, vulvarum strangulationes, & procidentias suffitu, olfactu, apposituque reprimat. Tussim veterem, & anhelitus difficiles emendat: serpentium moribus auxiliatur; sanguinem concretum cum aceto potum discutit; dysentericis cum ptisanâ liquefactum infunditur; ad glutinationes cruentorum vulnerum mirificè valet. Pastores eo utuntur ad scabiem pecorum, & jumentorum sanandam. Ajunt etiam aridum hoc bitumen ad ædificia valere, quæ ex coctilibus lateribus fiunt. Igne facilè liquefcit, aqua verò alitur, in qua semel accensum diu permanet, neque extingui potest nisi rebus siccis. Asphalto plebeos adversus corruptionem condiri solitos fuisse, Strabo tradit. Non minimum contra aquam præstat munimentum, nè ea quæ ipso lita fuerint, aqua penetret; Unde Arca Noe bitumine illita fuit intrinsecùs, atque extrinsecùs; item fiscella, in qua positus erat Moses. Currus quoque, & axes eo illinunt, ut celerius volvantur, & nullum strepitum faciant. Olim Statuæ eo illitæ visebantur ad quamlibet cœli intemperiem. In ferro quoque, & ære, ferruginem, æruginemque prohibet. Admirabilis insuper quædam natura (ut Strabo scribit) illi tribuitur: nam igni admotum eum corripit; & si corpus eo illitum igni admo-veris, deflagrat, nec aqua ullo pacto extingui potest; sed magis ardet, oleo verò (ut quidam putant) restinguitur.

N O T Æ.

[1] Asphaltum ut innuimus ex petroleo seu naphtha unâ cum terreo-salinis partibus sociato gigni verisimile est. Hoc autem cum initio liquidum fuerit, progressu temporis obdurescit, quod humido-oleosis, ac volatilibus particulis sensim avolantibus, crassiores residuæ inter se arctius coeant, ac reliquarum sulphurearum partium motum inhi-beant, & coerceant, quamobrem densantur, atq: concrefcunt.



[a] Var. observat.  
lib. 4. cap. 3.

[2] Caterum opportunè hic exscribendus videtur Marsili Cagnati [a] locus, quo hujus Metallothecæ mentionem facit, ac nonnulla scitu digna de Bitumine, ex veteribus desumpta scribit, in hunc modum.

*Æliani & Strabonis loca de fossili Bitumine conferuntur ad Michaellem Mercatum Doctorem, Medicum, & Philosophum.*

Cum proximè in tua Metallotheca; cujus legendæ copiam mihi pro tua humanitate, Michael ornatissime fecisti; sermonem de Bituminum differentiis valde doctum perlegerem; in his verò meis observationibus loca quædam probatissimorum Auctorum contuliffem qui de fossili Bitumine ea scripserunt, quæ rerum naturalium studiosum latere minimè debent, & non levem philosophandi materiem præstant, in hanc ipsam adnotatiunculam commodè eodem tempore incidi: etenim ea mihi visa est ad mutuam benevolentiam nostram, tui nominis inscriptione, testandam aptissima.

Ælianus lib. Var. Histor. 13. narrat, in agro juxta Apolloniatarum Civitatem in Ionio sinu Bitumen fossile nasci: quod è terra sic oritur, ut unde effoditur loca ex integro replent eodem modo quo fontes aquarum plurimi. Et non longè ab eo loco ignem æternum ostendi. Uri enim humilem nec magni ambitus collem, Sulphur, & alumen olentem: quem circa sunt floridæ arbores multæ, ac vi-  
rentes, quarum nec flori, nec germini proximus ignis ardor quicquam officit. Dies noctesque ignem ardere, & nunquam defecisse, ut Apolloniata ferunt, antequam acciderit, ut ipsi adversus Illyrios bellum moverint. Hæc ita vertimus ex Æliano.

Strabo lib. 7. Geograph. In Apolloniatarum, inquit, regione Nymphæum appellatur. Est autem petra, quæ ignem emittit, sub qua fontes Bituminis tepidi manant, dum, ut verisimile est, gleba Bituminosa comburitur, cujus in proximo colle vena extat, quodque sectum est denuò reficitur, quasi terra in fossas impacta spatio, ac tempore in Bitumen convertatur, ut ait Posidonius. Hæc Strabo.

Nymphæi hujus Bituminis ex Theopompo pauca Plinius memoravit, lib. 2. cap. 106. & 107. Est autem notandum non dici ab Æliano, & Strabone contraria, quoniam alter fossile Bitumen nominet, alter fontes Bituminis commemoret: nanque & fontes, & metallum Bituminis, glebamque Strabo dixit: ut eodem tempore fossile Bitumen intelligas, quod igne combustum propinquo, in liquidi Bituminis rivos dissolvitur. Videtur autem Strabo in ea fuisse sententia, Bitumen generatim fossile, & glebam esse, quæ ignis opera liquidum ex sese Bitumen emittat, quod rursus frigore concresecat, Nam lib. 16. in descriptione Judææ, Sirbonium paludem talem esse scripsit, qualem Plinius tradidit lacum esse, quem Asphaltitem vocavit (cùm Sirbonis lacum alium fuisse quàm Asphaltitem cap. 13. lib. 5. perspicuè docuerit, qua in re melius eum sensisse, arbitror, quàm Strabonem, qui Sirbonim ab Asphaltite non distinxit, & de Sirboni dicit, quæ de Asphaltite dicenda fuerunt) in cujus paludis aqua nihil recipi, nihil mergi, Bitumen verò copiosum inveniri affirmat, & addit, *ἐστὶ δ' ἀσφαλτὶς γῆς βῶλ' ὑγραυομένη μὲν τῷ περὶ θερμῶν, καὶ ἀναφυσσόμενη, καὶ διαχρυσμένη. πάλιν δὲ μεταβάλλεται εἰς πάρον ἰσχυρὴν τῷ τῆς ψυχρῆς ὕδατος, οἷον ἐστὶ τὸ τῆς λίμνης ὕδωρ, ὡς τε τομῆς, καὶ κοπῆς δίδωται. εἴτα ἐπιπολάσκει διὰ τὴν φύσιν τῆς ὕδατος, ἢν ἐραυρῇ, μὴδὲ κολύμβει δίδωται, μὴδὲ βαθίζωται τὸν ἐμβάντι, ἀλλὰ ἐξέρχεται.* Est verò Bitumen terræ gleba, quæ à calore liquefcit, intumescit, atque diffunditur, rursus autem in adeò solidam glaciem mutatur ab aqua frigida, qualis est hujus paludis aqua, ut secari, & contundi debeat. Postea innatat propter ejus aquæ naturam, quam diximus neque colymbo egere, neque ingredientem mergere, sed ejicere. Ergo videtur una tum spissè, seu fossilis, tum liquidi Bituminis natura, gleba videlicet, quæ locis quibusdam à calore in liquidum Bitumen solvitur.

Plinius lib. 35. cap. 15. speciatim Apolloniaticum liquidis adnumerat. Ælianus fossile idem dixerat. Strabo utrumque verum esse significat, cùm tradat & fontes fluere Bituminis Apolloniatici, & ejusdem glebam adesse, qua exulta eorundem fontium liquor Bitumineus effluit.

## DE PISSASPHALTO, ET MUMIA.

C A P. V.

Dioscor. lib. 1. cap. 84.  
Plin. lib. 24. cap. 7.

Idem lib. 16. cap. 12.  
& lib. 24. cap. 7.  
Pissasphaltus quid sit.

Avicenna lib. 2. tr. 2.  
cap. 475.  
Serap. de simp. explan. cap. 293.  
Platear. de simp.  
Dioscor. lib. 1.

**P**ISSASPHALTUS Græcis πισσάσφαλτος, quasi piceum bitumen medium quiddam est inter picem, & bitumen, ut ex ipso statim nomine cuivis apparet, non quòd ex utroque constet, sed quòd utrumque oleat: redolet enim mistam bitumini picem, unde nomen invenit. Theopompus verò Picem Fossilem appellabat; scripsit enim in Apolloniatarum agro Picem Fossilem non deteriore Macedonica inveniri. Sed non solum in Apolloniatarum agro Epiri, vulgò Vallona, reperitur; verum ex Dalmatia quoque affertur, ubi prope Phariam Insulam, quam Lesinam appellant, non longè à Narenta invenitur, & in frequenti est usu ad navigia illinenda. Effoditur quoque in Pannonia, & Fossitia cera ab incolis nuncupatur; ab Hispanis dicitur *cera di minierra*.

[1] Arabes verò Pissasphaltum, & Mumiam confuderunt, sub una facultate utrumque comprehendentes, cùm revera Mumia nihil aliud sit, quàm humani cadaveris liquamen, aloe, myrrha, thure, & nonnunquam balsamo, atque asphaltu conditi; Pissasphaltum contra sit illud, quod ex Cerauniis montibus



bus fluminis vi defertur, & in mare exoneratur, unde postea eructatur, ac in littore in glebas prægrandes coacervatur, mistam bitumini picem naribus offerens. Quare dicere ausim, Arabes nunquam de sepulchrorum cadavere intellexisse cum Mumiam considerarent, & idem quod Pissasphaltum esse vellent. Antiquitus enim nullas Pissasphalto vires in medicina fuisse (ut nunc quidem) ex Dioscoride satis constat. Mumia verò hodie plurimas extare facultates fatemur, utpote qua utimur ad rupturas, contusionesque, atque ad sanguinem undecunque profluentem sistendum, si æquè per os sumatur, atque exterius applicetur; quod cum Pissasphaltum non operetur, quis Arabum Mumiam illud esse dixerit? Quidquid tamen Arabes cum Mumia designarint, quam eandem cum Pissasphalto nativo statuerunt, in medio ab aliis discutiendum relinquimus. Sufficit verò nobis Mumiam uti facultate, ita quoque præstantia sua à Pissasphalto differre.

Mumia Arabum quid.

Multum etiam inter Pissasphaltum, & Asphaltum interest; quòd hoc peioris sit odoris, flammæ avidius, friabilius, nigrius, & in nigredine splendidius, quàm est Pissasphaltum, in quo languidæ, imbecillesque hæ notæ deprehenduntur, cujus hoc nostro seculo nullus est, quod sciamus, præterquam in illinendis navibus, usus; quod adhuc præstare vix potest, nisi alicui materiæ liquidæ, & fluidæ, veluti oleo, admisceatur: adeò enim aridum, & siccum est, ut ex se nunquam lentescat, sed diffractum in grumos quamplurimos difseminetur.

N O T Æ.

[1] Pissasphaltus Arabibus *لجوج* Mumia appellatur, à Persico *موم* Mumon cera, quòd eundem usum ac cera antiquitus in cadaveribus condiendis præstaret: unde & ipsum cadaver aromatibus conditum Mumia quoque vocatur.

[2] Pissasphaltus autem Asphaltu siccior est, minùsque splendens, ac inflammationi minùs aptus, quia paucioribus sulphureo-aqueis particulis, majori autem terræ copia scætet.

DE GAGATE LYCIO,  
Sive Thracio Lapide.

C A P. VI.

SEQUITUR Gagates, Græcis *γαγάτης*, pissasphalto non dissimilis, verum quia densior, & ita durus est, ut poliri possit, ac lapidis modo concretus, ideo lapis nuncupatus est; à Gage autem Lyciæ flumine nominatur; Nicander verò ab oppido ad Gangem sito, ubi repertus fuit, appellat. Dicitur quoque Lycius lapis, quia in Lycia in veniri solet: recentiores nonnulli Ambram nigram vocant. Colore est nigro, majori ex parte crustaceus, ac levis, & cum politus est splendet. Optimus à Dioscoride censetur, qui celeriter accenditur, odoremque bituminis reddit.

Effoditur pluribus in locis, ut in Italia, in Agro Neapolitano, & Brixiano, in Gallia, in Sedunis, in Inferiori Germania, in Leodiensi diocesi, in Britannia, (ut Solinus auctor est) in Citeriori Hispania, ex quo formantur Sanctorum imagines, quas pauperes in Galliciam peregrinati, inde redeuntes pileis affixas secum afferre solent: ex eo quoque effinguntur globuli in corollis ad numerandas preces infixi.

Cæterum quoad ejus facultates, discutiendi, emolliendique vim habet: suffitus detegit comitiales, recreat vulvæ strangulationes, serpentesque fugat accensus; Tumoribus in genu diuturnis opitulatur. Scribunt etiam ejus suffitu Virginitatem deprehendi. Utrum verò mulier intacta sit, an verò coitu, aut puerperio commaculata fuerit nonnulli subsequenti ratione dignosci posse monstrant.

Lapis Gagates in tenuissimum pulverem redigatur, inde ex aqua vinove hauria-

Orpheus de lapidib.  
Nicander Theriacis.  
Dioscor. lib. 5. c. 104.  
Galenus lib. 9. simp.  
Plinius lib. 36. c. 19.  
Solinus in Polyhistor.  
cap. 24.  
Avicen. lib. 2. c. 323.  
Albertus Magnus de  
reb. metallicis lib. 2.  
cap. 7. & 9. sub no-  
mine Halcabræ.  
Isidorus lib. 16. c. 4.  
Locus.

Egineta lib. 7.  
Aetius tetrabib. 1.  
ser. 2. cap. 24.  
Facultates.



Modus deprehen-  
dendæ virginitatis.

hauriatur, si ciet illico lotium, ut retineri nequeat, corruptæ virginitatis indicium est; si verò viri adhuc congressus, vel puerperium passa non fuerit, facile pulverem cohibebit, & sinè ullo indicio digeret. Sed illud fabulosum nè sit, an historicum, per me cuius pro arbitrio suo interpretari licebit: constat auctores tam veteres, quàm recentes non semper, quæ vera esse noverint, scriptis tradidisse, sed multa, quæ ab aliis audita, vel tradita temere acceperunt.

Plinius lib. 33. cap. 5.

Nicand. in Alexiph.

Thracius lapis idem  
ac Gagates.

De Thracio lapide nunc aliquid dicendum esse videtur, qui cum nulla omnino nota à Gagate, quem hîc descripsimus, separetur, dubium nullum est, quin sub una Gagatis natura comprehendi videatur. Quæ enim à Dioscoride, Nicandro, Plinio, aliisque scriptoribus Gagati in universum tribuuntur, eadem & Thracius omnino exprimit, ut nomine tantum, natura verò nihil inter se discrepent. Neque mirum ideo cuiquam videri debet, unam rem diversis nominibus à variis rerum scriptoribus nominatam fuisse, quia cum in variis regionibus inveniri comperta fuisset, pro cuiusque regionis denominatione hanc multis modis appellarunt; non autem ut aliquid de natura rei auferrent, vel diversis nominibus diversas facultates rei innuerent: Et sanè ut quælibet regionem quampiam peculiarem sibi melius vendicaret, regionis nomen in rem derivare veteres solebant, quæ consuetudo in hodiernum diem æquè viget, atque perdurat. Neque verò à proposito alienum sit, si lapis qui Gagates, à Gage amne, vel Lycius à regione Lyciæ olim nuncupatus fuit, nunc quoque Anglicus vocetur; eò quod in Anglia abunde detegatur; nam de substantia, & natura ita sibi cum Gagate; & Lycio lapide convenit, ut si viderent Plinius, Dioscorides, Nicander, & alii plures, illum in Gage, & Lycia natum fuisse affirmarent, non in Anglia, nisi de patria constaret, ubi tam largiter provenire certum est, ut nemo cavillari audeat, aliunde in Angliam importatum esse. Thracius itaque lapis, quòd ex Thracia afferatur, nomen habet, vel (ut Nicander ait) quòd eum Pastores à Thracio fluvio afferre soleant. Theophrastus alio nomine hunc Spinon nominat. Nonnulli eum aqua accendi, & oleo restingui volunt, tanquam eo pacto à Gagate differentem, cum idem Gagati, omnique bituminis generi generaliter contingat.

#### N O T Æ.

Gagates lapideam duritiem nanciscitur à particulis salino-terreis, quæ cum debita aquæ portione commistæ, in succum lapidescentem abeunt, quo exigua petrolei quantitas implicita, instar lapidum concrevit. Ideo Gagates per distillationem resolutus in petroleum rursus aliqua ex parte facessit.

### DE CARBONIBUS FOSSILIBUS.

#### C A P. VII.

Theophrastus de lapidibus.

Carbonis fossilis  
substantia quæ.  
Eiusdem duplex genus.

**C**ARBO quoque Fossilis bituminis generibus annumerari debet, in Italia pæne ignotus, frequentissimus verò in quibusdam aliis regionibus, qui interdum Carbo Fossilis, interdum Lithanthrax nominatur, quasi lapideus carbo, bituminum omnium deterrimus. Fossilis carbo à Theophrasto appellatur, quia tam colore nigro, quàm substantia, & usu carbonem referre solet; exurit enim & igne accenditur, quemadmodum carbo, qui è ligno paratur, subduciturque. Constat quidem ex materia crassa, adeò adusta, ut aeræ partes absumptæ sint, & si quid oleosum, & pingue residuum illi sit, id non nisi nidorosum spirat. Eius duo sunt genera: quidam adeò levis, & rarus est, propter terræ adustionem, ut aquæ innatare possit, & à Theophrasto γαιώδης dicitur, qualis est is, qui in Samnio invenitur; quidam econtra gravis est, ut qui in Leodiensi diocesi admodum frequens existit, & λιθώδης Græcè vocatur. Horum meminit Galenus cum ait: *Lapides tabularum instar latos, & nigros, ac qui in ignem impositi flammam exilem emitterent, multos ex Cæle Syria asportavi generatos in colle, qui mare, quod appellant Mortuum, circumdat, & quidem*

ab



## Succi Pingues.

87

ab ortu ubi, & bitumen gignitur; odor etiam eorum lapidum erat similis bitu-  
mini. Hæc ille. Effodiuntur hi Carbones copiosissimè in Leodiensi diœcesi,  
unde ad vicinas urbes devehuntur. His enim non solum fabri ferrarii, & æra-  
rii Carbonum loco utuntur; verum ji, qui lignis indigent iisdem calcem co-  
quunt, seque calefaciunt; horum flamma, quam optimè Galenus exilem esse  
comperit: si subsederit, aqua excitatur, & vehementior exurgit. Nascuntur  
quoque in Vvestphalia, & per totam Misneam, aliisque locis pluribus, ubi  
eundem usum incolis suppeditant. In cibis verò coquendis nusquam, quod  
sciam foco adhibentur, propter gravem nidorem, quem ambusti maximè ex-  
halant.

## DE TERRA AMPELITI, ET PHARMACITI.

C A P. VIII.

**P**ROXIMA his inter bituminum genera terra Ampelitis est, quam Græci  
*ἀμπελίτιν*, vel *φαρμακίτιν* vocant, quod vitis morbis medeatur, tametsi no-  
men hoc medicatis omnibus conveniat, ut Galenus ait; Arabes *Thin alcharin*, *Galenus lib. 9. simp.*  
idest Lutum vitis, nominant. Bituminosa terra est, fossili carboni adeò similis, *Avicenna lib. 2. tract.*  
ut ab illo vix possit discerni; neque ob id mirum est, Theophrastum illius descri- *2. cap. 427.*  
ptionem sub carbonibus fossilibus comprehendisse; in hoc tamen differt, quòd *Plinius lib. 35. c. 16.*  
friabilior, pinguior, minùsque compacta inveniri soleat. Optima est, ut Dio- *Dioscor. lib. 5. cap. 38.*  
scorides ait, colore nigra, exiguis piceæ carbonibus similis, modicè assulo- *Oribas lib. 2. cap. 56.*  
sa, æqualiter splendens, etsi cum subigitur oleo exigua sparsa non tardè li-  
quescat.

Reperitur in iisdem locis, ubi carbones fossiles effodiuntur. Hac agrico- *Ægineta lib. 7.*  
læ vites illinire solent ad prohibendos, arcendosque vermiculos, illarum ocu- *Actius lib. 1. tetrabibl. serm. 2. cap. 9.*  
los depascentes, quos Ipas, sive Scnipas vinitores nominant. Vim siccandi, *Strabo lib. 7.*  
& discutiendi habet, tingendisque capillis utilis est. *Plinius lib. 35. c. 16.*

N O T Æ.

Terra ampelitis Arabibus *طين الكرم* *Tino alcarimi*, idest Lutum vitis.

## DE SUCCINO,

Sive Electro, & Lyncurio.

C A P. IX.

**P**OSSET Succinum cum in mari reperiatur, cum aliis Marinis Armarii fe-  
quentis describi, sed quia & origine, & odore planè bituminis genus  
est, bituminibus ideo adnumeravi. Succinum dicitur, quòd succus esse crede- *Dioscorid. lib. 1. c. 93.*  
retur, sive gummi, sive lacryma ex arboribus pinei generis, vel albæ populi *Galenus lib. 1. facult. natural.*  
profluens: quod falsissimum esse hodie certa constat experientia; *ἤλεκτρον* Græci *Plinius lib. 37. cap. 2.*  
vocant, à sole quem *ἥλιον* appellant. Ridiculus autem esset, qui non *cap. 3.*  
ridiculas Poetarum fabulas existimaret: Heliades scilicet Phaethontis Solis filii *Solinus in Polyhist. cap. 22.*  
sorores in arbores esse conversas, earumque lacrymas in Padum fluvium deci-  
dentes hunc succum fieri, & condensari, ut canit Ovidius.

*Inde fluunt lacrymæ, stillataque sole rigescunt  
De ramis Electra novis, quæ lucidus amnis  
Excipit, & nuribus mittit gestanda latinis.*

*Ovidius lib. 2. Metamorph.*

Arabibus [1] Charabe, vel Ambra nominatur, Germanicè Agstein; Quòd  
autem tritu calefactum ad se trahat paleas, floccos, tenuia metallorum, alia- *Serap. de Simp. cap. 276.*  
que minuta non secus, ac magnes ferrum, ideo *περυσφόρος* à Græcis vocatur; *Avicenna lib. 2. tr. 2. cap. 372.*  
[2] cujus rei causam (ut verum fatear) non assequor, nisi ita naturam voluisse exi-  
stiman-



*Dioscor. lib. 2. cap. de  
urina.*

[a] *Lib. 5. de subtilit.*

Cardani sententia  
de vi electrica suc-  
cini improbat.

stimandum sit, quod commune est in absconditis rerum causis remedium, & ab omnibus satis tritum; neque verò Plinius causam tradit; [a] Cardanus tamen unus omnium reddere rationem conatus fuit, quæ ut melius illi cessisset ex sententia, argumentis, & quidem firmis erat suffulcienda, neque à Julio Cæsare Scaligero eximiæ tum eruditionis, tum subtilitatis viro impeti, impugnari, & severas censuras incurrere potuisset, quæ ut in vivis, ita post mortem ipsum malè habebunt; Succinum enim attrahere inquit, quia humidum habet pingue, quo emissio, res sicca combibere cupiens, versùs fontem, idest Succinum movetur. Quam sanè rationem Scaliger insigniter infirmavit, & nobis ingenio suo satisfecit. Verùm ut instituti nostri rationem habeamus, nève longius, quàm debita occasione permittitur, excurramus, lectorem ad Scaligerum transmittimus; quod ex ejus lectione emolumenti non minùs eum percepturum confidimus, quàm animadversurum quoque, quàm temere nonnunquam ii faciant, qui aliquid aggressi non certis insistant opinionibus, quæ extra omnem controversiam sint.

[b] *Ex Agricola lib.  
4. de nat. foss.*

*Theophrastus de la-  
pid.*

*Dioscor. lib. 2. c. 74.*

*Plinius lib. 37. c. 3.*

*Solinus in Polybi-*

*for. cap. 7.*

*Strabo lib. 4. Geo-*

*graph.*

*Plinius lib. 37. c. 2.*

*3.*

*Agricola lib. 4. de*

*nat. foss.*

Succinum quo mo-

do generetur.

Cæterùm Succinum ita demum attrahere paleas, festucasque censetur, si digitis atteratur, donec incalescat; alioqui stupidum, & ignavum fore, quod per se nisi exterius digitorum fotu adhibito vim talem non obtineat, quemadmodum magnes, cujus etsi superficies frigeat, neque digitis affricari eum necesse sit, ut calorem in se recipiat, attrahit tamen ferrum, sicuti loco suo dicemus. Illud verò mirum, Cardano [b] dicente, ad Pucecam ab humo folia ad duos pedes in sublime rapta fuisse Succini vi. Si paleas, & arida folia oleo lini contingas, Succinum illa non rapit. Veteres nonnulli Lyncurium, sive Lyngurium illud appellarunt, fabulosè existimantes ex urina Lyncis animalis fieri. Strabo quoque per Lyngurium Succinum ipsum interpretari videtur, cum scribit: *Abundat apud eos, qui Lyguriam habitant, Lyngurius, quod electrum quidam appellant.* De Succini autem origine variæ sunt scriptorum opiniones, quas Plinius ex veteribus, ex recentibus verò Agricola latissimè, & explicatissimè exequuntur, quæ cum longius evagentur, quàm hinc ascribi debeant, ab ipsis auctoribus sunt petendæ. Hoc scire modò licet hodie à peritis hominibus, qui Prussiam longis itineribus peragrarunt, deprehensum esse, nihil aliud esse Succinum, quàm liquidum bitumen, quod per meatus subterraneos delabatur, & in mare devoluitur, cujus procellis hinc inde agitatam, adeò concutitur, ut à maris frigore in eam, quam videmus, duritiem condensetur, ejusdemque falsedine transformetur.

Locus.


Provenit copiosè in mari Germanico, præsertim in Svecia, & Prussia; Ex terra enim in mare delapsum, vel maris tempestate ad litus expellitur, vel rusticorum opera, quibus Principes pro servis ibi utuntur, in ipso mari excipitur haud exiguum illis ipsis, qui maritima loca tenent, vestigal præstans. Reperitur quoque in Africa, aliisque locis compluribus. Nicias in Ægypto nasci eodem modo, quo in Europa, memoriæ prodidit. Theophrastus verò, & Xenocrates in Hispania dixerunt inveniri, cum Oceani tempestas ad Pyrenæi promontorium illud ipsum expellat.

Succini differentiæ.

Differt Succinum inter se colore, nam prout materia, ex qua generari solet, purior, tenuior, crassiorque est, variæ in eo colorum differentiæ conspiciuntur; vel enim candidum reperitur, vel subalbum, vel fulvum, vel falernum, vel decocti mellis colorem referens, vel nigrum denique, quod idem cum Gagate esse judicatur. Candidum autem omne genus Succini redditur, cum longam scilicet in aqua falsa traxerit moram: vetustate etenim candorem consequitur. Omne ferè perspicuum inveniri solet, sed præcipuè fulvum, & quod falernum vinum colore imitatur, in quibus sæpe varia perpulchre conspiciuntur: Interlucent enim herbarum folia, cortices, paleæ, vel aliquando animalcula, ut muscæ, apes, culices, araneæ, vermiculi, formicæ, lacertæ, ranæ, pisciculi, & id genus alia; quæ quidem in liquidum bitumen, aut cum adhuc è terra emanaret, involarunt, vel irrepserunt, vel inciderunt, aut cum jam in mare influxisset, innatarunt; atque sic comprehensa, & inclusa unà con-



concreſcunt, ſiccanturque, & ita à putredine perpetuò in lucenti ſepulchro conſervari videntur. Vidimus nuper Romæ in arce Sancti Angeli rubetam ſatis magnam, prout præſens tabula exhibet, Succino irretitam, & quaſi in eo ca-



DIVERSA CORPORA SVCCINO IRRETITA

ptivam, ſpectaculum profeſtò ſuave, jucundumque, & memoria dignum, in quo an natura Succini ſit laudanda, an quidvis aliud potiùs, nos omnino fugit. Ad hoc ipſum quoque Martialis reſpexit, in hunc modum canens,

*Cùm Phaethontea formica vagatur in umbra,  
Implicuit tenuem Succina gutta feram.*

Hæc autem argumento ſunt, ut Plinius dixit, Succinum primò liquidum diſtillare, poſtea dureſcere.



Præfertur hodie inter Succini genera, quod candidum est, & quod candidius, eò præstantius; nam odoris fragrantia thus, & myrrham aliquando superare videtur; singularem quoque dulcedinem habet; reliqua verò vel minimam, vel penitus nullam. Veteres verò fulvum tantum, & falernum, propter nitorem, & pelluciditatem, cæteris præferre solebant. Ex illis enim variæ olim conficiebantur figuræ, & præsertim hominum effigies.

*Egineta lib. 7.  
Actius tetrabibl. 1.  
serm. 2. cap. 34.*

Cæterum quod ad facultates attinet, cordi perutile est, & ob id ipsius tremori mirificè medetur, præcipuè verò candidum. Sanguinis profluvia, & mensium redundantiam cohibet: viscera roborat: ventriculi vomitum sistit. Dysentericis prodest. Tritum, & in vino exhibitum ictericis auxiliatur. Calculo, & Dysuria laborantibus confert. Dentium dolores mitigat. Collo gestatum gulæ, & faucium morbos arcere creditur. Sunt qui in oculorum distillationibus magno quidem adjumento Succini globulos occipitio annectant. Conclavibus suffitum pestilentem aerem prohibet, & ad tertium usque diem odor ipsius durat. Candidi præterea suffimentum (ut Agricola testatur) comitalem morbum pellit. Adulteratur Succinum melle cum croco, & candido ovi; verum odore cognoscitur, & quia paleas non trahit.

## N O T Æ.

[1] Succinum Arabibus vocatur *كهر* vel *كهرق* *Kahraba* idest paleas rapiens, ut interpretatur Avicenna.

[a] *Hist. dell' Acad.  
Rogal. de scienc. an.  
1705.*

[2] Substantia constat bituminosa, magna Salis acidî volatilîs copia, pauxilla aqua, & terra, ut ex chymica ipsius analysi demonstratur. [a] Etenim distillatum præbet primò nonnihil aquæ, exinde oleum bitumen redolens, ac magnam salis acidî volatilîs quantitatem, relicto terræ residuo, ex quo nihil salis fixi elici posse perhibent. Quò autem purius magisque perlucidum, album, vel flavum est, eò majorem præbet olei ac salis acidî volatilîs copiam; quò verò inquinatius, magis opacum atque atrum, eò majorem terræ quantitatem relinquit.

Hinc probabilior videtur eorum sententia, qui statuunt Succinum nihil aliud esse, quam petroleum condensatum, ac lapideam ferme duritiem adeptum, tum ob partium fluidarum ac tenuiorum evaporationem, tum ob sales acidos, qui materiæ liquidæ bituminosæ substantiam subeuntes compactam ac duram efficiunt, ut superius innuimus in capite de Bitumine. Quod multis aliis argumentis evincitur.

*Hist. dell' Academ.  
Rogal. de scienc. an.  
1715.*

[b] *Act. Med. Hafn.  
tom. 1. observ. 57.*

[c] *Museo di Fisica  
osservat. 5.*

[d] *In museo lib. 1.  
sect. 1. cap. 13.*

I. Enim ex liquore initio fluido succinum concrefcere satis demonstrant, diversa animalcula, vegetabilia aliaque heterogenea corpora in ipso intercepta, quorum icones eleganter expressæ habentur apud nostrum Auctorem: Nos autem observavimus apud Illustrissimum Strozzam magnum Succini frustum, in quo inclusi liquoris gutta fluitabat: qui sanè liquor aut exterius influens in Succini adhuc mollis, & tenacis hiatum fuit obvolutus, aut, quemadmodum suspicamur nihil aliud est, quam substantiæ bituminosæ portio, nondum in Succini duritiem immutata: olei siquidem semiconcreti, ac subviscidi speciem exhibet: nam non eadem celeritate, qua aquei liquores solent, sed lentè, agitato Succino, commovetur, ac in depressam partem labitur. Hujusmodi Succini frusta imperfecta ac mollia reperisse in maris fundo scribit Joannes Vvigandi.

II. Verò inter fossilia, ac bituminum genera esse recensendum, non autem inter liquores aut resinas ex arboribus exstillantes, ex eo demonstratur; quòd nullum vegetabile adhuc repertum sit, quod simul oleum bituminosum, & salem acidum volatilem ex distillatione emiserit veluti Succinum: licet id in fossilibus passim observetur.

III. Bartholinus [b] refert penes Scholerum Succinum fuisse, quod affricu petrolei odorem spirabat.

IV. Reperiri Succinum testatur Bocconus [c] in variis locis petroleo scatentibus veluti in maritimis Siciliæ oris, ac propè Anconam; immo etiam in locis mediterraneis in Umbria videlicet, Bononiæ, ac propè Fulginium intrà saxum inclusum à fossoribus erutum fuisse tradit magnum Succini frustum; quod coaluisse verisimile est ex materia bituminosa fluida, per lapidum rimulas in eandem cavitatem confluentem, ac inibi sensim salium acidorum ope condensata. [d] Vvormius denique asserit in variis metallorum fodinis Succinum à se repertum cum chalcitide, melanteria, aliisque fossilibus commistum.

Quoad virtutem attinet levium corporum attractricem, quam electricam vocant, in varias abeunt Physici sententias. Verum nos, missis aliorum opinionibus; hac ratione explicari posse censemus. Dum Succinum atteritur, partes ipsius salino-sulphureæ volatiliores, ac tenuiores exolvuntur, ac magna copia quaquaversus effunduntur: quapropter aerem circumfusum rarefaciunt, qui segmento aeris à Succini effluviis remotiori exterius urgenti sensim cedere cogitur: hinc corpora leviuscula, paleæ nimirum ac festucae, ab aeris densioris impetu propulsæ, versùs Succinum adiguntur, tanquam ad locum subinanem, ubi minor est tenuioris aeris renixus: eadem penè ratione, qua observamus passim versùs flammam in camino cartæ frustula, aliaque hujusmodi levia circumpelli.



DE AMBRA ODORIFERA,

Grysea vocata.

C A P. X.

**Q**UONIAM de Succino Ambra à Mauritanis vocato, proximo Capite egi, res ipsa postulat, ut prius, quàm hinc digrediamur, qualis sit Ambra, quæ vulgò Grysea dicitur, paucis ostendam, nè quis existimet, me Ambram hanc odoriferam cum Ambra bituminosa confundere, cum toto genere differant; neque enim odore, neque sapore, neque colore, neque facultate denique inter se conveniunt. Hæc ab Aetio, recentioribusque Græcis ἀμβρα appellatur; Arabibus [1] *Ambar*; Latinis *Ambarum*; Officinis *Ambra-cane*.

De ejus autem origine magna est inter recentes Scriptores disceptatio; aliis dicentibus sperma cæti esse; aliis piscium quorundam excrementum; aliis bituminis esse genus non secus, ac succinum, & ob id orientale succinum appellari; aliis non bitumen, sed terræ potiùs genus esse. Verùm quia ita existimantes sinè veterum testimoniis loquuntur, & conjecturis tantùm levibus, quasi divinantes, rem comprobant, nè nos etiam aliquid divinasse potiùs, quàm rem certam prodidisse dicamur, id Arabum Testimoniis in medium afferemus, unde materiæ hujus licebit haurire originem. Scribunt illi Ambram in maris alveo, non secus, ac in terra fungos nasci, ipsamque partim fluctibus, ac tempestate unà cum lapillis ejici, atque ita in littoribus colligi; partim à piscibus devorari, atque iis interfectis eximi; unde eam, quæ in ventre reperitur, improbant, quæ verò spinæ adheferit, uti meliorem laudant.

Vulpem Ambra plurimùm insidiari Cantabri auctores sunt, qui nusquam non illam in Oceano Britannico occupant; integrè enim Ambram à Vulpe deglutiri exteris produnt, & nè digeri quidem; quare, & integram cum alvo laxari, sed juxta colorem, & odorem æquè corruptam.

Reperitur cinerei, vel candidi, vel nigri coloris, sed aliquando sub flavo immisti, ita ut tuberis varietatem planè referat, nisi quòd crustis indurefcens obducatur. Tenuissimas insuper habet partes crassis mistas, & ob id grave olet, odorisque magnitudine illico cerebrum implet. Præstantior est cinerea, albicantibus interdum venis intercurfantibus, levis, pinguis, pura; idest sordibus expers: Persæpe enim piscium ungulis avium rostra referentibus, ostrearumque testis, ac conchyliis permista invenitur, quæ contactu ipsi adhærere solent.

Deterrima nigra est, quæ cum pisces putres oleat, præsertim recens (nam tempore odorem deponit) illa ipsa censerì potest, quæ in piscium ventre reperitur. Affertur ex mari Æthiopico, & præsertim ex insula Zeilam vocata; invenitur etiam in Timor, & Brasil. Sed de hac re Gargias ab Horto latius meminit. Præstantissimam vidimus Romæ à quodam Gallo ex illis regionibus allatam, quæ humani capitis magnitudinem superabat, librarumque quinque pondus excedebat, cujus superior crusta omnino erat tenuissima, candidique coloris, intus verò tota cinerea, visu quidem pulcherrima, & gravissimi, jucundissimique odoris, quam postea Illustrissimus, & Excellentissimus Dominus Jacobus Boncompagnus Dux Soræ magno precio emit.

Quoad facultates, Ambra caliditatis secundum obtinet gradum; siccitatis verò primum; Attenuat, incidit, cerebrum proprietate quadam roborat: Cor recreat, sensusque omnes reficit. Syncopen tollit. Vino infusa ebrietatem parit; Senibus, & natura frigidis utilior, quàm juvenibus. Adulteratur Benzoo, Styrace, Xyloaloe, Ladano, Moscho, Zibeto, & consimilibus aqua ro-

*Aetius lib. 16. c. 122.*  
*Serap. de simp. cap. 196.*  
*Avicenna lib. 2. tract. 2. cap. 63.*  
*Averr. 5. collig. c. 56.*  
*Platear. de simp.*  
*Agricola lib. 4. de nat. fossil.*  
*Hermol. Corollario 119.*

*Gargias ab Horto lib. 1. de hist. Aromat. cap. 1.*



facea mistis . Sed deprehenditur sapore , atque odore , nec enim statim cerebrum , omnesque sensus replet odoris gravitate , ac tenuitate .

## N O T Æ .

Ambra dicta est ab Arabico *Ambaron* . Ita autem nuncupari existimat Salmasius , à Balæna , quæ eodem nomine insignitur apud Incolas Fez & Maroci . Nonnulli enim arbitrantur Ambram nihil aliud esse quàm sterces Balænae .





# I N D E X

## A R M A R I I Q U I N T I .

**S**ulphur vivum, five ignem non expertum, liquidum, & candidum, Puteolanum.

Sulphur nativum nigrum, Volaterranum.

Sulphur nativum durum instar lapidis, ex Sylvena.

Sulphur nativum glebosum cinereum; Volaterranum.

Sulphur nativum flavum, pellucens, chrysolithi instar.

Sulphur nativum flavescens, in capillamentis concretum, Puteolanum.

Sulphur nativum arenæ simillimum; ex Ilva insula.

Sulphur nativum in atro-cinereo; ex Sylvena.

Sulphur nativum cum Alumine plumoso mistum; Puteolanum.

Sulphur nativum glebosum nigrum; ex Sylvena.

Sulphur nativum viride; ex Sylvena.

Sulphur nativum rubrum; ex Sylvena.

Sulphur nativum glebosum in candido cinereum.

Sulphur nativum cæruleum: Hispanicum.

Sulphur nativum glebosum, candidum cum Melanteria.

Terra Sulphurea, ex qua Sulphur excoquitur; ex Sylvena.

Vena Sulphuris citrini, & rubei; inter misto argento rubro; ex Germania.

Sulphur ignem expertum, ex aquis sulphureis.

Sulphur ignem expertum ex venis, & terris sulphureis.

Oleum sulphuris, è sulphure liquido expressum.

Oleum sulphuris, ex sulphure vivo distillatum.

Bitumen liquidum Naphtha vocatum, ex lacu Asphaltite.

Bitumen liquidum, vulgò petroleum, vel oleum saxi; ex Saxonia.

Bitumen liquidum, ex Monte Gibio agri Mutinensis.

Bitumen liquidum Neapolitanum.

Bitumen liquidum Siculum.

Bitumen Judaicum, five Asphaltum.

Pissasphaltus ex Dalmatia.

Pissasphaltus ex Pannonia.

Mumia.

Gagates lapis, vulgò Ambra nigra.

Carbones fossiles, ex agro Leodiensi.

Carbones fossiles, ex Vvestphalia.

Carbones fossiles, ex Ilva Insula.

Carbones fossiles cum Pyrite aluminoso, ex agro Spoletino.

Carbones fossiles friabiles, ex Sylvena.

Terra Ampelitis.

Succinum subalbum.

Succinum candidum.

Succinum falernum.

Succinum fulvum.

Succinum cinereum.

Succinum decocti mellis colorem referens.

Succinum flavæ ceræ simile.

Succinum nigrum.

Succinum in candido citrinum.

Succinum in candido prasinum.

Succinum in fulvo rubrum.

Succinum crocei coloris.

Succinum rubrum, ut Sarda.

Succinum Topatio simile.

Succinum chrysolitho simile.

Succinum carbunculo simile.

Succinum candidum, & pellucidum, hodie in precio habitum.

Succinum in candido flavum non pellucidum.

Succinum luteum non pellucens.

Succinum decocto mellis simile.

Succinum multis coloribus varium.

Succinum candidum mellei coloris, & cinereum mistum.

Succinum fulvum non pellucens.

Succinum falernum orientale, quod accensum non reddit odorem Succini, verum suavem, & aromaticum.

Succinum fulvum, cui muscæ includuntur.

Succinum fulvum, in quo formicæ.

Succinum fulvum, quod culices claudit.

Succinum fulvum, cui centipedæ insunt.

Succinum subcandidum, in quo araneus concrevit.

Succinum adulterinum, quod colore à vero nihil differt, quodque in arboribus è formicarum cellis eximitur.

Oleum succini.


Sal succini.

Ambra odorifera, grysea vocata, cinerea, albicantibus venis intercepta.

Ambra piscium ungulis, avium rostra referentibus, permista.

Ambra odorifera nigra, quæ in piscium ventre reperiri solet.







## ARMARIUM VI.

## MARINA

## DE ALCYONII GENERIBUS.

## CAP. I.



UÆDAM animantia in confinio naturæ metallicæ vitam fortiuntur, quæ substantiam habent ipsorum similem lapidi, aliisque rebus fossilibus, & genera metallica reputantur esse postquam anima destituuntur; nam quicunque auctores de iis scripserunt, plerunque hujusmodi animantia, non inter plantas, nec inter animalia, sicut pro conditione cujusque animæ conveniebat, sed ratione substantiæ, quæ post vitam ipsorum integra conservatur, in metallicis recensuerunt. Nos

Cur nonnulla animantia & Vegetabilia inter metalla recensentur.

verò, quibus æquum est, non sinè ratione auctores sequi, cum hæc animantia in Metallotheam nostram referre constituissimus, illum locum iis attribuere visum est, qui medius sit inter lapides, atque inter priora metallica, quæ nimis composita, & naturæ mollioris existunt, qualia hætenus descripta sunt. Nam hæc animantia partim duritiem habent lapideam, ut Ifidis plocamos

*Desunt nonnulla.*

De Alcyonio primùm dicemus, quod quia ex maris spuma fit, quæ foribus, vel (ut Plinius ait) limo, vel cuidam maris lanugini permiscetur, indeque crassescit, ideo græci ἀλὺς ἀχύνν vocant: à Theophrasto autem Pumex appellatur: officinis Spuma maris dicitur. Alcyonium verò nominatur ab avibus, quas Aalcyonas, vel Alcedines vocant, quæ hiberno tempore in mari nidulantur, & ex eo nidos suos construunt. A Græcis verò dicitur ἀλκυὼν παρὰ τὸ ἐν ἀλὶ κύνειν, ab eo quòd in mari pariat. Hanc autem avem ajunt passere paulò esse majorem, colore tum cœruleo, tum viridi, pennis purpureis, candidis intermistis, collo gracili, & procero, rostro subviridi, longo, & tenui: Ejus naturam fusiùs explicatam pete ex Aristotele, & Plinio, vel ex Sancto Ambrosio, & inter recentiores Agricola; qui à marinis fluviatiles, & riparias, ut vocat, distinguit. Cœterum hoc, de quo nunc loquimur, Alcyonium à Theophrasto, ut supra diximus, Pumex appellatur; quoniam, non secus ac pumex, est foraminum plenum; Arabibus [1] Zebeth albahar, seu Zebd albhar dicitur; vulgò *Alcionio*, cujus genera veteres, vel differentiis aliquot prætermisissis, vel fortasse multarum ipsius rei specierum nominibus destituti, in quinque tantùm partiebantur: nos cum plurimas viderimus species, hunc in modum illas digerimus; ut Alcyonium sit vel læve, vel asperum; deinde vel durum, aut molle. Asperum verò aliud spongiosum, & rarum, aliud densum, & fungosum. Rursus durum, aliud fistulas habet oblongas, simulque congestas, & coagmentatas; aliud mollius ad vermiculi figuram propiùs accedit: aliud planum est, aliquod rotundum; quoddam longum pinnas refert, quod etiam est molle, & imbecillum, pilorum, vel lanuginis instar est, quale tertio Ifidis plocamo adnatum ostendemus: quoddam est pumicosum, & paulò durius; aliud durum ex lapidea planè substantia. Rursus aliud longum, & tenue; aliud parvum, & vix supra conchyliorum tegmen exstans; aliud medio modo inter utrumque habet. Rubescit aliud, aliud flavescit, aliud candidum est, aliud colore cineris: Quoddam minùs bene olet; quoddam odore caret. Quæ omnia in littore mediterranei maris repe-

*Plinius lib. 32. c. 8.*

Alcyonii nomina & etymologia.  
Alcyon unde dicta.

*Aristoteles lib. 9. de histor. animal. cap. 14.  
Ambrosius in lib. exameron.*

*Serap. de simp. 388. de Alcyonio tract. sub hoc nomine spuma maris.*

*Dioscor. lib. 5. c. 94.  
Galenus lib. 11. simp. Egineta lib. 7.  
Aetius tetrabibl. 1. serm. 2. cap. 42.*

Alcyoniorum differentia.




reperiuntur. His sic expositis, singulas Alcyonii persequamur differentias.

## N O T Æ.

[ 1 ] Alcyonium Arabibus vocatur *زبد البحر* *Zebedo Albabri*, idest spuma maris.

[ 2 ] De Alcyonii natura non convenit inter recentiores. Plerique enim nihil aliud esse censent, quàm colluviem corporum diverforum; quæ continua maris agitatione, pulsuque invicem collisa, in minima fragmenta rediguntur, ac nonnunquam in substantiam mollem unctuosam ac tenacem abeunt, ac denique paulatim inter se implicita, spongiosa corpora modò mollia, modò duriuscula, variisque figuris prædita compingunt, quæ Alcyonia appellantur: & hæc opinio magis arridet. Alii autem in plantarum numero habenda esse existimant; quod peculiarem formam præferant, ac stirpium instar, propriis adhærescant locis, ipsarumque vascula, ac internam partium structuram amulentur.



ALCYONIUM PRIMVM



## DE PRIMO ANTIQUORUM ALCYONIO.

### C A P. II.

**P**RIMUM igitur genus, quod hic vides, est cinericii coloris, & spongiæ simile, spissum tamen: saporem falsum, & acrem habet, qualis ex as-  
fidua fluctuum collisione in mari conciliatur; odorem prægravem, ingratumque, ut pisces putres, emittit; ponderosum est cum primum aquis subducitur: inveteratum verò ex aqua levius multo efficitur: apparet intus ex stupa congestum, & foris undique limo obductum: Alcyonium illud quidem primum, quod penès nos est, primo intuitu cucullum præferebat, qualem devitandæ ingruentis pluviae causa pallio adalligatum viatores gerunt. Alia tamen hujus classis plura dissimili facie nasci credendum est; sed omnibus commune esse, quòd spongiosa sint, propterea veteres hac una communi nota contentos, figurarum varietatem neglexisse. Hoc genus in plurimis officinis habetur, & in foeminarum smegmata assumitur, teste Dioscoride, contra lentigines, lichenas, lepras, vitilignes, nigrities, & maculas in facie, reliquoque corpore.

Alcyonii prima descriptio.

Ulus.  
Dioscor. lib. 5. c. 94.

### N O T Æ.

[ 1 ] Alcyonium primum Mercati, est *Alcionio duro*, ed *Alcionio primo di Dioscoride*, Imperato. Alcyonium spongiosum officinarum, Jo: Bauhino.

Hoc Alcyonii genus algæ vitriariorum radicibus innasci, ac concrefcere tradit [ a ] Bocconus ex materia spongiosa particulis arenaceis pororum substantiam æmulante compacta.

a Museo di Fisica osservat. 47.

## DE SECUNDO ANTIQUORUM ALCYONIO.


### C A P. III.

**S**ECUNDUM Alcyonii genus pinnulæ oculorum, aut spongiæ simile, fistulosum, & leve, odorem algæ referens, describit Dioscorides. Totum hoc Plinius ita paucis perstrinxit, *molle inquit, lenius, odore ferè algæ*. At Galenus longiorem formam addidit, rarum, & leve esse; odorque phycis ipsi propior videbatur. Nostrum illud apertè omnes, & quàm probè illi inter se congruant expressè monstrat. Prima fronte totius compositio spongiæ non dissimilis, ex vesiculis quibusdam tenuibus, vacuis, lacerando contumacibus, quas oculorum pinnulis Dioscorides comparat, compacta est; quare molle, lenius, & ( ut Galenus ait ) rarum, & leve. Fistulosum esse, ( quanvis id Plinius, & Galenus prudentes neglexerint ) dici potest cum pelliculæ illæ, non omnino rotundæ, inanes, & sæpe non aliter inter se, quàm tenuiore meatu distinctæ sint. Forma plerunque longior; vidimus tamen, quæ Galeno forsan nunquam contingere, rotundiori. Odor est, qui algæ, aut qui phycis: nihil refert. Color ab omnibus omissus, quia varius. Quæ hætenus vidi penè rufæ, flavæ, sulphureæ, pallidiore. Si qua differentia ampliùs, erit in pinnulis, seu potiùs pelliculis, quarum aliæ aliis minutiores, & ferè illæ, quæ flavæ, aut ex flavo in candidum tendunt; quæ etiam subtus forantur; totaque

N

ipsarum





ALCYONIUM SECVNDVM

ipsarum compago, sive spongia, minor est. Eadem præstat Alcyonium secundum, quæ superius ex placitis Dioscoridis attulimus.

## N O T Æ.


Alcyonium hoc, Secundum antiquorum Mercato dictum, est Spuma marina Cæalpino : Favagine Imperato : Pila marina velut ampullis constans, ad spumæ similitudinem Gasparo Bauhino : Vescicaria marina Jo: Bauhino.



DE TERTIO ANTIQUORUM ALCYONIO.

C A P. I V.

**T**ERTIO Alcyonii generi, statim ubi nactus sum, & ordinem, & locum designavi, tam in illo aperte omnia. Omnium tenuissimum est, vermiculi forma, colore magis purpureo, &, ut Galenus ait, consistentia molli. Madet enim, neque quinquennio, quo apud me fuit, exiccare potuit. In Plinii descri-



ALCYONIVM TERTIVM

ptione legentem turbat mutua duorum verborum transpositio, à nemine hætenus notata. *Tertium*, inquit, *candidioris vermiculi*: in quo quis erro-



rem non videt? Eximendum igitur candidioris, & cum altero verbo quarto Alcyonio non congruenti, permutandum hoc modo; *Tertium vermiculi pæne purpureum*; *Quartum pumicosius*, *spongiæ putri simile*, *candidiori*; *Quod optimum* &c. A' Dioscoride, quoad potuit, non modò non dissensit Plinius; verùm libenter quoties brevius se dicturum diffideret, ejus verbis utitur; neque verbum, verbo reddens, aptius, quam pæne purpureum dicere potuit. Quantum verbi mutatio in quarto Alcyonii genere conveniat, hoc ibi; Velim Matthiolum sibi constituisse, cùm tertium Alcyonium rufum coralii instar, coacervatis in orbem veluti vermiculis; lapidosaque materia, Venetiis primùm se vidisse ait; & paulò post molli esse consistentia ex Galeno recitat. Nos verò durum istud à tertio omnino segregavimus, & reliquis omnibus, petræum, & polyphyllon appellantes, subjecimus. Tertium istud Dioscorides, & ex eo Galenus, Milesium vocat. Id Plinius veritus, aut fortassis quòd alia de his suo tempore opinio, aut quia non satis constaret, tantùm quod optimum est, hoc & Milesium vocari dicit: quò candidius autem, hoc minùs probabile esse. Alcyonium tertii generis (secundum Galenum) ustum alopecias curat cum vino illitum. Dioscorides laborantibus ex urinæ difficultate, & arenis in vesica collectis, atque ex renibus, liene, & aqua inter cutem, idoneum esse tradit.

## N O T Æ.

Alcyonium tertium est Alcyonium tertium Dioscoridis purpureum, Cæsalpino: *Vermicchiara*, *Alcionio Milejo*, *Alcionio terzo di Dioscoride*, Imperato.

## DE QUARTO ANTIQUORUM

## ALCYONIO.

## C A P. V.

**I**N Alcyonii describendis generibus, ut in cæteris omnibus unum, illud mihi curæ fuit, veterum auctorum quàm diligentissimè collatis lectionibus, quid convenient, in quo discrepent, pensitare. Idque cùm in hoc quarto genere excutiendo fecissem sedulò, non statim successit, tanta erat illis varietas. Dioscorides succidis velleribus simile, multis inanitatibus hians, leve constituit; & eodem omnino sensu Galenus. Plinius verò spongiæ putri simile. Quæ dissimilitudo, cui fidem potius præstarem, hæsitantem tenuit. Plinii nusquam erat, donec verbis suo ordine collocatis, falsò ascriptum colorem purpureum tollerem. Quo facto, ex Alcyoniis, quorum domi magna copia erat, aliud Plinii, aliud Dioscoridis, & Galeni fuisse comperi. Neque facultates easdem ambobus esse negaverim, sicuti formam exemplis, atque ex eorum descriptionibus diversam esse constat. Maluit fortassis Plinius, cum Dioscoridis non ignoraret, de eo vulgatam sui temporis opinionem inferere. Utrunque apud nos est, in quibus nè una quidem nota desideratur. Dioscoridis Alcyonium secundo, ut inquit Galenus, jam posito similiter leve, & raram, vel, ut Dioscorides, multis inanitatibus hians, leve est. Forma à secundo differt, quæ in illo pinnulis oculorum; hujus velleribus succidis collata est. Piscatores hoc cochlearum marinarum, quæ aculeis rigent, & vulgò *garusa* appellantur, nidum esse affirmant. Obducitur interdum aliqua sui pars squallidi coloris crustula. Plinii verò non minùs cavernosum, leve, & fragile, sed spongiæ putri simillimum, colore magis pallido; quo etiam inter se differt, uno altero candidiore. Humidum sæpe vix arefcit. Ad hoc Plinii aliud referri velim, ut singula locum habeant, quod in eadem tabula expressimus; spon-





QVARTVM DIOSCORIDIS ALCYONIVM

*Aloysius Gomer sculp.*




The first of these is the fact that the  
British Empire is a vast and  
diverse one, covering a large  
part of the world. It is a  
fact which has been  
recognized for many years,  
and it is one which has  
been the cause of much  
controversy and discussion.  
The second fact is that the  
British Empire is a  
powerful one, and it is  
one which has been the  
cause of much controversy  
and discussion. The third  
fact is that the British  
Empire is a vast and  
diverse one, covering a  
large part of the world.



The fourth fact is that the  
British Empire is a  
powerful one, and it is  
one which has been the  
cause of much controversy  
and discussion. The fifth  
fact is that the British  
Empire is a vast and  
diverse one, covering a  
large part of the world.





QVARTVM PLINII ALCYONIVM

spongiæ enim figuram colore rubicundiore propiùs affimilat ; verùm non putre est , sed duriusculum , & materia tenaciore non facilè decerpi potest .

Id cujus hoc loco figuram subjungimus materia spongiosa ad quartum Plinii Alcyonium quoque accedere , & colore idem esse videtur ; sed neque putridum est , neque ita molle , cohæretque furculis , ramusculisque . Vires quartum cum tertio genere easdem obtinet , verùm imbecilliores , infirmioresque .

Deest Figura .

N O T Æ .

Alcyonium [a] quartum Dioscoridis , & Galeni , est pulmo marinus juxta Bocconum , qui motum , a Museo di Fisica osservat. 41. ac subobscura vitæ indicia in eo deprehendi scribit .


D E



## DE QUINTO ANTIQUORUM ALCYONIO.

C A P. VI.

QUINTUM, & ultimum Alcyonii genus apud veteres figuram fungi habet: foris læve, intus asperum, & aliquantum pumicosum; odore caret, & acrimoniam habet. Quod non solum juxta Besbicon Propon-



ALCYONIUM QUINTUM

tidis insulam, in qua patrio nomine, ( ut Dioscorides tradit ) *ἀλὲς ἄχνη* vocatur, nascitur; verum etiam in Pontii Ilvæ, & Igilii, ac Planosæ insulis, ac scopulis, quemadmodum aliàs diximus. Est sanè illud omnium calidissimum, adeout



adeout & pilos ( juxta Galenum ) urere possit . Itaque cū duo prima genera lichenas , alphos , psoras , leprasque adjuvent ; præterea cutem splendidiorē competentia virium efficiant ; idem præstare hoc genus , de quo agimus , non potest ; nec enim perinde , ut illa superiora , cutem duntaxat summam , extergit ; sed etiam excoriat , usque in profundum cutis penetrans , ut etiam ulcera inducat . Dealbandis dentibus aptum est . In pluribus seplasiis reperitur .

Neminem verò movere debet , quòd hujus quinti Alcyonii duas , quasi diversas species tabella incisas exhibuerimus ; nam etsi alterius figura fungos , alterius autem tubera quædam imitetur ; tamen non ex figurarum varietate generis dissimilitudinem ; sed ex substantiæ unitate , & virium æqualitate generis , & naturæ similitudinem accipimus . Propterea , & hoc , quod sequenti tabella exhibemus , licet figura discretum à proximis appareat ; quia tamen reliqua habet , quæ veteres quinto generi tribuerunt ; propterea eidem hoc quoque nos adscribimus .

N O T Æ .

Alcyonium quintum in parte superiori tabellæ expressum , est *Alcionio tuberoso in forma di fico fructo* , Imperato : Alcyonium tuberosum , Jo: Bauhino .






DE SECUNDO QUINTI GENERIS  
ALCYONIO.

CAP. VII.

**A**LCYONIUM, quod hîc omnium oculis videndum exponimus, cum nullis aliis melius, quàm cum quinta antiquorum specie conferri potuit. Est enim quoad substantiam fungosum, foris læve, intus asperum; odoris ex-



SECUNDVM QVINTI GENERIS ALCYONIVM

pers, & suapte natura acre; quæ omnia diligenter in hoc perpendimus. De magnitudine verò, & figura nihil sibi cum superiori convenit. Hoc Alcyonii



nii genus largum fanè , & amplum nobis primùm Neapoli videre licuit . De-  
inde illi planè simile in maritimis Calabriae locis aspeximus, cùm illic Reve-  
rendissimi Domini Fantini Petrignani Archiepiscopi Consentini, ac Nuncii  
Apostolici, qui mecum unà animi gratia proficiscebatur, non minùs liberali-  
tate, auctoritateque in perquirendis illius oræ secretis utebamur, quàm ejus-  
dem suavitate oblectabamur .





DE TERTIO QUINTI GENERIS  
ALCYONIO.

CAP. VIII.

**I**NTER Alcyonii genera hæc referre ( qui noverit ) nihil dubitet ; cui tamen ascriberem , primò pendebam animi : sed cùm priora quatuor , vel



TERTIVM QVINTI GENERIS ALCYONIVM

odoris ingrati , vel materiæ non satis solidæ , non admitterent ; ut ad quintum  
reducerem inducere color , externa levitas , intus asperitas quodammodo  
pumi-



pumicosa, & residuus odor. Fungi colorem, figuram non habent; verum si cuipiam assimilare velimus; nulli aptius, quam Irios radicibus demptis fibris, soliditate, & crassitate; quæ veluti geniculatæ tuberculis inæquales sunt conferemus. Multis quidem, radicum ( si ita dicere liceat ) divisio varia, & perplexa est; quale hic exhibemus. At quibus ea non est; similia sunt. Omnia intus aspera, & veluti animalium ossa putredine exesa, spongiosa: foris in superficie, ubicunque calluerint, forantur. Foramina verò milii granis ferè laxiora sunt; quæ non à vermiculis, sed sponte naturæ, cum subtus eis careant, terebrata videntur.


N O T Æ.

Tertium quinti generis Alcyonium, est *Alcyonio foraminoso*, *Alcyonio quarto di Dioscoride*, Imperato.

DE ALCYONIO PETROSO,  
& Reticulato.

C A P. IX.

**P**RÆTER [I] jam dicta Alcyoniorum genera, multa etiam alia in maris litoribus, & scopulis inveniri ipse comperi, quorum nonnulla, neque fi-



ALCYONIVM PETROSVM

guram, neque naturam superiorum referunt; ut Alcyonium Petrosum vocatum. Aliqua etiam si in Alcyoniorum numero non habeantur; naturam ta-



men formamque illorum imitantur; qualia sunt retita quædam, & alia oblonga, super lithophyto concreta; alia super conchyliis, quæ ob parvitatem, & tenuitatem negliguntur. Quod propter duritiem Petrosum nominant, rubrum est instar corallii, ex multis tenuissimis fistulis compositum, quæ in longum protensæ undique inter se distinguuntur; sed nodis quibusdam eas omni ex parte devincientibus cohærent, relinquunturque sua singulis internodia; fistulæ verò à summo latioribus nodis dilatantur, & mox coarctantur, ita ut ad imum canaliculi fistularum se extrema parte colligent, quasi avenæ pastoritiæ. In superficie autem favum mellis representat. E' spuma maris perinde ac alia nasci affirmant. Ægyptii eo in pulverem redacto, & in ovum forbile misso, ad sistendas alvi fluxiones salubriter utuntur; dentibusque illud dealbandis utile esse ajunt.



ALCYONIVM RETITVM



[2] Aliud Reticulatum nominant, quòd scilicet figuram plagarum, quæ in retibus sunt, imitetur. Colore quidem est cinereo, sapore subsalfo, & substantia molli. Hoc ad me misit Andreas Cæsalpinus philosophus summus, & in omnium rerum, cognitu dignissimarum, peruestigatione diligentissimus; nec postea id Alcyonii genus alicubi, quàm in littorum scopulis ad Ilvam videre contigit.


N O T Æ.

[1] Alcyonium Petrosum, est *Tubularia purpurea*, *Alcionio Milesio secundo alcuni*, Imperato: Coralliis affine, Alcyonium rubrum, *Tubularia purpurea* Imperati, Casparo Bauhino: Coralliis affine, Alcyonium Fistulosum rubrum, Jo: Bauhino: *Tubularia purpurea*, Tournefortio.  
[2] Alcyonium Reticulatum an Reticulum Marinum, Jo: Bauhino.

## DE ALCYONIO POLYPHYLLO.

C A P. X.

**A**LCYONIUM Polyphyllon à foliorum multitudine, quæ sunt ipsa lapidosa, retita, & fungi, si vertas, similia, cineraceo colore: nascitur



A L C Y O N I U M P O L Y P H Y L L O N.

hoc quoque in Tyrrheni maris scopulis, non usquequaque frequens; A' nonnullis, quoniam hepaticam herbam refert, Hepatica petrosa nuncupatur.

N O T Æ.

Alcyonium Polyphyllon, est Eschara, Rondeletio, Jo: Bauhino, & Tournefortio: *Retepora Eschara Marina*, Imperato: Rofa Marina, Cæsalpino: Porus Corallio affinis octavus, C. Bauhino.

## DE ALCYONIO PETROSO,

Vermiculato.


C A P. XI.

**E**ADEM ratio, quæ ut postrema hæc Alcyonia à superioribus distinguerem, & in hunc locum reducerem, movit, ut ista, à recentioribus *Lumachelle* nominata, ab illis separarem, atque ut his adjungerem impulit.

Puræ



Puræ substantiæ sunt , vermiculi adamussim figura arctè exquisitæ gy-  
ris sese implicantis , aliter atque aliter tortis , intrus concavis , colore luteo ,



ALCYONIVM PETROSVM VERMICVLATVM

subnigro , aut candidiore : rara neque magna mole crescunt . In Ilvæ scopulis,  
& ad Palinurum montem hujusmodi reperta asportavi .

N O T Æ .

Quod hic inter Alcyonii genera refertur , nihil aliud est , quàm tubuli testacei marinarum vermium.  
De quibus vide Gesnerum, Aldrovandum, Augustinum Scillam [a], Martinum Lister , & alios.

[a] Vana specula-  
zione disingannata  
dal senso.






DE PILA MARINA.

C A P. XII.

**P**ILA Marina inter Alcyonii genera à plerisque referri solet: quamobrem minimè ( ut arbitror ) absurdum fuerit de ea hoc loco agere , præsertim cum Aristoteles alcedinum nidis , & pilis maris eam assimilet: Græci σφαῖρα θαλασσίαν nominant: vulgò maris lana. Est autem veluti conglobatum quoddam pilorum involucrum, colore subrufescenti, odore algæ: ferunt nonnulli ex maris spuma ad littus collisa, & ex cujusdam herbæ minutissimis pilis, seu festucis fieri, quæ ad littus detruduntur, & fluctuum motu eas in gyrum collidente in pilæ formam transeunt. Alii verò à scarabeis in maris littore degen-

Aristotel. lib. 9. de  
histor. anim. cap. 14.  
Galenus lib. 1. de  
Composit. med. se-  
cund. loca cap. 2.



PILA MARINA

tibus ex fimo primùm constructas affirmant, in quibus contra hiemis rigorem vermiculos à se genitos foveant, solis deinceps ardore exiccatas, marisque fluctibus agitatas, & humore falso immutatas, eam, qua apparent, formam accipere: utrum sit, non satis compertum habeo. Magna sanè earum copia in littore Tyrrheni maris conspici licet: harum meminit Nicolaus Myrepsus in unguenti compositione ad lumbricos.

N O T Æ.

Pilam marinam contexi verisimile est ex fragmentis marinarum plantarum, tenuia quædam fila, aut potius animalium fetas referentibus. Hæc siquidem maris agitatione invicem coguntur, implicantur, atque in orbem circumvoluta in sphaerulam conpinguntur. Cujus autem generis sint dictæ plantæ, adhuc incertum: Lucas Schröckius [a] eas refert ad arundinem quartam Lugdunensem, quæ Epigeios nuncupatur; quod frustra hujusce arundinis, veluti quoddam circumvolutionis rudimentum inter Pilas marinas irretita compererit.

[ a ] In Miscellaneis  
curiosis medico-phy-  
sicis ann. XI. obser-  
vat. 14.




## A N D E A D A R C E .

C I A P . XIII.

Plinius lib. 16. c. 30.  
 & 36. lib. 32. cap. 20.  
 & lib. 22. cap. 24.

**A**DARCEM Græci ἀδάρκην nominant, vel καλαμάχγιον, hoc est arundina-  
 ceam spumam. Plinius Adarcam vocem tanquam Latinam servat. Ara-  
 bes Adarchi, Atharachi, vel Adaracha efferunt: Alcyonio similis est; cum



ADARCE

Serap. de Simp. ex-  
 min. cap. 388.  
 Avicen. lib. 2. tract. 2.  
 cap. 16.

nihil aliud sit, quàm spuma quædam subsalsa in maritimis locis, præsertim quæ  
 unda modò abluir, modò destituit, & in exiccatis paludibus circum arundi-  
 nes




nes concreta colorem flori lapidis Afii similem habens. Invenitur verò non solum in exiccatis stagnis, ac riguis, palustribusque locis, mari quidem adjacentibus, verum etiam in Mediterranei maris littoribus, quamplurimis arundinibus, ac herbis adhærens. Medicamentum est (inquit Galenus) accerrimum, simulque calidissimum: quapropter per se solum utile non est, sed aliis permistum, quæ vim ejus frangere queant, & extrinsecus tantummodo corpori admovendum est: trahit enim nocentes ex alto materias: ischiadicis propterea conferre solet; valet etiam (Dioscoride authore) ad vitia cutis in facie, impetigines, lenticulas, & similia tollenda.

Galenus lib. 11.  
Simp.

Dioscor. lib. 3. cap. 95.  
Ægineta lib. 7.

N O T Æ.

Adarce est, Poro anguino, aliter Adarce, Imperato: Porus anguinus Imperati, Casparo Bauhino: Porus anguinus, Jo: Bauhino.





**C**ORALLIUM res vulgarissima, & nusquam non est celebris, adeout quædam regna Corallio monetæ usum pensent: quemadmodum Thebeta una ex magni Chami provinciis, & ultra Persidem Chesmur Indiæ proxima nihil

CORALLIVM RVBRVM.



anteponit Corallio, scribente id M. Paulo Veneto. Quanti faciant Indi, Plinium habemus authorem copiosum: & hodie Mercatores Lusitani, qui navigant Cattiaram frequens Indiæ emporium vulgò *Calecut*, inter utilissimas



simas merces Corallium comportant . In Europa curiosi in primis usus , & infan- Coralliorum usus .

tia comes perhibetur . Hanc enim primam gemmam in cunis gestamus , inde luxuriae rudimenta auspicati . Quid ? nonne Corallinae baccae exquisitae puellarum reputantur delitiae , eisque gratiam affectant nostrates foeminae ? Item colore olim suavissimum nomen indicat χαριτοβλέφαρον . Nos etiam graviores gemmam laudamus fruticantem ad ostentationem . Medici non solum decore frui nos incolumes , verum etiam valetudine affectos salutare ipsius pharmacum experiri voluerunt : quae utilitas ex ornamento longè jucundissima est . Ex hac igitur , tantaque Corallii commendatione materiam scriptores ( quanta extat ) amplissimam arripuerunt . Novi authores ad ejus laudem non tantum facere illa ; quae ab antiquis perscripta sunt ; existimarunt : sed & sua impendia desiderari , sanè quibus magnam veterum inventis accessionem factam esse cognoscimus : Me in eandem , quanvis jam tritam captare nollem , series tractationis nostrae induxit : Veruntamen cogitabam obiter totam decurrere , nisi diversae , & perplexae scriptorum opiniones se objecissent , quas omnino omittas , negligentiae imputari verebar . Nam quae apud aliquos tradita inveniebam , eadem aliter apud alios . Et cum ii tum suis asserendis , tum aliis obscurioribus depromendis occupantur ; verba per tenebras deducuntur , & in ambages nos inducunt .

Prætereo authorum sententias , quas aliqui torquent ; dum quaedam mutant , quaedam suo arbitratu adjungunt , ut in parvo materiae ambitu videri possit chaos opinionum excussum . Occurrebat tum mihi veteris Poetæ dictum : *Tute hoc intri-*

*Ter Phocem. A. 2.*

*sc. 2.*

*sti, tibi omne est exedendum.* Ut autem componantur ex controversiæ , ab hujus tractatus capite ordiendum est : quoniam ante omnia antiquas rogare sententias cogimur , quorum autoritate pleraque nostra geruntur . In fragmento libri *περὶ λίθων* supersunt Theophrasti sensa de Corallio . Ait τὸ γὰρ κεράλιον , ἢ γὰρ τέτο ὡς περὶ λίθου . τὴν χεῖρα μὲν ἐρυθρὴν , περιφερὲς δὲ ὡς ἂν ῥίζα ad verbum : *Corallium vero : nanque id veluti lapis , colore quidem rubrum , teres porro*

Theophrasti verba de Coralliis explicantur .

*quemadmodum radix .* Quidam prius hæc interpretati alienam à Theophrasti mente sententiam effecerunt . Sic Volaterranus Theophrasto Corallium cum radice nasci inquit ; quod nusquam auctor dixit , nec etiam negavit : sed hic Corallii densitatem radici comparat . An verò ipsum radicem habeat aliàs dicitur cum ad originem ventum erit . Pergit Theophrastus , & nativum locum ostendit , *φύεται δ' ἐν τῇ θαλάττῃ* . Deinde explicat , quid à communi lapidis , & plantæ ortu differat : nam utrique prius comparaverat . *φύεται* inquit , *τρόπον δέ τινα :* subest *κατὰ* ad mutationem quandam . *τρόπος* hic mutatio est , ut docent verba sequentia : quomodo etiam utitur præceptor Aristoteles I. Rhetoricorum . Qualisnam sit mutatio ? *ὁ πόρρω τέτε τῇ φύσει ἢ ὁ ἰνδικὸς κάλαμος ἀπολελιθωμένῳ* . Hoc exemplo lectorem suspensum relinquit . Nam cum videretur illius loci non esse disputatio , quæstionem præscidit . Quamobrem si quid usquam habetur apud eundem authorem de calamo indico , quem non dissimili natura lapidescere scribit , omnino huc pertinet . Sed nihil sanè amplius invenire est . At in

*Lib. 27.*

tertio libro de Historia plantarum simile quid de lapideis Juncis tradit , atque idem Plinius : qui si fortasse illis facie similes fuerint , quos alibi odoratos vocat , possunt nullo discrimine ad eandem comparisonem substitui : Siquidem calamus odoratus , & juncus odoratus juxta invicem , ut in nono ejusdem historiae , proveniunt in Syria , & Arabia . Junci verò lapidei ultra Coptum , & Sinum Heroum nascuntur in rubro mari , forsitan Arabiae vicino , circa illud , quod extra sinus patet , ab Alexandri militibus in Indiam missis , qui id prodiderunt , navigatum . Sed hæc ita se habere non multum refert , quin de Juncis lapideis eadem possint animadverti . Nam calamos , & juncos amare aquas constat : & hosce lapidescentes in rubro mari statuit . Videamus igitur quid de eis Theophrastus memoriæ commendaverit . Tales , inquit , esse relatum est *ὅς ἐστις ἂν διαγνοῖν τῇ ὁσμῇ πρὸς τὰς ἀληθινάς* , (repetendum quod in priori periodo antecedit) *μέχες ἔσονται ἢ ἐν τῷ ὕδατι* . Sic intelligimus repentini fieri mutationem ; etenim quos per littora in aquis nemo discreverit à veris , exempti videantur lapidei . Clarius sua de Corallio elocutus est Dioscorides : plantam

*Cap. 8.*

*Lib. 13. Cap. 25.*

Junci lapidei quid sint .

*Cap. 7.*

*Lib. 5. cap. 93.*



[a] Lib. 4. c. 15.

Orphei, Ovidii, ac  
Plinii sententia de  
Coralliis.Varia Coralliæ ety-  
mologia.

[b] Lib. 37. cap. 10.

marinam agnoscit, quæ sub diu protracta rigeat protinus *ἢ βαπτόμενον ἢ τὰ πηγυόμενον, ὥσπερ ὑπὸ τῆς περικεχυμένης ἡμῖν ἀέρος*. Orpheus Corallium maris plantam censet, cui radicem, folia, & fructus tribuit; tractabilem prius: verum durere statim atque cœlo exponitur. Hanc trasmutationem [a] Ovidius retulit in suos Metamorphosum libros. Sed nolim poetarum fidem admiscere, nè quis fabulas esse clamitet. Operæ pretium est audire Plinium: *Forma, inquit, est ei fruticis, color viridis: bacca ejus candida sub aqua, ac molles, exemptæ confestim durantur, & rubescunt, quasi corna sativa specie, atque magnitudine. Ajunt tactu protinus lapidescere si vivat*. Ex his, tum illis, quæ sequuntur apud Plinium in postremo libri decimi tertii capite aliam Coralliæ descriptionem assequimur, diligentius res exprimentem, sed confusam, nec suo ordine à Plinio collocatam, unde accepta ipsius auctoris sententia. Jubam, inquit, tradidisse circa Troglodytarum insulas fruticem in alto vocari Isidis plocamon. Item alium, qui vocetur Charitoblepharon efficacem in amatoriiis. Spathalia eo facere, & monilia fœminas. Sentire eum se capi, durarique cornu modo, & hebetare aciem ferri. Quod si fefellerint insidiæ in lapidem transfigurari. Hunc dico Corallium videri esse. De Isidis plocamo non plura dicentur. Nihil interest ut eorum adducam testimonia, quorum fides ad Plinium redit: Solini, inquam, & Isidori. Galeni voluminibus, eis nempe, quæ inter germanos ejus fœtus medici vendicarunt, nihil continetur, quod hoc loco apponi possit. Ast in libello de simplicium medicinis ad Paternianum, nihil aliud, quàm rubro colore Corallium esse velut arbusculam; & de Anatomia viventium. In mari nasci Corallium terra molli, & lutosa, nihilominus arborem durissimam: pessima sententia, cujus auctor citatur Aristoteles: non ille princeps philosophus Stagirites. Nusquam in ejus libris, nusquam in illis, qui in eorum classem intrusi sunt, verbum de Corallio expressum est. Paulus Ægineta *arborideam* esse plantam tradit, in Lapidis duritiem abeuntem, natam alto mari, colore rubro, similem Lapidi. Hæc sunt de Corallio à veteribus effata. Subscribendum ergo communi ipforum consensui, Corallium marinam esse plantam sub aquis natam, obsequiosam dum vivit: suis evulsam sedibus continuo lapidescere. Itaque nomen rei accommodatum est *τὸ κοράλλιον*, ut legitur apud Dioscoridem, aliosque: & *κοράλλιον*, ut scribit Actuarius, & alii: Hoc autem modo sumitur *ἀλλιον*; ut cum dicitur *ἀλλιον ἐκείν*. Virgilius de Hecore, quantum mutatus ab illo; Jam verò dictum est *κοράλλιον ἀλλοιοῦσθαι*, idest *ἀλλιον ἐξ ἀλλε γίνεσθαι*, ut sit *κόρρον ἀλλοῖος*. Similiter Gorgoniam appellarunt, ut refert [b] Plinius: quasi aquis exemptum, ut visum est, in lapideam duritiem concedat, quemadmodum ji, qui Gorgus Medusæ vultum conspexerant: cujus truculentia, ut est in fabulis, homines in lapides transmutabat: hac de causa etiam *λιθοδένδρον* fuisse nuncupatum à Dioscoride scribitur. Plerique geminatam abjecere liquidam, vocaruntque *κοράλλον*, nimirum *τὸν κόρον ἄλιον* germen, sive rami marini; qua scriptura antepenultimam Poetæ corripuerunt, *κόρρον* autem non uno modo scribi observavimus; præsertim diversa notione si puellum intelligimus, eadem vi vocis *κῆρρον*, & *κῶρρον* invenitur. Sed alterutrius significationis comparatione, alterius nomen contractum videtur, vel unum duobus, germini, & puero communicatum: nam ut in germine sic in liberis propagationis spes deposita est: ut mirum non sit etiam *κοράλλον*, vel *κωράλλιον* scriptum legi apud auctores: Nec ineptè argutetur ille, qui Coralliæ nomen dixerit, à puero, Græca denominatione, quæ varia est, sicut diximus, deductum. Effet enim insignis quædam allusio ad purpuram puerorum ingeniorum, quæ est pulchro veniens de corpore virtus, ut canit summus Poeta; scilicet Corallium veluti Naturæ perfunditur verecundia cum emergens rubet, pueris præterea, ut decens, & religiosum, ita perpetuum gestamen conceditur: unde vicissim videtur derivatum *κωραλίσκον* nomen blanditum puellorum. Theophrastus, & Orpheus *κωράλλον* scribunt: Alibi nos *κωραθείλαιαν δάφνην* legimus. Sed aliter Plinius Curallium interpretatur *κωρὰν ἐκ τῆς ἀλίας*. Arabes, qui medicinam è Græcia ducunt, parem nominum varietatem in suam linguam



quam transtulerunt. Dicitur enim Corallium ab eis Bazad [1], five Barzed, five Besd, Morgian, Mergen, Nigen. Nescio an auctiora hæc fecerit scriptorum incuria, & interpretum, qua laborant auctores isti: nam pro eisdem habent Belesis, Berilis, Merseisem. Avicenna qui Bezed, vel addito articulo Albezed, esse putat Keiri, quæ λευκόν est: & Simonem Genuensem, qui hanc Avicennæ opinionem admiratur, quasi Arabem fugerit Bezed denotare Corallium, utrunque castigat Manardus Ferrariensis homo doctissimus, negatque Bezed esse leucoium, & Corallium. Avicennam expugnat Pauli auctoritate, ex quo transcripsisse deprehendit suam Bezed. Paulus verò in Diacorallio, quo nomine antidotum vocat, miscet Anagallida flore russo, quam idcirco Corallium vocitant. Hanc Avicennam ait non agnovisse, quippe opinatum Dioscoridis esse leucoium flore simili. Concedatur; tamen si Paulum exprefit Avicenna, & ejus Antidotum Διακοράλλον nuncupavit Albezed, verbis scilicet in Arabicam linguam conversis: non debuit Manardus negare Bezed esse Corallium: sed nec Simon ille admirari ab Avicenna aliter usurpatum. Non est tanta per Europam in hoc verbo varietas. Vulgus Italicum *Corallo* latinam vocem integriorem servat, five tamen Hispanicum *El Coral*, five Gallicum *Du Coral*, aut *Corall* Germanicum audiamus: facile unius linguæ gnari, è cæteris Corallii nomen perceperimus. Jamdudum obrepit difficillima quæstio non acquiescentis ingenii, qua ratione mutetur Corallium: in quo consistit obsequii facilitas, cum sub undis vivum contrectanti cedit: quomodo si nulla sit repente mutatio lapidis duritiem confestim induat. Velim hic liceret veterum labore frui: quem Theophrastus poterat non detrectasse, cum prætexit quæstionis importunitatem, cujus non solum apud posteros veniam meruisset: sed etiam iniisset gratiam: Nunc in tanta rerum caligine, tot excitatis opinionum mutuò se collidentium fluctibus, non possumus nisi per longos anfractus nos in veritatem insinuare. Ad quam prima nobis sternenda via est à Coralliorum differentiis, nè sæpius cogamur in re ambigua evagari.

Prisci tantum Corallium, quod rubet appellarunt, ut apparet ex prædictis sententiis: unde κοράλλινον, & κοράλλινον dixerunt id, quod ad ruborem vergeret. Antipathes autem nominari scribit Dioscorides, quod inter Corallia cenferi debet, diverso quidem aspectu. Est enim colore nigrum. Verum τὸ ἀντίπαθος significatio non patet latius, quam Corallii, ut interpretati sumus, vel Gorgoniæ. Nam ob colorem nemo dixerit, sed ob naturæ vicissitudinem, cum lenis, obsequensque planta citò transit in asperam, atque contumacem, videri quid contrarium pati: unde nomen Antipathes. Quare Plinii idem esse, ex nomine fit verisimile, nam alioquin laxa descriptio, quam in trigesimo septimo suæ historiæ his complectitur: Antipathes nigra non translucet: sed addit certius experimentum si libet tentare, in lacte coctam facere hoc myrrhæ simile. In decimo tertio ejusdem historiæ Antipathes Ifidis plocamum vocasse secundum Jubam ex descriptione ipsius plures annotarunt. Neglexit tamen Plinius monere nos hujus in Antipathe sicut Corallii mentionem memoriam renovavit, cum ipsum Gorgoniæ nomine inter gemmas censet. Scribit illic circa Troglodytarum insulas fruticem in alto vocari Ifidis plocamum, Corallio similem, sinè foliis. Itaque præter Corallium rubrum, Antipathes, quod Corallium nigrum posterior ætas vocavit, antiquos novisse constat. Item album quidam affirmant, & Plinium commemorasse ajunt postremi libri capite undecimo, cum scribit, Dendritide alba defossa sub arbore, quæ cædatur, securis aciem non hebetari. Fatear in nomine quid esse verisimile: & possem comminisci ex Corallii historia, unde ea superstitio ad arbores facile cædendas inducta sit. Erunt tamen dubia hæc, certioraque non nisi ex oraculo petenda. Nam contradicet aliquis, cur non id nominis inditum sit ex facultate, quam ascripsit Plinius? Quare non ex pictura? quandoquidem Achates varii coloris non arbores solum, sed & nemora depingit, & inter ἰδιομόρφους ostendimus lapides sectos arbusculis insignes, quos Dendrophoros appellare volui. De Dendrite igitur non est hic contendendum. Siquidem album Corallium à nomine ve-

Lib. 5. cap. 94.  
Antipathes quid sit.

Lib. 37. cap. 10.

Cap. 25.

Lib. 37. cap. 11.



Coralliorum  
species.

ne veterum, vel nominari, vel describi, quod plures recentiores tradunt, certum est, & invenitur sanè rarum, si id esse intelligimus, quod materiae bonitate rubro nè utiquam cedit. Arabes quidam album agnoverunt: nam Avicenna triplex enumerat. Sunt igitur totidem Corallii differentiae. Sed jam suum Seplasiae ostentant, & inter recentes plura ex antiquis genera congesserunt. Hujusmodi igitur fieri potest divisio. Quaedam perfecta, inquam, haberi Corallia: illa trifario colore sola ad ornatum expetita, & in medicinis praelata, de quibus nunc potissimum dicendum est; deinde multa esse enormia, & degenerantia, ut sunt pumicosa, albida, atque inquinata, & quae pharmacothecae venalia deponunt, quaeque vocantur truncus Corallites, spongia Corallites, lapis Corallites, & Coralliola: Tertiò alia videri Corallii rudimenta, qualia sunt, Isidis plocami, non Pliniani ab Antipathe nihil differentes, sed qui triplici perfecti Corallii specie minùs Corallizant duritie, & colore. Sunt enim plus quàm lignei, cornea, aut ossea duritie, nunquam omnino lapidei, colore intus diluto, quibus similes habendae sunt earum aliquae, quas Corallinas nostra aetas nominavit. De his omnibus quantum res exiget deinceps singillatim dicetur. Inter praecipua verò primum locum rubra capiunt, privatim quondam Corallia dicta. Eundem nanque tenent in medicina, atque ornatu: nigris, albisque frequentiora etiam proveniunt, praesertim in Europa. Plures quidem rubentium observantur differentiae, non tantum ex coloris saturitate, sed & in materia; in materiae compactione diversitas; discrepatque in suo genere duritiei habilitas. Praeterea ad sanitatem pariter ad decorem probatissimum judicant, quantò propius puniceo, extersum, æquabili concremento, quàm ramosissimum. Contra negligunt pallidum, lapideum, aut scabrosum laxum aut inane.

Quantunvis non deesset in nostro armario Corallii Sylva, ex qua duae arbusculae, vegeto colore, lubrico, ramorum crebritate, & magnitudine depromi potuissent ad statuendam Corallii effigiem: quia tamen pulcherrima sex palmas altitudine superans in praclaris summorum Pontificum thecis esset, illius imaginem hinc ante oculos habere lectori acceptum sit.

*Desideratur Figura.*

Expiscandorum  
Coralliorum ratio.

Retibus autem Corallia occupantur, & evelluntur, ( ut Plinius ait ) aut acri ferramento praeciduntur. Solent verò ji, qui Corallii expiscandis incumbunt, primum explorare locum, quo ea cautè adoriantur: deinde retia ex funibus praegravibus confecta plumbeisque glandibus praelligata, quò æqualiter, & faciliùs subsidant, in mare ejiciunt, quae binis navibus inter se ex diametro oppositis ita ducunt, ut fundum verrere, ac radere videantur: demum ea ad se vicissim summa vi attrahunt, donec simul navibus coeant: unde Corallia radicitus evellunt; verum sæpius labore iterato opus est ante quam fortuna laborem sequatur. Quia verò accidit, ut inter piscandum Corallia quaedam negligantur, comminuta scilicet, ac violata, si post aliquot menses ad eundem locum redeant, ipsa ante neglecta, fragilia, putida, teredinibus veluti erosa, atque colore suo vivido privata reperiunt.

Hoc, quod squalidiusculum atque inquinatum subsequitur, à nonnullis pseudocorallium perperam vocatur; nam etsi stipite sit crassiore, & materia magis fungosa, multisque acetabulis referta, figura tamen substantia, & colore albo Corallio ferè æquiparatur. Cujus mihi copiam fecit Illustrissimus Joannes Georgius Caesarinus, donec rudiori pictura exciperetur.

*Deest Figura.*

Corallia ubi  
nascantur.

Nascitur Corallium pluribus in locis, ut juxta Orchadas insulas septentrionales, & in mari Persico, ac rubro. In infero nostro mari etiam reperitur circa



circa Pontii insulam, & circa Paulam in Calabria, atque non procul à Civitate veteri, quinimmo apud Sardiniam frequenter inveniri à Sardis accepi. Nunc verò magna Corallii copia ad nos ex insula quadam maris Africani, vulgò *Ta-barca* vocata, advehitur, quæ parum abest à Tuneto, unde magnus Genuensibus mercatoribus quæstus.

Hanc laudem rubro, ac syncero Corallio nonnulli tribuunt, quòd collo adalligatum, itaut carnem contingat, homini ægritudinem vel præsentem, vel instantem, & haustum venenum quàm citissimè prodat: subito enim, si Coralliorum facultates. quod adfuerit, pallorem contrahit, ac de nitore pristino remittit. Cujus rei causam esse arbitror non cæcam aliquam Coralliis à natura ingentam virtutem, sed pravos tantum vapores, quibus prius Corallii substantia, quàm corpus humanum afficitur; idque in infantibus solum observari. Frigida sunt primo gradu, sicca secundo. Narrat igitur Camillus Leonardus Medicus sua ætate admodum celebris, experimento se comperisse, infantes à comitiali morbo præservari, si statim ipsis, cum primum in lucem prodierint, & antequam aliquid degustarint, dimidium scrupuli pulveris ipsius Corallii rubri deglutendum exhibeatur. Nostrates verò mulieres Corallii furculos puerorum pectori appendent, non temerè sollicitæ, ut pericula, & fascinationes à pueris avertant. Corallium mirificè ventriculum corroborat, non modò per os sumptum, sed de collo suspensum, ut stomachum contingat: vomitum, nauseamque sistit: cor mirum in modum confirmat, spirituumque resolutiones prohibet: contra sanguinis rejectiones valde efficax est: potum cum aqua pluvia, torminibus, & urinæ difficultati medetur; sæpius verò sumptum lienem absumit: cum cervi cornu, & aqua mistum varios corporis morbos sanat, ac præcipuè vermes fugat: oculorum aciem acuit: lippientibus, & jis, quibus crebrius muscæ obvolitant, manè illitum summopere prodest: tonitruum, & tempestati (ut plerique autumant) fortiter resistit: unde veteres contusum agris intulerunt, eoque arbores asperferunt, ut ingruentem tempestatem illasæ subterfugerent: Indi fulminibus adversari gestatum sibi persuadebant, illudque propterea majori loco habebant, quàm nos margaritas: contusum vero si cavis dentibus ingeratur, citra dolorem eos eximit, & gingivas reponit; excrescentias coercet, ac cicatricum vestigia reprimit: ad defricandos quoque dentes plurimum confert: Igne crematum, & in farinam tritum valet adversus calculum.

Huc etiam vice auctarii pertinet, quod de quinta Coralliorum essentia, fortasse utiliter magis, quàm diffusè traditur, quam chymistis acceptam ferunt, qui Corallia eodem prope modo, quo margaritas in liquorem resolvunt, ea enim minutim in aqua ferventi conterunt, contritaque in calcem solvunt, quam deinde stillando eluunt, donec omnis falsedo evaporet, postea pulverem vini spiritu excipiunt, quem balneo immittunt, & eo sexies, vel septies iterato tandem extrahunt. Chymica è Coralliis remedia.

Nonnulli verò Corallia in calcem redacta dissolvunt, & ex vini spiritu nonies extillare permittunt, donec eliquentur: quicquid autem in imo residet, id recenti vini spiritu perfundunt: & priori modo ad stillas provocant, usque dum Coralliorum tinctura excitetur, quam ipsi animam vocant: Summum medicinæ mysterium, quo omnes corporis humani affectus ita stirpitus, quod ajunt, eradicantur, ut corpus divina quadam aspiratione in habitum temperatiorem transmigrare videatur. Quenlibet verò comitiale morbum tam infantibus, quàm ætate ingravescens breviter tempore adimit: oculis superimpositum eorum dolores mitigat, defluxioni opitulatur, & pustulas disjicit: cæterum omnia, quæ superius comprehendendi, feliciter, & efficaciter operatur.

De nigro Corallio nihil est necesse, quod dicam, quia colore tantum à cæteris distat; estque rarissimum: non solum apud Troglodytas visitur, verum in infero quoque nostro mari circa Pontii insulam, & in Calabria juxta Paulam, aliisque in locis. Antipathem Dioscorides nominat, qui item illud eadem cum



cum rubro facultates obtinere tradit: hujus generis truncum, longitudine bicubitali, digitali crassitudine, arcusque instar inflexum, magno emi Neapoli pretio.

## N O T Æ.

[1] Corallium Arabibus *بسدون* *Besdon*, seu *Bosdon*, & *بفسدون* *Bosfadon*, & *مرجان* *Margianon* vocatur.

[a] *Osservazioni intorno al mare pag. 8. & segg. Histoir. de l'Acad. Royal. des Scienc. an. 1710.*

Coralliorum flores nuper reperti.

Cur flores isti extra aquam evanescant.

[b] *Casalp. de plantis. Bocco Museo di Fisci. Tournesfortius. Hist. dell' Acad. Royal. de Scienc. an. 1700.*

Corallia ubi & quo situ nascantur.

[c] *Hist. de l'Acad. Royal. des Scienc. an. 1700. Ortus Coralliorum ratio.*

Coralliorum historiam plurimum illustravit Cl. Comes Marsilius diligentissimus sanè Naturæ scrutator: multa quidem, vel quæ recentiorum industriam omnino latuerant, invenit, vel ab aliis hactenus observata, exactius investigavit. Quæ profectò multam lucem afferunt Physicis, ad illorum ortum, nutritionem, & incrementum, commodius explicanda.

Primum verò nihil amplius dubii relinquitur an Corallia sint ad plantarum genus referenda, postquam Vir eruditissimus eorum flores conspexit: quos prodire observavit confertissimos ex tubulorum orificiis, quæ in extimum Coralliorum corticem aperiuntur. Flores isti, ut idem tradit, colore spectantur albo calycique pariter albo insident: in octo partes, seu petalorum lacinias dividuntur, ita ut caryophyllorum aromaticorum magnitudinem, ac formam æmulentur. In eo autem maximè mira est eorum natura, quòd conspicui sunt duntaxat dum maris aqua immerguntur, ab illa enim extracti, statim aspectum fugiunt, ac tubulos ex quibus emergunt, subeuntes, occultantur: si iterum autem in eandem aquam infundantur rursus tanquam ex latibulis exeunt, iterumque extracti evanescunt. Cujus phænomeni ratio peti posse videtur, tum ex aeris, tum aquæ actione. Etenim Coralliorum cortex mollior, laxior, ac turgidior à circumfusa aqua servatur, ob peculiarem quandam structuram, qua particulas aqueo-marinas facillè excipit. Hinc aqua deficiente, poruli, qui ea opplebantur, ac tuebant, exinaniti, propriarum fibrarum contractione angustantur, unde totus cortex exiccatus contrahitur, contractusque flores, quibus per fibras jam decurtatas adnectitur, necessario intrà tubulos trahit. Accedit quòd sales in aere fluctuantes, agunt probabiliter in Coralliorum fibras, atque ad majorem contractionem adigunt. Verùm si in aquam communem immitantur, æquè latent ac si aere circumdarentur; fortasse quia aqua hæc salino-sulphureis partibus caret, quibus marina abundat, ideoque, non eadem ratione Coralliorum porulis subeundis vasifque replendis atque extendendis apta est.

Duplici substantia constant Corallia, exteriori atque interiore. Exterior seu cortex, mollior est, spongiosus, ac glandulis intertextus: in ejus autem superficie interna, concava quidem, sulci impressi apparent, tubulos excipientes, qui inter corticem & interiorem substantiam inferuntur. Ex hisce tubulis [b] succus quidam lacteus extillat, qui copiosior manat ex ramorum summitatibus, vel leviter compressis. Succus hic effusus ac diu servatus progressu temporis croceus evadit. Substantia interior durior est ac ferme lapidea: ejus superficies externa ab imo usque ad ramorum summitates striis in longum productis notatur, quæ manifestè quoque in aridis Coralliorum truncis conspiciuntur. Hæ autem striæ nihil aliud sunt, quàm prædictorum tubulorum vestigia. In substantiæ hujus durioris exteriori parte prope corticem cellulæ interspersæ comperiuntur eodem succo lacteo op-  
pletæ.

Nascuntur Corallia in maris locis non adeò profundis & in cryptis averfis ab aquilone, & ad meridiem ut plurimum spectantibus, quandoque etiam ad orientem, & occidentem, quarum cryptarum tectum superficiem terræ præterpropter parallelum deprehenditur. A frigore enim admodum læduntur: hinc in aquam frigidiorē immissa non turgent, nec flores emittunt, ut idem Cl. Marsilius refert. Illud autem maximè notatu dignum est, quòd contraria penitus situs ratione nascantur ac crescant, quàm cæteræ stirpes: Etenim trunco parti superiori cryptæ adherent, ramosque non sursum, ut cæteræ plantæ solent, sed deorsum versùs maris fundum emittunt. Nullis autem radicibus innituntur, sed extrema stipitis parte dilatata veluti in lamellam, obvia quæcunque corpora complectuntur.

Ex dictis igitur hac propemodum ratione Corallia gigni nutriri atque adolescere verisimile est. Nullum autem Coralliorum semen adhuc compertum, ideo non improbabile est illud latere in eorum succo lacteo, ut coniecit Tournesfortius [c] præsertim cùm à Cl. Marsilio in floribus succus iste etiam contineri observatus fuerit. Utcunque tamen sit, necesse est ut semen hoc aut sit initio fluidum, aut postquam germinare cœperit fluidum fiat. Siquidem qua parte Corallia germinationis principio tanquam radicibus, aut basi innituntur, modo conchyliarum testas ita illinunt, ac crusta penitus obducunt, ut quoscunque earum sinus, foramina, ac strias subeant; modò saxa, madreporarum frusta, aliaque dura corpora admodum tuberculosa ac flexuosa in omnem partem circumvestiunt, & nonnunquam etiam internam eorum compagem, præsertim si sint spongiosa, penetrant, ita ut in propriam substantiam illa quasi immutasse videantur.

Verùm cùm Corallia in tectis cryptarum nascantur, necesse est, ut vel aliquo è latere eorum semina matura, quemadmodum observamus in plantis capillaribus, ac nonnullis siliculosis, veluti Cardamine Balsamina foemina &c. sursum ejaculentur, aut delapsa, ob eorum levitatem super maris superficiem fluitent, donec undarum agitatione delata alicui parti impingantur, ac loco ad germinationem apto adhærescant. Quanvis enim flores in quibus semen contineri probabile est aqua marina graviores observati sint à Cl. Marsilio nihilominus fieri potuit, ut id eveniret, quòd adhuc essent immaturi, nisi potius dicendum sit, semen intrà flores inclusum, à cæteris partibus quibus implicatur separatum, levius fieri: adeò varia ac multa sunt, quæ specificam corporum gravitatem immutant.

Semina itaque locum opportunum aliasque necessarias circumstantias nata, stipitis basim primò explicant; exinde in truncos, & ramos diducuntur: interdum verò conchylias aliaque propinqua corpora exteriori crusta tantum eleganter oblinunt, quasi fusa Corallii substantia, nullis adhuc truncis emissis. Quod quidem duplici ratione evenire posse videtur. I. quia crustacea illa materies, nihil aliud fortasse est, quàm succus memoratus lacteus è Coralliis deciduus: qui si semina matura contineat, omniaque ad germinationem idonea offenderit, plantam progignit, quam suo glutino corporibus



poribus duris affigit, atque implicat. Si verò aut seminibus prorsus careat, aut hæc sint immatura, aut aliæ conditiones necessariae defint, nullum germen prodit ex succo illo Coralliorum. II. quòd eadem crusta (quod quidem probabilius videtur) non ex simplici liquoris effusi concretione gignatur, sed ex ipso Coralliorum semine (seu illud succus lacteus sit, seu aliud) quod dum fibrarum expansione quaquaversus serpit in latam basim, tum ob alias rationes, tum præcipuè ob fluctuum compressionem duntaxat extenditur, quemadmodum in plantis terrestribus sæpe sæpius observamus, quæ dum radicum aut foliorum multitudine luxuriant, nullos ferè flores, aut semina producant.

Ex dictis patet Corallia eadem pæne ratione, qua cætera stirpes, nasci, nutriri, atque adolescere: proprio enim succo peculiari nutritio scatent; qui per dictos tubulos, ac glandulas circumfluens, ac undequaque trajectus, & percolatus digeritur ac perficitur, donec aptis partibus adhærescens plantæ fibras extendat, augeatque. Succus autem hic nutritius naturam propemodum refert lapidescentis liquoris: particulis quippe Salino-sulphureis, alkalicis, ac bituminosis refertus est, quibus invicem coalescentibus paulatim in lapideam duritiem concrevit. Quo fit ut tubuli intimiores à liquore concreto penitus obstructi, invicemque compressi nullum amplius alimentum intus suscipere queant: ideoque Corallia externorum tantummodo vasculorum ministerio nutriuntur quæ magis patentia, minùsque compressa molliorem succum excipiunt, quod etiam in arboribus contingit.

Cum autem nullas radices aut capillamenta emittant, quibus, aliarum plantarum instar, corpora subeant, atque ex his alimentum exugant, sed tantummodo duris aridisque cautibus ac testis adhærescant, unde nihil probabiliter nutrimenti possunt extrahere, necesse est, ut tubulorum oscula, in externam corticis superficiem hiantia, ab aqua circumfusa, alimoniam exorbeant. Quamobrem Corallii planta ex aqua maris extracta statim exarescit, duriorque evadit. Immo si partim aqua immergatur, partim supra illam extet: quæ pars aqua circumfunditur viget, alia interim arefacta, quod in aliis stirpibus non evenit, in quibus nutrimentum radicibus hautum per omnes partes æquè distribuitur.

Color ruber, quo inficiuntur Corallia, latet in substantia admodum tenui, ac volatili: facillè quidem illum exuunt, atque idoneis menstruis communicant, nempe ceræ liquefactæ, lacti, ac præsertim succo limonum non depurato; quo tinctura adeò volatilis ex Coralliis extrahitur, ut nisi bene clausis vasis coerceatur, brevi evanescat.

Quamobrem alba Corallia à rubris parum differunt: non modò enim arte ex rubris alba fiunt; verum etiam natura ipsa Coralliorum rami ex eodem trunco emissi partim albi, partim rubri spectantur, quemadmodum nos observavimus apud Illustrissimum Strozam.

Copioso alkali prædita sunt Corallia; acidumque vehementer absorbent. Si recentia distillantur præbent phlegma lacteum, in quo liquoris bituminosi guttulæ innatant. Cl. Marsilius assumpto pulvere summitatum ramorum recentium, à ventriculi, qua laborabat, cruditate se liberatum fuisse testatur.

Corallia quomodo nutriantur.






## DE CORALLIOLIS.

C A P. XV.

**N**U<sup>N</sup>C sibi locum suo quasi jure vendicant Coralliola, cum ejusdem sint cum corallio generis: neglecta haecenus, & à nemine, quod sciam, descripta: Neque est, cur aliquem nominis moveat insolentia, cum sciat his



CORALLIOLA ALBA

materiam ferè eandem cum illo esse, formamque ramusculorum crebritate per similem. Non tamen sua sylva, aut cespes digitum altitudine excedit. Quòd in hoc usque tempus latuerint, nec quisquam de eis scripserit; eis obfuisse



fuisse fortasse crediderim hominum luxum, & avaritiam, quæ corallium, postquam notesceret, celebrarunt. Nam cum hoc investigari, evellique cœptum esset, exigua hæc præteriere, & quasi contempta reliquere: ex quibus nullus ornatus esset, neque etiam pretium sperarent. Communis igitur forma cum corallio, parvitas longè diversa est, sed tamen ei congruens ramusculorum tenuitas, atque hinc fragilitas; pluribus etiam dividitur furculis, & magis crispulis. Color albus, & foris, qui crispis facillè adhæret, sæpe fuscus, squallidus, cinereus, glaucus, ex fluctuum, ut puto, allutione. Innituntur his Zoophyta quædam minuta admodum, affixis testulis, quarum diversa forma. Pleræque planè apertæ, velut niduli quidam, & denticulatæ; sæpe turbinatæ exiguo ad summum spiramine, nonnullæ cochlearum instar; rufæ omnes, vel candidæ. Insunt hæc etiam trunci cavernulis.

Coralliolorum descriptio.

Adnascuntur autem Coralliolis alcyonia polyphylla minima. Quin ex ipso surgit cespitè alter veluti truncus, curtus, crassus, sinè ramis, lævis, non omnino candidus, sed aliquantulum cæsius, supernè cavus, intusque, ut in averfa fungi parte, pectinatus, qua forma, ut flos appareat; efficiunt etiam Zoophytorum supremam marginem ambientum turbinatæ testulæ. Inveniuntur in mari Siculo prope Melitam insulam. De facultatibus, cum hætenus ignotæ fuerint, nè verbum audeo addere.

N O T Æ.

Quæ Coralliola alba Mercato dicuntur, sunt species Madreporæ, seu Pori, cujus genus ita definitur à Turnefortio: *Madrepora est planta genus ferè lapideum, coralli amulum, in ramulos plerunque divisum foraminibus peritum, interdum stelliformibus.*

Hujusmodi plantas marinas ex semine gigni autumat Cl. Sloane ita enim tradit apud Rajum [a] qui lithophyti nomine plantas omnes marinas lapideas complectitur: *Lithophyta hæc haud dubiè ex semine ortum habent: Siquidem locis illis, ubi plurima reperiuntur, hoc est in aquis vadosis, eorum sperma si ita loqui liceat, persæpe vidi, corpus nimirum mucilaginosum crystalli instar pellucidum, ejusdem cum lapidibus figura, jisdemque in superficie maculis insignitum, striis duntaxat carens; quoddam ex aquis exemptum, calore corrugatur, sequè in angustiores terminos contrahit, & opacum evadit, coloris cinerei aut pallidè lutei; in quo tamen lapidis rudimenta cernere licet. Lapides hi à fundo maris ab urinatoribus extrahuntur, non solum, ut in calcem excoquantur, sed ut ædificiis, & munitis tormentorum ictibus concussis extruendis inserviant.*

[a] In Hist. Plant. tom. 3. Lithophytorum semina.

Madreporarum substantia spongiosa est atque ossium structuram propemodum refert: ob tenuium enim lamellarum fibrarumque miram inter se complexionem innumeris poris perforatur, ita ut elegantissimum reticulum, foliorum fimbrias quodammodo exprimens, quod in externa escharæ, ac reteporæ, seu frondiporæ figura visitur, microscopio spectata, adamussim exhibeat. In quo illud mirum sanè est, escharas (quæ profectò inter madreporas sunt recensendæ, eadem enim substantia constant porosa ac retita) eandem partium internarum figuram in externa superficie servare, eadem ratione, ac majores crystalli salium ex aliis minoribus ejusdem formæ coalescere observantur.

Madreporarum substantia quæ.

Hujusmodi igitur corpora inter se differre non videntur: ex eodem enim reticulo, quasi quadam tela variis modis complicata, externas tantummodo formas diversas præferunt; nam modò abeunt in tubos læves, modò in ramosos, ac tuberculiferos, modò in rete concinnantur; modò lamellis, fungorum similibus è ramorum centro ad eorundem periphæriam radiatim productis, atque interstitiis majoribus cuneiformibus relictis, unicam tantum, ac majorem stellam in tuborum plano demonstrant, modò innumeris poris ubique scatent, eadem lamellarum compage stellulas referentibus.

Quo fit ut madreporæ leves admodum sint ob pororum copiam; asperæ autem tactu, quòd ex reticulo quo componuntur undequaque inæqualiter attollantur, quasi fila lapidea.

Madreporæ à Turnefortio, Rajo, aliisque inter plantas marinas recensentur, non secus ac corallia, cæteraque lithophyta. Cl. Marfilus à corallio differre comperit, quòd cortice destituantur. Quorum sententia, si vera sunt semina, quæ Cl. Sloane observavit, ut superius dictum est, satis esset demonstrata: præterea verò confirmari potest ex interna hujusmodi corporum textura; quippe quæ, ut exposuimus retiformis est, ac plexui reticulato, qui in plantarum partibus dissectis observatur, admodum similis. Augustinus Scilla suspicatur, madreporas esse animalia in lapidem conversa. Verum Illustrissimus Lancisius cum microscopio madreporæ frustum inspexisset animadvertit ejus substantiam salino tartareo materia speciem exhibere: Hinc nonnihil addubitaravit, an hujusmodi corpora lapidum aliorumque fossilium instar progignantur. Fieri enim possè judicavit, ut quemadmodum ex salinis particulis inter se per juxtapositionem coalescentibus, crystalli salium construuntur, quæ cubos, prismata, pyramidas, aliasque figuras suorum elementorum exactè referunt; ita quoque ex materia illa tartarea arbuscula madreporarum lapidea compingantur; accedente vario undarum motu, quo externa superficies impulsæ, circunquaque in teretes tubos cogitur: dum interna substantia eodem ferè temporis momento, quo partes invicem accedunt, ac conrescunt, tum ab aere, tum à materia æthereâ intus cohibita, foras quaquaversus erumpentibus, corpusque adhuc molle, variis modis, disjicientibus, innumeris meatibus ex partium divulsione excavatur; qui statim concreto liquore, adhuc remanent.

Madreporæ ad quod corporum genus pertineant.




DE TRUNCO, SPONGIA,  
& Lapide Corallite.

C A P. XVI.

**C**OMMUNIO verò nominis fecit, ut Corallio hujusmodi quoque species subjiceremus. Neque materia valde à Corallio aliena est.

Prima igitur species in ordine sit Truncus Corallites, pedalis altitudinis, sæpe minor, sinè ramis, foraminosus, materia candicante, nec albo Corallio adeò absimili, ( sic etiam vulgus appellat ) inest enim quidam nitor. Ramis etiam si caret, quasi cæsus esset, abruptis ramorum vestigiis signatus est.

Secunda autem species Spongia : eadem omnino ratione, qua superior, Corallites dicitur. Nam & ejus ad album Corallium accedit substantia. Spongiam nuncupare inanitas, & fungi, qui Spongia dicitur, aliqua similitudo fuisset. Nulli sunt rami, neque stipes est: tota enim cohæret. Sed ut forma



est supernè latior; ita ex basi deducuntur quædam ceu venæ, aut potius nervi. in inani materia, cum ipsi solidi sint: qui illic arctius compositi, in ascensu laxiores evadunt, & in plures dividuntur, intercedente semper inani materia. Superficiem isti stipant ex mutuo nexu parvis orbibus ferè paribus æquali proportionem, quorum singulis fungosa materia implet minutæ stellæ forma. Quare vulgus petram stellariam vocat. Gravitas major est, quàm aspectus præfert, propter partes solidas. Fuisse molliorem aliquando exesa materia, & terebrata cæteris partibus integris, vel planè istarum rerum ignarum doceat.

Tertia,



Tertia, & postrema Lapis Corallites à nobis ita nominari meruit, quia filex oblongus videtur Corallii substantia, duritieque præditus.

N O T Æ.

Ex dictis patet Spongiam quoque, Lapidemque Corallitem ad madreporarum genus pertinere: ad quod etiam cæteri lapides stellares appositè à Boccone [a] ac Rajo [b] reducuntur. Hi enim nihil aliud sunt, quàm madreporæ circumfusa materia lapidea obvolutæ, atque internè oppletæ: Nam cum liquor lapidescens madreporarum meatus subierit, atque in iis concreverit, spatia replent stellarum, quarum lamellæ à reliqua lapidis substantia, colore diversæ, superficiem stellaribus radiis eleganter distinguunt ac notant.

Stellariæ autem, quæ majoribus stellis insigniuntur, sunt ex eo madreporarum genere, quæ tanquam ex una radice, confertis quasi surculis, pullulant tubulis toto ambitu, lamellis radiatim dispositis unicam stellam exprimentibus. Quorum non modò internam substantiam humor lapideus pervadit, verùm etiam spatia, quæ tubis interjacent paulatim replet: quo fit ut tubulorum extrema singulas stellas in lapidea superficie exprimant. Siquidem nonnullæ ex hujusmodi stellariis adhuc imperfectæ reperiuntur: quarum nimirum interstitia materia lapidescens nondum penitus obstruxit, sed madreporarum tubuli super lapideum planum nonnihil extant. Harum autem nonnullas observavimus apud Illustrissimum Strozam, qui benignè nobis ipsarum copiam fecit, earundemque descriptionem unà cum suo eruditissimo opere de lapidibus in lucem editurum dixit.

[a] Museo di Fisica.  
[b] Hist. Plant.

Stellares lapides  
quomodo gignantur.





## DE PRIMO ISIDIS PLOCAMO.

C A P. XVII.

**H**ic de Isidis coma jure dicemus, quoniam aliquam habet cum corallio similitudinem. Sciendum est autem in primis, quædam in mari nascentia ab Isidis coma, quam Græci *πλόκαμος* vocant, appellari consuevisse; quod Isi-



dis Dæ Ægyptiorum, de qua multa Diodorus, & Plutarchus in libello de Iside, & Osiride scripserunt, comam, quam sibi Osiridis fratris, & viri sui morte audita, recondidisse dicitur, referant, quod in ejus gratiam Ægyptii com-



commenti fuerunt: cur verò Ifidis plocamon inter corallia non posuerim, nonnulli fortasse dubitabunt, cum fortè apud Agricola eum esse Antipathem legerint. Verùm Plinius omnem dubitationem aufert, sententiam Agricolaè insigniter ex Jubæ descriptione arguens, quæ Ifidis plocamon ab antipathe & corallio longè alium ostendit; ait enim circa Troglodytarum Insulas fruticem in alto vocari Ifidis plocamon corallio similem, sinè foliis, præcisum, mutato colore in nigrum durescere; cum cadat, frangi. Quæ sanè descriptio corallio nigro, de quo præcedenti capite nonnihil scripsi, congruere non potest; sed potius huic frutici, de quo nunc agitur, quem piscatores nostrates zebeliam nominant, Hispani verò favalliam, qui passim pro corallio nigro, sive antipathe à multis ostentari solet: nam primo quoque aspectu ob figuræ similitudinem à corallio non dignoscitur: est enim frutex niger, intus medullam habens ligneam, nondum nigredine acquisita: foris autem non secus, ac corallium, perpolitum artificio nitet; sed mollior, lævior, & fragilior; inter lignum, & lapidem mediam substantiam habet: plurimos ramos hinc inde expandit: sapor manifestus nullus: nonnullis perperam ebenum ramosum, vel fossile, vel pseudocorallium nigrum nuncupari animadverto: in ignem verò missus stridet, & crepitat, flammamque concipit: in cinerem redactus cornu, sive os adustum redolet. Nascitur in mari inter saxa non solum circa Troglodytarum insulas, ut ex Jubæ sententia Plinius refert: verùm etiam in Tyrrheno mari prope Neapolim, & juxta Pontii insulam, aliisque in locis; invenitur etiam in Hispania.

*Agricola lib. 9. de nat. foss.*

*Plinius lib. 13. c. 25.*

Ifidis plocami descriptio.

Vidi primùm hunc fruticem sex palmos longum Romæ apud Reverendissimum Dominum Garimbertum virum optimum, & in rebus pervestigandis omnium, quos terra alit, diligentissimum: Deinde Neapoli apud quendam pharmacopolam, qui ostentationis causa, quod suspicor, illum postibus præfixerat: Empturientibus enim vendere recusabat.

Locus.

## N O T Æ.

Ifidis plocamos Mercati, est Corallium nigrum, Casparo Bauhino: Antipathes seu Corallium nigrum, Lobellio: Corallii nigri tertium genus, & Antipathes Plinii, & fortasse Ifidis plocamos, Cornario. Turnefortius [a] autem ad plantarum genus refert quod ipsi lithophyti nomine distinguere placuit, atque ita definivit: *Lithophyton est plantæ genus, substantiæ veluti corneæ, & lapidem inter, & lignum mediæ, cui plerunque adhærescit cortex, vel fibris contextus, vel tartari æmulus.* Hanc verò speciem appellat Lithophyton nigrum arboreum.

[a] *In Institutionibus rei herbariæ.*

Hujusmodi marinarum stirpium natura ad corallium admodum accedit, tum quoad partium structuram, tum etiam quoad alias facultates. Duplici enim substantia pariter instruuntur, cortice nimirum, ac interiori materia: cortex dum recens est mollior observatur, ac tubulis, & glandulis contextus; exiccatus autem, friabilis evadit, ut refert Cl. Comes Marsilius [b] Substantia interior duritiem habet corneam, uti supra dictum est, ac superficiem notatam striis, seu sulcis ab imo trunco ad summities ramorum ductis: quapropter eadem ferè ratione atque corallium gigni atque adolescere probabile est.

[b] *Memoir. de l'Academ. Royal. des scienc. ann. 1710.*

Salibus volatilibus alkalicis ac partibus admodum sulphureis lithophyta prædita sunt: Hinc igni admota ardent spumamque emittunt, & graveolentem odorem spirant æque atque animalium cornua, ac plumæ. Combusta verò in cinerem non ita facilè abeunt sed nigram, & compactam materiam relinquunt, cornuum ac plumarum instar. Distillatam salium volatilium copiam quinta parte majorem præbent, quàm cornu cervi, aliæque animalium partes.



## DE SECUNDO ISIDIS PLOCAMO.

C A P. XVIII.

**A**LTER Isidis plocamos in lapide oblongo radices agit unico caudice, qui mox in minutissimos, tenerrimosque ramos spatiosè profertur, qui rursus magis, magisque extenuantur, & quodammodo in capillos paulatim de-



ISIDIS PLOCAMOS

SECUNDVS

*Aloysius Bomier sculp.*

finunt: quædam lanugo medium occupavit, quæ mirabiliter ramis involvitur: alcyonii tenuissimi quandam speciem esse facile concesserim: caudici verò conchæ aliquot accreverunt. Hunc Melphitanus Episcopus è proximo mari ad me misit qui etiam; ad Cajetam, & Argentarium montem maritimis in locis reperitur.



Secundus Isidis plocamos pertinet quoque ad lithophyta Turnefortii.

DE TERTIO ISIDIS PLOCAMO.

C A P. XIX.

**T**ERTIUS verò Isidis plocamos à secundo differt, quia è murice five scopulo, uti corallium, enascitur, juxta quem surgit pinna omnino ejus-



ISIDIS PLOCAMOS

TERTIVS

*Aloysius Cornier sculp.*

dem cum alcyonio substantiæ : est verò ille instar arboris in ramos paulò grandiores diffusus, qui paulatim gracilescunt, mox in summo lentiores, & sequa-

R




sequaciores; truncus autem, & reliquæ ipsius partes ex substantia lignea, & quibusdam in locis crusta lapidea obductæ videntur: totus subrubet, & do-  
drantalem longitudinem non excedit: mirum huic frutici, unde adhæsit  
stella marina, quam inter Zoophyta referunt omnes. Et quoniam de illa op-  
portunè mentio incidit, non ingratum legentibus fore existimo, si paulisper  
ab instituto evagatus paucis verbis illius descriptionem hîc subjunxero. Stella  
marina itaque in medio circulum (rectè os dixeris) cum quinque angulis ha-  
bet, qui pluribus, iisque parvis aculeis præacuuntur; è circulo, tanquam ex  
axe, radii quinque procedunt, & prope ambitus extremitatem binos substi-  
tuunt, qui à tergo omnes æqualiter in centrum coeunt: à summo verò in bi-  
nos ramos excurrunt, ex quibus alii, atque alii deinceps promanant, multi-  
plicanturque paulatim tenuiores, crebrioresque, ac omnes introrsum spectant  
tanquam vitium claviculi, vel capreoli ad vicina sibi quæque complectendum:  
à fronte quilibet radius strias transversas per omnium ramorum medium, tan-  
quam rugas porrigit: retro quilibet planus, & elatior in centrum declive levi-  
ter vergit: interstitia radiorum foraminibus nonnunquam obnoxia sunt: ipsa  
Stella lineis quinque tantum albicat, cætera sui parte subnigra, seu cinerea:  
tenuem, seu tactu scabram cutem habet; magisque Stellam à tergo, quàm à  
fronte prodit, quæ fuit ratio, ut fronte averfa depingi fecerim: Rondeletius  
& plures alii eam nominant Stellam Marinam arborecentem.

Repertus est hic frutex in maritimo Hetruriæ loco, qui vulgò Mons niger  
appellatur.

## N O T Æ.

Tertius *Isidis plocamos* est ex lithophytorum genere.





DE QUARTO ISIDIS PLOCAMO.

C A P. XX.

**Q**UARTUS Isidis Plocamos unico caudice constat, ex quo quinque largiores rami proveniunt; quorum tres infimi latera claudunt, alii duo rectà sursum cum caudice spectant: rursus ii alios ex aliis ramusculos in infinitum generant, qui sibi mutuò ita transversim innodantur, illigantur-



ISIDIS PLOCAMOS

ALIVS RETITVS

que, ut inter se conferti rete, vel cancelli altrinsecus stupendo naturæ artificio appareant: foris omnes ramorum extremitates æqualiter extant, tanquam pinnae, quarum altera alteri ferè imminet. Frutex verò iste è ligno fungoso nascitur, & ita mirificè in orbem explicatur, ut nihil in eo luxuriet, nihil abundet, nihilque putari conveniat, quo non item totus deformaretur.

N O T Æ.


Isidis plocamos alius retitus inter litophyta est connumerandus. Nec admodum differe videtur ab illa litophyti specie, quod Frutex marinus à Clusio appellatur.



## DE ISIDIS PALMA.

CAP. XXI.

QUEMADMODUM præcedentes frutices ex Plinii placitis Isidis plocamos appellavi; ita hunc Palmam Isidis appellare libuit: nam ex trunco partes quasdam promit, ramosque in digitorum modum non aliter atque Palma, protendit. Facile quoque quibusvis subscripserim, qui recentiorum



Theophrastus lib. 4.  
de Histor. cap. 7.  
Plinius lib. 13. c. 25.

Theophrast. lib. 4. de  
Histor. lap. cap. 7.

quorundam opinione, & autoritate freti non absurdè λιθόφυτον illum fruticem vocare voluerint: illud enim nomen multorum fruticum lapidescentium commune est, ut coralliorum, palmarum, thymi, lauri, oleæ, quercus, charitoblephari, juncorum, fungorum, & consimilium, quæ lapidescunt, & in mari proveniunt, de quibus Plinius post Theophrastum scriptum reliquit; inter quæ & hic frutex commodè recenseri potest.

Palma igitur Isidis, quæ vulgò *Parma* dicitur, frutex est palmi magnitudine, qui in scopulis, & inter saxa nullis radicibus nascitur, & caudicem habet instar calliculi rotundi, qui fibris tenuibus musci, vel ( ut Theophrastus ait ) patellarum modo petris, aut ostreorum testis adhæret, in spiras aliquando, veluti anguis, cum serpit, intortus, multos sinè foliis edens ramulos, qui corticis loco crusta lapidea, vel tophacea, ceu luto quodam subalbo, obducti sunt, quæ verruculis inter se contiguis, & in medio quasi acu punctis exuperat; quamobrem non ineptè piceæ ramis, in quibus foliorum, cum deciderint, vestigia impressa remanserint, assimilantur: intus lignum habet sinè



finè medulla subnigrum, durum, teres, læve, exile, ac ericæ ligno ferè simile: ramuli, quo cacumini sunt propinquiore, eò magis ad colorem subflavum sensim vergunt. Hi frutices inveniuntur in maritimis locis: plurimos ex Ænaria Tyrrheni maris insula, ut aliarum rerum, ita harum quoque feracissima superiori anno mecum attuli. Qui omnes ferè aliquo caractere internoscuntur: quidam enim quasi calce incrustantur: quidam partim subalbent, partim subrubent, stellulasque fulvas per nodos ramorum diffundunt, quæ semina ficuum eminus referunt: quidam bryo marino impediuntur, ex quo enascitur alcyonium polyphyllon, cujus memini inter Alcyonia. Cæterum constat, plures esse res, quàm vocabula; & in his multa adhuc sua vocabula propria desiderant, quæ mutuari aliunde, cùm occasio offertur, non dubitamus. Fruticem hunc mulieres in aqua absumere consueverunt, illiusque decocto vultum linere, ut limpidæ, nitidiores, atque venustiores in publicum prodeant.

N O T Æ.

Ædis palma est ad litophytorum genus referenda.





## DE JUNCO LAPIDEO.

C A P. XXII.

**Q**U, vulgò Lapidei Junci dicuntur, ego etiam Juncos, nè à communi loquendi usu recederem, appellavi; tametsi improprie si Junci etymologia spectetur: nec quoque, ut Junci, in aculeum fastigiantur, sed obtusis extremitatibus omnes visuntur. Illud verò animadvertendum ferè unius-



JUNCUS LAPIDEUS.

cujusque summitates, asterisco insigniri. In Insula Pontii, & ad Argentarium montem maritimis in locis inveniuntur non usquequaque frequentes.

N O T Æ.


Qui Junci lapidei à Mercato appellantur, sunt ex madreporarum genere; atque à Millepora Imperati differre non videntur.



## DE PLANTULA LAPIDEA SCUTULATA.

C A P. XXIII.

**P**LANTULAM Lapidream scutulatam non inſcitè paraſiticam plerique nominant, quia non niſi ex aliena quadra, vel paropſide cibum capit: hæc è dorſo chamæconchæ ſtriata, quæ inhiante prædæ fruſtratur, cauliculos



PLANTVLA LAPIDEA SCUTVLATA

emittit creberrimos, & tenuiſſimos, & digito nihil altiores, quorum ſinguli ſingulis clypeolis umbellæ inſtar defenduntur. Sub aqua vivit, & creſcit; non autem in aëre, prout quorundam eſt opinio: in fundo partim viridi, partim cinereo colore ſqualet, quæ poſtquam aquis eruitur, atque aërem ſentit, albescit, ut conchylum, & corallinæ vocatæ, quarum etiam ſalſedinem præfert, cauliculi ejus ſunt fragiles, teneri, candidi, glabri, implexi, leviter fornicati, & ſuis clypeolis lapidoſiores. Androſaces à nonnullis putatur; ſed à veritate aliena eorum ſententia eſſe videtur: nam (ut Dioſcorides ait) Androſaces herba eſt amara, tenues ſpargens juncos ſinè foliis, folliculos in capitulis habens, in quibus ſemen continetur: idque huic plantulæ contrarium eſt, nam amaritudinis loco ſalſedinem habet, ſeminaque nulla in folliculis ſuis recondit: alvum verò ſiſtere non negaverim. Hanc mihi omnium primus oſtendit Ferrantes Imperatus Neapolitanus, vir optimus, & eruditus.

## N O T Æ.

Plantula hæc lapidea ſcutulata à Mercato dicta, eſt Fungus marinus minimus, Caſalpino: Androſaces, cotyledon folioſum marinum, Lobellio. Androſaces chamæconchæ innascent, vel minor, Caſparro Bauhino in Pinace. Hoc plantarum genus Acetabuli nomine inſignitur à Turneſortio, [a] ob [a] In Inſtit. rei her- capituli figuram, acetabuli cavitatem referentem, atque ita definitur. Acetabulum eſt plantæ genus, varia. foliis cavis, quaſi pelviſformibus in conum inverſum ſerè deſinentibus.

Cum nuper ad Antii oram ad plantas maritimas inquirendas miſiſſemus, inter varias fucorum aliarumque marinarum ſtirpium ſpecies, nonnullæ etiam ex hujusmodi plantulis de quibus hic agitur, è faxis, quæ marinis aquis integuntur, decerptæ, allatæ ſunt. Cumque tum nudis oculis, tum microſcopio apud Illuſtriſſimum Lanciſium eas diligenter inſpexerimus nonnulla obſervavimus, quorum cognitionem naturæ ſcrutatoribus non ingrati fore duximus. Itaque tum earum varias iconas diligentius inſculptas, Mercati tabellæ addendas curavimus, tum exactius quàm hætenus (quod ſciamus) ab aliis factum ſit, eas deſcribere aggreſſi ſumus. Icon 1. earum formam exhibet, quam inermibus oculis conſpeximus, 2. quam microſcopio obſervavimus. In his pileolus fungillum planè refert ſtriis notatum a a a, ab umbilico b b ad periphæriam c c c, quæ ſupra reliquam ſuperficiem nonnihil utrinque extat, eleganter ductis, fungorum lamellas adamuſſim, ac per bellè exprimentibus. Hæ autem ſtriæ, utraque ſuperficii parte nimirum ſuperiori d d & inferiori c c




ri e e conspicuæ sunt, ac interdum quibusdam in locis ff crusta quadam salino-terrea externè concreta obducuntur. Umbilicus b b nihil aliud esse videtur quàm pediculi extremum, quod pileoli medio tanquam clavus infigitur. Pediculus g exiguum tubulum cavum refert: nam transversim fractus foraminulum ostendit, in quo substantiam quandam viridem microscopio animadvertimus. Substantia constant dura atque ad lapideam accedente: verùm à lapidibus differunt, quòd tum pediculi, tum pileoli etiamsi rigidi sint in quancunque partem inflecti possint instar filorum è materia metallica efformatorum, aut virgularum arborum duriorum: inflexi autem sese restitunt. Ex his monente Illustriss. Lancisio plantulam hanc revera fungi speciem esse statuimus.

## DE ALIA PLANTA LAPIDEA.

C A P. XXIV.

**A** P P O N I M U S hinc aliam speciem Plantulæ lapideæ, nequis uniformes omnes existimaret: nam ut superior è chamaconchæ, ita hæc è filice excrescit; in reliquis à superiore nihil, vel parum distans: cujus copiam Neapolì

PLANTVLA LAPIDEA ALIA



habuimus: multas deinceps cum hujus, tum antecedentis figuræ plantulas à familiaribus meis Anconæ commorantibus impetravi: ex quorum verbis constat, illas inter saxa, & conchas promiscuè nasci, in quadam palude portus novi, prope montem Anconitanum: inveniuntur quoque prope Neapolim in insulis Procita, Ænaria, & Capri.[2] Novissimè verò Spoleti ad mœnia in quodam fonte juxta portam Divi Pauli, colore viridi repertæ sunt. Unde nonnulli Religiosi, qui ibi incolunt, eas ad nos detulerunt; quo sanè argumento conjicimus hanc plantulam æquè palustribus, & fontanis aquis, atque marinis gaudere.



[ 1 ] Planta alia Lapidea, est Androsaces, Matthiolo, Lugdunensibus, Lonicero, Castori duranti. Musci marini genus, Guilandino. Androsaces petræ innascens vel major, Casparo Bauhino. Androsaces, Matthiolo. Fungus petræus marinus, sive umbilicus marinus, Joanni Bauhino. Acetabulum marinum procerius Tournefortio.

[ 2 ] Hujus loci mentionem facit Paulus Bocconus: [ a ] qui eandem hanc plantam prope Interamnam inter saxa Nari Flumini adjacentia se comperisse, eandemque esse atque Androsaces Matthioli asseruit D. Feliciano Maffetto Fulginatensi Pharmacopœo peritissimo, plantarumque studiosissimo; Spoleti inquisitam autem nullibi apparuisse, ut ab eodem Maffetto nuper accepimus. Verum cum laudatus vir eruditissimus unâ cum Boccono eadem loca iterum perlustrasset, nusquam invenire amplius potuerunt: Idemque iisdem locis paucis ab hinc diebus diligenter invisit nusquam reperisse affirmavit. Cæteroquin mirum sanè foret, plantam maris alumnâ, in aquis dulcibus nascentem, intueri.

[ a ] Musco di Pissa.






## DE UMBILICO MARINO.

C A P. XXV.

UMBILICI Marini, quos *Bellicos* vulgus dicitur, an iidem, qui inter Aristotelis testacea, contendunt aliqui, quibus totam hanc causam per-  
mittimus. Satis nobis, hos lapillos in maris littore legi umbilici figura, unde



UMBILICI MARINI

& nomen. Nautæ ut primo aspectu apparent, longiore, ac planiore forma, & pari magnitudine, fabas marinas nuncupant. In his pars planior ad extimam oram binas, ternasve spiras, ut cochleæ, involvit; quæ cum tenui sulco distinctè non insurgant, ex altera parte iniquam concavitatem in medio relinquunt, margine rotunda, ad quam gyri extremitas protuberat: qua forma, ut hominis Umbilicus, quem lepidè imitantur, sese corrugant. Nec minor in his coloris aliquando, quàm figuræ jucunditas. Color enim croceus in Umbilici



belici figura sæpe pallet, rubescit, aut nigricat, qua verò se circumvolvunt, veluti nitida, & tenuis crusta obducitur: luteus, & in eo spissè niger umbras, atque ex volumine rugas, non aliter quàm artificis industria, depingit, ea- que abrafa subtus læves, easdem exiguis striis delineant; læves etiam undi- que sunt, nitentque. Plures tamen invenire est hujus generis lapides, non- ita conspicuos; colore candido, aut cinerei proximo; non quòd spurii, sed cùm minores sint à natura perfectè non videntur; forma quoque his eadem non ita composita, lævitas, rarus nitor. Neoterici horum meminere, & ab- tergendendi facultate præditos esse tradunt: præterea ad officinarum ornatum, filo in oblongas corollas appendi, & à mulieribus piscium aurículas dictos, ad fucos, & faciei candorem expeti, idque succo limoniorum, & sublimati modo illitos præstare.

*Fuchsius in Annot.  
in Myrepsum.  
Lonicerus.  
Brasavolus.  
Franciscus Alexan-  
der Vercellensis.*

N O T Æ.

Umbilici marini sunt opercula quædam testacea, quæ comperiuntur in cochlearum orificiis. Horum nonnulla observavimus apud Illustrissimum Strozam, quæ cum cochlearum ostiolo adamussim congruebant. Hujusmodi opercula Augustinus Scilla [a] suspicatur esse ipsarummet cochlearum rudimentum: quod exinde tanquam ovum in perfectas cochleas abeat. Quam sententiam hisce ferè comprobant argumentis. I. dicta opercula testarum cochlearum figuram, in spiras convoluta, exactè referunt, nec non etiam testacea eadem substantia constant, immo totidem spirarum gyris, totidemque lamellarum ordinibus, atque ipsæ cochleæ quas tegunt, compinguntur, eodemque colore inficiuntur, internè autem materiam quandam diversam continent, quam animantis carnem esse cre- dit. II. spiræ, quibus externè notantur, in internis etiam partibus conspiciuntur. III. Variæ de- prehendantur operculorum magnitudines pro diverso anni tempore: ac non tantum in latum sed in omnes dimensiones crescere observantur, ac spiras cochlearum instar in altum supra planum ex- plicare.

[a] *Vana specula-  
zione disingannata  
dal senso.*






## DE PUMICE SPUMOSO.

C A P. XXVI.

CUM hoc maris sit excrementum, debuit inter marina recenseri, cui Pumici impositum nomen, non quòd ei cum Pumice lapide aliqua sit affinitas, sed in eo convenit tantum, quòd inane sit, ac leve. Spumosi verò hu-



PVMEX SPVMOSVS

Pumicis spumosi  
descriptio.

jus ad alterius differentiam, hæc satis apta videtur distinctio. Pumex enim lapis, quia fluctibus ad littus nonnunquam ejicitur, non è mari originem ducit, quod suo loco diximus, sed tempestate, aut alia agitatione, quæ mare ipsum commoverit, in quo semper innatat, & demum in littore consistit: Hic verò, de quo sumus acturi in ipso mari ex spuma concrevit, concretusque pumice lapide aliquanto durior evadit, neque illi levitate impar; cavernosus item est, & ut æstuosi maris spuma glauco colore, tantusque ei nitor inest, ut minuta vitri fragmenta spectantibus referat. Igni vix cedit, nedum crepet, aut exiliat:



liat: aqua vix quicquam ex eo deteritur; in qua diu innatat. Hunc ex spuma densari ipsa materia docet, quæ præter vitreum nitorem, & bullas, quibus excrescit, inæquabili est varietate undulata. Clarum præterea indicium est quòd in transversum pro situ, quo crevit, divisus, plures lateribus præseferat; ea parte, qua se spuma pressius ingessit, minùs spongiosa apparet, ex qua etiam parte magis est friabilis, & ubi bullarum vestigia remanserunt, purior, & rarior; alia pars arenulis commista, est compactior; fit verò, ut innuimus, maris fervente æstu, ac impotenti inter rupes, & scopulos fluctuum collisione, præcipuè cum intumescences undæ eò se penetrant, quò aliàs non est aditus, ita ut in specus, cavernas, aut saxa, quæ eam intercludant, delata spuma summa ventorum vi, priusquam subsidat ferè arefacta citò indurescat. Nec cuiquam mirum videri debet, quì illinc avulsa in mare rursus incidat. Tritum, verbum est, clavum clavo trudi, idque alia maris commotione fieri potest, quæ quàm sit varia æstu accedente, ac remeante, & quàm diverso ventorum flatu excitetur, nihil attinet dicere. Fieri etiam potuit, ut aliqua ejus pars, aut bullis intercedentibus, aut nimia siccitate rimas ageret, ut faciliùs abripi posset. Refert Plinius [a] circa Messanam, & Mylas fimo similia expui in littus purgamenta, unde fabula, Solis boves ibi stabulari; Quæ quidem etsi non eadem materia cum ea de qua tractamus, non aliunde tamen, quàm ex fluctuum collisione provenire existimandum est. In mari versantium, quis illud stato tempore purgari ignorat? & remotissima quæque in siccum rejicere? Sed cum huic exilis falsedinis sapor gustu malè percipiatur, ex spuma hunc densari quibusdam probabile non videbitur. Notum enim est ex spuma in extremis littoribus, ac scopulis relicta salis genus sponte gigni. Sed cum omnis sal ex causis geminis unam habeat coactionem, scilicet humoris, aut siccitatis, postrema illa assignanda est. Itaque quæ in salem siccatur spuma, necesse est sit crassior, plurimumque humoris, & marinæ aquæ sibi adjungat, qualis ferè semper mari leviter fluctuante, ideoque falsior, & spissior intus concrevit. Salsedinem, ut nunc omittamus quæ ab aliis antiquis in medium afferuntur, præcipuè solis calor adjuvat; Et cur totum mare falsum sit à sole rationem deducit Plinius. [b] Exhausto enim (inquit) inde dulci, tenuique, quod facillimè trahit vis ignea, omne asperius, crassiusque relinquitur. Hujus autem pumicis materia tota spumea est, & quidem talis, quæ, sæviente tempestate, tanto ventorum lutamine fervescens, sublataque circumquaque feratur, & alicubi cumulata, præ materiæ tenuitate exarescat. Salsedinem verò, quam exiguam, aut nullam habuit, concrecendo neque acquirit, neque auget; vel quia locus solis radios non admittit, vel si in aperto sit, priusquam superveniant, induruit. Illud compertum est, majorem in alia, quàm in alia parte falsedinem percipi, forsan quia humor ibi crassior, vel quia soli magis oppositus, aut quia utrumque sit nactus. Differunt pumices spumosi nitore; qui enim plus arenæ, aut fordium continent, squallidiores. Inveniuntur à mari ejecti non usquequaque frequentes. Primum mihi ex Tyrrheni maris littore allati sunt. Postea ipse fragmentum ad Tyberina in littore reperi. Non solum vires, sed ipsi incogniti hætenus. Quare hoc loco satùs mihi fuit illos divulgasse.

Pumex spumofus  
quomodo gignatur.

[a] Lib. 2. cap. 74.


Maris falsedo unde.

[b] Lib. 2. cap. 100.

Pumicis spumosi  
loci.









# ARMARIUM VII.

## LAPIDES TERRÆ

Similes.

### DE LAPIDUM DIFFERENTIIS.

#### C A P. I.



OST QUAM fossilia laxioris materiæ descripsimus, ad alia solidiora transeundum est, quæ universa nomine Lapidis continentur: quorum historiam sanè difficilem, scituque dignissimam, ac per jucundam priusquam aggrediamur, candidum lectorem cum primis monitum volumus, antiquos Lapidis nomine omnes ferè duras res fossiles intellexisse; quæ cum multæ sint, & valde inter se dispares, ex his aliæ propriè Lapidis; aliæ verò cum terris, metallisque communes existunt. Propriè

Lapidis definitio.


Lapides vocati, sic ferè describi posse videntur, ut eos dicamus corpora esse terrea, dura, quæ conteri possint, non autem calido, aut humido liquefieri; quorum alii in aëre sunt, ut fulmen; alii in aquis, ut corallia, antipathes, λιθόφυτα, de quibus in Armario de Marinis dictum est; alii in terra, cujusmodi sunt gemmæ, marmora, silices, saxa; alii in utroque, veluti qui ex ligno, aliave materia, quæ prius nihil lapideum habebat, lapidescere solent; alii in ipsis animalibus, ut hominibus, quadrupedibus, volatilibus, piscibus, insectis; horum autem aliqui figuram certam habent, & ἰδιόμορφος Græcè vocantur, ut conchites, monostroites, ophioides, Ammonis cornu; alique incertam, & ἄμορφος appellantur, ut pleraque saxa, marmora, gemmæ nonnullæ, & lapides nonnulli animalibus innati, quos numerare nimis longum foret: eorum verò qui terris proximè accedunt, alii friabiles sunt, ut sarcophagus, cadmia fossilis, amnochrysos, mica; alii in tenuissimas squamas scissiles, pellucentesque, ut specularis, & magnetis; alii in fila, capillosque ductiles, ut amiantus; alii cote subacti liquabiles, ut morochthus, melitites, hæmatites, schistos; alii paulò duriores, & ponderosiores, ut magnes, theamedes, smyris. Nolim autem in his terræ similitudinem adeò scrupulosè accipi, ut qui perspicui, vel præduri sunt, negentur in hoc genere aptè reponi; cum terra & mollis sit, & opaca.

Divisio.

Satis enim est, hos aliqua ex parte ad naturam terræ accedere, hos quidem mollitie, hos verò solutione in succum: ii autem, qui cum metallis afficiuntur, impropriè lapides vocantur, metallicisque sunt admiscendi; propterea quòd liquabiles sint, & ex sicca prorsus exhalatione non consent, sed ex humida potius; quorum explicationem in posterum remittimus: per μεταλλευτὰ enim non solum ipsa metalla considerata occurrunt; sed & quæcunque, aut eorum partes, aut recrementa sunt, quæque ex iisdem principiis originem ducunt. Nunc itaque singulorum descriptionem aggrediamur, ab illis primùm exorssi, qui terris proximè accedunt. Illud tamen operæ pretium fore visum est, si antequam ulterius progrediamur, dictam Lapidum divisionem totam simul in lectoris conspectum posuerimus.

Res







# Lapides terræ similes. 145

## DE LAPIDE ASSIO,

### Seu Sarcophago.

#### CAP. II.

**A**LAPIDIBUS terræ similibus hinc exordium sumere visum est, nè eo, quem post ipsam terram, cæteraque à terra minùs remota, locum merentur, excludamus. At cum res ab illis locis persæpe nominentur, in quibus primùm inventæ sunt, & earum nomina deinceps ab exteris eodem modo servari soleant: lapis Assius, seu Assius nomen habuit, quod circiter Assum Troadis Urbem inventus traditur. Vocatur etiam à Græcis σαρκοφάγος, quasi carnem comedens; nam in eo condita cadavera infra dies quadraginta, & (ut Plinius ait) unà cum ossibus solis dentibus exceptis consumuntur, quod idem Dioscorides significavit his verbis, σαρξ σαρκοφάγος γίνεται, idest, quod ex eo loculi defunctorum corpora exedentes fiunt; quodque Celsus minimè ignoravit, dum inquit, lapis est qui excedit carnem, quem σαρκοφάγον Græci vocant. Arabibus [1] hager asos dicitur. Est is levis, similis colore pumici, aut topho, fungosus, friabilis, venulis in profundo luteis: innascitur ei tenuissimus quidam pulvis, farinæ, quæ molarum parietibus adhæret, non dissimilis, qui quidem petræ Asiæ flos nuncupatur, & falsedinem quandam gustui relinquit. Decipiuntur autem, qui hunc petræ Asiæ florem putant esse pulverem, quem vulgò Salnitrum vocant: siquidem hic ex lapide Assio tantùm efflorescit, ille verò ex parietibus, vel ex putri fimo exudare solet, vehementique facultate præditus est. Porrò lapidem Assium hujusmodi Tridento allatum primus dono mihi dedit paucis ab hinc annis vir humanissimus, & medicus doctissimus Aurelius Stagnus Mutinensis, quem quidem pro vero habebimus, donec alius ex Troadis promontorio ad nostras manus perveniat. Cæterum quoniam carnivorius hic est, partim ex cadmia ob id constare Agricola scripsit. Vim habet (auctore Dioscoride) acrem, & ideo linguam tactu quadantenus mordet, astringit, & modicè erodit, siccatur, tubercula discutit, ulcera contumacia ad cicatricem perducit, carniū excrescentias minuit. Podagrīci quidem juvantur pedibus in folio ex eo lapide excavato inditis: ad omnia autem efficacior est pulvis ejus, qui flos, uti diximus, vocatur; tenuiores enim (ut Galenus scribit) partes obtinet, adeò ut sinè morfu nisi molles carnes fluidasque cliquet.

Dioscorides lib. 5. cap. 99.

Plinius lib. 2. c. 96.

Etymologia & nomina.

Plinius lib. 36. c. 17.

Lapis Assius qualis sit.

Celsus lib. 4. cap. 24.

Serap. de simp. ex min. cap. 393.

Avic. lib. 2. tract. 2. cap. 30.

Agricola lib. 10. de nat. Fossil.

Lapidis Assii vires.

Galenus lib. 9. de simp.

#### NOTÆ.

[1] Lapis Assius Arabibus حجر أسوس Hagiaro Assuson.

Lapidi Assio veterum alii ab aliis inter se diversi lapides substituuntur, sed carnem æquè erodentes de quibus vide Marthiolum, Cæsalpinum, Aldrovandum, Boetium, Vvormium, aliosque. Nullus autem veterum descriptioni magis respondet, quàm qui à Mercato hic recensetur.

Lapides hi corrosivi sunt, quod variis salibus mineralibus scateant, ac vaporibus metallico-sulphureis sint infecti, nitro nimirum, sale marino, chalcanto, arsenico &c.

Hinc pro varia horum admistione varii inter se hujusmodi lapides compinguntur, colore, soliditate, ac pondere: licet enim plerunque leves ac spongiosi inveniantur, nonnunquam etiam solidi, compacti, ac ponderosiprehenduntur, quales se vidisse testatur Vvormius; quos quidem metallicis particulis scatere probabile est.

Lapidis Assii diversitas unde.

Quod ad levium autem generationem attinet, non parum conferre videntur sulphureæ atque ignitæ exhalationes, quæ à terræ penetralibus efferuntur: Hæ siquidem tum salino-metallicas particulas, quas secum egerunt, lapidibus, in quos impingunt, insigunt, tum etiam eosdem exurentes, & quodammodo in calcem redigentes, eorum sales extricant atque expediunt, qui propterea vehementius agunt in corpora, quemadmodum experimur in calce factitia.

Quapropter eodem modo, atque ex calce nitrum efflorescere observatur, ex lapide Assio flos iste emittitur, qui verisimiliter prodit ex salinis particulis ab invicem & à reliqua materia prius divulsis, deinde ab humido aere dissolutis atque etiam fortasse suo peculiari sale imbutis, atque ad superficiem eductis.

Flos lapidis Assii quomodo gignatur.



*Armarium Septimum*  
DE LAPIDE CALAMINARI,  
sive Cadmia fossili.

## C A P. III.

Descriptio lapidis  
calaminaris.

Locus.

Galenus lib. 9. de  
simp.

Falloppii error.

Agricola defendi-  
tur.

Cadmia bitumino-  
sa.

Cadmia atramento-  
sa.

[ a ] In notis ad Ar-  
tem Vitriariam Ne-  
ri.

Lapis calaminaris Ex  
ex quibus constet.

Orichalci parandi  
ratio.

**N**ON admodum à terra distat is etiam Lapis, qui calaminaris nominatur : quamobrem Festus Pompejus terram esse judicavit. Hunc Cadmiam quoque fossilem communi nomine nonnulli appellant : Cadmia etenim ( ut rectè à peritioribus distinguitur ) vel est factitia, vel nativa, quæ est aut metalli expers, aut metallica : factitia, vel fornacaria, ita dicta, quòd in metallorum fornacibus oriatur ; & nativa sive fossilis metallo concreta ad metallica pertinet ; quapropter de iis suo loco dicemus . Hunc autem fossilem metallo carentem vulgò *giallamina*, vel *calamina* vocatum præsentis Armarii Lapidibus adjungimus : nam lapis planè est, qui nonnunquam terra parum durior, ponderosior tamen invenitur, coloris sublutei, & interdum subcinerei, eoque æs tingitur ad orichalcum conficiendum. Effoditur in Germania prope fodinas plumbi, in Italia verò, ut in agro Mediolanensi, in monte quodam, qui parum abest à Novocomensibus, in Bergomeni, nec non in Senensi territorio apud Fossinum. In Cypro quoque insula Cadmiam lapidosam, licèt rarò, reperiri scribit Galenus, quam à metallorum præfecto acceptam in Italiam, Asiamque pro magno munere ad amicos detulit ; sed an hæc eadem, lapis calaminaris, quo adeò Italia abundat, dici debeat necne, non facilè ex Galeno intelligi potest, cùm nullis ab eo describatur notis : tametsi Falloppius temerè videatur negare, Cadmiam fossilem Galeni exurere, & nullum in se metallum continere : quoniam id nusquam Galenus negat, vel affirmat. Propterea nec jure arguitur Agricola, quòd memoriæ reliquerit, Cadmiam fossilem exurere, & ideo grillos, muscas, & mures interficere, fossorumque manus, & pedes exedere ; nam quod Galenus vel ignoravit, vel casu prætermisit, hic vir doctus jure affirmare, vel negare potuisset. Sed est notandum de illa ipsa Cadmia, cujus meminit Galenus, sermonem Agricolæ non esse ; sed de alia fossili ; propterea quòd plures Cadmiæ fossilis species reperiuntur, quàm quæ veteribus cognitæ fuerunt. Ideo nemini mirum videri debet, etiamsi Galenus explicasset, & fossilem Cadmiam exurendi vim habere negasset ; aliquam tamen illius speciem inveniri, quæ & exurat, & lethalis quoque sit, qualis ab Agricola descripta est ; à quo etiam non ineptè Cadmia bituminosa illa vocatur, quæ allium sylvestre olet ; nam in prunas coniecta, ut bitumen ardet, & bituminosa apparet : quemadmodum & rectè atramentosa vocatur, quæ in atramenti fodinis reperitur, quæ cùm in loco humido manserit, melanteriam ex se emittit, ex qua quædam veluti candida falsugo efflorescit ; quas quidem Cadmiæ species sæpe vidimus nos in chalcanti fodinis, neque ad aliud, quàm ad Cadmiæ fossilis genus referri possunt.

## N O T Æ.


Lapidis calaminaris nomen tractum est ab Arabico *قلايميا* *Climia*, quo Cadmiam appellant, cum qua magnam affinitatem habet : Exustus enim favillam emittit camino adhærescentem, ac verè Cadmiæ antiquorum qualitate, tum viribus respondentem, ut testatur Merrettus [ a ] : Hinc non est improbabile lapidem hunc idem esse atque Cadmiam fossilem Galeni. Continet autem particulas metallicas plumbeas, atque æreas, quæ in calcinatione abeunt in Cadmiam : Ideoque, ut perhibent, ex plumbo lapis calaminaris factitius parari potest. Nativus verò in venis plumbi reperitur. Præterea internè assumptus, vomitiones ciet, quòd particulis æreis admistis tribuendum videtur. Ex lapide calaminari & cupro orichalcum hoc modo conflatur. Lapis calaminaris diligenter, ac vehementi igne in calcem redigitur : ita tamen ut moderatè exuratur : exinde unà cum carbonibus in pulverem redactus clibano inditur : huic pulveri laminæ cupri imponuntur, quæ admoto igne dicti pulveris halitus excipiunt, quibus in aureum colorem immutantur, ac ponderosiores evadunt. Id autem exactè describitur apud Merrettum.



DE PHRYGIO LAPIDE.

C A P. IV.

**L**APIDEM hunc, quem Græci *φρύγιον* vocant, quia ex Phrygia afferebatur, eum omnino esse puto, qui fungifer lapis nominatur, eo quod fungos aqua tepida conspersus intra quatrimum producat. Lapis est primo intuitu terræ glebam referens, non multum gravis, pumicosus, gustu



LAPIS PHRYGIUS FUNGOS FERENS

*Aloysius Pomier sculp.*

partim astringens, partim mordicans, colore pallidus, & ( ut Dioscorides scribit ) non æqualiter tinctus per omnes partes, sed candidis quibusdam lineis distinctus, non fecus, atque cadmia. Quæ quidem notæ Phrygio lapidi à ve-

*Dioscorides lib. 5.*

*cap. 98.*

*Plinius lib. 36. c. 19.*

*Isidorus lib. 16. cap. 4.*

teri-



Lapis Phrygius à  
lyncurio diversus.

Serap. de simp. ex  
min. cap. 380.  
Arabum error.

Locus.

Galenus lib. 9. simp.  
Ægineta lib. 7.  
Aetius lib. 1. tetra-  
bibl. ser. 2. cap. 21.

teribus singulariter attributæ, alteri magis non mihi videntur competere, quàm fungifero jam dicto. Verùm de hac re nihil certi statuimus liberum cuique iudicium relinquentes: nam existimet fortasse aliquis rationi non esse consentaneum, veteres, qui omnem lapidem moverunt in perquirendis naturæ arcanis, proprietatem illam ferendi fungos ignorasse: cui tamen responderi potest, non omnia veteribus, à quibus nihilominus optimam omnium scientiarum partem, tanquam per manus accepimus, fuisse explorata, quæ hodie adhuc passim deteguntur, partim hominum industria, partim ipsamet natura illa præmonstrante; neque etiam omnes hi lapides, quanvis ejusdem generis sint, atque uniformes, fungos procreare solent, & nonnisi diligentia quadam prius adhibita, ut pluries experti sumus. Illud autem non prætermittendum est, perperam eos quidem judicasse, qui lyncurium esse hunc putarunt, siquidem succinum lyncurium esse, à veteribus creditum fuisse, superius ostendimus. Apud Evacem lapis lyncis, fit ex urina lupi cervarii in montibus coagulata, quique in domo servatus generat optimos fungos supra se quolibet anno: valet contra dolorem stomachi, icteritiam, & fluxum ventris. Hoc loco verò minimè sunt refellendi Arabes Diphryges, vel Phrygium lapidem pro una, & eadem re accipientes; nam manifesto in errore versantur.

Nascitur autem non modò in Cappadocia, sed etiam in Neapolitano agro, & in monte Serculi, qui viginti millia passuum Neapoli abest, nec non in insula Procitæ, aliisque in regni partibus Neapoli vicinis; verùm nullius hodie est usus, præterquam ad fungos producendos, quos omni quoque tempore generare solet, & ideo Romam pro munere magnatibus adfertur: olim eo fullones utebantur, vel in tingendis, inficiendisque, vel in abstergendis vestibus. Vim verò Phrygius lapis mistam habet; nam, ut Galenus ait, repellit, & digerit, ac validè desiccatur, quamobrem putridis ulceribus adhibetur, & oculorum medicamentis permiscetur; lavatur ut cadmia, sed ejus lavandi modus ex Dioscoride petendus est.

### N O T Æ.

[a] Dissertatio epistolaris de ortu, vegetatione, ac textura fungorum.

Pro Phrygio lapide antiquorum ab aliis accipitur gleba vitriolica; quod hæc ad tingendum apta sit æquè ac memoratus lapis, ut videre licet, apud Anselmum Boetium, & alios. Lapidis fungarii naturam mirificè enucleavit Illustrissimus Lancisius [a]: ita enim de eo ingeniosè scriptum reliquit.

Est enim vero lapis fungarius non quidem in verorum lapidum ordinem redigendus, ut ex vulgi errore opinari quis posset, sed concretum quoddam ex complexu lapillorum, radicum, succorum, seminum, terræque lapidescentis coalescens. Ex eo verò non aliter fungos elicies, quàm si aquam affundas, & tepido in loco reponas, vel saltem tepens aer accesserit; tunc enim saxeus ille nexus, artæque textura laxatur, ita ut vegetabilium fibræ emolliantur, ac succi concreti ab affusis calidis humoribus solvantur, ac fermententur: qua de re lapillorum hiatus, ac rimas, ubi scilicet major concurrat vis propulsiva, minorque obijcitur resistentia, eadem vulnerata cæteroquin radices, incisi frutices, contusa semina, laxatas illas ipsas fibras à concitato fluido foras protrudunt in fungos, quos, propter admixtas lapidescentis succi particulas, paulò duriores comperimus iis, qui ex simplici fimo, vel laxa terra nascuntur. Fit autem, ut ejusmodi fungarii lapides, multa prole edita, postremò effecti sterilescent, leviores redditi, porosioresque, quia nimirum in iisdem non solum succus nutritivus absorbitur, & exhauritur, verùm etiam quia fibrarum substantia, continendis succis, formandisque fungorum corporibus necessaria, paulatim deteritur, imminuitur, ac deficit; eo ferme pacto, quo argenteus conus, aureis foliis inductus, si per chalybeum foramen in exiles cylindros trajiciatur, longissima quidem inaurata superficies ducitur, sed tandem utriusque metalli substantia conficitur, & deperit.

## DE LAPIDE MANGANENSI.

### C A P. V.

**M**ANGANENSIS [1] cùm veteribus ignotus fuerit, modò notissimus, & quotidiani usus existit; *Manganese* à figulis nominatur ab effectu, corrupto quidem nomine, quod scilicet vasa mangonizet. [2] Sydereæ quibusdam dicitur, quod scintillas habeat instar ferri nitentes, quæ, dum frangitur, conspiciuntur. Pumicosus est, & friabilis, colore fusco, aut ferrugineo; cùm figulis,



## Lapides terræ similes.

149

gulis, tum vitrariis usum præbet: [3] nam vitrum tingit purpureo colore, ipsumque depurat, adeò ut si viride, vel flavum suapte natura sit, ejus mistione albescat, puriusque efficiatur. Reperitur in Germania, & in Hetruria in montibus Viterbiensibus.

### N O T Æ.

[1] Lapis Manganensis ab Alberto, & à Cæsalpino, aliisque Magnesia quoque vocatur: quòd magneti similis sit. Colore enim est ferrugineo, ac ferri substantiam admistam habet; ut bene conjicit Merrettus [2] tum ex colore, tum ex variis effectibus: affusis enim spiritibus mineralium acidis, vitrioli e. g. bullas emittit, & vehementer effervesceat, æquè ac ferrum. Vitrum autem atro colore inficit, ut scobs ferrea, à cultris abrafa, ac cotis ramentis commistis, dum acuuntur, fericum tingit. [a] In notis ad artem vitrariam Neri.

[2] A Cardano sydereæ appellatur, an potius siderea, quasi σιδήρεα ferrea? [3] Lapis hic vitro liquefacto admittus primum ex viridi candidum ac perlucidum nitidumque efficit: exinde verò si major ejusdem copia adjiciatur, purpureum reddit, ac demum etiam nigrum. Hinc Cæsalpinus existimat, à magnesia impuras vitri particulas attrahi, ut à magnete ferrum: An autem id eveniat ob immutatam vitri texturam, tantummodo ex interjectis magnesiæ particulis, an ex eo quòd nonnullæ vitri particule ex magnesiæ admistione in motum actæ evanescant in auras, an ex solo partium situ immutato, nulla detractio, aut accessione extraneorum corpusculorum facta, an ex his omnibus; haud facile est determinatu. Quamvis enim Merrettus contendat, id tantummodo tribuendum esse ferreis magnesiæ particulis, quæ cum ob propriam gravitatem avolare nequeant vitreis interpositæ, earum texturam invertunt: adhuc tamen aliquid dubii relinquitur, an magnesia quibusdam peculiaribus, præter ferreas, salino-sulphureis partibus scatet, (immo ferrum ipsum hujusmodi partibus præditum esse verisimile est) quibus coloratas vitri particulas in motum agat, ac secum abripiat in altum; ideoque tum ex detractio, tum ex additione, tum ex corpusculorum inversione ipsa colorum diversitas oriatur.

Quomodo magnesia vitrum expurget & inficiat.

## DE LAPIDE COMENSI.

### C A P. VI.

**H**Oc loco etiam lapidem Comensem, quòd terrea videatur esse natura, ponendum existimavimus; qui ob id Comensis dicitur, quia in agro Comensi ferè nascitur, unde lebetes, nec unius generis vasa excavari, ac fieri solent: eum excisum lebetis instar sæpius tornant, totque inde vasa, alia aliis minora excudunt, quot ipsa lapidis magnitudo sufficere potest: ea aliis alia inclusa, sed tamen excavata sic aptè hærent inter se, ut una, atque eadem moles esse videatur, & ita venum exponuntur. Hujus meminit Plinius his verbis: *In Siphno lapis est, qui cavatur, tornaturque in vasa coquendis cibis utilia, vel ad esculentorum usus, quod in Comensi Italia lapide viridi accidere scimus. Sed in Siphno singulare, quòd excalfactus oleo nigrescit, durefcitque, natura mollissimus.* De hoc Siphno, qui similis est Comensi, loquitur etiam Theophrastus lib. de lapidibus.

Plinius lib. 36. c. 22.

### N O T Æ.

Lapis Comensis, aliis lapis ollaris, & lapis lebetum dicitur. Hujus præter Mercatum meminerunt Scaliger in exercitat. Gernerus de fig. lapid. ac inter recentiores, Vvagnerus in historia naturali Helvetiæ & Cl. Langius in historia lapidum. Probabile autem est lapidem hunc compingi ex materia argillacea, quæ in substantiam vasis fictilibus similem concrefcit, nimirum porosam atque ignis particulas facillè excipientem eisdemque resistentem, itaut non ita facillè in calcem redigatur.



*Dioscorides lib. 5.*


*cap. 74.*

*Plinius lib. 36. c. 21.*

*Serap. de simp. ex*

*min. cap. 47.*

**P**UMEX vulgò *Pomice* dicitur, à Gallis *Pierre ponce*; ab Hispanis *la Piedra esponia*, à Germanis *Bimstein*, ab Arabibus *Fanech*, à Græcis verò appellatur *κίσγκις*, ob fistulosas concavitates, quas habet: *κίς* enim vermis



PUMEX

*Vitruvius lib. 2. c. 6.*

*Æneid. lib. 12.*

est, qui exiguis foraminibus triticum terebrat, perinde ac pumex à natura terebratus conspicitur. Spongia à Vitruvio nuncupatur, quia ut spongia multicaus, sive fistulosus apparet; propterea Virgilius canit:

*Inclusas ut cùm latebroso in pumice pastor*

*Vestigavit apes, fumoque implevit amaro.*

Quia infinitis latebris est refertus. Pumex quidem fit ex ardenti exhalatione,



ne, qua montes incenduntur, & terra comburitur, in qua inhærentes lapides, saxaque in pumices meatuum plenos degenerant, qui vi ventorum, & ignis non rarò in auras deferuntur. Hanc uſtionem, qua Pumex evadit, paucis ita complexus eſt Poeta in Ætna.

— *Veluti in fornace lapis torretur, & omnis  
Exurit penitus venis: ſubit altiùs humor  
Amiſſis opibus: levis ſinè pondere pumex  
Excoquitur.* —

Veteris incendii certiffima indicia hodie videre licet in Veſevo, ſive Veſuvio Campaniæ monte prope Nola, quem *Monte di Somma* dicimus; ſæpiùs enim arſit, ſed nunquam vehementiùs, quàm Titi Veſpaſiani Imperio: quo tempore ex illo incendium erumpebat, quo vicina loca plurima conflagrabant: eratque tunc cum cohorte militum Miſeni Plinius naturæ hiftoriarum ſcriptor; qui cùm inuſitata magnitudinis, & formæ apparere nubem vidiffet, incertumque eſſet procul intuenti, ex quo monte oriebatur (quem Veſuvium fuiſſe poſtea cognitum eſt) ad rei investigationem ſe contulit. Sed cùm ad Montem hunc ventum eſſet (ut Plinius Junior avunculi ſui exitum Cornelio Tacito diligentiffimè tranſcribens narrat) coactus fuit cervicale capiti impoſitum linteis conſtringere contra levium, exeforumque Pumicum caſus munimentum. Inceptum tamen urget ille inquirendi ſtudio accenſus, dum ſpiritu, craſſiore caligine obſtructo, vitam amiſit. Quæ mors tanto illi honoratior, quanto ſubtilis magis abditarum, in tam varia natura, rerum indagator exſtitit. Nunc verò mons ille, qui per tot annos, modò ſopitam, modò liberè erumpentem flammam aluit, acceſſum præbet; totuſque fertilis, præter planitiem, quæ in vertice arida eſt, & ut cinis, nihil omnino producit. Id olim etiam evenit Ænariæ Puteolani ſinus inſulæ, atque inter Cumas, & Neapolim; quibus in locis cùm montes incendio diù claruiſſent, tandem tepuere. In cauſa verò materia eſſe potuit, quæ facilè igni abſumitur, quæque ſemel accenſa emoritur; qualis bitumen, ſulphur, hiſque admixta terra: nam quanvis per ſpiramenta cavernarum ventus incumbat, diuque luſtetur, ignem illa ſemel uſta non concipiunt, in quibus quod uri poſſit, nihil relictum eſt. Ætna verò levibus illis fomentis, plurima diuturni incendii nutrimenta, ſaxa adjungit, quibus, ut idem Poeta;

— *Cuſtodia Flammæ  
Vera, tenaxque data eſt.* —

Concipiunt quidem iſta tardiùs flammam ob tenues vias, venasque, quo conceptam pertinaciùs retinent: inter quæ præcipuum nominat lapidem molarem, qui, ut paulò inferiùs,

— *Semel, atque iterum pariens, & mille perhaufiſtis  
Ignibus, inſtaurat vires; nec deſinit ante,  
Quàm levis excocto deſecit robore pumex  
In cinerem, putreſque jacet delapſus arenas.* —

Reperitur Pumex illis in locis, de quibus modò: deinde etiam, ut Plinius vult, laudatiſſimus in Melo, Scyro, Æoliis inſulis. Sed cùm ſaxa in montibus diverſa ſint, & exhalatio illa æſtuoſa, quæ cinerem cum pumicibus eructat, nunc remiſſior, nunc impotens magis erumpat; ſit, ut Pumices inter ſe differant colore, denſitate, & levitate: nam vel ſunt candidi, vel cinerei, vel nigri, vel in rubro nigri: rurfus alii duri, alii molles: omnes quidem leves, & idcirco in aqua innatant; nigri verò cæteris ſunt denſiores, & ideo parum ponderoſiores. Præfertur candidus, levis, fiſtuſoſus, durus, calcuſorum expers, teri facilis, nec arenoſus in fricando. Facultatem habet abſtergendi, extenuandi, ſiccandi: ipſius pulvis dentes polit: ſarcoticis quoque miſcetur; uſtus trina uſtione, ut Plinius ſcribit ex Theophraſto, ita ut torreatur carbone puro, ac toties vino reſtinguatur albo, tenuiorum ſit partium, acrimoniamque acquirit, quam lotionem deinceps amittit: lavatur autem ut cadmia. Ulcera purgat, expletque cicatrices, & emendat; additur etiam ad mala-

Pumices à Veſevo  
eructati.

Plinii obitus.

Locus.

Pumicis differen-  
tiæ.

Theophraſtus de la-  
pidibus.

Selectus.

Vires.

Galenus 9. ſimp.  
Ægineta lib. 7.  
Aetius lib. 1. tetra-  
bibl. ſerm. 2. cap. 26.



malagmata capitem, verendorumque ulceribus. In ferventis musti dolium injectus, illico fervorem tollit: ajunt potiores in certamine bibendi præsumere farinam ejus, sed nisi immenso potu impleantur, periclitari. Eo utuntur scriptores cum gummi juniperi ad papyrum expoliendam.

## N O T Æ.

Pumex Arabibus *نفسه* *Nesepbaton* appellatur. Particulas æreas admistas habet: nam in calcem redactus affusum acetum viridi colore inficit æquè ac cuprum.

## D E T O P H O.

## C A P. VIII.

*Plinius lib. 36. c. 17.  
Agricola lib. 7. de  
nat. fossil.*

**P**UMEX similis est Tophus, vulgo *Toso*, qui Græcis *πρόξ* dicitur; nam lapis est meatuum plenus, & ideo levis; neque semper colore, atque duritie Pario marmori similis existit, ut Plinius ex Theophrasto scriptum reliquit, sed plerunque mollis, atque friabilis reperitur; colore quidem non solum albo, sed cinereo, rubro, subflavo, atque fusco: nam pro terræ, in qua gignitur, diversitate, variis coloribus insignitur. Efficitur autem lapis ita cavernosus humore cum terra non satis bene permisto, quem cum diversæ terreni partes tanquam vasa contineant, calore ex eis in percoquendo exhauritur; sed cum frigore quoque concreseat non secus, atque alii lapides (diximus enim suo loco non tantum calore, verum etiam frigore lapides condensari) Tophus etiam dicitur, qui frigore in specubus concrevit, ex succo quidem lapideo, quo stillat, vel in aquæductibus, per quos succus ipse transit. Reperitur passim pluribus in locis, ut candidus in Hetruria, in agro Piceno; in Umbria ruber, & niger in Campania, & in comitatu Sanctæ Floræ, subflavus in Ilva Insula; fuscus & cinereus ubique ferè locorum; maximè apud Vascones cæmentorum in extruendis caminis, & furnis usum præstant; graves enim sunt, solidi, & ad verbera quælibet contumaces; ac si quidem magna vi mallei impetantur, quasi nihil proficiatur, ita parum à duritie recedunt; hi verò vulgatiores, & cæteris ignobiliores; nobilior autem ille, qui naturalis scaber est, quem Virgilius, & alii poetæ versibus suis celebrarunt.

## N O T Æ.

Generatur Tophus ex arenarum granulis, glutino lapidescentis liquoris invicem concretis: quæ granula, cum angulosa sint, inter se aptè congruere non possunt; quo fit ut spatiis, ac meatibus relictis, Tophus spongiosus, levis, & asper efficiatur. Nonnunquam etiam margam admistam habet, ut tradit Vvagnerus: interdum musco, arborum frondibus, aliisque hujusmodi quicquillis, à materia lapidea invicem agglutinis, refertus aspicitur, ut observavit Cl. Langius. Varii autem Tophi reperiuntur, soliditate, levitate atque colore pro diversis arenarum generibus, aliisque extraneis corporibus admistis, ex quibus compinguntur.

## DE LAPIDE BIBULO, MICA,

## Et Ammochryso.

## C A P. IX.

*Virgilius 2. Georgic.*

**A**D Tophi similitudinem aliquo modo etiam arenarius accedit, friabilior tamen, & siccior; unde bibulus nominatur, quod faciliè aquam sorbeat: nihil enim hoc lapide siccior, nihilque siticulosius, quare scitè admodum Virgilius ait:

*Aut lapidem Bibulum, aut squalentes infode conchas.*

Agricola arenariam etiam vocat petram comminutam, quæ non usque adeò com-



## Lapides terræ similes. 153

comminuta est, ut in pulverem conversa sit. Est is vel albus, vel niger, vel cinereus, vel flavus, vel ruber, vel fuscus, prout arena ipsa, ex qua constat, colore varia apparet. Reperitur in eisdem fodinis, in quibus arena effoditur; quapropter arenosam substantiam tantum habet, ita ut ex eo comminuto potissimum arena fiat.

Micam quoque appellant lapidem illum arenarium, in quo pulvisculus quidam continetur copiosus, qui in arena quasi argentum fulget, & ideo felium argentum à Germanis vulgò nuncupatur, quòd colore adeò argentum referat, ut imperitos non rarò decipiat; felium verò, quòd eorum oculi etiam noctu micent, vel quòd nullum utilitatis fructum metallicis præbeat, cum igne consumatur. Reperitur Mica non tantum in arenis, verum etiam nonnunquam in marmoribus, ac aliis lapidibus, quibus ita adhæret, ut separari non queat.

Ammochrysos etiam inter arenarii lapidis genera annumerari debet, in hoc à Mica differens; quòd hic aureum, illa argenteum colorem referat; rursus hic nunc bractearum, nunc pulveris habet quadrulas; Mica autem solummodo pulvisculum continet. Cum verò ex eo arena fiat, quæ ἀμμος Græcis dicitur, aurei quidem coloris, qua in siccandis literis utimur, ob id Ammochrysos nominatur; Germani verò felium aurum, non secus, ac Micam felium argenteum vocare solent; quia ex iis nè minimum quidem auri, vel argenti extrahi, & elici possit; tantum abest, ut horum utrumque sit metallum.

Mica quid sit.

Locus.

Plinius lib. 37. c. 11.  
Ammochrysus à mica quo differat.

Solinus in Polyhist. cap. 38.  
Isidorus lib. 16. c. 14.

## DE MAGNETIDE.

### CAP. X.

**F**RIABILITUM lapidum species hætenus executi sumus; nunc de iis dicemus, qui in tenuissimas squamas scinduntur, quorum alii pellucunt, alii non pellucidi in fila deducuntur; & primum de Magnetide, quæ Ammochryso superius descripto similis est. Magnetis autem dicitur, etsi nullam cum magnetere similitudinem habeat; sed fortasse agnetis, sive agnes dicenda est, à puritate videlicet, atque candore; est enim ἀγνός Græcè purus: itaque litera, m, temere fortasse præponitur. Vulgus [1] talchum appellat, corruptè scilicet pro eo, quod est chalchum: Chymistæ enim huius ipsius talchi pulvere æs inargentant; nam purum est, argentei coloris, perspicuum, & in tenuissimas squamas fissile, quod aspilates altera Plinii à quibusdam censetur. Impurum verò non ita in tenuissimas crustas findi potest, neque candidi coloris est, sed vel plumbei, vel ferruginei, vel subflavi, vel fusci; cujuscunque tamen coloris sit igne non consumitur. Reperitur verò non tantum in Germaniæ, Cypri, ac Ilvæ metallis; verum etiam in propriis venis, nonnunquam etiam in lapidibus ex Monte Alto allatis, ex quibus vitrum Romæ conficitur: candidam agnetidem nobis invenire contigit, quam iisdem lapidibus adnatam in Armariis adhuc reservamus. Moscovitæ etiam puram agnetidem habent, quæ vitrum vulgò esse creditur; utrinque enim mirè translucet, tenuis admodum, lævis, & quasi ascia dolata. Incolæ ex ea luminaria conficiunt ad aciem oculorum augendam; visum enim maximè recipere, colligere, & alere illos ajunt, qui eam oculis admovent. Ego sanè studiosis faciliè author sim, quorum obtutus assidua lectione sæpe deficit, ac perstringitur propter albedinem quæ visum dissipat, ut ea in voluminibus uti consuescerent; quia literas non aliter transmittit, atque si nihil literis esset superimpositum, ejusque magnitudo ut plurimum paginam æquat, & cum vibratur præ tenuitate papyri manu concussæ sonum excitat. Frequenter à pictoribus picturis adhibetur, tum ut pulverem arceat, tum ut per eam, tanquam per transfennam pulchriores eminus picturæ appareant. Ex Moscovia etiam adfertur, unde illam accepimus, & penès nos habemus; impura autem frequens est multis Italiæ locis, ut in Ilva insula, in agro Senensi, in Tusculano, in comitatu Sanctæ Floræ, in Calabriz

Talcum cur magnetis dictum.

Talci etymologia.

Varie talci species.

Locus.

Talci usus.



Vires medicæ.

labria apud Sanctum Lucidum. Dysenteriam sanare creditur ejus pulvis cum vino austero epotus.

## N O T Æ.

Talcum dictum esse potius videtur ab Arabico *طالق* *Talkon*, quo asterem samium apud nonnullos significari tradit Avicenna: sed apud Averrois Interpretem pro lapide speculari accipitur, ut superius diximus, ubi de terra Samia.

Talcum Amianto, ac lapidi selenitæ admodum est affine; igni enim vehementer resistit: constat autem ex lamellis, quæ coagmentantur ex fibris inter se parallelis.

Menstruis potius alkalicis, quàm acidis Talcum solvi jactitant Chymici, qui oleum cosmeticum ex eo parare conantur.

## DE LAPIDE SPECULARI.

## C A P. XI.

Varia nomina & etymologia.

Lapis Specularis descriptio.

Alumen Scagliolæ cur dicatur.

Lapis Specularis differentia.

Locus.

**L**APIS Specularis, quoniam diaphanus, & scissilis est, ideo post magnetidem videtur collocandus, quanvis nullis aliis inter se notis conveniant. Specularis autem dicitur, quod speculi modo luceat, vel quod specularia ex eo fiebant, hoc est fenestræ admittendæ luci, & excludendo vento, imbrique idoneæ: quod genus hodie ex orbibus, tessellisve vitreis magis conficimus. A Græcis *σεληνίτης*, Latinis etiam lunaris vocatur, quoniam noctu crescente luna reperiatur, & *ἀφροσέληνος*, quod lucente luna, colore candidissimam spumam referat; cujus adeò rei fidem expertus fui, cum Sylvenæ in comitatu Sanctæ Floræ diverterem; nam cum sub noctem ultro, citroque obambularem, colliculos quosdam ad Lunæ percussum tanquam spumosos eminus videbam, & quid sibi id vellet, ignorabam; quare studio visendi incensus propius accedebam, & lapides esse, qui ex candore tanquam spumæ ad lunam relucebant, comperiebam. Ego verò tunc in hujusmodi causa consideranda paulum attentus, nonnulla à memoria, quæ multo ante legeram, exigebam, donec ex indiciis, lapides speculares esse judicarem; indicia enim dubitationem auferebant. A nostratibus vulgò *specchio di asino* dicitur. Lapis est lævis, plurimum mollis, colore vel candidus, vel niger, vel partim candidus, partim niger, vel mellei coloris, vel ob nigras maculas ophitæ similis, sicuti de Ægyptio scripsit Theophrastus; candidus plerunque translucet: & quia in squamas scinditur, quæ vulgò *scaglie* nominantur, coloremque, ac perspicuitatem aluminis præsefert; ideo alumen scagliolum ab officinis nuncupatur: quanquam cum alumine nullam habeat affinitatem. Qui verò fusco, vel nigro colore præditus est, quanvis semper splendeat, obscurus est tamen, vel minùs saltem pellucidus. Figura quoque inter se differt; nam vel glebæ figuram habet, vel tabulæ, vel rhomboidis: nonnunquam etiam globi. Neque frigore, neque solis æstu lædi solet, sed assiduis imbribus corrumpitur. Nascitur frequens in Italia, ut in comitatu Sanctæ Floræ prope Sylvenæ pagum, in Senensi agro, in Volaterrano; nascitur etiam in Ilva insula, & in Sicilia; reperitur quoque in citeriori Hispania circa Segobricam urbem, in Germania, in Cypro, aliisque locis. Cæterum in Bononiensi agro, ubi hodie multus visitur, cujus meminit Plinius his verbis: *Sunt lapides speculares in Bononiensi Italia parte, breves, maculosi, complexu filicis alligati, quorum tamen appareat natura similis eis, qui in Hispania puteis effodiuntur profunda altitudine*. Ustus, in gypsum convertitur, & aliquando calcis loco usurpatur. In vino austero epotus, dysentericis prodest; usti verò pulvis fistulosis ulceribus auxiliatur; arbores adalligato eodem (referente Dioscoride) frugiferæ redduntur.



Lapis Specularis ab Arabibus **حجر القمر** *Hagiaro Alkamari*, vocatur idest Lapis lunæ: hinc à

Græcis recensioribus *νύμφην* dictum putat Salmasius. Probabiliter est *Androdamas* [a] Plinii; [a] *Lib. 37. c. 10.* hujus enim descriptio in hunc lapidem optimè quadrat. Ita enim describit: *Androdamas argenti nitorem habet ut adamas, quadrata, semperque tessellis similis.* Constat siquidem lapis selenites ex tessellis, seu lamellis parallelepipedis, plerunque rhomboidem exprimentibus. Hinc ab Agricola Rhombites vocatur: hæ autem lamellæ in alias minores resolvuntur, ejusdem figuræ, nimirum rhomboidis, aut quadratæ, ut Steno animadvertit, æquæ ac evenit in salium dissolutionibus.

Cum crystallo magnam habet affinitatem; nitidus enim ac pellucidus est; ab ea tamen juxta plerosque discernitur, ob diversam partium ac tessellarum figuram, ex quibus coalescit: licet alii substantiæ potius similis, quàm formæ rationem habentes, crystallum appellent. Hinc qui selenita rhomboides Stenoni audit, cum crystallo & talco à plerisque confunditur. Ab Erasmo Bartholino enim Crystallus Islandica vocatur, & à Boccone *Cristallo Islandico*, o *talco romboidale*, à Sepralio *Massa di Cristalli quadrati*. A Grevv, ac Rumphio talcum crystallinum, ac talco-crystallus.

Plures selenitæ nascuntur species, colore, partium figura, ac situ inter se diversæ: nonnullæ enim ex rhomboidibus, aliæ ex cubis, aliæ ex trapeziis componuntur: quarum descriptiones videre licet, tum apud superiùs memoratos Auctores tum etiam apud Luidium in lithographia Britannica, Plotin. natural. hist. Acarnan. in specimine lithographiæ Helveticæ, Langium Historia Lapidum, Scheuzerum de lapidibus &c. quarum pleræque crystalli, aut talci nominibus insigniuntur, adeò ambigua est horum lapidum natura.

Gignuntur Speculares lapides ex liquore limpidissimo salino-sulphureo, qui aliorum lapidum rimas pervadens denique in majorem cavitatem influens, ubi diu resederit paulatim partes crassiores, ac terrestres partim in imum demittit, partim ad latera quaquaversus deponit: quæ propterea invicem coalescentes vas quodammodo sphericum ac crustaceum compingunt, in quo purior liquor residuus, sensim concrefcens, in selenitem abit.

Ex hac crusta lapidea, qua lapis selenites obducitur, affuso spiritu vini, paratur tinctura ad asthma utilis à Jo: Adamo Demfle, ut tradit [b] Langius.


Nascitur selenites plerisque aliis locis, nimirum in Corsica, in Hispania, in Germania prope Moguntiam, in variis Angliæ fodinis, aliisque. In Islandia, ut refert Grevvius, mons est altissimus, qui ex una parte ex selenite omnino compactus est.

[b] *De lapidibus.*

## D E A M I A N T O.

## C A P. XII.

**A** M I A N T U S [1] lapis cum Græcis, tum Latinis nominatur, qui à nostris, *Nomina.* *Fior di pietra* vulgò, à seplasiariis Alumen plumæ licet falsò dicitur;



AMIANTVS LAPIS SIVE LINVM ASBESTINVM

alii, ut Plinius, [2] Linum Asbestinum, quasi inextinguibile, sive Linum vivum vocant, quoniam non secus, [3] ac linum pectitur, netur, ac in vestes, & map-



Mappæ ex Amianto  
Caroli quinti.

Ellychnia ex  
Amianto.

Plinius lib. 37. c. 9.  
& 10.

Solinus in Polyhist.  
cap. 12.

Ægineta lib. 7.

Pausanias lib. 1.

Amianti varia no-  
mina.

Amianti color.

Amiantus ab Alu-  
mine schisto quo  
differat.

Dioscorides lib. 5.

cap. 113.

Paulus Venetus lib.

1. sue navigat. c. 47.

Aristot. lib. 5. de hist.

animal.

Plinius lib. 29. c. 1.

Amianti usus.

Isidorus lib. 16. cap. 4.

pas textitur, [4] quæ sordidatæ, si in ignem projiciantur, perinde purgantur, ac si lavacro sordes elueris: quod ut memoriæ proditum est, ita à fide dignis narrari audiui. Imperator verò Carolus Quintus hujusmodi mappas ex Amianti lino contextas in aula sua habuisse fertur, quæ ultra candorem adeò subtiles erant, ut per aureum anulum trahi possent, & simul conglomeratæ, tametsi tres ulnas ampliùs longæ, compressæ manu ferè tenebantur; ut autem quælibet, mensæ semel, atque iterum instrata fuerat, & aliquid sordium contraxerat, in flammam tanquam in lixiviam conjiciebatur, unde demum sordibus exustis, tersior, splendidiorque eximebatur: quo spectaculo astantes obstupescabant, seseque præstigiis circumveniri putabant, mappa non ambugta, nedum verò corrupta. Hujusmodi verò mantilia, & mappas fieri ipse Imperator curaverat Cortraci in celeberrimo comitatus Flandriæ oppido, quod Gandavo octo millia passuum distat: sed unde tantam istius lini copiam importasset, dubitatur; quia à textoribus, quod genus hominum ibi vilissimum, & pauperrium est, nunquam importari solebat. Ex eo efficiuntur ellychnia, quæ non nisi oleo absumpto extinguuntur. Pausanias hunc Carpasium linum appellare videtur, cum inquit, [5] *Lucernam quidem ex auro deæ Callimachus fecit, in quam oleum infusum non consumitur, nisi exacto demum anno, cum tamen lucerna dies, noctesque ardeat; id ideo evenit, quod lucernæ insit è lino Carpasio funiculus: quod sanè linum unum ex omnibus igne non conficitur.* Alia insuper fuerunt nomina huic lapidi indita; nam alii [6] bostrychitem, alii corsoidem, alii poliam, alii spartopoliam nominarunt. Lapis est Agnetidi non forma, sed natura valde affinis; finditur autem in tenuissimas plumas, & alumini plumoso adeò similis videtur, ut pro eo à Seplassiariis supponatur.

Colore [7] est vel candido, vel cinereo, vel subviridi, vel rufo, vel ferrugineo. Ab alumine autem scissili, sive plumoso discernitur gustu: nam hoc astringens est, Amiantus verò substantiæ tenuitate linguam quadantenus pungit, astringentiæ autem omnis expers; Amiantus quoque in aqua deorsum fertur, illud verò supernatat; rursus alumen in ignem coniectum liquefcit, bullasque excitat, Amiantus contra igne non modò comburi, sed nè dissolvi quidem potest, [8] quod accidit, ut scitè annotavit Agricola, propter internum, quem habet, humorem, perinde ac metalla, & propter siccitatem externam; qui quidem humor, quia potentior est ignis calore, nequaquam consumi potest; sordes autem ad lapidem adhærentes consumuntur. In permultis reperitur locis; non solum in Cyprio (ut Dioscorides scribit) verum etiam in Germania, inter Noricorum, & Saxonum metalla: invenitur quoque ejus minera (ut refert Paulus Venetus) in quadam regione magno Chamo subjecta, quam mineram incolæ Salamandram vocant, falsò existimantes pilos esse Salamandræ animalis; propterea quòd ab igne non consumatur. Postremo in eminentissimis Moscoviæ montibus copiosè reperitur: quod mihi retulit Joannes Vasilæ Regis Moscovitarum Orator cognomento Istomma Cosmici Severingen, qui nuper ex Moscovia Romam longis itineribus venerat, ut de Pace inter Poloniæ, & Moscoviæ Reges contrahenda cum Gregorio XIII. Pontifice Maximo ageret, utque intercessionem suam, & subsidium pro ea feliciter obtinenda, & expeditione meliùs contra Turcas suscipienda precaretur, quod utriusque harum regionum interesset, & ad communem Christianæ Reipublicæ tranquillitatem stabiliendam cum utile, tum necessarium fore omnino videretur. Quo factum fuit, ut inter alia nostram quoque Metallothecam inviserit, quæ illi non usque adeò displicuit; nam ut naturæ operum studiosissimum, ita peritissimum insuper ex sermonibus illum comperiebam, ex eoque plurima, quæ me antea fugiebant, haurire gaudebam.

Ex Amianto olim funebres regum tunicas conficientes corporis favillam ab reliquo separabant cinere. Hodie mulieres hoc sibi fricant genas ad ruborem excitandum, puerisque collo suspendunt, credentes hunc veneficiis resistere; nonnulli ellychnii loco ostentandi gratia lychnis adhibent, & hanc ob causam immortale ellychnium appellant.



[1] Lapis iste Græcis vocatur *ἀμύαντος*, idest, immaculatus, à verbo *μάω* maculo, & particula privativa *α* quòd igne minimè lædatur, sed potiùs expurgetur.


Locus hic jure exposcit, ut pauca dicamus de ingenti, ac magnifica Sanctissimi Patris CLEMENTIS XI. cura in Vaticanis ædibus muniendis, exornandis, atque amplificandis: Namque non modò earum incolumitati consuluit, cùm pluribus in locis à terræ motu concussas, ac labefactatas refecit, firmavitque; verùm etiam earundem nitori munificè, ac liberaliter prospexit. In quancunque enim harum ædium partem vestigium ponas, ubique aliquod occurrit optimi hujus Principis munificentia indicium: utque cætera omittantur, picturas nobilissimas, quibus tum Aulæ, ut vocant, Regiæ, & Clementinæ, tum cubiculorum, quæ Rhaphaelis Urbinatis appellari solent, parietes exornantur, contractis vetustate sordibus jam penè oblitteratas, tam diligenter expolendas, ac detergendas curavit, ut nunc tanquam ex tenebris quodammodo erutæ, atque in lucem revocatæ, ex obscuris, atque inquinatis, nitidissimæ, ac perpolitæ conspiciantur. Eodem studio Pinacothecam, proximasque ad Septemtrionem ædes, nostratibus vulgò *Belvedere*, tabulis, statuis, aliisque veteribus monumentis instauratis, restituit, signis marmoreis, aulæis, operibus musivis, aliisque id genus præclaris recens adjectis, auxit, atque amplificavit. Sed præ cæteris Bibliothecam Vaticanam, etsi locupletissimam, ornatissimamque, longè locupletiore, atque illustriorem reddidit. Siquidem ejus picturas pluribus in locis deletas refici jussit; codicibus omnis generis undequaque collectis, ac præsertim M. SS. Arabicis, & Syriacis, per viros Orientalium linguarum peritos diligentissimè, ac magno sumptu conquisitis, insigniter eam ditavit, auxitque. Inter cætera autem conspicuum sanè est, linteum ex lino asbestino contextum, quod nuper munificè eidem Bibliothecæ largitus, inter eximia ipsius cimelia asservari mandavit unà cum urna marmorea, qua inclusum repertum fuit primo lapide à Porta Majori, olim Nævia juxta nonnullos, anno 1702., ut scribit Philippus à Turre meritisissimus Hadrianensis Episcopus in sua Epistola apud P. Montfaucon. [a]. Hac urna cineres cum calvaria, & ossibus combustis, dicto linteo involuti, conditi erant. Hinc conjici potest, primarium aliquem virum civili, ac militari potestate illustrem ea tumulatum fuisse: Id enim indicatur, tum linteum asbestino, ex quo, ut Pli-

Ædium Vaticanarum loca Sanctissimi Pontificis Clementis XI. jussu restituta atque ornata.

Linteum Amiantinum ejusdem munificentia in Bibliotheca Vaticana reconditum.

[a] In Itinerario Italico.

CLEMENS XI. P. M. BIBLIOTHECAM VATICANAM, REFECTIONE PICTURIS PROPE VANE SCENTIBVS  
IN PRISTINVM SPLENDOREM RESTITVTAM VETVSTISSIMIS CODICIBVS MANVSCRIPTIS  
SYRIACIS PRAESERTIM ET ARABICIS EX INTERIORI AEGYPTO CONQVISITIS  
ET AVECTIS ALIAQVE MVLTIPlici LITERARIA SVPELLECTILE LOCVPLETATAM  
ASBESTINA RARAE MAGNITVDINIS SINDONE IN SIGNI PRISGORVM TEMPORVM  
MONVMENTO VNACVM VRNA MARMOREA IN  
QVA COMBUSTIS CINERIBVS CIRCVMIECTA LATVERAT  
EX ANTIQVIS VRBIS RVINIS EFFOSSA DONAVIT  
ANNO DOMINI MDCC XV. PONTIF.  
SVI XV.



nus ait, Regum funebres tunica corporis favillam ab reliquo separant cinere, tum figuris, atque insignibus civilibus, ac militaribus eodem marmore insculptis, quibus Principes, viri belli muner-



[a] Romualdo Riccobaldi *Apologia del Diario Italico*.

Francesco de Ficoroni *Offerv. sopra l'antichità di Roma*.

neribus clari, ac civili magistratu præstantes ornari solebant. Quod ad cætera attinet, [a] quæ ab antiquariæ eruditionis peritis super hoc argumento variè differuntur, utpote ad nostrum institutum minimè pertinentia, hujusmodi rerum studiosis examinanda relinquimus: Urnæ tamen iconem, licet ab aliis editam, quàm diligentissimè, atque adamussim ex ipso archetypo exculptam antiquitatis scrutatoribus hinc spectandam ponimus. Monendus verò benignus lector, præfatas figuras adeò à corrosivis terræ salibus fuisse exefas, ut pleræque ex illis omnino sint depravatæ, ac nonnullæ tam ambiguam speciem induerint, ut vix dignosci queant, aliudque aliis exprimere visæ sint.

Verùm ad illud, cujus gratia hæc dicta sunt, revertamur. Linteum hoc rarissimum profectò est antiquitatis monumentum, ac fortasse etiam singulare, cum, quod sciamus, ei amplitudine par nusquam reperiatur: novem enim palmorum Romanorum longitudinem, ac septem latitudinem æquat. Fila, ex quibus contextitur, sunt admodum crassa: hæc in contrariam ei, qua convoluta sunt, partem contorqueantur, in bina fila crassiuscula dividuntur, quæ pariter inversè contorta, dissolvuntur in villos tenuissimos flexiles, ac tactu quovis serico molliores, sed admodum breves. Hi villi, singuli pilis quibusdam tenuissimis horrent, ac si aridi terantur, abeunt in pulverem tenuissimum, atque candidissimum, digitosque argenteo polline inficiunt, ei, quo papilionum alæ nitent, simillimo; quod etiam evenit in alumine plumeo officinarum, si rudius contrectetur, cui sapore, colore, mollietie, aliisque qualitatibus omnino sunt similes: si quidem eodem modo atque hoc, comburi nequeunt, nullisque menstruis corrosivis dissolvi possunt. Propterea nullum dubium est, quin alumen prædictum idem sit, ac Amiantus veterum. Itaque sicuti unà cum Illustrissimo Lancisio observavimus, præfatum telam asbestinam in villos, modo, quo dictum est, resolvi; ita non dubitamus, quin tum ex iisdem villis iterum contortis, tum ex aliis ex alumine plumeo, ratione qua inferius exponetur, comparatis, fila hodie quoque neri, ac tela confici possit.

[2] Linum vivum à lapide Amianto diversum facere videtur Plinius: siquidem inter diversa lini genera illud recenset, nulla facta lapidis mentione; de Amianto autem agit diverso capite, ac inter lapides connumerat. Hinc nonnulli viri docti existimant linum vivum Plinii verum linum fuisse, atque è stirpium genere, ideoque nullo modo cum Amianto Græcorum confundendum. Quorum opinionem, id confirmare videtur, quod narratur apud Petrum Pomet [b]. Hic enim scribit, se vidisse quandam herbam in Pyrenæis montibus ortam, quæ in villos lino similes finditur, ac igne minimè accenditur. Præterea Eruditissimus Joannes Clericus [c] testatur apud se asseruari cujusdam ligni frustum, quod neque ulla ignis vi cremari, aut aliqua ex parte absumi potuit; neque speculo ustorio expositum pondere imminutum fuit. Verùm linum vivum Plinii verisimilius videtur idem atque Amiantum fuisse, eumque nominis ratione ductum lapidem cum lino plantæ confudisse: fieri enim potuit, ut apud quendam Græcum Auctorem lini asbestini historiam legerit, ambiguè verbis enarratam, quæ nimirum non minùs plantæ, quàm lapidi aptari possent: ac propterea rei imperitus, nominis argumentum fuerit secutus, ut sæpius ei moris fuisse animadvertunt Critici; præsertim cum peculiaris lini proprietates, qua nimirum netur, atque contextitur, Amianto quoque cum lino sit communis: Immo adeò affinis est utrisque natura, ut tela amiantina, facillè ab ignaris pro linea accipiat; quod Plinio contigisse verisimile est. Hinc Dioscorides Amiantum ait esse *ἡματιώδης πρὸς δέαν*, idest vestimentorum speciem præferre. Ex Amianti autem fodinis, ac præsertim in Cipro lanugo quædam efflorescit, quæ plantarum more in villos quodammodo pullulat, ad telas conficiendas aptissima, quam non ineptè inter stirpes quis reponat. Ob quam rem Amiantum linum etiam à Pausania appellatum fuisse legimus. Si enim antiquis planta hæc cognita fuisset, non est probabile Græcos auctores silentio præterituros eam fuisse, cum frequens apud eosdem de Amianto mentio fiat. Accedit quod idem Plinius linum vivum asbestinum à Græcis nominatum fuisse scribit: linum autem asbestinum, ab Amianto diversum, non fuisse ipsa nominis ratio indicat. Non enim dictum est asbestinum, ut plerique exponunt, quasi quòd extingui non possit: quomodo enim hæc ratio Amianto aptari potest, cum suapte natura nedum non exstinguitur, verùm nè accendi quidem potest? Nec satis appositè alii asbestinum seu inextinguibile eo sensu appellatum fuisse contendunt, *ὑσταστικόν*, ut inextinguibile dicatur quòd igne non consumatur, nec unquam deficiat: nimis enim è longinquo petita videtur hæc translatio: cum extingui propriè ignis aliaque hujusmodi dicantur, quæ celerimo motu intestino cientur, à quibus ad animalium vitam, quæ motu perenni continetur, aliaque similia hoc verbum, eleganter transferri solet: ac proinde ineptè de rebus surdis, ac motu carentibus usurpatur. Quod cum ita sit, quid magis consonum, quàm à lucernis quas *ἀσβέστους* Græci vocabant, quòd per definitum tempus ardere solerent, asbestini nomen Amianto inditum fuisse? ex eo enim ellychnia ad hæc lampadas parabantur; non autem ex lino.

[3] Ars conficiendi telam ex Amianto in duobus potissimum versatur. I. in eo, ut ejus villi à reliqua substantia impuriori lapidis separentur integri; nam dum sunt commisti, rigidi nonnihil tactui occurrunt; separati autem mollissimi sunt: Quod quidem eadem ratione, qua linum expurgatur, maceratione, ac contusione præstari posse cum Illustrissimo Lancisio censemus. Itaque primum apto menstruo est probè macerandus, ita ut reliquæ ipsius partes terreæ, atque heterogeneæ, ac lanugo illa brevior, qua scatet, à prædictis villis eluantur: deinde diligenter ac moderatè tundendus, ut si quod impuritatis residuum remanserit, sensim excutiat. Villi autem vel digitis vel aliquo instrumento idoneo carptim ac diligenter ab invicem sunt divellendi, ac separandi, ut molliores, ac flexiliores fiant. Vormius scribit ab amico se accepisse, Amiantum macerari debere lixivio confecto ex quercuum cineribus, ut nendo fiat idoneus. II. Postquam ita fuerint villi subacti, majori artificio, ac diligentia, inter se debent intorqueri, atque implicari in funiculos: cum enim, ut dictum est, breves admodum sint, non eadem facilitate, ac sericum, linum, aliaque hujusmodi, quæ villis longioribus constant, inflecti possunt, ut sese arcè complectantur. Ex quo etiam fit, ut telæ ex Amianto contextæ, necessariò esse debeant crassiores: nequeunt enim villi prædicti in fila subtilia diduci, ob eorum brevitatem, ob quam paucioribus in partibus se contingunt; ideoque minùs firmiter junguntur, nisi multiplici ipsorum serie artificiosè apposita, stipentur, ac muniantur. Propterea vix adduci possumus, ut credamus, vera esse, quæ de mapparum Caroli Quinti tenuitate narrat Mercatus.

Non est autem hujusmodi artificium adeò arcanum, ut plerique existimant. Refert enim Aldrovandus

An linum vivum Plinii sit idem atque Amiantus.

[b] *Traité des Drog.*

[c] *Bibliothèque choisie tom. 12. & 13.*

Amiantus cur linum asbestinum dictus.

Ratio filandi Amianti.



us in Cypro à mulieribus vulgò mappas ex Amianto contextas vendi. Bocconus [a] etiam testatur Januam se comperisse quendam Amianti filandi arte præstantem: sed ut alios taceamus, nos ipsi nonnulla fila telæ, cujus nuper mentionem fecimus, in villos resoluta, rursus facillè nevimus, eadem penè ratione, qua mulieres linum vulgare nere solent; digitis enim saliva nonnihil madidis dictos villos leniter obvolutos nullo negotio in fila complicari animadvertimus, iis, ex quibus amiantina tela contexta est, haud absimilia: si siccis verò digitis tractentur, nullo modo intorqueri possunt: rigent enim aliquantum, ac vi elastica sese restitunt; quod etiam evenit in lana, gossypio, lino, & similibus; à quibus linum asbestinum, hoc differt, quòd aridius est, ideoque facillè friabile: atque, uti innuimus, attritum in pulverem facessit, nisi prius madefiat: subviscido autem saliva humore ipsius villi emolliti contorsioni sunt obsequentes, seseque invicem pilis, ac lanugine, qua hirsuti sunt, irretiunt. Eadem quoque ratione villos ex lapide Amianto divulsos in fila contorsimus. Sed cum varia reperiantur Amianti genera (quemadmodum lina, aliaque hujusmodi) pro varia locorum natura, in quibus nascuntur; alia præ aliis netui magis deprehenduntur idonea. Quò enim villos longiores, ac tenuiores habent, eò facilius in fila inflectuntur.

[a] Museo di Fisica.

In Cypro tenuitate, ac mollitie præstantissimum nasci perhibent: qui in Corsica invenitur, fibrarum longitudine commendatur: hæc siquidem dodrantem æquare comperiuntur; quo adhuc productiores villos habere dicitur, qui in Pyrenæis montibus gignitur: hi enim palmum geometricum longi observati sunt. Verum lanugo illa, quæ ex Amianti fodinarum superficie efflorescit, utpote quæ à natura ipsa resoluta, ambientis aeris humore, ac motu macerata, excussa, ac divulsa, omnium aptissima esse perhibetur.

Amianti selectus.

Paulo Boccone museo di piante rare pag. 160.

Paratur etiam ex Amianto papyrus longè facilius, quàm tela. Affusa enim aqua emollitus, maceratus, & deinde contusus, atque attritus, ob mutuam villorum complexionem, ac facillè etiam comminutarum partium cohesionem, in chartaceam paginam diducitur. Hæc siquidem particulæ, humore intermixto, tenaciter glutinis instar inter se implicantur.

Papyri paranda ratio ex Amianto.

[4] Expurgatur quidem tela asbestina ignis ope, sed cavendum nè flammæ admoveatur; nam, uti diximus, contracta fuligine inquinatur. Itaque aut in prunas candentes est immittenda, aut oleo illita (qua profectò ratione commodius, ac citius nitidari comperimus) est accendenda: sic enim per conceptam flammam sordes absumuntur, atque abripiuntur; modò collocetur, eo situ, quo flammæ ambitus aliquam ipsius partem lambere nequeat; quod si eveniret, ea parte, adhærescente fuligine, nigresceret.

Ratio telæ Amiantinæ expurgandæ.

[5] Lucerna hæc, cujus mentionem facit Pausanias, nonnisi exacto anno exstinguebatur; non quòd virtute ellychnii asbestini, oleum minùs consumeretur; sed quia tantum olei excipiebat, quantum convenienti ellychnio ardenti per annum nutrimentum suppeditaret: cum autem ellychnium non imminueretur, ideo nonnisi absumpto penitus oleo exstinguebatur. Quod comprobatur ex his, quæ refert Plutarchus [b] de Lychno asbesto in templo Ammonis assidue accenso: Hunc enim αὐτὸ ἐλάττειν ἀναλίσκειν ἐλάει, ἔτους ἐκάστου minùs olei singulis annis insumere Sacerdotes narrabant. Cujus rei rationem ex annorum inæqualitate petebant; non autem olei aut ellychnii naturæ tribuebant.

[b] De oraculorum defectu.

Ex hisce antiquorum monumentis pravè perceptis, atque ineptè detortis, ut sunt hominum ingenia comparata, & ad incredibilium narrationem proclivia, mira commenti sunt de lucernis perpetuò ardentibus, & de lino asbestino, existimantes oleum confici posse, quod nunquam ardendo consumatur. Hinc Dionysius Afer cecinit.

Commenta de lucernis perpetuis unde originem duxerint.

Hic nasci lapidem, qui tacto accensus ab igne,  
Extingui renuit; quem Graji nomine vero  
Asbeston memorant: ferri nitet ille colore.

Quod quidem falsum est: nam non solum Amiantus, quem asbeston nominat Dionysius, accensus nunquam exstinguitur, verum nisi materiæ oleosæ misceatur, per se flammam concipere nequit. Oleum verò, quod perenne alimentum flammæ præbens non imminuatur, ineptè nonnulli viri docti ex Amianto parari posse arbitrantur. I. enim Amiantus paucis aut nullis oleosis partibus præditus est: si quas autem habet, adeò cum cæteris implicitas atque irretitas continet, ut nullo modo ab iis divelli possint: secus enim non adeò pertinaciter ignis vim eluderet. II. Etiam si oleum ex Amianto extrahi posset, hoc ipsius naturam omnino exuere necesse foret, inflammari enim deberet, atque idcirco igne etiam absumi; quod quidem ab Amianti proprietate alienum est: ob eam quippe rationem quæcunque olea, cæteraque sulphurea corpora facillè inflammantur, quòd valde mobilibus atque expeditis particulis scateant, quæ ignis vi dissolutæ, atque in motum actæ, necessariò avolant, atque evanescunt. Ignis siquidem ac flamma nihil aliud est, quàm continuus, ac celerimus particularum motus, quæ ex materia ardenti assidue exolvuntur, ac perniciosissime agitatur, atque in flammam conversæ, facessunt in auras. Ex quo facillè intelligitur, quòd cuncte ardet, necessariò debere consumi.

Refelluntur qui oleum perpetuum ex Amianto parare conantur.

Quod quidem considerantes nonnulli physici, ignis perpetui rationem in eo repositam esse arbitrantur, ut materiæ lucis fluxus perennis in lampade conservetur; ac quantum dictæ materiæ ex igne avolat, tantundem ejusdem, ad flammæ nutritionem rursus confluat: ita enim continuo particularum lucis circuitu, nunquam alimoniam igni defecturam credunt. Verum quo artificio, quove machinamento tenuissima illa, ac perniciosissima lucis corpuscula ita contineri, ac coerceri possunt, ut quodam quasi fræno hominis imperio obnoxia fiant, ac tanquam in pistrinum quoddam coactæ, in gyrum perpetuò ducantur?

Materiæ lucis circuitus perpetuus arte comparari non potest.

Profectò id solus præstare novit Deus in natura, ipsius siquidem tantummodo legibus obtemperantes atomi illæ mobilissimæ, ex solis, ex aliorumque siderum ecliptica ejaculatæ, tandem per eorumdem polos perenni refluxu subeunt, perpetuasque faces cælestium orbium assidue accendunt, ac nutriunt. Hujusmodi itaque commenta inter fabulas rejicienda esse arbitramur.

Non inficiamur tamen aliquam rationem iniri posse, qua oleum diutius in lampadibus conservetur. Si quidem id observare licet in pervulgatissimo hoc experimento. Solent mulierculæ ad lucernarum flammam protrahendam ipsius ambitum salis marini aggere circummunire, quo fit ut oleum festius à flamma abripiatur, ac diuturnius alimentum præstet: salis enim margo aerem, ad latera obliquè incumbentem, sustinet, atque impedimento est, quò minùs ad olei superficiem irruat, eanque comprimat: hinc olei particulæ minùs adactæ lentiori motu ad ellychnium propelluntur.

Qua ratione oleum in lampadibus diutius conservetur.

Acce-



Accedit quòd salis marini particulæ sensim exolutæ olei substantiam subeunt, ac nonnihil cogunt: quo fit, ut igneæ particulæ præpediantur, nec adeò facile à reliquis separari possint. Præterea sal marinus oleosis partibus scatet, quas oleo communi admiscet in flammæ nutrimentum. Hinc fit, ut quòd diutius oleum in lucernis conservatur, eò imbecillius lumen ex parciore copia alimenti efficiatur.

Amianti varia nomina.

[6] Dictus est Amiantus, bostrychitis, quasi capillis ornatus; βέρυξ enim cirrus est, seu capillus, corfoides verò appellatus est à βέρυξ capillus & tempus, quòd candidissimis pilis, temporum canitiem referat: ob eandemque rationem, Polia, idest πολιά incana, & Spartopolia nominatus est. Præterea Carystius lapis à Carysto urbe, ubi nascebatur, ac Salamandra, quòd igne minimè læderetur, vocatus est.

Unde eorum diversitas in Amianto.

[7] Amianti color diversus apparet, pro varia villorum, ex quibus compingitur copulatione, aut materiæ alicujus heterogeneæ interpositione: nam villi sunt suapte natura candidi. Amiantus enim, cœruleus, qui nempe compactior est, ut observavimus, si tusione laxetur, in villos candidos abit, aut digitis attritus in pulverem æquè candidum, ac tela asbestina igni admota nitida evadit.

Cur Amiantus igne non comburatur.

[8] Causa cur Amiantus minimè comburatur, non videtur esse ipsius humiditas, ut cum Agricola existimat Mercatus: nulla siquidem humoris indicia in eo deprehenduntur. Quæ enim humida sunt, licet igni admota non crementur, nihilominus, aut facile in vapores resolvuntur, aut liquefcunt, vel funduntur, & corporibus sulphureis admista, eorundem inflammationem impediunt, ac comprimunt. Quorum nihil evenit in Amianto: si enim oleo illinatur, flammæ admotus, celeriter eam concipit, ac nitidiorem, vividiorumque emittit, quàm reliquæ materiæ oleo imbutæ; & tandiu conservat, donec totum oleum absumptum fuerit. Flamma siquidem ista, ex olei substantia tantum, Amianti poris excepta, nutritur, nec inficitur particulis fuliginis, ex ellychnio asbestino emissis, quòd nullæ ex eo separentur, copiosæ autem ex cæteris corporibus inflammabilibus effluunt. Vera igitur hujusmodi proprietatis ratio repetenda est ex peculiari quadam particulæ minimarum textura, quibus Amiantus compingitur. Hæ siquidem particulæ arctissimè inter se coherent, atque implicantur, ideoque ignem, & alia menstrua corrosiva excludunt, nè subeant, ac divellant earum commissuras, quæ adeò firmam reddunt Amianti compagem, ut cæterorum, lapidum, metallorum, aliorumque corporum duriorum soliditatem longè superet; licet alioqui multis poris, quos habet interspersos, ignem aliaque tenuia corpora facile excipiat, ac admodum flexilis, ac mollissimus sit. Propterea si flammæ admoveatur, statim candet ab ipsius corpusculis intrà suos poros exceptis, seu potius celeriter transeuntibus: igniculi siquidem, Amianti substantiam penetrantes, ab illa minimè detinentur; sed statim avolant. Hinc simul ac ab igne fuerit extractus refrigeratur, nec amplius candet, sed aut pristino colore, aut nigra fuligine extrinsecus obductus conspicitur. Neceffe est igitur, ut ipsius pori, aut recti sint, aut non adeò flexuosi: quo fit ut hac etiam ratione igni minimè sit obnoxius; hic enim per Amianti poros ingressus in nullam partem impingit, & idcirco minus suas vires in ejus substantiam exerit, ea enim est ignis natura, ut nisi cohibeatur, qua data porta, ubi minor est partium cohæsiõ, ac renixus, egrediatur.

[a] Noët. Attic. lib. 22. cap. 1.

[b] Aldrovand. Mus. metall.

Athanasius Chircher. in mundo subterraneo.

Alumen illud, quo Archelai turres illitas incendi à Syllæ militibus non potuisse memoriæ proditum est in annalibus Q. Claudii, teste A. Gellio [a], nonnulli [b] contendunt fuisse Amiantum: existimant enim, qua facultate se à flammis innoxium tuetur, eadem à cæteris corporibus ignis vim arcere. Quod profectò rationi, atque experimentis minimè consonum est: corpora enim, tela asbestina obvoluta facile cremantur: nanque, uti supra dictum est, Amiantus multis poris abundat, quibus ignis particulæ exceptæ, ejus substantiam facillimè pervadunt, atque adjacentia permistaque corpora aggrediuntur. Igitur probabilius videtur memoratas turres, aut re vera alumine obductas fuisse, aut alio fossilis genere, illi haud absimili. Constat enim ab alumine ignis vim infringi, ob acidum, quo scatet, flammis infensum, ejusdem penè naturæ cum spiritu nitri, quo ignem extinguere notissimum est.

## D E G Y P S O.

### C A P. XIII.

Dioscorides lib. 5. cap. 111.

Galenus lib. 9. simp. Serap. de simp. ex min. cap. 379.

Avicenna lib. 2. tract. 2. cap. 292.

Gypsi differentia.

Locus.

Plinius lib. 26. c. 24.

Isidorus lib. 16. cap. 3.

**G**YPSUM γύψος Græcis dicitur, [1] Arabibus *Gepsin*, five *Geipsin*; à nostratibus *Gesso*, Germanis *Gyps*, Hispanis *Resso*, Gallis *Du plastre* nominatur. Gypsum lapidi speculari adeò est cognatum, ut unum quandoque in alterum convertatur; ambo enim ex eadem constant materia; cum igitur in nativum, atque excoctum Gypsum distinguatur, non ineptè à quibusdam ad nativum specularis referri solet. Differt autem nativum inter se colore; nam vel candidum reperitur, vel in candido cinereum, vel nigris maculis interstinctum ophitæ simile, vel subrufum, vel viride, vel subflavum; quoddam mirificè nitet, aliud pellucet, aliud opacum est; aliud glebæ figuram habet; aliud crustosum; quoddam durum, aliud friabile. Reperitur frequens in Italia, præsertim in Hetruria, ut in agro Senensi, in Volaterrano, in comitatu Sanctæ Floræ.

Coctum verò materia est (ut Plinius ait) calci similis ex lapidibus exustis aliquando alabastritæ non dissimilibus ut plurimum confecta, qua testoria parieti-



## Lapides terræ similes. 161

rietibus inducuntur, & signa arte plastica conficiuntur. Optimum Gypsum censetur, quod ex speculari lapide fit. Nonnulli eo mitigant asperitatem vini. Veteres, auctore Theophrasto, pro cimolia in vestibus à sordibus abstergendis Gypso Tymphaico uti solebant. In medicina (ut Dioscorides scribit) <sup>*Ægineta lib. 7.*</sup> astringit, <sup>*Dioscorides lib. 6. c. 24.*</sup> conglutinat, eruptiones sanguinis sudoresque inhibet; potum autem, quia venas obstruit, strangulando jugulat, & ideo pro necandis muribus cum triticea farina misceri solet.

N O T Æ.

Gypsum Arabibus *جبس* *Gebson* dictum videtur à Græco *γύψος*, paucis immutatis; nam aliàs etiam appellant *حجر الجص* *Hagiaro Algesi*.

## DE MOROCHTHO GALACTITE, Et Melitite.

C A P. XIV.

**G**YPSUM meritò sequi posse Morochthum, Galactiten, & Melititen existimo; nam ab eadem proficiscuntur materia, cotibusque attriti non secus ac Gypsum, succum candidum reddunt. Morochthus dicitur, sive *μωροχθος*, quem nonnulli lacteo colore galaxiam, & leucographida, vel leucogæam appellant. Lapis est candidus, & mollis, qui licet ater, fuscus, ac subruber nonnunquam reperiatur, semper tamen candidum reddit succum, quo utebantur olim linteones ad dealbandas vestes; hodie apud farcinatores tantum in usu est ad lineas candidas pannis ducendas; unde & vulgus *Pietra da Sarti* vocat. Nascitur non tantum in Ægypto, verum etiam in multis Italiæ locis, frequentissimè in Hetruria, ut in Agro Senensi, & in Sylvenæ solitudinibus quodam tractu dicto vulgò *la Carminata*; inveni quoque variorum colorum prope oppidum Sanctæ Floræ, & non longè à Narniensi Civitate. In Medicina utilissimus est; nam exiccat sinè astrictione, & mordicatione, illiniendique facultatem habet, & ob id (ut Dioscorides ait) coeliacis, & vesicæ doloribus cum aqua potus auxiliatur: itidem sanguinem excreantibus, & mulierum menstruis prodest: medicamentis quoque mollioribus miscetur; cava enim explet, atque delacrymationes arcet; collectus in cera cicatricem inducit ulceribus, quæ sunt in teneris partibus corporis.

Galactites autem dicitur *ἀπὸ τοῦ γάλακτος*, idest, à lacte: tum quòd lacteum succum reddat, tum quòd nutricibus alligatus, & ab eisdem cum aqua, vel dulci vino potus, lactis copiam subministrare credatur. Nonnulli Lactarium vocant; alii Lethæum appellant, quòd præterita mala in oblivionem ducat. Fluxionibus oculorum, & ulceribus utiliter illinitur. Invenitur in iisdem locis, quibus Morochthus. Plinius humano more lapsus herbam putavit, cuius error satis superque à Leoniceno detegitur. A Melitite parum differt; nam & ambo cinerei sunt, dulcique sapore præditi: sed quia dulcior est Melitites, & instar mellis, ex eo nomen accepit, eandemque cum Galactite facultatem habet.

*Dioscorides lib. 5. c. 109.*  
*Galenus lib. 9. simp.*  
*Plinius lib. 27. c. 11.*  
*Ægineta lib. 7.*  
*Aëtius lib. 1. tetra-*  
*bibl. serm. 2. cap. 16.*

*Orpheus de lapidibus.*  
*Dioscorides lib. 5. c. 107.*  
*Galenus lib. 9. simp.*  
*Nicolaus Leonicenus in lib. de Plinii, & aliorum erroribus.*  
*Plinius lib. 36. c. 19.*



## DE HÆMATITE,

Et Schisto.

CAP. XV.

*Dioscorides lib. 5. c. 101.**Galenus lib. 9. simp. Etymologia.**Serap. de simp. ex min. cap. 421.**Avic. lib. 2. tract. 2. cap. 241.**Isidorus lib. 16. cap. 4. Schisti etymologia.**Plinius lib. 36. c. 20.*

Locus.

Hæmatitis & Schisti  
variae species.Selectus Hæmatitis  
& Schisti.*Galenus 9. simp.**Egineta lib. 7.**Actius lib. 2. tetrabibl. serm. 2. cap. 14.**Oribas. lib. 2. cap. 56.*

Ejusdem vires.

QUONIAM non multum ab Hæmatite distat is, quem *σχιστόν* Græci vocant, idcirco utrunque sub uno, eodemque Capite complectimur. Dicitur autem Hæmatites *ἀπὸ τοῦ αἵματος*, hoc est, à sanguine, vel quod totus concreto sanguini similis sit, vel coti madefactæ attritus rubedinem manifestam ostendat, sanguinis colori simillimam, vel denique quod sanguinem ipsum reprimat. Hunc vulgus absolutè lapidem nominat: Arabes [1] *Scedenigi*, *Sadenegi*, sive *Alsadenegi*. Apud aurifices in frequenti usu est ad ferrum jam inauratum perpoliendum.

Schistus verò, sive Schistos nomen quidem invenit *ἀπὸ τοῦ σχίζεσθαι*: non tamen, quod aut fissus, sive laciniatus sit, aut quod omnis findi facilè possit, & in recta segmenta diduci; sed quod videatur quodammodo ob rectum suarum partium concrementum, & alternum venarum discursum esse fissus. Tam autem Hæmatites, quàm Schistos affertur (ut Plinius ait) ex Arabia, Æthiopia, Ægypto, atque Africa: apud Germanos verò multis in locis gigni Agricola scribit: apud nos autem uterque reperitur in Ilvæ Insulæ ferrariis, propriisque venis, locis præsertim à terris rubris, ex quibus originem ducit, paululum remotis. Color utrisque varius est; vel enim ferri colorem, nitoremque referunt, & nonnunquam partes quædam extimæ crocei, vel sanguinei, vel prorsus nigri sunt coloris, ut ex Africa, & Arabia allati, quos anthracites nominant; quandoquidem extinctos carbones præseferant, nigrimumque succum reddant: Arabici verò, cum aliquando in croceo nigri sint, in croceo quoque nigrum reddunt succum. Rursus alii cotibus facilè atteruntur, ut nostrates plerique; difficulter alii, ut Arabici, Æthiopici, plerunque Hispanici, & nonnunquam Germanici: at Africus quandoque triplicem reddit succum; hoc est à radice nigrum, medio sanguineum, summo candidum. Figura quoque differunt; nam vel glebæ figuram habent, aut stiliarum instar concreti sunt, aut uvarum formam repræsentant, vel cerebri æmulantur figuram. Probatissimus Hæmatites censetur, qui puro colore niger sit, durus, in se æqualis, & nulla infectus sorde.

Usus autem Hæmatitis, auctore Galeno, ad ea spectat, quæ exiccari, & astringi postulant; persimilemque vim obtinet Schistus, verum infirmiores: cote contriti ad oculos maximè efficaces sunt; palpebris phlegmone exasperatis conveniunt; præcipuèque Hæmatites cum ovo dilutus, qui sanguinis quoque expuitioni, omnibusque ulceribus competit: cujus pulvis tenuissimus jam exiccatus reprimat excrescentia; manu retentus sanguinem è naribus fluentem sistit; muliebri quoque profluvium cohibet; gestantem à solis æstu non lædi ajunt; fruges à cicadis, & grandine custodire creditur.

NOTÆ.

[1] Lapis Hæmatites Arabibus *شاذنج* *Sciadhenegion* & *ساذنج* *Sadhina* vocatur.

Gignitur Hæmatites ex particulis metallicis ferri, ac plumbi unà cum lapidea materia concretis: Quod quidem tum chymica analysi, tum artificiali ipsius generatione demonstratur. Nam I. si vehementiore igne fundatur, nonnihil ferri ex eo separari perhibent; distillatus autem præbet phlegma acidum, ei simile, quod ex vitriolo ferri elicitur: II. Ex saccharo Saturni cum vitriolo Martis probè misto, ac distillato Hæmatitem fieri, naturali haud absimilem tradunt. Accedit demum, quod iisdem viribus pollet, ac ferrum; & quodammodo ad magnetis naturam accedit; ferrum enim ab eo attrahi compertum est. Hinc in ferri fodinis frequenter invenitur.



D E M A G N E T E,

Et Theamede.

C A P. XVI.

**L** A P I S hic, qui à Græcis *μαγνήτις*, vel *σιδηρίτις*, vel *ἡράκλειος*, à Latinis non mutatis nominibus Magnes, Sideritis, & Heracleus, sive Hercules dicitur; ab Arabibus [1] *Hager Almagritos*, sive *Magnathis*: ab Italis *Calamita*: ab Hispanis *la Piedra y mancevo del hierro*: à Gallis *une Pierre qu' on appelle aimant*. Magnes autem appellatus est ab inventore ( ut ex Nicandro tradit Plinius ) qui cum armenta pascens fortè haberet pedem ferratum, & crepidas ferreis clavis compactas, animadvertit ferro lapidem hunc adhærescere. Alii à Magnesia dictum volunt Lydiæ regiuncula, in qua primùm apparuit circa Heracleam Urbem in Ponto sitam, unde & Heracleon appellarunt: in qua sententia fuit Lucretius, quando cecinit:

*Quem Magneta vocant patrio de nomine Graji,  
Magnetum quia sit patriis in finibus ortus.*

Nonnulli Heracleum, sive Herculeum appellare malunt, quòd fortiter, & violenter ferrum trahat. Sideritis verò dicitur, non solum quòd ferrum ipsum alliciat; verùm etiam quòd lapis sit impoliti ferri simillimus. Hippocrates in libro *περὶ ἀφόρων* ita describit; *ἡ λίθος ἥτις τὸν σίδηρον ἀρπάζει*, hoc est, lapis qui ferrum rapit. Quòd autem Hesychius Herculeum lapidem à Magnete distinxit, jure, meritòque id fecit; Magnetidis enim nomine talchum vulgò dictum intellexit, quem nos Agnetidem dici potius debere putavimus.

Magnetum verò ( ut veteres tradunt ) duo præcipuè genera sunt viribus inter se differentia; alterum enim fortius, ac violentius ferrum trahit, & mas vocatur: alterum debilius, vel nihil trahit, & foemina dicitur. De Magnete igitur illo, qui omnium optimus est, & mas vocatur, dicemus; cujus naturam eò brevius explicabimus, quòd diffusius à Platone, Plinio, Alexandro Aphrodisco, cæterisque probatis auctoribus de eo scriptum est, fabulosa interim, quæ à recentioribus nonnullis copiosè narrantur, penitus omittentes; quale illud est, quòd lignei clavi navibus, quibus Calecut navigatur, figuntur, nè ferrei à magnete, cujus infinitas inibi ajunt rupes esse, extrahantur, sicuti anchoræ auferuntur, quamobrem compago navium solvatur; cum tamen ibi, & ubique naves ferreis clavis construi, & anchoris præligari soleant, nisi fortè in penuria ligno uti necesse sit. Magnes igitur mas lapis est ferrugineus, vel niger, vel fuscus, vel in fusco cœruleus, smyridis, sive hæmatitis instar ferè gravis, ac densus, qui non solum ad se ferrum trahit, sed vim etiam ferro infundit, qua hoc idem efficere possit, ac perinde, ut Magnes, ferrum aliud trahere, adeò, ut nonnunquam contingat, quod Plato etiam observavit, longam concatenationem ferri, & annulorum invicem pendere; ex eo ( ut Plinius scribit ) templum Arsinoes in Ægypto concamerare jussu Ptolemæi excogitavit Dimocrates, ut simulacrum ejus in aëre pendere videretur. Ferunt quoque Machometis facellum Mechæ è masculo, ac præstantissimo Magnete concameratum fuisse, ut ferreum feretrum, in quo illius cadaver conditum esse dicitur, in aëre pendere vulgus crederet. Quod autem Magnes ita avidè ferrum trahat, alii alias causas attulerunt, qui nondum hominibus veritatis studiosis planè satisfaciunt, idque propter abditissimæ naturæ mysteriorum ignorance: Quidam verò ( nè omnium penitus opiniones siluisse videamur ) Magneti ferreæ naturæ aliquid inesse propterea existimant, quòd ferè semper prope ferri fodinas inveniatur, sitque quodammodo ferreus lapis; propter hanc autem similitudinem fieri hunc attractum; Sic, inquiunt, cucurbitæ suapte sponte aquas petunt, eòque feruntur, quòd aquea sint ipsæ natura; & simile,

Orpheus de lapidibus.  
Theophrastus de lapidibus.  
Plinius lib. 36. c. 10.  
Et lib. 34. cap. 14.  
Avicenna lib. 2. tract. 2. cap. 471.  
Serap. de simp. ex min. cap. 394.  
Nicander in Alexipharm.  
Alex. Aphrodis. in problem.  
Lucianus in Iconibus.  
Cicero I. de Divinatione.  
Lucretius lib. 6. de rerum nat.

Magnetis binæ species.

Fabulosa de Magnete rejiciuntur.

Magnetis maris descriptio.

Plato in Timæo.

Arsinoes templum.

Machometis facellum.

Quorundam opinio de vi Magnetis attractrice.



natura impellente, aliud sibi appetit simile; sic quoque succinum, atque adamas paleas, festucasque ad se trahunt, propter quandam naturæ similitudinem, quam *συμπάθειαν* Græci vocant, quod in aliis multis cernitur rebus: & addunt, si ferro, venave ferrea Magnes diutius careat, hebescit nonnihil, ac minuitur in eo vis, & potentia illa ferrum trahendi; quæ ut integra, illæsaque fervetur, ferreis squamis Magnetem obtegi, & obvolvi debere affirmant.

Auctoris profectio  
in Ilvam.

Montium Magnetem  
producentium  
descriptio.

Herbæ in dictis locis  
nascentes.

Collis superficies  
magnetis capilla-  
mentis obducta.

Latentis Magnetis  
indicia.

Sed & nos aliquid tentavimus, quod naturalium rerum studiosis adjudicandum proponere decrevimus: si tamen quæ in magnetis quibusdam montibus, quos adivimus, observari à nobis contigit prius exposuerimus. Est in Tyrrheno mari Ilva insula veterum scriptis celebrata, quam nostri, inflexa nonnihil voce, Elbam nuncupant, pluribus nomine magis ob maxima, quæ terra marique accidunt pericula, quàm commercio, usuque cognita. Neque ego me in tam præsens discrimen coniecissem, nisi Illustrissimi Plumbini Domini Jacobi Quinti, cui etiam Ilva paret, liberalitas securiorem ad eam accessum præbuisset. Nam post præmissos certos homines, qui exploratis Turcarum insidiis, navem tutò solvi posse nunciarent; brevi temporis spatio mare, quod inter Ilvam, & Portum Plumbinensem interjicitur, sinè periculo trajecimus. Sed cum in terra expositis non minora objiciantur pericula, idque efficiant per totam insulam sylvestres latebræ, in quibus illi delitescunt; cum ex Rio proximo portui Ilvæ oppido, ad Caput Ilvæ, vulgò *Capoli veri* dictum, iter facerem; & quocunque per totam Insulam mihi eundum esset, adduxi mecum instructos milites, quos mihi eadem Plumbini Domini munificentia, & amor in me singularis, quodque me Summi Pontificis familiarem esse cognovit, paraverat, ut nullus hostium incursus mihi esset pertimescendus. Cum his præmissa prius scapha, quæ maritimum latus circumiret, aliisque, qui sedulò nostrum terrestre iter perlustrarent, ad montes, ex quibus Magnetem hodie effodiunt, perrexi. Montes editi sunt, ut ex eis omnes ferè adjacentes inferi maris insulas, maximamque Ilvæ partem conspicerem; ascensus non ita arduus, ut longus est, sese à capite Ilvæ ad tria milliaria protendens, iturque meridiem versùs; sed cum reliquis superatis montibus ex ultimo descensum paras, à dextra saxorum quædam congeries viridi colore, in summo monte velut scopulus meridiem respiciens cernitur: quo in loco dives aris est vena, de qua aliàs fortasse opportunè magis. Hinc cum per meridionale montis latus, quod mari alluitur, descendo; ad ipsum locum, ex quo Magnes eruitur, perveni: eumque à Capite Ilvæ quatuor millia passuum abesse, incolæ affirmant. Quæ per hoc montis latus arbuta ferè crescunt, sunt scoparum genera à subterraneo calore Magnetis semiusta, Cisti mares ladanum, libanotis coronaria, & nonnunquam Sabina fructifera. Provenit etiam satis frequens ibi planta, quam nonnulli rei herbariæ periti Symphytum petræum existimant, de qua suo loco exactiùs differendum est. Invenitur præterea, sed prope mare Behem rubrum parvum. Occurrit autem primò ex Magnete colliculus parum è terra eminens, satès, ut videtur ferrum, manusque expertus. In hoc videre licet partem illam, quæ ad Septemtrionem vergit, faciliùs reliquis ferrum attrahere; eandemque partem solum efflorescere, & velut capillamenta quædam parva emittere, quæ ab ipso ferro admotò trahuntur, & denuo ab ipso Magnete retrahuntur; sed præcipuè partes illæ debiliores, quæ Septemtrionem non respiciunt, eisque excrementis carent. Non procul ab hoc colliculo tendenti versùs Meridiem, ut hætenus, tanquam in mare prorupturo occurrit quædam Magnetis moles eruta, in qua paria omnia à Septemtrione cum superiori esse animadverti. Neque aliud est ex tanta, quam montem involvere, puto, copia, à quo quicquam hodie summa cum difficultate, & instantis periculi metu abradunt. Nam per totum hunc montem Magnetem latere certissimo sunt argumento lapides ubique per montem sinè ordine jacentes, quos nemo qui colorem, substantiam, cæteraque consideraverit, non ex Magnete esse negabit: tamen acum non tantum non attrahunt, sed nec admotam propius paululùm movent; ita illos existimare est sub dio jacentes à Cœli tempestate, solisque



folisque ardore enervatos esse; ac propterea eò meliorem futurum, quò ex profundiori loco excindi poterit: quod tamen neque mihi licuit ob temporis brevitatem experiri, nec alius quispiam est ausus ob periculum, quod à piratis perpetuò imminet. Haud etiam prætereundum est, antiquos in adverso montis latere, à tergo, ut sic dicam, illius æræ venæ, quod latus Septemtrionem respicit, Magnetem effodisse, cum ibi optimum latere non immeritò existimassent. In ea verò parte nunc effodere, pericula, quæ modò diximus, prohibent. Mihi ex mole illa eruta, & superiori colliculo, quos ad id è portu Ferrario evocari jusseram, homines in hoc exercitati magna hujus lapidis fragmenta avulsere, quæ mari Romam advehenda mandavimus ut domi etiam eorum, quæ diximus, periculum facere liceat. Hæc hætenus. [2] Quòd Magnes ferrum duntaxat alliciat, non tam inde proficiscitur, quòd cum ferro similitudinem habeat, eoque, ut credunt, nutriatur, vel quòd juxta ferri fodinas plerunque reperitur, quàm quòd in eo nescio quis succus consistat, quo ad partes exteriores emanante, lanugo quasi in superficie ejus efflorescit, & hæret, quæ mirabiliter tenax est; qua verò parte illa veluti lanugo excitatur, Magnes validè ad se ferrum rapit, cætera sui parte debilior, imbecilliorque; cujus rei causam spiritus, & vapores movere videntur; quos largissimè, qua parte trahit, exhalat, & diffundit: qui cum glutinosi sint, & per aërem disseminentur, propter similitudinem, qua cum ferro afficiuntur, magis in ferrum, quàm aliam rem impingunt: quæ fuit adeò ratio, quòd magnetem aliquid naturæ ferreæ habere sibi quisque persuaserit. Verùm nisi affecto aëre, qui inter Magnetem, & ferrum ipsum interjacet, vis illa peculiaris trahendi non subsistit, quòd longiuscula distantia, vel loci intercapedo arguit: immo quoque qua parte lanugo illa non obducitur, ferrum minùs attrahit, tantum abest, ut illud ad se ex longinquo inclinare faciat. Quapropter in hanc quoque opinionem descendimus, non ferri tantum cognatione fieri, ut sibi simile appetat, quemadmodum dictum est, sed humore illo intrinseco, qui cum exudaverit, pollinem, qui pistrinorum parietibus adhærescit, propemodum præsefert; quo si quidem acus, cultri, gladii, & ferramenta hujusmodi illinantur, vi quoque, & facultate potiuntur. Hinc Magnetem Recentiorum aliqui, non sinè magno peritorum risu, vivere idcirco prodiderunt; quia ferrum contactu suo Magnes sic afficiat, ut ex ipso ferro, tanquam ex Magnete, ferrum alterum pendere possit. Verùm quàm cæcutiant illud, quod fieri nullo pacto potest, asserendo, neminem esse qui dubitet, mihi persuadeo; vel ob id, quòd putantes animam Magnetis in ferrum concedere, aut Magnetem alium ex alio in ferro gigni; ferrum quoque vivere fateantur oportet: quod sanè non minùs absurdum, quàm Pythagoreorum μεταμύχως videatur.

Profectò neminem fuisse, qui illius lanuginis, seu floris causam animadverterit, vel animadversam exposuerit, scio, tametsi plures floris loco rubiginis meminerint; nam quòd illa Magneti infideat, satis liquet; quo tamen pacto oriatur, hætenus nemo docuit: mea quidem sic est ratio, quòd non ex accidenti, neque temere in Magnete ille flos, sicut nec in quodam pyrite, deprehendatur: nam ut est pyrites plerunque succo, & humore aliquo prægnans; ita pari ferè modo Magnes censetur: qui succus, dum vi naturæ evocatur, superficiem utriusque, lanuginis instar occupat, quæ in illo spissa, in hoc autem rara, & quàm modicè surgit, ut prope tantum videatur, ac ideo à nonnullis rubigo fortasse dici soleat. Ego verò ac lubens florem communi nomine appellavi; quia vocem, quæ rem ipsam exprimat magis, nusquam inveni. Huic autem flori tantum virium inest, ut ferrum quamlibet remotum, & longè distitum desideret, modò ut aër pertingat, qui ex poris iisdem, quibus flos, concipitur; quo etiam fortè avulso, tantundem virium restat: nam semper vapores in eas partes, quæ priùs flore obsessæ erant, ita inclinant, ut alium surrogare possint. Pars ea autem, ex qua floris nihil unquam exiliit, non ita ad trahendum prona est, ut superiùs diximus, quia solidior, & densior apparet, ut sua densitate quadantenus aërem obsepiat, & expirare, vel evagari non sinat;

Lanugo Magneti  
adhærens.

Causa vis Magneti-  
cæ attractricis juxta  
Mercatum.

Refelluntur qui  
Magnetem anima-  
tum faciunt.

Unde dicta Magneti-  
tis lanugo oriatur.

Pars Magnetis la-  
nugine carens, fer-  
rum imbecillius tra-  
hit.



Irridentur, qui Magnetem ferro vesci credunt.

nat; trahit tamen, quia intotum succo interiori non vacat, ex quo spiritus glutinosi evaporarent, nisi meatus obstructi essent; in qua verò parte succi nihil residet, omnis vis elanguit, evanuit, & exspiravit; quod senectuti ejus, quidam imputaverunt, quem si fortè disruptum in intimis lateribus consulissent, aliter aliquando dixissent. Quare ut quàm diutissimè vivat, in ferri scobe, tanquam pabulo conservari inquirunt. O insignem, & singularem sapientiam! Mihi tamen scobem, in qua Magnes jacuerit, nunquam imminutam ab illo, nedum ambesam videre licuit; multò minùs adhuc furfures, quibus, ut ferrum ipsum, servatur; quos sanè illi edaci, si ferrum ejus alimentum sit, non confiderem, quin citiùs, & faciliùs depasceretur. In ferri quidem scobe diù incolumem Magnetem conservari, quoad aëris injuriam tantùm fateor; quæ nè succum ejus exhauriret, quo tandem defraudata vis sua deficit, scobe undique excluditur; non verò quoad vitam, nè senesceret, quod ineptè ipsi putant, quibus eadem quoque viceensem in vagina, ut vivat, conservari optimè admiserim; sed cum unum non cohæreat, alterum minùs cohærere potest: vivere enim respectu vaginæ, qua munitur, nemo nisi demens dixerit; ita nec Magnetem respectu scobis, qua conservatur solùm, non verò alitur, neque nutritur.

Dissidii horum lapidum meminit Augustinus lib. 21. de civitate Dei cap. 4.

Tradunt veteres, Adamantem, & Magnetem sic inter se natura dissidere, ut præsentem Adamante Magnes ferrum non attrahat, vel attractum statim dimittat; quin etiam alliï, caparumque succo delibutum trahendi vim prorsus amittere; quod nos utrumque falsum esse experti sumus: quemadmodum verum esse didicimus ab ipso Magnete trahi quidem ferrum, sed ita ut rubiginosum, atque impurum respuat, atque contemnat. Recentiores tamen veterum auctoritate contenti, nihil interim, quod licebat, experti, multa falsò memoriæ prodiderunt; & antiquas, ut ita dicam, fabulas scriptis suis intexuerunt, auxeruntque; quo in genere sæpe ab ipsis peccatum est, dum priores duces secuti, errores superiorum temporum ad posteros propagant, & extendunt. Hinc illa nautarum superstitio; prope Magnetem (quo in navi, Sole oculis erecto, cum ad Arcton sua sponte feratur, itineris ratio constat) neminem facile patiuntur: verentur enim nè oris flatus allium oleat, vimque, si contingat, atterat; sed rusticis maximè, quibus familiare allium, eò vetant accessum.

Cur Magnes ad polum convertatur.

Cur verò ad polum arcticum suapte sponte Magnes verteretur, fuere qui existimarunt eò fieri, quòd in septemtrionali plaga ingentes montes magnete abundant, qui cæteros Magnetes sua vi ad se convertant: quod mihi verisimile non sit, cum nulla vis sit tanta in Magnetibus, ut ferrum immenso spatio distans ad se cogere possint; multò verò minùs alios Magnetes ad se vertant, nisi fortè eò maximo aëre pertingant; quò enim aër, eò quoque vis evadit, vel aërem vis subsequitur; aër autem si longo intervallo, impedimentove aliquo obstante ad ferrum, vel Magnetem alterum non ducat, omnis vis quoque in media via dissipatur, & perit.

Plinius in Proœmio lib. 2. & lib. 37. c. 4.

Ego itaque veterum Philosophorum sententiam secutus, quod illi montibus, astris potiùs tribuendum putarim, eamque vim quocunque modo, sive causa id fiat, Ursæ majoris propriam esse dixerim; quia in rebus dubiis ad universalialia potiùs, quàm ad particularia confugere expedit; cum ratio sæpe in primo limine deficiat. Sanè quidem nihil aliud cum variis astrorum influentiis antiqui voluerunt, quàm ut ostenderent quasdam res divinitus ordinatas, nè altiùs earum ratio deduceretur: idque ipsum de fatiis quoque intellexerunt, nè de eruenda omnium rerum ratione nimium solliciti essent. Eluxit vis eadem nuper clariùs, cum Hispanæ naves in occidentem, & eodem ferè tempore Lusitanæ in orientem iter directuræ Æquatorem transgressæ essent; nam Magnetem, quo polos Naucleri observant, navisque cursum ritè instituunt, stupidum, & inertem animadverterunt; non aliter quàm si transgressis regni limitibus, qui Æquinoctiali circulo terminantur, Arcti suo jure cedant, nec ampliùs vim, & imperium exercere in alieno liceat. Vice versa ultra Æquinoctia-



noctialem excisi Magnetes ad Austrum tendunt, atque eò navium cursum convertunt.

Hujus mihi testimonium perhibuerunt homines religiosi occidentalis orbis indigenæ. Illi à Salvatoris nostri Natali anno 1583. cum in Europam navigarent, secum attulere sui Magnetis frusta, ergo ut in regenda navi occidentalis Magnetis periculum facerent: protulit aliquis fragmentum octo quasi librarum pondo; quod cum adhibuissent versùs Arctos vela facturi, partem australem arripuit, magna navigantium admiratione. Retulerunt iidem mihi, in novo orbe, tribus, quatuorve locis, Magnetem gigni, ut prope Cuscum civitatem Peruviae, & in regione, quam Hispani vocant, *Los Iaraos*. Communis eorum color à nostris non differt, ut illi descripserunt; Pardo conferentes obscurum, & ex cyaneo ferè nigrum. Selectiora ex montibus frusta par sibi ferri pondus elevant. Reputantur tamen ibi meliores Septentrionales. Hæc est famæ calumnia, & rerum in natali solo contemptus. Ibi- dem quibusdam in locis Magnes flavescens provenit segnior, & priori posthabitus. Porro Æthiopico Magneti tantam vim Plinius ascribit, ut Magnetem alium ad se trahat; qui quoque argentum aliquando allicere, perinde ac ferrum à Fracastorio traditur: ego tamen id verum esse haud crediderim, nisi fortè cum argento pars aliqua ferri lateat, vel admista aliquo modo sit; purum etenim argentum nequaquam ad se trahere posse, satis experientia comprobatur.

Magnes argentum non trahit.

*Dioscorides lib. 5. c.*

105.

Magnetis optimi notæ.

*Galenus lib. 9. simp.*

*cap. 18. & lib. 1. de*

*natural. potentiis.*

*Egineta lib. 7.*

Verùm ut præstantiorem omnibus dignoscas, spectare debebis colorem, uniformitatem, pondus, & vires; ut videlicet color sit ferreus, plumbeus cæruleo admistus, & appareat quasi ferrum perpolitum, sed aëre obscuratum: uniformitas à me intelligitur, ut cavernosus non sit; sed qui hujusmodi fuerit, pondere quoque reliquis antecellit. De Facultate autem ejus illud statuo: qui ferrum gravius attraxerit, illum esse laudabiliorem. Qui verò hujusmodi reperitur, ille etiam ad Medicos usus eligitur; quem trium obolorum pondere ex aqua mulsa potum, Dioscorides ait, humores crassos educere. Sed & Hippocrates libro De internis affectionibus ad pituitam antiquiorem detrahendam Magnetem lapidem conferre affirmavit; libro autem De sterilibus ex lapide, qui ferrum trahit, subdititium ad genituram continendam confici docuit. Partus laborem levare, subjecta inter pedes aliqua ipsius mole, nuper à fide digno accepi: narrabat alibi, & extra viciniam mulierculas ad unius matris familiæ non exiguum Magnetis frustum confugere, quoties pariendi auctus dolor moram trahebat.

Ejusdem facultates.

Effoditur non solum in Æthiopia, & Cantabria Hispaniæ regione; verùm etiam in Creta insula, ac in Germaniæ, & Italiæ multis locis, ut in Ilva insula, in qua cum essem, Magnetem illum, quem vulgus carneum dicere solet, diligenter examinavi. Hic ab altero Magnete trecenis, aut amplius passibus distat. Nam cum ex monte ad oram maris ventum est, ubi solitis periculis accedit etiam viæ horrenda asperitas, prope fluctus incedendum est per saxa, & scopulos; quo exeso itinere ad montis cujusdam verticem, ac si quædam simul congesta essent marmora, Magnetem illum à dextra prominentem, (à læva enim mare est) aspeximus. Pluribus in locis colore fulvo, luteoque tegitur; ad summum montis, cum totus ita propendat, accessus prohibetur: verùm quot quisque hujus fragmenta volet, humi, quæ per se deciderunt, colligere permissum est. Lapis hic candidus est, colore nigello interveniente, mollior, & levior altero, ferrum non trahens, & linguæ tenaciter adhærens. Sed non ubique suis similis est; nam cum miscellum sit lapidis genus; in quibusdam frustis id, quod candidum est, cimoliam alteram, sive bolum candidum refert; idque cum lambimus leviter rubescit; atque etiam illi spissè nigrum admistum est, quod ferro limato, aut potiùs Magneti, qui legitimè dicitur, colore respondet; & pondere, si purum esset, æquaret: quæ similitudo cum vero Magnete causam nominis dedisse videri potest. In aliis ejusdem partibus, quod album est, marmor imitatur; & rarò nigri nonnihil, idemque dilutum, interpositum habet: adhæret tenaciùs linguæ; & minùs ponderosum est.

Locus.

Magnetes variis coloribus in Ilva reperti.



Magnetis albi superstitiosus usus.

Alexandri Medices laudes.

Paropsides ex Magnete.

Theamedes quo differat à Magnete.

Theamedem à Magnete diversum non esse.

est. Hoc lapidis genus in amatoris rebus vani, ac imperiti homines adhibent; quod pelliciendæ, ac trahendæ carnis habere vim putent, unde etiam sunt, qui ideo Magnetem vocatum volunt. Nonnulli verò fide digni sistendo sanguinè hunc esse utilem tantum affirmant, si manu gestetur. Amplissimus Alexander Medices Cardinalis Florentiæ utriusque Magnetis, carnei scilicet, & masculi ferruginei prægrandia frustra mihi in propriis venis reperta ex Ilva, diu antequam in illam iter mihi in mentem veniret, cum multis præterea rebus fossilibus dari curavit: cujus virtus, ac singularis probitas, cum multarum rerum, quæ libero homine dignæ sunt, scientia conjuncta, cum me ad amandum eum, atque observandum excitarunt, tum liberalitas, quæ ejus erga me est maxima, me vehementius impulit.

Huc pertinet eos plurimum decipi, qui Magnetem inter deleteria locant, paucissimo enim pondere sumptus juventutem vegetiorem reddit. Refert quoque Gasias ab Horto, Regem Zeilam seniore ex eo paropsides fieri jussisse, ex quibus cibum caperet.

Nunc autem superest, ut Theamedem cum ipso Magnete conferamus, quos quidem ambos uno hoc Capite concludimus. Substantia igitur, & colore minimè inter se differre videntur, viribus admodum; Theamedes enim (ut Plinius scribit) omne ferrum abigit, respuitque, quem mons alius in Æthiopia haud procul à monte Magnetis gignit. Nobis autem, quod *αυτοψία* vidimus, testari licet: incidimus enim in lapidem Magneti parem prorsus substantia, colore, & effectu; qui, quod mirum nobis visum fuit, altera sui parte ferrum trahebat, altera respuebat, cujusmodi se vidisse quoque Albertus narrat. Fortasse verò Plinius, vel Auctor is, ex quo desumpsit, partem tantummodo ferrum respuentem nactus longè alium à Magnete lapidem putavit, & ob id Theamedem dici maluit; unde tamen vocabuli origo venerit, necdum satis perspeximus. Hoc loco nos ratio longius urget, quàm progredi decreveramus. Quod verò Theamedem, quia ferrum non trahebat, ideo ferrum respuere Plinius suspicatus fuerit, leve sanè illud nobis videtur: nam quia ferrum non trahebat, hoc ex indigentia succi procedebat, quemadmodum ex præmissis patet: quod autem ferrum abigere, & respuere credebatur, vicinitas alterius montis, qui totus ex Magnete puro surgit, in causa erat; quam Plinius minimè animadvertit. Nam quod quidam, cum supra Theamedem calceis ferratis incederent, mirabiliter, & immodicè veluti temulenti vacillarent, ac tripudiarent inviti; aliunde non accidebat, quàm ex magna Magnetis copia, qui in oppositum montem, Theamedem videlicet, suam aëris vehementiam dirigebat, illamque passim distribuebat; qua tandem illos, qui subsiliebat, ultro impulsos fuisse existimandum est: quia soleas illas ferreas, quas Theamedes contemnere videbatur, maximè desiderabat. Malè itaque quidam, mea sententia, de Theamede sentiunt, ut seorsum à Magnete illi nomen tribuerint.

#### N O T Æ.

[1] Magnetis nomen Arabes à Græcis sunt mutuati, nihil penè immutato; appellant enim *مغناطيس* *Maghnathison*.

[2] Non exiguum singularis ac verè philosophici ingenii argumentum hic præbet Mercatus noster; quod eo sæculo, quo rerum naturalium scientia nondum adeò inclaruerat, Magnetis effectus juxta mechanicæ leges, ac rationi consonas explicuerit: in quo parum à Lucretio recedit, qui eleganter ac mechanicè vim attractricem magnetis enucleat, atque exponit. Post Lucretium verò Gassendus, ac Cartesius Philosophi celeberrimi admirandis Magnetis proprietatibus intelligendis, quasi facem aliis per eandem Physicæ viam incedentibus prætulere. Quorum sententia tum apud ipsos, tum apud plerumque, qui in Physicæ sistematis illustrandis insudarunt nostra ætate, passim exponitur, aliæque Magnetis proprietates explanantur. Ideo non est cur lectori erudito in aliorum sententiis super hac re exscribendis, diutius immorantes, fastidium, ac molestiam exhibeamus.


Apud Illustrissimum Strozam Magnetis frustum vi insigni, ac singulari attractrice pollens asservatur. Unciam enim Magnetis, decem ferri libras sustinere comperimus.

Aliud Magnetis frustum ponderis unciarum tredecim & septem drachmarum, præstantissimum, rarissimumque habetur apud D. Joannem Mariam Salvioni Typographum egregium in Archigymnasio Romano; quod quidem etsi inerme sit, adeò potenter ferrum trahit, ut habita absolutarum virium



## *Lapides terræ similes.* 169

virium ratione, si à perito Artifice probè instruatur, quadraginta quinque libras ferri attracturum conjici possit. Propterea ab Excellentissimo D. Casparo de Haro & Gusman Marchione de Carpio, harum rerum studiosissimo, tunc Regis Catholici Legato apud Pontificem, exinde verò Regni Neapolitani



*Magnes Id. Mariae Salvioni*

Prorege gloriosissimo, summo opere fuit expetitur. Hic enim quingentis scutis Romanis illud libenter emitteret, si facta fuisset potestas: Cujus iconem hic exculpi curavimus.

### D E S M Y R I D E.

#### C A P. XVII.

**S** E Q U I T U R Smyris vulgò *Smeriglio*; est enim magneti proximus colore, substantia, & duritie ferè; ac unde magnes, indidem plerunque effoditur; quod videre est in Chio, & Ilva insulis; quarum hæc maximam hujus vim eo ipso ex monte, in quo magnes, in diversas Europæ partes transmittit; nam cum à loco illo æroso, qui ad montis verticem est, quenque Ilvani viride æs nuncupant, per centum quasi passus ad occasum vergis, hujus generis lapidicinam incurris. Hoc in poliendis gemmis utuntur gemmarii. Animadvertendum est, hoc loco ab aurificibus quosdam etiam adamantes extremæ cum tenuitatis, tum duritie, etiam Smyrides usitatissimè vocari, in quibus poliendis ars, & opera luditur, quos an ad veram essentiam Smyridis, an potius ad ejus duritiem contulerint, alii discernant. Ego verò inter adamantes inferius tales quoque recensui; nam ut Smyrides non corruptè dicerentur, vi, & ingenio aliquo contundi deberent; quod minimè fieri potest, & ob id adamantibus neglectiores sunt, sicut in capite de adamantibus ostendetur. Hic verò lapis colore, ac duritie pro iis, in quibus reperitur, locis differt; præstat enim ceteris Chius duritie, ac nigredine, quare ad poliendas duriores gemmas adhiberi solet; at qui ex Ilva insula est effossus mollior est, minùsque niger: quo fit, ut eo in gemmis, marmoribusque expoliendis mollioribus utantur artifices; idem vitrariis frequenti in usu est; medici eodem laxitatem gingivarum firmant, & fricandis dentibus utilem esse tradunt.

Locus.

Ufus.


Adamantes, smyrides vocati.

Smyridis differentia.

Y

ARMA-







## ARMARIUM VIII.

## LAPIDES

## ANIMALIBUS INNATI.

## DE LAPIDE BEZOARIO.

## CAP. I.



ISTINCTIS in plura genera lapidibus, quorum alios terræ similes, nullaque figura, alios certa aliqua figura præditos esse, quos *ἰδίοις ὄφους* Græci vocant, supra diximus, ac quidem rursus horum aliquos intrâ ipsa nasci animalia, aliquos intus à terra contineri; nunc [1] de illis lapidibus qui innati animantium corporibus figuram aliquam habent, in hac parte differemus, quos natura varietatis, ac differentię causa in diversis diverforum animalium partibus generavit. Hi verò, vel secundum

naturam sunt ipsorum animalium, minimèque ea lædunt; cujusmodi est chelidonius in hirundine; bufonites in bufone; limacius in limacibus; item in piscium nonnullorum capitibus alii, veluti uniones in conchyliis, sive ostracodermatis; spongites in spongiis; cæterique ita deinceps, vel præter naturam, & ea, in quibus sunt, animantia lædunt, quales sunt calculi in humano corpore, juvenicarum tophi, Bezoarii, malacenses, cæterique memoratu digni. Ac primum quidem de lapide Bezoario agam, nobilissimo, pretiosissimo, & notarum maximè virium, quem Græci, Latinique veteres nescierunt, ab unicis tantum Arabibus, nostrisque nonnullis nuper descriptus; qui varia hujus lapidis genera tradiderunt, nec eum quisquam planè perfectèque descripsit. Appellari variè solet: ab aliis quidem, utpote Persis [2] *pazar* dicitur à *pazan*, hoc est hirco eorum lingua, unde extrahi, atque eximi solet: à nostris Bezar: ab Indis *Bazar*: Ab Arabibus *Albazar*. Persicum ipsum nomen integrius est, unde cætera corrupta: nam princeps litera P oris vitio facilè mutatur in B literam. Lapis autem Bezar in ventriculo hircino apud Indos inveniri solet. Hircus ipse, ut ab oculatis etiam testibus accepi, & Garcias ab Horto tradit, capræ similis est, retortis in tergum cornibus; capram montanam vocant incolæ; mediocri est magnitudine; colore ferè cinereo, vel rufo, nonnunquam alio, atque alio. Etsi non sum nescius Arabas in fossilibus numerare Bezoarium lapidem, eumque in Perside è terræ venis erui tradere.

Differentiæ lapidis ipsius, ut cæterorum quoque lapidum, sumuntur à natali solo, à substantia, à magnitudine, & à colore. A loco, quòd Bezoarii lapides alii Orientales sint, è Persia scilicet, Indiavè supra Gangem posita, Chinorum montibus finitima. Alii occidentales è Peru, novi scilicet orbis montibus, qui mihi quidem non probantur; quippe non eodem animante nati, nec ab illius orbis populis pro ullo pharmaco prius habiti. Primus eorum vires prædicare, eademque de his promittere cœpit quidam Hispanus Medicus, quæ Orientalibus tribuere didicerat. Sed is neque eorum, neque etiam animalium similitudine, quibus hi, atque illi innascuntur, decipi potuisset; si utrunque genus cognitum habuisset. Utcunque ipsum cæteri Medici secuti sunt; certum est communi omnium judicio Occidentalibus Orientales præstare; qui miro quodam lævore præditi, valde etiam nitent; quod quidem in Occidentalibus

Lapides naturaliter in animalibus geniti.

Lapides animalium præter naturam.

Nomina Bezoarii & etymologia.

Lapis Bezoarii differentię.


Bezoar Orientalis.

Bezoar Occidentalis improbat.



Orientalis Bezoarii quo differant ab Occidentalibus.

desideres . Constant etiam orientales è crustis , aliis alias cæparum instar ambientibus , quarum quæque , aliam proximè sequens , magis ac magis enitescit . Horum alii in intima crusta paleolas tenuissimas quasdam inclusas continent ;



LAPIS BEZOARIUS

Bezoarii optimi nota.

alii minutum pulvisculum ejusdem cum ipsis crustis substantiæ ; alii neutrum continent ; sed è solis crustis compositi intus cavi sunt .

Merito autem orientalium optimi censentur ii, in quibus tanquam in centro inest pulvisculus ; & ab Arabibus maximè commendantur , pulverulentique dicuntur . Ipse verò pulvis crustis , quibus tegitur , longè creditur præstabilior . Hi omnium verissimi , & ab omni adulteratione tutissimi , quippe cum subiecto pulvere induci crustæ minimè possint , quod in cæteris facilius est subiectis grano aliquo , filice , acu , gossypio , ac rebus aliis ; stimulante ad fraudem avaritia . Atque hi quidem omnes in suo genere substantia inter se differunt ; alii enim densi sunt , & graves : alii leves , & rari . Rariores verò faci-



## *Lapides Animalibus innati.* 173

facilius raduntur; & cum in aqua diutius permanferint, colliquantur. In sua quaque specie omnes colore differunt: nam alii cinerei sunt: flavescentes alii, vel fusci, vel ex viridi nigrescentes. Postremò magnitudine differunt; alii enim majores, alii minores, alii inter se pares existunt.

[2] Adulterinos à veris dijudicari, præter cæteras, quas supra posuimus, differentias; ab ipsis Indis tradit Garcias ab Horto ea ratione, ut quencunque nacti Bezoarium manibus stringant, deinde dissilent, & ventilent, spiritus mox permeans adulterinum prodit; alioqui verus. Nos autem eo in discernendo uti ratione certissima solemus: candentem enim acum ad lapidem adhibemus, cujus si mucro intrà liquecente, ac cedente materia penetrat, adulterinum arguit: si autem crustam adimit tantum, ac decorticat; veri omnino, legitimeque est index. Fieri etiam periculum solet, si restincta calce manum illinas, qua mox sublata, manum lapide ipso frices, qui si erit legitimus, flavum colorem inducet. Certissima omnium ratio esset quidem illa, si morte damnato homini, à quo haustum antea venenum esset, aut cani, vel cuivis alii animali, quod quidem veneno extingui posset, contusus in pulverem, potandusque præberetur; quibus eo haustu servatis, verus esse omnino cognoscitur, extinctis falsus.

Præstantissimum enim esse omnium remedium adversus venena quæcunque, cum Arabes Medici literis prodiderunt, tum ipsa nostra ætate experientia docuit: pestilentibus quidem febribus præstantissimum hoc esse remedii genus intelligitur. Alios præterea ejus usus alii tradiderunt, quos qui volet, in eorum scriptis legat.

Veneno, vel peste infectis grana ejus lapidis ferè duodecim è vino albo, eoque præstanti, ac meraco tutissimè præbentur; maligna febre laborantibus ferè septem, sive ex jure, sive ex aqua cordi amica; cujus haustum sudor ferè sequitur. Arcendæ, vitandæque pestilentiaæ utile unum, atque alterum granum præsumitur.

Peccatur autem in eo præbendo, vel cum minimè opportunè datur, vel cum occidentalis, vel adulterinus supponitur; quo fit ut ejus vires quidam, vel nullas omnino putent, vel etiam irrideant, nulla ipsius lapidis, sed eorum culpa. Sæpe enim extremum spiritum jam ducentibus illum præbent alienissimo tempore, & quidem adhibitis medicamentis aliis, ejus vim potius impedientibus, quàm juvantibus, cum natura vires ipsius, vel tenuissimæ sint, vel omnino nullæ.

Primus hujus tabulæ est penès amplissimum Cardinalem Alexandrinum Pii Quinti Pontificis Maximi nepotem; cujus humanitati, ac beneficentiæ debeo plurimum. Eum ille à Rege Lusitaniæ, cum ad eum Apostolicæ sedis legatus venisset, magni muneris loco accepit. Et sanè præclarum munus existimandum est, sive magnitudinem, sive pondus quatuor unciis gravius, sive nitorem, sive denique formam spectes; in quo præter miram variorum colorum suavitatem, pars altera instar oculi sese ostentat; altera verò colore subfusca admirabili quodam levore splendescit.

Nè omnino siluisse videamur occidentales; dicam ea, quæ mihi exposuerunt indigenæ, alique non vanæ fidei homines ex Cusco Peruvia civitate nuper Romam venientes; qui longo usu, quæcunque ad occidentales Bezoarios pertinent, callebant. Triplex illi animalium genus, cui lapides innascuntur, commemorabant; unum quod *Vicognam* vocant incolæ, cameli formam habet finè gibbo, & magnitudinem cervi, nec ulli velocitate æquandum est; longæ sunt aures, brevis cauda, pectus candidum, cætero fulvum; & præcipuè atrectantem delectat per totum corpus pilorum delicata quædam mollities. Alterum genus spectabile magis corporis mole cervum refert, inermi tamen fronte; *Guanaccos* nuncupant; ex hoc mansueti alii, & domestici, alii silvestres, & indomiti inveniuntur. Hi frigidis sequuntur recessus, & nivosos amant saltus, uno omnes, eoque fulvo colore pellem non variant; domestici nigri sunt; candidi, rufi, bicolores, talemque colorum diversitatem sortiuntur,

qua-

Ratio veri Bezoarii dignoscendi.

Bezoarii vires.

Bezoarii abusus.

Lapis Bezoarius Cardinali Alexandrino à Rege Lusitaniæ donatus.

Bezoarii Occidentalis historia.


*Vicogne* animalis descriptio.

*Guanaccos* animal.



*Tarrugæ* animalis  
descriptio.

qualem nostra armenta habere videmus. Sunt etiam illi publicis, privatisque rebus non inutiles; onera, resque necessarias convehunt, & quem nobis asini, illum possessoribus usum præstant nullis subjectis stragulis, aut ephippio, & sinè fræno. Aridis pabulis abstinere, & in viridi solo tantum pascuntur. Irritantem spuma petunt, conspersamque corporis partem scabie inficiunt. Tertiæ generis est cervicaper à quibusdam sic dictus, quod toto corpore cervo similis, capræ cornua gerat; aliàs *Tarrugam* vocant; bina singulis cornua, & quaterna, nonnunquam pilis obducuntur, nudo relicto in summitate acuminis. Non omnibus in suo genere lapides insunt; qui eos habent, gemitus comitatur, vocesque edunt doloris indices; Unde præter naturam gigni haud



LAPIS BEZOARIUS PERUVIANVS

Bezoarii occidentalis forma, ac differentia.

dubia conjectura est. Lapidēs sunt (uti ex omnibus, quos vulgò ostentari vidimus, multisque, quos nos habemus, observavimus) plerique fabæ magnitudi-



## *Lapides Animalibus innati.* 175

tudine, nonnulli grandiores. Minores alii plerunque altera ex parte plani sunt, subnigra superficie, eademque perpolita: sub una, alterave crusta subest alba materia, quæ trita dentibus, terra videtur fatua, atque insipida; grandiores nonnulli cohærentibus crustis constant, quarum superficies interiores auro videntur inductæ. Alios etiam prægrandes vidimus cineritio colore è crustis etiam constantes nullo lavore, nitoreque, sed graves. Ex his, quis magnitudinem illius non admiretur, quem ex Peruvia orbis novi, Patres Societatis Jesu anno MDCLXXXIV. Gregorio XIII. Pont. Max. Romam attulere quinquaginta sex unciarum pondo spectabilem? neque is integer, cujus superior crusta magna ex parte exempta, altera nonnihil est deglabrata, tertia item alicubi perstricta. Magnitudo profectò monstrosa, omnibus seculis inaudita, atque adeò in rerum natura maxima. Asservabatur hic in Deorum, quos cæca gens colebat, ærario: quippe talis apud illos vigeat religio, ut nisi exquisita, & rara quædam, vel quæ monstrum præferrent, atque inter illa hunc lapidem suis Idolis dicarent; quæ omnia unum in locum cumulabant, donec nostri promulgandæ religionis Christianæ causa eò penetrassent, & tam apertum errorem increpantes, veritatem detegentes, nostræque religionis præceptis hominum animos imbuentes, deceptis mentibus errorem tollerent. Tum dirutis Idolorum simulacris, simul totam illam sacram eis struem incendere; atque hunc flammæ ereptum, ambustumque, ut dignæ aliquæ è tam felici successu superessent reliquiæ Romam misere; quem à Maximo Principe acceptum, ut vidimus hic expressimus. Renum formam æmulatur: magnitudinis ex pondere facilis est conjectura, ut ex crustis materiæ; una namque, atque altera perfracta, tertia apparet. Color fuscus intus candidior. Exterior crusta non admodum lævis est, in cæteris aliquis nitor angulorum, altera extremitas parvis orbibus impressa veluti sigillo insignita est, eaque in secundo cortice duret nota, ac ultra permeet, cerni non potest.

Bezoarius Occidentalis singularis magnitudinis Gregorio XIII. donatus.

Occidentalium facultates annumerare, quod alii faciunt, abhorruî. Metuebam enim nè id fieret communi periculo, quoniam neminem felici eventu eis usum fuisse animadverti, sinistrè multos. Obstruxisse alimenti aditus, & Hepatis tumorem excitasse, recentia exempla docuerunt. Nuperrimè Hispanus quidam cum ex novo orbe Romam pervenisset, incidit in febrem; cui quotidiana potione, quos secum attulerat Occidentales Bezoarios præbuerunt, donec tumor hepatis in dies auctus factum vetaret, quo brevi periit. Enimvero haud difficile est medicinæ rudibus persuadere, eisque non astutis, ex illis salutem permittere, præsertim quando illius Medici Hispani errores latius grassantur. Novi ego seculi incommoda veteratores, postquam magnam vim horum lapidum coëmerunt, vel advehi curaverunt, ut carius divendant, vel arctius sibi devinciant eos, quibus muneri lapides offerunt, multa scientes de viribus comminisci, Orientalibus antepondere, illius periculum se fecisse (clam semper) aliaque jactare, & mendacia congerere, quibus pretium statuunt rebus nihili, Cum, ut inquit Poeta [a], *fas atque nefas exiguo fine, libidinum Discernunt avidi*.

Noxa à Bezoario Occidentali illata.

[a] Horat. lib. 1. od. 18.

### N O T Æ.

[1] Lapidem in animalibus haud absimili ratione atque in terra, concresecunt, nimirum ex diversorum salium cum terreo-sulphureis partibus apta invicem complexione, ac copulatione, ut exposuimus cum de lapidum generatione. Cur autem alia præ aliis animantia, lapidibus generandis sint obnoxia, potissimum sunt in causa varia fluidorum temperies, solidorumque peculiare vitium. Humores enim peccant I. cum partes salino-acidæ, ac terrestres, aqueo-oleosas præter modum excedunt: ac propterea homines plerunque ingravescente ætate calculosi evadunt: quod imminuto fluido aqueo-oleoso volatili, cæteræ partes crassiores muriaticæ, atque alcalicæ facilius coeant, coagulenturque. II. cum fluidorum principia non satis ad minima divisa, neque permista sunt, ideoque particulae ad concretionem aptæ, à liquore faciliè separantur, atque invicem congregatæ coalescunt. III. motus fluidorum intestinus aut nimis concitatus, aut nimis remissus, plurimum ad calculorum generationem confert, ex eo enim modò necessariæ separationes præpediuntur, modò intempestivè, atque inopportunè deponuntur partes heterogeneæ, modò apta earundem partium admixtio variis modis perturbatur. Solida demum aut nimia fibrarum tensione, unde tubulorum angustia, aut earundem laxitate, aut pororum ac meatuum depravata figura,

Lapidum generatio in animalibus cur fiat.

aut



aut eorundem infarctu, aut compressione, multifariam efficiunt, ut salino-acidæ particulæ invicem confluentes cum sulphureo-terreis implicentur, atque lapidescant. Quæcunque igitur, quæ quidem sunt innumera, ad huiusmodi fluidorum solidorumque vitium conferunt, lapidum quoque in animalibus generationem adjuvant. In primis autem cibi salino-acidarum partium copia, humorum crasim mirificè immutant, atque ad lapidum generationem parant; Hinc homines vino nimium indulgentes, aut carne salita, caseo, aliisque similibus immoderatè vescentes, in lithiasin aut arthritidem frequenter incidere observamus.

Qua ratione gignatur Bezaar.

Ex dictis facile explicari potest, quomodo lapis Bezaar in ventriculo capræ montanæ gignatur. Ob aliquam enim ex memoratis causis in huius animalis ventriculi loculis humor lapidescens confluit, qui exinde per glandularum oscula paulatim in ventriculi parietes manat, ac temporis progressu in granula arenacea concrefcit; quæ granula ventriculi agitatione invicem coacta, in globulum compinguntur: hic autem globulus primò internè nonnihil cohæret, tum ob modicam dicti liquoris copiam intermistam, tum ob continuam potiùs circumvolutionem: exinde verò quaquaversus circumactus, exterius humore viscido paulatim oblinitur, ac crusta obducitur, quæ concreta, alia atque alia ejusdem materiæ lamella eodem modo progignitur. Hinc in huiusmodi lapidum meditullio pulvisculus grumofus reperitur, qui nihil aliud est, quàm dictus globulus post lamellarum concretionem exiccatus, ac proinde in granula, ex quibus conflatus erat, resolutus. Sæpius autem contingit, ut variz res ab animalibus huiusmodi devoratz, veluti phaseoli, paleæ, festucæ, lapilli, aliaque id genus, eodem modo liquore lapidescente, in ventriculo implicentur, ac crustis lapideis involvantur, mediumque lapidis Bezaar occupent. Hinc fit, ut diversæ conspiciantur huius lapidis formæ, pro varia implicitorum corporum figura. Qui enim phaseolum continent, renis forma spectantur; qui paleas aut festucas, oblongi; qui lapillos rotundos, sphaerici observantur.

Experimentum, quo calculorum generatio explicatur.

Id vero mirificè confirmatur, atque illustratur sequenti experimento. Cum enim, qua ratione calculus in renibus aut vesica gignatur, conjectura affecuti fuisset videremur, eodem artificio eundem parare hoc modo aggressi sumus. Palearum, ac festucarum, similitumque rerum frustula in matellam coniecta diu detinuimus. Quo factum est, ut lotii salino-urinosis, ac tartareis partibus imbuerentur, quæ post lotii effusionem, humore paulatim evaporato, invicem coagmentatz obdurescerent, atque exinde urina sæpius immissa atque ejecta, eadem ratione nova semper dictarum particularum accessio fieret, donec ex pluribus crustis lapideæ materiæ invicem super inductis calculi concrefcere, iis, qui in vesica gignuntur, simillimi.

[a] *Memoire de l'Acad. Royal. de Scienc. an. 1710.*

[b] *Bartholin. At. Med. Hafn. tom. 4. obs. 33.*

[c] *Memoire &c. an. 1700.*

Lapidis Bezoarii etymologia.

[d] *Clusius exotic. hist. in notis ad Monard.*

Lapis Bezaar partibus sulphureis scatet, ut & cæteri lapides in animalibus geniti, qui plerunque lapidibus in terra concretis, sulphuris copia longè præstant. Hinc igni admotus facilè inflammatur, teste Cl. Geoffroy [a]: Quamobrem ab affuso spiritu nitri vehementer quidem effervescit [b] ob particularum volatiliū copiam, quæ à cæteris expeditæ, quaquaversus liquorem impellunt; non ita verò facilè, atque alia corpora alcalia, dissolvitur, ut asserit Cl. Hombergus [c], quòd partes sulphureæ salium acidorum spicula implicantes, eorum vim obtundant ac præpediant.

[2] Quæcunque venenis adversantur Arabes *بادزهار* Badezaharon appellant à Persis mutuati,

apud quos hoc vocabulum idem significat, sed scribitur cum *ذ* Dhal. Ideo lapidem hunc, quòd maxima vi polleat alexipharmaca, eodem nomine vocare solent. Unde corruptè ductum est *Bezar*, *Bezaar*, *Bezoar*; (variè enim efferre solent) quo nomine præter hunc lapidem, recentiores Chymici multa etiam alia remedia præstantia adversus venena passim appellant, nimirum Bezoar minerale, Joviale, Martiale, de quibus non est hic agendi locus. Propterea etymologia ab Austro nostro allata, atque ex Monardo desumpta, tanquam ridicula improbat ab Anonymo apud [d] Clusium.

[3] Quod ad selectum attinet: alia etiam afferuntur notæ, quibus Bezoar probatur: præstare enim perhibent, qui tenuissimis constet lamellis lævibus, perpolitis, ac granulis minimis compactis, aqua non dissolvatur, creta affricus viridescat, coloreque sit luteo viridi. Verùm cum genuinus optimusque Bezoar difficillimè inveniat, consultius ab aliquibus reputatur ejus vice calculo humano uti, quippe qui iisdem partibus salino-urinosis constat, & æquè præsentaneum censetur alexipharmacum.




DE CERVI LACRYMA.

C A P. II.

**P**ROXIMA videtur esse bezoario lapidi Cervi lacryma, tum quia iisdem mederi putatur malis, tum quia suapte duritie lapidem refert, quamobrem lapis etiam bezoarius à nonnullis, & creditur, & vocatur. Ea [1] autem lacryma ante centesimum annum in cervo nulla est, quo exacto in extremo oculi sinu, ad os ipsum unde erumpit, ac prominet, avellanæ nucis magnitudine ferè con- crescit; cujus pars anterior tereti figura, ac rotunda mirè nitet: color ipse fulvus: venæ, sive potius venarum similitudo, ac levis atrii coloris adumbra- tio illi inest; ea quoque lævitate est, ut apprehendi vix queat, suaque lubri- citate tangentium manibus elabatur. Pestilentiae auxiliatur sumpta ex vino ge- nerofo granorum quinque pondere; cujus haustum sudor sequitur maximus: contra venena præsentissimum esse remedium judicatur.

Cervi lacrymæ de- scriptio.

[2] Hos tres calculos appinximus eadem prorsus inter se, qua hîc monstnan- tur, magnitudine, propter coloris similitudinem, qua proximè ad lapides be-



LAPIDES REPERTI IN VESICA PII. V. PONT. MAX.

zoarios accedunt, licèt maculæ in medio, gypsi, aut topi instar, ac durities ipsa eos ab ipsis secernant. Hi olim intrà vesicam Pii V. Pontificis Maximi re- perti fuerunt, quorum maximus collum Vesicæ occupans usque pulsabat: re- liqui duo cohærentes inter se maximum illum identidem pellebant; qui profe- ctò calculi non quidem albi, sed nigerrimi, illi vitam, nobis verò omnibus spem diuturnioris vitæ præciderunt. Difficillimæ hujus curationis nos quoque pars aliqua fuimus, patientiæ, & invicti illius animi, cùm acerbissimis dolo- ribus afficeretur, testes; quippe qui ei graviter ægroto noctu, atque interdiu pervigiles semper adfuimus.

N O T. Æ.

[1] Eadem penè de Cervi lacryma, verborum formulis duntaxat paululum diversis refert Scali- ger [2]: de qua alii etiam multi multa scripsere, quæ ad fabulas propius accedere videntur, quàm ad historiæ veritatem: Tradunt enim, cervos post centesimum annum spiritu narium edu- ctos è terræ latibulis serpentes ferociter conculcare ac devorare, exinde sitientes multa aqua

[2] Exercit. 112. Fabulosa de Cervi lacryma.

Z

epota



[a] De lapide Bezoario.

epota rejuvenescere, atque ex humorum immutatione dictas lacrymas ex oculorum angulis prodire. Hinc plerique gravissimi auctores, quos videre licet apud Casparum Bauhinum [a], quam cervi lacrymam alii appellant, nihil aliud esse arbitrantur, quam lapidis genus in sylvestrium animalium ventriculo concreti, quemadmodum bezoar. Quorum sententia valde probabilis videtur. Alii autem Cervi lacrymarum nomine accipiunt sordes, in folliculis prope cervorum oculos coalescentes: quas odorem spirare, ac vi alexipharmaca pollere asserunt. Verum sordes istæ, nec lapides sunt, nec cum cervi lacrymæ descriptione ullo pacto conveniunt.

[b] Litotomia.

[2] Qui in S. Pii V. vesica à Mercato olim observati fuerunt, lapidibus, eorum, qui in alterius Pontificis Ven. S. Dei Innocentii XI. renibus ab Illustrissimo Lancisio tunc pariter Archiatro Pontificio fuerunt reperti, iconem atque historiam hic adjungere non abs re fore duximus. Hi siquidem rei novitate, tum singularem quandam admirationem cum incredibili delectatione conjunctam eruditis lectoribus efficient, tum etiam non leve argumentum ad rem medicam illustrandam suppeditabunt. Verum nè miretur quis illorum figuras nitore atque elegantia cæteris, quibus hoc opus ornatur, minimè respondere: eisdem siquidem typis, licet rudioribus, quantum fieri potuit denuo emendatis ac perpolitis, quibus Alghisus [b], ad quem archetypum misit idem Lancisius, in sua editione Florentina usus fuit, eas imprimendas curavimus, naturæ veritati potius, quam artis præstantiæ studentes: veriti quippe sumus, nè, si rursus inciderentur, licet elegantiores, ac splendidiore icones futuræ fuissent, minùs tamen exactè lapidum formam exprimerent.




Fig. I. Ren dexter dissectus.

AAAA. Renis cortex glandulosus.  
CCC. Lapis.  
DDD. Hydatides.  
EEE. Canaliculi ab urina excavati.  
FF. Pelvis.  
G. Ureter.  
H. Arteria emulgens.  
I. Vena emulgens.

Fig. II. Ren sinister dissectus.

AAAA. Cortex renis glandulosus.  
BBB. Lapis.  
CC. Canales excretorii.  
D. Pelvis.  
EEE. Hydatides. F. Ureter.  
G. Arteria emulgens.  
H. Vena emulgens.  
III. Canaliculi in lapide excusi.

[c] Ibidem.

Hiscæ autem verbis ab Illustrissimo Lancisio lapides hi describuntur apud Alghisium. [c] Quod ad lapidum observationes attinet, multas quidem possem hic recensere. Sed præ cæteris longè pulcherrima, relatuque dignissima videtur eorum historia, qui in S. M. Innocentio XI. (nunc Ven. Ser. Dei) anno ejus ætatis quo occubuit 79. reperti sunt: ejus renes admirandum sanè spectaculum mihi præbuerunt. Dissectis enim, remotisque externis membranis, quæ vulgò adiposæ audiunt, (cæ autem nè paucillam quidem pinguedinis tum continebant) in utrisque varios tumores conspexi, molles nimirum, ac duros: quorum primi nihil aliud esse comperti fuerunt, quam hydatides, sero, urinoso latice admodum simili, distentæ: secundi vero antiquam renalium dolorum causam, missusque cruenti, cui Sanctissimus Pontifex, quotiescunque pauld concitatus moveretur, erat obnoxius, mihi indicarunt, utpote qui ipsius valetudini moderandæ pro munere Archiatræ, quo honorificè fungebar, præfueram. His siquidem retectis, lapides tum mole, tum forma adeo abnormes, ac suspensi in conspectum se dedere, ut pictoris pennicillo potius, quam scriptoris verbis exprimi posse viderentur. Ex his, qui in dextero latere includebatur sex uncias, qui autem in sinistro novem pendit: utrique tamen omnem renem, sub-



## Lapides Animalibus innati. 179

Substantiam intrinsecus occupaverant, ita ut nihil ex ipsis omnino superesset, præter externum corticem glandulosum, qui crassæ membranæ speciem, dictos lapides ambientis, præseferbat. Quorum lapidum superficies in multos veluti lapillos desinebat, magnitudine, ac forma diversos, pro sitis, ut arbitror, ratione, atque angustiarum loci, in quibus antea probabiliter concrecentes cohibiti fuerant. Verisimile est enim hosce primum in tubulorum cavitatibus coagmentari paulatim cœpisse; exinde verò illorum substantiam, partim ob asperitatem, partim ob magnitudinem sensim lacerantes, atque erodentes, denique universam penitus absumpsisse. Ex singulari pulcherrimæque hac observatione deduci potest, ad urinæ secretionem, glandulosum tantummodo renum corticem esse necessarium: hic enim duntaxat, cæteris ferè illius organi internis partibus prorsus corruptis, atque absumptis, immunis fuit observatus. Præterea summa cum admiratione comperi nonnullos canaliculos in lapidum superficie excavatos, qui urinam è glandulis in pelvim atque ureteres confluentem, facillimè excipiebant. Cum cæteræ partes urinariæ, ureteres nimirum, vesica ejusque collum, in quibus nullus lapis, sed modica duntaxat urinæ copia fuit deprehensa, sanissima forent.

Hiscæ non absimilis lapis, licet nonnihil minor, repertus fuit in rene sinistro Excellentissimi ducis Etruscæ, dum Christianissimi Regis legationem Romæ obiret: cujus mentionem facit celeberrimus Malpighius in suo opere posthumo; unde vir summus probare quoque nititur, renum corticem tantummodo ad urinæ percolationem esse necessarium.

### DE LAPIDE MALACENSI.

C A P. III.

**L**APIDIS Malacensis rarissimi quidem tantum meminit (quod sciam) Garzias ab Horto, nomen sortiti à Malaca provincia orientali, ac totius prope Indiæ celebri emporio, unde ad nos rarò importari solet. Is verò lapis intra fel hystricis invenitur; figura est propemodum rotunda; substantia mollis, levis, ac lubricus, color illi purpureus, sed dilutior: amarissimus etiam ipse: & bezoario lapidi ab Incolis longè prælatus: efficacissimum venenorum remedium: præberi potest usque ad grana quinque aquæ vocatæ cordiali, sive meraco vino mistus. Indi aquam, in qua aliquantisper defederit, exhibere solent.

Lapidis Malacensis descriptio.

Quam verò hîc aspicias, imago est ejus lapidis, quem nos unicum apud Cardinalem Alexandrinum vidimus è Lusitania allatum; cujus etiam factum



LAPIS MALACENSIS

periculum accepimus; eo cui venenum datum fuerat, cum aquam è lapidis infusione demum hausisset; mirabiliter servato; qui nisi maturè postquam dimissus erat, sublatus fuisset, totus omnino colliquatus fuisset. Frigido ventriculo firmando mirè est utilis, quod ita esse argumento est amaritudo ipsa longè omnium maxima, idque nos etiam experiundo sæpe didicimus.

Experimentum de lapide Malacensi.

N O T Æ.

Lapidem Malacensem post Garziam Linscottus Clusius aliique, quorum plerosque recenset Caspar Bauhinus [a] passim commendarunt. Hodie verò adversus morbos malignos præstantissimum habetur remedium apud praticos, quibus frequenter usurpatur. Concrescunt lapides Malacenses in cysti fellea ex bilis particulis, quæ, animalibus senescentibus, humido paulatim per evaporationem imminuto, exiccantur, atque invicem coguntur, & obdurescunt.

Hujusmodi verò lapides in plerisque animalibus gignuntur, sed frequentius in hystrice, non tantum Indica, sed etiam in nostrate, senio tamen confecta. Hoc siquidem animal magna bilis copia præ cæteris abundat; quippe quod maximè pugnax est, & ad iram pronum. Nam canum, & venatorum aspectu illico in furorem actum, ob spirituum concitationem, contracto peculiari musculo cutaneo, ac quasi innumeris nervis tensis, aculeos quibus horret, in hostes tanquam sagittas, ejaculatur.

Accedit etiam quòd hystrix succo quodam peculiari scatet, concretioni valde idoneo, quo ipsius aculei nutriuntur. Qui quidem succus in vetustis animalibus, ob infarcta externa meatuum orificia, ad internas partes denuo refluit, ac probabiliter unà cum bili secretus, cum ea facillè in lapidem abit, eadem penè ratione atque in conchyliis, cancris, aliisque id genus, ex testaceo

[a] De Lapide Bezoario.

Cur lapides in hystrice facilius, quam in aliis animalibus gignantur.



liquore margaritæ, oculi cancerorum, alique hujusmodi lapides ferruminantur, ut mox fusiùs exponemus.

Iraque lapides isti liquorem, in quem infunduntur, resolutis bilis particulis, impensè amarum efficiunt, morbisque malignis, ac venenatis apprimè utilem, ob salino-volatilium alkalicarum atque oleosarum partium copiam, quibus coagula discutit, noxii fermenti vires infringit, excitoque vehementiùs sudore expellit, ac diffiat.

Cur lapides in Indica hystrice inventi cæteris præstent.


Longè autem præstant qui in Indica hystrice iis, qui in nostrate reperiuntur: illa enim herbis aromaticis vescitur, ex quibus particulæ salinæ-volatiles alkalicæ oleosæ, atque alexipharmacæ in animalis primum nutrimentum facessunt; exinde bilis proventum augment, atque in lapidum substantiam convertuntur.

## DE TOPHO JUVENCARUM.

C A P. IV.

[a] Lib. 11. c. 37.

**T**OPHUM juvenearum hoc loco depictum sic appellare videtur [a] Plinius à scabritie, & levitate; nam Tophus etiam levis est plerunque, ac cæteris ferè lapidibus minùs ponderosus, ut jam supradictum est; de quo Plinius,



TOPHVS JUVENCARVM.

his verbis, *Est in juvenearum secundo ventre pilæ rotunditate nigricans Tophus nullo pondere, singulare, ut putant remedium agrè parientibus, si tellurem non attigerit.* Hunc si scindas, frangasve, pilorum intus globum invenias, qui quia pilis, quibus earum tegitur cutis, concolores, ac simillimi sunt; nonnullis visum est, dum se mutuò lambunt, haustos introrsum eam, quæ videtur, massam efficere tophacea superficie.

Affirmant lanii, juvenecas, quibus ejusmodi massa intus concreverit, nunquam pinguescere.

[b] Lib. 30. c. 15.

Lapis in capite bovis natus.

Est & alter lapillus, quem capiti bovis innasce tradit idem Plinius [b], his utique verbis: *Bovis capiti lapillum inesse tradunt, quem ab eo expui, si necem timeat: inopinantis præciso capite exemptum, adalligatumque mirè prodesse dentitioni: at hunc videre nondum licuit.*

Lapis in felle bubuli.

Reperitur, & alius in felle bubuli, qui cùm veteribus cognitus non fuerit, à recentioribus tantùm descriptus est. Lapis est ad ovi magnitudinem accedens, mollis cùm primùm eximitur, sed postea exiccatus friabilis admodum est, colore croceo, sapore amaro. Eo utuntur nonnulli ad varios morbos curandos: exhibent enim ex vino potandum felle subfuso. Ajunt, naribus inditum, visum mirificè juvare, & aquam in oculos fluentem inhibere. Tritum lentis quantitate, & betæ succo commistum, & in errhinis naribus attractum, comitia-



## *Lapides Animalibus innati.* 181

initialibus subvenire. Eum nos cum aqua graminis potum, ad vesicæ calculos minuendos valere experti sumus.

N O T Æ.

Hujusmodi Tophi frequenter reperti sunt in boum ventriculis, in bovilla epidemia; quæ per Latium nuper grassata est.

### DE AVIS JAPONICÆ LAPIDE.

C A P. V.

**A**VIS Japonica est gallo gallinaceo aliquanto major, toto corpore nigricans, præterquam pectore; collo oblongo, & rostro rubro, cujus ex



AVIS IAPONICA

LAPIS EX EIVSDEM AVIS CAPITE EMINENS

*Alcyon Gomier sculp*  
summa parte cornu paulatim cristæ loco assurgit lapidosum quiddam protuberans, & cineritio colore. Oculos habet elucentes, & pedes rubricantes. Altè & cum impetu volat. Minimam vocem facit, ac quidem raucam, & tenuem.

Ova



Ova quotannis anserinis majora septem ad summum ponit mirabilis saporis. Omnivoram rectè vocarim : nullum enim cibi genus fastidit. Plerique hoc quoque in ea nota dignum exceperunt, quòd illius videndæ cupidos ungulis, de lapide, quasi quid in se reconditi gerat, statim admoneat.

Avis Japonica ad  
S. Pium V. missa.

Eadem Mercato do-  
nata à Cardin. Mat-  
thæo Cantarello.

Vires lapidis avis  
Japonicæ.

Hæc verò paucis ab hinc annis à nemine prius ( quod sciam ) descripta nobis innotuit. Nam unà cum masculo ad Pium Quintum ex Insula Japan ( unde sibi nomen inditum fuit ) in Italiam destinabatur : verum cum longis itineribus magna maris incommoda uterque sustinisset, masculus ægritudine in mari oborta foeminam deferuit ; quæ nec dum etiam Italiæ fines attigerat, cum Pius Quintus diem suum obiret. Hanc mihi nuper amplissimus Matthæus Cantarellus Cardinalis Sancti Stephani vir omni virtute, & doctrina citra arrogantiam ornatissimus, dono quasi per manus tradidit ; quo sanè munere nihil mihi carius, atque antiquius evenire potuit. Ea nunc, propter cœli temperiem Italiæ cum insula superius demonstrata communem, plures jam annos feliciter apud nos degit.

Nonnulli hujus lapidis pulverem decem granorum pondere cum aceto potum virulentis, & deleteriis adversari ferunt ; iisque illum propinare solent, qui malignis febribus laborant non sinè magno, ut ajunt, successu.

### N O T Æ.

Avis Japonica, gallina Indica audit Aldrovando.

## D E A L E C T O R I O.

### C A P. VI.

Plinius lib. 37. c. 10.  
Solinus in Polybist.  
cap. 3.  
Isidorus lib. 16. c. 13.

Albertus lib. 2. de re  
metall.  
Joann. Pierius va-  
ler. lib. 24. Hierogly-  
phic.

**A**LLECTORIUS lapillus in ventriculis gallinaceorum invenitur crystallina specie, magnitudine fabæ, à Plinio Gemmis additus. His Solinus astipulatur ; & Isidorus, apud quem sinè dubio mendosè scriptum est Electria, quasi electoria ; his enim sequentia consona non sunt ; sed legendum est, Alectria, quasi Alecatoria ; ideo enim subjungit : *In ventriculis enim gallinaceis invenitur* ; quoniam ἀλέκτωρ Græcis gallus vocatur. A-fabæ igitur magnitudine, ad ciceris usque deficit, longior, globosus, crebrò inæqualis ; in nitore flavescit, aut candicat, obscuriore quandoque interveniente colore. Multum antiquitus huic tributum esse iidem testantur, adeò ut tam exiguo lapillo res



ALECTORIUS

Ludovicus Cælius  
Rhod. lib. antiq. lecti.  
11. cap. 10.  
Stephanus Aqueus  
Plinii Interpres.

præclaras geri posse, & multorum facinorum famam hoc solo constitisse ; præliantibus enim utilem, & invictos reddere, neque alio confisum Milonem Crotoniensem in arenam descendisse, gloriamque reportasse creditum sit. Hæc Isidorus magorum jactantiæ ascribere maluit. Nolim ego quenpiam, hoc lapillo fretum, audaciorem ultra vires quid aggredi. Qui verò hîc est expressus omnium, quos vidi, maximus, forma longior, majusculam fabam æquabat, perspicuus, candidus.

Ad manus mihi alii minores pervenere, & figura, ac colore, ut dictum est



## Lapides Animalibus innati. 183

est diversi, & nitore impares. Recentiores ferè omnes è capo eximi tradunt alio, atque alio modo; trimis aliqui gallis abolere libidinem jubent, ac septem annos spadones supervivere, quàm fas evellere; aliis novem annorum capos esse sufficit; aliis quinque, quatuor, trium; quidam præter capones nihil requirunt. Agricola in capi jecore se se invenisse affirmat; alter non è capo, sed ex annosæ gallinæ ventriculo exemisse. Adjectæ à recentioribus vires hæ sunt: gerenti honores, auctoritatem, gratiam, facundiam parit; constantia roborat; arcet pericula; sitim ore retentus sedat; uxorium maritis amorem auget; Venerem cit. Nati lapidis in capis indicium esse in potu parcimoniam, aut prorsus abstinentiam; negant enim tum sitire; alii id perfectionis signum malunt. Horum autem lector, quid credat dijudicet.

Camillus Leonardus  
in spect. lapidum.  
Morbid. cap. 3.  
Lonicerus.  
G. Pictorius.  
Agricola.

Conic.  
Stephanus Aqueus.

Guillelmus de Con-  
chis.  
Camillus Leon. ibid.

### N O T Æ.

De Alestorio lapide eadem ferè scripsere Anselmus Boetius, Aldrovandus, alique. Probabile admodum est, ut Vvormius [a] existimat, Alestorios lapillos, non quidem fuisse in caporum ventriculis genitos, sed potius ab iisdem inter comedendum deglutitos. [a] In Museo.

## DE CHELIDONIIS LAPILLIS.

### C A P. VII.

**X**ΕΛΙΔΩΝ nota avis, Hirundinem Latinè dicimus; ab hac multa nomen deducunt, inter quæ, reliquis omisissis, lapilli Chelidonii hirundinum pullis innati, eisque statò tempore priusquam educantur eximendi. Veteribus non

Vincentius in specul.  
nat. lib. 9. cap. 53.  
Alexander Trallia-  
nus lib. 1. cap. 15.  
Manard. in Epist.



CHELIDONIUS

ignoti fuere; recentiorum quoque opiniones accessere laudandæ profectò, quoties inconsideratiùs quid de suo non addidere. Jubent horum aliqui, lapillos erui absente matre mense Augusto; quæ cur adjunxerint non video. Otiosum unum, alterum nullo modo committendum. Fieri non potest, ut primæ foeturae lapilli sint, si in Augustum differamus. Scribit Aristoteles avium sylvestres semel magna ex parte coire, atque parere: verùm hirundinem bis parere, & merulam; sed ejus primos partus interire frigore hyberno; omnium nanque avium primam hanc parere. Quamobrem hirundinem etiam tempestivè fati primum foetum edere, ut secundo locus sit, omninò existimandum est: eoque tempestivius, quòd hybernis secedat mensibus, primùmque advolare videatur à sexto die ante Februarias Idus, usque ad vii. Kalend. Martii: quo tempore, ut auctor est Plinius, quidam Favonium Chelidoniam vocant ab hirundinis visu. Septembri ferè decessum parat. Quare hirundinem Plinius semestrem vocat, ut trimestres turdos, ac turtures, & columbas perennes. Quod cum ita sit, ut primum foetum intercipient, Augusto tardè venerint; quando ut semestri spatio bis pariat, tum necesse sit secundo incubet: tale nihil Dioscorides: *Dissectis*, inquit, *crescente luna pullis hirundinis, qui primo partu exclusi sunt, in ventre eorum lapillos offendens; è quibus duos, unum colore varium, alterum purum eximes: ii priusquam terram attigerint, in juvenæ corio, aut cervina pelle, brachio, aut collo adalligati, comitialibus proderunt, & saepe prorsus eos recreabunt.* De illis Plinius in hæc verba: *In ventre hirundinum pullis lapilli, candido, aut rubenti colore, qui Chelidonii appellantur, reperiuntur.* Decipit autem eos verborum affinitas, qui Plinii Chelidonia,

G. Pictorius.  
Marbed. cap. 14.  
Camillus Leonardus  
Aristoteles de hist.  
animalium lib. 6. c. 5.  
Plinius lib. 10. c. 24.  
& lib. 2. cap. 47.

Idem lib. 10. cap. 25.

Dioscorides lib. 2.  
cap. 49.

Plinius lib. 11. c. 37.

Isidorus lib. 16. c. 9.



Plinius lib. 37. c. 10.  
& 11.

Recentiorum error.  
Camillus Leonardus.

nias, hirundininos lapillos putant, ex colore, ut ait Isidorus, nomen fortitas; illas inter gemmas Plinius collocavit; *Chelidonia*, inquit, duorum sunt generum, hirundinum colore, & altera parte purpurea nigris interpellantibus maculis. Deinde sequenti capite; *Taos Pavoni* similis est, item *aspidi*, quam vocari *Chelidonium* invenio. Quæ maculosa colorum varietas, cumque de hirundine nè verbum hic addiderit; quantum discrepet luce clarius est. Venetiis mihi allati sunt pro *Chelidoniis* lapillis, quales appinimus, lenticulis minores sæpius, quàm majores, lubrici, hinc planè cochleæ sinuantur orbibus, margine latiore, inde voluminum vestigiis paululum turbinati, & colore aliquantulum rufo, altera parte candidi. Misit mihi alios Petrus pater, quos ab amicis acceperat, diversa planè figura, quosdam ut tenuioris crustæ fragmenta, alios crassiores, quorum multi candidi, ceteri colore fusco, qualis argillæ, corneo, subrufo, & nigro accedente bicolores; nitent non solum pauci, sed scabri multi, duri omnes. Quinam istorum germani sint, eorum à quibus venire, fide æstimare mihi tantum licet. Cum *Dioscoridis* colorum differentia facilè conveniunt, ut alii puri, idest candidi sint, quales etiam *Plinii*, alii colore varii, hoc est à candido diversi, qualiscunque sit, quem rubrum ille dixit, quod in eum fortassis inciderit. Audaciùs recentiores aliqui non habita *Dioscoridis* ratione, quales ipsi viderunt, tales constituere omnes, sui que erroris socios habuere. *Chelidonios* etenim in rubros, & nigros distinxerunt, singulis proprias vires ascribentes: Rubros in panno lineo mundo gestatos insanis, & lunaticis prodesse, morbisque longis, & facundos efficere; nigros mansuetos, & bene fortunatos, regium morbum, & comitalem sanare credi, ac febres adalligatos collo in panno lineo croceo fugare; omnes verò pro collyrio oculis utilissimos.


#### N O T Æ.

Qui *Chelidonii* lapilli hic nuncupantur, sunt umbilici marini exigui, de quibus suo capite superius dictum est.

### DE BUFONITE, CHELONIA, Et Carapatina.

#### C A P. VIII.

**R**ECENTIORUM auctorum complures certatim de Rubetæ, vel Bufonis lapide multa tradidere, eique diversa nomina indidere, Boracem, & Nofam, quæ nescio derivatione appellantes; Crapaudinam ex Gallico idiomate



BUFONITES

deduxisse videntur: nam Bufo Gallicè *Crapaud* dicitur: Ranae quæ in sicco semper victitant, præsertim in rubis, & vepribus, & ob id rubetarum nomen acceperunt, cum consenuere officulum, seu lapillum in capite gerunt, qui multis annis (ut illi dicunt) cum terra alantur, concrevit. Addunt amplius præ-

stan-



## Lapides Animalibus innati. 185

stantiorem esse, qui palpitante adhuc rubeta eliditur, quam dudum examinata.

Ad eas differentias, quas alii persecuti sunt addere aliquid licet ex illorum inspectione, quos habemus (præter illos quos apud alios vidimus) ferè viginti. Nulli formam integram ad quam tendere videbantur, sed aliqua ex parte detritam, & ferè semper habent dimidiatam, subtus cavi, aut plani. Alii sunt orbiculati, alii longiuseculi. Hi aliquantulum insuper curvi, phaseoli figura, cujus etiam magnitudinem non excedunt; leviter altera parte excavati, color qualis dentibus ad medium flavescit, aut fuscatur, & ex lævore nitet; hi rariores sunt, atque optimos esse existimatur. Genus alterum rotundum, & globulo dimidio cæso paulò remissius; cujus plures ex magnitudine, concavitate, & colore differentia: parvi alii ut pisa; nonnulli nucem avellanam æquant, aut excedunt; multi inter hos impares; plurimi omnino concavi veluti tenues cortices, solidi pauci, plures nonnihil cavi. Color varius ut plurimum omnibus, vel dilutior; quibusdam ubique indistinctè ex candido nigrescens: alii eodem ad marginem colore, oculi figuram referunt ampliori pupilla, quam color in nigro luteus, vel cæsius inserit; rari quibus ex obscuriore margine medium pallet. Læves omnes, & nitore priores vincunt. Quod ad vires attinet, horum laus in ore est omnium. Habere ipsius bestiae naturam, ut virus eliciat, consumatque, & tumores; & venenatis bestiis illatos crebro attritu, contactuque discutere expertum se Lemnius ait: Itaque foricis, araneæ, vesparum, scarabei, & glirium morsui mederi, admotumque dolorem mitigare, & tumorem deprimere. Alii reptilium morsibus utiliore dicunt: sumpto veneno, deglutitum intestina circuire, & virus extinguere: febres tollere, atque laborantes stomacho, ac renibus juvare; idque vel liquidum, vel etiam si appensus gestetur: Plura etiam de hoc vulgus. Unus Romæ asservatur in Monachio Sanctæ Annæ, argenteo annulo inclusus, quem Sanctæ Matris fuisse, popularis opinio est: fistulas curari hoc asseverant, si callum ipsius attritu duodecies circundarint.

An hujus veteres meminere non satis constat: Nam cum Batrachitas, & Chelonitides aliqui objiciant, nihil afferunt, quod mihi persuadeat. *Βάτραχ* quidem rana est, & *Βάτραχ* *χελων* ab Actio rana terrestris, idest Bufo, vocatur: Sed Batrachitem Plinius à ranæ colore appellatum fuisse innuit. Verba adducemus: *Coptos*, inquit, & *Batrachitas* mittit; unam ranæ similem colore, alteram ebori, tertiam rubentis è nigro. Colores isti Bufoniti aliquatenus accommodari possent, sed cum Batrachitas Copto ascribit, omnem dubitationem tollit. Non esse Chelonitides, multo minùs Chelonites, ex Plinii lectione certior futurus est lector. Sunt enim qui Bufonitas, non chelonitides, sed, mutata inflexione, Chelonites appellarunt, quod in Cardano reprehendit Julius Cæsar Scaliger; quippe à natione alienissimum nomen imposuerunt, *χελών* nanque testudinem significat; Chelonitides autem Plinii, nè quid hinc prætereamus, testudinum similes sunt, & quædam aureis guttis præditæ. In his illud ambiguum est, num Plinius, qui sic obiter eas describit, testæ similes esse velit, an potius testudinum oculis, cum de Chelonia testudinum Indicarum oculo egerint præcedentia (nam etiam totam testudinem exprimere non est verisimile). Priori sensu Bufonis lapidem Chelonitidem esse nunquam efficient. Est verò alter mihi lapis non quidem cavus, sed colore flavo, dorsoque crustulis distincto, testudinum testæ multum similis, de quo cum Brontia agemus. Si posteriori, ut illi fortasse, accipiamus; simile quid esse non negabimus; pluribus enim coloris distinctio latioris pupillæ in oculo figuram addit. Sed nulli horum guttis aureis nitent; & quis Plinium si ita essent, unde eruntur, in re vulgari & quasi naturæ miraculo celebranda præteruisse dicat? Qui itaque sint Chelonitides me pariter atque illos fugit; nisi forsitan ille sit, quem vidi apud Abbatem quendam Hispanum, magnitudine mali perfici longiorem, subtus cavum, subsidente supra rotunditate, lævem, nitidum, colore nigello. Hunc verò Cheloniam magis dixerim. Chelonia enim, ut dictum est, oculus dicitur à Pli-

Bufonitarum differentia.

Bufonitarum vires.

Camillus Leonardus ibid.

Bufonita Romæ asservatus.

Bufonitam à Batrachite, & Chelonite diversum esse.

Plinius lib. 37. c. 10.

Cardani error.



*Marbodeus cap. 19.**Plinius lib. 9. cap. 10.**Cholonia vires.*

nio Indicæ testudinis, quam recentiores in testudine indica reperiri produnt; cumque magnitudo, & figura oculis ipsius animalis proxima sit, eo modo fortasse, quo interpretatur Plinius, vulgò olim nuncupata est, testudinis oculus. De testudinum in India magnitudine idem ille singularum superficie habitabiles casus integri refert, atque inter rubri maris insulas his cymbis navigari. Portentosissima est Chelonia magorum mendaciis. Hanc enim futurorum divinationem præstare promittunt; quam nos vidimus, vertigini, & doloribus capitis auxiliari credebant.

Quos pro Bufonitibus supponunt, & discernendi rationem demonstrabimus, misimus in sequenti armario inter Carapatinas.

## N O T Æ.

Lapides hi, Bufonitæ etiam Anselmo Boetio, Gesnero, Aldrovando, aliisque vocantur, quod in Bufonibus reperiri existiment: Sed revera juxta Augustinum Scillam, aliosque, nihil aliud sunt, quam dentes quorundam piscium, Lupi nimirum, Sargi, Denticis, Auratæ, aliorumque similibus, qui ab humore lapidescente in lapideam naturam sunt conversi. Magna dictorum lapidum vis in Insula Melite reperitur, ubi serpentium oculi vulgò appellantur, quod oculi formam præferant. Sunt etiam qui alios lapides Bufonitas quoque vocent, illos videlicet qui apud alios Brontia, Ombria, Chelonites, & ovum Anguinum appellantur; de quibus suo loco dicetur.

## DE LAPIDE LIMACIS,

## Seu Cochleæ.

## C A P. IX.

*Plinius lib. 24. c. 6.**Marcellus cap. 12.**Plinius lib. 30. c. 15.**Plinius de remed. lib.**1. cap. 36.**Galenus de facili**par. ad Solonem c. 16.**Plinius ibidem.**Lapidis Limacis vires.**Idem de Gemmis, & coloribus.**Matthioli in Dioscoride lib. 2. cap. 9.*

**L**IMACES, seu Cochleas, quæ testis carent in dorso lapillum habere inter veteres tradit Plinius. Reperiuntur tamen quibus lapillus non inest; quibus autem inest eæ magnæ sunt, lapilli verò candidi, nitidi, ima parte plani, rarò concavi, dorso scabro, lineis conchæ instar aliqua figura circumactis, pro exiguo corpore majusculi, nullis similiores, quam qui in pisciculorum capitibus invenitur, latiores tamen, & minùs curvi, nonnulli desciscunt rotundiores, & angulis inæqualibus, candore etiam, & nitore distinguuntur. Adalligatos prodesse dentitioni vult Plinius. Copiosius de his omnia nostri ævi scriptores; constare ex liquore mucoso, & humore lubrico, qui humoribus facilè transitum perficit, atque hinc partui auxiliari; dilatant enim, laxantque locos, atque uterum cogunt dehiscere; epotos prohibere lapidis in renibus generationem, urinam stranguriosis moliri, meatusque urinarios lubricos efficere comminutos, atque ex vino haustos lenire, linguæ subditos ciere salivam; quare aridis, & siticulosus utiles, scabritiem, & candorem fieri ob aqueam substantiam frigore coactam. Addunt alium esse qui effigiem, quasi Cochleæ lineis depictam habet, altera parte colore ferrugineo maculis fuscis, quæ antea sanguineæ fuisse videbantur, altera autem perspicuo, & livido, quale est ovi candidum intus, ut tenuis membranulæ ovi frustum, haud pura substantia: somnum tollere, manifestè multa varia, mira, & plerunque læta ostendere in somno: sollicitum, & impigrum reddere, audacem, promptum, memorem valde; ad atram bilem deducere, & pravas cogitationes. Nulli alii lapidi tantam vim inesse; Hæc ajunt. Auxilium febribus vulgari credulitate ab eo peti, & adalligatum contra quartanas, ac tertianas prodesse nemo non ignorat.

## N O T Æ.

De lapide Limacis, vide Boetium, Aldrovandum, Vvormium, aliosque. Qui autem hîc à Mercato describitur, idem videtur esse cum umbilico marino, seu operculo Cochlearum.



DE LAPIDIBUS PISCIUM.

C A P. X.

**I**N Piscium natura peculiare videtur in capite lapillos gigni, idque quotidiano usu docemur, sicuti in quadrupedibus, quod aliqui affirmant, ne à la-  
niis quidem unquam compertum est. Inter pisces lapides habent lupi, mugiles  
corvi, coracini, umbræ, paguri, auratæ, spari, lepati, alique & maximè squa-  
mosi, etiam ex planis solea, five buglossus.

[1] Lapidum materiam Gabriel Falloppius lapideum in mari succum statuit, quo mare pollere inde probat, quod ad defixos palos lapideas strias denset. Id  
fluviales aquæ quibusdam in locis nihilominus faciunt. Sed quare non in omni  
piscium genere lapides concrescunt, cum succus ille communis sit? longè ni-  
mis petita est hæc materiæ deductio, in quo enim humore lapideum succum  
inesse non dicemus? in quo terræ commistum elementum non negabimus? Ex qua materia  
piscium lapides gi-  
gnantur.  
Aristoteles lib.3.cap.  
11. de histor. animal.  
Qui pisces lapidi-  
bus gignendis aptio-  
res.  
Aristoteles histor.  
animal. lib.8. cap.15.  
Plinius lib.9.cap.16.  
Proprius rem intueri possumus. Piscibus mucosa, & glutinosa materia est, &  
excoqui glutinum docet Aristoteles; sed ea in capite, quàm alibi copiosior est;  
lenta item & tenuis, ex qua lapilli ejusdem coloris, & nitoris parvo initio cum  
piscium incremento augentur, pro naturæ omnium in suo genere calore, & ca-  
pitis cerebrique, cui innascuntur, lapilli apta proportionem; ideoque non in  
omnibus. Quos enim Aristoteles frigus non ferre, atque hieme latere dicit,  
plerisque eorum lapides inesse colligit Plinius. Eandem formam non habent  
omnes: fit hoc diversa capitis constitutione, ut instrumento. Rotundiores in  
paguris, five pagris, qui in cancrorum genere sunt. Multis etiam differens co-  
loris obscuritas, pro materiæ in diverso genere varietate visitur.

[2] E pluribus piscium lapidibus auxilia petunt aliqui, occultamque in eis  
latere medendi vim credunt; valere autem coracini, lupi, umbræque lapides  
adversus colicum, vel nephriticum dolorem; è collo suspensos ad morbum  
regium conferre coracini lapides existimant. Qua ratione hæc præstent equi-  
dem nescire me fateor, tantoque audaciùs, quod facto periculo occultam vim  
nullam animadverterim. Ad Nephritidem Rondeletius homo doctissimus ex-  
pertum se dicit; comminuere enim renum lapides, vel pituitam, ex qua cal-  
culi gignuntur, & retinentur, exiccando, vel propellendo, ut lapis Indicus,  
Judaicus, aut lapis lyncis. Hujus causam non cæcum lapidum effectum arbi-  
tratur; sed pondus instare tantum, eorumque gravitate calculos deprimi.

Inter gemmas recenset Plinius synodontiten, qui è cerebro piscium est,  
qui synodontes vocantur. Cinædias quoque ejusdem nominis piscium gemmas  
candidas, & oblongas refert, eventum mirandas, si modò est fides, prælagire  
eas habitum maris nubilo colore, aut tranquillitate.

N O T Æ.

[1] Gignuntur lapides etiam in piscibus, ut & in cæteris animalibus eadem penè ratione, ut dictum est  
in Capite de Bezoario. Præcipuè autem testacea lapidibus generandis apta sunt, quod liquor, ex  
quo testæ ipsæ concrescunt, plerunque in lapillos obdurecat, in cancris, paguris, conchyliis,  
aliisque, ut fusiùs inferiùs exponemus cum de margaritis agemus.

[2] Inter piscium lapides insignes potissimum sunt in medicina, cancrorum, (qui perperam vulgò oculi  
appelluntur,) carpionum, ac percarum: qui humorum acrimoniam temperare, ac vi diuretica admo-  
dum pollere perhibentur. Alkalica enim sunt natura: ideoque acidum absorbent, humoresque  
solvunt funduntque: Hinc fit, ut serum à reliquis partibus secretum faciliùs per urinam effluat.  
Verùm plerique ex piscium lapidibus ossæ potiùs quàm lapideæ materia constant, ut optimè  
animadvertit Vvormius.



## DE MARGARITIS,

Sive Unionibus.

CAP. XI.

**I**NTER gemmas Margaritæ constitui potuere : inter quas etiam princeps fortasse locus dandus fuisset, quandoquidem pretii rerum omnium principium columnenque tenuisse dictæ sint. Verum inspicienti mihi originem illarum; quas etiam tanto navium apparatu, tantoque pretio empta spe vestigamus: quod his duntaxat dives, aliàs vile, & horridum testaceorum genus eas abscondat, visum est lapidibus, qui animalibus innascuntur adjicere; quas simili videtur consilio Plinius inter pisces recensuisse. Cum autem de his multi auctores verba fecerint, idem Plinius laudem omnibus præripuit: Cæteri enim non aliter, quam astrepentes eis, quæ legerant apud ipsum temerè acclamarunt: quinimo illorum aliqui auctorem non assecuti, multa non rectè accepere. Me verò ad ejusdem historiæ tractationem non ipsa tantum suscepti operis consequentia duxit, sed vel præcipuè quod nostra ætate, non solum orientale mundi latus navibus à Lusitanis perlustratum sit; verum etiam novus orbis accesserit, qui his opibus, cum orientali decertat. Quamobrem si quæ dubia Plinius reliquerit, scire plenius, nonnulla etiam addere liceat. Qui has navigationes conscripsere, Margaritarum quidem historiam non omisere; sed ut naturalium rerum parum consulti, seu quod his limitibus eorum contineretur institutum; tantum, quæ vel ipsi viderant, vel ab aliis didicerant, nudo sermone tradidere. Garcias ab Horto, Proregis Indiæ sui temporis medicus, de Margaritis utiliter non pauca, ut verè omnia, utpote oculis testibus, posteris reliquit; quibus tamen nihil ab ipso amplius, quam ab illis collatum est. Vice versa aliqui præclari peccarunt medici, usum ab arte separantes, qui nulla relationum habita ratione, suaque tantum innixi opinione, de Margaritis, & earum præcipuè origine nonnulla temerè divulgaverunt. Nunc ascriptis omnibus, quæ ex veteribus, novisque auctoribus convenient, additisque, quæ desiderari videbuntur, tractationem hanc innovemus.

## DE VARIIS MARGARITARUM

Nominibus.

CAP. XII.

Theophr. de lapid.  
Volaterr. lib. 22.  
Arrianus.  
Pausanias in Arcad.  
Lucian. in amoribus  
in epigrammate.  
Cicero 6. Verr.  
Varro 8. Epist. au-  
store Sosipatre.  
Tacitus in vit. Agri-  
cole.

Varia Margarita-  
rum nomina.

**N**OMEN *μαργαρίτης* apud Theophrastum legitur, veteribus Græcis paucis, alioquin cogniti lapilli, non parva ad morum severitatem opportunitate. Arriano idem *κίναϊδος* est. Lucianus circumloquens *ἐρυθραίων λίθον, καὶ λίθον ἰνδικόν* nuncupat; invenitur etiam *μαργαρον, καὶ τὰ μαργαρά* illis significandis, quibus ex vigore pretium est. Latini Margarita, & Margaritum vertere, utroque liberius usi, donec imperii potentia ad luxum deflueret: tunc primum margaritas sua dote singulares exemerunt, & Unionum nomine, emolliere; ut apta scilicet Romanorum delitiis esset notio; sic dicti (ut auctor est Plinius) quod nulli duo reperiantur indiscreti. Cœpisse verò id nominis usurpari Jugurthino bello tradit ex Ælio Stilone. Cujus sententiam assecuti non sunt recentiores, qui Unio nomen visi sunt inditum esse interpretari, quod uni conchæ unus insit. Posteriores promiscuè Margaritas, & Uniones appellant. Poetæ latini Baccas concheas, Eoos, Erythræos, Indicos lapillos, vel gemmas vocant; Sanctus Hieronymus Rubri maris grana; Ipsi Margaritarum Barbari possesso-



seffores Indiæ populi *Moti* dicunt, vel *Motu*: Occidentales, five orbis novi indigenæ *Thenoras*, vel *Corissias*, aliisque nominibus pro Idiomatis diversitate: Arabes, & Persæ uno nomine [1] *Lulu* appellant: Lusitani, quibus uberrimus quæstus pronam hanc ad luxum materiam primùm venundare, *Aliofar* nuncupant; communi ipsis nomine, cum sinus Persici portus, qui Arabicè *Julfar* dicitur, unde Margaritarum fama eis primò innotuit. Receptum hoc etiam per totam Hispaniam vocabulum, sed *Perla* visitatius; nec solùm ibi, sed per totam ferè Europam ea vox nihil, aut leviter inflexa auditur; nos enim vulgò *Perla* nominamus, Galli *Perle*, *Pearbin* Germani, cæterique simili ferè consonantia.

Sequitur est hic Mercatus Garziam: *Aljofar* autem Lusitani corruerunt ab Arabico *الجوهير* *Algiohar*, quo Arabes generatim omnes gemmas appellant, & per antonomasiam margaritas. Siquidem Lusitani h in f mutare solent.

N O T Æ.

[1] Margaritæ Arabicè *لولو* *Lulu* appellantur.

DE MARGARITARUM ORIGINE,

Et natura.

C A P. X I I I.

**M**ARGARITAS describere tam vulgatum, tam celebre lapidis, seu gemmæ genus supervacaneum est; non tamen prætermittam omnibus gemmis molliores esse, multiplici constare cortice, orbiculatas esse, aut certè in orbem flecti, colore esse plerunque candido, aut candori proximo; variari denique pro concharum, quibus innascuntur varietate, ut deinceps dicetur. Illarum originem dicturo, operæ pretium est concharum originem ex Aristotele præmittere. Sexum ille in conchis (quo nomine omnia complectimur testacea) non distingui, nullamque eis esse Venerem augendæ soboli asserit, solas coire visas cochleas; dubitari tamen, an inde earum genitura; cæteras partim sponte consistere, partim aliqua ab ipsis emissâ facultate, cujus generis sunt purpuræ, buccina, pinna, mytuli, myæ, omnesque, quæ vel favum extruunt, vel sobolem adjungunt; nam etsi eorum excremento nullum insit semen; cum ab ipsis profectum sit, ex eo gigni potius, quàm ex alia quapiam re consentaneum est. [2] Quibus ortus omnino spontaneus est, sunt ostrea, conchæ, (quod nomen solis lavibus, & grandibus attribuit Aristoteles) ungues, chamæ, pectines, & aliæ id genus, quæ ex limo generantur diversæ pro limi differentia; Nam in cænoso, inquit, *ostrea*, in arenoso *conchæ*, *chamæ*, *ungues*, *pectines* oriuntur. Hanc eorum esse originem exemplo docet, quoniam navigiis putrescente fæce spumosa adnascuntur, aliisque locis omni prius materia vacuis, quoties deficiente humore factum est cœnum; ut apud Rhodum Insulam cum classis applicuisset, ficilia in mare tunc dejecta, cœnoque post obducta, ostreas inclusere. Quo ex loco ea Plinius [a] deprompsisse videtur, cum inquit: *Quæ siliceo tegmine operiuntur, ut ostrea, putrescente limo, aut spuma circa navigia diutius stante, defixosque palos, & lignum maximè proveniunt*. Totam verò originis seriem, quo nempe modo ex limo excitentur minutim profecutus est Aristoteles. *Quæ*, inquit, *vel sobolem nullam procreant, vel non favant, eorum omnium ortus spontaneus est*. Omnia verò, quæ hoc modo consistunt, aut in terra, aut in aqua cum putredine gigni visuntur, & imbre admissio. Cum enim dulce in principium constituendum secernit, quod superest talem accipit formam; nihil autem gignitur putrescens, sed concoctum: putredo verò, & putridum excrementum rei concoctæ est; nihil enim ex toto efficitur, quomodo, neque in iis, quæ ab arte conduntur: nam nisi ita esset, facere non requireretur. Sed quantum inutile est, id aut à natura, aut ab arte detrahitur. Generantur autem in terra, humoreque animalia, & plantæ, quoniam humor in terra, spiritus in humore, calor animalis in universo inest, itaut

Margaritarum descriptio.

Testaceorum generatio juxta Aristotelem.

[a] Lib. 9. cap. 51.



ita ut quodammodo plena sint animæ omnia. Quamobrem consistunt celeriter, cum calor ille comprehensus, sive exceptus est: comprehenditur autem, & humoribus corporeis incalescentibus efficitur, velut bulla spumosa, sed differentia nobilioris, ignobiliorisve generis constituendi in comprehensione, principii animalis est. Hujus autem rei causam, & loca habent, & corpus quod comprehenditur. In mari verò multum portionis terrenæ est; quocirca ex tali concretione natura testacei generis oritur, ita ut pars terrena circiter dure scat, cogaturque eodem modo, quo ossa, & cornua, (sunt enim illiquabilia igne) corpus intus contineatur, quod vitam obtinet. Subjungit autem genitale principium, ut maris, intra se, ut plantas continere, quodque animalium, in excernendo cibo efficit, id temporis diuturnitate, ex ambientis aeris calore perfici, & à spiritu animali occupatum, motum imponere; etenim ambiguum quoddam genus esse inter animalia, & plantas. Incrementum præterea; ut vermes accipere, brevi augeri, formarique partes corporis necessarias, quod linguæ vicem obeat; nonnullis etiam dentes, alvum omnibus, & excrementi angulum: sed exactiorem singularum partium enumerationem qui volet, ipsum consulat. Ex tam vario igitur concharum genere, solæ ferè margaritiferae, & veræ Unionum matres sunt ostrearum conchæ; præter illas, aliæ velut monstrosæ, parum fertiles, & ignobili Margaritarum partu sunt cochleæ; pentadactylæ, echinophoræ, melicimbales, misæ, pinnae. [3] Ostrearum margaritifera partum ex veteribus primùm petemus; ita traditum refert Plinius: Has ubi genitalis anni stimulaverit hora pandentes sese quadam oscitatione impleri roscido conceptu, gravidas postea eniti, partumque concharum esse Margaritas pro qualitate roris accepti: si purus influxerit, candorem conspici; si verò turbidus, & foetum sordescere: eundem pallere cœlo minante conceptum; ex eo quippe constare, cœlique eis majorem societatem esse, quam maris; inde nubilum colorem trahi, aut pro claritate matutina serenum. Si tempestivè fatientur grandescere, & partus. Si fulguret comprimi conchas, ac pro jejunii modo minui. Si verò & tonuerit pavidas, ac repente compressas, quæ vocant physmata efficere speciem modo inani inflatam sinè corpore; hos esse concharum abortus. Eadem planè Origenes Adamantius ex veteri aliquo gemmario transcripsit.

Margaritarum generatio juxta Plinium.

Origenes Commentariorum in Euang. Matthæi cap. 13.

Plinii opinio refellitur.

Gabriel Fallopius de Metallis seu foss. c. 7. & 8.

Enimvero hæc pariendi ratio nonnullis obscura, multis etiam non dissimilis fabulis videbitur, præsertim cum neque Plinius, aut Origenes ex certo auctore tradiderit, deinde illi, qui sua itineraria, navigationesque in Indiam paucis ab hinc annis edidit; cum de Unionibus multa, tale nihil observatum scribunt. Inventi præterea sunt marmorei, fusci intus, rufi, glauci, nigelli, qui roscidæ genituræ colores esse non possunt; transeo concharum diversa genera, quarum aliqua sub aquis immota rorem nunquam hausere. Potuit etiam familiaris Unionum candor, nitorque eximius eis, qui latentem causam erueri nequirent, hanc commentandi ansam præbuisse, confirmasse autem admirandam in multis conchis captandi aërem, & cœlo fruendi voluptatem. Quæ omnia impulerunt, ut aliis rimandis unionum elementis, me etiam occupaverim; non quidem hujusmodi, quæ naturæ miraculis involuta, non minores tenebras objiciant: neque, ut illi, qui ea, quæ usu non callent suo ingenio assequi posse sibi persuasere; quo nuper effecere, Uniones esse lapides, quales in limacibus, vel aliis innascuntur animalibus. Sed ut omnium concharum originem plurimùm inter se convenire diximus; ita Unionum materiam, atque originem cum universo concharum genere commune quid habere videri voluimus. Itaque in his est rationis plurimum, & quod mirum, à veterum auctoritate, Indicisque relationibus non dissident. Prius quidem eorum, qui Uniones in conchis, ut in cæteris animalibus lapides, concreescere opinantur, opinio evertenda est. Ajunt illi constituta materia (quam esse dicunt, cum nostri maris ostrea atque etiam Britannica saxi plerunque adhærescant, succum purum ex eis extractum) externa partium accessione Uniones fieri quomodo non in animalibus solum, sed omnes etiam opaci lapides concreescunt. Quæ ita



## *Lapides Animalibus innati.* 191

ita non esse demonſtrant Uniones, qui non mediam in conchis carnem occupant, ſed è ſummitate protuberant, ut externum additamentum ambire non poſſit; & cùm plures una in conchæ parte conſpiciantur, ſinguliſque diſtincta ſit rotunditas, & multiplici cruſta conſtent, velut cæpa, etiam minuti quique, & qui mutuò cohærent; facile videmus nullo pacto externam incrementi acceſſionem hîc locum habere, niſi unam, informemque molem efficiat. Quin materia, quam ſtatuunt, nihilo magis convenit; non enim omnes ubique oſtreæ ſaxis adhærent, vel in petroſis earum eſt piſcatio; deinde toto corpore ſeſſili conchæ linguam extra teſtam non exerunt, ut ſaxa attingant, neque ita eis affiguntur, ut patellæ, quibus unum eſt tantum teſtaceum operimentum, quo in dorſum ſupinato, ſaxa ex altera parte ſe muniunt: ut verò hæc ita ſe habeant, unde imbecillis tanta erit viſ attrahendi? quæ labra illis, quem ſpiritum effingemus, ut è duriffimis ſaxis humorem exugant? non hoc erit à pumice aquam petere? Sed totum hoc ab ipſis peccatum video, quòd noſtras tantùm oſtreas noſſent, & quæ de Indicis auctores tradidere, cùm ad rectam rationem ipſi deducere non poſſent, præter fidem dicta exiſtimarunt: Non debebant tamen, nuda ingenii inventa diſſeminare. Sciendum igitur ante omnia non ubicunque, nec uno in loco omnes, neque totius anni ſpatio margaritiferas eſſe, nec ejuſdem proventus oſtreas. Fertiliffimæ in orientali Oceano, quo amplius triginta continentur Margaritis famoſi tractus. Æmulatur orbis novus, non piſcationum varietate, ſed earundem penè inexhauſta fœcunditate; cedit tamen, & Unionum, ſimulque concharum mole vincunt orientales. Longo intervallo, ſive copiam, ſeu Unionum laudem conferas, ſequuntur Britannicæ, cæteræque ſeptemtrionales, poſt has Mauruſiæ, & Sardoæ. Quid obſit, quòd non ubivis Margaritas ferant oſtreæ, non eſt in promptu certa ratio. Cardanus in Galliis, & Hiſpaniis ob calorem fieri negat; quo dicto riſum puto

Margaritæ non  
ubique, nec omni  
tempore naſcuntur.

Cardani opinio re-  
jicitur.

captare libuit; anne friget India? nonne ſub æquinoctiali Taprobana? Nullo profeſſò Unionum proventus meliùs, quàm concharum magnitudine metiri poſſumus, ut videre eſt in Britannicis, noſtrique maris conchis; & quas cæteris magis vegetas judicamus, Margaritas rarò etiam includunt. Cur oſtreæ inæquali ſint magnitudine totam cauſam Ariſtoteles in loci diverſitatem conjicit: *Ut enim locis*, inquit, *nonnullis gigni omnino aliqua nequeunt; ſic aliis generantur quidem, ſed pauciora, & vita brevior, nec proſpera*; & in eodem capite, in rubro mari teſtacea omnia mira quadam magnitudine augeri dicit. Sunt enim inter eas oſtreæ, quas potulentas idem alibi vocat, quæ ut in lacubus gigni nequeunt, quòd frigidi ſint; ita neque in locis aquarum dulcium adventu carentibus, cùm teporem, & alimentum unà quærant, proveniantque lætiùs ubi plurimi influunt amnes, ſtagnis que marinis: Sed in omnibus peculiare quiddam appetunt, quòd naſtæ dulcibus carere aquis ſe facile patiuntur. Illud deſiderari plerique in mediterraneo mari locis aperta ſunt indicia; quoniam prope celeberrimos etiam amnes oſtreæ minores, ibi plerumque Britannicis ſunt.

In Ponto, teſte Ariſtotele, nulla reperiuntur teſtacea, niſi alicubi pauca. Adeſſe verò idem circa Grynium, & Myrinam, ubi oſtreæ, dicente Plinio, petroſis, omni que dolci humore deſtitutis locis gignuntur, perſpicuum eſt. Utrunque ſi naſtæ fuerint ſub mitiori cœlo, ſideris ratione grandefcent plurimùm; cujus evidens argumentum in India, ubi æquinoctiali circulo propinquioreſ notabili magnitudine excedunt, ut Arabicæ minores Indicis; maximæ ſunt ultra Burneum inſulam. Gaudent etiam in frigida regione litoribus ortui oppoſitis, vel quæ ſaltim ad ortum patent, eademque ratio videtur, quare ſub eodem cœli parallelo non infrequenter Occidentales Orientalibus paulo minores inveniantur. Magnæ ergo Indicæ totiuſque Orientalis Oceani, & in novo orbe oſtrearum conchæ. Margaritarum numerum pro magnitudine pendunt; Britannicæ, aliæque pauciſſimæ multo minores rarò capientem exhilarant. Minutis cæteris nulla præter ipſas præda eſt. Ad Margaritarum originem redeamus. Nos Ariſtotelem ſecuti, oſtreis, & conchis omnibus, quæ

Ariſtoteles de partu  
animalium lib. 4. c. 5.

binis



*Idem de hist. animal.  
lib. 3. cap. 30. & de  
gener. lib. 3. c. ultimo.*

*Mercati opinio de  
Margaritarum gene-  
ratione.*

*Plinius lib. 9. c. 35.  
Origenes ibidem.  
Aristot. de partu ani-  
mal. lib. 4. cap. 5. & de  
gen. lib. 3. cap. 11.*

*Concharum victus.*

*Idem de hist. animal.  
lib. 8. cap. 2.*

*Aristotel. eod. loco.*

*Aristotel. de histor.  
animal. lib. 6. cap. 13.*

binis clauduntur testis, in sinistro latere excrementi ostium inesse dicimus, latere autem dextro, ea quæ vocantur ova contineri: non quod talia sint, vel ad propagandum genus conferant, (nam originem jam descripsimus) sed ovorum similitudine sic dicta, nihil aliud revera sunt, quàm vitæ prosperæ, & melioris nutritionis signa, quibus respondet in sanguineis pingue. Ova hæc in Margaritis evadere, ut putemus, inducimur; quòd cum ostreæ Indicæ ova illa habeant, & quidem corporis proportionem nostris multo grandiora, atque frequentiora; nulla tamen præter Margaritas esse perhibentur; deinde, quòd ea conchæ pars Margaritis stipatur, quam egerendis ovis à natura addictam voluit Aristoteles, extra intestinum scilicet. Tum quòd, quæ inter Indicas vitæ, & veluti morbo exesæ putantur; nullas, aut sane perpaucas Margaritas continent: vivaces, & valetudine integra fertiles sunt; convenitque, quam diximus ovorum in testaceis, & pinguedinis in sanguineis comparatio.

Quadrant hinc etiam optimè proni, quos veteres tradunt, concharum abortus, & eadem certè traditur ab Aristotele ovorum pro temporum varietate mutatio. Nec displicet Unionum sub aquis mollities, quam dicit Plinius, astipulantibus eis, qui suas Indicas navigationes literis tradidere; quanvis ab illis hætenus laceffita sit, qui nisi hac sublata, suas efficere Uniones potuerunt.

Ovorum igitur, & Unionum materiam ex potiori alimenti parte, quam pinguedini sanguinea applicant, derivamus. Sed ut candoris, nitorisque tanti causam assequamur, tota ostrearum victus ratio examinanda est. Tenui satiss, atque humido magis victitant, quia cæteris ostracodermis molliori sunt corpore, & quasi earum cibus sectione non egeat, in ore tantum habent, quod linguæ usum præstet. Talem vivendi modum eis descripsit Aristoteles: *Eorum, quæ testa operiuntur, nonnulla, inquit, immota aluntur humore dulci, & potulento, qui per spissam transmittitur, cum tenuior ipse mari concocto eliciatur, quemadmodum, & primo ortu naturæ instituuntur*: Quæ posteriora verba haud dubiè ostreas innuunt, convenitque id, quod de potulentis alibi ab ipso dici meminimus. In hoc humore id, quod in litoribus peculiare ab ostreis tantopere sectari diximus, contineri verisimile est; nam cum mari concocto attrahatur, pro loci diversitate, oppositaque terra, mistura aliqua accedit, conditurque litorum quodam sapore, quem appetunt ostreæ alumnum, & gratum; insipido verò, & inutili vigor, & incrementum prohibetur. Qualiscunque tamen sit, purus, & limpidus est, eoque candor, & nitor Unionum constat: eundem copiosorem, & tenuiorem, sub ferventiori fidere propter concoctionem exprimi probabile est. Quare cum inopia hac laborent Britannicæ, succedunt amnium aquæ, & maris spuma, quæ nitorem imminuunt. Spumis eas etiam vesci cum de purpuris loquitur Aristoteles explicat; nam præter crassiores escas, iis etiam allici dicit, quæ mari pululant. Pascuntur hac etiam Indicæ, & quæ copiosorem humorem illum habent, vel quia plus exigit corporis magnitudo, sive quòd oblati gaudeant. Hinc fit, Uniones quibusdam in locis clariores esse, & præcipuè in Persico sinu, etiam una in concha: omnium non idem est nitor, atque candor; sed apertius hæc in discoloribus cognoscimus. In novo orbe repertæ sunt ostreæ, quæ Uniones aurato colore gerunt, quo in loco croceo colore terra similem alluentem spumam efficit, ipsumque humorem imbuunt. In nigrescentibus quoque id inventum est. Circa Bosphorum Thracium in myis rufæ sunt margaritæ, quòd in algosis pascantur locis. Defertur enim, inquit Aristoteles, ex Pontum in Hellespontum purgamentum quoddam illius maris, quod algæ nomine Phycos appellant, colore pallidum: florem algæ id esse alii volunt, atque ex eo fucariam algam provenire. Fit hoc æstatis initio, eoque tum ostreæ, tum etiam pisciculi ejus loci aluntur. Purpuram quoque suam florem hinc trahere nonnulli existimant: Hæc Aristoteles. Simile quid alimenti habere ostreas in Chryse vulgò Japan, quæ rubentes Uniones procreat existimandum est. Neque mirum marmoreas in pinnis gigni, quæ pisciculis, & quod ori incidit vescuntur. Inventa modò Unionum materia, reliquum est ovorum formam addere,



## *Lapides Animalibus innati.*      193

dere, & modum, quo concrefcunt, paucis explicare. Humorem illum, & quodcunque nutrimenti loco, affumunt, ut cibum cætera animalia, concoquunt; quod inde natura rejicit, eo fefe exonerant; reliquum quod vitæ impertit fi affluit, tum vigent, vigorifque indicia funt ea, quæ vocamus ova; quæ aperto meatu prodire negat Ariftoteles, fed carni ad dexteram conchæ partem intumefcere. Huc faciunt illa Plinii, qui callos, & corporis nucleos non improprie Uniones exiftimari poffe dicit. Porro materia ea deftinata è corporis luxuria ebullit, inflaturque, & in orbem exurgit, quantum fert tunc parata copia; cui alterum fuffulcit proxima rurfum materia, & tantisper ingeruntur alii, dum orbibus pro magnitudine expleantur; ocyùs minuti, ferius grandiores; hi nanque pluribus egent, illi paucioribus. Hanc augmentandi rationem optimè ille noverit, qui Unionum officinas, manusque artificum non expertum viderit, in quo incrementi ingeffi tenuem aditum leviter protuberante, vel fubfidente, noviffimè admiſſa materia, animadvertet. Hac artifices Uniones forant aditum natura præmonſtrante, unde perſuaſum, & magnis viris creditum pertuſos plerunque naſci: cujus fidem auxerat, quod prope nativa littora in primis officinis omnes ferè ſemper, auctore Garcia ab Horto, perforantur, præter minutos, qui rudiori arte officinis cedunt. Hujus opinionis fuiſſe videtur Serapion, qui plurima medicamenta ex Margaritis non perforatis præſcribit. Illius tamen ego locum aliter quàm vulgò accipio; nam Arabem Margaritas omnes non perforatas gigni, præterire non potuit; ſed in ſuis pharmacis, nè fruſtra jacturam pretii quis faciat, hanc cautionem adhibere maluit cùm minutis eadem fit materia, & eorum viliores ſint non perforati ceu ornatui adhuc inutilis. Eis idem etiam conſuluit cùm Margaritis ſubſtitui poſſe teſtarum partem intimam, quæ eodem, quo conchæ vivunt nutrimento aucta, Margaritarum venuſtatem imitatur. Unione, ſive ova recenter edita varii caſus, mutationeſque excipiunt. Illæſa, & integra Unionum forma eſt orbiculata, rara tamen, quæ vitiis non defluerit; minutiffimi ſecuriores ſunt. Accidit & eos nonnunquam in magna conchæ feracitate continuè editos, teneroſque, & adhuc glutinoſos ſpectabili numero coaleſcere, & aſſervari, velut ova piſcium in æquali magnitudine, & rotunditate læſa, cùm mutuò premantur, & in teſtam recedentes ei adhæreſcant. Eſt mihi una inter alias talis congeries, in qua ampliùs ducentis numerantur Margaritarum diſtinctæ formæ. Siquidem minutarum ubique longè major eſt copia; quippe ex quocunque levi corporis tumore facilè expullulant. Cæterùm quo copioſius ſimul collecta materia exuberat, tantò majores exiguntur orbes, & ampliore pro magnitudine intus cavo, tardiùs ſaturantur, pluribuſque interpoſitis periculis nè videntur. Rariores quoque iſti ſunt, non ſolùm, quòd plus inſumant materiæ, ſed quia grandiorum concharum ſunt partus tantùm cùm vigent. Cùm verò temporis gravitatem conchæ ferre nequeant, æſtuque, ac frigore præſertim in mari laborent exanguia, cum triſtitia cibum minùs appetunt, ut opima quæque jejunio macerantur, ita ova minuuntur, vel abolentur. Vigere præcipuè æſtate ſcribit Ariftoteles, quod de temperatis, ut in Europa locis intelligit; nam paulo ante, vere, & autumnò dixerat. In India hieme mitiori, nocet magis diurnus æſtate calor, quem aſſuefactæ faciliùs ferunt robuſtiori corpore, & vivaciori. Britannicas frigus infeſtat maximè. In Mediterraneo mari parvæ, & languidæ ubique ferè oſtreæ ova perpauca, & exigua continent, quæ levi temporum mutatione attrahunt, abolentque; faciunt id etiam Britannicæ, niſi æſtatis initio, quæ maturæ ediderint (quod earum maximis, & vegetioribus tantùm contingit) ita ſpiſſentur, ut ingruente hieme, cùm ova attrahunt, non cedant, niſi fortè intimi orbes, quod recentiores ſint, unde omnis Margaritarum vitiata rotunditas, & diverſæ formæ. Indicæ in tanta fertilitate, quoties ſiniſtri quid intercudit, vel æſtus gravior, vel crebrioribus agitantur procellis, nuperrimè nata ova, inceptaque conſumunt; grandioribus orbes medios, qui teneri faciliùs fluunt, eximunt; prout eas vel urget neceſſitas, vel attrahi poſſunt. His orbes flavescunt, & maturata conco-

Mercati opinio de Margaritarum generatione.

Idem de hiſtoria animal. lib. 4. cap. 4.

Albertus Magnus;  
Georgius Piſtorius.  
Alexander Vercellensis in ſuo appollino.  
Garcias ab Horto de Arom. hiſt. lib. 1. c. 57.

Idem de ſimp. ex min. cap. 397.  
Margaritarum forma quibus lædatur.

Quid Margaritarum generationi officiat.

Ariftoteles de par. animal. lib. 4. cap. 5.



*Aristoteles de part.  
animal. lib. 2. cap. 4.  
& lib. 4. cap. 5.*

etione rotunditatem amittunt, fiuntque si æqualiter integri orbes eximantur, Uniones proceri, aut plani; si verò orbibus tenacioribus non integri, sed meatui proximæ partes (quod frequentissimum) attrahantur, fastigiata longitudine alabastrorum figura in pleniorē orbem desinunt. In omnibus plus minùsve attractum deformitatem parit. Fit quoque, quæ summa Unionum hodie laus est, ut laxiùs cùm oriuntur ingestis orbibus totus undique, cùm concresecunt, æquali modo subsideat in rotunditate tumor. Præcipuos abortus fieri cùm terrentur certum est; nam exanguia sanguineis (ut ait Aristoteles) timidiora sunt, ideoque mota cessare, nonnulla pavidæ colores immutare, alia sese effundere dicit. Fragore igitur cœlique ruina concussæ conchæ, & cùm capiuntur, pavidæ, maximè si qua tunc habent ova minus coacta, qualia parva nonnulla recenter edita, & incæptos grandiores orbes fundent; qui si fundi non poterunt, erunt ea, quæ dicuntur phylemata, imperfectæ, & inanes Unionum species. Plures huiusmodi fusiones apud me servo, in quibus aliqua residua Margaritarum figuræ. Ex ovis omnes concresecunt, & durantur Uniones calore, nec sinè frigore perficiuntur; materiam calor densat, & superfluum humorem consumit; sed cùm calor ille humidus sit, lentor omnino residere non potest nisi refrigeratus; calore enim humido tum excedente, plenè durefcunt. Frigescunt autem ostreæ anni tempore, & cùm captantur maxime; destitutas enim tum maris calore conchas, cum pavore frigus invadit; quo modo sub aquis priùs molles Uniones exempti protinus durefcunt. Sub frigido cœlo, cùm non rectè ova concoqui possint, vel priùs levi temporum mutatione absumantur, prodeantque tantum pleniluniis, rarò durantur in Margaritas, & in eis solùm ostreis, quæ donec aptè concoquantur, ea continent, nec aliàs fusa, ut Indicarum abortus concresecunt. Quare autem non in omni concharum genere ova qualiacunque sunt, sub tepidiore cœli plaga, ut in pinnis, nonnunquam durentur; in causa est carnulenta (ut ita dicam) substantia, ut in purpuris, buccinis, urticis; in aliis concoctioni non conveniunt testæ patulæ, tenues, laxiores. Adjuvat concoctionem quoque concharum magnitudo. Indiæ verò calor in quibusdam tenuioris, & laxioris testæ conchyliis id supplet, quod siliceo operimento sub duriori cœlo maximè quoque in Britannico mari vix assequuntur: quo fit, ut aliqua Indiæ cochleæ, & melicymbales, ut illic ostreæ nonnunquam Margaritas ferant. Huc usque communem Margaritarum ortum, naturamque persequuti sumus, deinceps quas differentias locorum varietas affert recensēbimus.

## N O T Æ.

[a] *De anima brutorum.*  
[b] *De Cochleis.*  
[c] *In Epist.*

[d] *In Prodomo de solido intra solidum.*

[2] Generatio ex putri sat est confutata à recentioribus: quorum observatione ovula etiam in testaceis comperta sunt, ac præsertim in ostreis. Consule Villium [a], Listerum [b], Illustrissimum Abbatem Felicem Marfilium [c].

[3] Quoad Margaritarum generationem attinet, post Anselmum Boetium, omnes ferè ex liquore testaceo eas compingi fatentur; sed qua ratione id fiat, nemo hæcenus satis dilucidè, quod sciamus, explicasse videtur. Earum enim substantia eadem pæne est, quæ testarum conchyliorum, à quibus gignuntur. Constant siquidem ex lamellis in orbem obvolutis: quæ lamellæ ex fibris pariter in gyrum ductis contextuntur, ut Steno [d] observavit. Hinc Augustinus Scilla, Margaritas nihil aliud esse suspicatur, quàm ipsorum conchyliorum foetus, æquè ac umbilicos marinos cochlearum: quæ opinio non videtur contemnenda. Alii autem cum Boetio existimant eas concrefcere ex materia testacea per morbum eructata. Verùm ut nostram quoque super hac re sententiam exponamus, pauca de ipsarum testarum generatione dicemus. Animalcula omnia testacea innumeris tubulis prædita sunt, quorum orificia, quæ peculiarem veluti glandulam constituunt, in extimam ipsorum superficiem hiscunt, ac humorem quandam viscosum, ac glutinosum extillant, qui ob visciditatem paulatim effusus continua partium cohæsione in fila diducitur, quibus ipsæ testæ compinguntur. Quò autem animalia hæc copiosius alimentum suscipiunt, eò maiorem huiusmodi liquoris quantitatem gignunt: contra autem ex nimia cibi parsimonia, exucca ferè evadunt.

Hac itaque ratione ex liquore isto testaceo Margaritas in conchis progigni verisimile est: Hic enim continuo fluxu vasculorum tubulos oblini, ac paulatim eorum lateribus adhærescens conciescit, eosque reddit angustiores, ac denique penitus occludit, ut evenit in conchis ætate provectis: in quibus etiam succus hic, viscosior ac tenacior probabiliter evadit, sed purior ac pellucidior, ac lacteo-butyrosus partibus, quàm terrestribus copiosior, dummodo valeant, ac vigeant conchæ copiosoque alimento nutrantur: non enim ab externo aere, ut ipsæ testæ labefactari potest, atque corporum heterogeneorum admistione inquinari.

Quo fit, ut ætatis progressu humor hic testaceus, nequeat ampliùs ob interclusa tubulorum externa orificia ad superficiem, atque exinde ad testam effundi, nec per plures meatus derivari, ac divi-



dividi, sed ad interiores partes necessariò refluit, motuque tardiori, quàm antea solebat circumfertur, partim ob tenacitatem, partim ob præpedita, atque intercepta itinera. Igitur magna copia, quâ vascula mutua anastomosi junguntur, confluit, atque ex pluribus ostiolis illuc hiscentibus manans in fila explicatur, quæ circumpositarum solidarum partium objectu cohibita paulatim in se ducuntur atque obvolvuntur in orbiculos ex pluribus lamellis compactos. Ideo Uniones ut plurimum in parte carnea reperiuntur, rarò autem in testa; interdum verò partim carni immerguntur, partim foràs extant.

Hinc etiam patet ratio, cur non ubique locorum Margaritæ in conchis reperiuntur: Etenim non ubique aptum copiosumque alimentum inveniunt, quo succum hunc margaritiferum gignant: Quapropter quò majores sunt atque habitiores, eò majores ac plures Uniones producunt, ut Mercatus noster observat. Juniores autem conchæ nullas progignunt Margaritas, quòd omnem liquorem in testæ augmentum insumant.

## DE UNIONIBUS ORIENTALIBUS,

### Et Concharum captura.

#### C A P. XIV.

**P** RIMA Indiæ in hac laude palma à veteribus attributa est. Ejus ostrea pedalia esse ab Alexandri rerum auctoribus proditum tradit Plinius, & à Nepotius cujusdam nomenclatore, tridacna appellata, tantæ magnitudinis intelligi cupiente, ut ter mordenda essent. Citra magnitudinem non parva à nostris ostreis est diversitas formæ. Testarum scabrities nigro, aut fusco obducitur colore, intus candidus, qualis Margaritis nitor, ad marginem virescit saepe; in capite crassiores, & magis concavæ testæ compinguntur binis angulis, altero intus reflexo, altero prominente; circa marginem, tenuiores nostratum ostrearum labris carent, ut acutè desinant: undè lepidus ille Plinii jocus extat, qui has cum manum vident comprimere sese dicit, & operire opes suas, gnaras propter illas se peti; manumque si præveniat acie sua abscindere, nulla justiore pœna, & aliis munitas suppliciis. Is etiam earum originem, atque genituram, haud multum ostrearum conchis differentem dicit argutè; quòd formam videret ambiguam, inter nostri maris ostreas, quæ in cœnosis, & eas, quas distinctè conchas in arenosis gigni tradit Aristoteles. Testarum nanque rotunditas, & cavitas inter utrumque hoc genus media est: scabrities, & superior crassities sola ostrearum; marginis tenuitas concharum; cumque tota figura ostreis proxima sit, limi ex quo oriuntur illæ differentiam aliquam, alio cœli, marisque ingenio suspicatus est. Vocantur ab Indis *Chanquo*, ut refert Garcias; *Brasavolus*, *Berberion*, vel *Berberi* dici scribit; sed hæc linguarum forsitan varietas, vel absoletum nomen posterius; nam Athenæo *βέρβερι* margaritifera ostrearum testa est. Tibullo conchæ Erythrææ, Propertio Erycinæ dicuntur; quæ poetarum potius licentia est: Communis usus simpliciter margaritiferas conchas, vel quod exprimunt singula Europæ idiomata matres Unionum, vel matrices nominant. Spoliatis Unionibus ipsas venalem esse mercem invenit luxuria, eisque in suo orbe pretium statuit. Devehuntur Gangen urbem ad ostium Gangis fluvii, quam Bengalam vocant, ubi abrafa superiori scabritie testas subtus candidas expoliunt, quibus mensas adornant, & ad cistulas, & sphaerulas precarias concinnant. Alterum conchylia genus ad hoc reducit Garcias, quòd eis quas propriè conchas appellamus, quàm ostreis similis est, candidum, læve, & magis concavum, poculi enim usum præbent majora naturæ industria contentis; minora cochlearibus aptiora sunt. Deportatur, & illud Gangen, & maxima illius ex parte armillæ, similisque usus alia contexuntur: fuit nanque olim illic consuetudo, quæ nunc desit, ut nobiliorum virginum honestatem, non prius delibaret maritus, quàm hæc essent in brachiis armillarum ornamenta. Appellant hoc incolæ *Cheripo*: inventu rarum est, & minoris foeturæ; sed utrumque certiore, & nobiliore partu compensat.

Quanta in toto hoc Orientali Oceano ostrearum foecunditas, tanta in sin-

Plinius lib. 32. c. 6.

Ostrea tridacna.

Concharum & ostrearum discrimen.

Ostrearum varia nomina.

Garcias ab Horto lib. 1. cap. 5.

Bras. in exam. lapid.

Athenæus lib. 3.

Tibullus lib. 3. eleg. 3.

Propert. 1. 3. eleg. 11.

Testarum usus.



*Bras. in exam. lapid.*  
*Americus Vesputius*  
*de sua navigatione.*

*Plinius lib. 9. c. 35.*  
Locus Plinii pravè  
expositus à nonnul-  
lis.

*Gonzalus Ferdinan-*  
*dus de Oviedo.*  
*Plinius lib. 9. c. 35.*

*Aristoteles de hist.*  
*animal. lib. 1. cap. 1.*  
*Idem de partu ani-*  
*mal. lib. 4. cap. 5.*

*Plinius ubi supra.*  
Margaritæ à ma-  
rinis canibus comi-  
tantur.

*Georgius Cedrenus.*

Incredibilis historia  
de cane marino.

*Plinius lib. 9. c. 35.*  
Concharum captu-  
ra.

*Miedes de sale.*

*Origenes ubi supra.*

*Gonzalus Ferdinan-*  
*dus de Oviedo lib. 19.*  
*cap. 10.*

gulis ostreis Unionum feracitas centum & triginta uniones unius matricis par-  
tum à Lusitanis audisse prodit Brasavolus, & quæ totidem concluderunt ha-  
buisse concham scribit Americus Vesputius; non quòd aliquis præscriptus sit  
numerus, sed magnitudinem, & vigorem æquant. Plures una in concha re-  
periri nemini dubium reliquit Plinius; nullum tamen numerum expressit;  
quanvis aliqui immeritò accusent, dicantque ab ipso proditum, quatuor,  
vel quinque tantum uni ingenerari conchæ: verum nã illi intelligendo nihil  
intelligunt. Dicit se quaternos, quinosque concharum margini insidere vi-  
disse extra carnem, nec plures eodem loco posse negat, cum ingenuè, quod  
viderat fateatur: tantum abest, ut totidem tota concha tantum contineri di-  
cat. Verba hæc sunt: *Vidimus jam extremis etiam marginibus velut è concha*  
*exeuntes, & in quibusdam quaternos, quinosque.* Scire debuerant quid  
esset quaternos, quinosque exire; sed multis ad notas inurendas, & convi-  
tia promptius ingenium est. Recentiores auctores sunt, minutas in India ama-  
re littora, ut firmato nondum corpore majores ostreas paulum recedere; in  
altum tendere maximas, &, ut ait Plinius, inter scopulos earum majorem  
partem inveniri: moveri igitur, & natare; quod robustiori, & vivaciori  
corpore ostreis concedendum est. Nam & nostras parvo, debiliq; corpore  
ostreas à faxis absolvi posse tradit Aristoteles, sed non moveri. Et alibi; mo-  
biliore efficere echinos naturam caloris.

Miror magis quòd à Plinio notatum est, in alto conchas comitari marinis  
canibus, & ut aliqui dicunt in eorum hospitari latibulis, quasi etiam illi  
hominum avaritiam odio habeant, & libenter prædæ conchas subducant. Nec  
solum illi foecundius istud concharum genus sequuntur; sed quotiescunque in-  
opinatò viliori testæ laudabile quid innascitur; quo patet Unionum pulchritu-  
dine canes illos etiam capi. De his lepida invenitur historia, sed tragico exi-  
tu, ut sciant homines, quibus divina mens infusa est, qua invidia laborent,  
cum quo belluarum genere communis hæc sit æmulatio, & quàm infamis ambi-  
tio, eis competitoribus.

Ferebatur per sinus Persici littus, invisæ magnitudinis, summique de-  
coris, & ut evidentius naturæ miraculum agnoscamus, tantus Unio in pecti-  
nis concha, quam Zambacem vocant Arabes, nec ille erat unquam sinè co-  
mite: adhærebat lateri canis quidam marinus, & quocunque undæ pectinem  
impellebant, eò Zelotypia quædam canem debacchantem instigabat. Animad-  
vertit prodigium piscator, & ingeniosè excogitata machina Unionem interci-  
pere parat. Non successit homini fraus: admota machina pectinem canis in  
profundum abripuit. Abjecta igitur capiendi spe, Persarum Regem adit, ex-  
ponit singula, fidem narranti Rex adhibet, arridetque ipsi præda, socios per-  
iculi adhibet, hortatur. Cum ad mare ventum esset, per dies aliquot præ-  
stolatis contigit canem aliquantulum secedere. Id tempus ratus piscator, re-  
pentè adnatavit, & cum pectine Unionem arripuit, enatansque extensa manu  
fociis Unionem porrexit; supervenit rivalis canis, & præsentì ultione egre-  
dientem raptorem morte mulctavit. Placuit Regi allatus Unio singulari nitore,  
tum hominis anima quæsito pretiosior; & in paternæ mortis solatium piscatoris  
familiam ditavit. Eundem Unionem ut redimeret, Justinianus Imperator C.  
auri libras Persis misit ipsis recusantibus.

Concharum capturam his verbis tractat Plinius: *Quidam, inquit, tra-*  
*dunt, sicut apibus, ita concharum examinibus, singulas magnitudine, & ve-*  
*tustate præcipuas esse veluti duces, miræ ad cavendum solertiæ; has urinan-*  
*tium cura peti; illis captis faciliè cæteras palantes retibus includi. Multo de-*  
*inde obrutas sale in vasis fictilibus, erosa carne omni, nucleos quosdam cor-*  
*porum, hoc est, Uniones decidere in ima.* Similem capturam tradit Orige-  
nes, sed magnum littoris ambitum prius retibus cingi dicit, unumque ducto-  
rem agminis constituit, quo ab urinantibus capto, totum gregem, ceu loro  
victum subsequi scribit, atque in exitium ruere. Nostri auctores Indici hæc  
examina ostrearum, nec ab ipsis, neque ab incolis visa unquam affirmant. Haud  
dubiè



## *Lapides Animalibus innati.* 197

dubiè factum; intermittent ea nunc consultò fortassis tanta accepta clade, agmine toties rupto, & capto; neque ducum industriæ committent se, quæ nihil profit, summa navibus ubique occupante ingeniosa, & exercitata hominum avaritia; quæ nunc imo mari latentes etiam in fundum persequi, totamque naturæ controversiam confundens, sub aquis homines vitam degere inter marina monstra docet.

Novum hoc igitur piscandi genus, & ubique usitatum tale est. Sunt qui piscatu victitant, vehuntur illi in mare cymbis; locum commodum nacti, saxum alligato fune, è prora puppique jaciunt, quo anchoræ vice cymbam fundant; lapidem deinde restim ducentem in eam partem librant, qua prædam sperant; Adnatat unus binis manticis, altera ante pectus, à tergo altera propendente. Nè verò urinantem fluctus impediunt, lapis pedes gravat, quo in fundum delatus conchas legit; lectas manticæ indit; mox onustus pedum relicto pondere donec evadat recte se regit. Saliendi captas morem hodie non observari intelligo. Garcias ab Horto in littus delatas aëri exponi tradit, eo tandem sese diducere, & manibus erui Margaritas. Ut verò paucas, minutasque juniores ferunt: ita concharum senectam incommoda habere repertum est; & qui carnem obducit squalor, Unionibus decus aufert. Crassescit enim, & obfuscat, primo ea, quæ carni pars insidet; deinde paulatim flavescit, & squallet; nec tuta superiori parte, eadem lues sensim circulis in summitatem prorepit; eosque nisi prius eripiantur, extra pretium locat. Utcunque tamen levis corruptio, magna pretii jactura est. Exemplo esse potest elenchi forma Unio, qui Venetiis Romam ad Antonium Foscum amplioris fortunæ Mercatorem Lusitanum nuper missus est, spectabili pondere scrupulos XLIII. æquante, hoc est ut ad ponduscula revocemus, quibus nostri utuntur gemmarii, caratos LXVIII. Illius tenuior à medio pars, quæ carni inhæserat, annis defloruerat; quæ tanti vilescibat, ut sano pretium decem millia aureorum ad trecentos deficeret. Alterum senectæ incommodum est, cum decrecente carne, margini proximi, in testam statuuntur, eique adhærent, nec avelli queunt, nisi lima. Quibus una tantum est facies, & ab ea rotunditas, averfis planities; quos ob id tympana nominatos fuisse scribit Plinius. Operæpretium non esse mihi persuadeo Cardanum hic refellere, qui Uniones concharum testis innasce putavit.

Omnes orientales Uniones Ormusinos nostri nominare consueverunt, ab Ormo in insula Geru, sinus Persici emporio, quod ejusdem nominis regni caput est, totamque Arabiam littoralem ab Euphratis fluvii ostio ad Corodamum Promontorium, vulgò *Capo di Rezalgate*, continet, nec non partem contra regni Persidis, quæ adjacet freto Bazoræ, atque insulas ferè omnes in ipso sinu. Habet Regem tributarium Lusitanis, confluuntque ab hoc omnes ex sinu Persico, & ex toto oriente gemmæ. Verum cum singulos, quos scire potuimus, Margaritis insignes tractus enumerare propositum sit; totum hoc mare breviter percurramus; & veluti navigantes, qui ex Oceano Æthiopico in Indiam tendunt; à Promontorio Bonæ spei, in Meridionali Africæ parte ordiemur. Ultra promontorium S. Sebastiani versùs Cefalam Africæ regionem adjacent littori insulæ, quas Uciqas vocant, quarum majores Margaritis sunt fertiles, si in pretio apud incolas essent, nam piscandi, vel captis ostreis eximendi Uniones, modum ignorabant; & nisi coctis rufos, & adustos igne Uniones detrahare tradit quidam Indicarum rerum recens scriptor. Præter has insulas sola nominatur in tam longo Africæ littore Cefala regio, cujus maritimæ oræ Margaritis non ignobiles sunt. Quod extra sinum Barbaricum est, mare Rubrum appellatur. Hujus duo maximè sunt sinus. Prius ad Arabicum venit, quem solum Sacræ litteræ mare rubrum vocant; & per quem Moses sicco pede Israelitarum in Palæstinam expedit copias. In eo Dalacia insula ad Africæ littus sita est, & Camaran Arabiæ propior, utraque celebris Margaritarum piscatu.

Transgressa Arabia in freto Bazoræ ad sinum Persicum portus est Julfar hac

*Ludovicus Patritius Romanus sui itinerarii lib. 3.*

*Modus quo hodie piscantur Margaritæ.*

*Andreas Corsalus epistola ad Julianum Medicem.*

*Odoardus Barbosa in sua navigatione.*

*Ludovicus Barthema in suo itinere.*

*Marcus Paulus Venetus.*

*Gonzalus Ferdinandus de Oviedo in navigationum suarum compendio.*

*Garcias ab Horto lib. 1. cap. 27.*

*Plinius lib. 9. c. 31.*

*Margaritarum decoloratio aliaque vitia unde.*

*Plinius eod. loco.*

*Margaritarum loca.*

*Garcias ab Horto lib. 1. cap. 57.*

*Odoardus Barbosa.*



Garcias *ibid.*



Ludovicus Barthema  
in suo itinere.

In Nicolai Comitiss  
itinere.

Andreas Corsali *ibid.*

Plinius lib. 9. cap. 35.  
& lib. 7. cap. 25.

hac fertilitate laudabilis ; Addit alium *Catissam* dictum Garcias ab Horto ; & in medio mari insulam *Gulfal* constituit , qui Petri Alvearez navigationem lingua Lusitana descripsit . In ipso sinu xii. millibus pass. à Persidis littore sese offert Ormus Metropolis , & gemmarum emporium , de qua supra . Nec ipsa piscatu caret trium dierum illinc itinere ; quique totus hinc sinus Margaritis abundat , atque omne ferè littus Persidis in luxum dives est . Fertilissima tamen ibi *Baharem* insula ab Arabia deserta , sex dierum navigatione ab Ormo



MATER VNIONVM DVPLEX CVM IPSIS VNIONIBVS

distans , in qua omnis Unionum laus est . Ex sinu Persico redeuntibus prima  
*Idem lib. 6. cap. 21.* occurrit , quæ à Plinio nominatur Toidis Insula ab Arbi flumine versùs Indiam  
*Idem lib. 9. c. 35. & 6.* sita , & quæstuosa Margaritis . Sequitur Bibaga inter Crocalen , & Torallibam  
ostreis ,



ostreis, & conchylis referta. Mox in hac laude Perimula transmissa Indo celeberrimum quondam Indiae emporium. Ab Indo rubrum mare nomen mutat, Indicumque vocatur etiam à meridie. Ultra Taprobanem ab oriente ad Scythiam, oceanus Eous, five orientalis dicitur; sed totum hodie extra sinus mare Indicum appellant. A Perimula ad urbem, quam aliqui Catiam, vulgò *Calecut*, nominant, mediam naviganti ponunt insulam sine nomine à continenti quatuor mill. pass. divisam, totidemque habitatam à piscatoribus, qui ostreas Margaritarum captant; ceterò desertam, quòd aqua sterilis areat, ad sacram famem adjiciente se corporis siti. Hujus incolæ in adverso littore irrum-  
pentis fluvii undas navibus excipiunt; redeuntibus occurrunt eorum armenta, navesque exhauriunt. Post *Calecut* ultimum Indiae promontorium ab occidente versùs meridiem est, *Camorin*; Inde parvo circuitu in Gangeticum sinum facto, quem & Argaricum vocant, vulgus *Golfo di Bengala*, primum littus occupat Cael Civitas, & ab ea altera Coromandel. In his omnibus exercitatur Margaritarum piscatio, communicatque oppositum littus Insulae Zeila. Ad *Comorin* inventos Uniones prædicat Garcias, qui viginti quinque caratos penderent. Mare ibi multis in locis decem, vel duodecim passuum altitudinis, quibusdam duorum tantum esse Marcus Venetus tradidit, laudatissimamque in continente Betalam, & ab ea ad lx. mil. pass. meridiem versùs piscari hoc modo: Conveniunt Mercatores, ineuntque societates, & junctis navibus, mercede adducunt expertos natatores; illi totos dies piscatu exercent, uno in scapha relicto, qui eam regat, ceteri eo, quo diximus, modo urinantur, enatantque sæpius, ut respirent. Periculum verò, quod à Balenis, & illius maris monstris pertimescerent, arcent venefici ex Braminorum genere, ut vocant; qui incantamentis torporem Belluis inducunt, innocuasque reddunt. Sed singulis diebus solvunt fascinum, quo nocturnos fures cohibent. Ex captura decima pars Regi, vigesima Braminis debetur, ac omnes Uniones grandes Rex sibi adferri vult, quos si placent, æquo pretio redimit. Incipit hæc piscatio Kalendis Aprilibus, duratque ad Idus Maji; quo exacto tempore dissipantur, & recedunt ad ccc. mill. pass. ubi ab initio Septembris, ad idus usque Octobris non minor præda est. Prope Cael totam piscationem diviti cuidam Mercatori, multis annis à Rege Coulam tum locatam, quidam recens in suæ navigationis compendio prodidit: Rex imperata pecunia quibuslibet liberè eam concedit, tantæque auctoritatis est, ut delinquentes, & fraudulentos suo jure plectat. Qui piscantur totius hebdomadæ capturam sibi sumunt, præter diei Veneris, quam illi, qui naviculariam exercet, pro naulo solvunt, & præfixi temporis hebdomadam ultimam Mercatori impendunt, & grandes Uniones omnes Regi cedunt. Piscatio juxta Zeilam Publicano à Rege Coulam constituto redimitur, adnavigant præcipuè ex Cael, eisque exacta pecunia permittitur, ea tamen, qua alii lege, ut grandiores Regi reservent. Non omittendum, hoc auctore, nostratibus in Zeila non majores esse ostreas, sed læviores, & cum majusculos Uniones ferant, crassitudine potius spectandas esse, quàm latitudine, omnesque in eis vigoris notas esse facillè existimari potest. Nulla alia in hoc sinu memorabili, ad Taprobanem veniamus, nunc Summatram dictam; quam alterum terrarum orbem esse, auctore Plinio, diù existimatum est Antichthonum appellatione; utque liqueret insulam esse, Alexandri Magni ætas, resque præstitere. Recentiores, qui hanc describunt, Margaritarum laudem omisere plures illi ultra in Orientali Oceano margaritiferas insulas, & de eis majora recensent. Prima Burneum est, quam Bonæ Fortunæ Insulam vocant; vasta, atque opulenta, & Unionum magnitudine clara. Hic inventum Unionem se vidisse dicit Garcias xl. caratos adæquatum. Augent hanc famam minores Insulae ad solis ortum remotæ, ultra Burneum, inter quas Zolo, & Tagimar nobiles; quòd ovis turturum pares Uniones producant. Ex his binas habere Regem Burnei, inaudita magnitudine gallinaceis ovis æquales, & in summo nitore non minùs lævi orbe, collocatosque in planitie æquabili volvi, neque posse subsistere à pluribus narratur.

Et quo

*In navigatione Vasci de Gama.*

*Garcias ubi supra.  
Odoardus Barboza.  
Andreas Corsalius.  
Thomas Lopez in sua navigatione.  
Ludovicus Barthema.  
Bononiensis in suo itinerrario.  
Garcias ibid.*

*Ex itineribus Marti Pauli Veneti.*

*Odoardus Barboza.*

*Plinius lib. 9. cap. 35.  
& lib. 6. cap. 22.*

*Antonius Pigafetta  
in suo itinerrario.*



Odoardus Barboza .  
Maximilianus Transylvan. epist. ad Cardinalem Salzburgensem .

Antonius Pigafetta  
ibid.  
Andreas Corsalius  
epistola ad Julianum Medicem .

In Compendio regionum Orientalium lingua Lusitana edito .  
Joannes Barros .  
Garcias ab Horto .  
Andreas Corsalius .  
Odoardus Barboza .  
Marcus Paulus Venetus in suis itineribus .

Andreas Corsalius  
ubi supra .

Marcus Paulus Ven.

In Nicolai Comitis itinere .  
Garcias ab Horto .  
Odoardus Barboza .

Seneca in Medea a. 2.  
sc. 3.

Et quo pacto Rex eos nactus sit, ut se illic rescivisse dicit; ita commemorat Antonius Pigafetta nobilis Eques. Duxerat Rex Burnei in uxorem illarum Insularum Regis filiam, à qua cum insperatò audisset patrem ejus tantos habere Uniones, eorum cupiditate quos nondum viderat, captus est, & more barbaro centum collectis navigiis, quæ *Parao* ibi vocant, quadam nocte focerum aggreditur, quem cum duobus filiis captivum in Burneum abducit; nec aliam pro redemptione eorum pactionem admisit, quàm Uniones cum utriusque Insulæ ditione. Maximilianus Transylvanus, qui Hispanorum navigationem in orbis circuitu anno *MDLXIX.* factam literis mandavit, ab eis captam ibi ostream tradit, cujus caro *XLVII.* lib. penderet. Ejusdem navigationis comes Antonius Pigafetta à Burneo septentrionem versus in insula Cimbudon cepisse alias scribit, quarum unius esset caro *XXV.* lib. pondo, alterius *XLIII.*; quæ quanti Uniones ipsis innasci possunt; testimonium perhibent. Tum quidem cum ibi essent, eas piscari altius, atque urinari annuus maris tumor non patiebatur. Ultra Zolo in orientem tendit Sarangi insula, quæ ut non lateret, Margaritæ effecerunt. Ad Taprobanem reversi, Indiæ orientale littus pervagabimur. Proxima est aurea Chersonesus, quam *Malaccam* dicunt, quæ aliàs feracissima, hanc etiam littorum luxuriam adjungit. Aliis interjectis regnis sequitur diviti littori Cochinchina, commendanturque objecta littori Ainan insula, & ultra eam, quod in continente littus Chenchii populi colunt. Succedunt in hac fertilitate Sinæ, China hodie nuncupatæ, & Catajo regiones. His, aliisque transgressis, in alto mari è regione Mangi, mille, & quingentis mill. pass. à littore recedit insula Japan à Paulo Veneto *Zipangri* dicta, olim Chryse, à Magno Chamo aliquando frustrà bello petita. Ejus Uniones rubent, quo tamen colore ita delectant, ut pares Uniones candore non vincant; neque pretio antistent. In hoc mari alias Insulas sinè nomine margaritiferas collocat Andreas Corsalius, parvas, ut opinor, ad Mangi littus. Est hîc omnis in Oriente Margaritarum proventus; omniumque hæc erit differentia: Clariores in Rubro mari sunt; in Indico, & Eoo Oceano magnitudine præcellunt; ab utroque degenerant à Sinarum regione septentrionem versus. Forantur præcipuè in Baldach, quæ nova est Babilon ad Euphratem. Præter Ormum Margaritarum mercatu insigne est emporium ultra Gangem *Marazia*; Addit etiam operosam ex conchyliis mercem Bengala; frequentatur, & Cael, aliaque celeberrima. Sed quis à toto terrarum orbe ita remotus angulus, in quo non sint venales Margaritæ? pretium ipsi fecimus, factumque damnamus; hæc humani generis conditio est. Nunc ad occidentales festinandum.

## DE UNIONIBUS OCCIDENTALIBUS.

C A P. XV.

**P**ARUM erat ista, quæ commemoravimus inter mortalium curas esse; plura capiebat insatiabilis animus. Pervenere igitur, quò neque Alexandri Magni fortuna, neque Romanorum audita sunt arma; agunturque jam quæ ventura poetico percitus œstro præfagivit Seneca.

annis  
Secula seris, quibus Oceanus  
Vincula rerum relaxet, & ingens  
Pateat Tellus, Typhisque novos  
Detegat orbes,  
Nec sit terris ultima Thule.

In hoc novo orbe ostrearum forma est, qualis orientalibus, & magnitudo ferè eadem; neque hîc de natura conchæ quicquam addendum est. Unionum numerus in singulis ostreis intrà quatuor, & extra decem quandoque continetur.



## *Lapides Animalibus innati.*      201

netur. Magnitudinem eorum suis locis dicemus, ad quæ non ex orientali oceano veniemus, in quo orientis ambitum modò reliquimus; sed eo ordine, quo inventa sunt, ad ea accedemus. Cùm secundò in orientem navigaret Christophorus Columbus, hujus orbis inventor, reperta Jamaica Insula, quam S. Jacobi vocant, C. mill. pass. divisa ab Hispanica insula, sive Fernandina; conspectæ ibi fuerunt primæ Margaritarum ostreæ ab eis, qui aquationis causa littus perquirebant, quas, urgente negotio, præterire tunc coacti erant.

Tertia navigatione cum magna continentis parte, aliisque Insulis, Cubagam invenit in occidente Margaritis foecundissimam. Appellatur à nostris Unionum insula, distatque à continente xvi. mill. pass. ubi Pariam regionem à meridie proximam habet. Continet ipsa in circuitu xii. mill. pass., opponiturque à septemtrione major insula Margarita nominata, quæ iv. mill. pass. separatur. Caret aquis potulentis, totaque nitrosa est, & ob id sterilis; non obscuro documento homines admonens, quibus natura egeat. Aquam ex Cumanâ in continente flumine xxvi. mill. pass. illinc distante petunt incolæ.

Mare, quod ambit, arenosum est, & versùs ortum maximè, neque altius plerisque in locis quatuor passibus. In hoc propria ostrearum sedes, & nidus videtur. Nam cùm longa piscatione ostreæ deficiunt, ad aliud insulæ latus pergunt, ubi non minore cum fructu piscatum exercent. Eo exhausto, aliò recedunt, vel si libet ad relictum priùs locum revertuntur, ubi instauratam denuo reperiunt. Semel tamen accidit, præter modum ibi insanientes, tanta cupiditate advenas flagrasse, ut piscatores (etsi plurimi eorum votis non satisfacerent) retia, massas, & ferramenta excogitaverint, quibus totum illum tractum exinaniverunt. Quo factò, necesse fuit diu piscationem intermittere. Piscantur urinantes illius regionis homines, ut in Oriente fieri diximus, & non minori natantium experientia, qui per horam frequenter sub aquis durant, & cùm undosum mare urinantes impedit, binos lapides ex humeris demisso fune dorso annectunt. Vespero redeunt herò ostreas tradunt, aut ejus vicario, qui eis cœnam parat, acceptasque reponit, dum pluribus collectis simul Uniones dividi jubet. Carnem multi stomachantur, rejiciuntque ob copiam, alii vescuntur. Sæpius tamen minùs esculenta est, & duriuscula. Præter innumeram Unionum multitudinem, ea Hispaniarum Regi ex hac insula, ut scribit Gonzalus Ferdinandus de Oviedo Historicus, accedit utilitas, ut quinta pars, quam solvunt ii, quibus illic permessa est piscatio, annuè colligat quindecim aureorum millia. Scitu jucundum est, qui primo noverint hanc Insulam margaritifera esse. Anno à Christo nato cccccxcvi. appulit regis classis, & occidentalis oceani navarchus Christophorus Columbus Januensis, tertia in eas partes ab ipso facta expeditione. Vidit fortassis tunc prope insulam priùs nunquam visam, homines in navicula quadam captare ostreas, jussitque ex suis aliquos, ut adirent in scapham descendere; Illi nostris accedentibus pavidè insulam petiere; nostri mulierem, quæ cum eis unà erat assecuti, pluribus Unionum spiras redimitam viderunt; virosque, qui fugiebant revocantes, inditiis ut accederent securiores reddiderunt, cum quibus egregium iniere commercium; nonnullasque Unionum spiras fragmentis patellæ fictilis, cujus superficies, ut in Valentia Hispaniæ urbe fieri solent, coloribus, figurisque depicta erat, permutarunt; Qua præda ad naves redierunt. Remisit alios Navarchus, qui similis patinæ frustis, & quibusdam tinnibulis, tres Unionum libras redemere. His acceptis noluit diutius ibi detineri, nè sui tam dulci lucro insolescerent; sed in aliud tempus prædam differens, ad continentis inquirendas regiones se convertit. Maximi in hac insula Uniones, vix unquam quinque caratos paucis siliquis excedunt, plures binos, vel ternos æquant, minores innumeri sunt. Totum etiam magnæ Cheroneis septemtrionale littus Margaritis ferax est. In eo laudantur præcipuè Barixæ regionis maritimæ, & prope Cumanæ ostia, ac ultra Veliferum promontorium, quod *Capo della Vela* appellant, Curianæ littora, & versùs Isthmum

*Gonzalus Ferdinandus de Oviedo lib. 19. cap. 1.*

*Idem lib. 19. cap. 10.*

*Idem in suo Compendio.*

*Idem in sua libri proœmio, & cap. 2.*

*Idem lib. 19. cap. 1.*

*Margaritarum inventio in Insula S. Jacobi.*

*Idem lib. 19. cap. 8.*

*Gonzalus Ferdinandus de Oviedo in suo Compendio.*



Margaritæ cum re-  
bus vilibus à Curia-  
nis permutatæ .

Gonzalus Ferdinan-  
dus de Oviedo lib. 19.  
cap. 10.

Plinius lib. 32. cap. 6.

Gonzalus Ferdinan-  
dus de Oviedo in Com-  
pendio .

Ferdinandus de Oviedo  
lib. 19. cap. 8.

Unio eximia ma-  
gnitudinis .

Cartagenæ , & contra Cudego Insula . Ad Curianam regionem primus perve-  
nit quidam Petrus Alphonsus Nignius , postquam Columbus Pariæ littora de-  
texisset , aperuissetque totum continentis aditum . Nam interea ipse captivus ,  
æmulis id parantibus , in Hispaniam missus erat . Audierat Nignius ille ab eis ,  
qui cum Columbo in Cubagua fuerant , tantam esse multitudinem , ut vili pre-  
tio quispiam coemeret . Hac ergo spe inductus , clam instructa nave , condu-  
ctisque nautis , iter aggressus tandem ad Curianæ littus applicat ; ubi , concu-  
rente populo , non minorem , quam in Cubagua esse intellexerat , Margarita-  
rum copiam animadvertit , eisque nudos incolas ornatos . Ostendit ille futilem ,  
quam conduxerat , mercem se permutare velle ; illi contra Uniones afferebant ;  
ac speculis , tintinabulis , aliisque crepundiis multas Unionum libras redemit .  
Hæc simplici naturæ , quæ rebus pretia non constituerat , neque noverat , æqua  
videbatur permutatio .

Tradunt aliqui ab ostreis in Cubagua statò tempore sanguineum quen-  
dam humorem emitti , quo mare prope littora inficiunt , quod non aliunde  
provenire existimaverim , quàm ex eorum , quibus tum viciant nutrimentis ; ut  
de alga diximus . Nam apud nos etiam ostrea , ut inquit Plinius , circa æsta-  
tis initia multo lacte prægnantia sunt , ( quod Unionum materiam esse , clarum  
est ) sed tum redeunte vigore , nec adhuc obfirmata materia , quæ copiosa ,  
& minùs concocta pro temporis , locorum , & ostrearum diversitate , sæpe ,  
quàm ebullit effunditur . Totum hunc Oceanum , cui antiquitus ab Europæ ,  
Africæque littoribus respondebant , Hyperboreus , Cantabricus , Atlanti-  
cus , & Æthiopicus , mare Nortium appellant ; & ex altero novi orbis latere ,  
mare Surium , quod cum Eoo idem esse constat . In hoc littora quædam , quæ  
ad novum orbem pertinent , Margaritis signata primùm comperit quidam Dux  
Vasco , qui anno ciorxv. trajectis montibus ad sinum S. Michaelis ex alte-  
ra Isthmi parte versùs meridiem magnis laboribus contendit ; & subjugatis illius  
regionis Satrapis pacem iniit , accepitque ab eis dono cum auri pondere cxxl.  
Uniones grandes , & infinitam minutorum copiam . Sed omnibus color , nitore  
que imminutus erat , quod assis ostreis exempti essent . Satrapæ cùm nostros  
Unionibus tantùm delectari cognovissent , suos piscari jubebant , qui ex qua-  
tridui præda duodecim Unionum libras exemerunt , nostris consulentibus , ut  
crudis eruerentur . Quo facto , colorem integrum , & nitorem invenere . Ma-  
jores in hoc mari sunt Uniones , quàm in Nortio , & maximè in Insula , quæ  
ex D. Michaelis sinu , inter alias prope sitas maxima in altum mare procurrit .  
Eam Hispani Margaritarum , & Auri insulam vocant , nonnulli Florum ; in-  
colæ Terrarequi dicunt . Plures ibi olivæ magnitudine Uniones esse fertur . Cùm  
in proximo littore Vasco esset , concitatum hiberno tempore mare ipsum traji-  
cere non patiebatur ; & expertum penè naufragum remisit . Rediit ergo cùm  
non aliæ , quàm incolarum naviculæ , ut iterum tentaret in eo mari tunc essent .  
Post ipsum Gaspar Morales in Ducem electus cum suis eisdem montes con-  
scendit ; & cùm opportunè ad littus venisset , trajecit , atque insulæ habita-  
tores insurgentes ferro repressit , donec perdomiti pacem quærent . Et ut  
Christianorum sibi conciliarent gratiam , plenam Unionibus sportam obtulere .  
Nostri contra secures , cultellos aliquos , capitis tegumenta , resque alias  
utiles cum crepundiis donarunt . Illi plura sese accipere , & majora hæc suis  
fastiditis Unionibus reputabant , stupebantque , cùm res tam utiles , parvis  
quibusdam , & nitentibus lapillis pensitarent . Sed maximè cùm usum exactè  
nosset , viderentque altas arbores securi ictas cadere , & tam aptum ad na-  
ves , domosque extruendas esse instrumentum . Convenit Regem postea Gaspar  
Morales , cui annuo tributo centum Unionum libras Regi Hispaniæ solvendas  
injunxit ; quam ille conditionem , ut in fertili mari non gravem , libenter ac-  
cepit . Unionum , quos hinc auferebant , quintam partem Regi Hispaniæ at-  
tribuit Gaspar , reliquos suis divisit ; inter quos cùm unus magnitudine emi-  
neret , ut absque contentione æquè dividi posset , hastæ subjectus est . Pende-  
bat hic Unio triginta , & unum caratos , quod cùm refert Gonzalus Ferdinan-  
dus ,



## *Lapides Animalibus innati.* 203

dus, alterum ibi inventum se habuisse addit xxvii. caratos pensantem; sed utrisque elenchi erat forma: Alium tamen illic à se emptum, idem narrat, tere-  
 retem, nec cætero minùs laudabilem, & viginti caratis gravem. Est hæc  
 insula æquinoctiali propinquior, quàm Cubagua. Maris ubi piscantur, alti-  
 tudo decem, aut duodecim passuum est. Adhærent aliquæ quandoque saxi ita  
 tenaciter ostreæ, ut vix avelli queant; hoc eis subsidium adversùs vehemen-  
 tes fluctuum motus, natura concessit; solvunturque, cùm sedem mutare li-  
 bet. Hæ in novo orbe oræ sunt margaritiferae.

*Idem lib. 19. cap. 10.*

Appellantur omnes occidentales Uniones à nostris gemmariis Novi, vel  
 ab Hispali Hispaniæ emporio, quod naves inde redeunt portu excipit, Sivi-  
 liam: Candidi sunt, & nitentes; nec aliud profectò est, quo orientalibus  
 cedant, quàm rara magnitudo.

## DE UNIONIBUS VILIORIBUS.

### C A P. XVI.

**N**UNC ad viliores descendamus. Sunt in Britannia ostreæ ea planè figu-  
 ra qua nostræ, sed majusculæ, & vegetiores; præsertim eæ, quibus  
 Margaritæ insunt. In qua insula uberrimum Regni Scotiæ littus in Germanico  
 Oceano; nam in cæteris, ut etiam in Belgico, aliisque oppositis, vix unquam  
 minutissimas proferunt. Quamobrem omnes illius maris Margaritas Scoticas  
 vulgò nuncupamus. Parvas, & discolores esse, veteribus etiam notum fuit;  
 quoniam Cæsarem Margaritarum deformitatem in thorace (quem Veneri Ge-  
 nitrici in templo ejus dicaverat) patrio vitio lenire voluisse indicat Plinius,  
 cùm ex Britannicis Margaritis factum fuisse intelligi voluerit. Inter raros vix  
 unquam ibi reperti, qui ad ternos caratos accederent. Vidisse se Cardanus  
 scribit, cùm in Anglia esset, nobilem puellam fertum ex septuaginta circiter  
 Unionibus gestantem, inter se æqualibus, & magnitudine humani unguis in-  
 auriculari digito. Candidos etiam esse, sed nitore Indicis impares idem tra-  
 dit. Verùm Origenes summo colore ad auri speciem accedere, nubilosos esse,  
 ac turbidos, luceque obtusiores. Sed neque hæc universa descriptio: optimè  
 Plinius discolores dixit; nam & candidos, & nitentes aliquos esse, & ab eis  
 multis sæpe modis degenerare plurimos, inventum est, pro nutrimenti, & ex  
 eo materiæ diversitate. Vitrei etiam, & ferè pellucidi illic reperti sunt, ut  
 aqueam materiam prope fluminum ostia lentè atque ægrè concoctam facilè  
 conjiciamus. Concha, quæ Margaritas ibi fert, ut priùs dictum est, non sem-  
 per obvia, sed inter plures una est, & in ea perspicuus vigor, inveniuntur-  
 que Margaritæ binæ aliquando, vel plura grana minuta. In septemtrionali  
 oceano præter Britannicæ littora alia Margaritis dotata apud Sygismundum illa-  
 rum regionum historiæ auctorem leguntur, in Russia, qua Diuna fluvius mari  
 infunditur. Harum ego æquam comparisonem cum Britannicis existimarem.  
 Sic & in Svetiæ littore, de quibus Erasmus Stella. Sed quò sub arcto ab æqua-  
 tore remotiores, eò minores, & rariores erunt.

*Tacitus de vita Julii Agricola.*

*Plinius lib. 9. cap. 25.  
Solinus in Polybist.  
cap. 54.*

*Margaritæ Britan-  
nicæ viles.*

*Origenes ubi supra.*

*Plinius lib. 9. cap. 35.*

*Sygismundus libro  
Barone in Moscovia,  
& Russia.*

*Plinius eodem loco.*

Sequuntur Maurusiæ in Mediterraneo mari prope Gaditanum fretum in-  
 ventæ, quarum Plinius meminit. Magnitudine, & numero Britannicis post-  
 ponendæ sunt: earum tamen ostreæ cæteris in toto hoc mari pleniores viden-  
 tur; quæ fertilitas econtra cum Hispaniæ maritimis communis est. Nec ali-  
 ter in Sardinia esse accepi nuper. Sed quantula omnium summa, ut cum  
 uno in orientali India, aut in novo orbe margaritifero tractu conferamus.

Quas deformes Unionum matres diximus, raros etiam, & viles lapillos  
 ferunt. Harum aliquas in India inter concharum genera numerat Plinius: In-  
 ter quæ, inquit, margaritifera cochleæ, quarum generis pentadactyles, echi-  
 nophoræ, melicymbales dicuntur, quibus cantant: vulgata tamen lectio ha-  
 bet, quarum generis pentadactyles, melicembales, echinophoræ dicuntur,

*Idem lib. 32. cap. 11.*



quibus cantant. Quàm hæc mutatio conveniat, videant alii; me certè ita movit, ut errorem non suspicari non possem; tam præsertim cùm concham nactus essem cymbali forma, circumacta, grandem sub extremo orbe, exiguo ore ferè planam, claviculis per orbes in turbinem deductis, nitore intus, forisq̃ue jucundo, qualis in ostrearum margaritiferis conchis; sed leviter rubescit: hujus generis forsan buccinum est, quod Margaritarum matrem à Pharmacopolis appellatum dicit Valerius Cordus, pentadactyles, nec ipsæ unquam, neque auditu ad me pervenere. Formam nomen indicat, ut sint quinque dactylorum figura, vel illius fortasse magnitudinis. Dactylos inter testacea, latinè ungues appellamus, ab humanarum unguum similitudine; differt tamen *ὄστρεον* Dioscoridis conchylii tegumentum simile purpuræ, quod in Indiæ nardiferis lacubus invenitur. Echinophoræ quales sint ex Juba describere videtur Plinius: *Juba*, inquit, *tradit Arabicis concham esse similem pectini insecto, hirsutam echinorum modo; ipsum Unionem in carne, grandini similem*: Num eadem sint, quas Georgius Cedrenus Zambaces ab Arabibus nominari dicit, affirmare non audeo. Habet India cochleas, quantas nos testudines, spiris eodem modo collectis, testa firmiori, apertoque ore, ut inepta videatur ad Margaritas conchæ forma: & verum sit in quo Indici navigatores consentiunt planè steriles, nec ullas ferre Margaritas. Eam tamen laudem vulgò ascribunt, colore, & amano nitore capti; qui enim eis in candore viridans rubor adnitet, oculis mirum in modum blanditur. Erunt Plinii fortasse cochleæ, ea conchyliia, quibus non penitus sublatam feracitatem audio tenui testa, atque ea formæ elegantia, ut non parvam animi voluptatem provocet intuitus. Spectandæ sunt magnitudinis, collectasque spiras rectas in os ingerunt, & ad nitorem in eis candidum plerunque rubor accedit. Sed duplex formæ præcipua differentia: aliis latior, quæ os recurvum, laxumque circa spiras efficit, aliis longior ore extenso. Quod verò ab oris margine ad spiras vacuum est, id concava quædam testæ pars, ceu undique ferruminato obturat, parvo ad medium relicto foramine. Cavum illud, ut inquit Cardanus, cotylam capit in longioribus; alterum genus vidisse ipsum nunquam puto. Omnibus navigii forma est, nec aptiores conchæ fingi possunt, ex quibus Venereæ navigent, præbentesque concavam sui partem, & auræ opposcentes per summa æquorum velificent, ut voluit antiquitas. Ideo Cytheriacas à Martiale appellari puto. Spiras, quæ in os conduntur, excindunt; inde cymbia, & capaciores cyathos aptant, foris sculpunt, & aureo pede fulciunt: Si quæ insunt Margaritæ, eæ inter spirarum volumina, veluti oculis obstrusæ sunt. In novi orbis mari Surio ad Ortignanum sinum sunt insulæ Chira, Chara, & Pocosis, aliæque ultra Album promontorium versùs meridiem ad Nacaragæ provinciæ littora. Hæ quoddam conchæ genus ferunt, quod nostris pinnis comparari possit, non parva tamen formæ diversitate, quam hîc desiderari nolimus. Binis testis clauditur longis, sinè acumine, verùm qua se aperiunt, latioribus, scabris, & fulcatis. Earum longitudo semipedalis est, qua latiores, pedales sunt. Intus ut Unionum matres nitent, albicatque angustior pars, inde in cœruleum vertitur. Margaritas diversi coloris continent, rotundas, sed hebeti nitore, ravas, fulvas, nigras, candidas; quæ spumæ, lutique differentia est. Cùm incolæ conchas capiunt, ut vescantur, Margaritas, & si turpes sint omnes, non abjiciunt; nam fraus avaritiæ comes aliis admiscere didicit, ut pondusaugeant; qua injuria nos triticeis zeam, secalem, aliaque viliora miscemus. Notabit hoc prudens emptor, & pretium impuris minus offeret. Conchas incolæ, quæ angustiores sunt, gossypinis filis baculis alligant; quibus, ut nos ligone, agros fodiunt. In Acarnania Epiri parte pinnæ, quas *Asture* vocant Veneti, Margaritas ferunt. Eas ostrea vocat Origenes. Etenim ostreorum nomine non rarò omnia testacea scabra, atque aspera intelligimus, ut in Aristotele animadvertit Galenus, diversa syllabæ quantitate; ut cùm latè significatum extendimus penultima longa sit, alioquin brevis. Solæ istarum

Dioscorid. lib. 2. c. 10.

Plin. lib. 9. cap. 35.


Martial. lib. 2. Epigram. 47.

Galenus de simp. med. fac. lib. 11.



## *Lapides Animalibus innati.*      205

rum Margaritæ uni Theophrasto inter Græcos, qui ad Romanorum fortunas non pervenere, cognitæ fuerunt. Britannicis aliquando majores sunt pro con-



CONCHA PINNÆ SIMILIS

chæ magnitudine; sed enormes ferè, colorisque marmorei, quippe sordidæ victitant, & quodcunque in apertam concham incidit, eo satiantur. Immobiles enim sunt, proveniuntque, ut inquit Aristoteles, subrectæ, locis arenosis, cœnosisque, ex sui ipsius villo; aluntque intrâ se squillam parvam, aut cancellum, custodem, & dapis affectatorem; finè quo brevi periunt: Nam cum eo, ut ait Cicero, quasi societatem coit parandi cibi. Modum describit Plinius: *Pandit se pinna*, inquit, *luminibus orbum corpus intus minutis piscibus præbens: assultant illi protinus, & ubi licentia audacia crevit, implent eam: hoc tempus speculatus index squilla, morsu levi significat: illa ore compresso quicquid inclussit, exanimat, partemque socio tribuit.* Hinc marmoreus ille, & obtusus in eis Margaritarum nitor, trahitur, ut illa jam dicta occidentalis orbis concha; quæ cum debili nitore spumæ, alimentique colo-

*Plin. lib.9. cap.35.*

*Aristot. de hist. anim. lib.5. cap.15.*

*Cicer.2.de nat.deorũ.*

*Plin. lib.9. cap.42.*



colorem præferunt. Certior quidem rotunditas est, quod crassior materia minus cedat, feratque facilius temporum mutationes. Harum optimæ Margaritæ circa Aëtium promontorium, sed & hæ parvæ. In Ponto circa Bosphorum Thracium juxta Scythiam, ut placet Origeni, Europeam nempe, quæ Danubius in mare se exonerat, conchæ sunt, quas Myas vocat Plinius, Origenes impropiè murices, quod aliqua eis cum muricibus originis sit, & naturæ vicinitas. Hoc loco etiam colligo easdem Plinii esse myas, & myaces, quæ cum muricibus satis conveniunt, unde nomen ab Origene fortassis sumptum. Hæc Origenis verba sunt: *Nascitur in sinu juxta Bosphorum, non in conchis, quod est testæ genus ferens Margaritas, sed in his qui vocantur murices, de his loquor, qui juxta Bosphorum in palustribus pascuntur.* De myacibus hæc Plinius: *Acervantur muricum modo, vivuntque in algosis gratissimi autumnis, & ubi multa dulcis aqua miscetur mari; ob id in Ægypto laudatissimi; procedente hyeme, amaritudinem trahunt, coloremque rubrum.* Myarum verò Margaritas rufas, ac parvas esse idem tradit. Solent reperiri, & in nostro mari, sed crebrius circa Bosphorum Thracium. Hactenus hæ maris fuere divitiæ.

Marcus Paulus in  
suis itineribus.  
Margaritæ fluvia-  
tiles.

Erasm. Stella in lib.  
de gemmis.

Matthiolus in Dio-  
scoridem lib. 2. cap. 4.

Origenis divisio  
explicatur.

In Caidu Tartariæ regione lacus est à sapore falsus dictus, in quo tantam esse Margaritarum multitudinem scribit Marcus Paulus Venetus, ut si cuilibet libera permissa esset piscatio, vilescerent Uniones. Nulli in eo piscantur, nisi à Magno Chamo impetraverint. Uniones ipsi candidi sunt, sed deformes, cum aqueæ materiæ longa, difficilisque concoctio multis obnoxia sit periculis; Nec grandes adeò ullos esse, paucisque scrupulis maximos ferè contineri credendum est. Insignes Germaniam irrigant amnes, quos non parvo miraculo natura Margaritis nobilitavit. Inter eos Elstria Tubantum ponit Erasmus Stella non toto alveo fertilem; nam ab ipsius fonte infra Pleboniam, quam alluit, inveniri desinunt. Feracius est Multavia Boemiæ flumen, quod Ultavvam Boemi dicunt; laudabiles ejus Uniones, cum adesset, vidisse ibi se P. Andreas Matthiolus prodit; Mosellæ etiam in Lotharingia amnis prope Vogesum montem fertilis Margaritis est. Nascuntur hæ, & quæcunque fluviales in conchis mytulis latioribus, & pro magnitudine, firmiori testæ, eaque foris virescente; ipsæque nonnisi maximis, aut plenioribus conchis concessæ, ac paucæ, parvæque paratiores sunt. Et quavis gigni eodem modo, quo cæteræ omnes, orbemque integrum ipsis rariorem esse ambiguum non sit; illorum tamen fluminum natura, qua conchæ ita luxuriant, & loci maximè, ut in Elstria amne apertius patet, admiranda est. Occurrendum hinc, si quis in Origenis Adamantii Commentaria incidat, divisioni Margaritarum, quas ille in terrestres, & marinas partitur, non quod aliquæ ex hoc genere Margaritæ, seu potius Uniones terra eruantur, vel extra conchas reperiantur, sed earum nomine omnes gemmas intelligit, quaslibet alias terrestres nuncupans.

## DE UNIONUM DELECTU.

### C A P. XVII.

Plin. lib. 9. cap. 35.

**T**OTUS hic fuit Unionum, & illas persequentis avaritiæ ambitus. Ut verò omnium delectus habeatur, universam laudem uno verbo complectitur Plinius: *Unionum*, inquit, *dos omnis in candore, magnitudine, orbe, lavore, pondere.* In his profectò omnis materiæ, & formæ perfectio est. Non tamen omnino illius stomachi nostra ætas est; laudant aliqua alia nostri gemmarii, quæ vitio fortasse veteres vertere, cum utriusque defectus sint, etsi rari. Primam itaque, Plinii notis admissis, laudem esse volunt, numerosa planitie rotunditatem, cujus ratio superius reddita est. Hanc ipsi vocant *martellatam*, quasi malleo reformatam. In candore etiam leviter rubentem nitorem probant;



## *Lapides Animalibus innati.* 207

bant; ingeniosè, ut simul luxuriosi, aliquo carnis, libidinisque colore gaudeant. Unionibus proceris, etiam nunc sua gratia est. Post eas proximus locus elenchis est, quos Pyra vocamus à similitudine. Excipiunt plani, & tympana, quæ aliqui *panettos* vulgò dicunt, quòd eis sit minuti panis forma.

Hæ sunt præcipuè quatuor Unionum formæ, sed longè cæteris orbiculata antistat. Sequuntur alii pro cuiusque figuræ defectu. Summam coloris laudem à Plinio ascriptam, exaluminatos vocari non negligunt nostri gemmarii; sed literatos aliquos in hac arte rudes facillè videre est, cùm exaluminatos pellucidos interpretantur. Ego illos emere mihi Uniones meo periculo nolim; quis enim perspicuos laudet? jam in pretio erunt, & vitrei, & Crystallini. Alia igitur audienda interpretatio; quæ nec à vi nominis, si rectè inditum est, recedat; neque usui, atque experientiæ adversetur. Aluminis plura esse genera norunt omnes; quorum autem Unionibus comparari potest materia, sive arte, sive natura concreta sit, ea ferè est diversitas: aut nullo nitore candicant, aut vitream imitantur perspicuitatem; utrumque si fugerit Unio, eique è summo candore nitor resplendeat, exaluminatus non ineptè dici poterit, vel dicitur exaluminatus, idest alumine infectus: eo enim inficiuntur lanæ per sericum, ut claritatem assumant. In hoc primò emptor oculos figet, & exaluminatum, hoc est candidum, & clarum laudabit: nam in perspicuis candor apertus, neque diversus quispiam color esse potest, qui oculos suo fulgore perstringat. Erit candor ille gratior, nitorque pretiosior, ut nunc laudant, si levis rubor adniteat, & multò magis in orbiculata figura, quam auget malleata; ac summum omnium pretium magnitudo, quam comitatur pondus imponet. Maximos Uniones, & per omne ævum memorabiles, eis, quos supra suis locis recensuimus, hic adjungemus. Cæsar M. Bruti matrem Serviliam dilexit, cui primo suo consulatu Unionem sexagies H-S. emit, idest computante Budeo, aureis centum quinquaginta millibus. Duos possedisse maximos Cleopatram Ægyptiorum Reginam novissimam per manus orientis Regum sibi traditos, præter Plinium, Macrobius auctor est. Horum alterum aceto, cujus vis, asperitasque eos in tabem resolvit, ipsa absorbit, ut disceret Antonius quanti cœnare posset Regina meretrix. Alterum simili modo absumere paranti eripuit L. Plancus, factæ hac causa sponsionis judex. Quam cœnam commodiorem nos effecimus, ut in ea non lapides Cleopatra, sed ova ostrearum dura, quæ remollescerent apposuisse dici possit, si in jus vocet Antonius, qui eam centies H-S. hoc est, ut in nostræ monetæ usum redigit Budeus, bis centum quinquaginta millia aureorum ( hæc erat Unionum æstimatio ) una cœna absunturam negabat. Ad Plinii ævum pondus, ut ipse testatur, semiuncia pauci singulis scrupulis excessere. Major hac ætate, quem ovum Neapolitanum dicebant, procerum palumbini ovi forma: Hunc Franciscus Primus Galliæ Rex LX. aureorum millibus Neapoli emit, ut hodie paterni regni successorum hæreditas est; suspenduntque ante pectus, quoties Regali pompa procedunt. Non diu est, cùm Venetus quidam Soldanæ Solimani ad hoc ævi Turcarum Imperatoris conjugii Unionem orbiculatum xxx. caratos pendentem tribus aureorum millibus vendiderit. Totidem alium in Gallia, & alterum ibidem quatuor millibus venditum Budeus refert. Sed quid hos adduco? anne minores Summorum Pontificum insigniunt Diademata? obvii isti omnium oculis sunt, & non unius formæ.

Hoc Unionibus peculiare est, ut si aliqua in parte formam corrumpat angulosa iniquitas, nulla manus artificis, vel limæ remedia admittunt. Minui quidem possunt, sed toto ambitu, ut concreverunt, dempta crustula; quomodo sole obfuscatos, ut humanum corpus, cùm in concha adhuc essent, purgant. Prodeunt aliquando, vendunturque, qui à gemmariis fissi sunt, cùm emendare quippiam conantur, aut alio quodam casu; tenuisque ea rima cùm recens est, non facillè animadvertitur; cujus securus erit emptor, si acceptum Unionem inter digitos locet, manumque expansam solis claritati opponat; tum si omni ex parte Unionem hoc modo intueatur, nihil latere poterit.

Uniones exaluminati, cur dicti.

Uniones celebres.

Budeus lib. 12. de assè

Plin. lib. 9. cap. 35.  
Macrobius Saturnalis 3. cap. 17.

Unionis Cleopatraz pretium.

Unio à Francisco I. emptus.

Budeus 2. de assè.

Margaritarum forma nequit emendari.

Uniones fissi quomodo dignoscantur.



terit. Nec parum refert videre, num rectè forati sint ii præsertim, qui formam habent læsam.

*Plinius ibid.*

Margaritarum senectus.

Margaritarum expoliendarum ratio.

*Mundinus ex D. Plinio.*

*Franciscus Ruccius.*

Ufu atteri, ut ait Plinius, dubium non est, coloremque in diligentia mutari; cui proderit frigida sæpius eos obluere. Sed ò nostræ vitæ somnium, æternum nefas est dicere, quid, inquam, in rebus humanis diuturnum? senescunt Uniones, ut Alexander Polyhistor, & Sudines putarunt, dicente Plinio, ut usus melius docuit: Senescunt, & colorem expirant, nitor evanescit, nec nisi juvenia constat ille, qui quæritur vigor, hoc sese ad damnum adjiciente, quòd summum eis pretium imminentem squalorem non differat; sed in gemmarum genere molliores Uniones, ætatem minùs ferunt. Omitto nunc clarissimum lapidis genus aceti asperitatem perhorrescere, & in parvæ patellæ jusculo centies H-S. irreparabile mergi posse.

Sunt qui senectam Unionum renovant, ut sole flavescentes emendari diximus, abrafo superiori, atque altero sæpe cortice, quæ res non æquè feliciter eis succedit, atque anguibus senectam cum exuunt; detracto enim uno, atque altero cortice, multum Unionum magnitudini demitur. Hæc etiam incuriæ correctio est, atque omnium quocunque modo superior cutis maculata est. Integros nonnulli columbis infarciunt, quos deglutitos unà cum saturitate puriores egeri ajunt, quod grandioribus commune non est auxilium. Garcias ab Horto diu oriza leviter confecta, & sale versatis pristinum nitorem instaurat. Idem post plenilunium captos Uniones decrescere expertum esse tradit, qui ante capiuntur hoc periculo vacare; quod non omnibus commune esse dicendum est, sed plerisque, quibus à plenilunio, quo conchæ vigent, recens ingesta materia erat.

## DE UNIONUM ORNATU, Et pretio.

C A P. XVIII.

Unionum divisio.

Gemelli.

Unici.

**O**MNIS ferè Unionum usus in ornatum est; tanti homines emunt conspici, digitoque monstrari. Unionum ad ornatum triplex præcipua est distinctio. Unici sunt, aut gemelli; coronarii; & textiles. Unici, & gemelli maximi sunt, ut qui xii. caratos quovis pondere excedunt. Ex Unicis gemelli fiunt, quoties fieri possunt. Rem factu difficilem esse Unionum nomen indicat. Nam in gemellis componendis omnia anxie observantur, ut aut bini orbiculati, aut duo proceri, vel elenchi, aut plani, magnitudine, colore, ceterisque, quibus laudantur notis, mutuò exactè respondeant. Quod si contigerit, quatuor aureorum millibus venales erunt, quorum singuli seorsum vix mille. Pretium enim cujusque in hoc genere cum pari conjungitur, geminari solet. Quod si unius pretium fuerit duum, aut trium millium; plus quoque æstimabitur, addito pari. Quemadmodum si quem in Gallia tribus millibus venditum Budeus, scribit pari adjuvatus fuisset quindecim millibus ambo constitissent: & Serviliæ Unioni si parem Cæsar invenisset; illius pretium sexagies H-S. non minore, quàm sexcupla proportionem auctum fuisset ad trecenties sexagies H-S. hoc est noningenta aureorum millia; neque tertiam hujus pretii partem æquassent Cleopatrar Uniones. Inter præcipuas Unionum formas frequentius elenchi conjunguntur, quòd eorum inter grandes Uniones major numerus, nec adeò morosa sit collatio. Gemellos gestare, sola, summaque feminarum laus est, & earum auribus gratissimum pondus. Unicis Summorum Pontificum, Imperatorum, & Regum ornantur insignia, Episcoporum insulæ, atque omnium Principum tiaræ. Multos ex his quoque feminarum fastus occupat, quibus tumida gemmæ species optimè convenit. His frontem notant; nec desunt, qui pectori insideant, & è crinium spiris tremuli defluant. Hoc apparatu honestas, & pudicitia expugnatur. Gemellis, neque unicis pretium ex pondere certum constitui potest tanta notarum, formaque




## Lapides Animalibus innati. 209

maque varietate, qua constat ponderis æstimatio; extollitque eos etiam emendi ardor, venditore difficili.

Coronarii Uniones sunt, quibus filum inducunt, & longa serie spiras ordinant; vel auro texunt diverso usu. Illos gemmarii nostri, *Perle per il filo*, nominant. Intrà decem, vel duodecim caratos continentur, deficiuntque ad ternas usque filiquas. Eodem filo pari magnitudine selectos, & orbiculatos trajiciunt. Eorum singulos pondere taxant, summamque ex numero unius spiræ colligunt. Et cum omnibus officinis idem veluti præscriptus sit ordo; quosque in dies videmus Uniones, sub hæc ponduscula veniant: pretia paucis subjiciemus, Romanæ monetæ vocabula officinarum pondusculis conferentes. Ponduscula sunt filiquæ, quas *grana* vulgò dicimus, & carati, qui quatuor filiquas continent.

Uniones coronarii.

Majores in spiras qui volet cogere, vanus illius erit conatus. Nam integros orbes tantum admittunt, & singulos grandiores invenire magni laboris est, & gravis impensæ. Quin duodecim caratorum Uniones, & minores, ad quinque caratos usque in spiram collectos solæ heroinæ, atque opulentissimæ matronæ circumferunt. His regni, & honoris insignia redimuntur, addunturque corollarii vice, ubi unici, vel aliæ spectabiles gemmæ interponuntur. Gemellos quoque, & unicos ex his habere divitis est. E' quinque quatuor, & trium caratorum Unionibus, non cujusvis fortunæ spiræ fiunt. Habent eis honorem locupletes. Ab his ad binas filiquas, communes sunt, & vulgaris usus. Utuntur Romæ præcipui gemmarii, ut coronarios Uniones ab aliis, ipsosque inter se expeditius segregent, hac foraminum, quam videtis, orbiculata dimensione.



MENSURA, QVA MARGARITÆ ÆSTIMANTVR

Tenues quatuor laminas argenteas, aut æneas, digiti longitudine, ejusque latitudine simul complicatas, ex altera parte trajecto claviculo ita

D d

com-



Explicatio instru-  
menti, quo Mar-  
garitas dimetiun-  
tur.

Minutarum Mar-  
garitarum pretium.

Plin. lib. 9. cap. 35.

Lollia ornatus.

Martial. lib. 12. Epi-  
gram. 50.

Plinius ibidem.

Clodii luxus.

compingunt; ut explicari quælibet earum possit, quemadmodum omnes in hac iconē; ac denuo majori commoditate in unam colligi. Singulæ foraminibus pertusæ sunt, quibus pro laxitate ponduscula respondent. Binis laminis ab uno carato ad duodecim continetur distinctio. Reliquæ intercalari numero à binis filiquis, unoque carato cum dimidio, ad undecim, & semi caratum perveniunt. Omnes verò spiræ præter rarum illum in corollariis diadematum, & mitrarum usum, ad muliebrem luxum instruendum damnatæ sunt; ut collum, manusque ambient, caput vinciant, & crines in nodum colligant. Non omittendum est extra spiram coronarios vilius æstimari, neque convenire jam dicta pretia; sed arbitrii esse, & ementis solertiæ. Hujus generis elenchos, proceros, planos, qui in spiras digeri non possunt, fœminæ quoque sibi vendicant. Nam minùs opulentæ ad duos usque caratos ex eis gemellos comparant. Minores omnesque enormi rotunditate, quos mensura præfixa excernit, fertis aureis, monilibus, armillis, zonisque ipsarum gemmarum inferunt, vel tremulos innectunt. In digitis verò minima gratia est. His etiam Sanctorum imagines, & emblemata exornant.

Textiles autem Margaritæ, ut copiosissimæ, sic minimæ, & utilissimæ sunt. Sub hoc numero tribus filiquis leviores continentur, quas non singulas ponderant, sed quot quisque desiderat, simul pensitant; pretiumque, prout pulcher unus omnium videtur intuitus, sicuti in frumentis consuetum est, præfigunt. Tantam harum multitudinem infumere, non recens inventum; diu est, quod byssinis, bombycinisque intexuere, & totas vestes velut grandine perfudere; quæ quoties divino cultui in templis erunt utiles, bene habebit. Segregant tamen, & harum maximas, quas filo transmittunt, ac exiles tenuioris fortunæ mulierculis spiras parant, nè eis inexperta hæc sit luxuria, fortuna reluctante. Sed frustra in ornatus usu monstrando his immoror; quasi parum exercitatum sit hominum ingenium. Nam sciebat hunc Lollia Paullina Caji principis matrona, quam vidit Plinius smaragdis, margaritisque opertam, alterno textu, fulgentibus; toto capite, crinibus, spiris, auribus, collo, manibus, digitisque. Quarum summa quadringentis H-S. colligebat, ut nostris utamur calculis, mille aureorum millia. Copiam subsecuta sunt luxuriæ nomina, Unionum gemellorum (ut apud Martialem) elenchorum, tympanorum; mox tædia exquisita perditore portatu. Siquidem in aures pluribus dependentibus Unionibus suspendebant; nec hoc aurium pondus eas fatigabat, quibus aura gravis esse solet. Hæc cum fecissent crotalia appellabant, ceu sono quoque gauderent, & collisu ipso Margaritarum. At apertius perdere major fuit gloria; tunc à summis corporum partibus ad imas decidere, & crepidarum non tantum obstragulis, sed totis focculis addentes, Margaritas penè calcarunt. Clodius Tragoedi Æsopi filius ante Cleopatram nulla sponsione ad hoc productus, ut experiretur, in gloria palati, quid saperent Margaritæ; atque, ut mirè placere, nè solus hoc sciret; singulos Uniones convivii absorbendos dedit. Verum enimvero, ut luxus imperium; ita imperium luxum infregit, mutuisque vulneribus concidere; tam superbum in nostris hominibus fastum non video: Stante enim imperio cum victorum spoliis Romam adducti Uniones serviebant; hoc dissipato liberior eis facta est via; & nescio quomodo fastum illum, qui eversa fortuna hominum animis exciderat; ipsi absumpserunt; ac majori profectò nostrorū ignominia Unionibus homines nunc serviunt.

## DE UNIONIBUS ADULTERINIS, Et dignoscendi ratione.

C A P. XIX.

Odoardus Barboza  
in sua navig.  
Franciscus Massarius  
in Plinii lib. cap. 35.

**A**DULTERANTUR Uniones, & quidem in natali solo. In Camboja Indiæ regione Indo proxima pulchre subornari, qui in India mercaturam exercuerunt, tradunt. Franciscus Massarius Vitrearios Murianenses nè Margari-



## *Lapides Animalibus innati.* 211

garitas fingerent; Decemvirorum decreto vetitos scribit. Formabant illi *Margaritæ factitiæ*. vitream Unionum speciem pellucidam, & intus vacuum, cui illius coloris ingerebant materiam, ut Margaritarum candor transluceret. Alii vitreæ materiæ colorem admiscunt, & omnino prius temperant, quàm integras fingunt. Hac utraque fraude grandes, & quantos volent, credentque minùs suspectos esse, & rotundos efficient. Multùm tamen ab eis vera, & laudabilis Unionum species differt; nam quæ prima laus est, exaluminatos, ut è summo candore nitor fulguret, nunquam perficient. Nè tamen pro vilibus supponantur, certius erit indicium, si anhelitu persentur, quo vitreos obscurior nubecula involvet, & difficiliùs detergetur. Alios spes lucri mentita est candidos, & nitentes; & si qui alii homines non inexpertos fallent, erunt hi. Nam licèt non omnino exaluminati sint; non ingratus eorum color est. Ex gummi quodam genere, & mistura quadam candida coagulant, formantque, ut minùs persentiat fraudem elenchi plerunque figura. Cùm primùm tales viderem, astu aliquo dolum tentare non occurrebat. Astutè tamen indagari posse existimo, si humidis digitis quantum permissum est, contrectentur, ut aliquis gummi-lentor, qui fraudem arguat, percipiatur, omnes etiam tam hi, quàm vitrei sinceris lapillis leviores sunt. Gestantur à non ignaris, fraudisque conscii, non ut fallant semper, sed ut eis placeant ostendentque, quibus carent. Ex margaritifera conchæ testis pluribus in locis fiunt sphaerulæ, sed quod evidens Unionum, & testarum discrimen est, id illæ dissimulare non possunt, itaut quæquam vix ullo usu doctum falli, ut quidam putarunt, non facilè crediderim. Cùm verò testæ tenuitas, magnos facere non permittat, ex hemicyclis binis majorem fieri orbem traditum est: ac hujusmodi Unionem unum ducentis aureis à gemmario æstimatum, quod ego fide majus existimarem, nisi talis gemmarius fuerit, qualem venditor optaverat. Nam tenuissimam partium juncturam oculos subterfugere magna res est. Quod si posset; sciat Emptor eodem modo examinari posse tales, quo fissos diximus. Alterum adulterandi genus traditur, quod à fraudis auctoribus prope mare, & veris tempore exerceri tantùm scriptum legimus; auctoremque potuisse fraudem illam doceri, si centum coronatos in mercedem solvere voluisset; se verò negasse, homini integro indignam pretio fraudem censentem, sed conjectura satis assecutum, ex lapidibus astutorum, & pagurorum, vel ejus generis confici: verùm nè ipse rem acu non tetigit. Quisquis enim pagurorum (qui ex cancro-rum genere sunt) lapides noverit, nunquam ex eis Uniones fieri illi persuadere poterit. Sed quare prope maris littora tantùm, & veris tempore? ipsique Uniones, ut ait, non pleno orbe fuerint? Ex asturis fieri (nam pinna ab ipso ita vocari puto) non negaverim; sed quos in eis lapides dicat non intelligo. Pinna ignobili partu aliquando margaritiferas esse à probatis auctoribus, & Venetorum, marisque Adriatici accolarum testimoniis omnis dubitatio sublata est. At eas Margaritas à natura formatas esse, nec aliis egere figmentis jure aliquis dixerit. Qui Unionum concretionis rationem callet; modum quo plures aliæ antequam à natura in concha perfectæ fiant; nulla fraude conficiantur, sed industria, quæ auctorem eum latuit, non obscurè explicabit. Dictum est testacea omnia vere, ætatisque initio ova habere copiosius, quæ cùm vigoris signa sint; temporum gravitate, qua laborant, atteruntur, & in nihilum rediguntur; quæ verò in eis pro loci, temporum, concharumque diversitate concrescunt, Uniones esse: Pinnae autem quo vigent tempore, illi capiunt atque ova, nè transacto vere æstu laborantes attrahant, prius occupant: quæ cùm crassioris materiæ sint, non facilè funduntur; sed statim post captum, nè conchæ victu destitutæ ea (quæ pinguedinis proportionem sunt) imminuant; ignis calore indurant, fiuntque Margaritæ, propter molliem, ea parte planæ qua insident. Nihil igitur in his cavendum; tum quòd illæ Margaritæ, quas pinnarum conchæ maturant, non laudentur, tum quòd hæ in vitium proniores pleno orbe nunquam videantur. Qui verò confectos Uniones in unum conglobare docent; non aliter ex aliq lapidis gene-

Quo artificio imperfectæ Margaritæ perficiantur.



re orbes efficient. Formam enim reddent, integrum Unionum colorem nunquam restituent. Hoc addo, nè quis suos corrigere temerè nitatur, aut ex pluribus parvis unum conflare.

## DE UNIONUM MEDICINIS.

## C A P. XX.

*Suidas.  
Pierius Valerianus  
Bellunens. 41. hiero-  
glyphic.*

**I**LLUD Suidæ ex Artemidoro *ἡλῆσι μαργαρίται δακρύων ῥέον* comprobatur Pierius Valerianus, sibi que contigisse dicit, ut Unionum somnium funestus exitus exceperit.

*Mesues de antid. l. 3.*

*Mesues ibid.*

*Ibid.*

*Ibid.*

Inertes olim Margaritas primi Arabes ad medicinæ usum transtulerunt, & humano cordi præcipuam opem ex eis petierunt. Cordati nimirum ipsi, qui ingeniosè ambitionis, & avaritiæ fedi hoc pharmacum excogitarunt. Minutis eodem successu, atque magnis utimur, nè hoc se jactent divites. Sed nec ipsi corporum ægritudinem, fortunæ damnis cumulabunt. Minutæ adulterationis quoque suspitione vacant. Nec in his curiosus erit delectus; sat erunt candidæ, ut Mesues innuit, qui Margaritas albas in suis antidotis exigit. Candor enim puræ materiæ, & ætate non fracti vigoris color est. Ex his, aliisque pretiosis, Mesues electuarium ex gemmis, ut vocat, miscet, efficax ad frigidos affectus cerebri, cordis, ventriculi, hepatis, uteri. Idem melancholicos, latente causa, tristes, timidos, solitarios juvat, exhilarat, & ad mores probos invitat: Emendat cordis tremorem, syncopen; ventriculum à frigida intemperie imbecillum roborat, & coctione tum ejus, tum hepatis meliore reddita, corpus bene coloratum, & odoratum efficit. Ejusdem electuarium xylaloes his augetur; ad morbos cordis, ventriculi, hepatis frigidos; quibus medetur, & partes ipsas roborat. Hinc etiam cordis palpitationem, syncopen sanat, & exhilarat, coctionem juvat; Adduntur etiam à Mesue in dulci antidoto ex Moscho ad frigidos cerebri effectus sinè febre; melancholiam, & ei connatam tristitiam sinè causa manifesta, vertiginem, epilepsiam, paralysem, oris torturam, seu spasmus *κυνικόν*, cordis palpitationem, pulmonis affectus, & spirandi difficultatem. Aliud diarrhodon commune ex his conficit; ut ventriculum, & hepar roboret, coctionem iuvet, & dolorem horum à calenti, & acri, ac mordenti bile mitiget. Admittuntur, & in Electuario de oxalide, teste Mesue, Galeno adscripto, ad intemperiem calidam totius, ut in febre æstuosa, vel solius ventriculi, aut hepatis, syncopen cordis, palpitationem, ebrietatem.

*Avicenna lib. 3.*

*Fen 11. tract. 1. cap. 7.*

*Gr tract. 2. cap. 4.*

*Serapion tract. 2.*

*cap. 24.*

*Idem de simp. ex min.*

*cap. 397.*

*Joannes Platear. de*

*simp. medici.*

*Silvius in Mes. An-*

*tidot. 15.*

*Brasav. in exam. la-*

*pid.*

*G. Pictorius.*

*Lonicerus de lapid.*

*pretiosis.*

*Monachi in Mes.*

*dist. 1.*

*Plin. lib. 9. cap. 35.*

*Macrobius Saturn.*

*lib. 3. cap. 9. & 17.*

*Pausanias lib. 3.*

*Albertus Magnus*

*lib. 24. de anim.*

Avicenna inter cordis medicinas frigidas adsciscit, utiturque ad cordis tremorem calidum pluribus medicamentis. In eundem usum Serapion medicinas parat ex Margaritis, totamque earum facultatem in simplicibus suis contrahit; moderatè frigidas esse, & siccas, parum tenues visceris medicinis utiles, prodesse cardiacæ, cordis tremori, & debilitati, natisque à melancholia malis sanguinem attenuare, ejusque prope cor putredinem prohibere, deficcare humores, retinere menstrua, oculorum aciem excitare, in eis discutere albedinem, sordesque cohibere humores, firmatis eorum nervis, & abstergere dentes. Laudant hæc omnia nostri temporis medici; nec minùs à tota substantia cardiacas esse putant, capitis vertiginem levare, & dysentericis opitulari. Cordis reducendis viribus conferre plurimùm nos ipsi testes esse possumus. Indis nullus in Medicina usus est, auctore Garcia ab Horto. Aceto Uniones liquefcere, cum Plinio, & Macrobio, Pausanias sentit, aliique recentiores; & quidam solvi limonum succo docent: integras Margaritas lavari volunt, & succo limonum bis, terve, per colum purgato mergi, ac quinque, aut sex diebus soli exponi, atque ita mollescere, mellisque colorem cum mollitie trahere pollicentur. Melius quidam chymisticè hoc præstant. Primum illi in pulverem Uniones comminuunt, & obstricti oris vitro exceptos, aceto



## Lapides Animalibus innati. 213

aceto distillato perfundunt, eoque ad duos digitos superfluente foveant, calido cinere, donec emollitus solvatur pulvis; Dein solutum balneo humorum stillando excernunt ad ariditatem. Residua Unionum calx, sive pulvis aqua pluvia stillatitia respergitur; quæ rursus stillicidio elabatur. Succedit altera eodem modo subducta, iterantque humectando toties, dum omnis exuatur aceti asperitas. Tum in marmorea areola effusum vini exhalati stillis terunt, macerantque, ut protinus distillatus in olei liquorem lentescat. Huius sex grana potione aliqua ad remissionem nervorum, membra convulsa, languescens senii defectus, & phrenitidem hauriuntur; corporis vigorem tuetur, labefactum reparat, emendat mulierum lac, augetque, naturalium partium vitia, & semen corrigit: abscessus, ulceraque serpentina, cancerum, & hæmorrhoides compescit. Hic Margaritarum fructus est, haud magnus, si damnis metiamur.

*Julius Solin. in Polyhist.  
Alii Monachi in Mes.  
Ex Andernac.*

### N O T Æ.

Alkalicæ admodum sunt Margaritæ; acidos enim liquores maximopere absorbent.

## DE LAPIDIBUS SPONGIARUM.

### C A P. XXI.

**Q**uo jure spongiarum historia animalium inseruit Aristoteles, eo plane spongiarum lapides hoc Armario excludi non debent. [1] Enimvero illas tertiam naturam sortitas esse, quæ neque animalia, neque frutices constituit pluribus indiciis expertum auctores habent. Ali enim limo captura docuit, quo infarctas invenerunt evulsores; confirmatque societas pluribus annexis communi per medium commeatu. Et singulos patere meatus ferè quinque, per quos pasci existimantur, ab Aristotele scribitur. Præterea sensu præditas esse ajunt hoc argumento, quod accedentem abhorreant, contrahanturque ad sonum abundantia humoris expressa, ut firmitus nitantur eodem præsidio adversus tempestates se munientes, nè suis sedibus exturbentur. Auget ista Plinius, nec solum limo vivere, sed conchis, & pisce: manifesto inquit, ostendunt conchæ minutæ in his repertæ, quod Aristoteles pinnoteri spongiarum incolenti verecundiùs tribuit. Ille etiam abscissas sanie emittere ait, in hærente petris cruoris colore. [2] Inter cætera autem illius vitæ argumenta numerari possunt nativi lapides; nam casu non intrusos, aut fluctuum agitatione inculcatos ipsorum compositio, quanvis informis, & spongiæ circum illos contextus, apertè monstrant. Pumicosi sæpius sunt, & inanes, ex incomposito spongiæ corpore inæquabili materiæ augmento. Frequenter verumiculatæ per illos zoophytorum fistulæ sinuantur; etenim tineas intra spongiarum consistere à Terones incolis accepisse se Aristoteles refert. Spissi aliqui, & scabrosi inveniuntur, nonnulli aculeis crispatis à spongiæ foraminibus expressis, materia intus candida est, color exterior squalidus; aliquando flavet, nigricat, rubescit.

[3] Tecolithos spongiæ lapides quidam apud Plinium appellarunt, quod vesicæ calculos eliquent ex vino potius; idque Dioscoridi visum est. Galenus quidem extenuandi, & insignem excalefaciendi vim concedit, sed tantum in vesica posse negat, verum in renibus. Frequentes sunt in spongiis, & ubicunque spongiæ nascuntur inventu non difficiles.

*Aristotel. de hist. anim. lib. 5. cap. 16.*

*Quibus spongiarum sensus comprobetur.*

*Plin. lib. 9. cap. 45.  
& lib. 31. cap. 11.*

*Ibid. Aristoteles.*


*Plin. lib. 36. cap. 19.  
Dioscor. lib. 5. c. 120.  
Galenus lib. 9. simp. med.*

### N O T Æ.

- [1] Spongiæ inter stirpes hodie communiter recensentur. Nulla enim motus neque alia vitæ indicia produunt.
- [2] Lapidem in spongiis reperti diversis causis tribui possunt. Aut enim ab undarum agitatione commoti atque impulsæ unâ cum aquis intra spongiarum foramina invehuntur, ubi spongiæ fibræ exinde succrescentibus irretiti detinentur, aut liquor lapidescens vel ab ipsius spongiæ succo genitus, vel extrinsecus adveniens unâ cum limo ac spongiola substantia concrevit, in lapillos pumicosos.
- [3] Tecolithos dicitur à τήκεν liquefacere, ac λίθος lapis; quasi lapides liquefacient.

ARMA-







## ARMARIUM IX.

## LAPIDES ΙΔΙΟΜΟΡΦΟΙ.

## DE NOMINE

## LAPIDUM ΙΔΙΟΜΟΡΦΩΝ,

Et de Ordine ipsorum ad alia genera  
Lapidum.

## C A P. I.



U<sup>m</sup> genus lapidum nulla vitæ munia exerceat, nullis etiam instrumentis ad usum vitæ comparatis indiget : qua ratione Natura provida rerum parens, non opus habuit in lapidibus conformare membra, & illas partes corporis, quas dissimilares vocant : Sed universo lapidum generi talem corporis figurationem satîs fuit tribuisse, qualem ipsorum materia, vel confluxu, & concretione fortuita, vel commoditate loci natalis sponte conciperet : nec alia insuper colorum lineamenta iisdem accederent, quàm ab ipsius materiæ affectibus oriri queant. Quas figuræ conditiones plurimùm observari in ortu lapidum experientia constat, præsertim in ortu eorum, qui magna, & continua mole in lapidicinis nascuntur : in aliis autem minoribus aliter evenire compertum nobis aliquando est, nascique lapides partim figura corporis insignitos, tam operosa, concinnaque, ut ejus causa efficiens, neque ad conventum concretionemque materiæ fortuitam, neque ad ullius loci vel ingenium, vel habitum possit referri : partim delineatione colorum tam artificiosa excultos, ut ejus etiam effectus à mistura, & conflatione materiæ sive æquabilis, sive diversæ non proveniat. Nam eorum alii specie præferunt integras animantium effigies, ut Dendrophytus, Conchites biforis, Cancer lapideus, Ichthyospinus, & Orneospinus : alii membra tantùm, partesque animati corporis imitantur, ut Pyren, Stelechites, Conchites lunatus, Lepidotes, Hieracites, Ammonis cornu, lapides Offici, Glossopetra, Encardia : alii rerum aliarum similitudinem reddunt, quarum exemplar, vel extat in Natura, ut stellarum in Astroite, vel ab humana mente producitur, ut rerum artificialium, quas videntur æmulari lapides Literati, Trochites, Ceraunia cuneata, Ceraunia triquetra, Nummus siliceus : alii nullius quidem rei cognitæ similitudinem habent, sed figuram ita accuratè elaboratam, ut illa temerè sic exorta non debeat existimari, quales sunt Rhombites, Ombria, Pentexoche, Ovum anguinum, Gemonides, Aculeoferus. Omnes verò insignis adeò figuræ lapides in universali divisione lapidum, quam aliàs fecimus, sub uno genere comprehensi sunt ratione figuræ, propter quam comuni generis sui nomine *ιδιομορφοι* vocantur, idest peculiari formâ præditi : Non enim conveniebat ratione materiæ, quam aliqui diversam habent, separari eos inter se, atque in diversa lapidum genera sic distribui, ut pars inter saxa, pars inter marmora, quidam inter silices, nonnulli etiam inter gemmas reponerentur. Nam hujusmodi materiæ delectus in omnibus Idiomorphis haberi non potest, quorum aliqui materiam adeò peculiarem obtinent, ut cui generi illa debeat assignari non facilè reperiatur. Multis etiam non est una, & simplex materia, sed aliam, atque aliam complectuntur, eamque vel distinctam ab altera, vel simul confusam. Distinctam habent Echites quidam, & Geo-



& Geodes, foris faxeam, intus terream: similiter Gemonides, & Aculeoferus, intus crystallinam concludunt, foris opacam, & faxeam obducunt. Confusam habent Ithyospinus, & Orneospinus, bituminosam, faxeam pyritoidem, aream. In his itaque hæret iudicium, nec facile statuat, quod genus ratione materiæ tales Idiomorphi sibi vendicent. Qui verò materiam faxeam, vel marmoream, vel siliceam præferunt; illi propterea non in fodinis saxi, vel marmoris, vel inter silices generantur, sed ferè privatis in locis oriuntur: quæ peculiaritas natalium docet, materiam ipsorum, quanvis similem, plurimum tamen ab iis differre nimirum totius substantiæ ratione: quod evidentiùs cognoscitur ex causis illustrium figurarum, quæ sunt in Idiomorphis: Hæ namque, sicut dicemus, pertinent ad formas substantiales, easque comitantur.

## DE DIFFERENTIIS ΙΔΙΟΜΟΡΦΩΝ,

Et Natura.

C A P. II.

COMMITTUNTUR in præsentia ludi Naturæ, rerum simulacra in lapidibus prope viva, nullis adminiculis conformata, sed innocentis naturæ joco: cujus defectu notantur infames lapidum species in animalibus demonstratæ; tametsi sunt rudiusculæ, cæterum quæ has nobis spectandas deinde proponunt. Exemplum igitur sculpturæ primùm ac picturæ instituisse Natura præfert: utroque varias ex lapide repræsentavit effigies animantium: nonnullas item figuras operum, quas hominum solertia reperit, quasi verò nè quidem eas concedat industriæ, videri se studeat artis magistræ, veluti quandam conficiendi formulam auctoribus præscripturam, prima operum delineamenta duxisse. Ludit autem per classes in animantibus: quorum novissimæ cum sint plantæ, foliis, fructibus, totisque arbusculis lapides depinxit: alia, quæ plantas subsequuntur, abjectæ naturæ animalia ferè perfecit: inde progressa belluarum species edidit: neque dubitans ad hominem accedere, membra ejus linguam, cor, atque sexus utriusque symbolum assimilavit. His ergo spectaculis præfens Armarium instar theatri dicatur: lapides verò qui continentur, & exhibent ea, more Græcorum, *ἰδιόμορφοι*, idest peculiari forma præditi, nuncupantur.

Genus, horum materiam inspicienti, multiplex apparet: unde cunctis potius locum communem prærogativa formæ constituit, quàm per Armaria diversa distrahantur, præsertim quia delectus haberi nequit, cum haud satis pateat, cui generi materia singulorum assignari debeat. Quæ ratio pariter effecit, nè dubitandum foret simplices, certosque, quorum est materia à controversiis exempta, disponere, atque in locum quenque suum constituere. Hoc modo non erit necesse in hunc ordinem gemmas cogere, quarum nobilitas ludi suavitatem adjungit: nec admittentur lapides ex transmutatione rerum speciem servantes: non metallici, rariorem à defluxu, & coagmentatione figuram consecuti. Quantum verò attinet ad materiam lapidum, quos vocamus *ἰδιόμορφοι*, sic habeatur; partim ipsos integro constare lapide, qui vel saxi, vel silicis, vel marmoris specimen præbent: partim succis permisceri, aut metalli vestigiis, & Pyritæ: partim aliam à se materiam concludere, terream, vel faxeam, vel crystallinam. Proinde durities omnium pro ratione materiæ, colorque varius existimatur. Nitorem aliqui præter opinionem, commissuris perfractis, detegunt, aliqui præferunt in ambitu, quidam ab arte suscipiunt, iniquiores quidam permanent.

Sed formarum ineundæ sunt rationes duæ: facilior prima, *ἰδιόμορφοι* continet, quos è conventu materiæ, partiumque applicatione fortuito, ac temere

Varia idiomorphorum materia.



## Lapides ΙΔΙΟΜΟΡΦΟΙ. 217

merè insignes evadere vel certum est, ut de fungis antri vel si minùs exploratum sit, quorum operis exigui compositio nihil præterea exigere videtur atque indicare, sicuti Perdicitum solæ maculæ. Altera ratio non æquè prompta comprehendit *ἰδιόμορφους* operosiores, figurasque adeò excellentes, ut earum ignari perfectas ab arte credant. Oportet verum profiteri, nihil his artem addidisse, talesque naturæ dote concessas: neque enim artem tractare nobis institutum est; sed à natura quomodo accipiant, uti declaretur, eget disquisitione longiori; propterea quòd rationes aliquorum interveniant ad veritatem minùs expeditæ, quæ priùs amoliendæ sunt. Si quis autem irrepserit in opinionem, hos similiter figuram exquisitam casu, quemadmodum superiores, acquirere, multis rationibus prohibetur, quæ deinceps colligi poterunt. Ac semel aliquando fluxæ materiæ circumscriptionem accidisse ejusmodi, formæque moderationem ab ambiente corpore ita fuisse definitam, uti concedatur, nequaquam erit tanto proventui verisimilis ratio. Tum videat, qui receptus intrà terram fingendi sunt, quæ conceptacula materiæ, quorum ipsa lateribus astricta in absolutam figuram componatur: quanvis nè tum satisfiat diligentiae lineamentorum, neget etiam interna conformatio. Quibus impedimentis auctores quidam recentiores permoti statuunt de vulgari opinione, lapides figura præditos aliis ex rebus materia conversa, & figura persistente factos, eaque conditione figuram rei commutatæ singulos gerere. Qui num rectè sentiant nunc agitur. Non dissimulamus vim aquarum & quandam locorum naturam, quibus lapidescere quæcunque comperta accepimus, non ad *ἰδιόμορφους*, sed uti dictum est, aliò transferenda censuimus. Verùm illi cùm de universis figuratis affirmant, quorum ex præcipua parte lapides *ἰδιόμορφοι* copia & varietate sunt existimandi: ad utranque speciem eorum respiciamus, quæ sculpturam, & quæ picturam reddit. Pictis, qui signatis pauciores sunt, non convenit quod ajunt, cùm ex iis nulla capiatur artis conjectura: non ferunt tabellæ figuram, quam lapide factam arguant: non crustam colorum, picturamque in superficie sustinent: Sed cùm sæpe altius pictura intrinsecus, tum nonnunquam ad partes omnes pertingit. Signati quanquam in eadem causa sunt, tamen quò planius accipiantur, non converti eos ex rebus alienis in lapides, ostenditur hac ratione, quòd generatim proveniant, possideantque suæ nationis fodinas. Nam si ex aliis lapidescerent, natalitiis eorum locis id ingenium existeret, quo in se obruta, quæque verterent in lapides, neque tum privata fierent ullius generis fodinæ, neque magnum eadem loca, cujusque generis proventum haberent. Quin futuram providerat quæstionem, præsenferatque Natura, quam prudens ut absunderet, quosdam horum metallis intimis condidit, quosdam aviis rupibus ingenuit, ubi rerum esset inopia, quarum specie lapidum foret copia. Quis æstus invexerit summis montibus genera concharum? vel quo consilio designatis locis tantam multitudinem? quare non litori propinquioribus? quid mediterraneis cum, marinis piscium formis? Tum etiam in natali loco non solum eludat illos labor quærendi veras ipsorum, quæ imitantur species: sed etiam nonnunquam ex tota rerum omnium multitudine, quibusnam tales *ἰδιόμορφους* comparent, haud ex facili discernant: tamen eorum articulata constructio fortuitæ figuræ suspicionem removet. Quid enim dicent de Cucurbita indica, Lepidote capitato, Ombria, Clavo fibulari, Judaico concinniore? Sed præclarum suæ naturæ testimonium dederint, quorum dimensio rebus, quas æmulantur, non responderet: nemo putet amplitudinem rotarum in angustum Trochitis circum contractam. Adde cohærentias, & connexiones nascentium, quæ ipsis, unde trasmutari deberent, minimè congruunt, veluti Glossopetris, Pentacrinis & aliis. Huc spectant quæ de rebus veris natura in his diminuit, quæ addit, variavitque: Ophioidi caput detraxit, in Auricularibus aditum vocis signavit tantum, Ammonis cornu foliis ad coronidem incinxit, Conchis lunatis interdum geminam testam, non uti solet ex adverso revinctam, sed à latere sociavit. Præterea de multis quæri potest, cur æqualiter ex præscripto

Lapides exquisitam figuram præferentes fortuitò gigni non possunt.

*ἰδιόμορφους* non esse corpora in lapide conversa.



Refelluntur, qui corruptorum corporum formam ad lapides transferri credunt.

Forma distinguitur à materia.

Materia pars retinere nequit formam totius.

Text. 53.

Text. 11. & subsequ.

Potentia quid.

Text. 35. cap. 1.

Unica forma in plures ac diversas materias transire non potest.

Text. 20.

generis sui partes rerum imitentur: nam si lapidescunt, quidam cum Auricularibus, vel Encardiis annexæ partes corporis sortem subeant æqualem, simulque cum eis lapidescant. Postremò cum lapidescentium materia, ad saxi naturam declinans, similis ferè sit omnium, in ἰδιόμορφος diversitatem paulo ante demonstravimus. Hæ difficultates objiciuntur, nè rectè judicent, qui lapides ἰδιόμορφος materiam rei alienæ immutasse dicunt. Quod pridem alii recentis memoriæ scriptores animadverterunt, seu quia de pictis, signatisque agendum sibi fore prospicerent, seu aliis adducti incommodis causam illorum dimittendam, atque aditum rationis certiorum investigandum cognoscerent: verum ab iis ex contrario in sententiam turpiorem discessum est. Nam existimant locis ad creandum lapides paratis rerum defossarum formas, figurasque, quas amittunt, ad lapides transferri. Id quidem administrari humoris aquei facilitate, qui defunctus necessitudine prioris corporis, formam ejus ad materiam lapidis fortè traducat. Sententia oppido vendibilis vulgò, provectioribus nullo pacto. Etenim in rebus arte fabricatis persistere figuram eandem terminis perturbatis, quorum sola fuit dispositio, ineptum est asserere: Formam autem substantialem abduci humore absurdum in philosophia. Quis enim esset humor ille transfuga, & formæ directior? cujus vicem gereret ipse, vel alia pars quævis in corporis compagine, nisi materiæ? Materiam verò à se informari, jam est ejecta sententia. Non enim in idem numero cadit, & agere, & pati: alioquin essent idem. Idonea sit materia, quæ fiat hoc aliquid, ejusque potentia sit exhibere se aptam: efficere verò quod fiat, alterius esto facultatis. Ita pronuntiatur ab Aristotele in secundo de generatione, & corruptione: de forma quoque accuratè in secundo Naturalis scientiæ. Sed illi formam prius fuisse dicent, quàm humor retinuerit, cæteris partibus corporis absolutis. Quod argumentum si persequamur, figuram habuerit humor, qui sinè terræ corpore nequit definiri; una pars formam obtinuerit, quæ fuit universarum partium: una igitur illa pars erit qualis, & quanta fuerit cum reliquis cunctis.

Nanque formam habet eandem, materiam, quæ apta sit habendo. Quod si potentiæ prætextu, cui subesse formam significant, evitare conentur: nos in orbem redimus, cum ea potentia non sit alia, quàm, sicut diximus modò, aptam esse, quæ promoveatur ab efficiente, dum ad actum formæ perducatur. Quare nec erit ea potentia in humore, quem sapius illi ridiculè coguntur è siccis derivare. Nam quæ ipsi cum reliquis materiæ portionibus communis fuerat potentia, eam deposuit, cum illas defereret. An verò audeant jactare, humori formam priorem inesse velut semini? Si consentiant, animam rebus, unde humorem deducunt, & humori, & in quos transferunt, lapidibus concedent. Postulatur enim principium motus, quo se forma educat. Sed quotus quisque res defossas vita perfrui novit? præter illas dico, quibus extra terram negatum est superesse. Nisi vivant, figura eorum sicut statux, non aliunde, quàm ex constitutione materiæ pender, qua dejecta, nulla sit omnino. Cadavera nanque, & animæ quasvis exuvias rationem habere statux docetur in septimo Transnaturalis sapientiæ, & in principio primi de partibus animalium. Postquam enim ab animali defecerunt, plusquam genere distant, quoniam se à vivente ad non vivens receperunt: ideoque similitudo animalium eis relicta nititur sola materiæ digestionem. De lapidum anima, olim explosam, everfamque opinionem, ac denuo à recentioribus quibusdam excitatam non attingimus, cum alibi vanitas ejus demonstratur, nec opus sit de hac nunc velitari. Nihil hac porrò falsitate adducta efficiunt. Semen enim non eandem numero formam ejus, unde natum est, obtinet, sed aliam de integro ab ea productam, quæ actu una, plures est potentia, ut ait Philosophus in secundo de anima. At illi eandem numero in humore ducunt, quam sequuntur hæc monstra, formam unam in plures migrare materias, nec ejusdem speciei, Æthalide Samio duce, sed in diversas; quorum utrumque impossibile videtur rectè sentientibus. Nam forma substantialis esset accidens per



## Lapides ΙΔΙΟΜΟΡΦΟΙ. 219

per se separabile; atque dissimilium eadem essent causæ. Sed hæremus in limine Philosophiæ, etiamsi hæc ita fuerunt discutienda, ut ab omni ratione intelligerentur aliena: cæteroquin prioribus argumentis dilui poterant. Quippe formæ traductione plures non gignerentur *ἰδιόμορφοι*, quàm res defoderentur. Nam ex singulis singulæ tantum emanarent formæ, nusquam fodinæ peculiare, nusquam proventus uberiores statuerentur. Deinde materia ipsi propria pro loci ratione variaret. Quapropter quoniam est absurda sententia postrema, media iis de causis, quas diximus iniqua, prima non verisimilis: neque formæ transeunt ex aliis rebus ad lapides, neque res ipsas commutata materia repræsentant, neque figuræ, qui sunt exactioris fortuita materiæ concursione constanter: cumque hoc nec ab arte fabricari constet, certè nulli omnium inter nos existentium figuras debent: itaque longè alium dari accessum ad veritatem existimamus. Et sanè quid illi tentandum est, qui nequiquam humi repit? Cælo igitur acceptas referimus has *ἰδιόμορφων* figuras perfectiores. Sequi videtur, si nihil infra sit, à quo accipiunt, cælum eas largiri. Hinc primùm consequimur differentias regionum iis conficiendis materiam facilem suppeditare, quorum copiam generatim proferunt: & nihiloscius separatim quid interdum parari, suscitarique contingat. Fit enim apparatus materiæ, fodinæque instruuntur præviis qualitatibus. Est aded horum forma, cui non solum uti cæteris lapidibus materia privata destinatur, sed quæ materiæ, priusquam inditur, figuram requirat. Cujus cum non sit usus ad ipsius formæ conservationem, videntur corporum cælestium radiationes, vires, earumque missiones, quæ formam producant, quia tales sunt, in materia talem quoque motum efficere, quali figura disponitur. Quamobrem forma, quæ necessariò iis siderum effectiõibus provenit, nobilior quodammodo *ἰδιόμορφοις* attribuitur, quàm cæteris lapidibus; siquidem his gradibus dignitas æstimetur: infimo formarum simplicium, quas Natura elementis tribuit ultimas, & inter se commutabiles: proximo earum, quæ non item commutantur secundum materiam ex elementis commistam divisibiles: tertio formarum animantium, quæ divisionem non patiuntur, sed communicantur. Inter hunc verò & antecedentem gradum medio videntur *ἰδιόμορφοι* ambigui num dividantur, plantisque hoc ordine proximi. De figuris dubitaverit aliquis, an illæ, quæ membra perfectorum animalium obtinent, perinde atque aliæ similitudinem imperfectorum præferentes à cælo habeantur. Certum est enim, genera animantium humilioris naturæ, plantarum passim nascentium, Zoophytorum, multorumque suo motu procedentium, à cælo formis donari, quæ materiis æquivocis imponuntur, velut emissitiis navalibus formæ concharum, aliisque maris, terræque quisquiliis innumeræ. Qua quidem cæli facultate figuras imprimi lapidibus, cum aliunde non conficiantur, in fide facienda non sit admodum laborandum. Verùm animalia naturæ absolutæ, sui generis feriem ex se deducunt, quippe formam, quam communicant, à genitoribus obtinent, non à cælo: quod frequenter alibi, tum clarissimè Philosophus asserit in primo, & secundo de generatione animalium, & in septimo, & octavo transnaturalis sapientiæ. An igitur species, quas in sobole tantum posteritas excipit, à cælo impetrent *ἰδιόμορφοι*? Vel unde quærunt eas, si infra cælum, non accipiunt? Non mutanda sententia, figuras pariter has à cælo dari. Primus enim conditor, tametsi perfectiorum species, à sibi ipsis in genus instituit, earum tamen conservatrices in cælo statuit, quarum productiones hisce nostratibus convenirent, delationes foverent, effectiões tuerentur; Nec aliter est interpretanda mens Aristotelis de sole in secundo naturalis scientiæ, ac de necessitate continuationis in Meteorologicis. Cæterum familiare illud Rhetoribus argumentum est: si cælum movetur ad conservationem rerum humilium: tanto magis ad formas excellentiores tutandas. Sed quæritur an easdem radiationes, quæ formis viventium vel producendis, vel adjuvandis decernuntur, admisceri contingat formis lapidum, qui illorum similitudinem habent, quasi perturbatè quædam in cælo gerantur. Hoc sanè nobis

Forma figuratorum lapidum ex cælestium corporum irradiationibus gigni.

Cap. 2.  
Cap. 6.  
Text. 28. & 31.  
Text. 12.

Text. 26. lib. 1. c. 2.



Cap. 1.

Text. 5.

Text. 57.

bis videri non debet, qui motrices orbium cœlestium Intelligentias designamus: & pulchre in primo de partibus animalium conditionem cœlestium corporum potiore ducit Aristoteles inferiorum conditione, quæ caduca sunt atque mortalia: illa verò ratum, certumque statum obtinere putat, in quibus nihil fortunæ, nihil temeritatis deprehendit. Quo circa formæ non confundi formis, ut aliqui de monstris affirmarunt, & figuræ ἰδιόμορφων suarum, formarum propriæ videntur. Astronomi autem, qui diversis cœli orbibus privatas operas ascribunt, octavum orbem siderum fixorum luminibus illustrem terræ destinant. Quare in quo figurarum multitudo, & varietas excellit, ex eo omnigenæ species depromantur, atque indè suas sibi habeant ἰδιόμορφοι, qualescunque etiam, quæ videntur artem imitari. Totum deinde processum singularum inquirere, & quæ sint, ac quomodo se habeant ἰδιόμορφων formæ pro diversitate figurarum, quanquam curiosi, sapientis tamen non est in tanta mentis humanæ caligine. Quin nulla substantiæ forma percipitur: non solum inquam sensu; sed in intellectu coruscant species tantum ex differentiis accidentium conceptæ, ut docetur in octavo Methaphysices. Illud verò monendum, solem eorum, quæ supra se geruntur, veluti procuratorem constitui, quem & auctorem generationis, corruptionisque in secundo ejus operis Philosophus agnoscit. Relinquitur demum in figuris observandum Naturæ consilium: ipsa imperfectorum species integras sapius exhibuit, perfectorum partes attigit solas, nisi fortè ad picturæ modum delineaverit, eas tum liberiùs profecuta. Hoc enim sculptoria dignior arte pingendi videtur, quòd longitudinem, & latitudinem hæc tantum curet, illa tertiam insuper dimensionem exequatur.

## N O T Æ.

Triplex sententia  
de figurarum lapidum  
generatione.

[a] De purpura.

[b] In Prodomo de  
solido intrâ solidum.[c] Lavana specu-  
latione disingannata  
dâ sensu.[d] Recherches, &  
observations naturel-  
les.

[e] Piscium quærelæ.

[f] Lib. 1.

Dictos lapides nihil  
aliud esse quàm va-  
ria animalium ac plan-  
tarum corpora in  
lapidem conversa.

De hujusmodi lapidum, qui ἰδιόμορφοι appellantur, generatione ingens est apud Auctores contro-  
versia. Alii enim contendunt illos veros lapides, esse cæterorumque fossilium instar in propriis fodi-  
nis gigni, atque adolescere. Alii ex animalium testaceorum seminibus, auræque plastica, ut vocant,  
feminali, in locis, in quibus inveniuntur, ortos fuisse, atque à succo minerali nitroso nutritos,  
auctosque arbitrantur. Alii demum existimant adventitios eos esse, atque è mari advectos à liquore  
lapidescente, ex testaceis in lapides fuisse conversos. Quorum profectò sententia longè rationi  
consentanea videtur, atque multis gravissimisque argumentis comprobari. Ex quibus ea tantum-  
modo hic summatim afferemus, quæ præcipua visa sunt, tum ad memoratam sententiam confir-  
mandam, tum ad aliorum opinionem refellendam: cum cætera videre liceat fusiùs exposita, apud  
Fabium Columnam [a], Stenonem [b], Augustinum Scillam [c], Paulum Boccone [d], Clar. Scheu-  
zerum [e], aliosque.

Primum enim, si sensus consulamus, sinè quorum suffragio nihil, nisi temerè, de corporum natura  
ratione decerni potest, lapides hi nihil penitus, tum externæ superficiei, tum internæ structuræ  
forma, atque substantia, ab echinorum, cancerum, conchyliorum, aliorumque hujusmodi testis,  
vel dentibus, ossibus aliisque partibus differunt, & plerunque integros pisces præferunt, alia-  
que marina, veluti corallia, madreporas, corallia articulata, &c. Quid igitur prohibet asserere  
lapides hosce vera esse animalium, aut marinarum plantarum corpora, vel eorundem partes? Hoc  
sanè argumentum, licet facile elusisse existiment, qui aliter sentiunt, nihilominus, si altius il-  
lud repetere, atque enucleare velimus, firmissimum esse comperiemus, atque hujusmodi, ut rem  
evidenter, ac tantum non geometricè demonstret. Etenim nihil magis exploratum, certumque  
habetur apud Physicos, quàm omnia, quæ natura sunt, immutabilibus ejusdem legibus, atque or-  
dine perpetuò gigni: quod perbellè expressit his versibus Lucretius. [f]

Denique jam quoniam generatim reddita finis

Crescendi rebus constat, vitamque tuendi:

Et quid quæque queant per fœdera naturæ;

Quid porro nequeant sancitum quandoquidem extat.

Nec commutatur quidquam: quin omnia constant, &amp;c.

Cuncta siquidem admirabili summi opificis sapientia ita condita, disposita, distinctaque videmus, ut  
quælibet in propria genera, ac species distribuuntur, corporum forma, veluti quadam peculiari  
nota ac caractere insignita ab invicem perpetuò discernantur, suisque causis, locis, temporibus  
aliisque circumstantiis, quælibet producantur. Ut enim exemplis res fiat clarior, quis unquam  
in mari aut avem iis quæ in aere degunt omnino similem ortam observavit, aut animal formam  
quadrupedis veluti equi, leonis, &c. adamussim referens, aut quis volantes in aere pisces con-  
spexit, aut absolutam perfectamque avem, quadrupedem, seu piscem, ex stirpibus germinare,  
animadvertit? Si hæc itaque atque similia, evenire posse, absque eo quòd immutabilis naturæ or-  
do perturbetur, credere, absurdum prorsus, ac ridiculum foret, quanto magis absolum erit,  
contendere ex intimis terræ visceribus gigni lapideos pisces, conchyliæ, echinos, lamias, carcharias,  
aliorumque dentes, omniaque penè aquatiliū genera, adeò veris animalibus, eorumque partibus  
simi-



## Lapides ΙΔΙΟΜΟΡΦΟΙ. 221

similia, ut motu tantummodo, ac vita inter se distent? Siquidem animal animali affinius est, quàm animal lapidi, quæ quidem summo genere inter se differunt. Nam quæ contra nonnulli jactitant de naturæ lusibus, inter pisces quadrupedum formas, atque in plantis diversas animalium species exprimentis, ludicra profectò sunt, ac Poeta potius quàm naturalium rerum scriptore digna. Quis enim hippocampum à vero equo plurimum differre, aut leporem marinum à terrestri non discernat? quid stellæ marinæ an non tantum à cœlestibus astris distant, quantum mare ab ipso cœlo? tam varia autem orchidum genera, antropophori nimirum, ornithæ, melittæ, sphegodes, myodes, draconitæ, batrachitæ, arachnitæ, ab animalium similitudine ita appellatæ, adeò ab hominibus, avibus, apibus, vespis, muscis, draconibus, araneis, aliisque quorum species præferre videntur, differunt, ut etiam rebus aliis longè diversis assimilari possint.

Neque verò hoc argumentum facilius effugere possunt, qui alteram sententiam tuerentur; cum inquirunt, hujusmodi corpora ex veris animalium feminibus originem duxisse. Ut autem in quas difficultates se se implicant ostendamus, eorum opinionem antea exponere clariùs necesse est. Contendunt isti, conchyliorum, echinorum, aliorumque marinorum, sive plantarum ovula perexigua, ac semina marinis undis fluitantia in montium visceribus à terramotu dehiscantibus intrà ipsa, delata relinqui, vel ab aqueis vaporibus ob eorum levitatem efferri, ac per terræ internos meatus subire, donec aptis locis detineantur aut aliquo alio casu eodem impelli. Deinde auram quandam plasticam comminiscuntur, quam singulis corporibus inesse existimant, quæ veluti quadam suscepta provincia ovulorum fluida impellat, tubulos patefaciat, ac nutrimentum aptum extrinsecus adveniēns seligat, admittat, ac per omnes partes appositè distribuat: quo fieri posse existimant, ut dicta ovula non magis intrà maris undas, quàm inter margam, arenam, & saxa suscepto convenienti alimento salino nitroso, quo dicta loca scatere affirmant, ad eorum nutritionem apto, augeri atque in perfectam animalis figuram adolescere, tum ob vim plasticam, omnia disponentem, ac quodammodo archytecni munus obeuntem, tum ob congruentem ovulorum, structuram, tum ob alimenti particulas facilè aptis partibus adhærentes. Quæ quidem opinio nullo negotio refelli potest.

Primò enim cum singulæ corporum affectiones aptè explicari possint ex varia figura, situ, motu, aut quiete, & quantitate, atque organis, nihil opus esse videtur auram istam plasticam, novasque substantias effingere.

Deinde verò aut animalia ista, ac marinæ stirpes integræ, inter fossilia crescunt, ac vitam degunt; aut surda tantum sunt corpora, nihilque penitus à lapidibus differentia, nisi sola figura animalium, quorum tantummodo partes referunt, non autem universam substantiam, veluti conchyliorum, testas, lamia dentes &c. Quorum utrumque valde absurdum est.

Quod ad primum enim attinet, quis piscium ovula extra maris undas in terræ penetralibus ita foveri posse existimet, ut animalcula edant, non modò, verum etiam postquam fuerint exclusæ, nutriantur, crescant, vivant, ac perficiantur? id enim quantum à memorata, constanti rerum naturalium serie, atque ordine, abhorreat, alienumque sit nemo non videt. Nam ut taceamus de testaceis, frequentissimè integri pisces lapidei intrà saxa comperiuntur & nos etiam observavimus: ideoque si dicta saxa findantur per transversum pisces exhibent per medium divisos, ita ut partim in superiori faxea lamina, partim in inferiori eleganter, una cum spina, conspiciantur. An igitur credendum est hujusmodi pisces intrà lapides natos, nutritos, atque adultos fuisse: cum nemo ignoret quoscunque pisces, ab aqua extractos illico languescere, ac brevi interire?

Quod si autem dicta corpora à viventium numero excludant, statuentes non universam animalis substantiam ab aura plastica affici, ac ad crescendum impelli, ac disponi, sed tantum eorundem partes veluti dentes lamia, aut carcharia, aliorumque, ac testas echinorum, conchyliorum &c. atque ea feminum parte, qua substantia carnea, atque ipsum animal continetur, corrupta, reliquam nutrirī ac crescere posse, in majorem incidunt nodum: Etenim sæpius non solum dictorum animalium partes, sed integri pisces una cum carne, ossibus, aliisque membris in lapidem conversi occurrunt: qui quomodo nasci alimentum suscipere, atque augeri sinè vitæ motu potuerint, intelligi profectò nequit. Cum experimentis infinitis constet cadavera statim corrumpi, ac putrescere, vel salinis particulis subeuntibus tantummodo exicari, atque obdurescere. Manifestum quippe est vel mediocriter in physicis versato, animantium corpus nihil aliud esse, quàm machinam pneumatico-hydraulicam, apto ac perenni fluidorum motu, convenienti solidorum renixu atque oscillatione, ac mutuo utrorumque consensu constantem: Quo fit ut humoribus nimium crassis, aut viscidis, vel tenuibus facis, vel utcumque immutatis, solidis autem, vel nimis tensis, aut laxatis, aut obstructis, compressis, contractis, emollitis, obduratis &c. animal ægrotet, ac demum intereat, atque ipsius corpus, utpote quod vitali motu tantummodo viget, valet, augeturque, marcescat atque corrumpatur.

Præterea cum varia sit interna organorum structura, ac varia humorum crasis pro vario animalium, aut stirpium genere, hinc fit, ut tantum absit, ut quælibet eisdem nutriantur, adolecant, ac conserventur, ut potius sæpe sæpius, quæ unum summo opere recreant, aliud lædant, ac perimant. Quamobrem quæ plantæ in montibus latè proveniunt, in oris maritimis contabescunt, & è converso, quæ locis palustribus turgent, in apricis atque siccis arescant, & sic de singulis: idem quoque in animalium genere observatur, ut alia aliis cibis, locis, temporibus, aliisque circumstantiis delectentur, juventurque.

Itaque cum pisces, conchyliæ, echini, corallia, madreporæ &c. in mari oriantur, ac vivant, vigeantque, necesse est, ut eorum corpora ejusmodi structura solidorum, fluidorumque temperie sint prædita, ut ex aquis salis facilè alimentum suscipiant, susceptumque usquequaque circumferant, donec aptis locis adhærescat, absque eo quòd, quantum fieri potest, neque humores vitientur, neque solida ullo modo lædantur. Hinc aliò translata ea corrumpi atque interimi necesse est. Fieri enim nequit, ut ubique convenientem alimoniam, aliaque ad vitam, & augmentum necessaria nanciscantur.

Hinc colligi potest, pisces, aliaque marina nullo modo in fodinis, marina aqua destitutis, vivere posse, ideoque multo etiam minùs, ex eorum ovulis ope auræ plasticæ integras eorum formas, aut partium figuras progigni. Quandoquidem nutritionem viventium corporum, ex eorundem vitali motu

Exponitur sententia, auram plasticam in lapidibus hisce gignendis admittens.

Eadem refellitur.

Aquatilia extra aquam non vivunt.

Animalium corpora sinè vitali motu non adolecant.

Non omnia ubique gigni ac nutrirī.



Piscium ovula in fo-  
dinis, quo modo af-  
ficientur.

Membra à corpore  
separata nutriri non  
possunt.

Animantis motus ad  
testæ, formationem  
necessarius.

Fabulosa de carne  
fossili.

Objecta diluuntur.

Marina corpora qua  
ratione ad loca me-  
diterranea accesserint.

motu omnino pendere nemo non videt : nam quò motus iste vegetior est, eò etiam habitiora obser-  
vantur corpora, contra verò hoc languescere, ac denique deficiente, non modò ipsum animal  
ægrota, atque extinguitur, verum etiam ipsius corpus imminuitur, contabescit, denique  
corrumpitur, & dissolvitur. Viventium quippe corporum nutritionem perenni fluidorum per  
tubulos motu perfici, nullus inficiabitur : Atqui quæcunque motum hunc præpediunt, vitam  
ipsam eodem tempore lædunt, nutritionemque atque augmentum interrompunt.

Igitur si piscium ovula in lapidum, aliorumque fossilium fodinas aliquo casu transferantur, nihil magis  
rationi consentaneum est, quàm aut à corrosivis mineralium salibus ipsa erodi, ac dissolvi, aut à  
metallica, vel lapidea materia circumfusa, opprimi ac veluti duris compedibus constringi ac coar-  
ctari, ita ut nedum incrementum capere, ac dilatari possint, sed potiùs angustentur; aut à particu-  
lis metallicis vel lapideis per eorum poros pervadentibus, omnino rigida ac dura evadere. Quæ  
omnia impedimento sunt, quo minùs ovula hæc suos tubulos, aliaque organica vasa explicent  
ac dilatent, quippe quæ rigent; ac nutritium humorem suscipiant, obstructis undequaque mea-  
tibus.

Multo etiam minùs probabile est testas, dentes atque ossa, reliqua substantia animalis corrupta, ut  
vult Cl. Langius, separatim, ex ovuli parte tantum germinare, ac adolescere. Hæc siquidem  
opinio, præter difficultates hæcenus allatas, aliis quoque majoribus est obnoxia?

Etenim animalium seu stirpium partes à toto corpore separatas gigni, ac crescere superiùs demonstra-  
tæ rerum naturalium seriei atque ordini repugnat, quod quidem inductione facili confirmari pot-  
est : Quis enim avium plumas seorsim ab ipsis, quis leonum jubas, aut elephantis proboscidem,  
vel boum palearia, vel aprorum dentes, ab ipsis animalibus separatas gigni aut fructus, semina, cor-  
tices, vel folia ab ipsis plantis remota crescere observavit?

Hujusmodi enim animalium partes præterquam quod sinè vitali motu succum nutritium quaquaversus  
impellente crescere nequeunt, aptum etiam, ac peculiare alimentum requirunt : quod quidem  
in ore primum comminutum, exinde in ventriculo digestum, in duodeno atque aliis intestinis à bile,  
aliisque fermentis immutatum, per venas lacteas trajectum ac in sanguinem infusum, jugi fermenta-  
tione atque agitatione subactum, per tot glandulas percolatum expurgatumque, aliisque infinitis  
penè modis, tum ab innumeris diversisque humoribus, tum immenso penè organicarum partium  
apparatu, affectum, atque elaboratum, in partes congruas transmittitur, in quarum augmen-  
tum cedere debet. Quæ quidem à terra cum variis fossilibus permixta præstari nullo modo  
possunt.

Accedit etiam quòd testæ conchyliorum, aliorumque testaceorum non solum contextuntur ex liquo-  
re viscido peculiari ex externis vasculorum orificiis uti superiùs dictum est prodeunte, fibrilla-  
rum, aut filorum specie; sed etiam, tum ab ipsius animalis carnea mole, ac figura, tum ab ejusdem  
motu variè disponuntur, ac in peculiarem formam componuntur.

Igitur ex his demonstratur neque testas, neque alias partes gigni posse sejunctas ab animali, alimen-  
tum ac motum impertiente.

Hinc etiam faciliè intelligitur, ea quæ de carne fossili, de cornibus animalium intra terram crescen-  
tibus, aliisque similibus à nonnullis narrantur, ad fabulas prorsus esse rejicienda : Sæpius enim  
accidit, ut apud naturalium rerum Scriptores, ut plurimum veritas, nonnunquam etiam fides  
desideretur : ii enim aut aliorum dictis temere credentes, aut in suis observationibus non satis ocu-  
lati ad falsa scribenda plerumque adducuntur.

His expositis, quæ, lapides *idiomorphos* vera esse animalium, plantarumque corpora, quorum  
figuras præferunt, sat luculenter demonstrant, nunc quæ ad hæc nobis obijciunt dilue-  
mus.

Horum autem illud summa & caput est, nulla ratione fieri potuisse, ut marina ista corpora in loca  
mediterranea transferrentur : quod quidem satis se demonstrasse credunt, si probent, ex diluvii  
universalis aquis ea relinqui non potuisse : Ideoque in eo pæne toti sunt, ut evincant communi illa  
alluvione universam terrarum superficiem demersam non fuisse, sed tantum eam ipsius partem ab homi-  
nibus habitatam; neque si id evenisset, testacea ac pisces in tanta undarum agitatione atque col-  
lisione, integra servari potuisse; multaque præterea afferunt, quæ Cl. VVodvardi, aliorumque  
sententiam evertant, qui opinantur ex diluvio universali terram universam ita dissolutam fuisse,  
ut omnes ipsius particule unà cum aquis permixtæ fluitarent : exinde vero aquis imminutis, terræ  
particulas paulatim subsedisse, atque piscium, testaceorum, diversarumque plantarum corpora  
obruisse quæ nunc in lapidem conversa effodiuntur. Verum hæc, similibusque rationibus nihil sanè  
conficiunt. Licet enim ultrò quis fateatur, hujusmodi animalia ex universali diluvio reliqua fieri  
non potuisse (quod quidem modò expendere minimè vacat) non exinde colligitur, omnino repu-  
gnare alia etiam ratione nobis vel nota vel ignota, hujusmodi corpora è patriis sedibus pulsa, in  
alienas ablegata fuisse.

Quod enim ad Insulas aliaque loca à mari non multum distantia attinet, in quibus prædicti lapides  
reperiuntur, veluti in Sicilia, & Melite, hæc rebus ditissimis, verisimile admodum est, ea quon-  
dam sub marinis aquis penitus latuisse, ut de Ægypto, deque Rhodo, Delo, aliisque insulis Scri-  
ptores gravissimi testantur, vel saltem aliqua peculiari alluvione, olim fuisse demersa.

Quod quidem multis circumstantiis comprobatur : nanque in iis locis in quibus lapides isti effodiun-  
tur, cernere licet innumera testacea, pisces, plantas atque alia, quæ non nisi in mari gignuntur, im-  
mo & ipsius maris fundi limosam materiam, echinorum nimirum diversa genera, conchylia, co-  
chleas, ostrea &c. corallia, madreporas, &c. quæ quidem inter se variis modis permixta comperiun-  
tur, partim integra, partim in fragmenta comminuta, ita ut faciliè cognitu sit, ex quibus prædicta  
fragmenta sint divulsa : nam passim reperiuntur cancrorum chelæ, echinorum diffractorum mo-  
dioli, aliaque hujusmodi non longè à cancris, atque echinis, quorum sunt partes, jacentia. Quamobrem  
nihil probabilius esse videtur, quàm omnem hujusmodi rerum congeriem à marinarum aquarum  
vario motu agitatam atque invicem confusam, ac terris impactam quondam fuisse.

Ad plagas autem longo intervallo à mari distitas, ac supra ipsius libellam extantes, hæc ratione marina  
transisse probabile est. Communis fert sententia marinas aquas, non modò externam globi terræque  
superficiem occupare, verum per internos quoque terræ meatus ferri, ac undequaque etiam ad re-  
motissima ac mediterranea loca subterlabi; quod & ii, qui semina piscium unà cum vaporibus efferri,  
atque ab aura plastica affectos in lapides idiomorphos crescere asserunt, concedant necesse est. Ita-

que



que fieri potuit, ut aquæ paulatim montium viscera pervadentes terram solverent, motuque subducerent, quam ob causam, terrea moles aquæ superflans labefactis denique, summotisque veluti fundamentis corrueret : hinc aqua infra posita terræ ruina compressa sursum pelleretur, unâque secum magnam testaceorum vim aliorumq; repentino motu abreptam, ac confusam adveheret. Aut terræmotu quacunque de causa excitato omnia subverti, perturbari, atque ima cum summis permisceri ac confundi faciliè poterunt.

Quæ quidem aliquando evenisse, habemus ex antiquis scriptoribus. Sic enim scribit Seneca [a]: [a] *Lib. 3. cap. 19.*

Accipe argumentum, magnam vim aquarum in subterraneis occultis fertilem fœdorum situ piscium. Si quando eruperit, affert secum immensam animalium turbam, horridam aspectu, & turpem, ac noxiam gustu. Certè cùm in Caria circa Lorymam urbem talis exilisset unda, periere quicunque illos ederunt pisces, quos ignoto ante eum diem cælo novus annis ostendit &c. Athæneus [b] autem ita scriptum [b] Lib.8.

Απάμεινεν φησι πῶς Φρυγιάκι καὶ τὰ Μιθριδαιικά, σπειρὴν γρουμίναν, ἀνέφρασαν παῖς πῶς χάριαν αὐτῇ λῆναι τε αἱ πρεσβύτερον ἐκ ἔσσαι, καὶ ποταμοὶ, καὶ ἄλλα κατηγάτο δὲ κινήσεως ἀνοικυθεῖται. πολλὰ δὲ καὶ ἡφανίσθησαν, Aquae unà cum piscibus è terra erumpentes.

nus libro centesimo quarto historiarum tradit juxta Apameam Phrygiæ, temporibus Mithridatici bel-  
li, post terræmotum, in ea regione lacus erupisse, ubi antea nulli fuerant; itemque fluxios, ac fontes  
terræ concussu reclusos, multos verd qui prius extabant evanuisse: seaturisse verd in eodem  
agro, qui à mari plurimùm sejunctus erat, aquæ tantum dulcis, & amaræ, ut vicina loca,  
omnia olivæis, & aliis piscibus opplexerit: Idemque [c] de piscibus subterraneis hæc memorat: [c] Lib. 8.

Πολύβιου· ὃ ἐν τῇ τετάρτῃ καὶ τεσσαρτῇ ᾧ ἰσοεὺν, καὶ πρὸς Πυρραίων ποταμὸν ἕως τῶ Νάρβωνος ποταμοῦ πεδίον ἔστι, δι' ἐφ' ἧς ποταμοὶς λίβηβρον καὶ Ραπίνωνα ῥέοντες πρὸς πόλεις θουονύμις κατοικημένας ὑπὸ Κελτῶν. Ἐν ἑν πρὸς πεδίῳ τάτῃ ἔστι τὰς λεγόμενας καὶ ὅς δρυεῖς· ἐν αὐτῇ τε τὸ πεδίον λεπτοῦσιον, καὶ πολλὰ ἄρσων ἔχον περικύαν· ὑπὸ δ' ταύτῃ, διάμειναι τὴν γῆς ἔστις, ὑπὸ δύο καὶ τρεῖς πῆχεις ὑπερέειν τὸ πλαζόμενον ἐπὶ τῷ ποταμῶν ὕδαρ, καὶ ἔχουσιν καὶ τὰς περικύσεις, ὑποτρέχοντες ὑπὸ πύλῳ, χάειν τὴν τροφὴς (φιληθεῖσι γὰρ τῇ τῆς ἄρσωνος ῥίζῃ) ποτιοῦνται πᾶν τὸ πεδίον πληρὴν ἔχουσαν ὑδατῶν, ὅς ἀνορύποντες λαμβάνουσιν. Polybios libro trigesimo quarto historiarum scribit, juxta Pyreneos montes Narbonam usque campos esse, per quos Iliberis, et Rusino fluvii juxta Civitates ejusdem nominis, à Celtis habitatas decurrunt, ac in iis campis fossiles, quos vocant pisces reperiri. Ejus enim loci tenue solum esse, ac subnascente multo gramine verbosum: sub eo verò, cum ad duos tresve cubitos arenosa terra sit, quam admovent aquam fluvii labi, et cum effusa illa pisces sub terra meantes pabuli causa (quod radice graminis impendunt delectentur) subterraneis piscibus universam illam oram replere, quos egesta humo capiunt. Quod etiam legitur apud Strabonem [d] ex eodem Polybio.

Idem etiam fertur accidisse in Vesevo monte, qui cùm anno 1631. magno conflagraffet incendio, aquam mari unà cum ostreis, plantisque marinis absorbit, ita ut postea in ejus summitate hujusmodi rerum reliquiæ fuerint repertæ.

Hinc Ovidius [f] eleganter cecinit.

*Vidi ego, quod fuerat quondam solidissima tellus  
Esse fretum, vidi factas ex æquore terras:  
Et procul à pelago conchæ jacuere marinæ;  
Et vetus inventa est in montibus anchora summis.*

Præterea ut nunc solent fontes madreporis, conchylis, aliisque marinis ornatus gratia construi; utque, quemadmodum in capite de coralliis dictum est, madreporarum semina imperfecta ad ædificiorum fundamenta adhibentur: ita quoque antiquitus maris testacea, plantæque lapideæ, vel ad eosdem, vel ad alios usus hominum opera transvecta fuisse in loca mediterranea, non improbabile est.

Verùm rursus obijciunt, nihil memoriæ proditum esse aut de alluvione, aut terræmotu, vel de simili eventu, quo hujusmodi rerum perturbatio contingere potuerit in locis, in quibus testacea modò visuntur. Sed frustra: non enim omnia literis mandari solent; neque quæcunque monumentis consignantur, ætatis injurias evadunt.

Quot enim ac quanta seu ad naturalem historiam, seu politicam pertinentia, non modò evenisse videmus, sed continuè videmus, ac palpamus; quæ tandem, qua ratione, aut quando acciderint penitus ignoramus? Quid enim Vesevi, Ætnæ, aliorumque Vulcanorum incendia non perpetuò miramur? quando autem, aut quomodo exardescere incœperint, altum apud scriptores silentium. Quid loquimur de montibus, fluminibus, aliisque similibus, quæ profectò saltem pleraque non unà cum mundo nata sunt?

Quid magis mirandum, quàm in America tam immenso Oceani intervallo à reliquis mundi partibus  
sejuncta denique incolas repertos esse, quos quidem hactenus non modò qua ratione, aut quando  
illuc accesserint, sed nè esse quidem sciebamus; nunc verò esse quidem homines ab aliorum natura  
non abñmiles exploratum est; quando autem & quomodo illuc appulerint, non modò ignoramus, ve-  
rùm etiam incredibile reputamus, homines nedum navigationis, sed omnium penè artium imperitissi-  
mos tam vasta aquarum spatia transjecisse; aut ex majoribus, artibus & navigatione præstantissi-  
mis, qui probabiliter illuc primò commearunt, tam degenerem progeniem ortam fuisse?  
Nonne igitur mirabilius est hujusmodi homines à terra per tam longa aquarum itinera peregrina-  
tos, quàm aquatilia in terram advecta fuisse per longè breviores vias?

Itaque non de rerum natura ex ratione locorum, desumenda sunt indicia potius, quàm ex ipsarum substantia, figura, cæterisque qualitibus, quibus singulorum genera, quasi suo quodam peculiari caractere insigniuntur, atque invicem discriminantur. Quapropter cum in montibus, aliisque locis à mari distitis corpora lapidea concharum, echinorum, cancerorum, aliorumque similium, quæ nonnisi in mari gigni solent, atque aliorum similium speciem, ac substantiam omnino referentes occurrant; negari non posse videtur, verorum animalium exuvias, ac partes ea esse: quemadmodum ineptum foret inficiari Americæ accolæ veros homines esse, quòd ignotum adhuc sit, qua ratione eò devenire potuerint.

Alia etiam multa præterea obijciunt, quæ cum leviuscula sint, brevitati consulentes ultrò præterimus. Figuratorum lapidum autem hujusmodi lapidum differentias, aliæ defumuntur ex animalium diversitate, quorum dum differentiarum figuras

[b] Lib.8.

Aquæ unà cum pi-  
scibus è terra erum-  
pentes .

[c] *Lib. 8.*

[d] *Lib. 4. Geogr.*

[e] *Braccinus de Vesuvii incendio.*

[f] In Metam.



figuras referunt; alia ex materia mineralium succorum, qui horum corporum poros subeuntes variis modis concrefcere inibi solent, ut exposuimus in generatione lapidum, ac metallorum. Hinc alii dicuntur conchitæ, alii echinitæ, alii echinometritæ, ostracitæ, neritæ &c. Ratione verò materiæ alii margacea, alii argillacea, alii filicea, marmorea, arenacea, ærea, ferrea, aliisque lapideis, ac metallicis compinguntur. Hinc eadem testaceorum genera cum diversorum fossilium substantia ita permixta nonnunquam comperiuntur, ut pæne nihil ab ipsis differre videantur, veluti iidem echini figura omnino similes, modò filicei, modò marmorei, & nonnunquam etiam ex chalcedonio, & achate, aliorumque lapidum pretiosorum fluore concrefcunt, ut ex ipsius artificis opera affabre conflati videantur. Quod etiam gravissimo argumento est, horum corporum formam quidem testis animalium procul dubio esse tribuendam, substantiam autem plerumque magnam partem diversis liquoribus mineralibus, cum quibus coaluerunt. Exploratissimum enim est non modò fallium diversa genera, sed etiam metallorum, ac lapidum peculiarem quandam figuram præferre, nimirum cubicam, cylindricam, pyramidalem, sphericam &c. aliasque regulares, aut irregulares: quas quidem figuras non modò in partibus minimis, sed etiam in maioribus perpetuò servant, nisi ab aliquo corpore externo cohibeantur.

Differunt insuper lapides isti inter se ob varios modos quibus cum materiis alienis concrefcunt: modò enim fluores lapidei vel metallici animalium corpora superficie tenus oblinunt, crustaq; obducunt, modò poros intimè subeuntes cum iis coalescunt; modòque per rimas ac foraminula in testarum cavitates influunt, earumque formam penitus induunt.

## DE FACULTATIBUS ΙΔΙΟΜΟΡΦΩΝ, & quid veteres de iis senserint.

C A P. III.

Naturæ finis in figuratis lapidibus.

Lapides *ιδιομορφοι*, cur inter gemmas relati.

**C**ELEBRIS admodum sententia, Naturam frustrà nihil facere. An quia quod est frustrà, hoc ipso non est? Esse autem naturæ optimum: optimum verò semper expetendum. An quia frustrà nihil esse potest? opus enim Naturæ, opus intelligentiæ: qui intelligit, finem cernit. At quæ frustrà sint, ea finem non haberent. Aliquis igitur in *ιδιομορφοις* figurarum finis statuendus; sed non, ut in viventibus, ad formæ substantialis præsidium. Nam cui nullus inest motus, nec instrumentis indiget. Sunt enim instrumenta ad actum comparata. Finem rectius consequi non possumus, quàm si ad formam hoc modo referamus: idcirco figuras addi, non ut forma omnino sit, sed nè frustrà sit. Frustrà videretur esse, si ejus usus non cognosceretur. Tum enim finem illum non consequeretur, cum omnia ad usum aliquem instituta sint. Quis porrò usus *ιδιομορφων*? Quoniam pusilli lapides, neque speciosi sunt, alium reputabimus, quàm gemmarum, & ad quem marmorum moles, & saxa ingentia generata sunt. Sapiens ergo natura, nè inter illa laterent, quæ his tribuit privata commoda, figuris indicavit, ad cognoscenda nos excitavit, & fortassis ea proposuit. Nam si figuris evidentibus signandi fuerunt, & aptissimis, id præstitisse satius fuit, ut eas tanquam characteres ad facultates edocendas inscriptos proferrent. Sed in his cognoscendis modum excessere nonnulli veteres Ægyptii, Persæ, aliique Barbari, ac iis Græci quidam vaniores, qui miracula lapidum describere aggressi, minimam veritatis curam susceperunt. Admiranda in horum laudem fertur cecinisse Zoroastres, multaue Sotacus tradidisse; atque alii insequentibus auctores. Extant hujusmodi hac ætate, quæ Orpheus Græcus versibus decantavit. Nec in aliis Magorum vanitas impudentius grassari potuit: habebant ex iis, quæ suæ jactantiæ prætenderent: unumquenque figurarum novitas commovebat. Sic eorum commenta augebantur, cum per plures memorias traderentur, & nova semper affingeret communis superstitio, in diesque cresceret auctoritas, ut inter gemmas *ιδιομορφοις* locus cesserit. Nam gemmarum pulchritudinem, quæ his deest, virium æstimatione rependebant. [1] Inter gemmas *ιδιομορφοι* à Plinio, & aliis commemorantur, sicuti omnes illi, quibus præter naturam lapidum quicquam evenisse præsumebant. Nam & [2] Corsoidi honorem gemmæ color tribuebat, [3] Chalcophono sonus, [4] Pyritæ tactus, quòd attritu digitos adurat, odor nobilitabat Arommatiten, [5] Galaçiten lactis sapor, Samothraciam levitas, [6] Asbeston invicta flammis mollities, Indicam succus commendabat, quem reddit à se diversi coloris, [7] Bole-

niam



niam ortus, quoniam nimbo inveniatur glebæ similitudine, [8] Euseben nobilitas operis, cum ex eo traditur Tyri in Herculis templo facta sedes, ex qua Dii facile surgebant. Quia verò eos à figuratis separamus, non omittentur tamen illis locis, ad quos pertinere videbuntur. Nunc de facultatibus *ιδιομορφων* ita statuendum, Magorum vanitatem odium mereri, non tamen eò persequendam, ut natura negligatur, quid ipsa significaverit videndum, quid à fide dignis auctoribus traditum, quid experimentis confirmatum sit. Certum est haud contempta esse, quorum specimen edere non vulgari opera Naturæ libuit. Quasdam etiam hinc petendas medicinas illustres auctores ostenderunt, quos sequi placet, quanvis multi *ιδιομορφοι* nunc prodeunt apud antiquos non reperti, quemadmodum non omnes, qui illis cogniti fuerunt, nobis innotuisse affirmamus.

N O T Æ.

[1] Cum Mercatus noster, ut etiam multi alii viri præstantissimi, crediderit lapides idiomorphos diversos esse à corporibus in lapidem conversis, atque in propriis fodinis gigni, ac proinde ob formarum diversitatem præcipuè specie distingui, minimè reprehendendus videtur, si dictorum lapidum vires variis ipsorum formis acceptas referat, cum re vera illorum figura per se nihil penitus ad eorum facultates ac virtutes dignoscendas conducatur, ideoque materiæ tantummodo ratio habenda est, ex qua nimirum coaluerunt: sæpius enim contingit, quemadmodum superius monuimus, ut huiusmodi lapides, seu potius corpora in lapidem conversa, licet eandem formam omnino præferant, ex diversis tamen succis, ac salibus aliisque metallicis concreverint, ex quorum profectò varietate ac mixture facultatum diversitas gignitur.

[2] Omnes ferè qui post Plinium fossilium historiam Latinis literis illustrarunt figurarum lapidum nomina ex iis sunt mutuati, quibus apud eundem gemmarum diversæ species notantur: ita plerumque res vilissimas, vocabulorum elegantia quodammodo nobilitare studuerunt. Quos etsi rerum, quarum cognitio obsolevit, nomina pro arbitrio aliis longè diversis imponere non repugnemus, eis tamen minimè assentimus, dum statuunt Plinii gemmas easdem fuisse ac lapides figurati, qui ab ipsis afferuntur; in quam sententiam multis ducimur argumentis.

Primo enim huiusmodi gemmæ apud Plinium aut notis obscurissimis, aut etiam nullis, descriptæ occurrunt, sed nudis tantum nominibus indignantur. Unde nihil penè colligi potest ad ipsarum naturam explorandam.

II. Ex ejusdem Plinii testimonio à memoratis lapidibus gemmas longè diversas fuisse apparet: de iis enim separatim agit, atque in eo libro, qui de gemmis inscribitur: Gemmas autem reliquis lapidibus admodum distare, neminem latet: sunt enim perlucidæ, nitidæ, læves, solidæ, graves, ac inventu raræ, atque ob pulchritudinem ad ornatus usum summopere commendantur: hinc ab *εἴμα* idest *vestis*, & *ἑλικὸν ἔμμα*, & addito *γ γέμμα* dictas arbitrantur: ea autem debent esse magnitudine, ut anulis includi possint, ac propterea *σφραγίδες* à Græcis dicuntur, quod signorum usum in anulis præstarent. Quas quidem prærogativas Plinio fuisse incertitas dici non potest, utpote qui optimè eas expressit in præfatio lib. 37. his verbis. *Ut nihil instituto operi desit, gemmæ supersunt, & in artum coacta rerum naturæ majestas, multis nulla sui parte mirabilior. Tantum tribuunt varietati, coloribus, materia, decori, violari etiam signis gemmas nefas ducentes &c.* Sed apertius idem declaravit, quid gemmarum nomine intellexerit cap. 12. & 13. ejusdem libri, in quibus adulterinas ac factitias à veris, & plebeas à nobilibus discernendi, easque nitidandi rationem docet, ac præsertim his verbis. *Et aliæ omnes gemmæ mellis decoctu nitefcunt.* Et inferius. *Nunc communiter ad omnium gemmarum observationes pertinentia dicemus. Cavæ & extuberantes, viliores videntur equalibus. Figura oblonga, maximè probatur deinde quæ vocatur lenticula, postea clypeoides, & rotunda: angulosissima minima gratia &c.* aliaque indicia affert, quibus nitor, soliditas, durities, pondus, ac perspicuitas probantur. Quæ quidem nullo pacto lapidibus figuratis congruunt, qui cum in pretio non sint, nec astu fiunt, nec fraudem admittunt, sed tantum nascuntur, nec dictis dotibus æstimantur. Ex hoc etiam intelligitur quàm levis sit ratio, quæ à Mercato adducitur, hosce nimirum lapides inter gemmas à Plinio fuisse recensitos ob virtutes, mirasque facultates, à Magorum vanitate ipsis attributas. Quod si ita se haberet, iidem ex eventibus potius, quàm ex allatis signis debuissent probari. Præterea alienum est à Pliniana elegantia, atque ordine, cum omnia in sua genera per totum opus divideret, ac in ultimo libro de gemmis se scripturum præfatus fuerit, alias quoque lapidum species illuc confusè obtrudere, lectore prius minimè admonito. Quod si ob effectus præstantes atque admirabiles quilibet lapis esset in gemmarum numerum referendus, cur etiam magnetem, gagarum, lapidem fugitivum, aliosque ibidem non recenset, quorum facultates summopere admiramur? Id quod si ei facere libitum esset, de lapidibus admirabilibus potius liber fuisset inscribendus, quemadmodum ei in aliis argumentis solemne est, ut cum agit de ignium, aquarum, aliarumque rerum miraculis.

Adde huc quòd idem Plinius lapides hosce, seu potius gemmas mirabiles non crediderit, cum passim ferè Magorum vanitatem perstringat, ac taxet.

Neque verò inter gemmas desunt, quæ figuras præferant nominibus significatas: multæ siquidem, ex his, ac præsertim Jaspides, & Achatæ, variarum rerum species animalium nimirum, arborum, aliorumque non ineleganter, ac sæpe sæpius exhibent.

Quod factum est, ut eadem gemmarum genera diversis cognominibus insignita fuerint pro varia formarum ratione: ut idem Plinius [a] auctor est, dicens: *Illud verò meminisse conveniet, incrementibus variè maculis, ac verrucis, linearumque interveniente multiplici ductu & colore, mutari sæpius nomina in eadem plerumque materia.*

Forma ad lapidum virtutem non confert.

Gemmæ quid sint, & unde dictæ.

Plinii gemmas, veras gemmas fuisse ex ipsius verbis demonstratur.

[a] Lib. 37. cap. 12.



Denique multæ inter lapides opacos, ac figuratos referuntur, quas etiam ex descriptionibus nitidas, fulgentes, ac pellucas fuisse apparet, ut Asteriæ, Cerauniæ &c. de quibus suo loco.

Verum si quis objiciat nonnulla nomina modò inter lapides, modò inter gemmas apud Plinium fuisse recensita; id duplici ratione evenire potuisse suspicamur I. cum ut supradictum est nomina à Græcis imponerentur, quæ quamlibet vel levissimam differentiam exprimerent, quæ multis etiam vel toto genere distantibus conveniret, diversas res eisdem nominibus expressas fuisse credendum est:

Ut cum Eumeces, & gemma, & Xylobalsami species nuncupatur, quod utrisque idem ἔρμινος congrueret. *ermīnos* enim *longus* sonat: eademque ratione Aëtites lapis ab Aëtite gemma;

[a] *Plin. lib. 36. cap. 21.*

[b] *Lib. 37. cap. 11.*

[c] *Lib. 36. cap. 16. & 20.*

[d] *Lib. 37. cap. 10.*

[e] *Ibid.*

[f] *Ibidem.*

[g] *Ibidem.*

[h] *Ibidem.*

alius esse videtur: ille enim ita appellatus traditur, quòd in Aquilarum nidis inveniretur: [a] *Aëtites lapides ex argumento nominis magnam famam habent. Reperiuntur in nidis aquilarum.* De gemma autem sic scribit [b] *Aëtites à colore aquilæ candicante cauda.*

II. Nonnunquam etiam quædam per errorem Plinium confudisse contigit, ut viri docti animadvertunt; quòd eorum naturam minùs haberet exploratam, eaque de iis scriberet, quæ ex variorum auctorum [c] lectione vel sermonibus collegisset. Hinc fieri potuit, ut cum hæmatitem inter lapides retulisset, [d] eundem postea gemmam fuisse crediderit. Nam vel ex ipsius verbis idem fuisse apparet.

(2) De hac gemma paucula sic Plinius [e]. *Corfoides canitici hominis similis est:* ex quibus non declaratur ob hanc tantum similitudinem in gemmarum numero fuisse reponendam; præsertim cum id nihil præstantis continere videatur. Corfoides autem à Græco κορφοειδής quod factum est ex κορφή tempus, & εἶδος species. Quod nomen nonnulli Amianto tribuendum putant, ut in ejus capite dictum est.

(3) Nec Chalcophonus adeò commendanda ex ipsius sono: de qua sic Plinius [f] *Chalcophonos nigra est, sed illisa æris tinnitum reddit, tragœdis, ut suadent gestanda,* quid enim miraculi aut eximii in æris tinnitu? χαλκοφῶνος vox composita est ex χαλκός æs, & φωνή vox.

(4) Pyrites enim dicta est à πῦρ ignis; ob hanc causam filici etiam gemmarum honos esset habendus.

(5) Galactites à γάλα lac, cujus colorem & saporem præferebat.

(6) Ασβεστος Græcè idest, *quæ nequit extingui*. Amiantus quoque Asbestos à plerisque dicitur vide notas in ipsius caput. De hac autem gemma hæc duntaxat memorat Plinius. [g] *Asbestos in Arcadia montibus nascitur coloris ferrei.*

(7) Bolenia à Βέλος sagitta, seu à Βολή jactus. Adulterina hæc censenda est nobilitas, quæ ex falsis hominum commentis nascatur.

(8) Eusebes ab εὐσεβής pia. Verisimile est lapidem hunc præstantem per se etiam fuisse, conveniebat enim Deorum sedem pretiosa materia fuisse ornatam: ac propterea à gemmis sola magnitudine differentem: ideoque ex ipso parva fragmenta cælatura expoliebantur, quæ meritò gemmæ appellari poterant. Quod indicare videntur Plinii [h] verba. *Eusebes ex eo lapide est, ex quo traditur Tyri in Herculis templo facta sedes, ex qua dii faciliè surgebant.*

## L O C U L O I

### LAPIS JUDAICUS, CIRCOS, SYCITES, PHOENICITES, PYREN.

#### C A P. IV.

*Galenus de Comp. pharm. secund. loc. lib. 10.*

Nomina, ac differentia.

*Plinius lib. 37. cap. 10. & 11.*

Masculus qui.

Fœminæ notæ.

**N**ULLI posthabendus medicinæ genere, ut se primùm offert è vulgi notitia lapis Judaicus accipiatur. Eundem vocant Syriacum longiore gentis suæ tractu: sed alteram nominationem omnis exprimit Europa, ipsaque Arabum lingua [1] *Hagiar al Iheud* dicitur. Magnitudo ejus intrà juglandem præscribitur, ad rotunditatem declinans non una figura; unde nomina, Circos in elenchum deductus facie pyri, [2] Sycites ad similitudinem ficus depressiore situ, [3] Phoenicites ovata rotunditatis uti Palmæ balanus, [4] Pyren paulò longior, nucleo par olivæ. Hæ sunt præcipuæ species. Variaverit aliquis angulato latere planior fructui capparidis conferendus, alius in modum coni præacutus: rarò volubilis figura in scapum exit. Imam partem sæpenumero pediculis excipit, ac si ortum è ramis arborum ducat. Verum datur altera paratior ad medicinam distinctio. Masculum appellant Judaicum eminentibus punctis perpetuis ad longitudinem æquidistantes lineas tendentem, qua specie quædam conchæ striantur. Sed ordinem parallelorum quidam interpellat, quidam lineas inceptas deserit. Fœminam levem esse convenit, uti frequentius invenitur. Amborum exempla rariora tabella præfigit. Color ex fusco, vel cinereo pallet; durities non adeò pertinax: cum frangitur in obliquum dissilit materiæ ceu tenuibus crustis invicem appositis ita digesta. Illis tantum nitoris adest,




# Lapides ΙΔΙΟΜΟΡΦΟΙ. 227

adeſt, quantum ars non meditetur . Quare opinio fert , Judaico à Natura quid ſucci pinguioris incoqui .

Apparatus medicinæ ſit huiusmodi: atteritur coti, donec abluens ramenta ſpiſſatur aqua collyrii modo ; tum affuſis aquæ calidæ cyathis tribus, ſumitur ad lotium ducendum, & calculos renum ſolvendos . Quæ cùm efficaciffimè præſtet, nomen [b]Eurei, ac Tecolithi meruit. Arabes ſcribunt, ejus hauſtu mo- veri ſtomachum, & cibi appetentiam elangueſcere . Id autem naturæ malitia

Plinius lib. 37. c. 10.  
P. Egineta lib. 7.  
Aven. Meſuai apud  
Serap. lib. de ſimp.  
cap. 390.  
Avicenna lib. 2.  
traſt. 2. cap. 402.



LAPIS IVDAICVS.

non contingit , ſi lapidis inſipidi raſura faſtidium in cibis adducat, vel aquæ calidæ potione appetitio decidat. Dioſcoridi ſolus maſculus fuit notus, quem ciceris æſtimatione totidem cyathis dilutum calculos veſicæ conſumere ſcriptum reliquit ; quod ſuis experimentis Galenus improbat libro nono Simpli- cis medicinæ : Attamen alibi ex Aſclepiade miſcet illum antidotis præſtantiſ- ſimis adverſus eos; cujus Græcos imitatores, & Arabes quosdam habet . In opere verò de renum affectibus, in renibus marem lapillis utilem, foeminam veſicæ accommodat . Eget enim acrioribus medicamentis veſicæ moles, ad quæ foeminam viribus antecedere maſculum putat . Nichepſon apud Aëtium lapidibus veſicæ colliquefaciendis collyrium priùs oſtenſum pube lævigata ſuperinducit . Si verò oleo Myrtino corraſum fuerit, podagricis commodè inungit . Auctor Arabs eſt, hæmorrhoidas potum ſiſtere . Recentiores tradunt lacte abſorptum purgare inteſtina puerorum : Stranguriam curare ex aqua eodem commenſu, quo veteres dyſuriæ medentur . In ſurreptitiis Galeni li- bellis Phœnicites illitu foetum eximere legitur .

Nascitur in Palæſtina clariffima Orientis provincia, quæ ſecus mare no- ſtrum à Libano monte ad Arabiam protenditur . Certiora loca quæſivimus aliquando à peritis regionum . Ab Antiocheno Patriarcha Syriacæ nationis homine, ut illius dignitatis ornamentis, ita ſcientiæ medicinæ præclaro rela- tum eſt (quem Romæ convenimus ad Gregorium XIII. Pont. Max. profu- gientem, ac ſummam religionis ſuæ, Eccleſiæ Catholicæ deferentem) nuſquam, inquit, ſibi percunctanti natales lapidis Judaici oſtendi potuiſſe in Palæſtina ad Idumæam uſque . Atque fortassis in parte hac reliqua meridionali latent ,

Virtus .

Lib. 5. cap. 112.

Lib. 10. de Comp.  
pharm. ſecund. loc.  
N. Myreſus in an-  
tidotis .

Averrois lib. 2. traſt.  
2. cap. 4.

Tetrabibl. 1. Serm. 2.

Avicenna lib. 2.  
traſt. 2. cap. 402.

ſac. Sylvius de med.  
ſimp. nat. lib. 1.

Camillus Leonardus  
in ſpeculo lapidum .  
De medicinis paratis  
ad Solonem .

Locus .



*De Simp. cap. 390.* vel ultra, Serapione describente, ad Zuem, quod oppidum pertinet ad Arabiam Petræam. Ita fanè indicat Aëtius illius epodi gratulatione.

(7) χαῖρε θάλασσα ἀράβων,  
Φέρεσα πημάτων ἀκείνῃ.  
Ἐπίσημον θηκόλιθον.

*De situ Orbis Ptolemy cap. 38.*

Situm est enim ad intimum recessum sinus Arabici. Indè Chahiram, atque Alexandriam dimittitur in emporiis Europæ propositurus. In Perside Dionysius inveniri scribit, sequente Solino. Nunc in Germania Bohemiæ lapidicinæ ferunt simul cum Entrocho, qui deinceps dicitur.

## N O T Æ.

(1) Lapis Judaicus ab Arabibus vocatur حجر اليهود *Hagiaro Alichudo.*

(2) Sycites dictus est a συκή *ficus.*

(3) Phœnicites à φοῖνιξ *palma.*

(4) Pyren à πυρῶν *nucleus, seu officulum olivarum.*

Lapides Judaici in eorum numero quoque sunt, qui à corporibus in lapidem conversis formam mutantur. Verùm de illorum origine varia est auctorum sententia. Alii enim existimant eorum figuram plantarum fructibus respondere, veluti nucleis olivarum, ideoque ex iis lapidescentibus coaluisse. Alii verò, quorum opinio probabilior videtur dictos lapides ad echinorum aculeos summo-pere accedere arbitrantur. Hinc radioli nomine apud Luidium, aliosque insigniuntur; alii enim Radioli glandarii, alii cucumerini, alii striati, alii punctulati, aliisque epithetis distinguuntur apud dictum Auctorem, ac Langium pro varia eorum figura, ac coloribus apud quos plures dictorum lapidum recensentur species.

Etenim lapides hi cum echinorum radiolis forma, nec non etiam substantia cum echinitis conveniunt: immo in iisdem fodinis cum eisdem permixti reperiuntur, excepto radiolo glandario: qui in eodem genere ac alii habendus quoque est: licet enim nondum echini innotuerint, qui radiolis glandarii formam omnino exprimentibus aculeis instruantur; verisimile tamen est huiusmodi reperi posse, cum cæteris radiolis jam compertis admodum sint similes.

Entrochos autem, qui in superiori parte tabellæ delineantur, vertebrae esse stellarum marinarum, quæ retrogradæ appellantur, lapidea materia imbutas, Listerus ac Luidius rectè arbitrantur.

[5] Apud recentiores quoque celebres sunt lapides Judaici ob vim diureticam: atque ex iis spiritu salis dissolutis sal & liquor diureticus admodum efficax paratur.

(6) Eureos appellatur quoque lapis Judaicus ab εὐρεῖν idest faciliter fluere ob vim liquefaciendi humores. Tecolithos autem ἀπὸ τῆς τήμιν τοῦ λίθου. Quod lapides liquefaciat.

(7) *Salve Arabum mare*  
*Afferens malorum medelam*  
*Insignem tecolithum*

## L O C U L O II.

## ENTROCHUS, ET TROCHITÆ.

## C A P. V.


*G. Agricola lib. 5.  
de nat. foss.*

**L**APIDEM cylindræum pluribus perductum orbiculis Entrochum, orbiculos ipsius decussos, quod rotæ figuram exprimant, Trochitas recentiores nominarunt. Igitur cohærentia Trochitarum Entrochus; Trochitæ sunt partes Entrochi separatae: quæ uti crassiores existunt, illius longitudinem pauciores absolvunt, quæmadmodum ejus crassities additur amplitudini rotarum. Utriusque verò dimensio incerta. Nam Trochitæ crassitie deformantur, & Entrochus à stipulæ tenuitate ambitum digiti humani adæquat. Sed neque numerus adhærentium constat, qui à ternis, vel quaternis ad vicanos perveniat. Cylindri duplex observatur forma, interdum torosa, aliàs æquabilis: hæc juncturas componit æqua totius scapi superficie, altera circa juncturas excavatur: Trochitis in eas leniter devexis. E' juncturis oritur alia differentia: vel enim recta stria committuntur, vel sinuosa dentatis extremitatibus sibi utrinque insertis. Solet expressior rotarum figura iis esse scapo, juncturisque inæqualibus, modulus prominens, radii teretes in absidem conversi, denique tum nihil ad similitudinem desiderari. Cæteri à centro, per quod assis transmittitur



## Lapides ΙΔΙΟΜΟΡΦΟΙ. 229

mittitur, strias radiorum loco in canthum emittunt, quæ perpetuò non perducuntur, quando, & canthus latior parum similitudinis ad rotam relinquit. Quibus rebus fit, ut Saxones, qui inter Rhenum, & Albin fluvios sedent, magnamque eorum habent copiam, non rotis ob rudiorum crassitiem, verùm caseis assimilant. Nam apud Bufactores Westphali jam dicti, mediam Saxoniam regionem tenentes, in vicinis montis, quem ibi vocant *Mollesberch*, Trochi-



TROCHITES

*Moyzins Gomer, sculp.*

*tx Katzenkassen* nuncupantur, cujus est interpretatio, casei felium, quod iis caseos à quibus abstinent ipsi, ludentes pueri tribuant. Ita narrabat ex ejus loci confinio Antonius Eisenhout Warburgensis insignis adolescens, cujus arte cum in pingendo, tum in sculpendo aliquot jam annos usi sumus; quantumque profectum sit nostræ tabellæ indicabunt. Reperitur inter illos tertium genus crebris à centro circumferentiam striis implens, tenue admodum, ut ab Entrocho diduci vix integri queant. Materia omnium, nitore intrinsecus, ac constitutione similis est lapidi Judaico, aliquantum albicans, ut apparet quoties Entrochus extra ordinem disrumpitur.

Præter loca, quæ dicta sunt, Hassia fodit Entrochum Saxoniam à meridie contermina, & Hildesheimum in monte Sancti Mauricii, quod Saxoniam minoris oppidum est. Hæc enim alterius Saxoniam pars extrema juxta flumen Albin orientem spectat. Nascitur vel in terra lenti humoris, & viscosa, vel in lapidum commissuris, unde materia nitidior, quam è terra eruitur.

Quidam usum ejus, qui Judaici lapidis est, eundem existimant: sed hi medicinas è materiæ qualitatibus accipiunt, alioqui longè aliud Naturæ institutum cognoscitur.

### N O T Æ.

Trochitæ, & Entrochi appellati sunt à *τροχός* *rota*, quod rotæ speciem præferant. Sunt autem Trochitæ pariter, ut de Entrochis superiori capite dictum est, stellarum marinarum vertebræ in lapidem conversæ: hoc enim tantum inter se differunt, quod illi compingantur ex pluribus vertebris invicem conjunctis, hi autem ex singulis separatis constent.

Trochitarum nomine apud lithographos aliud etiam lapidum genus appellatur, conchæ nimirum, turbinatæ in lapidem conversæ.

Varia Trochitarum genera vide apud Langium [a].

Harum tabularum sculptor.

Locus.

Ufus.

[a] *Hist. Lapidum figuratorum.*



## ENCRINOS ET PENTACRINI.

## CAP. VI.

**S**PECIES lilii Pentacrinis nomen invenit, figura floris illius similitudinem quinquies referente. Encrinus verò plures Pentacrinos in se colligit. Accedit ad collationem dictorum lapidum nitor æqualis materiæ, atque compositio lapidis Judaici: quapropter hoc loco non sunt omittendi. Sed quia ad præsentem usque diem sub aspectum nostrum non venerunt, quanquam id multis modis sollicitatum est, picturæ, tabellæque conficiendæ facultas defuit. Conceditur autem ut ad nostram commoditatem verba transferamus, quibus eos Georgius Agricola diligentissimus nostræ ætatis in hoc studii genere depinxit. Cum enim, scribit, angulata pars una ab altera separatur, utraque quina lilia ostendit: nam alterius eminentiæ ingrediuntur in alterius strias: quælibet verò talis pars quinos habet angulos, latera totidem, utrinque quina lilia, unde Pentacrinus dicitur. Germani *Lilgestein* vocant, colore rufo: nec alibi reperiri ostendit, quàm in patriis urbis Hildesheimi mœnibus.

Hic admonendi sunt maturioris judicii, qui cum hujus generis lapides de facie non noverint, permittunt sibi omnem de iis disceptationem, veterum nomina novis adaptant, & ridendas aperiunt conjecturas. Encrinum lapidem esse Palmatum agnoscunt, quem Plinius circa Mundam Hispaniæ, ubi Julius Cæsar supremas Pompei vires infregit inveniri tradit. Palmatum ipsi fatebuntur dici à Palmæ specie, quæ à lilio quàm sit diversa videant.

Lib. 16. cap. 18.

## NOTÆ.


Encrinus dicitur à præpositione *ἐν* in & *κρίνον* lilium, quasi lilia in se continens: addito autem *πέντε* quinque, fit Pentacrinus. De Encrino vide Gefnerum, VVormium, aliosque, atque ex recentioribus Fridericum Lachmundum, apud quem lapis Encrini nomine exhibetur, qui æquè ac astrici, & trochitæ, ex marinarum stellarum vertebis componitur, ut existimat Luidius.

## LOCULO III.

## ENASTROS, ET ASTRICI.

## CAP. VII.

**F**IUNT Astrici, ex Enastro ea ratione, qua Trochitæ secantur. Enastrus scapum universum multis commissuris constructum quinque canaliculis fulcat, ut singulæ partes ejus ad discrimina juncturarum diremptæ, totidem angulis acuantur, fiantque astri figura pentagonæ, unde nomen sumpserunt.



Alteram insuper stellam secundum angulos procurrentes, hinc inde quæ sibi adhærent, delineant. Materiæ nitor est nativus sicut lapidi Judaico, color candori



## Lapides ΙΔΙΟΜΟΡΦΟΙ. 231

candori propior. Hieronymus Cardanus Mediolanensis medicus suis conatibus haud obscurus, paulò ante quàm diem obiret Romæ, Enastrum nobis attulit. Acceperat illum ab homine Bohemo, qui in Rhæticiis montibus proximi urbi Taxageto Germanis *Rotvil* dictæ, frequentes ejus generis inveniri prodidit.

Hieronymi Cardani  
mentio.

Quid autem nova lapidis forma promittat, & quæ sit insita facultas, nemo hætenus observavit. Nulla enim ejus apud auctores veteres extat memoria, neque aliorum, qui in hoc *ιδιομόρφων* catalogo recensiti nunc primùm produnt. Erit itaque propositum omnibus ad scientiam rerum aspirantibus, hæc naturæ præsidia explorare: ad quæ prudenter cogitata, omniaque sedulò experta referenda erunt. Atque ut laborem ita partiamur, non minorem gratiam inibunt illi, qui eos medicinis decoraverint, quàm qui repertos primùm monstravimus.

### N O T Æ.

Enastros dicitur ab *ἐν* in, & *ἄστρον* *astron*, stella. Enastri & astrici sunt quoque vertebræ lapideæ stellarum marinarum. De his vide Gesnerum Boetium, VVormium, aliosque; & inter recentiores Scheuzerum, Langium &c.





## LOCULO IV.

MONOSTROITES, VEL CRYPTOPETRÆ  
Species altera.

CAP. VIII.

Descriptio.

**G**IBBA figura Monostroites affurgit, unicam ferens stellam summo dorso insidentem, oblongus, paulum humilior testudine, ac segmenta ejus corticis striis distinguens. Quæ superficiem occupat stella, quinis explicata radiis, striarum asperitate insculpitur altius, & interdum elevatur. Extrema radiorum quasi zonæ connectunt in aliis squamata distinctione, in aliis simplici striarum ductu in aversam planitiem pervenientes: ubi circa medium conveniunt ad quoddam cavum subintrantes. Inter has, atque radios latiora



MONOSTROITES

Astroitarum binæ  
species.

segmenta squamatim exarantur duplici ordine, mutuoque opposito. Præcipuæ differentię visæ sunt duæ; alterius magnitudo frequentissimè palmaris colore candicante, ac sæpe flavescente. Altera species minor, striisque operosior stellam exactius pingit, & singula squamarum segmenta ternis insequitur striis, colore alteri similis, sed qui croceum in superficie videtur exudare. In quibusdam superficiem punctis circinatis sparsam vidimus. Credit vulgus fuisse echinos marinos, factosque lapides amissis spinis. Cui nè assentiamur, efficiunt indicia ad id probandum demonstrata, quæ in multis requiri notavimus.



# Lapides ΙΔΙΟΜΟΡΦΟΙ. 233

mus. Utraque species fracta nitorem lapidis Judaici reddit. Majori contingit interior materia gypsea, & pumicosa, alteri solida atque indistincta. Invenitur in Italia agro Veronensi inter lapides, in quos viatores temerè incidunt. Indè nobis primus dono dedit Petrus Murinus Parisiensis, Græcè, ac Hebraicè Theologus doctissimus. Vidimus Pragæ apud Dominum Trauzem Monostroitem, colore penè nigro, subtus striarum distinctione testudinea.

## N O T Æ.

Qui hîc Monostroita vocantur, variis nominibus audiunt Aldrovando, qui diversa eorum genera recenset; modò enim echinitem, modò astroitem, modò pentaphylloidem vocat.


A recentioribus autem hujusmodi lapides, echinitæ vocantur, quòd echinorum formam adamussimè referant; & re vera manifestò apparet ex echinorum marinorum testis eos concrevisse, ut ex ipsorum iconibus perspicere licet, & nos comperimus ex pluribus eorum speciebus, quæ passim occurrunt in museis. Præter veteres, consule Listerum, Luidium, Langium, Scheuzerum, aliosque, apud quos variæ ipsorum species describuntur, variisque nominibus pro varia eorum forma notantur.

## L O C U L O V.

### CUCURBITES, SIVE ECHITES FLORIDUS, VEL SPECIES PRIMA CRYPTOPETRÆ.

#### C A P. IX.

QUADAM affinitate naturæ Monostroiti jungitur Cucurbites, propriam suam concinnitate speciem redimens. Eadem est utriusque positio: huic tamen rotundior, & paulum editior; floremque potius, quàm stellam



LAPIS INDICAE CUCURBITAE SIMILIS.

à vertice per superficiem repandis foliis demittit, similis Indicæ cucurbitæ: non illi, quam vulgus Indicam vocitat, sed alii stellata specie, à qua Cucur-

G g

bites



Locus.

bites etiam nomen obtinuit. Hunc in modum florem diffundit: extat è media summitate claviculus, quinis sub ipso foliis exeuntibus, oblongis, specie eminenti, media secante fibra, à qua gradatim prodeunt aliæ rectæ ad extremitates versæ: indè series punctorum circumit, totumque ambitum illum, frequentes striæ pinnatim coronant, ac rursus alius ordo punctorum extrema claudit. Hisce foliis ad declivitatem lapidis circum inclinatis forma floris decoratur. Continens superficies ex omni parte circulis minutis respergitur: Fragmentis materia enitescit aspectu lapidis Judaici, & colore pallido. Reperitur in Hetruria. Nobis enim ex agro Senensi proximo Sancti Quirici oppido Reverendus Julius Sansedonius Præpositus Senensis vir elegantissimus, moribus, & perveteri necessitudine conjunctus afferendum curavit.

N O T Æ.

[a] Vana speculatio-  
ne disingannata dal  
senso.

Huic lapidi similes observavimus in museo Illustris. Strozze. Est autem genus peculiare Echini marini, ut ex ipsius forma perspicitur. Haud absimilem iconem videre licet apud Augustinum Scillam[a].

## L O C U L O VI.

## A S T R O I T E S.

C A P. X.


Quare lapis hic  
cum veterum Astro-  
ite conveniat.

CUM ita se habeat universa natura lapidum Idiomorphon, peculiaris instituenda est uniuscujusque lapidis descriptio: & secundum ordinem superius designatum, à pictis Idiomorphis sumendum est initium: inter quos lapis, qui à similitudine stellarum vocatur Astroites, magnam figuræ admirationem, & virtutis opinionem consequitur. Sed cum plures alii lapides ab eadem similitudine nomen acceperint, ut Asteria, quæ etiam Astrios, & Astrobolos dicitur, Monastroites, & Asteriscus; cumque apud Auctores veteres solum extet nomen Astroitis nulla descriptione addita, qua possit à posteritate dignosci lapis ille; meritò dubitandum fuit, quem lapidem novi scriptores Astroitem nominarent. Nos verò duplici ratione adducti, illum esse rati sumus Astroitem, quem vulgus Stellarium, & Victoriæ nuncupat, vana promissa gestantibus palma. Primum quia inter alios lapides cognomines, qui nobis cogniti sunt omnes, stellarium ille vulgaris non continetur: quem tamen aliquo nomine innotuisse vetustiori ætate satis apparet ex proventu ejus copioso per diversas regiones: itaque nomen Astroitis relinquitur unum, quod huic lapidi stellario, qui nomen vetus amisit, reponi debeat. Deinde Plinius libro naturalis historię trigésimo septimo, tradit Zoroastrem in artibus magicis laudes miras lapidis Astroitis cecinisse: quod magnum præbet judicium de vulgari stellario, cum soleant Magi ad ostentationem artis suæ omnes quidem lapides exquirere, qui virtutis argumentum in figura præferunt, sicut Idiomorphi: Sed illos præcipuè summis adornare laudibus, qui aliquam admirandæ facultatis demonstrationem exhibeant, ut stellarium iste, de quo propterea vires opinione majores vulgus concessit, Victoriæque denominavit, existimans victorem in duello evasurum hunc, qui dimicaturus lapidem stellarium cum armis afferat: quæ vanitas opinionis similis est Magorum promissis qualia Zoroastres nomine Astroitis forsitan celebravit. Accedit his rationibus consensus Georgii Agricolæ scriptoris istarum rerum periti, qui in primo, & sexto de natura fossilium eundem lapidem appellat Astroitem, quanvis ipse nullam reddi curat rationem, propter quam ita sibi visum fuit, confidens satisfacturum, si nomen Astroitis, ut est sine descriptione vanum, & rei notione carens accommodaret lapidi, cui aptissimè conveniebat. Hieronymus Cardanus commentario de Gemmis, & coloribus, hunc stellarium nominatum dicit Isticum



Istricum à fluvio : quod mirum in primis est , nomen adeò improprium huic lapidi datum ; cum Ister in Rauzacis ortus non procul à Rheno , & in Pontum Euxinum deponens totius Europæ bessæ latitudinis trajiciat . Sed Cardanus non indicat , vetus an recens hoc nomen sit : Si vetus auctorem proferre conveniebat , qui hoc nomine usus sit , quem hætenus , nec mihi , nec alteri compertum scio : sin nuper confictum est in tanta regionum notitia , sanè abdican- dum erat , vel ut minùs idoneum in tanta latitudine terrarum , quas Ister fluvius obit . Non rectè etiam à loco natali nomen lapidis sumitur , quem diversis regionibus nasci contingit . Et nos qui longum Istri fluminis tractum navigio confecimus , nusquam illic nominis Istri , vel ipsius lapidis notitiam conse-

Astroitem Isticum , ineptè à Cardano vocari .



ASTROITES.

qui potuimus . Quamobrem nomen hoc Cardanus vitio Scripturæ videtur excepisse pro Astrici nomine , vel Asterite , quo etiam Agricola nuncupat Astroitem libro quarto de ortu , & causis subterraneorum . Vel certè si quis contendat etiam à fluvio obtinuisse nomen , non Isticus , sed Isaricus dici debet , ab Isara fluvio , quòd in montibus gignitur , à quibus oritur fluvius ille .

Est igitur Astroites , sive stellaris mediocri duritia lapis , cujus substantia similis marmoris , verum tenuior atque levior , & minùs ad nitorem parabilis , subalbida ; fusco , vel cinereo , vel subalbente colore prædita , tenuissimis venis per universum corpus obstricta ; quæ venæ simul ex uno latere in alterum superficiem latus vergentes , ita sunt inter se compositæ , ut in ea , qua exeunt superficie , crebras , minutasque , radiantium stellarum formulas conficiant , & quacunque lapis per venas decussatim scinditur , cœli nocturni imaginem præbeant . Sunt autem formulæ stellarum fusco , fulvoque , vel etiam pullo interdum colore pictæ , cum medius inter eas color albicat . Magna est hujus apud vulgus virium opinio , magnaque admiratio , cum in patellam indito acriori humido , vel aceto , vel limonum succo moveatur , progrediaturque . Nam etsi locus Plinii , quo recensetur , gemmam candidam , atque translucidam designat : reminiscitur tamen ejus nominum causa , Asteriæ , Astrii , Astroboli . Sic paulò post Cerauniarum mentione à pellucidis ad Sotaci Ceraunias dilabitur . Perbellè verò nomen huic convenit , astrorum numero cœlestis orbis speciem gerenti . Discernunt in marem , & fœminam : hanc linearum ductus , illum stellas pingentem pullo , fulvo , fusco , propinquis coloribus . Nos plures differentias notavimus . Una parvis astris , crebris , & spatio ferè æquali distantibus stellatur . Asterisci fiunt à centro lineis procedentibus , & arcu serie radiantibus . Altera ad fœminam pertinet lineas deducens duplici tractu , in quadam sinuato , in alia diffuso . Sinuatur parvis , flexisque lineis ordinata serie , & in sinus se curvante . Diffunditur lineis semper binis discurrentibus , ac se propagantibus ,

Astroites descriptio.

Astroites mas , & fœmina .



tibus, quibus ab utraque parte alternatim adherent aliæ incipientes item binæ dentata distinctione.

Tertia Astroitarum  
differentia.

Aliæ eorundem  
species.

Locus.

Proprietas.

Virtus.

Tertia majusculas stellas longius differit candido inclusas circulo quasi micantes: nam rursus candor ille radiis exit in ambientem colorem fulvum, cancellatim stellas omnes includentem. Quarta circulum candidum sine radiis circumducit, alioquin præcedenti non dissimilis. Has postquam in æs incidi curassemus ad Xystum V. Pont. Max. Astroites allati sunt ex Germania bini, unciales ambo, & figura triquetra conformati, vinctique auro ad gestamen. Specie, quam primam fecimus, stellantur, nisi asterisci rarioribus stiparentur radiis, singulis propterea crassitie in punctum attenuata exeuntibus. Colore nihil variant, verum alter picturæ rationem immutat. Nam cum cæteri stellas fusciore colore in candido spargant, hic contra in fusco radiat candido. Astroitem alium vidimus Pragæ latissimis maculis hunc in modum. Item vidimus Astroitem foeminam ita se circumvolventibus striis instar lumbricorum, rursus alium foeminam lineis de centro in centrum coeuntibus.

Gignitur in Penninis Alpibus non procul à fontibus Isaræ fluminis, quod Vindelicos transfluens, in Danubium exonerat. Item in Boemia loco dicto *Marialerg*, & in Misnia.

Gignitur etiam in quibusdam Galliæ locis mole exigua, & primum rudi: non ut Agricola existimavit, figura qua circumfertur. E' nostris thecis frustum impositum ad primam speciem, & globo semipalmaris altitudinis, quartam diversitatem ostendimus. Aptatur figura plana, ac tenui, fabæ magnitudine, ad dandum spectaculum naturæ suæ, (2) ut in aceto posita moles facilius regatur. Tum quæ ei inest materia lenta, pinguiori aere tenues, frequentesque meatus obsidet: ad quos aditum, cum aceti asperitas tentat, renititur: è nixu fit motus, & quo movetur progressio. Inesse ei pinguem lentitudinem significatur attritu, digitis in summo lævare molliter hærentibus.

Hydropicis prodesse pulverem ejus quidam scribunt. Aquam enim intercutem minuere. Quæ vulgus huic affingit, referenda non sunt. Mirum illi viros doctissimos aurem ludificandam dedisse. Marsilium Ficinum credidisse hunc eundem Dracontiam esse: Indico venatu ex cerebro draconum allatam. De Dracontia inter animalium lapides dicitur, quo superbiunt Philostrati nugæ præstantissimos pyropos è Draconum oculis captantes.

## N O T Æ.

Astroitz, seu stellaris lapidis, qui aliis Asteria dicitur ab ἀστήρ stella, meminerunt Gesnerus, Boetius, Aldrovandus, VVormius, Imperatus, aliique, & apud recentiores fossilium scrutatores frequenter occurrit. Vide Langium, Scheuzerum, Vagnerum, Bayerum, Bocconem, aliosque. Quid sit autem hic lapis superius exposuimus, ubi de coralliis albis. Arm. VI. cap. 15.

Stellares lapides à  
Plinii Astroite, &  
Asteria diversos ef-  
fe.

[a] Lib. 37. cap. 9.

Lapides hi Asteria, aut Astroitz à recentioribus nuncupati longè diversi sunt ab iis qui eisdem cognominibus appellantur apud Plinium: Hi enim vilissimi sunt, opaci atque vulgares, formamque duntaxat stellantium radiorum exprimunt: illi autem inter gemmas recensentur à Plinio, stellæque referre non opacis, sed nitidis, ac micantibus radiis traduntur.

Vidimus apud Illustrissimum Strozam gemmas, quæ ad Asteriam Plinii accedunt, Achatem præsertim ad Sapphirum vergentem. Hæc nunc ferè juglandis magnitudinem æquat hemisphærica figura, ex una parte convexa, ex altera concava. Si lumini solis aut candelæ objiciatur, sex lineis seu radiis mirum in modum fulgentibus distinguitur: qui radii ex eodem centro prodeunt atque ab invicem æqualibus spatiis recedunt usque ad extremum gemmæ circuli: pellucidi etiam sunt, ita ut non modò in superficie, verum etiam intrà ipsam substantiam niteant, candicentque: atque in parte quoque concava conspiciuntur, in qua eodem modo in puncto se se interfecant. Centrum autem, atque ipsi radii pro varia angulorum luminis inclinatione situm mutant, ita ut si gemma variè moveatur huc illuc in omnem partem, concursantes jucundo sanè spectaculo videantur. In hanc igitur optimè quadrant sequentia Plinii [a] verba. Proxima candicantium est Asteria, principatum habens proprietate naturæ, quod inclusam lucem pupillæ modo quandam continet, ac transfundit cum inclinatione, velut intus ambulanti ex alio, atque alio loco reddens, eademque contraria soli regevens candicantes radios, unde nomen invenit, difficilis ad celandum.

Hæc autem Asteria nominæ distinguitur apud Plinium ἀστὴρ ὀφθαλμῶν, quam hodie eandem esse credunt ac eam quæ ab Italis gemmariis *girasole* vocatur aliæ enim ab eodem auctore gemmæ describuntur astrorum speciem referentes Astrios Sandastros nimirum, Astrobolos, ceraunias, Oculi Beli, Solis gemma.

Hujusmodi porrò radiandi proprietas plerisque gemmis peculiaris est, utpote nitida ac pellucida substantia præditis, qua fit ut luminis particulæ in eam impingentes in centrum coeant, ac radiatim exinde



exinde variis modis reflectantur, ac refrangantur, pro varia lapidis structura, modòque quatuor, modò sex, octoque radios exhibeant. Præcipuè autem Sapphirorum hæc laus est, de quibus sic Plinius[b]. *Inest ei aliquando, & aureus pulvis, non qualis in Sapphirinis. Sapphirus enim, & aureis punctis collucet.* Sapphirum profectò singularem pondere ac magnitudine quatuor radiis eximiè, fulgentem conspeximus apud sapius laudatum virum præstantissimum, nec non etiam carbunculos alios unicam, alios plures in singulis angulis stellulas exhibentes.

Quanyis autem uti monuimus, stellariæ seu Astroitæ vulgares, qui hic describuntur ex opaca terraque materia ut plurimum consent; nonnunquam tamen comperiuntur pellucidi, atque ex liquore gemmeo concreti, sed rarò, quemadmodum nos observavimus in toties laudato Museo Illustrissimi Strozze, apud quem Stellariam videre licet ex Achate genitam, intrà cujus substantiam, utpote perlucidam madreporæ tubuli eleganter impliciti perspiciuntur, qui albis quidem radiis sed opacis superficiem perbellè distinguunt. Sed neque hæc inter Asterias, & Astroitas Plinii est recensenda, non enim fulgidis stellis radiat.

Lapis iste aceto infusus movetur, partim quia salino-acidæ particulæ, ipsius substantiam, quæ alkalica, porosaque est, subeuntes suis cuspidibus incidunt ac dissolvunt, motumque propterea intestinum, excitant; partim quia eadem salinæ particulæ undequaque, ac inæqualiter lapidis poros pervadentes aerem in meatibus contentum intercipiunt, ac comprimunt: qui propterea in angustum coactus majori nisu sese restituit ac comprimentem liquorem repellit, & qua data porta foras erumpit per tortuosos astroitis anfractus; quo fit, ut tum liquor ab aeris renixu impulsus paulò concitatus moveatur, tum lapis ipse ab aere per poros angustos, ac variè reflexos impetuosè egrediente urgeatur, ac quasi quodam explosionis motu deferatur: eadem ferme ratione, qua mililes ignes tubulos quibus includuntur, secum rapiunt, ac circumferunt.

Proprietatem hanc stellari lapidi à plerisque hætenus tributam, falsam experimento se deprehendisse tradit Cl. Langius[c], quòd ipse nullum motum in hoc lapide animadverterit, sed tantummodo bullas in liquore ex interna ipsius ebullitione excitatas. Verùm si stellaris naturam ex hætenus dictis rectè perpendamus, laudati Auctoris experimentum nequaquam aliorum auctoritati adversari comperiemus. Cum enim non una omnium, eademque sit horum lapidum substantia, nihil mirum si pro ipsius varietate varios effectus præbeant. Si siquidem, qui multis poris, varièque contortis atque inflexis, & particularum salino-alkalicarum copia præditi sunt, aptissimi ad motum esse videntur: quòd in his facilius, ac vehementius motus intestini cieantur, & aer unà cum tenuioribus, ac resolutis partibus per pororum ambages detentus ac cohibitus impetuosius lapidem urgeat, atque impellat. Qui autem poris amplioribus ac non adeò inflexis nec magna partium salino-alkalicarum quantitate constant, ii probabiliter immoti tantummodo ebulliunt, aere per vias patentiores ac rectas minori cum impetu exeunte.

Demum qui solidiori materia compinguntur, qualis is est, quem ex Achate concrevisse superius memoravimus, nec ebullire, nec moveri consentaneum est: nam dissolventem liquorem non admittunt, neque tantam aeris copiam, ob pororum paucitatem continent.

Hicce rationibus nostra etiam accedunt experimenta: vidimus enim apud Illustrissimum Strozze stellares lapides, qui in aceto & ebulliunt, & moventur.

[b] Lib. 37. cap. 9.

Stellaria ex Achate

Cur stellaris in aceto moveantur.

[c] De lapidibus figuratis.

## LOCULO VII. DE LAPIDE CRUCIFERO.

C A P. XI.

INTER pictos *ιδιόμορφους* primum meritò locum obtinet lapis Crucifer, quem Hispani vocant Cruciatum, quòd in utraque superficiei planitie Crucem Domini, salutis humanæ symbolum, sponte naturæ delineatum præferat. Illa verò Crucis species, cum propter ingentis beneficii memoriam, jucundissima semper in aspectu versetur, tum naturaliter existens in lapide majorem populi admirationem consequitur. Ipse lapis materiam habet intuitu, ac duritie siliceam, figuram corporis orbicularem, in octo latera conformatam, vel ab iis deficientem ad æquabilem rotunditatem, aliàs brevem, ac tenuem, aliàs longiorem, atque cylindraceam. Latera quatuor alterna plerunque strictiora sunt, à quibus in averfa planitie albicante distenduntur lineæ duæ, nigro colore distinctæ, quæ principio latitudinem cujusque lateris æquantes, continuò attenuantur ad normam trianguli, unde tenuiore ductu procedunt, & medio spatio decussatæ concinnam crucis figuram conficiunt. Summa lapidis magnitudo, quam videre contingit, diametri uncialis est, eamque rariùs inventam apparet ex iis Cruciferis, quos ipsi conquistos habemus, quorum multi ferè digitales, plures etiam minores reperiuntur. Quædam in iis etiam est materiæ differentia: nam ea, quam siliceam dicimus, interdum ad gemmæ naturam accedit. Jaspidem referens, cum mediis Color, inter Crucis dimensionem rubore

Descriptio.




rubore perfunditur, maculis, ductuque venarum insignis, quibus etiam momenta translucidi nitoris intercedunt. Medius color in cæteris albicat, modò fuscior ut corneus, modò cinereus, interdum quoque refulgens. Pictura Crucis evidens in plerisque, sed in aliis multò concinnior, in quibusdam deformis etiam cernitur, cum latera, à quibus lineæ Crucis oriuntur, latiora sunt, vel inæqualia, ut indè Crucis extrema in triangulum proportionem majorem, vel inæqualem definant, & cum maculis vitiantur, nigerque Crucis color in albicantem transfunditur.

Quæ fuerint lapidum monumentis commendata.

Genesis cap. 28.

Genesis cap. 31.

Perfèctissimam igitur speciem, & simul simplicissimam, salutarem humano generi, memorandam perpetuo, ac omni loco efferendam, rerumne Natura in lapide honoris causa figuravit? ita sane nos sentiamus, qui suaviorem non intuemur summi beneficii memoria consecratam. Quippe solemus acta, quæ æternitate donanda reputamus, lapidi commendare. Olim Jacob odium fratris evitans in titulum promissæ salutis, quæ è cruce recepta est, lapidem erexit: revertensque ad suos testimonium fœderis, quod cum focero iniit, con-



LAPIS CRUCIFER SIVE CRUCIATUS

Exodus cap. 17.

Numeri cap. 20.

Josue cap. 4.

Josue cap. 24.

Exodus c. 32. & 34.

Josue cap. 8.

Apocalypsis cap. 7.

Locus.

Vires.

gesto lapidum tumulo confirmavit. Quoties verò sancta gratiarum ubertas, quæ ex illa specie veneranda profluxit, in lapide præmonstrata, atque indicata est? Liberatis Israelitis & mare transgressis è lapide vivi fontes eruperunt in Raphidim Arabiæ deserto: rursusque id contigit ipsis per deserta circumductis in Cades interioris Arabiæ deserto. Duodecim lapides in Jordanis alueo, totidemque in proximis castris statuerunt, qui posteris memoriam proderent, velocissimum flumen stetisse, donec tanta Israeliticæ gentis multitudo in alteram fluminis ripam consisteret. Exin regionibus trans Jordanem occupatis, & legibus quas prius acceperant tum declaratis, Dux Josue has communi voluntate, populi que consensu stabilitas esse ingenti lapide, in sacrarium convecto, attestari voluit. Cum igitur rerum memorias duritiâ lapidum tueamur, Natura quod memoria dignissimum est in lapide ostendit? Num figuram, qua salutis orbis terrarum operatum est, prius in lapide significatam, demum exprimendam putavit? An etiam admonuit quàm tenaciter ea memoriæ insignenda sit? Præcepta Dei in lapideis tabulis exarata fuerunt, & Deuteronomium Moyfi lapidibus inscriptum. Hæc autem figura character est, quo centum quadraginta quatuor millia è tribubus Israel signata fuerunt, atque è cæteris gentibus innumera multitudo. Characterem hunc ita inducendum esse, nè vel afflictio deleat, vel eradat injuria, lapidis Cruciferi natura doceat.

Habet Cruciferum citerior Hispania eo in loco, quem vulgus montem Sancti Petri de diluvio vocat: nec alibi repertum constat.

Facultatibus ascribunt, fascinum depellere, incantamenti illudere, dæmoniacis adesse. Etenim species illa, quam nobis salutaris, tam est eis execrabilis. Magnum præsidium adversum febres gestant, & assumunt. Ajunt sentire se administrationem corporis ita moderari, ut & alvum dissolutiorem contineant. Illum, qui Jaspidis naturam præfert, utilem sistendo sanguini suspensum laudant.



De Lapide Crucifero vide Gesnerum; Boetium, Aldrovandum, VVormium, aliosque.

LOCULO VIII.

LAPIS LITERATUS SIVE (1) GRAMMATIAS,  
& Eumeces.

C A P. XII.

**L**ITERIS inscribi lapides præter industriam humanam, casus ostendit. Romæ in hortis Pontificum Vaticanis inventus flix pusillus, procerus, teres, candidus, ad obliquitatem cylindri inscribatur literis I D. nigerrimo colore planè eodem ductu, & qua hic referuntur magnitudine. Quid? Natura latinè scribendi Elementa profitetur? Dicent maculas eo numero filici contigisse. Esto, non repugnamus: Tamen mistionis, coctionisque modum, quo maculæ quælibet fiunt, si Natura præscribit, integra ad eam redit gratia, ut hæ literæ confierent. Alias in filice literas viderunt alii: & quædam minutæ rerum species, uti frondium flosculorum, vel reptilium inopinatò repertæ sunt.

Descriptio.

(2) Eumeces à Plinio traditur filici similis, ut nomen indicat prælongus. Non alius, si æquè æstimetur, quàm flix huiusmodi ostento notabilis. Nam experimentum ejus promissi vanitas arguit, suppositum capiti visa nocturna oraculi modo reddere. In hanc suspicionem Bactra veniunt, unde nasci dicebatur, Zoroastris regnum, qui magiam inchoavit.

Lib. 37. cap. 10.

Deest Figura.

N O T Æ.

(1) Grammatias inter gemmas, & Jaspidium genera recensetur à Plinio [a] sic autem de illa scribit. *Totus verd oriens pro amuletis traditur gestare eam, quæ ex iis Smaragdo similis est: & transversa, linea alba media præcingitur, & Grammatias vocatur, quæ pluribus Polygrammos.* Ex quibus verbis etiam apparet hanc gemmam nomen traxisse à lineis, non à litteris, ac Grammatiam, & Polygrammon appellatam, quod πολλὰς γραμμάς hoc est multis lineis distingueretur. Lapis autem hic qui literatus dicitur, licet à Plinii gemma diversus, rectè Grammatias quoque appellatur ἀπὸ τῶν γραμμάτων, nempe à literis. Grammatias apud VVormium [b] Jaspidis species appellatur, quæ lineis distinguitur.

[a] Lib. 37. cap. 9.

[b] In museo.

(2) Eumeces Græcè εὐμήκης. De hoc lapide ita Plinius [c] tradit. *Eumeces in Bactris nascitur, & capiti supposita, visa nocturna oraculi modo reddit.* Plinii Eumeces ab ejusdem Grammatia longè differt, ut ex utrarumque descriptione intelligitur; cum filice autem hoc literato Mercati nullà notā convenire videtur, nisi sola longitudine; inter gemmas enim numeratur à Plinio: ex eo quod verò filicis similis dicatur, diversum potius esse conjici potest; aliud enim est filicem esse, aliud filici similem. Nihil tamen prohibet Eumecem hunc appellari ratione figuræ: nam apud eundem Plinium [d] Xylobalsami species Eumeces appellatur.

[c] Lib. 37. cap. 10.

[d] Lib. 12. cap. 25.

[e] De lapidibus figuratis.

Lapidum lineis distinctorum nonnullas species recenset Langius [e], eosque Grammitas vocat.

LOCULO IX.

NUMMI LAPIDEI.

C A P. XIII.

**C**UDIT Natura nummos, non aureos rerum humanarum arbitros, lapideos maluit. Hi laminæ sunt orbiculatæ, magnitudine, & tenuitate quatinis comparabiles, qui Romanæ monetæ partes ultimas explent. Signantur medio



medio circulo, quem pluribus quidam cingunt, quidam altero tantum adumbrant in cinereo colore buxco. Tenuitate fragiles sunt, alioquin filicea duritie.



NVMMVS LAPIDEVS

Ex Hispaniis nobis afferebantur, nec alia in regione, quod sciri potuit, reperiuntur.

## N O T Æ.

Qui hic Nummi lapidei appellantur, sunt re vera testarum echinorum marinarum partes. Hinc à recentioribus modioli echinitarum appellantur: horum plures describuntur species apud Langium.


## L O C U L O X.

## NUMMI DIABOLICI.

## C A P. XIV.

Descriptio.

**A**LTERUM monetæ genus inæqualiter circulatum, videtur atro situ signa auctoris impressa obduxisse, scabritie modò vultus, modò literarum vestigia assimulante. Interior materia nitoris argentei ex pyrite multos in falsam spem adduxit. Præsertim chymicos malè habuit, qui hanc opinionem comprehendebant, nummos argenteos antiquitus defossos ætatem confecisse.



NVMMVS DIABOLICVS

Locus.

Nam pro viribus alii, quicquid metalli à temporis injuria relictum credebant, educere, atque colligere nitebantur: alii sua arte confisi quod ætate affectum videbatur, integrum restituere contendebant. Sed utrique impendium, & operam effuderunt. Itaque Naturæ calumniam passi, ejusque jocum detestantes lepida execratione nummos Diabolicos cognominarunt.

Eruuntur è terra cretacea in ditione Senensi ad oppida Sancti Quirici, & Montem Alcetum Senis ab exortu solis propinquius, & aliis ibidem locis.



CERAUNIA CUNEATA, QUÆ SOTACI  
Ageratus Bætulus.


C A P. XV.

**T**RIA sunt Cerauniarum genera Cuneata, figura, colore inter se distincta. Duo Sotacus vetustissimus auctor tradidit nigras, rubentesque. Tertium addiderunt raras admodum, & Parthorum magis quæsitæ, colore virides, ut nos animadvertimus. (1) Putantur omnes fulminibus dejici cœlo, ac tertium genus non aliubi inveniri, quàm in loco fulmine ictō. Nostra ætate mechanici notæ sunt mutato nomine, nempe ex Græcæ vocis interpretatione. Appellant enim *Folgora*, quo nomine etiam fulmina vulgò intelligimus. Germani à cæteris lapillis, qui cadere de cœlo creduntur, appositè distinguunt *der glatte Donnerstein* nominantes. Mirum, non fuisse è recentioribus, qui tam notis lapidibus vetus Cerauniarum nomen instauraverit. Utuntur iis aurifices no-

Differentiæ

Plinius lib. 37.  
cap. 9.  
Idem lib. 37. cap. 10.

Nomina.



LAPIS FULMINEVS VVLGO FVLGVR

stri ad aurum poliendum, quod operis antiquissimis temporibus ex hebeno fiebat. Neque veterem consuetudinem sinè ratione posteritas neglexit. Æqualitas enim materiæ quæ datur ex hebeno, eadem in Cerauniis; durities utriusque summa, in his etiam vincat, præsertim figura polituræ nata. Hujus longitudo, & latitudo tota dirigitur ad formam securis extremitate angulorum obtusa, crassitie ut solet semidigitali paulum in aciem præcedente. Non fuisse veteribus perspectam ad poliendum tantam figuræ aptitudinem Cerauniis tum cognitis existimari non potest. Apparet olim Sutores usurpasse ad calceamenta mulierum expolienda, & nominasse Ageratos, quod Heras tradidit medicus Cappadox, qui circa Domitiani tempora fuit; Id nomen ipsorum non abnuat. Dicti nanque sint *ἀγέροι* propter duritiam, cum perpetuo corii attritu nihil deperdant. Cujuscunque coloris sunt, longitudinem quidam habent palma-

Cerauniarum usus.

H h

rem,



Bætulus quid.

Locus.

Facultates.

Simpl. Medic. lib. 9.

G. de Compos. pharm.

Iacal. lib. 6. cap. 4.

Aetius tetrabib. 1.

Serm. 2. cap. 24.

P. Egineta lib. 7.

De Medic. parat. ad

Solonem.

rem, alii minores, nonnulli lati, alii proceri, & quidam ex angusto aciem latiore ducunt, aliqui utrinque latitudinem parvo discrimine relinquunt. Nigris forma nonnunquam evenit ex quadrato angulis obesis ferme rotunda, eosque Bætulos antiquitas vocavit. (2) Hesychius auctor est lapidem à Rhea pro Jove suppositum, quem Saturnum devorasse fabulantur fuisse *Βαῦτυλον* quasi *Βαῖν τυλον*, quem Barbari (3) *Abadir* per mysteria solemniter nuncupabant. Quoniam verò Jupiter, & vitam, & regnum per eum obtinuisse, persuasum est, Bætulos à Jove mitti potestate præditos, qua urbes, & classes expugnentur. Hoc addere libet, quia non solum Bætuli, sed nomen ipsorum dubiè quærebatur. Virentium color plerumque luridus, rubent balio, interdum gilvo, qui & lurido obfuscatur. Hi atque virides durissimi, ut Achatem superent, et si speciem habent filicis: nigri præ cæteris mollissimi reperiuntur. Quemadmodum incertis locis Italiæ, Germaniæ, Hispaniæ in montibus, & ad flumina inter filices Ceraunias inveniri compertum est: ita de aliis regionibus existimare licet.

Utiles sicut diximus aurifabris, & argentariis æquandis, inaurandisque metallis. Quidam gestant nè fulmine tangantur, eaque pollere vi credunt, quoniam fulmine dejiciuntur. At ubicunque cadunt, ea potius immunitas locis conceditur prætergressa fortuna. In mutatione loci alia fors gestantibus expectanda, nisi sit facta Cerauniarum cum cælo conjuratio, scilicet ut insignis Typhon aliquis impunem se evasurum speret. Ageratum Galenus facultate mediocriter astringente commendat, quanvis gustu non sentiat. Juvare enim columellam ait phlegmone gravatam si leviter accensa sit, vehementius inflammata galla curari. Ad id pulvis ejus cochleari admoventi columellæ debet. Quidam in hypotheticis Galeni scriptis gargarizari jubet.

## N O T Æ.

An Cerauniz unâ cum fulmine mitantur.  
Cerauniz Chymicorum.

[a] Historia lapidum figuratorum.

Quia ratione flamma solidorum effectum edat.

Fulmina merâ flammam esse ex eorum effectibus deducitur.

Cur Cerauniz sulphur redolent.

(1) Lapidés fulminei ac cerauniz passim occurrunt apud rerum fossilium scriptores: Horum diversas icones videre licet apud Geherum, Boetium, Aldrovandum, aliosque. An autem lapides isti unâ cum fulmine è cælo fuerint emissi, nullo argumento demonstrari posse videtur. Cadens enim fulmen ob summam pernecitatem oculorum aciem fugit: qui verò lapides post ejus lapsum observantur in locis à fulmine tactis, nulla ratione evinci potest, ibi prius non extitisse. Non est tamen omnino improbabile ex diversorum salium, aliorumque corporum particulis, quibus aer scatur, posse etiam inter nubes lapides concrefcere. Hinc Chymici fulmineum lapidem artificio à se parari posse contendunt, ex sale nimirum, aqua pluvia, ac sulphure unâ combustis. Huic similem lapidem in quercu fulmine percussa repertum fuisse scribit Langius[a], ejusque figuram exhibet ab iis, quas Mercatus hic affert, aliisque, quæ apud alios cernuntur, longè diversam. Sed hic etiam vel alio eventu intrâ quercum antea importari potuit, vel etiam ab ipso fulmine alicunde excussus illuc unâ abripi, atque intrâ arboris intima impelli.

Quanvis autem fulmine percussa corpora perforata diffracta, scissa, decorticata, quemadmodum in arboribus præsertim animadvertimus, variisque aliis modis affecta perspiciantur, æquè atque si lapide, aut altero corpore solido ictæ forent: nihilominus exinde conjici nequit à solo lapide flammam instructo hæc præstari tantum potuisse. Fluidorum enim præsertim igneorum actio mirificè intenditur; nam quandoque solidorum effectus edunt, quoties nimirum propriis viribus motus ac virtus vehementioris impetus accedit: quod quidem videre licet in flamma per tubum oris statu impulsæ ac trajectæ, cujus particula per tubum coactæ eadem omnes determinatione motus solito vehementioris unâ versùs eandem partem feruntur, hinc junctis virium momentis impingunt in solida vitrea, eaque ocysimè liquefaciunt, atque perterebrant. Eadem pæne ratione fulminis flamma à circumposito aere undequaque compressa atque coercita per aereum quodammodo tubum vehementissimè irruens, quæcunque opposita, simul non modò comburit, verum etiam disjicit, perrumpit, terebrat, ac multifariam afficit pro varia motus ratione, varioque corporum percussorum renitu. Immodò tantum abest, ut ex fulminis effectibus evinci possit, ejus materiam lapideam esse ac solidam, ut potius ex eisdem hanc nonnisi meram flammam esse comperiatur: id quod præcipuè indicatur ex ipsius fulminis motu admodum tortuoso: qui motus potissimum deprehenditur in arboribus à fulmine ictis: Sæpius enim contingit, ut fulmen arboris truncum superficie tenus in gyrum tantummodo lambat, solumque ipsius corticem spiratim abradat. Quod quidem à lapide aut alio corpore solido non ita facillè præstari posset: hæc enim irruentia, aut intrâ lignosam etiam partem penetrarent aut ipsius soliditate repulsa aliorum resiliunt: contra verò flamma vehementi impetu delata primò corticis partem dirimit, sed exinde à solidiore humidiorique ligni materia retorta, à circumfuso aere denuò urgetur, ac versùs arborem comprimitur: quò fit ut alternatim hinc inde reflexa inter aerem ac stipitem ligneum, cortice delibrato striatim, ac volutatim, sibi viam muniat, donec vel extinguatur, vel immutato comprimentis aeris æquilibrio, ob ipsius agitatione aliò abripiatur. Præterea ab Illustrissimo Lancisio, qui cum super hac re inquisivimus, animadversum est, nulla vulneris, quod sciverit, à corpore solido inflicti indicia in eorum cadaveribus, qui fulminis ictu interierunt, unquam deprehensa fuisse, sed tantummodo odorem sulphureum, nigredinem, aliaque flammæ comburentis vestigia.

Nonnulli denique istos lapides ex sulphuris odore, quem spirant, ex fulminis sulphureis partibus coaluisse arguunt: quam etiam ob causam eos chalybe percussos scintillas emittere credunt:

Verum



## Lapides ΙΔΙΟΜΟΡΦΟΙ. 243

Verum passim occurrunt lapides qui ex minerali terræ sulphure concresecunt.

(2) Lapidem hunc nomen traxisse à Βαίτη pelle nimirum caprina, qua obvolutum Saturnum præbuit devorandum Rhea, existimat Etymologicon Grecum.

Alii quoque dicuntur Βαίτυλοι, ac Βαίτύλια à Græcis lapides, quos etiam ἐμφύχους, vivos nimirum appellant; de his enim multa fabulosa narrant, atque eos sponte moveri commenti sunt, ut legitur apud Photium [a] in vita Isidori à Damascio scripta. ἐγὼ μὲν ὅμῳ δειότερον εἶναι τὸ χεῖμα τοῦ Βαίτύλου, ὃ δὲ Ἰσίδωρος δαιμόνιον μάλλον ἔλεγεν· εἶναι γὰρ τινα δαίμονα κινῶντα αὐτὸν, οὕτως τῶν βλαβεῶν, οὕτως τῶν ἀγῶν προσύλων, ὅς μὲν τοὶ τῶν ἀνηγμένων εἰς τὸ αὐλὸν εἶδον, οὕτως τῶν παθαρῶν παντάπασιν. Τῶν δὲ Βαίτύλων ἄλλον ἄλλον ἀνακρίσθαι Δεῖ, Κράτη, Διὶ Ἡλίῳ καὶ ἄλλοις.

Ego verò existimabam aliquid divinum esse Betylum: Isidorus autem demonium potius. Aiebat enim ipsum à demone quodam moveri qui neque ex noxiis aut valde corporeis, neque ex incorporeorum genere, aut omnino puris esset. Ex Betylis verò alium alii Deo dicari, Saturno nimirum, Jovi, Soli, aliisque.

Morem hunc lapides consecrandi Diis probabiliter Græci mutuati sunt à Jacobo, [b] Ut habemus in Sacris litteris, qui in Haran profectus lapidem, super quem cubuerat, affuso oleo domino consecravit, locumq; **בית-אל** Beth-El vocavit, idest domum Dei, quod ibi in somnis scalam vidisset, Deiq; ver-

Betyli lapides quid sint & unde dicti.

[a] Bibliotheca.

[b] Genes. 28. v. 18.

[c] In Geographia Sacra part. 2. cap. 2.

ba audisset. Hinc à Bethel Βαίτύλους hujusmodi lapides appellari cœptos fuisse conjiciunt viri doctissimi. Non modò autem Idolorum cultores postea hoc ritu abusi sunt, rem in veri Dei cultum institutam falsa deorum religione depravantes; sed etiam uti dictum est, multa eaq; superstitione dictis lapidibus affixerunt, vivos nimirum eos esse, atq; à demone moveri. Quem errorem Bochartus [c] censet initium habuisse à Sanchoniathonis verbis, auctoris antiquissimi (qui Phœnicum lingua historiam theologicam exposuit) pravè à Philone Byblio apud Eusebium Græcè redditus, ubi sic habetur. ἐπινόησε θεὸς θυγατρὸς Βαίτύλια, λίθους ἐμφύχους μηχανησάμενος. Excogitavit deus Uranus Betylia, lapides animatos fabricatus. Nam vir eruditissimus suspicatur lingua Phœnicia scriptum fuisse prius

**אבנים נשפים** Avanim neshaphim hoc est lapides unctos, sed Philonem exigua literarum transpositione pro **נשפים** neshaphim **נפשים** nephasim, hoc est animatos legisse, atque

λίθους ἐμφύχους lapides animatos vertisse.

(3) Abadir à Syrorum lingua dictum esse credit Bochartus, quasi **אבן דיר** Eben dir, hoc est lapis rotundus, quod lapides isti essent sphaerici, ut videre licet apud Photium: Hinc Plinius scribit ex Sotaco Ceraunias rotundas bæulos vocari, ut superius retulimus.

## L O C U L O XII. CERAUNIA VULGARIS, ET SICILEX.

### C A P. XVI.

**F**REQUENS in Italia Ceraunia est, quæ vulgò Sagitta nominatur ad triquetram telorum aciem scalpturata, materia filicis, tenui, ac dura. De qua duplex circumfertur opinio. Magna pars hominum credit fulmine deferri. Qui historiam callent, ante usum ferri è durissimis filicibus tundendo fuisse defectam ad belli insaniam arbitrantur. Nam antiquissimis hominum segmen-  
ta filicum pro cultellis fuere. Sephoram Moysi uxorem petra acutissima filium ritu Israelitico initiassè in sacris legitur: & Josue Palæstinam ingressus ad eundem usum duos parare cultros lapideos à Deo jussus est, unde consuetudo lapide circuncidendi in Israel invaluit. Nostra ætate nullum erat ferrum constatile in regionibus orbis occidui, navigia, domos, omniaque fabrilia lapidibus in aciem sectis extruebant. Et quidem Silex, ut voce notatur, quasi Sicilex ad secandum lectus videtur. Sicilices dicuntur, quibus missilia, & venabula inspicantur, ut in illo Ennii versu apud Festum.

Lapidum usus antiquitus qui fuerit.

Exodus cap. 4.  
Josue cap. 5.

Incedit veles vulgo Sicilicibus latis.

Earum figuram habet hæc Ceraunia, ut opinio maneat ante ferrum constatum Sicilices fecisse è Silice veteres, & esse ex earum numero hanc Cerauniam. Nempe parvis initiis mortalium odia in immensum excrevere, præliumque Afri fustibus, quos phalangas vocant, cum Ægyptiis commiserunt: prius tamen bellum Phœnices commentos esse Pomponius Mela, & Plinius auctores sunt. Neque verum est quod Lucretius scribit,

Plinius lib. 7. cap. 56.  
De situ orbis lib. 1.  
cap. 6. & lib. 5.  
cap. 12.

Arma antiqua manus, ungues, dentesque fuerunt.

Cum enim iis minimè valeat homo, rationem complexus est, & quæ ipsa dicat perficiendis aptissima instrumenta manus illi attributæ sunt, ut qui ferino more sævire non posset, generosiùs pugnam iniret. Primum saxa, & fustes paratam materiam conquiendam, atque eminus hostem tentandum ratio ostendit.

H h 2

Ac



Ac prius diffidiis privatis pugnatum est, quàm populi, gentesque bello decertarent. Tum atrociora reperit æmulatio, reperit avaritia, atq; ambitio sanguinem humanum avidius sitientes. Cœperunt hastilibus, & omni telorum generi spicula præfigere cornea, ossea, & silicea, ut opinantur, qui Cerauniam ex iis putant



CERAVNIA

Ceraunia lapidum  
ictu exculpta.

Qui primus ferri fa-  
ber.

Genesis cap. 4.  
[a] Lib. 1.

ad munitiores thoraces transverberandos fabricatam. Hoc enim præfert ejus forma rudis, superficie retusa, & margine scabrato, non ferrâ, non limâ, quæ tunc non erant, concinnata; sed lapidis collisu exculpta in triangulum, vel æqualem, vel oblongum, vel acutum, & qua hastili conjungenda est relicta, ligula, quæ teli scapo infigitur. Nitet materia quanvis iniqua superficie propter insignem duritiam, colore candente, aut flavescente, rubido, saturato rubricæ, herbaceo, nigricante, vel interdum maculis variato. Inveniuntur ejusdem materiæ tenues laminæ, palmum longæ, latæ semiunciam, vel minores, ambe-  
sis angulis, superficie exterfa, hinc plana, indè paululum eminente in angulum medias dimetientem. Qui Cerauniam telis exasperandis veteres confecisse putant, his laminis, inquiunt, arcus incrustasse. Sed quando usus earum vi-  
guit, vel quo tempore ferri tyrannis, cui ille cessit, orbem invasit? Antequam genus humanum diluvies aquæ dele-  
ret, fabrefactum fuisse ferrum, ejusque au-  
ctorem sacre literæ Tubalcain asserunt, qui à primo parente originem septimam ducebat. Eundem Josephus [a] in antiquitatibus rem bellicam fortiter gessisse scribit, ut videatur unus ferri, bellicque auctor, odia paucorum hominum, & sanguis-



sanguinis affinitate junctorum conspirasse, atque iis exercendis instrumenta reperisse ferrea, nec fuisse iis antiquiora. Quanquam verò per communem viventium stragem, quæ ab aquis consecuta est, ferri factio conservata fuit, ab eo nempe, qui primi auctoris, operisque memoriam tenebat: tamen restitutis gentibus, ac rursus per orbem terræ explicatis ars ferri ducendi apud paucos relinquebatur. Non enim potuit ea comitari populos in diversa loca commigrantes, materia non sequente, ac nusquam obvia, nisi in viscera terræ altius irruatur, quò etiam sine ferramentis pervenire difficillimum est. Ipsa materia intractabilis ingenio, & labore improbo domatur. Ita cum aliquis ferri usus à prima ætate fuerit, is paucissimis contigisse potuit, primum in Armenia, ubi reliquæ diluvii confederant: dein Cilicibus, atque Syris: reliquas gentes nè illam experientiam per se excitarent, simplicitas continuit, alibi inertia, & ferri asperitas, maximèque locorum iniquitas, quæ non ubicunque materiam præbent. Nulla erat ferraria in Palæstina ad imperium Saul usque, qui cum Jonatha filio solus lanceam, ensẽque ferreum habebat: cætera Agricolarum ferramenta, quæ ab usu erant reparanda, deferebant Israelitæ ad Philisthiim qui montana incolebant. Interea igitur à primis temporibus cum gentes ad bellum gerendum injuriæ provocarent, absque ferro sævitum est: verum acerbissima, ut quisque reperire poterat tentata sunt. Ex ossibus piscium populi Occidentis sagittas acuebant, hoc ipsi nudi satis asperum habebant congressuri. In Italia, & præcipuè in Latio, in cuius agris hoc Cerauniæ genus frequentissimè effoditur, Aborigines è Silicibus, si vera est opinio, spicula factitabant, nè lorice aliquem periculi locum excluderent. Quæ omnia abiecit ferrum tandem commerciis gentium introductum. Quare ferè singulæ nationes, eos populos, à quibus sibi indicatum est, fuisse inventores ferri existimant; Plinius Dactylos Idæos in Creta reperisse scribit; Strabo Telchines populos; Clemens in Cypro Selmentem, & Damnameneum Judæos: sic inter se dissentiant. Nobis autem satis est ostendisse Cerauniam hujusmodi potuisse à Veteribus parari. Nam hoc materia ejus & figura monstrant, nomen consentit, & usus aliquando tulit. Quæ si certa cognoscerentur, non deberet hæc Ceraunia inter *ιδιομορφους* conlocari, quoniam ab arte perfecta esset. Magnam affert dubitationem Naturæ jocus, siquidem in rerum imitatione arti non concedit. Addit suspicionem parvitas, qua interdum Ceraunia reperitur inepta spiculis. De fulmine, quæ prior fuit opinio, nihil affirmari potest, quàm quod sparsim inveniatur. Unicuique igitur judicium in medio relinquimus.

Genesis cap. 8.

Regum 1. cap. 13.

Arma ex ossibus piscium.

Aborigenum spicula ex filice.

Ferri inventores qui fuerint habiti.

Vim huic tribuunt, quam supradictis ad fulmina evitanda. Quamobrem cælant in auro, & foeminae è collo puerorum demittunt, cum & alia indè expectent indigna relatione.

Virtus.

N O T A.

Ceraunias dicitur à *νεφελῶν* fulmen. Vide caput antecedens.

Atqui Plinius [a] de Ceraunia enumeratis Pæderotis gemmæ speciebus ita subjungit. Optimam in Carmania gigni, nullamque minus obnoxiam vitio: Cerauniam enim vocari, quæ sit deterior: ac paulò inferior. Est inter candidas & quæ Ceraunia vocatur, fulgorem siderum rapiens. Ipsa crystallina splendoris cærulei in Carmania nascens. Albam esse Zenothemis fatetur, sed habere intus stellam concursantem. Fieri & hebetes Ceraunias, quas nitro, & aceto per aliquot dies maceratas, concipere stellam, quæ post totidem menses relanguescat. Sotacus, & alia duo genera fecit Ceraunia nigras rubentesque, ac similes eas esse securibus: per illas quæ nigrae sunt, & rotundæ, urbes expugnari, & classes, easque betulos vocari, quæ verò longæ sunt, Ceraunias. Faciunt, & aliam raram admodum, & Parthorum. Magis quesitam, quoniam non aliubi inveniatur, quàm in loco fulmine ictu. Ex quibus sanè evidenter patet, lapides, qui vulgò ab Auctoribus Cerauniæ appellantur, à Plinii Cerauniis omnino diversos esse: hi siquidem vulgatissimi sunt lapides, opaci, nullaque prærogativa inter gemmas recensendi: cum ex adverso Plinii Cerauniæ nitidæ sint, ac splendentes, stellarumque radiis micantes. Sunt autem qui velint Sotaci Ceraunias gemmas non fuisse, easque lapidibus qui hodie eodem nomine vocantur respondere: idque nullo alio argumento probant, quàm quia, utrique in locis à fulmine ictis reperiantur: verum valde inanis videtur hæc conjectura; varii enim lapides alii in prædictis locis passim inveniuntur inter se natura omnino distantes. Ideoque cum Sotaci Cerauniæ inter gemmas à Plinio describantur, diversas fuisse ab hujusmodi lapidibus credendum est.

[a] Lib. 37. cap. 7.

Plinii Ceraunia quid, quove à recentiorum Cerauniis distet.




L O C U L O XIII.  
BRONTIA, ET CHELONITIS.

C A P. XVII.

*Plinius lib. 37. c. 10.**Agricola lib. 5. de  
nat. foss.*

**P**RÆFERT cum nomine originem suam Brontia, quæ sicut Ceraunia fulmine præcipitari dicitur, capita testudinum specie referens. Ostendunt eam recentiores, nescio an ipsam; qualemcunque tamen, visum est iis assentiri, cum aliis exemplis non avocemur. Hujus est figura semiglobata, quæ zonis quinque à summo per declivitatem in subsidentem planitiem demissis ambi-



BRONTIA

tum universum cingit. Zonæ duplici quæque punctorum ordine progrediuntur, tenues à principio punctis sibi junctis, deinde paulum absistentibus medio ductu latitudo crescit, quæ interdum in averfa planitie deficit. Inter singulas æquale



## Lapides ΙΔΙΟΜΟΡΦΟΙ. 247

æquale spatium intercedit, ac supra, subterque, quo conveniunt, medium circulum vacuum relictum attingunt; eo si carent, mutuo nexu hærent. Existimo illum, qui Brontiam primus appellavit, nactum esse oblongam ex ovata rotunditate, etiam dimidio minùs relicto, ut aliquam capitis testudinis speciem conceperit, præsertim colore livido, lurido, & fusco. Idcirco Germani à rubetæ colore *Frottenstein* nominant. Alii cum inventa est, aliis coloribus acceperunt, mellino, citrio, rubente, & figura quam integro orbe cæsa planiore, ovata quoque latitudine, quæ rariùs invenitur. Visa est quadruplici punctorum serie Zonas deducere: quædam eas parvis striis transversis crispat. Materia Silicem duritiâ excellit, unde nitor eximius politurâ excitatur. Repertur diversis Germaniæ locis in Italia inter lapides Ophioides in Cantiani faucibus: quo indicatur hanc fulmine non deturbari, sed ut in aliis regionis illius lapillis Naturam ludum exercere.

Varii Brontiæ colores, & formæ.

Locus.

(2) Est Chelonitis ex eodem genere testudinum similis. Mediis enim inter Zonas spatiis, segmenta corticis earum tenui stria signat, ordine per singula spatia duplici, & alternatim opposito. Magnitudo uncialis sicut Brontiæ ad quincuncem aliquando pervenit, neque cæteris distinguitur. Alteram Chelonitidem Plinius tradit aureis guttis sparsam, nec inventam iri confido, quæ promissa præstet, statum cœli inclementem sedet, ac tempestates avertat. Similiter affictum Brontiæ apparet, eam fulmine icta restinguere.

Plinius lib. 37. c. 10.

Chelonitis quid.

### N O T Æ.

- (1) Brontia dicta est à *Βροντή*, tonitru. Plinii autem Brontiam aliam omnino fuisse, ab hoc lapide qui eodem nomine apud lithographos vocatur, manifestum est. Illa siquidem inter gemmas recensetur. Brontia verò Mercati, Boetii, aliorumque est echini Marini species in lapidem conversa. (2) Chelonitis à *Χελώνη* hoc est *testudo* nomen traxit. Hic quoque nihil aliud est quàm echini marini genus cum lapidea materia concretum. Hinc pariter à Plinii Chelonitide diversus, quæ quidem gemma procul dubio, fuisse cognoscitur, ex ipsius verbis. Aldrovandus diversam ab aliis Chelonitidis iconem affert, utpote quæ integram testudinem exprimit.


## L O C U L O XIV.

### O M B R I A.

#### C A P. XVIII.

O MBRIAM maximè geminam Brontiæ recentiores fecerunt, quoniam in nubibus generari dicitur, sed imbre demitti, & propterea Ombriam, & Notiam vocari. Nunquam ea sanè, quæ in tabella præponitur, tanto inter-

Plinius lib. 37. c. 10.  
Agricola lib. 5. de  
nat. foss.



### O M B R I A

vallo ab orbe terrarum disjuncta fuit: neque veterum fortasse Brontia, vel Ombria. Homines superstitiosi, & rerum Naturæ ignari, qui scirent lapides de cœlo cecidisse; eos ostentarint propter figuram animadversione dignam, quos a se conformatos in superficie terræ Natura exponit. Sive iidem Brontia,



tia, & Ombria recentiorum, sive alii fuerint: utraque unius generis habetur. Ombria simillimam figuram totidem Zonis non interpunctis, verum terno striarum tractu fulcatis includit, liris, quæ binæ intercipiuntur eminentibus, & utrinque ad medium circulum connexis. Aliqua extremitatem, quæ in planitiem convertitur, torosam inter Zonas, & plicis distinctam habet: Aliqua lævis omnino, nullisque circumscripta signis figuram duntaxat semiglobatam retinet. Durities, & color Brontia, cujus etiam vi pollere fertur.

## N O T Æ.

Ombria nomen traxit ab ὄμβρος *imber*. Hic autem lapis hoc quidem nomine apud Gesnerum, Boetium, Aldrovandum, omnesque pæne, qui de huiusmodi rebus scripserunt, passim occurrit: Verum à Plinii Ombria diversum esse constat, quod illa inter gemmas referatur, nihilque cum recentiorum Ombria commune habeat, quantum ex ejusdem Plinii verbis conicere licet, nisi de ejus lapsu unà cum pluvia commentum.

## L O C U L O XV.

EDITA NUBIBUS, FERRUM, LAPIDES, BOLA,  
& pluviae portenta.

## C A P. XIX.

Lapidis cœlo de-  
lapsi historia.

**L**APIDES concinna specie, qui cœlo dejici fide inconstanti traduntur, demonstrati sunt: quæ certò indè cecidisse palàm est, nunc prosequemur. In Brutiis IV. idus Januarios anni ab initio salutis CIOIOLXXXIII. aliquot oppidi Castrovilarii, quod ab antiquis Siphæum dictum esse creditur, homines in amœna planitie, quæ in editiore parte illius agri 10 circiter passus abest ab oppido, constiterant. Hi cœlo sereno in aere conspicati sunt atrum, atque involutum turbinem magno impetu irruentem, qui in terram non longè ab eo loco, ex quo prospectabant decidens, tam horribilem fragorem edidit, ut illi consternati penè exanimis in terram procubuerint. Fragor autem circum longè, latèque est exauditus. Quò cum homines confestim multi concurrissent, illosque animo deturbatos confirmassent, saxum ingens conspicati sunt turbine illo jactum, ac circum foramen unum minutatim dissipatum, quod in altitudinem cubitorum trium circumfossam, massam ferro similem exhibuit ea figura, quæ in fronte præfigitur, pondo librarum triginta trium, quod Consentia vulgò ab omnibus est perspectum.

Alter lapis cœlo  
lapsus.

Eodem anno V. nonas Martias in Subalpina regione ad ipsas montium radices conspecta est nubes ignita, quæ Orientem versus inter unius diei progressa admodum incanduit. Tum cœlo alioquin sereno ex ea fumidus aliquoties vapor erupit ingenti fragore, quo tempore ad Emmanuelem ducem Allobrogum, cui regio illa subest, lapis est allatus mali Punici magnitudine, & formâ, qui ex ea nube deruisse perhibebatur, materia illi non dissimilis, quæ in Brutiis deciderat. Atque hoc Augustæ Taurinorum compertum, Romam postea certissimis auctoribus nunciatum est.

Lib. 2. cap. 56.

Hæ sunt Naturæ factiones non sinè ratione contingentes, nam quasdam iis obnoxias regiones observamus. In Lucanis quorum ager à solis ortu Brutiis adjacet, ferro pluuisse effigie spongiarum ferè simili Plinius meminit. Aruspices tum cavenda præmonuerunt superna vulnera, cum anno post M. Crassus à Parthis interemptus est, omnesque cum eo Lucani milites, quorum magnum numerum deduxerat. Nostri memoria in Taurinis aliàs ferrum pluit. Tribus circiter annis ante, quàm ab Rege Galliæ Dux Allobrogum Emmanuelis pater illo principatu pelleretur, quem Imperatore Carolo V. Vindice paulò post recepit, multis in locis ferri lapsus incolas terruit. Præfensisse quosdam, inquiunt, ex eo, & prædixisse tantam illius status mutationem. Sanè ubique gentium cum de cœlo ferrum cadit, prodigio excipitur, humi-



humilesque vulgi animos timore afficit. Est tamen Naturæ fœtus, atque ut ostensum est, certis locis præcipuè infestus. Ferrum quod in Brutiis, & Taurinis postremò cecidit, nullus adhuc eventus est consecutus. Si quid turbulentius acciderit multis etiam post annis, quousque memoriam ejus communis multitudo retineat, ex ignoto sibi Naturæ opere significatum præscisse videri cupit mortalium superstitio. Equidem si omen ex fulmine capiendum est, non videam, quid fulmine deferatur, vel ut Thufci solebant, quo ex latere mundi afflatum sit: quid enim illa observasse refert, si sunt ordine, atque instituto cœlestis Genii? Quò directum sit fulmen, & quid feriat æstimem, ut simpliciter illud Naturam meditari intelligam: verum ejus nutu cui illa paret, nonnunquam in quem fulmen incidat, locum designari, ut miraculi novitate certam portentis opinionem hominibus injiciat. Et quanvis ea ratio interdum fallat (nam fulmen cum liberè fertur, nullum locum casus eximit) recentissima tamen extant exempla, quibus ostentum declaratur. Romæ annis XXXV. in castro Sancti Angeli ingentem arborem, quæ cum insigniis Pontificum in editissima erigitur mole, ter fulmen exussit. Primum Paulo III. Pont. Max. qui paucis mensibus supervixit. Iterum Pio V. Pont. ipso jam accensam arborem in fenestris aspectante, ac brevi fore sibi è vita decessum prædicente. Ego, qui tum Pontifici assistebam, quoniam omnes Sanctissimi Principis amore commovebantur, omen illud dicto lenire cupiebam, atque ostendere locum illum, quem arbor occupabat, uti cætera, fortunæ aleam sortiri. Ipse verò utrum esset, in æquam partem accipere vultu, & verbis demonstrabat: Si, inquit, *sax illa mihi præluet, libens sequor*. Id evenit tribus postea mensibus elapsis, in summo Urbis luctu, & universa Ecclesia collacrymante. Postremò arborem in eundem locum restitutam fulmen icit Gregorio XIII. successore Pii V. totamque fermè consumpsit flamma, nobis etiam videntibus. A quo præfagio reliqua Pontificis vita semestris fuit. Cum his fulminibus quicquam decidisse non est repertum.

Illud autem quod de cœlo cadens, ferrum appellatur, non secius lapis vocari possit. Species quidem ferrum indicat, & gravitas: sed igne non mollescit, neque ducitur, sed diutina ustione in cineres resolvitur. Creantur, & in nubibus lapides, ruuntque per tempestates. Celebrat Plinius ex fide Græcorum Anaxagoram Clazomenium, Olympiadis septuagesimæ octavæ secundo anno, prædixisse ex observatione status cœli, quibus diebus saxum caderet è sole. Idque revera comprobatum, in Thraciæ parte ait. Interdiu ad Ægas fulmen ruisse, quod sua ætate ostenderetur magnitudine vehis, & colore adusto. Fuisse saxum in sole neque Anaxagoram existimasse par est, neque alios id credere. Si forsitan ita est effatus præfagium, fecit vel admirationem imperitæ turbæ captandi causâ, vel occultandi scientiam, nè suas rationes detegeret, qui illum conceptum nubium animadvertisset, earumque progressum quæ non priùs eliderentur, quàm sol imminens attritu radiorum eas attenuasset, ignemque intus conceptum provocasset. Alius Plinii ævo lapis in Albydi gymnasio colebatur, modicus quidem, verum hunc in medio terrarum casurum idem Anaxagoras prædixisse narratur. Oppidum Potidæa fuit in Pallenenfi isthmo, quò deducta est colonia, quæ etiam nunc Cassandria vocatur, asservatque lapidem è cœlo lapsum, cujus omine accepto, incolæ quondam in eam coloniam exiverant. Cum Julius Cæsar bellum Pompejanum cum fautoribus in Africa profligaret, atque ad oppidum Ruspinam confedisset, noctu ingens cum saxorum grandine exortus est nimbus, qui exercitum Cæsaris afflixit. Hispanorum navigationibus allatum est, inter Quiviram, & Cicuich Provincias orbis novi, per Occiduum littus in Septentriones novissimè cognitâs, pluuisse lapides magnitudine pares Cydoniis malis. In agro Vocontiorum, qui est Galliæ Narbonensis nunc *Daulphinè* regione comprehensus accedens ad Alpes Taurinorum, ipsum se vidisse, Plinius, inquit, lapidem paulo ante cœlo delatum. Novum exemplum Transpadana Gallia exhibuit, anno à Christo nato ciorox. cum nubes exarsissent, juxta fluvium Abduam multi lapi-

Pauli III. S. Pii V. & Gregorii XIII. obitus à fulminibus ostensus.

S. Pii V. constantia.

Lapidis lapsus ab Anaxagora prædictus. Albertus lib. 3. tract. 3. cap. 2.

Plinius lib. 2. c. 58.

Saxorum pluvia.

A Hirtius Comm. de bello Africano.



Camillus Leonardus  
in speculo lapidum  
lib. 1. cap. 5.

Fulminum effectus  
varii, ac differentia.

Albertus lib. 3. tract.  
3. cap. 2.  
Chrysostomus Javellus  
Meteor. tract. 6. c. 2.  
& 4.

Qua ratione lapides  
in nubibus gignantur.

Lib. 2. Summ. 2. c. 1.

Cur lapides in mon-  
tosis frequentius de-  
cedant.

Lib. 1. cap. 6.

des corruerunt, duri, colore pullo, odore sulphuris: quorum duo eximii, unus cxx. alter lx. pondo, Regi Galliae missi sunt. Quidam etiam saxum ingens paucis ante decursis annis in eadem regione cecidisse tradunt. Libet verò inter alia mirari T. Annio Milone causam dicente lateribus coctis pluuisse. Qua fornace lateres excocti fuerant? Unde in altam aeris regionem evecti? Reputandum est, materiam lapidibus faciundis comparatam in nubibus efficiente causa segnius urgente iis momentis coivisse, quibus interciperetur laxitas, coloremque assumeret lateribus similem. Alius ab hoc coctionis gradus, & lentior causa Bolen efficit glebæ similem, quæ nimbo inveniri dicitur cœlo dejecta. Est enim nomen παρά τὸ βάλλω.

De his omnibus Aristotelem non differuisse miramur, qui Presteris, & aliarum tempestatum causas sapienter est executus, meminitque templi in Epheso fulmine combusti. Sed hoc verum est fulmina cum feriunt non exure, neque semper cum feriunt quicquam jaciunt. Urunt quæ tanta celeritate non pertranseunt, quin ignem materia arripiat. Quatiunt, quibus transitus negatur. Spiritus enim, qui fulmen antecedit, & suis viribus, quibus impulsus est, & fulminis insequentis afflatu, quicquid obsistit, deturbat. Feriunt igitur tum fulmina, etiam si molem nullam deferant. Cum verò fulminum alia clara sint, eaque celerrima ob tenuitatem, alia fulgida, quædam colorata, ab aliis humida dicta, nonnulla fumida: feriunt omnia pro contacti corporis pertinacia: clara minimè, quòd facillimè transmittant, adeòque celeriter ut nec unctionis vestigium relinquant: fulgida non æquè velocia, sæpe quam involant, materiam infuscant: colorata etiam ignem præbent, fumida crebrò molem concipiunt; Constant enim hæc densa, atque confertâ exhalatione, quæ cum nubibus circumventa est, lapidem intrâ se cogit. Recentiores viscidum humorem in hac exhalatione requirunt, ut lapis coagmentetur, ac si humor ille separatim comparetur, atomique Epicuræ conglutinandæ sint. Quid vero est viscidum, quid lentor omnis? nobis videtur humidum terreo aere illigatum. Hoc omnis in se reperit exhalatio, hoc partes ejus crassiores, quæ in lapidem coeunt, quantum concretioni satis est, secum afferunt. Rectius igitur docuissent, quomodo partes crassiores, quæ in exhalationem se induerunt, & per totam diffusæ sunt, in arctum cogantur, coeantque in lapidem. Consentaneum est, obseptam nubibus exhalationem cum eruptionem tentat, luctando exardescere, ignemque disponi per ambitum & nubibus obsistere: à quo paulatim interiùs accensus spiritus crassiores partes excernit; quæ in medium secedunt, quòd faciliùs ferantur: ibique coguntur in lapidem ea figura, quam toti exhalationi nubes definierant. Nanque medium obtinent, & æquabile incrementum ab extimis partibus accedit. Quam verò ob rem moles, quæ concipitur, modò lapis, modò speciem metalli præferat, dictu difficilius est, quam prima cogitatione objicitur. Putant aliqui eadem ratione fieri, qua sub terris utraque generantur. Tales enim nubibus involvi exhalationes, quales terra clauduntur. Neque tantum eas à sole excitari, verum etiam, ut in Meteorologicis Philosophus docet, ab illo calore, quem terra in se fovet, & sæpe inquiunt, intus conflatas per montium hiatus erumpere, quæ in altum evectæ, si longa nubium obsidione teneantur, certissimam molem gignant: lapidem quidem, si lapidem erant creaturæ sub terra, itemque ferream: sed hanc calore ita confici, ut metalli naturam amittat, & artem non sequatur, specie ferrum firmitate lapis. De his, illud non negaverim, in montosis locis crebriores oriri, & crassiores exhalationes, quæ causæ sunt, quòd in iis frequentissimè hujusmodi moles decidant, sicut in viciniis Alpium superioribus exemplis ostensum est, & inter juga Apennini conspiratam exhalationem arbitrator, quæ in Piceno(2) lapides pluuisse à Val. Maximo scribitur. Non probo similitudinem, qua istas in aere factiones subterraneis foeturis componunt. Nam Philosophus, qui exhalationem utrobique duplicem constituit, humentem, & siccaneam alteram: hac lapides, inquit, sub terra generari, illa metallum: in aere pluvias, & alia irrigua ex humente creat, ex altera ventos, & ignes, quæ



# Lapides ΙΔΙΟΜΟΡΦΟΙ. 251

que cum his lapides deferuntur, ut Recentiores, & nos etiam volumus. Fer-  
rum autem similiter ex humida in aere procreari nequit. Deficit enim effi-  
ciens calor, ut in sicca exhalatione ferri materia. Nec assentior ulla uestione  
ferri naturam in rigorem lapidis concedere. Inæquabilis nanque materia  
utriusque, gradum non habet ad alterutram. Ita potius sentiam, molem cœlo  
dejectam, tametsi speciem ferri gerit, nihilominus lapidem esse, ac materiam  
ejus nunquam ferro conficiendam fuisse institutam, sed initium è sicca exhala-  
tione cœpisse. Nam cum nulla exhalatio, ut ait Philosophus, fiat sinè humido  
è siccis aliæ etiam aliis plus humidi habebunt. Itaque in Prestere si partes  
crassiores excernantur nonnihil humidæ, quoniam de repente in lapidem co-  
guntur, quandam ferri speciem adhibent.

Omnes verò moles in aere medio conceptæ, cur deorsum ferantur, ob  
gravitatem ipsarum quærendum non videtur: sed quare vim inferant, machi-  
næ ignivomæ paucis seculis ante nostram ætatem bello repertæ, evidenter  
ostendunt. Appelluntur enim moles à spiritu insequente, ut pari celeritate,  
cum fulmine ferantur. Sequi spiritum, & antecedere fulmina, quæque percu-  
tiendum est moveri, ab Aristotele traditur. Idem causam affert, ob quam ful-  
mina prona cadunt, cum ignis sua natura è contra feratur: nam alioqui moles  
afflatu eorum sursum quoque tenderent. Spissitatem nubium, inquit, esse in  
causa, quæ semper exhalationi supernè aggeritur, qua laxiùs ascendenti cali-  
dum excedit. Quippe necessitas urget in debiliorem partem citimam terris  
irrupere, velut nucleos digitis compressos exilire. Quæram ulterius quid-  
nam editissima quæque fulmine feriantur insigni argumento commonens ho-  
mines, pari gradu nos periculis gravissimis admoveri, quibus ad summos ho-  
nores evehimur. Cum fulmina nubes proscindunt, partem minimè firmam  
non recto incessu, sed obliquo frequentissimè reperiunt, quemadmodum librari  
videmus. Igitur obliquæ lationi obvia priùs eminentia offendunt. Hæc de na-  
tura, & casu eorum, quæ in aère non celatis utique causis gignuntur, dicta sint.

Quam habeant causam illa, quæ cœlo inferiore cecidisse gravissimi aucto-  
res annotarunt, in rerum natura non est compertum. Plinius in monumenta  
relatum esse scribit, M. Acilio, C. Portio Coss. lacte, & sanguine pluuisse.  
Plures fidem faciunt L. Volumnio, Servio Sulpitio Coss. carnis frusta velut  
nimbo fusa humi decubuisse, quæ aves diripuerunt, ac reliquias eorum diutius,  
quàm exanimatæ carnes solent, putredinem distulisse. Lanæ pluviam auctor  
Plinius circa castellum Carissanum accidisse L. Paulo, C. Marcello Coss. ubi  
post annum T. Annii Milo occisus est. Naturæ magis convenit, quanquam  
insolens, quod à Theophrasto posteritati traditur, Africæ piceum imbrem con-  
rigisse, quo completus ager Lybicus laserpitium edidit. Illa autem, lac,  
sanguinem, carnem, lanam, si præter animal producta ex fide auctorum libet  
credere, tamen non possunt averso à Natura genio procreata non videri.

*Deest Figura.*

*N O T A.*

- (1) Frustrà hic torquetur Mercatus noster in hujus phænomeni ratione investiganda. Hujusmodi enim  
lapis, quem è cœlo delapsus credit, probabilissimum est vel ab alicujus turbinis vi abre-  
ptum à montis jugo, aut aliquo editiori loco, vel ex aliqua conflagratione intrà terræ gremium  
excitata eructatum, atque in aerem ejaculatum fuisse, veluti ex quodam tormento bellico, cum fra-  
gore ac strepitu, partim ob nitrosarum partium detonationem excitato, partim, ex repentina lapi-  
dum diffractione. Haud est enim credibile tam magnam lapidis molem momento temporis co-  
alescere, atque obdurefcere potuisse, vel diutius ab aere sublimem sustineri, præsertim sereno cœlo:  
cum ex adverso passim occurrunt subterranea incendia, præsertim in locis multo sulphure, metallis,  
salibusque fossilibus scatentibus, præcipue autem ferro, quod unà cum sulphure & aqua com-  
mistum celeriter inflammatur. Quod etiam conjici potest ex ipsius lapidis substantia ad ferream  
accedente, utpote quæ ex ferreis fodinis exardescens sit avulsa atque emissa, fumi vel flammæ  
globo comitante, qui nubeculæ speciem exhibebat. Vide de simili eventu cordatissimum Gal-  
sendum [a], qui narrat lapidem lib. 54. pondere ferri quoque naturam referentem sereno cœlo, ac  
cum fragore pariter, & nube è cœlo cecidisse anno 1638.

(1) Lapideæ autem pluviz, aliæque hujusmodi inter fabulosa antiquitatis prodigia sunt referenda.

Li 2

Lo-

*Arist. Meteor. lib. 3.  
Sum. 3. & lib. 2. Sum.  
2. c. 1. & Sum. 4. c. 1.*

*Aristot. lib. 2. Sum.  
2. cap. 1.*

*Qua vi fulmina  
deorsum pellantur.*

*Meteor. lib. 3.  
Sum. 1.*

*Meteor. lib. 2. Sum.  
4. cap. 1. & lib. 3.  
Sum. 1.*

*Cur editiora loca  
fulminâ istibus sint  
magis obnoxia.*

*Pluviz mirabiles.  
Lib. 2. cap. 56.*

*T. Livius lib. 3.  
Valer. Max. lib. 1.  
cap. 6.  
Plinius eodem loco.*

*De Causis plant. lib.  
1. cap. 5.*

*Lapidum origo, qui  
de cœlo missi exili-  
mantur.*

*[a] Tom. 2. Physic.  
sect. 3. memb. 1. lib. 2.*



## L O C U L O XVI.

STIRIÆ LAPIDEÆ, ET CALCULI  
TIBURTINI.

## C A P. XX.

Stiriarum lapidearum  
usus.

Strabo lib. 13.

Plinius lib. 31. c. 1.

Idem lib. 2. cap. 103.

Aquæ in lapidem  
coalescentes.


Inimicitie causa  
inter Reatinos, &  
Interamnates.

**O** BORIUNTUR in aquis lapides propter figuram in amœniora loca introducti; quam tamen, ut qui in aëre gignuntur, incerto capeffunt augmento, nulla prius forma designata. *Tartaro* vocat hos vulgus Italicum, (1) *Stirias* lapideas Recentiores appellarunt, quod in aquis concrefcant simili figura, qua pendentes aquas ad stillicidia frigus cohibet. Visuntur passim foelicio-ribus locis, præsertim Romæ, quibus Musea in hortis Principum, fontesque fornicatos construunt, ut neglectus obiter Naturæ cultus ex arte spectetur. Aquæ verò quibus fiunt, pronam ad generandum lapides naturam habent, diversa quidem ratione, quam exemplis aperuisse non abs re factum videbitur.

(2) Hierapolis in Asia minori quondam intimæ Phrygiæ civitas aquis lau-  
datur, quæ in Tophum facile admodum durantur. In ora minoris Asiæ Perpe-  
rene civitas Æolidis Pergameæ jurisdictionis, Troadem versùs, fontem edit,  
qui terram, quacunque rigat lapideam facit. In Thracia ad Portum Stentoris  
sinistram Hebri fluvii ripam, qui cum Portu Mariza vocatur à Barbaris, Cico-  
nes populi tenuerunt, altero ibi flumine irrigati, in quo lignum dejectum  
lapideo cortice obducitur. Par efficacia aquis calidis in insula Euboea, quæ  
vocantur Hellopiæ. Nam quæ alluit rivus, saxa in altitudinem crescunt.  
Juxta Nonacrin Arcadiæ montem aqua profluens lapidescit, quæ Styx vocatur,  
bibentem in conspectu necans, cum ceteræ lapidosæ salubres potu sentiantur.  
Propinquus Romæ fons Albunea rivum in Anienem lapide sternit. Magna in  
hoc lacus Velini facilitas. Oritur in Samnitum finibus eo nomine primum flu-  
vius, pervenitque Reate civitatem Umbriæ, ripis nobilis quoniam Itala Tem-  
pe cingunt. Indè lacum adjungit paludibus latè affusis, qui ejus nomine Veli-  
nus nuncupatur. Hic Interamnatibus medius, eminentes iis opponit ripas,  
unde affluentes aquas præcipitat, quas excipiens Nar fluvius Tiberi defert.  
In hujus cataractæ ita saxum excreverat, ut aquas quanvis altè stagnantes  
præcluderet, & campos Reatinorum amœnissimos perpetua palus voraret.  
Quod detrimentum ut averteret à Senatu Romano missus est cum legatione  
M. Curius, qui fluvium lacui detraxit, & montibus à dextera intercisis novo  
alveo in Nar duxit. Hujus rei commodum brevi natura aquæ diminuit. Nam  
saxum accrescens alveum coangustare cœperat, ut sibi tum periculum prævi-  
derent Interamnates: qua de re sollicitarunt Reatinos, quorum egit cau-  
sam Cicero. Postea imperante Tiberio, cum certius periculum cerni posset,  
unamque diluviem Interamnates suis fortunis omnibus incumbere quæreren-  
tur, impetrarunt, ut à latere alvei Curiani accessus in lacum fluvio pateret  
per averfam fossam, quam Tiberius excindi jussit. Verùm utriusque studium,  
Curii, ac Tiberii, aquæ natura sustulit. Alveum enim rectum, & fossam aver-  
sam, saxum jam opplevit, & fluvius, quem primum habebat, cursum arripuit,  
rectaque se in lacum exonerat, qui ejus vim non sustineris, cum non esset exi-  
tus, per Reatinos iterum latissimè paludes effundebat. Hanc Reatini calami-  
tatem sublevare putarunt aperto cataractæ, quem olim saxum obstruxerat, nisi  
Interamnates restitissent, quod impetu aquarum se opprimi timerent. Quam-  
ob causam magna inter illos odia exarsere, quæ si diutiùs alebantur, neque  
maturiùs suam auctoritatem Paulus III. Pont. Max. interposuisset, ad vim, at-  
que arma ventum erat. Pontifex quatuor cataractis in Interamnates emitti  
lacum imperavit: Veterem aperuit, cujus nè vastum impetum Interamnates  
perhor-



perhorrescerent tribus novis eruptioni datis summam vim aquarum sedavit. Omnes quatuor Velini lacus cataractæ cernuntur hodie angustiores, quam patefacti sunt, & Reatinos in metu ponunt, nè saxo insurgente denuo se lacus cfferat, perdatque fertilissimas regiones, evidenti exemplo ad naturam aquæ demonstrandam. Inter urbes Senam, & Volaterras, oritur flumen Elsa in Arnum fluvium directum, devolviturque in ipsum torrens ligna, herbasque impetu raptas, lapide circundans. Fontes Aponi propè Paduam Venetiæ, quæ



CALCVLI TIBVRTINI

rivum ducunt, saxum ripis hæret. Erumpunt multis locis consimiles aquæ, nec usquam uberius, quàm in Italia. Harum aliquæ lapidosam naturam non universo ostendunt alveo, quibus materia lapidis parcius est indita, nec apparet, nisi incitentur aquæ, cùm per abrupta feruntur, vel ad molas agitantur. Tum enim concepto aëre, ad siccæ, scabræque superficiei contactum faciliùs subsistit. Anio cùm Tiberi obviam procedit, exigua lapidosæ naturæ indicia relinquunt. In conventu urbis Lucæ XV. mil. pass. ab urbe fons abest, sub monte, qui vocatur Corsena, cujus aqua cùm per tubulos cogitur, coagumenta lapidea



Stiriarum lapidearū  
differentia unde.

dea iis inducit. Sed non omnes montium scaturigines, fontesque ignobiles per terrarum latitudinem persequi laboro: præcipuas dixisse satis videtur. Quibus affinem habent naturam, aquæ commutantes in lapidem res demersas, quales multæ ad Lapidea facta recensentur, quarum pleræque in lapidum crementa subsident. In mari nonnusquam vadis esse facultatem conficiendi saxum ex aquis, ostendunt concretiones lapideæ, quæ fiunt ad sublicas in Venetorum Civitate. Sed ab exemplis nunc procedendum, aquis cognitis, ad quarum septa lapides concrescunt, qui Stiria vocantur. Ex aquarum diversitate Stiria figura differentes oriuntur. Aquæ ad lapidem promptissimæ, laxiores conficiunt: quæ segnes sunt, compactas. Nam incrementum, quod è promptis majus accedit, plus vacui intercludit. Species præcipuæ sunt, uvata, virgata, & horrida, quæ deformis dicitur, in fontibus, aquisque stagnantibus maximè crescens, nulla Stiriarum similitudine, sed ob inæquale augmentum multis inanitatibus latebrosa. Quare in piscinis quidam usum dederunt, sub aquis ambitum ex ea circumstruentes, ut in cavis pisciculi latitent. In aquis citatis, & cataractis, Stiria ad ripas secundum naturam fluminis virgatæ fiunt: ubi leniùs aquæ defluunt, uvatim coalescunt. Ex utrisque comparantur agrestes illi, quos diximus, hortorum cultus, appendices antris, & fontibus salebræ. Sic enim rudes, & incompositæ sunt, ut in speciem digestæ, non appositæ locis, sed ibidem natæ videantur ad delicias ruris. Alia Stiria species rarior, cujus similitudo in tabella proponitur, aptiùs ob tenuitatem fidiculatæ, quàm virgata diceretur. Apparet acervus è fidibus laxè congestus, & quod opinionem superat, singulæ earum recto meatu in longitudinem forantur, ut etiam curvæ flatum transmittant. Gignitur tantum in cataractis, non ad ripas, verum sub ipso aquarum, decursu. Admiranda res, in tanto tumultu aquarum, in tanta confusione, opus à Natura temerè perfici tam exactum, quod ars nequeat æmulari. Qua ratione fiat, à nobis quærat. Putant vim aquæ à graminibus alveo innascentibus exordiri, quorum comas singulatim lapideo operiat cortice, ac in Stiriam componat. Si verum est, videant in iis cataractis gramina, videant herbam in Stiria meatibus aridam: qui vacui sunt, tenuiores, quàm possint capere, rotundi, & omnes ferme æquales. Ab aëre meatus fiunt. Aër clausus ad decursum aquæ in filum ducitur. Tuetur enim se, quàm potest commodissimè. Ad ejus contactum exiccata tenentur crassiores aquæ partes, quæ in lapidem densantur, sicut ad ripas, nova materiæ accessione. Hæc quia frequenter contingunt, Stiria contextitur. Nam sunt plenæ spiritus hujusmodi, aquæ, propter halitum siccaneum, ex quo lapidis materia iis incessit. Quod ex aliis pariter Stiria cognoscitur, foraminibus intercurrentibus quasi teredine exesis. Altera inter Stirias rariores visenda, nascitur ad montium scaturigines, ubi exiguis momentis aquæ prod-eunt, è quarum volutatione oritur specie anguiculorum, vermiumque complexum imitante. Rara & illa, quæ in mari ad scopulos quosdam gignitur ex undarum alluvie, aspectu favi, sed impari contextu. Omnium verò, quæ dictæ sunt, alius dari potest ordo materiæ, quæ omnibus non est una, nec ad eundem perfectionis gradum promota: tophacea ex aquis Hierapolitanis, saxea è Velino, & plerisque aliis, quæ firmitate differunt, sicut Tiburtinæ, marmoream Lucenses præferunt. Præcipuæ colore candicant, quædam flavescunt, quædam obfuscantur. E' muscosis aquis, limosisque luridæ excinduntur.

Calculi Tiburtini.

Fiunt præterea ad cataractas, & divulsos aquarum tractus Calculi candidi, oblongi, rotundi, echinati, leves, à saccharinis indiscreti: Tiburtini non idcirco tantum dicti, quod Anio per abrupta loca magnam præ cæteris copiam eorum conficiat, sed quoniam Roma proxima joco favet, quem ex eis captant jam adeò tritum, ut inter externos magis vigeat: In capsulis exhibent, subornant eo apparatu, quo bellariis saccharum inferri solet, & hominem nacti invitant. Is gulæ irritamentis capitur, insciusque manum admovet, ac mandere nequicquam cupientem naso suspendunt. Crediderunt nonnulli lapillos



pillos ad præcipitia detritos aquis, ita fieri. Attritus aquæ figuram echinatham non relinquit. In mari lapides rotundari Philosophus ait, quòd æqua diminutione prostantia rotundantur. Eadem ratio in fluminis attritu. Aliter ortum Calculorum præfentes illos aquarum natura doceat. Non detrahi quicquam lapillis, sed ab iis aquis procreari ipsos cognoscerent. Etenim Stiriarum, & Calculorum eadem est materia, usus concresecendi modus è similibus aquis: ad quarum dejectus Calculi parvis sumptis initiis, augentur in alveo, prout se materia offert. Quamobrem delectum habent quærentes, cum figura, quibusque non contingat, qua expetuntur. Peculiaris esse debet aquis, quæ hosce Calculos eiectione, vis conficiendi lapidis moderata: quales diximus lapidosam naturam celare, dum incitentur. Quemadmodum enim expertes lapideæ materiæ, principia Calculorum non habent: ita in lapidem nimis profusæ, incæptos perdunt. Accrescunt enim alveo, quem aquæ universum lapide impediunt. Ita est mediocris facultas Anienis commoda Calculis, quos Velini lacus affluentia non patitur.

Aquæ omnes, quæ materiam lapidis paratam habent, ficcioris halitus beneficio eam consequuntur. Hoc Tiburi perspicitur è fodinis juxta fontem Albunam ad Romanæ Civitatis magnitudinem natis: & fatetur aquarum qualitas. Nam egelidæ pleræque exeunt, ac sulphure infectæ. (4) In mari coagmentationes lapideas perinde nancisci materiam, non est ineptum. Altiùs maris fomento exhalationes elici possunt. Saxi enim evocantur, unde plantæ lapideæ enascuntur. Scopulos terris ademptos omnes, quàm in mari lapides induruisse, minùs credam. Quanvis auctor librorum De Plantis astruat, è spuma, & arena maris componi lapides. Qui si fiunt in humido, non video, quin collisio undarum, qua solidi lapides deficiunt, recenter coeuntem massam dissipet. Si verò in sicco concresecunt, exieccatur spuma citiùs, quàm mitionis modi ad justam rationem perveniant. In subterraneis autem duplex halitus ficcanei conditio est ad mitionem: alibi per loca eum fiventia, ab aqua transeunte hauritur: alibi in halitus humidi potestatem venit, qui terra exiliens, imminentis loci frigore cogitur in aquam scaturientem. Huic ficcanei halitus densum, magis penitus, quàm illi, permiscetur. Nam ficcaneus, aëre interveniente, ab halitu humido, quàm ab aqua minùs abhorret. Quamobrem terræ superfusus, quod ab halitu sicco obtinuerunt, lentius huic deperit; illi celerius omnes in crustas lapideas, stiriasque consumitur: quanquam in hoc habenda quoque est ratio magnitudinis accepti. Verùm altera dictarum, quæ inquam probè commiscetur, ad lapidea facta referenda est. Nam quatenus ipsa penetrat, subit materia lapidis, ac demersas quisquillas in lapidem convertit. Eadem frigida solet erumpere, quod halitum ficcaneum in aquam nondum densata opprimat. Illa autem, quæ huc omnino pertinet, frequentissimè calet. Fit verò lapis ab utraque, statim atque terrena portio, quæ ab halitu ficcaneo accessit, in sicco rursus constituitur, ad quod obtinendum adjuvat præcipuè calor, sed etiam frigus, ut docet Philosophus problemate. (5) Hinc intelligitur quàm odiosum verbum effinierint Recentiores, qui id, quod lapidescit ex his aquis, succum lapideum nominarunt. Unde exuctum? videturne succus, ficcus halitus? si propter aquæ accessionem; tota flumina succi sunt. (6) Tamen aqua non tantum non lapidescit, verum etiam inhibet lapidis densationem, quandiu potestatem habet. Nam sicci corporis occupatione, vindicat se commistum aquis ficcanei halitus densum, atque accrescit in lapidem. Alterum errorem adjunxerunt, qui succi lapidei discrimen habuere, quendam, inquiunt, vi caloris, & mora per venas terræ concessa, admodum elaboratum, ut quo demersa lapidescunt: alium non æquali opera commistum, à quo differat alius ramentis lapidum confertus. Indicium ejus esse incompositam concretionem, rudem, laxamque materiam lapidis. Nos duplicem halitus ficcanei mitionem diximus. Cæterum quod in lapidem concresecit, modo ramentis, modò succi specie in aquis contineri, puerile omnino est. (7) Nam ubi ramenta conquiruntur? tantumne deteritur aquarum per saxa transitu? multis

Problem. sect. 23.  
36.

Lapides cur in mari  
gignantur.

Lib. 2. cap. 1.

Sect. 24. num. 11.

Georg. Agricola.  
Reprehenduntur  
qui humorem lapi-  
descentem succum  
appellant.  
Gab. Fallopius de  
aquis medicatis.



Lib. 9. *Simplicium*.

Problem. 24. num. 11.

Stiriarum lapidea-  
rum vires.

Problem. 23. num. 22.

Succus lapidescens  
quid sit.Aqua lapidum con-  
cretionem adjuvat.Lapidum ramenta  
quomodo ab aqua  
auferantur.

multis guttis cavari lapidem à Philosopho dictum prædicant, nempe ut centesima gutta tantulum lapidis auferat, quantum ad compositionem minimum sit. Sed neque ramenta lapidum ad pristinam naturam redeunt, uti Romæ dicitur è sectura, atque politura marmorum, quorum detrimenta nè exiccata quidem cohærent lapidea duritie. An putandum est aquarum fervore, sub terra lapides eliquari, ac dissolutam eorum materiam, quibusdam locis tenuem vi caloris commisceri, aliis ruderatim inspergi? At Galenus rigari lapides negat, quo discrimine à terra distant, & calor aquarum, si defectu humoris lapides consistunt, ut ait Philosophus, duritiem augeat. Non rectè igitur succi appellationem, neque differentias constituerunt. Latuit illos diversitas materiæ, quam affert siccaneus halitus: missionis modos, variam concretionis sortem, causam inanitatum, perspecta non habuerunt. Illud autem insignem habet considerationem, qui lapides humore efficiantur, quod alio loco dicendum est. Sunt enim omnes nitore, vel transluciditate spectabiles.

Quod superest, Stiria, calculi, omnesque lapides ex aquis concrecentes, usum in medicina nullum meruerunt. Aquas ipsas non parum calculosis quidam prodesse tradunt potas; quod equidem non negaverim, si delectus non fallit, cum aliqua utentem frustrentur. Non enim eam vim addit lapidis materia, sed acritas quædam, succusque penetrans, qui unà solet accedere. Qua ex causa utilissima sunt, quæ res dejectas in lapides mutant. Nam subeunt primùm tenues, statimque succedunt crassiores, subsequente lapidosa materia, quæ attracta per meatus viscidam calculi massam impulsu laterum facilius dirimit: non secus atque salem ocyus aqua salâ quàm dulci Philosophus eliquari docet.

## N O T Æ.

- (1) Lapidis huiusmodi, qui ex humoris lapidescentis stillicidio concrescunt, Stiria quoque; ab Imperatore appellantur: à Boetio autem V Vormio, Vagnero, Langio, aliisque vocantur lapides Stillatitii, & Græco nomine Stalactitæ ἀπὸ τοῦ σταλάζειν, à stillando. Horum plures occurrunt species apud præfatos auctores diversas rerum figuras exprimentes, mammillarum scilicet, botri, musci, columnarum &c. pro humoris diversitate, ex quo gignuntur, ac pro varietate locorum, per quæ dictus humor permeat, extillatque.
- (2) Multa etiam loca huiusmodi aqua lapidescente scatentia recensentur ab Anselmo Boetio, & Aldrovando, post quos alia in multis aliis locis aquæ ejus naturæ innotuerunt.
- (3) Qua ratione lapides ex aquis concrecant satis exposuisse videmur in notis Armarii 1. cap. 3.
- (4) Causa cur in mari lapides gignantur non ex ipsius calore petenda esse videtur, seu à siccatione exhalationum copia, (sinè quibus, etiam in locis frigidis lapides generari possunt) sed potius à salinis bituminosisque particulis, quibus scatur: hæc siquidem ad lapidum generationem sunt aptissima, ut alias demonstravimus.
- (5) Magnum profectò Mercati auctoritas pondus habet; Verùm hic veritate, quæ semper potior esse debet, adducti præterire non possumus (quod ipsius pace dictum sit) dum Aristotelis sententiæ mordicus adheret, nimis acriter alios perstringere. Non enim adeò reprehendendi videntur, qui humorem, ex quo lapides ferruminantur, succum lapideum appellantur. Nam quanvis propriè dicatur succus humor ille, quo animalia, ac stirpes nutriuntur, non videmus cur ad alia similia aptè ac per metaphoram transferri non possit, ac pro qualibet materia fluida usurpari, ex qua corpora augentur, ac quodammodo nutriuntur, quemadmodum lapides ex dicto humore ad concrescendum idoneo: cum ipse Tullius Civitatis succum dicere veritus non sit: quæ quidem translatio longius petita est, quàm succus lapideus. Neque Mercato negotium facessere debet, quod lapides juxta Aristotelem ex sicco halitu concrecant: nam si pro sicco halitu intelligantur particulae resolutæ ex calore, quæ ob eorum figuram ad motum sunt ineptæ, ac faciliè invicem coeunt, nihil repugnat si huiusmodi particulae cum aqueis, aliisque, quæ intestino motu agitari solent, permisceantur, universam hanc diversarum particularum congeriem, succum, humoremque appellare. Sin aliud pro siccitate accipit, aut à veritate recedit, aut cum iis operam ludit, qui confusas nominibus rerum notiones adjungunt.
- (6) Tantum autem abest, ut aqua lapidum concretioni officiat, ut potius ei sit necessaria. Lapidem enim gigni non possent, nisi aquæ particulae eas, quæ ad lapidum generationem sunt appositæ, dissolverent, agitarent, cum aliis permiscerent, ita ut hæc ab aquæ motu actæ atque impulsæ invicem sibi occurrerent, implicarentur, atque coalescerent: Immo ipsæmet aquæ particulae, etsi ad motum terrestribus ob figuram sint magis comparatæ, sæpè sapius tamen concretorum corporum molem augent, quoties in alias particulas offendunt, cum quibus figura faciliè congruunt, atque aptantur.
- (7) Excusandus hic Mercatus; ea enim ætate scripsit, qua res Physicæ nondum chymicis experimentis tantam lucem acceperant. Hodie verò magnæ imperitiæ esset asserere, lapides ab aqua abradî non posse. Cum passim corpora durissima, à liquoribus etiam inspidis, & animalibus innocuis facillimè dissol-



## Lapides ΙΔΙΟΜΟΡΦΟΙ. 257

diffolvi observetur. Neque inverisimile est aquas varia loca pervadentes diversis salibus imbui, quibus metalla, ac lapides corrodunt in ramenta minutissima, eaque secum abripiunt, quod etiam passim experientia innotuit.

Hujusmodi autem ramenta longè diversa sunt ab iis quæ hominum opificio atteruntur. Hæc enim crassiora sunt, nec ullo modo invicem coalescere queunt, nisi alicujus glutinis ope, quemadmodum parietis lateres, non sinè calce invicem coalescunt, eorum enim figura, ac moles non ejusmodi est ut firmiter invicem se complecti possint, atque quemadmodum ab initio fuerunt in unum corpus coire. Quæ autem ab aqua absceinduntur ita sunt minuta, ut sub sensus non cadant, atque ea figura, ut facile invicem irretiantur, accedentibus præsertim sulphureo-terreis ac viscidis partibus, quibus tanquam glutine junguntur. Quid quòd ex arena, quæ nihil aliud est quàm lapidum ramenta lapides quotidie gigni observamus.

### L O C U L O XVII.

### FUNGUS GLAPHYRUS, & Columellæ Phausiæ.

#### C A P. XXI.

**Q**UÆRITUR ad scatebras fontium excludendas alterum genus lapidis in frigidis antris concrescens facie fungi, quem spongiam pratensem vocant. Humor per montes demissus terræ portionem assumit, qua cum excoquitur in liquidam crystalli materiam, atque in subeuntes specus percolatus ad antri convexa frigore densatur. Et quoniam dependet, in capitatam figuram vertitur omnis partium dispositio. Stirps medius subest, crassior, quod ibi largiùs humor prodierit: & quasi in speciem plantæ surgat, à Stirpe ambientia propagari videntur: quæ stillis circumfusa, congerminantes apparent pulluli, exiguis corymbis diffusi maximè circum verticem, quod eo longiùs defluerint, Stolonibus Cisti fruticis, qui Hypocistides vocantur, similes: ceteriora callosioris nuclei, nihil propius referunt, quàm fungum spongiam, quem tota lapidis figura in prospectu ostendit. Materix laxitas in cutis scabritiem poris exit, unde nitor ejus scintillat tantum, similitudine rudis sacchari, colore vel fusco, vel livido, intus candidiore. Verùm stirpi medulla est inserta specie crystalli, minoris duritiei. Cujus varietatis causam humor præbet, terræ partis admixtæ, accepta nondum facultate, ut simul omnis substat coactus in translucidum corpus: sed irrepente loci frigore calorem secutus, poros, laxioremque materiam relinquit. At medulla, cui copiosior humor affluxit, neque est eadem expirandi libertas, & quam calor à frigore primum oppressus circumstitit, quandam crystalli speciem accipit.

Fungi glaphyri generatio ac descriptio.

Qui libellum de miraculis mundi ascripsit Aristoteli, antrum, ait, circa Pheneum Arcadiæ oppidum, vocari Glaphyron, quasi opere exculpto, ejusmodi concretionibus nobile: quas ex sola nive, quæ defluit, condensari putat, communi Græcorum sententia, qui puram glaciem in Crystallum indurari existimant. Ejusmodi operis appendices in antro Macedoniæ spectantur, ubi Mieza oppidum propter amnem Axium. Nobis è Campania venire juxta Cajetam antris excisi, quos in tabella exhibemus. Est Corycos in ora Ciliciæ oppidum cum portu, & supra mons eodem nomine, specusque Corycius tantæ amœnitatis, quanta à Pomponio scribitur. In hunc stillæ profluentes non ad cameras mitiori frigore, vel etiam materia liquidiore, non priùs, quàm solo jacuere, concrescunt. In Rhodo Chersonesus Phausiam ducit oppidum ubi in antro magno pendens, decedensque humor copiosus adeò densatur, ut indè columnæ constent pari operis varietate, qua speciem fungi provenire diximus.

Num. 58.

Locus.

Plinius lib. 31. cap. 2.

Lib. 1. cap. 6.

Ufus harum concretionum non alius increbuit, quàm Natura ostendit. Translatæ in loca cultiora, solitudinem ruris, sacrumque antri recessum ex



Ufus.

K k

inge-



ingenio loci simulant. Magnam addunt gratiam fontibus, unde aquæ emicant.  
Nam & lenissimè eas excipiunt, & humido minimè sordescunt, nusquamque



FVNGVS GLAPHYRVS

non delectat ipfarum varietas, quam si ars imitetur, sculpturæ minutiis fatiscat.  
Itaque facilitate operis à Natura parati, & simul specie gaudemus.



Qui hic fungus Glaphyrus nominatur ex genere Stalactitarum est, de quibus vide notas capitis antecedentis.

L O C U L O XVIII.

AETITES, GEODES, SISSITES, CYAMEA,

Ocitocyus, Callimus.

C A P. XXII.

SUPERO terræ fotu originem sumit Aetites, lapis longè notissimus, atque gentium opinione superbiens: de quo multa scriptis veterum tradita, ac diversa ab aliis, item Recentiorum, & simul nostra conferere, huic ordini deducto impositum est. Aetitem ab Aquilis nominarunt, lapidem in orbem vergentem, & alterum corpus in se complexum. Aquilarum genera sex numerantur ab Aristotele, quorum tradit quatuor Plinius, Aetitem in nidos convehere. Pygargum in campis, & oppidis frequentem, Morphnum lacustrem, Melænaëtum montanam, Gnesium raram, quod sola adulterio cæterarum abstineat. Hinc magnam virium opinionem de lapide homines concepere. Tamen haud liquidò constat, quem ad finem instinctus ille Naturæ dirigatur. Aliquorum opinio est, Aquilas non parere, nisi præsidium hoc comparetur. ut indicat Lucanus.

Lib. 9. cap. 32.

Lib. 10. cap. 3.

Aquilarum genera.

Diodorus lib. 3.

Isidorus lib. 16. c. 4.

—————fœta tepefacta sub Alite saxa.

Parturis binos ajunt hujus generis lapides ex India, mares aquilas petere, ac nidis imponere. Quapropter à Gange medio Indiæ flumine, Aëtitem fuisse γαγγίτλω appellatum existimo, quem in Armenia Strabo inventum prodit. Idem nomen Plinius agnoscit una minùs litera scripturæ vitio. Partus levandi facultatem ex argumento lapidis conjiciunt, quia videtur uterum ferre: nec alios existimarunt Theophrastus, & Mutianus lapides parere, ut refert Plinius. Equidem nisi elisos parere nunquam, concipere non negabo. Quidam vim Aëtitis non putant ad partum aquilarum quicquam attinere, sed fœtibus conducere formandis. Idcirco, inquiunt, binos lapides ab aquilis quæri, unum in se lapidem, alterum terram continentem, quibus discrimen sexus affingunt, hunc fœminam, illum marem vocitantes, & totidem aquilas pullos excludere, cum ova pariant terna, ut sexus per vim lapidum super fiat integer, ad posteritatem sarcendam. Aristoteles sexto Historiæ animalium visum aliquando tertium pullum scribit. Quare plerique dixerunt, non alia de causa ovis apponi lapides, quàm ut incubantium calorem temperent, nè nimio decoquantur. Atque his lapidibus modum esse certum. Sed hoc rationem non habet, quamobrem aquilarum incubitus, minùs conveniat suis fœtibus, quàm aliarum avium, ut exeant ovo sui similes! Et reginas avium præ cæteris laborare difficultate parturiendi, vel nobilissimos earum fœtus habere defectum formæ, qui restituatur proprietate lapidis, demiror: præsertim cum aliis periculis invidia principatus, aquilina proles exposita sit. Nam aquilis magnum existit vitæ dissidium cum vulture, olore, chalcide, trochilo. Item cum erodio, quam Theodorus ardeolam interpretatur, & cum sitta; quæ viribus inferiores, damno aquilas mutant, quo Æsopicus scarabeus, ova earum violantes. Quod nè fiat, atque iis insidiis aquilarum genus deleatur, alii dicunt prudentem Naturam monstrasse aquilis lapides illis avibus adversos, qui ipsis absentibus

Plinius lib. 36. c. 21.

Lib. 36. cap. 18.

Plinius lib. 36. c. 21.

Jo: Pierius Valerianus Hieroglyphica lib. 19.

L. Cælius Rodig. lect. antiqu. lib. 13. c. 20.

Cap. 6.

Quomodo Aetites Aquilarum partum adjuvent.


Aristot. lib. 9. cap. 1.

Macer lib. 5. cap. 25.



Albertus de Reb.  
metall. lib. 2. cap. 5.  
Lib. 37. cap. 10.  
Camillus Leonardus  
lib. 2. cap. 7.

custodiam nidi præstent . Indè nominari alter Erodialis , alter Sittites videtur, quanquam Plinius maluit(2)Cittitem scribere, quod valeat *πρὸς τὴν κίτταν γυναικῶν* . Alii Aetitis naturam venenis infestam scribunt, & fugare serpentes, ideoque nidis eum aquilas adhibere, quæ in montibus nidificant, & anguium venatu gaudent , & cum dracone inimicitias gerunt . Quid omnium probandum sit, quisque suis observationibus discernet . Vereor nè confictum sit, in



AETITES

Lib. 37. cap. 11.

Lib. 36. cap. 21.

Hermolaus Barba-  
rus Corollarii c. 996.

aquilarum nidis Aetitem inveniri. Plinius(3)alibi dictum notat ab Aquilæ Pygargi colore . Sanè is frequens est, & reperitur aliarum colore, sectisque pin-  
nata varietate crustis vidimus .

Aëtis genera non regione , ut facit Plinius, non figura, neque colore, ut alii dignosci rectè possunt. Ubique variant, quod amicorum studio animad-  
versum est, qui apud me Aëtitem copiam congefferunt, quam numerare pigeat.

Ex



## Lapides ΙΔΙΟΜΟΡΦΟΙ. 261

Ex foetu incluso species in certiores differentias contrahuntur. Nam cum vel liberum habent, vel impeditum. Qui liber est sonitu agitated proditur, quare (4) ἡ χάλυξ nuncuparunt speciem continentem. Is verò intus vel unus est lapillus, vel plures scrupuli, vel simul arena soluta. Qui detinetur, terra est in glebam concreta similitudine cimolix, ochræ, argillæ, massæ cinereæ, arenosæ. (5) Geoden nominarunt lapidem terram ambientem. Utriusque exterior pars separatim (6) ἑγκυς foetus exemptus ὠκτόκιος vocatur. Magnitudo incerta est utrique. Interdum anseris ovo major repertus est, & in thecis nostris conditur æqualitate ciceris, qui conceptum intrà se crepitu fatetur. Figura à rotunditate deficit ad omnem partem, sæpe humilior, nonnunquam in semiglobum sublidens, deplanata, ovata, coticulata, cylindracea, multisque gibbis, & curvitate distorta. Plerique rudes sunt forinsecus, atque asperi, quorum nonnulli ostreati. Materia horum cretacea, vel arenacea durior non adeò ut igne nihil deperdat. Nulli enim Aetiti ea est pertinacia licet Plinius dicat. Lævium superficies aliquantum nitet, materia compacta testæ fictili similis. Colore lutei sunt, subrutili, fulvi, pulli, nigri. Præterea fusci, flavi, candidi. Cæsum aliquando nactus sum. Hæc facies externa Echitæ, ac Geodæ. Intus maxima ex parte superficies cavi æqualis invenitur: foetus dissimilis corpori circumstanti. In Echite lapillus scaber, & inæqualis, colore fusco, vel alio ex nigri vicinio: præterquam in omnino candidis, quorum medius lapillus fragilis nitidiusculè candet, qui vocatur (7) Callimus. Arena quæ continetur libera, comparet modò tenuis, modò sabulum, & glareæ, coloris atrii, flavi, croceique. In Geode frequentissima est gleba, flava, & lutea, deinde cinerea, & livida: rarior candida, quæ atro, pulloque corpore continetur, insignis mollitiei, Cimolix, quæ medulla nuncupatur, similis. Geodes planior, atque dilatatus, cui flavescens inseritur foetus, (8) Cyamea vocatur, quòd exectus similitudinem fabæ pariat; Indurescit aliquando gleba ferme in lapidem, & contracta nutat, ut foris sentiat, dubiam inter Echiten, & Geoden speciem exhibens. Geodes enim cavum implet: in Echite parvus etiam lapillus in magno jacet cavo, semper mobilis, qui excitatus ludit. Illud autem inscitè dictum à Dionysio Poeta videbitur, cuius & Solinus meminit, in Aetite non scrupulum insertum resonare, sed spiritum ejus quid arcanum crepitare. Est tamen in eo non vulgaris animadversio. Quippe in secundo de Anima Aristoteles sonum vult esse motum unius aeris continui usque ad auditum. Aer autem intercluditur in Aetite, ut cum sonus in cavo fiat concussu firmorum corporum ad invicem, atque ad aerem, extra cavum non possit audiri. Exauditur tamen, & gravior, quàm in aperto ederetur. Quæ observatio illam fortè Dionysio opinionem adduxerat. Verùm ulterius consideranda fuit. (9) Nam quòd gravior sonus fiat, quàm calculus Aetitis exclusus fragmenti exterioris collisu faciat, accidit quoniam aer, qui per laxius spacium repulsus produceret echo, in Aetitis cavo ex breviori refluxu coit in priorem sonum, cuius accessu fit gravior. Plus enim composita universa valent, quàm eadem divisa. Sic Aristoteles cum aliis clamantem audiri longius, quàm eundem solum, & sonum desinentem acutior ostendit. Cum verò ex Aetite sonus ad aures perveniat, non est existimandum eam esse densitatem solidi corporis, ut aer utrinque poris, pustulisve non jungatur, rectis quidem per translucidum, non rectis per opacum. Sonus autem, quoniam est moti aeris rectum meatum non quærit, sicut lumen. Verùm in hoc difficultas; Motus aer in Aetite subsistit, igitur & sonus. Nam aer quanquam ad partem exteriorem pertingit, non tamen eousque motus perfertur. Primum enim aeris intus compulsi index est gravior sonus; deinde si exeat, motus unius aeris continui per poros frangeretur: Fracto, sonus ex Aristotelis Sententia interire videtur. Interit sanè: veruntamen interea speciem soni ulterius produci, quàm aer movetur, non est præter mentem illius Philosophi. Nam ad generationem soni circumscribendam statuit motum unius aeris continui ad auditum usque. Alioquin auditur sonus in aquis, & è longinquo, quo motus unius aeris continui reverà non trajicit. Itaque quan-

*P. And. Matthiolus  
Comm. in Diosc. lib. 5.  
Ant. Musa Brasavol. in examine lapidum.*

*Adamus Lonicerus  
Hist. nat. cap. de lapidibus.*

*Andreas Laguna  
Comm. in lib. 5. Dioscoridis.*

*Franciscus Rueus de  
gemmis lib. 2. cap. 23.*

*Aetitarum differentia.*

*Lib. 10. cap. 3.*

*De Situ Orbis.  
Polyb. cap. 38.*

*Text. 82.*

*Aetitarum sonus unde.*

*Problem. Secti. 19.  
num. 2. & 11.*

vis



*De Anima lib. 2.  
text. 121.*

*De Anima lib. 2.  
text. 116.*

*Naturalium lib. 6.  
part. 2. cap. 5.*

*Chrysosth. Javellus  
de Anima l. 2. qu. 35.*

*De potentia Dei qu.  
5. artic. 8.*

*In secundo de Anima  
Comm. 60.*

*Jul. Caf. Scaliger  
exercit. ad Card. 102.  
num. 2. & Comment.  
in lib. 1. de Plantis.*

*Aetites quomodo  
gignatur.*

*Aetites vacuus,  
raro inveniri.*

vis intra cavum Aëtitis motus aëris desinat, tamen cum crassities non obstat, aër per poros unitus speciem soni foris communicat. Omnia enim objecta sensuum, statim à se speciem exhibent aliquatenus materia egressam, quæ ad sensum dirigitur. Nam sensum Aristoteles ait suscipere formas sine materia. Objecta enim omnino materialia non perciperentur, cum sensus, ut facultas Animæ partim extra materiam positus sit, accedatque ad spiritus essentiam, quæ nimium dispar à corpore. Igitur ut minus dissentiant objecta, necesse est habeant à se speciem actu per medium diffusam. Quare nec sensui appositæ sentiuntur, ut inquit Philosophus. Medium enim, actu speciem deducit. Non rectè igitur Avicenna medium non putat necessarium. Medium verò auditus aër est, & aqua. Aër quidem quousque motus præcipuus viget subiectum est soni, qui illicò natus, speciem circum se, eandemque materia expeditam, ipso momento longè, latèque producit. Ita contingit uno ferè tempore sonum è vicino, remotoque auribus insinuari. Vicinum, dico, spatium, intra quod sonus re ipsa devehitur, nimirum in subiecto. Id verò spatii sono ineunte, species ejus prævertit, & auribus prima illabatur. Sic enim statuendum est, ut verum obtineatur, sensibile applicatum sensui non sentiri. Quidam tamen absurdum non putant, ubi subiectum sit, & ibi medium esse quasi unus aer vicem utriusque curet. Existimo illos peculiare id tribuere huic sensui, quod sonus stabile subiectum non habeat. Cæterum speciem illam ita se habere S. Thomæ placet. Nam actionem omni corpori duplicem assignat, unam sibi propriam, nempe ut motum moveat: alteram ordine, quo substantiis separatis connectitur, communicatam: talis est, inquam, species, quæ sensu recipitur. Quæ sententia plus veritatis ostendit, quàm quod suadere videtur Avenrois, videlicet constituendum agens externum, aliud à sensibilibus, quod è directo speciem exhibeat sensui, eundem admodum, quo intellectus agens. Hactenus hanc disceptationem Dionysius concitavit.

De Generatione autem Aëtitis, quia Recentiores eam attentarunt videndum est. Duplicem videntur proponere, peculiarem Echiti, ac Geodi. Vel enim materiam lapillo alicubi reperto circumfundi arbitrantur, scilicet ut foetus utero sit prior, vel confecto jam utero in cavum ejus transmitti humidum guttatim per pustulas, quod conceptum postea concreseat. Hic querendum est, quodnam sit institutum Naturæ. Lapillus circumveniente materia captus, & humidum in cavum lapidis admissum, utrumque fortuitum est. Ergo Natura cavum parat vacuum, quasi bullam lapideam. Quod si verum est, frequentiore Aëtitem convenit inveniri vacuum. Hoc autem à veritate dissidet, & totam hujus lapidis rationem subvertit, si prægnantis uteri species auferatur. Gignitur lapis in ferri fodinis, qui Germanis *ein Druse* vocatur, concavus, inanis materiam ferri pyrite contrahens, similisque nonnunquam in aliis metallis: verum ut materia, ita plurimum ab Aëtite dispar ejus natura cognoscitur. Aëtitem vacuum, qui sit integer, qualem nunquam offendimus, si modo est, rariorem existimo. Nonnulli dimidiatum à se repertum inquirunt, figurâ scutulatâ, quod parvi refert, quo casu eveniat. Cætera videantur de modis generandi. Nequeo satis commodè rationem excogitare, quâ possit circum lapillum objectum materia effundi, præsertim ipso intus libero, & spacio interea vacuo. Nam quod effunditur, eousque fluit, quoad sibi densius corpus obstat, id est, ad lapillum circumventum usque, qui tum arctiore materiæ complexu vincitur, sonum non ederet. Idque compositam præfert opinionem, lapillum in materiam incidentem semper conlocari medium: similiter & plures scrupulos. Quæ ut ita sint, quancunque ad cavi partem lapillus insideret, adhæresceret recenti materiæ, neque conquassatus liberè vagari posset. Nè ille verò Aetites, qui foetum continet immobilem, ipsum aliqua ex parte, aliter, quàm à cæteris hærentem defigit. Ita nihilo magis alter generandi modus huic convenit. Non enim movetur, quia foetus æqualis cavo, spacium quo se transferat non relinquit. Tam justus autem commensus à perfluente materia in cavum, non præfinitur. Idem cum Geodes sit, sicut prædixi, cavum ejus si humi-



humido compleatur, terram non ferat. Siquidem quod tenuiorum est partium, sicut humidum percolatum, non in terram, verum in lapidem duriores, quam ipsum corpus est, quod subiverit, densatur. Neuter itaque modus probabitur, tum maximè si locus spectetur, unde Aëtites gignitur, nunquam altè abditus, & sub ipsa terræ superficie. Meissæ in Germania, quæ civitas cognominis regionis caput ad Albim fluvium constituta est, Aetitem reperiri Auctor est Agricola, qui muscum olet, quo is operitur. Adeò verum est, superioris terræ fomentum parere Aëtitem. Etenim color, qui illi loco tunc obtigit, iisdem terminis, quibus ex loci angustia permittitur se colligere, Aëtitis figuram dirigit, utpote ad rotunditatem. Primum dimensam conflatur molem, inspissatur, atque indurat. Quod operis, nisi ex æquo materiæ conceptum sit, intus cedit vacuum, & in eo quod relinquitur alienæ materiæ, nec iisdem legibus coalescere potuit, per se durefcit, suoque gaudet jure. Geodes parem materiæ magnitudinem sumens moderatiori calore confici videtur, qui corticem indurans, contentam materiam, per eum in aliam, atque aliam glebæ speciem decoquit. Igitur foetus Aëtitis simul cum utero nascitur. Quare ambiguum est, utrum casu ita eveniat, an causa certior opus dirigat, formamque inde Aëtites propriam acquirat. Hoc sanè necessarium est Aëtiti, nè promissas medicinas fallat. Quæ antequam dicantur, quibus locis quærendus est, ostenderetur.

Latas Aëtiti regiones dedere, Cyprum, Arabiam, Persidem, Indiam, Africam. Similiter Italia, Gallia, Germania, & quod restat terrarum ascribi posset. Propius monstrasse oportuit. Frequens enim lapis nullis non regionibus invenitur, ad ripas fluminum, in campis, in montibus, sæpe in terræ superficie obvius, & eodem in loco diversi aspectus. Quidam tamen aliis regionibus frequentior, nec omnibus cujusque generis Aëtites reperitur. Atro, pulloque colore crebrior affertur ex Africa. Similes ex Ægypto à Mercatore Alexandrino accepi juxta Mareotim paludem natos. Eorum unus argillam candidam, suavemque complectitur, ipse durus atque asper. Alii duo scrupulos, arenamque claudunt, eò magis rari, quòd alter superficiem exteriori quasi guttis aquæ gelatis aspersam habeat, alterius planities foetum dissimulet, quem nihilominus strepitu conquassatus arguit. Arabes Aëtitem inveniri tradunt in ea Caucasii parte, quæ sinas dividit, puto Gangis principia versùs. Sed quid Europam juvat transgredi? Magna Græcia pullum ferrugineumque præbet in Sylæ montis latere, quod sinum Scyllaceum spectat. Non deest ibidem alio colore, verum ille frequentior. Plerisque locis magna est copia flavi, lutei, furbutuli, fulvi, fuscii: ut in Gargano Apuliæ monte respectivè, in agris Narniæ, quam Umbriæ Civitatem Nar fluvius condit monumentum nominis sui, priusquam Tiberi confundatur. Præterea in agris Cortonæ Civitatis Tusciæ, inter Glanis paludes, & lacum Thrasumenum, & in Alpibus Grajis, quæ in Italiam conversæ descendunt. E' montibus Sardinia niger nobis obtigit, ambitu corticis utrinque lævigato lapillum cohibens, non frequens ibi, sed uti quidam figura, & colore singulares, inter communes offertur. Candidum Plinius inveniri scribit in fluminibus Taphiusæ, qui locus est Epeiri juxta sinum Ambracium, dexter ex Italia Leucadem navigantibus. Idem cum aliis ad ripas fluminum invenitur. Torrens in agrum Galliæ defertur, quem Bojorum clades à victore Cornelianum appellavit. In ejus ripis versicolor Aetites gignitur. Diversi quoque generis in Germania multis locis, in Bohemia circa fontes Albi, & secundum flumen, etiam egressum Hercyniam Sylvam ad sedes Hermundurorum antiquas, ut Dresdæ, præter Meissen dictam, & Chemnitzæ, quæ urbs paulum inde retrocedit. In Saxonia non nullus ad Hildesheimum, itemque aliarum regionum locis, quæ ignota nobis hac ubertate contenti querere omitemus.

Aëtites ad partum efficacia, & scriptis divulgata, & in ore passim est omnium. Ad cuncta, quibus aquilas eum accommodare diversi crediderunt, homini salutarem tradunt. Plinius custodire partus contra omnes abortuum insidias. Dioscorides, alligatum sinistro brachio foetum in matrice lubrica

Lib. 5. de nat. foss.

Ratio qua Aetites gignitur.

Plinius lib. 36. c. 21.  
Solinus Polyb. c. 38.

Varia Aetitarum loca, ac differentia.

Serapion de Simp. ex foss. cap. 402.

Lib. 30. cap. 14.

Lib. 5. cap. 118.

conti.



*Aloisius Mundella.*  
*Epist. med. 4.*  
*Tetrabibl. 1. Serm. 2.*  
*cap. 32.*  
*Rasis lib. de variat.*  
*medic.*  
*Andreas Laguna 1. 5.*  
*Comment. in Diosco-*  
*rid.*  
*Lib. 10. cap. 3.*

*Lib. 36. cap. 21.*  
*An Aetite ex aquil-*  
*arum nido acci-*  
*piendi.*

*An eorundem de-*  
*lectus habendus.*

*Constant. Caesar.*  
*lib. 15. cap. 1.*  
*Agricola lib. 5. de*  
*Nat. fossil.*  
*Valerius Cordus An-*  
*not. in Diosc. lib. 5.*

*Lapides Aetitem*  
*mentientes.*

*Lib. 36. cap. 21.*  
*Variae Aetitarum*  
*facultates.*  
*Evax. Maurus de*  
*lapidum nat.*

*Lib. 5. suprad. cap.*  
*Tetrabibl. 1. Serm. 2.*  
*Plinius lib. 36. c. 19.*

*Dioscorides 1. 5.*  
*Galenus lib. 9. de*  
*Simp. med. facult.*  
*Aëtius Tetrabibl. 1.*  
*Serm. 2. cap. 38.*  
*P. Aegineta lib. 7.*

continere. Nec esse deponendum monet Plinius ante partum, nè vulva exci-  
dat: & nisi parturienti amoveatur non parere. Dioscorides tum brachio so-  
lutum, jubet femini sinistro innecti. Nam secundò propitius laborem parien-  
di mitigat, & foetum, quem conservavit, ità feliciter educit. Eadem ex  
Dioscoride Aëtius transcribit. Arabes Indorum libris hæc comperta, & suis  
exemplis vera comprobant. Quidam rationem reddunt, cur sinistris partibus  
alligari præcipiatur quas imbecilliores dicunt, atque causam esse, ut ab iis  
potius subveniat. Sed illam Aëtiti vim medicam Plinius negat esse, nisi  
aquilarum nido diripiatur. In hoc nos offendimus, si quo consilio dictum sit  
non animadvertimus. Quid? unde aquilæ illum petunt, indè nequeunt ho-  
mines? num ab aquilis eam vim percipit? & quid ab aquilis quæritur? Plus  
satis dictum hoc superstitionis præfert. Similiter, & quod idem Plinius refert,  
pelliculis sacrificatorum animalium involvendum esse Aëtitem ad præscriptas  
medicinas. Non hoc, nec alterum à Dioscoride præceptum est, non meminit  
Aëtius, neque medici Arabes. Quocirca utrumque parvipendere non dubito.  
Cujus enim consilio primùm id habitum est, in nido aquilarum lapidem quæ-  
rendum esse, ille varietatem Aëtitis suspectam habuit, nec satis confidit la-  
pidi tantæ efficacitatis expectationem, nisi certius argumentum ab aquilis ac-  
cepisset. Non enim fallitur instinctus naturæ. De quo consultandum nobis  
est, an delectus lapidis adhibendus sit. Omnes, Plinius inquit, mulieribus  
gravidis adesse. Neque Dioscorides discrimen facit, sed Aëtitem nullum pu-  
tat, præter *ἡχίτην*, qui Geoden disjungit. Quàm propinquæ naturæ Geodes  
fit Echiti demonstratum est, cujus etiamnum testis natalitius locus, quem com-  
munem habent. Atque è binis lapidibus, quos aquilæ dicuntur, in nidum  
deportare, alter Geodes est, quem foeminam nuncupant. Unde comparem  
Echiti Geoden, atque esse Aëtitem intelligitur, nihilque interesse utrum  
usurpemus. Imò si aquilæ, virium Aëtitis indicium dederunt, ipsasque nos  
imitamur, uterque mulieribus gravidis alligandus est Echites, inquam, & Geo-  
des. Cæterùm neque coloris, vel aliarum qualitatum habetur ratio. Duplex  
tantum genus lapidis evitandum est, nè similitudine decipiat, quod haud diffi-  
cile est dignoscere: unum jam dixi, bullam metallicam nihil vacuo includen-  
tem, halitu subterraneo materiam in orbem stipante: alterum silex est, qui dis-  
sectus alium separatum à se videtur ambire silicem, eumque immotum. Quip-  
pe nascenti contingit concretionem interpellari, ac rursus redintegrari, ut  
posterius clementum indiscriminatim priori coire nequeat: vel conceptu ma-  
joris silicis, minorem eo in loco jacentem oculi, quemadmodum Aëtitem gigni  
volebant, attamen sinè vacuo. His amotis, de Aëtite curiositas omnis, &  
solicitudo tollitur: ac liberè uti licet præclara lapidis facultate in gravissimo  
labore, summæque ortus angustia, ad ingressum hominis in lucem. Par auxi-  
lium quadrupedibus omnibus promittit Plinius, ac toti porrò generi animan-  
tium si vulgò creditur. Nam summis arborum ramis suspensum prohibere  
fructus deciduos putat. Cæteras medicinas speciebus Aëtitis separatim tri-  
buunt. Echitem dolorem capitis, & vertiginem contactu sedare, contraque  
epilepsiam de collo dependentem gestari scribunt. Ramentum ejus cerato  
conditum gleucino, cyprino, vel quovis calfaciente Dioscorides epilepti-  
cis recreandis proponit. Eadem fomento prodesse magnopere arthriticis, ac  
paralyticis ex Aetio constat. Geodes caligines oculorum detergit, papillas  
expurgat, mammarum, testiumque æstuationes tollit illitus ex aqua. Siccatur  
enim valde, quod Echites facit, verùm facultas huic temperatior ex astrictio-  
ne. Aliæ nunc vulgò medicinae usurpantur, quas experientiam ferunt edo-  
cuisse. Terram, quam Geodes integit, friatam atque humido quolibet epo-  
tam, ajunt, à partu foeminas purgare, & menses ducere. Item vino, vel jure  
Carnium haustum lactis copiam facere. Jejuno lumbricos enecare. Binas  
ejus drachmas ex aqua sumptas torminibus, aliisque intestinorum malis mede-  
ri. Si bis, terve præscriptum hoc ebibatur, febres nonnunquam sanare. Pul-  
verem inspersum vulnera glutinare, quæ levia sint. His alia subungi possent  
non



## Lapides ΙΔΙΟΜΟΡΦΟΙ. 265

non absque auctoribus, quæ cum fidem non sustineant, ex industria prætereo, nè vitium eorum videar imitari, qui rei per se satis mirabili nova semper menti-  
tendo miracula adjungunt.

### N O T Æ.

- (1) Aetites nomen invenit ab αἰτός aquila.
  - (2) Cistites in vulgatis habetur cistites; alii ejus etymon tractum putant à κιστῶν concipere: de ea enim sic Plinius [a] Cistites circa Copton nascitur candida, & videtur intus habere partum, ut sentiatur etiam strepitu. Alii Cylites, vel Cyites potius legendum existimant ἀπὸ τοῦ κύων, uterum gerere. Alterius gemmæ meminit Plinius [b] ejusdem nominis: quæ à prædicta diversa est; nomen enim accepit, à κιστῶν hedera cujus similitudinem habet, de qua inferius.
  - (3) Aetitem hanc inter gemmas recenset Plinius: atque ab Aetite lapide aliam esse dictum est cap. 3. hujus Armarii.
  - (4) Ηχέτης echites ab ἡχῆ sonus.
  - (5) Geodes & Græcè γῆδης à γῆ terra.
  - (6) Ἐγκύω, idest prægnans, ἐκπύουτο ὠδὸς celer & τὸν partus, quod partum acceleret.
  - (7) Callimus ita fortasse appellatus ob pulchritudinem. καλλιμῶ enim Græcis pulcherrimus dicitur.
  - (8) Cyamea à κύαμι faba, de hac agit Plinius libro, in quo de gemmis.
  - (9) Nimis multus est Mercatus in Aetitarum sonitu explicando, quem quidem consuetudine illorum temporum adductus Philosophiæ, quæ tum vigeat, ambagibus rem apertissimam, atq; obviam mirum in modum involuit, ac implicuit: adeo etiam illustriora ingenia communibus erroribus quandoque sunt obnoxia. Hac igitur ratione Aetites sonum edere consentaneum est. Lapillus qui in ipsius cavitate includitur agitatione impulsus, lapidis circumambientis latera concutit, quæ concussa non solum internum aerem quatunt sed etiam externum: omnia enim corpora quæ percussa fragorem edunt, moveri necesse est, licet nonnunquam motus hic aciem fugiat ob tenuitatem: manifestè verò tactu ipso ac visu percipitur in corporibus admodum firmis ac solidis, sed sonoris, ut in ære campano: quæ quidem quod magis sonora sunt, eò vehementius, ac diutius post ictum quatuntur, agitanturque, tinnitumque propterea producant. Externus itaque aer, tum ab Aetite, tum etiam fortasse nonnihil ab interno aere per lapidis poros, actus atque commotus aurium nervos concutit, ipsi autem nervuli veluti quidam funiculi spirituum affluxu tensi ad cerebrum usque undatim quodammodo moventur: ita verò à natura comparatum est, ut ad hunc nervorum motum in cerebro occulta, adhuc ratione sonitus species ab anima percipiatur.
- Quod autem lapis integer magis resonet, quàm fractus eo fit, quia in fracto motus imbecillior est ob partium sejunctionem: quod enim earum conjunctio major est, major ex percussione fit motus, hinc plumbum nullum ferè sonum edit, quod ejus particulæ laxè admodum inter se cohæreant, eademque de causa æs campanum ex minima quaque rima, raucum ac ferè surdum evadit.
- Ex dictis patet soni, coloris, aliorumque sensuum species in ipsa mente gigni, non autem in rebus aut in aere, aut etiam in ipsismet sensuum organis inhærere, ut plerique falsò opinantur, quorum etiam errore deceptus fuit Mercatus noster sonitus speciem in aere constituens.

Causa sonitus in  
in aetite quæ.

## LAPIDES CÆTERI E' NIDIS AVIUM,

Aspilates, Cirrites, Coracia.

### C A P. XXIII.

**I**NVENIRI lapides in gruum nidis Albertus auctor est, quod à se observatum ait in Colonia Agrippinensis quodam horto, ubi fœtus annis aliquot continuis procreassent. Eorum speciem non posse certam depingi, quod ipsis surreptis alios absque delectu substituere viderentur. Nulla in hoc igitur vis Naturæ, quæ ad lapides referatur, suspicienda est. Quippe grues aliqua lapidis facultas benigna posteritati suæ non movet, solo ponderis commodo in magna vitæ solertia utentes. Dicuntur enim nocturnas gregis sui excubias agere, lapillum altero pede sustinentes, cujus retinendi cura soporem coerceant. Volantes etiam lapillos ferre, ut iis libratis cognoscant quid itineris confectum sit, atque ubi subsidendum. Certum esse scribit Plinius transvolantes Pontum cum medium transmiserint lapillos abjicere. Quos itaque ad similes usus paratos habent, in nidis depositos inveniri, nihil admirandum contingit.

Lapides quem usum  
præstent gruibus.

Lib. 10. cap. 23.

Democritus apud Plinium gemmam coloris ignei tradit in nido Arabicarum avium quærendam nomine (1) Aspilaten, nisi melius Asplenites dicatur, quam Cameli pilo spleneticis alligari oportet. Quæ sint Arabicæ alites, dubium

Lib. 37. cap. 10.



*Histor. lib. 9. cap. 13.*

*Lib. 7. Metamorph.  
Eoan. Maurus de  
nat. lapidum.  
Albertus de rebus  
Metall. lib. 2. cap. 15.  
Arnoldus de lapidi-  
bus.  
Camillus Leonardus  
lib. 2. cap. 7.*

Ciris avis quæ.

1. ἀλιεύτις.

*Jul. Caesar Scaliger  
de Subtil. ad Card.  
exercit. 233.  
Lib. 10. cap. 47.*

*Histor. lib. 8. cap. 3.*

*Histor. lib. 9. c. 1. &  
17. & de partibus  
lib. 4. cap. 12.*

*Coraciæ fabulosæ  
vires.  
Camillus Leonardus  
lib. 2. cap. 7.*

num quas Aristoteles Cinnamomos vocat in altis arboribus nidum le-  
tis cinnamomi furculis texentes, quem incolæ plumbatis sagittis deji-  
ciunt.

In nido Cirris avis, quæ κέρως etiam dicitur ab Ovidio, reperiri fertur lapi-  
dem Cirriten, quem Quiritiam nonnulli dixerunt, & Quirinum, penè incredi-  
bilem vim tribuentes, dormientis pectori appositum animo illudere, ut secreta  
palàm fateri cogat. De Ciri ave magna quæstio, quænam monstretur. Scyl-  
lam Nisi Megarensium regis filiam desperatâ salute (postquam cæsariem patris,  
in qua fortuna regia constituta erat, detonsam, atque hosti traditam non fuisse  
acceptam vidisset) in eam avem non sinè causa fabulæ conversam dicant. Est  
enim Nisus avis insigni fragrans in Cirim odio, quasi filiam impietatis ulciscen-  
dæ causa persequatur. Ipsa tanquam patris cæsariem adhuc ferat, capitis plu-  
mis spectatur in apicem paulum crispatis, unde Cirris dicitur, vel si Latinum  
verbum nolis, quo utitur Oppianus, sit nomen à colore. Ciris verò est  
(2) ἀπὸ τοῦ κέρως Ululam, & Upupam putarunt, qui Græcè nesciunt. Et viri docti  
non faniùs dissentiant. Alaudam pertinaciter credunt multi, apicis compara-  
tione adducti. Sed huic præcipuus hostis non est Nisus, neque colores habet,  
quibus Cirim Poeta pingit. Quidam (3) Hæmatopum faciunt à rubedine crurum.  
At inter peregrinas eam avem Plinius digerit, atque ex Ægypto, inquit, in  
Italiam convectam superesse paucis diebus. Alii ἀνθρον (4) Aristotelis volunt pro-  
pter decentiam coloris, quæ cum iis blandiebatur, non viderunt quam parvam  
avem, majorem aucupantes, ceperint: σπίζα Aristotelis ἀνθρον æquat, non Cirim.  
Qui consideratius in historia hujus philosophi, vel in ludo Naturæ versatus  
fuiſſet, aliam avem ipso nomine obviam habuisset. Nam κέρως, quam præter  
Cirrim dicam? Notarum quæ perscribuntur nulla diffidet. Pugnam cum æqua-  
libus non detrectat, cruribus longis, victu facili, sed infausta. Et Suidas κέρως,  
inquit, (5) ἔρνεον δυστονώσον τοῖς γαμῶσι. Aristophanes tondendi morem exprimit sic  
in Avibus, (6) λίθους τοῦτες δ' ἐτὺκίζον αἱ κέρως τοῖς ῥύγχεσιν. Hoc Sittæ Aristoteles  
tribuit, avi moribus germanæ, præstigiarum, veneficiisque pariter damnatæ.  
(7) Coraciam rufo colore lapidem è corvi nido hac industria pollicentur. Ca-  
lendis Aprilis ova nido elata, dum indurescant decoquenda esse, ac rursus infe-  
renda nido ubi refrixerint. Factum parens ad nidum reversa cognoscit, & vo-  
ciferationibus execratur. Indè avolat in loca remota: post nidum revisens  
affert lapidem, quo admoto statim ova reviviscunt. Hunc tum auferen-  
dum committunt, tanta facultate donatum, quantam spes nostra conci-  
pere nunquam potuit. Quapropter animum inducere nequivi, cum solo  
lapidis afflatu futurum vatem non sperarem, ut ejus acquirendi periculum  
facerem.

#### N O T Æ.

(1) Aspilates dicta videtur à particula privativa α, & σπλήν macula, quod fortasse nullis maculis  
notata esset. Ac propterea non est cur aliud hujus nominis etymon requiramus, & cum Mercato  
Asplenites, pro Aspilates, reponendum esse suspicemur: nomina enim gemmis ex colore, figura,  
aliisque similibus qualitatibus imponi solitum fuisse jam ex Plinio demonstravimus, non minùs  
quàm ex facultatibus: præsertim cum virtutem hanc splenicam Magorum vanitate huic gemmæ af-  
fictam, dubitari potest: quis enim non riserit, quæ de cameli pilo referunt, aliasque futilissimas nugas,  
quas de ipsa superstitiosè jactant?

(2) Idest: à tondendo.

(3) Hæmatopus ab αἷμα sanguis, & πῆς pes quasi sanguineos pedes habens.

(4) Anthron enim Græcè flos.

(5) Hoc est: inauspicati augurii avem nubentibus.

(6) Idest: lapides hosce rostris expoliebant Cretes.


(7) Coracia enim dicta est à κόρα corvus.



LOCULO XIX.  
PÆANITES, SIVE GEMONIS.

C A P. XXIV.

Fœtorum lapidum Pæanites numerosum in se partum celat specie utri, tenuitas corporis, cavum introrsus cedens, totusque ovi corticem exæqua-



LAPIS PÆANITES

ret, si perficeretur uno ductu superficies: quæ binis occluditur testis, circuli eminentia commissuram indicante, atque iis in una longitudinis parte non ex



æquo compositis, veluti quædam concharum capitella, alteri subditur altera. Materia in tanta tenuitate, duritia excellit, æquabilis, prope candida. Intus per ambitum laterum stipatur foetus translucidus specie, aquæ glaciatae cuspidatus crySTALLI modo. Is interdum adeo frequens, ut sibi acervatim infideat, raræ magnitudinis, quæ annulum deceat, quanvis neque speciem ejus annulo dignemur, nempe quam ars vincat simulatione Vitri. Videtur ex humido concipi, quod in cavum transmeans, liberat se crassioris terræ partibus, & in vitream speciem concrefcit Adamantinâ figurâ. De qua dicitur aliàs, quæ ratione fiat angulata. Itaque Pæanites ille plenior est, cui plus humidi accessit ille majusculos concipit foetus, qui laxioribus pustulis humidum admittit. Nonnunquam quid terræ cretaceæ, vel arenosæ aliquam cavi partem occupat, in quo foetus mobilis lusionem Aëtitis præstat. Hujusmodi verò de natura Pæanitis constitutio, quod accuratius inspicio, eo minus rationibus meis accedit. Difficulus enim omnes causas animo complecti possum, quibus vacuum cavum fiat, adeo tenui septo inclusum, quod ovi gallinacei magnitudinem adæquet sæpè, anseris etiam, & struthio cameli ut visum est. Unde humidum adsit paratum semper, ut in vitreum corpus densetur, par difficultas ostenditur. Et reperitur ejus densitatis cortex uteri, quæ humidum sustineat. Attamen si transmittitur, ubi receptum erit, pari modo ad imam partem exitum quæret. Quapropter expositam concipiendi foetus rationem minimè laudo, quam Veteres existimasse ex nomine comprehendo, cum Pæanitem Gemonidem ἀπὸ τῆ γέμειν dici voluerint, quasi guttis affluentibus novo semper foetu augeatur. Equidem Pæanitem, foetumque ejus omnem unius operæ puto, videlicet totam cogi materiam in unum locum, coactamque à nobiliori forma disponi, ut crassior cavum muniat, tenuior intus Adamantina facie confideat. Nam cum illi formæ quædam ovatae conchæ species, quam exterior Pæanites gerit, danda sit: cætera simul eidem tribuere non dubito.

Gemonides unde dictus.

Quomodo gignatur.

Dionysius de Situ Orbis.  
Locus.

Lib. 37. cap. 10.

Lib. 9.

Polyhist. cap. 14.

Carolus Clavius in annotat. in Garcia ab Horto lib. 1.

Vires.  
Macer Poeta lib. 5. cap. 36.

Evax de nat. lapid.

Albertus de Rebus

Metal. lib. 2. cap. 14.

Arnoldus de lapid.

Camil. Leonardus

Speculi lib. 2. cap. 77.

Franciscus Ruus de gemmis. lib. 1. cap. 1.

Invenitur sicut plerique ἰδίομαρτον non altè reconditus locis, quibus conchæ lapides nascuntur. In Macedonia septentrionali parte, quæ Pæonia dicta est, ultra fluvium Axium, qui nunc Vardaro, copiosus est. Inde à regione Pæonitem nuncupatum opinor. Hoc Plinius videtur indicare causam nominis ita reddens. Nam, inquit, tales in Macedonia, & juxta monumentum Tiresiæ inveniuntur specie aquæ glaciata. Ita locus ille Plinii sarcinendus est restituta copulâ, quæ desiderabatur. Non enim in Macedonia monumentum Tiresiæ fuit. In Bœotia sub Tilphossæo monte conditum Strabo docet, ubi profugus jam senex è vita excessit, cum aquam fontis Tilphossæ gelidissimam hausisset. Ibi Pæanitem æquè gigni Solinus testimonium dicit. Nos ipsi deambulantes in planitie Montis Marii, qui ante Romam procumbit, quem primùm videbamus Pæanitem invenimus. Sunt porro reperti quidam ad Motſchen Germaniæ, quam ita appellare satius est, quàm sic Latina nomina efficere, ut sua non sint. Multi in Anglia, rubenti, ac tenaci solo eruuntur, quos Britannicos Adamantas quidam dixerunt. Eorum locus in ditione Somerset, inter Ventam Belgarum, quæ ab Anglis Brightſtouve vocatur, & flumen Sabrinam.

Opitulari Pæanitem parturientibus tradunt, & concipientibus, ut Solinus scribit. Quæ de partu ipsius jactantur, malè accepta fuisse nunc comparent. Nullum omnino genus lapidum similem sui parit. Nullum enim generat, quod Animæ solius munus est. Perpetuum ætatis vitium fuit, quæ rectè auctores ipsi statuerunt, cum ad plures pervenissent, ex sensu, atque ore aliorum quid alieni contrahere, cujus accessione pristinum vigorem permutarent: quemadmodum ferrum, quantum rubigini additur, tantum de suo deperdet. Hoc autem discutit recta ratio, vel innovat. Conceptionem lapidis intelligimus simpliciter alterius corporis complexionem, non ratam generationis actionem. Sed quò non se proripit ignava temeritas? Recens auctor est, qui scribit duos hac tempestate Adamantas haberi in thesauris Heroinæ foetum similem statis temporibus procreantes. Miraculum Græca fide dignum, & Philostrati nugis ascribendum. Audet insuper rationem illius naturæ, & partus



# Lapides ΙΔΙΟΜΟΡΦΟΙ. 269

tuſ commentari . Cũque propter Adamantinam ſoliditatem cavuum utero dari non videt, neque per duritiem partum facilem eſſe : vim lapidum, inquit, ex aere circumfuſo generare , nempe ex materia non ſua . En larvas ingenii , umbras veritatis .

## N O T Æ .

Mercati Gemonis videtur eſſe ex eorum lapidum genere , quos *Ventri cryſtallini* appellat Imperatus quorum etiam icon aſſertur apud Boetium inter Aëtitas .

Eadem autem ratione illum concreviſſe arbitramur, qua ſelenita, ut dictum eſt, aliæque cryſtallinarum concretionum ſpecies opaco ac craſſiori quodam cortice involutæ, quæ paſſim occurrunt in Muſeis.

Hæ ſiquidem gignuntur ex liquore ſalino aquearum partium copia referto , qui cum alicubi collectus fuerit particulæ terreſtres paulatim ad externam ſuperficiem propelluntur , ubi accedentibus etiam aliis ſordibus ac quiſquiliis aliunde adveſtis, invicem implicantur, atque obdureſcunt in cruſtam lapideam . Exinde verò ſalina, aqueæque corpuscula inteſtino motu imminuto paulatim inter ſe coeunt, ac in cryſtallinos lapides abeunt .

Gemonis quomodo gignatur .







## L O C U L O XX.

## LAPIDES ACULEATI, SIVE ACULEOFERI.

C A P. XXV.

Descriptio.

**P**roximum Pæaniti genus nos Aculeatum, vulgus Hetruriæ *Agorai-vole* nuncupavit, re ipsa nomen suggerente. Figura lapidum tuberat, rotunditatis plerunque depressæ, concessio intus cavo exiguo propter crassitudinem corporis ambientis, cujus superficies extima magna ex parte uncialis, asperi-



LAPIDES ACULEATI

tate operis perplexum, involutæ rei contextum imitatur. Materia foris saxeæ, coloris albi, cinereique: quæ interiùs recedit proxima cavo, candidam alabastrî puritatem aperit. Hanc obarmant aculei tenues, directi, materiæ crystallinæ, acri nitore, acie ex omni parte in se conversa, tanquam hostili manu ver-

fis



sis spiculis in globum concurrente. Aculei tenuissimæ acus similitudine, in longitudinem grani hordei producuntur. Tanta verò tenuitas dubitationem proponit, an omne pellucidum corpus ex humore fiat. (1) Non videtur, quoniam humor, neque distillans, neque profluens, in eam tenuitatem deducitur. An ex humente fiunt halitu, quem lapides à primo ortu intrà se concipiunt, forma sic instituentem? Hoc ut necessarium huic causæ, ita non est absurdum tali moderatione affectas habere partes halitum, ut desidentes in pellucidum corpus uniantur. Cùm igitur solido corpore totum cavum complere nequeat halitus ille, materia intermisso vacuo per omnes dimensiones ducitur in longitudines, idest, in aculeos illos, qui teretes fiunt ab æquali augmento, præacuti, quia deficiente materia desinunt.

Aculeoferi quomodo gignantur.

Thufcia Aculeatos gignit humo macra, locoque saxoso, non procul Arno flumine, tribus passuum mil. supra Montis Varchi Castrum, Aretium civitatem versùs, ubi Levana vicus vocatur. Multos ejiciunt, qui terram ibi subigunt, quippe usum eorum nullum incolæ norunt. Neque quod laudem ego, præter naturæ vim, respectumque rerum minimarum, nihil compertum est.

Locus.

N O T Æ.

(1) Aquæ particulas longè tènuiorese, quàm ut sub sensu cadere possint, nemo vel mediocriter in Physicis versatus ignorat; ideo nihil dubii est, quin etiam in fibras longè subtiliores concrefcere possint, quàm sunt huiusmodi aciculæ: nam si dictæ particulæ alia post aliam in directum collocentur, disponanturque, linea profectò exilissima, ac cæca ex earum cohæfione compingetur. Licet enim aqua tum ob propriarum partium complexum, tum ob circumfusi aeris pressionem, in stillas majores cogatur: multis tamen de causis evenire potest ut in tenuissimas guttas dividatur, præferim verò ob alicujus corporis solidioris pressionem, vel salinarum cuspidum admisionem: quæ quidem inter aqueas particulas interpositæ, non modò earum motum cohibere possunt, verùm etiam nexum disjungere. Quod sanè evidenter contingit, cùm aqua ligni aut alterius corporis solidioris substantiam penetrat, id quod fieri non posset nisi liquor arctissimos ligni poros, tubulosque subiret, eorumque formam indueret.




L O C U L O XXI.  
DENDROPHORUS , DENDROPHYTHUS ,  
Gasidanes , Lapis Palmatus , Daphnia .

C A P . XXVI.

Descriptio .

**M**IRUM unde quærat amœnitates Natura, unde jucunditatem ruris, speciemque consiti nemoris percipere libeat . In lapide arbusculæ in ordinem directæ, diffusæque, reptantes herbæ, flosculi cum frondibus sparsi reperiuntur. Quod argumentosum Naturæ opus nè careat indice, lapidem, quem adornat ea ruris copia, *Δενδροφόρος* nuncupare visum est . Hic mollis, & continenti corpore candidus, plantulas omnes nigro colore, vel lurido pingit, suavi varietate, ac proxima æmulatione . Sanè negarent à Natura perfectas esse, nisi doceret ipsa, non posse ab arte fieri . Ars effigiem rerum velut umbram in superficie sistit . Ipsa in hoc lapide picturæ soliditatem addit, omnemque partium situm persequitur . Quibus rebus fit, ut quoquoersus secturam lapidis ordienti, nunc eadem, modò aliæ, nunc integræ, modò partes plantarum reddantur . Genera Dendrophori tria comperimus, uti regione, sic & picturæ modo, paucisque notis nonnihil diversa, & feliciter, ni fallor, his tabellis nostris impressa. Sed quoniam cuncta delineandi ratio non valet exponere, reliqua oratione supplebimus .



*Δενδροφόρος* PRIMVS

Primus Dendrophorus gypso paulum durior, mediam continet coagmen-  
tatio-



# Lapides ΙΔΙΟΜΟΡΦΟΙ.

273

tationem filicum coloris fusci, ordinatis circunquaque arbusculis, & fruticibus, herbis enascentibus, flosculis dejectis, interea croceo colore aspersus. (2) Gassidanes Plinii est, quam Medi mittunt coloris (3) olorini, veluti floribus sparsam, quæque concipere dicitur, & fateri partum concussa. Concipere autem trimestri spacio propter multiplex coagmentum filicis, commentum est barbaræ vanitatis, sicuti de Pæanite, sapius eum parere. Hoc lapide Alexander Frumentus Nuncius Apostolicus Lusitanæ, me donavit, vir cujus opera eximia in rebus gerendis fuit, & hujus quidem generis rerum dum vixit, animus supra fidem studiosus. Nascitur & in Arbelitide Assyriorum regione proxima Syriæ, ubi Darium Alexander debellavit.

Plinius lib. 37. c. 10.

Alexander Frumentus.

Δενδροφόρος

SECUNDVS



Δενδροφόρος

TERTIVS

Secundus verò Sinaites est, proveniens in Melane monte Arabiæ, rerum mirabilium fide nobilissimo, quem Sinai nos vocamus, cum *Turla* Mauris dicatur. Distinguitur duritie, quanvis neque magna fœtum nullum includit, amplioris figuræ plantas edit, raris maculis, & flavis magis quàm croceis.

Tertius Brixianus assimilis secundo, extra quod pumilas plantas, & frequentiores absque ordine figuret. Magnam hujus copiam in Montibus Transpadanæ regionis circa Brixiam accolæ structuris insumunt, opere haud longinquo, cum pluvias non ferat, ventisque cedat. Hunc unum Marfilius Cagnatus Veronensis Medicus dedit, ille de literis benemeritus.

Marfilius Cagnatus.

Lapides Palmati propinquum genus habent. Dicuntur enim conspici Palmati, quoties franguntur. Itaque censeo à demonstratis Dendrophoris hoc differre, quod speciem palmæ peculiarem depingant. In Hispania Batica reperiuntur circa Mundam oppidum, ubi Cn. Pompejum adolescentem Cæsar deletis copiis superavit.



(1) Dendrophorus dictus est à δένδρον arbor & φέρειν ferre, quasi arbores ferens. Lapidem autem hujusmodi figuris distincti apud plerosque occurrunt, Imperatum nimirum, qui appellat: *Pietra naturalmente delineata con figure di boschi*, Boetium, & Aldrovandum à quo Brathytes ac Sabinites vocantur, ob Sabinæ similitudinem, & alibi marmor Dendrites, quo etiam nomine apud Langium & Scheuzerum insigniuntur.

[a] In comment. in Plin.

(2) Gafidanem barbarum nomen putat Harduinus [a]: Verum corruptum potius hunc Plinii locum verisimilius videtur: quod facile perspicitur ex variis lectionibus in diversis mss. jam repertis: alibi enim legitur Gessidanem, alibi Gessinaden, & in aliis Gessidiana: In quibus omnibus mendum latere censemus, sed ex iis litterulæ immutatione genuinum hujus vocis sensum restitui posse credimus, si Gessidone legamus, & in recto Gessidone, quod profectò à Græco γῆς ἡδονὴ terræ voluptas factum est; nihil enim aptius aut accommodatius esse videtur ad gemmæ venustatem atque elegantiam explicandam, utpote quæ floribus respersa traditur, qui meritò terræ gaudium risus ac deliciae passim vocantur.

(3) In vulgatis legitur coloris orobini.



SMILACES, (1) CISSITES, (2) NARCISSITES,  
Barbaris (3) Zoronifios.

C A P. XXVII.

**P**AR ostentatio Naturæ in Smilace & Cissite, quibus ambitiosæ plantæ Smilax, & edera nomen imposuerunt. Lapis unius est uterque generis, ve-

*Plinius lib. 37. c. 10.  
& 11.*



SILEX FLORULENTVS

rùm aliter ab aliis visus, picturà, & colore nonnihil variante. Materia ejus duritie, ac nitore marmori præstat, Iaspidi proxima, quæ tota tenetur frondo-



so contextu, non finè floribus internitentibus, specie aulæ Belgici, vel serici Damasceni venustate. Folia, quæ tractu numeroso colligantur, averfa, distortaque Smilacis asperæ visa sunt iis, qui Smilacem lapidem appellarunt. Qui minùs id viderunt, Proconnesio marmorì similem dixerunt. Aliis Cissitem nominare placuit, cùm folia se latiùs ostenderent, semper lasciviente complexu. Color medius, nempe qui continentis est, suafus, glaucus, aquilus candidus; idemque picturæ color est, diversus pro ratione continentis, ut in suaso aquilus, suafus in glauco, glaucus in candido.

Locus.

Polybist. 6 ap. 38.

In Euphrate flumine, quod Syriam ab ortu solis claudit, Plinius invenientem monstrat. Quippe silicem esse, ut nos vidimus, figura docet, utili magnitudine, quam decem pondo nos habemus. Recens auctor Catapastum vocavit, frequentem Parisiis, ex quo ensium manubria fabricantur. De Smilace Solinus nescio quid, quàm sæpe non bonus auctor, quoties nitorem orationis affectat.

### N O T Æ.

Lib. 37. cap. 11.

Lib. 37. cap. 10.

- (1) Cissites nomen gemma est apud Plinium à *κισσός* edera, appellata.
- (2) Pro Narcissites Inocissites viri docti restituendum judicant. Nihil enim huic gemmæ cum Narcisso convenit: At posterius nomen ex argumento naturæ optimè acceptum est: *ινωκισσίτης* enim dicta est ab *ίνης* vena, & *κισσός* hedera cùm illam venis edera distingui scriptum reliquerit Plinius.
- (3) Zoronisios inter gemmas à Plinio recensetur: de qua sic tradit. *Zoronisios in Indo flumine nascitur. Magorum gemma esse narratur: neque aliud amplius de ea.* Nomen hoc magicam Ægyptiorum superstitionem sapit: Zoronisios enim fortasse scriptum est pro Doronisios quasi *δωρον* *ισίος* donum *Ισίδος*: nisi potiùs nulla mutatione facta *ζωρόν* *ισίος* interpretari arrideat, ita ut subintelligatur *δέπας*, aut *μέδον*, quasi poculum, aut vinum merum *Ισίδος*. Quapropter non videmus unde Mercatus conjecerit gemmam hanc eandem esse ac Cissitem, seu Narcissitem Plinii, multoque minùs cur ejus nomen huic lapidi adsciverit: cùm nihil de gemmæ natura ex ejus descriptione colligi possit, in qua nihil reperias, quod Cissiti aut Narcissiti congruat.



STELECHITES, SIVE OSTEOCOLLUS.

C A P. XXVIII.

**P**ARTEM Stelechites præcipuam plantæ imitatur, arboris trunco similis cortice corpori tereti obvoluta. Cortex nitenti lævare colorem habet



OSTEOCOLLVS LAPIS

suasum, durior corpore, quod delibratum materiam fiabilem concedit coloris argillacei, æquiparatis in circuitu lineis per longitudinem descendenti-  
bus,



bus, secundum quas materia facilius discedit. Longus ad sesquipedem invenitur, crassitudine pro tertia portione longitudinis. Rarior quidem, neque præter unum, & alterum afferri nobis contigit. Nascitur terra argillosa, cujus peculiaris locus non alius monstrari potest, quam casus offert.

Locus.

Paratior ad usum alter est, sabulosa materia, interdum fistulosus, cinereo colore, candentique, locis arenosis proveniens in Germania apud Vangiones, quorum civitas Speira in Ripa fluminis Rheni: & ulterius supra Nemetos, ad urbem Darmstatem, inter dexteram Rheni ripam, & Mœnum fluvium. In Cattis, quorum regionem *Hessen* vocant Germani. Ad Whenam oppidum interioris Saxonie. In Marcha Brandenburga. Distat figura à priori Stelechite, quem pinximus, quod scapo sit inæquali plerunque, ac rudimenta nonnunquam ferat, veluti ramis detruncatis:

Virtus.

Usum chirurgis Germanie magnum præstat, ad ossa fracta conglutinanda, ubi in locum suum fuerunt restituta, scobe ipsius applicata cum ovi albumine. Commoda nanque astringendi qualitas in utroque gustu reperitur. Sed præter hanc facultatem à Natura privatam obtinet, quæ eodem spectat. Nam interea cum ossium commissuræ adhibetur, hausto etiam drachmæ pondere per triduum, multum profici scribunt. Quamobrem Osteocollum meritò nominarunt.

## N O T Æ.

Stelechites dictus est à *στάλιν* truncus. Idemque Osteocollus appellatur *ὅτι τὸ κολλᾶν τὰ ὀστά*, idest à conglutinandis ossibus. Notissimus est lapis in officinis à quibus Osteocolla vocatur. Hujusmodi autem Osteocolli sunt ipsimet arborum trunci in lapidem conversi,



OSTEOCOLLUS LAPIS

...quod delibatum manentem sublimem concolori  
...adhibetur in circum lincis per longitudinem descendit  
...bus




L O C U L O XXIV.

TERTIUS STELECHITES,  
SIVE OSTEOCOLLUS.

C A P. XXIX.

**A**Lius etiamnum Stelechites firmiore materia, nisi dispositio dividenter  
adjuvaret in laminas integras separabilis, colore argillaceo, intus al-



OSTEOCOLLUS ALIUS

biore, astringens, linguae tenax. Cum sub nemore Vaticano hortum pastinari Hortus Vaticanus.  
jufferamus ad varietatem Naturae in plantarum genere circumscribendam (cui  
Pio



Pio V. Pont. Max. imperante, pars terrarum latissima vectigal pendebat) magna hujus lapidis congeries effossa est in terra argillosa. Quod ut erat compertum, clamabant, rem carissimam inventam, thesauro comparabilem, ossa, scilicet monocerotum, amuletum adversus omne veneni maleficium certissimum. Quanti est in vulgo illudere, cum etiam à se decipi gaudeat. Nos ex ea copia singulis, qui expetebant, largiebamur. Verum non fuisse vanam illius facultatis conjecturam, plures retulerunt, cognitamque periculo vim infestam venenis. Huc accedebat auctoritas eorum, qui acceptum magni aestimabant, Cardinalis Christophori Madrutii Tridentini, & aliorum illustrium. Aliis Italiae locis inventus est. In Germania prope *Meissen* solo argilloso, ad ossa glutinanda non minus utilis.

## L O C U L O XXV. DACTYLI IDÆI ET BELEMNITÆ.

C A P. XXX.

Etymologia.

Descriptio.

Differentiæ.

G. Agricola lib. 5. de  
Nat. foss.

Locus.

Lib. 37. cap. 10.

Cap. eodem.

**I**NFERANTUR è promis subterraneis bellaria Naturæ. Sunt Dactyli Idæi lapides fructibus palmarum, qui digitorum collatione Dactyli vocantur, similes, pari longitudine, teretes, aciem obtusiorē ducentes. Digitis comparandi erant, nisi partium interior constitutio dissectos balanos referret, altero intus oblongo corpore pro nucleo comprehenso, & strigosæ materiæ ductu, ab eo in teretem superficiem rectà converso, quemadmodum pulpa balanorum spectatur. Plerisque deest pars infima, quam ad peciolum aliqua rotunditate claudere par erat, eaque mutili videntur, & lapidibus natalitiis abrupti. Additur similitudini rima, quæ per longitudinem ducta, in quibusdam tenui striga subsidet, in aliis quæ sita vix apparet, atque ad hanc ictu finduntur. Diversum autem genus habent, alterum saxeum est, alterum bituminosum. Illud coloris differentias facit albidus, cinereus, plumbeus, ferreus, pullus, nigricans: & nuclei loco, vel ossis, cavum implet terra molli, arena, lapide. Est in eodem genere, qui flammeo metallico tingitur, magni nitoris, cujus lapis inclusus tenuibus crustis compingitur. Præter hunc pauci nitent, plures æquabiles. Albidus, & cinereus ustionem olent, quoties atteruntur, & arsisse putant; tum quia alii cum uruntur, similes qualitates induunt, tum etiam quod natalis locus signa feret incendii. Nascuntur autem in marmore Saxonie medio inter Hildesheimum, & arcem Marieburgum. Tametsi eisdem coloribus alio loco reperti sunt, nullam emittentes odoris gravitatem. Ferreos colore Plinius scripsit tantum, fortasse quod ubi visi sunt, aliorum copiam regio non faceret. Tum attribuit figuram, qua pollicem humanum exprimant, liberiori quam debuit abdicatione. Nam Dactylus cur tantum sit *ὁ μέγας δάκτυλος*? Dein aliud innuit appositum *ιδᾶιος*, opinionem veritatis habet, in Ida monte, Cretæ, Palmarum proventum, novo ibidem generi lapidum reperto, à fructuum similitudine nomen obtulisse.


Genus verò bituminosum, lumini perviam materiam succini fuco colorat, & rapit paleas attritu incitatum. In hoc liquidius succini falerni colorem habet, vel cereum: lividum, virescens, nigræ infestum translucere non cognoscuntur, nisi porro lumini objiciantur. Mediam continent terram candidam. Hujus generis binas species descripsit Plinius Balanitas nomine, unam æris Corinthii similitudine, nempe falerno succino propinquam, alteram subviridem, medias secante flammea vena, nempe candida medulla per colores illos in splendorem flammæ renidente. Cum nostra memoria bituminosum Dactylorum genus in lucem veniret, quidam Lyncurium esse dixerunt, quo nomine succinum antiquitas appellavit, quod è lotio lyncum animalium densari Græcia crederet. At Succinum non esse posteritas comperit. Itaque immortuam



## Lapides ΙΔΙΟΜΟΡΦΟΙ. 281

mortuam opinionem veterum revocare conati sunt, qui in Idæis Daſtylis affinitatem succini cū animadvertissent, originem nesciebant. In Gallia nuper exploratum est, lyncibus ex Africa introductis, nullum excrementis earum durescendi modum inesse.

Utrunque dictum genus Daſtylorum, cū materiam consequi necesse sit, iisdem locis non foditur. Saxeum in lapicidinis, vel secus: alterum locis bituminosis gignit eadem causa simile. Medium rudimenti loco cogit halitus in oblongam figuram, à qua reliquum exorditur è circuitu pariter concurrens. Quamobrem strigosa materia radiatim disponitur. Coctio verò durior contracta materia rimam agit. Nam & saxeis quid lentitudinis bituminosæ inditum est, & bituminosis tantum alienæ materiæ commistum, ut igne non lentescant veluti succinum, neque pari facilitate urantur. Magnitudinem, quam, ut frequentissimè reperitur, digitis æquavimus, excedunt interdum sesquialtera portione, pedales, etiam, & sesquipedem longæ, summa crassitudine ad quintam longitudinis partem commensa. Quare cū in aciem sæpe procedant,



BELEMNITES

Belemnites à tali genere Germani nominarunt.

Saxeï reperiuntur in Rhæticiis ad *Hochingen* cis Acronium lacum, ad oppidum Helvetiorum *Schafhausen*, & vicinis locis Danubii fontes versùs, ad Halovvam, & *Eschingen*. Ultra Danubium à dextra Niceri fluvii in agris *Geppinges* oppidi. Hac ætate cū Franciscus Rex Galliarum ad Mosellam fluvium castra posuisset, Daſtylorum lapidum copia regium opus celebravit. Nam cū ad Augustam Romanduorum montem nomine Sancto Joanni sacrum muniret, terra ad passus tres effossa incredibilem numerum eorum lapidum exposuit, ut eruendo fossorum labor, tædiique plurimum exigeretur. Fuit ab exercitu primū trepidatione exceptum, neque feliciter interpretatum, quid ostenderent in terra digiti, sive quò spicula converterentur. Sed festinato demum opere perspecta loci natura timorem minuit, cū teneri se Naturæ joco intelligerent. Apud Saxones inveniuntur in mœnibus Hildesheimii, quæ occidentem solem spectant, & Septentriones. Bituminosi ulterius fodiuntur in ripa Lani amnis supra Hanoferam conventus Tulisurgiensis ubi gignitur bitumen. Ad Stetin Pomeryæ metropolim in ripa Viadri sitam, in ripa Vistulæ fluminis juxta Marienburgum Hulmigeriæ, quam vocant Prussiam, & superius prope Kunigsbergum Venedorum.

Exiccant Idæi Daſtyli omnes, præcipuè verò bituminosi, quibus chirurgi Germani maturant vulnera. Utrisque Saxones medici vice lapidis Judaici solvunt calculos. Idem in Hispania fieri dicitur, ubi inveniuntur. Præsumpti coërcent incubum, & somni ludibria, ut Germani credunt, qui *Alpschasz* indè nominant; iidem dant pleuriticis, & fascinum rumpere putant. Uruntur, & pulvisculum vitiatæ equorum oculis inspergunt.

N n

N o-

Franciscus Galliarum Rex.

Belemnites pro portento habiti.

Vires.



## N O T Æ.

Belemnites dicitur à *Βελέμνιον* *sagitta*, dactylus autem à digito, qui Græce *δακτυλός* appellatur.

[a] *Historia naturale*.  
[b] *In Historia lapidum figuratorum*.

Varia reperiuntur Belemnitarum species, ut videre licet apud Gesnerum, Boetium, Aldrovandum, VVormium, Langium, aliosque. Quoad ipsorum generationem Imperatus [a], ac post ipsum Langius [b] existimat Belemnitas, Stalactitarum instar ex aquæ lapidescentis ac per saxorum rimas fluentis, stillicidio concrefcere: quod partium textura, cum stillatitiis hujusmodi lapidibus conveniant: nimirum compinguntur fibris lapideis, quæ à centro tanquam radiis ad superficiem tendunt, quemadmodum etiam observatur, in Stalactitis: sed verisimilior videtur Luidii sententia, qui censet Belemnitas coagmentari ex liquore lapideo in Marinis tubulis, penicillis, aliisque similibus testaceis concreto, eorumque figuram induente præterquam quod enim Belemnitarum forma ad tubulos hosce admodum accedit, sæpius repertos esse eosdem tubulos asserit Belemnitas continentes. Præterea Belemnitæ nonnunquam occurrunt, qui in interna superficie membranacea quadam testa obducuntur.


Nihil autem repugnat humorem, ex quo Belemnitæ concrefcunt, æquè atque si per saxorum interstitia manaret, intra dictos tubulos fibris radiatim dispositis ferruminari: quamobrem nihil prohibet eos inter Stalactitas recensere.

## L O C U L O XXVI.

## PENTEXOCHÉ MINOR, SIVE MESPILEUS.

## C A P. XXXI.

PENTEXOCHÉ magnitudinem, & colorem habet mespili, quam idcirco Mespileum nominarunt. E situ plano confurgit in gibbum tenuiorem hemicyclo, à cujus vertice decurrunt folia quina per ambitum æquidistantia, striis pinnata, specie Phasianæ plumæ. Horum extremitates videntur quoque Zonulis copulari, quæ in planitiem perductæ colligantur ad medium callum, sæpe minùs conspicuæ. Planities interdum oblonga, vel una pars longius pro-



MESPILEVS LAPIS

tenditur, ad cujus normam surgit gibbus. In multis quid ab uno latere disruptum quasi morfu expressum videtur. Durities eadem, quæ brontia, color ferrugineus inest aliquando dilutior. Poloni qui Pentexochen nobis Romam attulerunt, ad ripas amnium, & torrentium, qui Vistulam flumen augent inveniri dicebant. Quidam habuerunt ex Aquilonari Britannia regione, quæ Scotia vocatur.

## N O T Æ.

Pentexoché hujusmodi lapis ab Auctore dicitur, quod quinque prominentiis distinguatur, *πέντε* enim *quinque* & *ἐξοχή* *prominentia* vocatur. Est verò Pentexoché Echini marini genus, quod adjacentium corporum mole compressum à rotunda forma nonnihil declinavit, ac etiam aliqua sui parte multatum fuit priusquam in lapidem concrefceret, ut ex ipsius icone apparet.

[a] *Musco di Fiscia*.

Hic lapis ille est, cujus descriptionem se vidisse refert Bocconus [a] ubi nostri Auctoris Metallothecam laudat.



ALII LAPIDES FRUCTIBUS  
ARBORUM SIMILES.

C A P. XXXII.

**N**ULLA lapidibus est digna formæ consideratio, nullum peculiare genus eis, qui fructus arborum figura præferunt, quam imitari multæ non sit operæ. Tales enim sorte fiunt, materia, quæ lapidescit, iis terminis se exhibente. Atque eo similiores sunt, si color conveniat. Sic reperiuntur silices figura mali, pyri, cucurbitæ. Per agros etiam è molliori lapide. Nuper lapillum ad nos detulerunt, quem inventor castaneam existimabat corticibus exutam, ita delusit illum comparabilis figura, color palearis, expressæ striæ, atque insuper in dentium ferè iudicium adduxerant foramina, quæ videbantur vermiculis exesa. Gignuntur aliis lapidibus inclusi, saxisque, cum materia comprehensa pari progressu non lapidescit, quæ si durescens fiat minor cavo, partes introducentes varietatem in superficie sulcatam efficiunt. Quosdam perfracto silice nucis amygdalinæ speciem reperisse audivimus: & juglandem hoc, vel altero modo natam vidimus: sed miramur magis eandem aureis triginta venundatam, in quo licitator risu dignus, venditor etiam poena censendus erat. Cum ostenderetur, ad puerorum fundam lapidem commodum dicebamus. Pauci cernunt, quid in rerum natura observandum sit, cum oculis non semper pateat, acie mentis investigandum. Postremò condensantur in aquis lapides similes aliquando figuras adepti, quod nemo fortuitò fieri nescit. Singulorum itaque genus è materia existimabitur.

N O T Æ.

Lapides fructuum formam habentes occurrunt apud Aldrovandum, veluti cucurbites, castaneæ formæ &c. ac Langium. Hi autem licet plerunque ex materia lapidea fortuitò gignantur, nonnunquam tamen coalescunt ex ipsismet fructibus in lapidem conversis, præsertim cum dictorum fructuum figuram adamussim referunt: ea enim quæ casu nascuntur, non exactam exprimunt corporum speciem, quibus assimilantur.




## L O C U L O XXVII.

## PISOLITHI , ET EORUM TEGUMENTA.

C A P. XXXIII.

**I**N Pisolithis verò admirabile Natura studium posuit, majus etiam quàm in mali Punici multiplici contextu intus conspicimus. Cùm enim multos simul compegerit, loculos, & tegumenta sua singulis attribuit, ut ab invicem



PISOLITHI

separentur, atque omnes simul communi involucro contextit. Totius igitur compaginis fragmentum similitudine favi loculatum calculos claudit, singulos suo



## Lapides ΙΔΙΟΜΟΡΦΟΙ. 285

fuo sub tecto liberos pifis fimiles , nitidos, colore flavescentes ex candido interdum rufos . Tegumenta mollioris materiae, ut videtur gypsea, magnam habent tenuitatem, candida extra loculos etiam nitent .

Gignuntur in ea Hetruriae regione, quam Comitatum S. Florae nominant. Ex Noricis, qui ultra Danubium incolunt, misit Anastasius Quaestor Medicus Norimbergensis, quem ut civitatis suae principem scientia Medicinae, ita foris humanitas singularis conjuncta clarum aequè, atque carum traducit .


N O T A E.

Pisolithi nomen compositum est ex *πίον* *písum* legumen, & *λίθος* *lapis*. Vide Boetium, Aldrovandum, Vormium, & alios.

## L O C U L O XXVIII. POECILOSPERMOS, SITOPHOROS, Cenchrites, Meconites.

C A P. XXXIV.

SEMINA diversi generis in marmorea duritie spargit lapis (Ι) *ποικιλόσπερος* dura non minùs illa, sed à continente tanquam inserta distinguuntur . Quare politis non est gratia, neque secari lapis, quàm disrumpi debet, ut semina emineant ad ostentationem . Unus qui primo loco pingitur, confertus filiquis agrestis Cumini corniculatis, interponit alias in gyros convolutas, quales sunt




LAPIS ΠΟΙΚΙΛΟΣΠΕΡΜΟΣ.

Medicæ: nonnullas bifidas specie Colutæ, rimam agentes, per quam semina minuta ostenduntur . Alterum apponimus fragmento librarum quindecim, quem Romæ oblatum auro redemimus . Neutrius enim resciri potuit regio, unde adveheretur .

Huic



Huic sunt ferulacei generis semina, foeniculi, anethi, multaque minuta, quædam tritici, aliqua in spiras collecta, qualia diximus, Medicæ adjectis insu-



*ποικιλόσπερμος ἄλιος*

per surculis, cauliumque sarmentis . Duritie à priori nihil distat, non colore, quem uterque flavescentem obfuscet .

Lapidem ager Veronensis profert durum, rubentemque, totum granis tritici constitum, ut videatur in eo necessitas vitæ nostræ ludibrium Naturæ debuisse .

*Plinius lib. 37. cap.  
10. & 11.*

(2) Cenchrites eodem modo milii granis spargitur, & (3) Meconites papavere quod colore dignoscitur .

(4) Multos, qui semina plantarum credunt in massam subjectam delapsa in lapidem una transiisse, ut opinionem convellant, admonet varietas seminum, & copia tam exiguo loco congesta, quæ neque fors cogat, neque prudens quispiam lecta sic deponat .



(1) Pœcilospermus nomen invenit à seminum varietate: ποικίλος enim *varius*, & σπέρμα *semen* significat. Simillima huius lapidis icon habetur apud Imperatum nomine, *Pietra naturalmente scolpita in figure di frumento, e semi di legumi*.

(2) Cenchrites nomen traxit à κένχρις *milium*.

(3) Meconites à μέκων *papaver*.

(4) Non est autem improbabile Pœcilospermum concrevisse, ex variorum seminum congerie à liquore lapidescente obruta, atque in lapidem conversa. Non enim videmus, cur dicta semina fortuito non potuerint, vel ventorum vi unà cogi ac volutari, vel ab aquarum fluxu abrepta simul congregari ac permisceri, ac convoluta, ac permista in arido deponi, aut relinqui.

## L O C U L O XXIX.

## CONCHITES PAUSANIÆ.

## C A P. XXXV.

**A**D lapides Conchites cum natura progredimur, quorum tanta reperitur varietas, ut nulla mari species relicta videatur. Similitudo verò, quam cum marinis conchis obtinent, plerunque sola materiæ diversitate discernitur. Quamobrem oscitantes, qui Naturæ detrahunt, marinas volunt esse conchas, diluvii reliquias demonstrantes. (1) Quo in errore Veteres quidam versati sunt, & multi adhuc Recentiores, fama omnes compulsi, quæ viget etiam nunc in ore vulgi Dionysius in Thessaliæ montibus specus ostrea, servare scribit, indicia terræ mari vastatæ, quod ex eo Solinus quoque recitat. Nos diluvium scimus orbem terræ universum perdidisse, quo restituto si velint conchylia relicta ad nos pervenisse, non uno, non hoc loco residua ostendantur. Similiter in regionibus, quas mare privatim irrupit, ubicunque dejecta inveniantur. Non in solas Thessaliæ rupes ostrea diluvium Ogygium invexerit, quod annos circiter M D. fuit ante Romam conditam: neque Deucalionem quod posterius contigit. Quinimmo regionibus Conchites gignuntur, quas à mari occupatas fuisse nulla memoria prodidit: & in iis, quas à fluctuum incursum liberas distantia, & munitio loci promittunt, ut in Germania Silesia, Lusatia regione Saxonum interiori, & Chattrorum tractu. Quæ omnia si fidem non facerent, nolit tamen prudens Natura studiosum sui frustrari, ac suspensum animo contemnere. Quandoquidem signa expressit, quibus certior fieret de terrestri Conchitum origine. Nam quæ testis marinis simillimos finxerat, miscuit certa varietate distinctos, ut qui iudicaret unius operæ cunctos, disceret pariter è varietate, quod in mari concessum erat in terra Naturæ licuisse. Hoc (2) Dioscoridem non fugit, cum lapidem Ostraciten descripserit, Galenum & viros magni nominis. Hactenus autem Conchitem nominavimus quencunque lapidem testaceis marinis similem, quibus concharum nomen commune datur. Et quoniam species concharum diversas, in unum lapidem impegerit Natura, deinceps eum Conchitem vocabimus; cæteris qui separatim proveniunt generis sui acceperunt, suis nominibus appellabimus, Ostraciten, Creniten, Porphyroidem, & illum, cui proprium conchæ nomen debetur, ad discrimen, Conchitem lævem nuncupare convenit.

Conchitem Pausanias scribit lapidem molliissimum insigni candore marinis conchis interpellatum, apud solos Megarenenses è Græcis omnibus cædi, & Caris Phoronei monumentum, cum initio terræ tantum ager esset, ex oraculo Conchite lapide decoratum fuisse, multaue ex eo Megaræ opera extare. Sic esto de Græcia. Per alias Europæ regiones nos Conchitis varietatem dicemus. Vertex eminentissimus ex Sylæ monte Brutiis imminens calvescit lapide Conchite, qualis Megarensis perhibetur. Similis in Gallia juxta Lutetiam. In Vaticano monte effossus albedinem paulum remittit. Item ille interdum, qui

*De situ Orbis.*

*Polybist. cap. 4.*


Conchitas non esse  
marinas testas.

*Libro 1.*

*Locus.*



qui ad Senam Ætruriæ cæditur . Lygii in Germania , quorum regio Lusatia, nunc vocatur, durum cædunt, colore cinereum , conchis in corpore candicantibus ejusdem duritie. Iidem saxo arenario similem locis campestribus eruunt. Verum non apud Megarenses solos conchites reperitur, si Græciæ Thessaliam annumeramus, in qua gigni tradunt, & in montibus Macedoniæ . Conchæ ,



LAPIS IN QVO CONCHAE TERRESTRES  
INNASCUNTUR

quæ insunt corpori, aliis locis commiscet genus, pectines, cochleæ, turbines, & reliquæ indistincta varietate ; aliis, unum ferè genus lapidem possidet, vel Conchæ striatæ, vel cochleæ, & similes : atque hæc in iisdem lapidicinis sæpe contingunt . Accidit etiam quanvis rarò, ut conchæ pariter cum lapide continenti tegantur flammeo, vel livore metallico, quæ armaturas Germani nuncupant .



N O T Æ.

(1) Conchitæ, qui in sequentibus capitibus subjiuntur, sunt re vera conchyliorum, aut cochlearum, testæ in lapidem conversæ, ut satis demonstratum est capite secundo hujus Armarii: ubi etiam hujusmodi argumenta diluuntur.

(2) Non videmus quid Dioscoridis, & Galeni testimonium conferat in Mercati sententiam: Non enim quia prædicti Auctores Ostracitem, lapidem appellarunt, argui posse videtur, eosdem, censuisse, Ostracitem, aliaque, conchyliorum testas lapideas, quarum icones hic apponuntur meros ac veros lapides genitos ab initio fuisse, ac naturæ sponte in hujusmodi figuras coaluisse nullo typi adminiculo. I. enim non constat an Dioscorides, (ac multo non minus Galenus, qui nulla descriptione apposita nomen tantum ac vires lapidis recenset) Ostracitem, eundem lapidem esse crediderit ac eum qui hic describitur, ut suo loco probatur. II. quid prohibet corpora in lapidem conversa, inter lapides recensere?

Lapidea verò hæc testacea innumera occurrunt apud Museorum descriptores, ac præsertim apud recentiores Bonannum [a], Listerum [b], Langium [c] &c.

[a] *Recreatio mentis & oculi.*

[b] *De Cochleis.*

[c] *Historia lapidum figuratorum.*






LOCULO XXX.  
CONCHITES LÆVIS.

C A P. XXXVI.

CONCHITES lævis illam refert testam, quam speciatim Concham nominavimus, grandem videlicet, & nulla obstitam asperitate ; Cujus quot in-



mari differentia, totidem in lapide observantur magnitudinis, & figura; coloris multo plures. Superficies palmum quadratum patet, multis amplior, in qui-



# Lapides ΙΔΙΟΜΟΡΦΟΙ. 291

quibusdam latitudo, in quibusdam longitudo superat; aliis glebosa figura, aliis utrinque subsidet, nonnullis alterutrinque pressior. Et capitula varietatem afferunt, quæ recta sunt, æqualiter committuntur: cum prominent alterum alteri subditur; adunca ex adverso distant, nam testæ sinum protendentes committuntur; quædam in alterum latus conversa scapulas reducunt, ut faciunt aliqua lithostrea ex Chamarum genere. Testæ sunt planè læves, vel tenui striatura distinctæ. A capitulis striatura procedens discurret ad marginem, vel per scapulas transversa undulatim ducitur, vel utroque modo cancellata redditur. In margine ad signum commissuræ diversa testarum crassities cognoscitur. Verùm Conchites plerunque solidus est, cujus medium tum continua duritie, tum mollius reperitur. Communis color ejus albus, cinereus, flavescit rariùs, fulvus etiam, & glaucus habetur. In mœnibus Hildesheimii utroque fulgore metallico tingitur. Est Miniatum oppidum, & ocellus Etruriæ, in quo Longobardi summum tribunal statuerunt, quod ipsi altum discum nuncupabant; in agris, inquam, illius oppidi, Conchitum non modò lævium, verùm etiam conchyliorum cujusque generis incredibilis est copia, ex qua Petrus Mercatus Pater, cum Romæ ageremus, selectos transmisit.

Descriptio.

Color.

Locus.

Miniatum quomodo à Longobardis vocatum.






Petrus Mercatus Auctoris pater.



LOCULO XXXI.  
CONCHITES LUNATUS.

C A P. XXXVII.

UNICAM testam Conchites Lunatus habet, cujus latitudinem corrigens, oramque sub capitello colligens, in figuram lunatam se curvat. Ad modum, quo latitudinem contrahit, rugæ per transversum inde orientes sub capi-



CONCHITES LUNATUS

tellum conveniunt. Cavum ab anteriori parte oblongum, exiguum & ferè nullum est, ut videatur omnino speciem marinam variare Naturam voluisse. Durities filicea, & color corneus est. Vidimus in hoc genere binos à latere coaluisse ad speciem unius testæ, sicut in tabella pictura sistit ambos. Erat arctissima junctura, & latus, quo jungebantur, mutuum premebant, idque cavum ante-



*Lapides* ΙΔΙΟΜΟΡΦΟΙ. 293


antèriùs alioquin commune dividebat : alterum latus in angulum rectum exerebant. Quare neque rugosi, neque ita curvi videbantur. Tingitur hoc genus, & metallico livore, Norimbergâ ad nos allatum.

L O C U L O XXXII.  
O S T R A C I T E S.

C A P. XXXVIII.

**S**PECIEM ostreorum adepto, & nomen Ostraciti cessit. Dividitur in testas binas, crassas, in curvam elenchi figuram depressas exteriori asperitate

*Plinius lib. 37. c. 10.*  
*Isidorus lib. 16. c. 14.*



O S T R A C I T E S

horrentes. Materia in crustas fissilis nitescit candida, cinerea, rufa.

Oritur in agris Hetruriæ, præcipuè in vicinio Urbis Senæ, & oppidi Miniati,



*Gab. Fallopius de  
Metallis cap. 9.*

*Opinio de Ostraci-  
tis generatione.*

*Plinius lib. 36. c. 19.*

*Dioscorides lib. 5.  
cap. 122.*

*Galenus de Simp.  
med. lib. 9.*

niati, ubi pro disco habent Ostracitem pueri, quoties eo lusus genere animum laxare juvat. Juxta Alabastrum Volaterranum mons eminens operitur totus Ostracite, de cujus origine quidam sic tradunt; halitum siccaneum cavernis clusum gyris torqueri, ut materia Ostrea figura disponatur, quemadmodum fit rota figuli. Sit ita: Unus halitus, unus gyri tractus, ex quo non multi, sed unus confletur ingens Ostracites. Verum & cavernas dicunt, quæ non sunt, & turbinem inducunt, quem Æolus nesciat. In Germania reperitur in mœnibus Hildesheimii Urbis Saxonum, & juxta marmor propinquum, qui colore rubet.

Ostracitis desiccandi vis efficax habetur, acritatem cum astrictione miscens. In vino potus drachmæ pondere menses retinet. Illitus melle, sedat æstuationes uberum, & ulcera, quæ grassantur, compescit. Usu pumicis, & crinibus evellendis foeminas coluisse Dioscorides tradit.

### N O T Æ.

*An Ostracites Dio-  
scoridis idem sit ac  
recentiorum.*

*Plinii Ostracitis  
quid.*

*Plinius injuria à  
Gesnero reprehens-  
sus.*

Ostracitem ita describit Dioscorides: Λίθος ὀστρακίτης ὁμοίως ἐστὶν ὀστράκῳ, πλακῶδες καὶ εὐχρησ-  
*Lapis Ostracites testa similis est, crustosus, & scissilis.* Ex quibus non satis liquet, an Ostracite no-  
mine idem ac Agricola, aliique recentiores intellexerit, ostrei nimirum testam in lapidem conver-  
sam: nihil enim memorat de ipsius figura, qua ad ostrei similitudinem accedat, sed tantummodo  
internam materia structuram breviter attingit, quam crustosam ac scissilem esse dicit: quapropter  
lapidem significasse videtur, qui non figura, sed crustacea & scissili materia, testam exprimeret.  
Præterquam quod vocabulum ὀστρακίτης apud Græcos ambiguum est; modò enim pro testa figlina,  
modò pro testa conchyliorum usurpatur: Unde incertum etiam relinquitur, utram significationem  
habeat hoc loco.

De Ostracite sic habet Plinius: *Ostracitas seu ostracites est testacea durior: altera Achata similis, nisi  
quod Achates politura pinguescit; duriori tanta inest vis, ut alie gemme scalpantur fragmentis ejus.*  
*Ostraciti ostrea nomen, & similitudinem dedere.* Quæ quidem descriptio Ostracite Dioscoridis con-  
gruere non videtur; multò autem minùs Mercati, aliorumque recentiorum: utraque enim ostraci-  
tas gemmas fuisse manifestè apparet, quarum una achata admodum similis, altera duritie insignis.  
Injuria autem reprehendit Plinium Gesnerus, scribentem: *Ostraciti ostrea nomen, & similitudinem  
dedere.* In quibus ὀστρακίτης pro ostreo accepisse insinuat: ostracitin enim ab ὀστρακίτης dictam vult, non  
ab ostreis: atque ostracon testam tantummodo figlinam significare. Sed quantum Vir eruditissimus  
fallatur, nemo vel mediocriter in Græcis literis versatus, non videt. Nam Plinii verba tantum-  
abest, ut imperitiæ redargui debere judicemus, ut nec elegantius, nec dilucidius rem declarari  
potuisse arbitremur. ὀστρακίτης enim ut dictum est tum testam scissilem, tum ostreorum significat.  
Hinc cum Ostracitis gemma appellata fuerit ἀπὸ τοῦ ὀστράκου, nimirum testa conchyliorum, seu ostrei,  
cujus similitudinem habet, rectè atque eleganter Plinius ab ostreis nomen traxisse dixit synecdo-  
che usus, ostreum nimirum, quod totum animal significat, pro ipsius testa accipiens: Quod si testam  
pro ostreo reposuisset: tum obscurum reliquisset, num de scissili, an ostreorum loqueretur, tum  
etiam etymologiæ rationem Latino verbo ab ostraciti omnino diverso non expressisset. Neque  
ostraci nomen adhibendum fuit, quod præterquam quod fuisset ambiguum, in Latino sermone usita-  
tum non est: Ostrea autem ex adverso, & Latinum verbum est, & nulla ambiguitate laborat, &  
soni similitudine nominis notionem ostendit: Hinc etiam nonnulli Ostracitin, qui testæ ostrei si-  
milis est, Ostracitin potius appellandam censent, seu λίθος ὀστρακίτης à λίθος lapis, & ὀστρακίτης ostracum.





L O C U L O XXXIII.

PHLOGINOS, SIVE CHRYSITES.

C A P. XXXIX.

**P**HLOGINOS Atticæ similis ostreae, brevior nempe, planior, rotundiorque Chrysites à pallido colore nuncupatur, quem si tenui rubedini accedat, Phloginus dicitur. Superficies ejus ad speciem ostreae rugosa, cæteroquin lævis, non sicut Ostracites in crustas decedit, neque testæ faciliè diducuntur, quod Solidus majori ex parte nascatur. Chrysitem nominari quidam opinati sunt, quoniam flammeo metallico splenderet, idque contingere non negaverim, aliter tamen ipsius proventu docemur.

Descriptio.

G. Agricola lib. 5. de nat. foss.



ὄστρακίτης

Auctor Plinius in Ægypto Phloginum reperiri, quem nobis Vaticanus Mons dedit. Multus in Germania Tulisfurgiensis ad urbem Hanoferam solo pingui ac lurido jacet. Illitus senium facere scribitur in compendio medicinarum simplicium, quod Galeno adjectum est.

Lib. 37. cap. 10.

Locus.  
Vires.

C E R A M I T E S.

C A P. XXXX.

**N**ON alium lapidem Ceramitem esse, quàm Ostracitem Recentiores judicant; *Ceramites*, inquit, Plinius *testæ colorem habet*. Ostracitem percussum, ut notavit in Dioscoridem Valerius Cordus, sonum fictilium repræsentare dicunt: quod notis Ceramitis nec addit quicquam, nec adimit. Judicium versatur in nominatione testæ, (1)num velit Plinius quam aquatiliam testam dicimus, an figlinam. Existimo figlinam: concharum enim singularis non est color. Huc adducunt me opiniones aliquorum ex auctoribus novis, cum nulli seculo portenta ingeniorum defuisse credam. Isti arbitrantur fictilia, quæ fodiuntur, vel locis relictis conferta jacent, non arte, sed vi Naturæ confata. Hæc inter veteres si fuerunt in eadem opinione, Ceramites nominarunt. Jam verò penitus hæsit opinio, quam scriptis explicare non sunt veriti. Romæ inter Ostiensem, & ripam Tiberis, acervum magis, quàm collem à fragmentis figlinis Testaceum vocant, quem sic enatum scribunt historiæ parum consulti. Nos in iis testis nomina figulorum exarata legimus. Erat à Numa rege collegium figulorum institutum, quod prolatis urbis pomœriis ultimam fluminis ripam obtinuit, ut luto convehendo, vasisque distrahendis esset ara commodior. Verùm nè fragmentis testarum exitus fluminis obstrueretur, in unum locum fracta comportare jubebatur. Indè postea suppeditabat ad opus signinum, quod

Agricola lib. 5. de nat. foss.  
Lib. 37. cap. 10.

Collis Testacei, qui Romæ visitur, origo.



Vasa fictilia quæ in Germania effodiuntur.

Urnæ sepulchrales in Italia frequentes.

Ædis Lateranensis porticus à Sixto V. Pont. auctus.

Diotarum descriptio.

quod testis tufis addita calce conficiebatur. Apud Germaniæ populos Sorabos, Saxones interiores Lygios, vasa fictilia in agris, in montibus, fodi tradunt integra, quæ vulgus nasci credit. Georgius Agricola Veteres scribit solitos iis vasis humare cineres: Nam quæ obturata reperiabantur, cineres continere visum fuisse, mistos carbonibus, additis etiam annulis. In Italia quàm multæ fodiantur urnæ nolim dicere, cùm nusquam maiorem constet habitam curam, sepulturæ. Ædem Lateranensem, urbis sicut orbis primariam, structuris juxta porticum Sixtus V. Pont. Max. auxit. Ad cuius operis fundamenta lateres decutiebantur è ruinis ædificiorum, mediis inter ostium ædis dextrum, & Aqueductum Claudium: Quo in loco vidimus erui diotas quadragenas è cella veterum, quam ruinæ occultaverant. Diotarum forma, ut antiquitatis studiosos delectet, in elenchum tumet, collo tenui, à quo ansæ religantur ex adverso ad elenchum binæ, ima parte in pinnam longam attenuata, quæ in terram defigebatur. Sub ansis nomina figulorum ternis literis notabantur. Qui diceret has, Naturæ artem æmulantis opera, non secus faciat, ac qui meridie diem neget. Verùm nihil moderatum pleraque sequuntur hominum ingenia. Nam ut quidam Naturæ studio, quæ nunquam instituit, Naturam finxisse jactant: sic alios nolle diximus, quæ finxit, ejus opera fateri.

### N O T Æ.


(\*) Ceramites appellata est à *κεραμὶς* testa figlina. Itaque nihil dubium quin testæ nomen, hoc loco apud Plinium, accipiendum sit de testa fictili, non autem conchyliorum aut ostreorum, inquit enim: *Ceramites testæ colorem habet*: Quare ex iis quæ retulimus cap. 37. hujus Armarii conjici facile potest, aliam fuisse ostracitem ac Ceramitem apud dictum Auctorem. An autem Plinii Ceramites eadem sit ac Ostracites Dioscoridis, non satis liquet: Ostracites enim, ut eodem loco diximus, vocabulum est ambiguum; Neque ex descriptionibus adeò brevibus aliquid certi erui potest.



CONCHITES STRIATUS, ET CTENITES.

C A P. XXXXI.

STRIÆ pectinatae κτεῖν conchæ nomen exhibuerunt, cui simillimus lapis Ctenites dicitur. In hoc genere quidam alati sunt, quidam alis carent.



CTENITES

Aloysius Gouier sculp.

Hos Conchites Striatos, illos Ctenites appellare malint, qui hoc discrimen concharum faciunt. Sunt etiam Ctenitibus tumidiores Conchites, bis plerun-

Pp

que



## Descriptio.

Matthæus Contarellus Cardinalis laudatur.

## Locus.

que testis, illi singulis ferè reperti. Multum utrique à se magnitudine differunt. Conchites striati raras per capitula liras trahunt. Distinguuntur uti Conchites læves, capitulis pariter junctis, distantibus, imparibusque. In grandibus alia etiamnum varietas. Unum appingimus liris latis, & acclivis, in sinistrum latus devexis, distinctione per transversum gradatim imbricata. Ctenites autem liras habent humiles, quæ grandibus planæ sunt, & striis tenuibus secundum longitudinem aratæ. Accepimus, ut in tabula pingitur, cui averso pectunculus erat impactus, tamquam eo terrestrem Natura assereret. Cum verò plerisque sint testæ singulæ, duplicem dedit Matthæus Contarellus Cardinalis S. Stephani, vir summa vitæ integritate, & sanctimonia; Nec silentio transmittendum est, ad terrenam originem demonstrandam, testas, quæ natura planiores sunt in Saxoniæ lapidicinis propinquis Hildesheimio reperiri glomeratas, ut tenui ore relicto proponant imaginem specus. Cætera Ctenites cum iis, qui Conchites striati dicuntur, communia nati sunt; duritiem siliiceam, quam aliqui ad cretaceam mollitiem remittunt: colorem cinereum, deinde pallidum, suavum, glaucum.

Apud Saxones reperiri diximus, verum etiam in Monte Mario, qui Vaticanum obsidet ante Romam, in agro Senensi, & Miniatensi. In Saxonia fulgore ferreo decoratur.



Haec Conchites striati, illæ Ctenites æquellæ majore, qui hoc dixerunt  
conchium faciunt. Sicut etiam Ctenitis tumidioribus Conchitis hæc planior  
des



PORPHIROIDES, ET MURICITES.

C A P. XXXXII.

**S**PECIES Purpurarum, quæ demonstrantur, nunquam Curiam Romanam depinxerunt, non insignia surgentis ad majestatem pueritiæ prætule-



PORPHYROIDES

*Aloysius Gouvier sculp.*

runt, nunquam lanas nobilitarunt. Qui secus æstimat, illum Natura elusit. Lapides enim sunt, atque originem ducunt è fotu terræ. Quodque admira-



## Descriptio.

tionem habet, Hetruria copiam horum effert, cujus littus lanæ fucō minimè claruit. Porphyroides igitur, non purpuræ vocantur, lapides similitudine testæ indiscreta. Supra cavum orbes in turbinem convolvunt, singulos aculeis septenis clavatos, costasque, quibus aculei insistant, juxta rostrum quod à cavo cuniculatim procedit, constringunt; transmissa per orbes imbricata, distinctione, quæ non in omnibus cernitur: colore albido, vel cinereo. Ad eandem speciem contendunt Muricites, quemadmodum in mari ad gloriam purpurarum aspirant murices, verum tam nobili succo cassis, figura variè degenerat, ut in Muricibus satis est ostendere. Sunt Porphyroidum similes, aculeis non instructi, nisi orbis infimi costæ paulum protuberent: alii Porphyroides excedunt aculeorum frequentia, quos crassior testa crispatis incisa, ex omni parte acuit, tamen per orbes septeni supereminet. Huc respiciens, horribiles scopulos Poeta murices dixit. Alii Muricites, quæ privatim conchylia nuncupant, volutis sequuntur. Nam cum grandes in hoc genere sint, volutas cochleæ modo includunt aliquantum prominentes, margine extenso, ut angustum relinquatur subeundi spatium: in extrema voluta, & sequenti bullis, clavisque aduncis ordinatè surgentibus. Exemplum Muricium terna, binique Porphyroides una tabella delineantur. Duritiem filiceam pariter habent, & colorem prius dictum.

## Muricites.

## Locus.

In Saxonia reperiuntur in mœnibus urbis Hildesheimi, in Hetruria trans Arnum fluvium ad Castrum Cerretum.



BUCCINUM LAPIDEUM, ET STROBILODES.

C A P. XXXXIII.

**C**ONCHARUM ad purpuram tingendam duo genera traduntur, quibus totidem lapidum affimilantur. Unum antecedit, alterum sequitur Buccinum lapideum, cui eadem, quæ conchæ, causa nominis redditur. Orbes quatuordecim, vel pauciores in mucronem deducit ore ad marginem relicto nullis aculeis, distinctione striarum obliqua secundum orbes vergente, colore candido, cinereo, fusco. Differt ab hoc minus Buccinum magis tumidum, vel distinctione punctim, ac reticulatim orbes transcendente.

Buccini descriptio.



BUCCINVM LAPIDEVM

Foditur in agro Miniatensi è terra tofacea simul cum Strobilode, qui medi-  
us inter Buccina tabellæ additur, qualem adhuc inter marina non vidimus.  
Conum in septem angulos exasperat, gyroque zona bullata circumligat, ut  
foris eorum volutatio non appareat, striis interea undulatim crispatis, colore  
furvo, quem intus ad corneum diluit.

Locus.

D E N T A L E.

C A P. XXXXIV.

**D**ENTALE lapis diversus à Buccino, quanquam hoc depicturi in concha-  
rum genere, speciem illius nonnulli ostenderunt; quibus errorem  
objecit forma buccinæ, cum ars faciliorem convertit, quam à concha simili-  
tudinem duxerat. Buccinum orbibus devolvitur, os ad marginem exponens.  
Dentale simplici tractu decrescit, parum se curvans, medio tubulatum: unde  
nomen Pharmacothecæ dederunt, ad dentes belluarum oblongos similitudi-  
nem referentes, sive ad cornicula: nam Massiliensibus *Cornets* vocantur. Ve-  
rùm illi marinum nominant, nos terrestre genus dicimus, cujus est præcipua  
differentia magnitudinis. Majus sulcatur ad speciem columellæ striatæ digiti  
longitudine, superiori acumine truncum, (nanque vix integrum reperitur)  
colo-

Gualtherus H. Ryff.  
in Dioscorid. l. 2. c. 1.


Descriptio.

Etymologia.

Differentia.



colore candidum, vel cinereum. Minus aciem perficit, tenuibus striis eodem ductis, quæ in recurvis non fiunt continuæ, ac quædam cornicula iis carent. Conspiciuntur & radiculæ quorundam tanquam eis fuerint aliquando defixa.



DENTALE

Nitet, & præter majoris colorem nigrescunt aliqua, vel rufescunt.

Locus.

Utrunque foditur in Hetruria ad S. Quiricum oppidum agri Senensis, vocantque *Entale* priori litera in ore vulgi attrita. Utuntur ad dentifricia, & quidam unguento citrio commiscent.

## N O T Æ.

[a] Vana speculazione disingannata dal senso.

Dentale vulgatissimum est apud omnes ferme Museorum conditores ac Pharmacopœos: Est verò tubulorum marinarum testa in lapidem conversa. Vide super hac re Augustinum Scillam. [a]


L O-



L O C U L O XXXVIII.  
STROMBITES, ET NERITES.

C A P. XXXV.

**N**UMERATUR in conchis turbinatis Strombus, cujus nomen ob figuram testæ affimilatam, lapis Strombites meruit, solidus atque inhospitalis, adeo volutas arctè in se convolvit, quas imitatur. Easdem modò in planitiem



STROMBITES

æquat, modò super invicem paululùm attollit, margine testæ complicatâ, quæ  
semper pars inferior turbinat. Lævis est, vel tenuibus Striis distinctionem  
cancel-



Nerites.

Locus.

cancellatim decussat, mollis, albus, vel subfuscus. In Miniateni agro invenitur. Durior est Nerites, intus vacuus, Buccini similitudine orbibus insurgens, verum lævis, lentius in mucronem properans, sæpe turgidior, ore latiori, nonnunquam orbibus laxiùs defluentibus. Profert hunc in conspectu Romæ planities Marii Montis, colore cinereum, & flavescentem, inventu rarum.


## L O C U L O XXXIX.

## COCHLEA LAPIDEA.

C A P. XXXXVI.

Descriptio.

Quod si Natura non uno, perpetuoque domicilio cochleas addixisset: quæ in suo minùs commodè agitantur, è testis quæ demonstrantur, quæsiscent aliquas, in quas opportuniùs commigrassent. Quid enim lapideas refugiant firmiores? Sed rursus odiosi desinant esse rerum isti novatores, qui ut Praxitelis, vel Phidiæ statuas ex hominibus astruant in lapides transisse, jamdudum argumenta quæritant. Horum verò lapidum sunt, qui aquatiles cochleas, & qui terrenas æquant similitudine, simul utrique reperti. Aquatilium varietatem sequuntur spiris anguium modo in se collectis, ut non ascendatur intus per cochlidium, sed vacuum tortile circunducat ad medium.



COCHLEA LAPIDEA

Locus.

Hanc figuram in marinis cochleis vocant planam. Mediis volutis insurgunt, qui terrestres imitantur, magis qui fluviatiles, & festinant in turbinem exemplo marinarum. Durities æquè varia, usque ad siliceam intenditur: color albidus in cinereum abit, vel fuscior, aliquando rufescit. A Cochleis crassitie testæ diversi sunt, vel Pomatiis Ligurinis similes. Et quanquam omnes æquali superficie vidimus, tamen inter planos dicuntur quidam ad curvaturam rugas ordinare, fimbriamque per summum dorsum in spiras ducere, ac eodem, aliosque fulgore metallico nitescere. Effodiuntur omne genus in agro Veronensi.

L O.



SUNT Myaces, quæ tenuissimas habent testas, conchæ maximæ, bifores, lata, ac læves: Myes iis minores, quas mitulos Latini dixerunt minimæ verò Myscæ vocantur à Plauto, atque Cornelio Celso musculi, ad rotunditatem vergentes. Hæc de forma, & magnitudine nobis ita constant. Verum præcipui auctores myum nomine Myaces quoque comprehenderunt, tanquam ex eodem genere. Plinius mitulos à Myacibus degenerare scribit. Sint nomina pro sententia cuiusque; nobis enim satis est indicasse, quò planius fieret institutum, videlicet forma mitulorum lapides inveniri Myites, atque alios similitudine musculorum Myscites dictos. Agricola Myites in Saxonia scribit erui è mœnibus Hildesheimi, quæ Urbem ad Septentriones muniunt, colore penè flavos, vel fuscus. Hujusmodi ad nos Romam deferre, cum imperatum esset, soli Myscites allati sunt, quorum tabella præponitur. Speciem habent parvæ conchæ, biforis, rotundiunculæ, lævis, capitulis sibi alteris subditis, margine nihilominus æqualiter commissa. Partim vacui sunt, partim solidi, colore cinereo, & fusco, quem croceo, & corneo variant, alii etiam livent. Gignuntur in Chartis ad arcem Spangebergum, & in lapidicinis Saxonie ad Hildesheimum.

In Rudente lib. 2.

Lib. 32. cap. 9.

Lib. 5. de Nat. Foss.

Myscitarum descriptio.

Locus.

Deest Figura.

TELLINITES, CHEMITES, ONYCHITES,  
Aliisque Testaceis Lapides Similes.

OSTENDIMUS singillatim lapides, quorum forma testas marinas similitudine repræsentat: deinde qui desiderari videntur, dicemus. Nusquam enim reliquos generatim inveniri vidimus, sed immistos interdum aliis, sicut Tellinites conchulis, quæ tellinæ vocantur, adæquati, breves, in alterum latus detensi, ferratis etiam labellis, colore cinerei, alias fulgore metallico renidentes.

Tellinites.

Chemites chamis lævibus similes sunt, colore cinereo. Sunt autem Chamæ duplici testa conchæ firmiores, à capitulis in latitudinem expansæ. Onychites unguibus odoratis ferè pares in Urbis Hildesheimi lapidicinis Agricola nasci tradit.

Chemites.

Onychites.

Ibid.

Alii nostræ memoriæ Auctores lapides reperiri produnt ob umbilicis marinis indistinctos, præterquam cum metallico splendore obteguntur. Similiter & conchas referre, quas porcellas vulgus appellat nobilissimas ad cochlearia, & patellas, quæ porcellanæ vocantur. Simplicem testam in ovatam figuram curvant, labris in rictum deductis. Tales in Pausaniæ conchite vidimus. Omnium verò hujusmodi tam est iusta cum marinis comparatio, ut qui novit conchas, lapides noverit.

Porcellæ conchæ ex quibus porcellanæ.





LOCULO XXXI.  
CANCER LAPIDEUS.

C A P. XXXIX.

Descriptio.

**A** CONCHIS ad crustacea pergentibus, nihil in figura Cancer lapideus absolvendum relinquit. Superna parte thoracem exhibet, supinus brachia contrahit bina, & pedes octonos articulata compagine nexos junctosque; utrinque lævis colore candicat, intus solidus, nè qui fortè inter lapidefacta censeant. Brachia verò ita contrahit, ut forcipes sibi imponantur, mutuoque morfu hæreant interdum, adeò viva similitudine, ut nisi manum attrectantis securam aspectus lapidis admitteret, forcipibus impeti vereatur. Ac nè qui-



CANCER LAPIDEVS

Alexander Guidic-  
cionus.

dem, quod extra thoracis munimentum promineret, in loco neglecto disrum-  
pi posset; pedes à primis geniculis reflexos alternatim subtextit, neque lon-  
giores videntur, cum strictius junguntur. Tanta fuit naturæ cura, ut integros  
redderet. Hujus generis audio in Veronensis agri montibus reperiri, postquam  
miserat Alexander Guidiccionius Episcopus Lucensum, quem virum doctri-  
na singularis, & æqua vitæ probitas in illa sede conlocaverunt.



Cancros lapideos elegantissimos vidimus apud Illustrissimos Strozam, & Blanchinum. Hi autem tam exactè cancerorum formam referunt, ut nullus dubitationi locus relinquatur, veros cancos fuisse, ac deinde lapidescente humore unà concrevisse: Præsertim cùm hic neque ad diluvii aquas, neque ad terræmotus, aliosque casus confugere opus sit, ut argumenta diluantur, quæ de marinis conchyliis lapideis objici solent, ut in notis capitis secundi hujus Armarii: Cancræ enim in riguis quidem sed in mediterraneis etiam locis abunde proveniunt: ideoque nihil verisimilius, quàm eos liquore lapideo per ipsorum poros ad intimiora quaquaversus pervadente fuisse oppletos, atque in solidum, lapideumque corpus ferruminatos. Ac propterea frustra Mercatus Cancrum hunc merum verumque lapidem semper fuisse, ob ejus soliditatem contendit.


## L O C U L O XXXII.

## AMMONIS CORNU AUREUM.

## C A P. L.

**M**AGNUM præfert argumentum abditæ penitus naturæ lapis, qui vocatur Ammonis cornu. Hunc colore aureo gerentem arietini cornu imaginem Æthiopes Jovi olim sacrabant. Colebatur enim in desertis Libyæ Jupiter Ammon specie arietis, qua ipsum eo in loco apparuisse mentiebantur. Solinus ibidem reperiri Ammonis cornu prodidit. Est autem lapis pyritoides arctè gyros implicitans, toris è curvatura surgentibus, lævi superficie, aureo-

Polystr. cap. 29.



AMMONIS CORNU AUREUM

que nitore condecoratus. Spiræ magis ad angues essent referendæ, quàm ad cornu arietis tortuosum, nisi crassius initium citius decresceret in partem tenuem. Unum ex Africa Romam attulit Mercator Venetus, dignum ab eo pretium æstimans, quem novitas caperet. Fuit igitur per domos Principum circummissum. Omnes verò illudebant homini, quòd artis opus ex ære fustum crederent. Nos secus judicantes pretium ejus non contemnendum solvimus, atque illos qui falli emptorem prædicabant, in præsentia convicimus decussis scintillis, asperitatem lapidis commonstrantes. Sunt in hoc præterea, sicut



Locus.

Federicus Madru-  
tius Imperatoris O-  
rator.

videre est in tabella, herba frondesque primum cornu gyrum incingentes, color aureus virescit, longitudinem palmarem digito ad diametrum excedit. Nascitur in Germania impari magnitudine, si quærentem non fugerit, cæteroquin simile. Bina dono accepimus à Joanne Federico Madrutio Imperatoris ad Summum Pontificem Legato, magnitudine unguis humanæ, quorum unum torulos media per gyrum cavitare secabat, alterum pro torulis recurvas strias exprimebat. Quin Germanicum plerunque fulgor metallicus obit tantum, nullus intus pyritæ materia: nec is aureus semper, verum etiam ferreus invenitur.

## N O T Æ.

De Ammonis cornu ita legitur apud Plinium. *Ammonis cornu inter sacratissimas Æthiopie gemmas aureo colore, arietini cornus effigiem reddens, promittitur prædivina somnia representare.* Ex quibus colligi potius debet lapidem hunc, qui à Boetio, Imperato, Aldrovando, aliisque lithographis eodem nomine appellatur ab eo quem memorat Plinius admodum distare, quam, quod statuit Langius [a], ab antiquis unà cum Plinio cornu Ammonis immerito in gemmarum numero fuisse repositum; quod lapides hi, qui eodem nomine hodie insigniuntur, nec raritate, neque ulla alia gemmarum præstantia nobilitentur, quasi ex allatis Plinii verbis certò constet, atque exploratum sit, cornu Ammonis idem penitus esse atque huiusmodi lapides: Si enim ex simili figura tanquam certo quodam charactere id demonstrari contendat, non videmus cur etiam inter gemmas reperiri non potuerint, quæ quandam arietini cornus speciem præferrent: immò etiam inter lapides occurrunt, qui huiusmodi formam exhibent, licet à cornibus Ammonis nuncupatis longè diversam, quemadmodum ille est, cujus iconem videre licet apud Imperatorem, & Boetium inter Ammonis cornua: qui in spiram non est convolutus sed cornum modicè inflexum exprimit. At fusiùs de his capite I. huius Armarii dictum est, aliisque sequentibus. Illud tantum hic monere expedit, quod, cum infinita propemodum nomina, non ex varia gemmarum materia, & specie, sed ex qualibet fortuita earundem figura, vel colore, inventa fuerint à Græcis, valde consentaneum videtur, plerasque ex ipsis aut rarissimas, aut singulares fuisse: nam quæ fortuito, frequenter evenire non possunt. Hinc frustra ab eruditis eadem hodie requiruntur; cum ex dictis verisimile admodum sit, aut in imperitorum scriniis inclusas, aut alicubi obrutas latere, aut aliquo alio casu periisse. Idque probabiliter de cornu Ammonis dici potest, quod inquirere idem fortasse est, ac si quis Achætem Pyrrhi Regis in qua Apollinem citharam tenentem unà cum novem musis sponte naturæ delineatam tradunt, [b] invenire laboret.

[a] De lapidibus figuratis.  
Plinius defenditur.

[b] Plin. lib. 37. c. 1.

[c] In Museo.

[d] Piscium querela.

[e] De lapidibus figuratis.

[f] De cochleis.

Materia.

[g] An. 1. obs. 116.

Color.

Cornua Ammonis  
quid sint.[h] Recherches & observations  
naturalles  
lett. 20.

Multæ reperiuntur horum lapidum species figura, magnitudine, colore, ac materia diversæ, ut videre licet apud Aldrovandum, VVormium [c], Scheuzerum [d], Langium [e], ac Listerum [f], apud quem horum icones admirandæ magnitudinis visuntur. Quod ad figuram, structuramque attinet componuntur ex cellulis intus cavis, ac septo intermedio sejunctis, quæ sibi invicem sphondylorum, seu vertebrarum instar incumbunt, spiramque efformant modò striatam, modò lævem, modò tuberculis interstinctam, variisque aliis differentiis notatam.

Materia, comperiuntur filicea, ferrea, ærea, aliisque ex onyche etiam compactum, repertum traditur: nam onychem Helicem de qua in Ephemeridibus Germanicis [g] inter cornua Ammonis referendam putamus. Ac interdum in cellulis crystallina fragmenta continentur.

Colore plerunque spectantur ferrugineo, æreo, & interdum aurea quasi crusta obducuntur, quæ gignitur ex salinis particulis aluminosis, ferreis aliisque metallicis admixtis; præferim cum ferrum, si aluminis succo inficiatur, modò æreum, modò aureum colorem exhibet.

Ex quibus facillè intelligitur cornua Ammonis corpora esse animalium in lapidem, aut metallum conversa. Non enim verisimile est, tam diversas materias per se in eandem figuram abire potuisse, eamque iis, quæ in animalibus visuntur simillimam. Verum ad quod animantium genus sint referenda non satis convenit: aliqui enim piscium spinis convolutis, alii serpentium scheleto, alii vermibus, assimilant, alii potius ex testaceis nautilis ea consilari existimant: quorum sententia admodum verisimilis videtur; nam præter similitudinis rationem accedit quod Bocconus [h] nautili testam cornu Ammonis superficiei adhaerentem se observasse refert.

Sed ad hæc nonnulla obijciuntur, dicunt enim nullum adhuc nautilum repertum fuisse, qui cornus Ammonis figuram adamussim referat: Nam inter eos qui hæcenus innotuerunt & Ammonis cornua hæc intercedunt differentie. I. Nautili in pauciores spiras inflectuntur. II. non eadem proportionem partes à spiræ centro ad extremitatem orificii dilatantur: nautilorum siquidem testa etsi eodem intervallo à centro distet, magis dilatatur, quam cornu Ammonis spiræ, ac in longè amplius orificium definit. III. cellularum interna septa in nautilis sunt perforata, non autem in Ammonis cornu.

Quæ quidem etsi vera sint, non demonstrant tamen aliquod nautilorum genus adhuc ignotum reperiri non posse, quod cornu Ammonis figuræ omnino congruat. Inexhausti enim sunt naturæ thesauri, hominumque cognitionem longè superant: Hinc quotidie fœcunda rerum novitate inquirentium sedulam curiositatem oblectat, ac dum perpetuò quod doceamur ministrat, nostram redarguit inscientiam. Id quod potissimum in testaceorum familia, quæ infinita penè varietate cæteris antecellit, passim experimur.

Sed præter allata argumenta aliud excogitavit Cl. Langius ex propria observatione, ait enim se animadvertisse intrà cornu Ammonis cellulas, innumeras conchulas lapideas implicitas, quarum iconem exhibet: ex quo ipse deducit, tam dictas conchulas, quam cornu Ammonis ex feminibus invicem commixtis auræ plasticæ ope (quæ sententia superius est confutata) adolevisse ita ut cornu Ammonis semen, se se crescendo expandens, proxima conchularum semina eodem tempore se se explicantia involveret, atque includeret, unaque simul crescerent, ut vermes solent ex feminibus nasci



nasci in animalium corporibus inclusis : ab iis enim qui cornu Ammonis ex nautili testa in lapidem conversa factum statuunt, explicari non posse contendit, quia ratione conchulæ intrâ ipsius cavitatem penetrarint : quod in cellularum lateribus nullum pateat foramen, ut dictum est.

Verum nos ex eodem experimento in contrariam cogitationem potius ducimur. Ex eo enim quod conchæ intrâ cornu Ammonis fuerint repertæ, nihil magis verisimilius argui posse videtur, quam dictum cornu Ammonis ex aquatiliū genere fuisse, atque unâ cum conchis aliquo casu in terræ viscera auctum. I. enim non videmus cur potius concharum semina vel ex ipsius sententia ab altero testaceo animante absorpta in viventes ac veras conchas evadere non debuerint, quam eadem intrâ lapidem in lapideam testulam diduci, atque explicari. II. dictas conchulas re vera adultas, atque jam absolutas intrâ alterius testacei cellulas ab undarum motu impulsas fuisse, ut sæpius id fieri in aliis contingit : Existimamus enim in prædictarum, cellularum septis antequam lapidescerent foramina extitisse, quæ deinde liquore lapideo per earundem latera diffuso, obstrui paulatim potuerunt, ita ut nullum eorum vestigium reliquum fieret, quemadmodum parietum rimæ inducō tectorio evanescent.

Sed cum Ammonis cornua figura admodum varia inveniantur, non videtur improbabile ex diversis corporibus ea concrefcere potuisse, ex variis nempe testaceorum generibus, atque etiam ex vermibus, in spiram convolutis, quorum pleraque adamussim speciem habent.

## LOCULO XXXIII. AMMONIS CORNU LAPIDEUM, & Ophioides.

C A P. LI.

**I**N Italia gignitur Ammonis cornu lapidis aspectu, duritie marmoris, & colore rubido : aliàs albido, vel cinereo, & fusco variare conspicitur. Ab aureo non dissidet gyris implexis, torisque secundum gyros enascentibus, ut necesse est accidere rebus natura rectis, & in orbem curvatis, cum internæ curvaturæ tantum applicatur, quantum ad externa partes extenduntur. Propter quæ toros ab interiori parte eminentiores esse, ac strictiores, quoniam indè nascuntur : ab externa planos, latioresque deficere convenit. Hoc modo cum Ammonis cornu torqueatur, quoddam diversum cernitur, ordine pari, quo tori continuantur, spacia striis reflexis intercludens per transversum pertingentia, quæ etiam evolutis spiris, rectisque permanerent. Alia diversitas est, cujus picturæ secundum numerum præfiximus : quoddam binos per dorsum, quod tereti corpori acclive debetur, sulcos ducit concavos, cætera simile prædictis. Tot genera nobis ex Cantiani faucibus vir doctissimus misit

Cornus Ammonis  
descriptio.

Augustinus Man-  
nius.

Horum magnitudo palmum in summa dimensione sæpius non attingit : tamen sunt è Recentioribus, qui semipedale se reperisse tradunt. Nascitur lapideum Ammonis cornu etiam in Germania prope Hildesheimiam Urbem, & in montibus Helvetiæ, non nisi rariùs. At Cantiani copia nequit æstimari, quam ipsi vidimus. Est verò ea illius regiunculæ amœnitas, ut præteriri silentio non possit. Illius autem aspectu tanta sum voluptate perfusus, ut ab ea hic describenda, quasi tantæ jucunditatis gratias repensurus, continere me nequeam. Est igitur Cantianum Umbriæ oppidum, Picenum versùs via Flaminia, medii propemodum Appennini planitie modica situm, fluminibus altissimisque montibus quasi vallo undique circumseptum. Ab Oriente enim Clitumno fluvio limpidissimo, ab occidente Burano item purissimo, à Septentrione verò Tenetria frigidissimo amne alluitur. Quæ flumina, ubi paulum modò processerint, committuntur. Indè angustissimis ripis per forum Titi, & Vespasiani egregio opere in Metaurum influunt. Montes circumjacentes Acutus, Catria, & Petranus celebriores. Acutus ex Appennini dorso procurrens, altissimoque vertice minari cœlo biceps videtur. Caput alterum Adriaticum, alterum Tyrrhænum mare spectat : unde tanquam è specula longinqui Dalmatiæ montes trans Adriaticum prospiciuntur. Ad medium montem densissimæ sylvæ

Locus.


Cantiani descriptio



Abbatia Avellana.

Dantis Poetae cella.

sylvæ variis arborum generibus consistæ, gratissimaque armentis omnibus pascua virescunt. Cantria autem etiam Dantis Florentini Poetae testimonio insignis mons est, ad cuius penè radices celebris illa Avellana Abbatia sita est, monachorum antiquorum sanctitate illustris: ubi Damianus vir doctrina, ac sanctimonia clarus, ipse etiam Dantes cuius cella ibidem hodie visitur, magnam lucubrationum suarum partem confecerunt. His in montibus lapideum Ammonis cornu passim reperitur, ab accolis Cochleate vocatum, ferturque



## OPHIODES

à summis jugis ad ima montium labi. Nam copiosus ibi cum aliis non minùs insignitæ figuræ lapidibus, uti dicetur infra, inter ingentes rudium lapidum acervos legitur. Non longè hinc tertius abest mons Petranus, cuius in summo vertice mira quædam planities patet, in qua vivi fontes perpetuò erumpunt, & pascua gregibus pecudum innumerabilibus tondentur. Hujus in radicibus



## Lapides ΙΔΙΟΜΟΡΦΟΙ. 311

dicibus lapides de pyritarum genere inveniuntur, quas vulgò *Marchasitas* appellant: pastores autem ipsi *Stellas* vocant, quæ grandibus lapidibus conceptæ continentur, indeque excisæ, passim in torrentium alveis, ac fluviorum ripis ab ipsis accolis reperiuntur.

N O T Æ.

Ophioides, Græcè *οφιοειδής*, ab *ὄφις* *serpens*, & *εἶδος* *species*, quasi serpentis speciem habens.

### L O C U L O XXXIV.

#### CHRYSA L I T E S.

C A P. LII.

**P**RÆCEDENS tabella sub numero ternario exhibet Chrysalitem, lapidem crucis dum reconditur *χρυσάλιδες* vocatis similem. Tum enim illæ semi-animæ, & penè defunctæ, duriusculo, & aureo colore nitenti cortice obtinentur: quippe ad placitum Pythagoræ senium recoquunt, quæ repserant mox evoluturæ. Istarum itaque cortici, quem exuunt, simillimus, Chrysalites striis crebris in se circulariter redeuntibus asper, in ternos, quaternosque gyros contrahitur. Colore fulgescit, aureo, atque ferreo velut Ammonis cornu, quocum in Germania communem nascendi locum fortitur. Cantiani verò quia Ammonis cornu lapideum gignitur, ibidem Chrysalites superficiem lapidis præfert, neque duritie ab eo, vel colore differt.

Descriptio.

Locus.

### L O C U L O XXXV.

#### TEPHRITIS SEU MENOIDES.

C A P. LIII.

**I**N eadem Tabella Cantianensis Tephritis repræsentatur, alius à Germanico, sicut è descriptione utriusque comprehenditur. (1) Tephritis nomen in primis præter cineritium colorem nihil indicat. Quocirca figuræ, quæ tribuitur ei non existimo perpetuam similitudinem remanere, satis esse sæpius ipsi accedere. *Tephritis*, inquit Plinius, *novæ lunæ speciem habet curvata in cornua, quanvis cinerei coloris*. Similem Agricola Hildesheimi reperiri prædicat, in montoso arcis Marieburgæ tractu, qui ad pagum Hasden pertinet. Idcirco (2) Menoidem alii Recentiores nominarunt. (3) Mesoselenium si orbis plenior esset (4) *διχότομος* puto dicere voluerunt. At Cantianensis erit (5) *ἀμφίκυρτος*, si quid ad lunæ similitudinem referre lubet. Inflectitur namq; ut curvatura coeunte parum desit ad rotunditatem, intimusque curvaturæ angulus cedat in locum centri: à quo identidem lineæ sex, pluresve radiatim discurrunt inflexæ secundum lapidis ambitum. Pariter Hildesheimius strias interdum per falcatam superficiem trahit. Sed illud singulare, ac præcipuè spectandum, quod *φωλλώδης* Cantiani proveniat, nimirum totam superficiem intextentibus herbis, frondibusque suapte natura delineatis. Color hujus Cinereus vel rufescit. In Saxonia illi ferreus etiam, & aureus metalli fulgor offunditur.

Lib. 37. cap. 10.  
Lib. 5. de nat. foss.

N O T Æ.

- (1) Tephritis à *τέφρα cinis*. Hujus mentionem facit etiam Boetius. Tephritis autem Plinii diversa ab hoc lapide fuisse videtur: gemma enim erat: neque icones quæ in hac tabella apponuntur, satis exprimere videntur novæ lunæ speciem curvatæ in cornua, cum spirales sint.
- (2) Menoides Græcè *μηνειδής* à *μήνη luna*, hoc est lunæ similitudinem habens.
- (3) Mesoselenium *μεσοσέλιων* à *μέσος medius*, & *σελήνη luna*.
- (4) *Διχότομος* appellatur luna cum dimidium orbem implevit à *δίχα bisariam*, & *τέμνει scisso*.
- (5) *Αμφίκυρτος*, idest *utrinque recurvus* luna appellatur, cum orbis diametrum excessit.

L O-



## L O C U L O XXXVI.


## O V U M A N G U I N U M .

## C A P . LIV.

Druidarum com-  
mentum de Ovo An-  
guino.

Lib. 29. cap. 3.

**A**D MIRABILI figuræ concinnitate lapidem Magi suæ vanitatis augendæ causa ovum esse anguium dixerunt: Barbaris totius Orientis incognitum, quippe in tanta novitatis aviditate, in summo rerum studio Græcis omis- sum: verum à Druidis, qui sacra apud Gallos faciebant, magna, in virtutis æstima- tione habitum. Isti cur in pusillo lapide tantum operis ab arte conlocatum esset, nullum usum ostendi animadvertabant: minus etiam intelligi, quomo- do fieret à Natura, nisi ortum monstrificum ipsi confinxissent, unde jactantiæ auctoritatem, fraudibus quæstum compararent. Parere igitur angues, odio, atque horrore belluarum novum, simulque ad faciendum fidem aptum reputa- bant. Non ordine, quo existimaret quisque fieri dicebant: non anguium legitimo congressu gigni, neque ad seriem generis innovandam. Aliter; uti Plinius tradit, angues innumeros æstate convolutos salivis faucium, corpo-



SCOLOPENDRITES LAPIS

Ovi Anguini forma  
unde, & qualis.

rumque spumæ artificii complexu glomerare, ac sibilis in sublime jactari, sago- que oportere intercipi, nè tellurem attingat. Profugere raptorem equo: ser- pentes enim insequi, donec arceantur amnis alicuius interventu. Mera vani- tas. Lapis est, cui formam è cœli promo talem deducere Naturæ placuit, sive speciem ejus ad alterius rei similitudinem, sive ad solam condecantiam refer- ret. Nam elegantia, cui possit componi, non invenio. Rotunditatem habet lenticularem, supra eminulam, subtus aliquantum pressam, cujus figuræ capi- tula, pugionum, atque ensium manubriis adduntur. In summitate medium, circulum, quinque instar flosculi coronant semicirculi, quorum singulis non- nunquam alius ad gratiam circulus includitur, exeuntibus ad interstitia semi- circulorum fertis baccatis duplici ordine, quinque in ambitu, rectà in partem subditam demissis: baccis ex ordine duplici æquiparatis, magnitudinem quò procedunt paulatim augmentibus usque dum desinant, quemadmodum aceta- bula



bula in brachiis polypi piscis . Desinunt autem in subdita planitie circumspacium medium , cuius circuitus superno flosculo respondet , idque tanquam destitutum internam materiam aperit ; diversam ab ea , quæ superficiem munit crusta silicea coloris aquili . Intus enim candida est , ac mollior . Quod verò inter ferta medium superficiei spacium intercluditur , id bullæ majores occupant à se distatæ numero duplici , binis invicem oppositis , vel alternatim locatis , etiam quaternis in ferta media . Atque harum magnitudo , ut supra , infraque spacium fit angustius , sensim minuitur : & sunt interdum nullæ . Ovum Anguinum vidit unum Plinius , insigne Druidis , ut obiter describit , mali orbiculati modici magnitudine , crusta cartilaginis , velut acetabulis brachiorum polypi crebris : Plures vidimus mespili magnitudine , sed unius pondus accepimus fuisse unciam unius & viginti , quod in torrente inventum fuerat , qui Tosa vocatur in agro Tigurino . Ad victorias litium , ac regnum aditus mirificè laudabatur olim , si rite captum esset . Nam & certa luna capiendum Druidæ censebant . Experimentum ejus esse , si contra aquas fluitaret , etiam auro vinctum . Ita sunt Magorum ludibria , promissis inexplicabilem difficultatem contexunt . Cùm nullum , qui inter efferatas belluas mittatur , nisi temerarium evocent ; eundem in summa trepidatione requirunt dexterum consultumque : si evadat , temporis angustias circumveniunt . Exemplum memorabile Plinius habet . Eques Romanus è Vocontis , qui Galliæ Narbonensis populi sunt , Ovum anguinum in lite sinu gerebat , qua re cognita Claudius Princeps Equitem interemit , nè posset ulla ratione potiundi cupiditas falli , neve esset contentio , quæ fuerat M. Antonio cum Nonio Senatore propter Opalum gemmam . Sed quid supra fortunam suam Imperator è lapide illo sperabat ? vel quam fidem adhibere potuit , cùm ipse periculum in gerente fecisset , equiti contraria omnia evenissent , pro gratia crudelitatem suam excitasset , ut vita simul & lite cederet ?

Virtus ovo anguino attributa.

N O T Æ .

Ovum Anguinum habetur apud Boetium & alios , appellatur quoque Scolopendrites ob insecti similitudinem quod scolopendra vocatur , ac etiam Bufonites à nonnullis , quo nomine alium lapidem vocari dictum est cap. 8. Armarii VIII. Plures ejus species enumerat Langius [a] Ex icone satis demonstratur esse echinorum marinorum genus . Quorum innumera occurrunt differentia , non modò ob figuram , sed etiam materiam , ex qua concreverunt in lapidem : Unde variz illorum notæ diversis nominibus exprimuntur : Melonis forma , ac magnitudine insignem nuper vidimus , qui propterea à nonnullis Melo lapideus vocatur : cum verè nihil aliud sit , quàm echinometra genus lapidea materia concretum . Asservatur hic lapis inter infinita penè , ac mirabilia naturæ , atque artis cimelia , quæ Eminentissimus Gualterius , vir sanè ut dignitate multisque aliis nominibus amplissimus , ita ob summam humanitatem , atque incredibile studium , quo naturalem historiam amplificat , & ornat , planè singularis , partim è telluris latebris , alia ex maris sinu , alia ex antiquitatis rudibus , eruta , atque undequaque magnificè collecta , miroque ordine disposita , in ditissimo Museo , seu potius naturæ promptuario , quod Bibliothecæ omnigenis libris locupletissima adjacet , contraxit , ac collocavit . Ita ut hujusmodi rerum Scriptoribus copiosissima ex tam insigni suppellectili ministraretur materia , ad opus absolutissimum concinnandum , atque instruendum , ne dum ad nostram Metallothecam illustrandam , & exornandam : in qua nihil penè describitur , quod ibi inspicere , atque observare non liceat . Mirificam autem præ cæteris nobis voluptatem attulere , inter varia Alcyonia , ea quæ à Mercato appellantur , Alcyonium V. & secundum quinti generis Alcyonium , de quibus cap. 6. & 7. Armarii VI. Tubularia Imperato , quæ Alcyonium petrosum nuncupatur cap. 9. Arm. VI. Eschara Rondeletii , quæ Alcyonium polyphyllon capite 10. dicitur . Stellaria undulata , quæ hic lapis corallites est cap. 16. ejusdem Arm. & inter lithophyta quamplurima : illud profectò elegantissimum , quod ad Ididis plocamon alium retitum magnopere accedit , cuius icon habetur capit. 20. Armarii VI. Varia Stalactitarum genera ei admodum affinia , qui Armario nono cap. 20. exhibetur fungi glaphyri nomine . Dendritæ , qui dendrophori cap. 25. ejusdem Armarii , aliaque multa . Rarissimus quoque est echinities ille , quem in Museo Magni Ducis Etruriæ à se visum , scribit Bocconus [a] , è Chalcedonio compactum .

[a] Historia lapidum figuratorum .

Eminentiss. Gualterii Museum, & Bibliotheca.

[b] Museo di Fiesca osservazione 32.




## L O C U L O XXXVII.

## EROTYLOS SIVE AMPHICOME.

## C A P. LV.

**O**BLATUM casu lapidem, incerti quo terrarum tractu reperiri posset, quod figura esset eximia, tabellis curavimus exprimi. (1) Erotylon, sive Amphicomen Plinii videbamus agnoscere, Magorum gemma, à Democrito laudatam in argumentis divinationum, ideoque *ἱερομνήμων* vocatam. Cujus etiam si nulla extat descriptio, tamen ex notatione nominum quædam indicia patefunt. Lapis autem ille sefiliis rotundatur superficie aspera, eminentiis crispatis se-



LAPIS LUMBRICATUS.

volutantibus, & per ambitum claviculatim prominentibus, specie quadam Hiericuntinæ rosæ. Pars verò lapidis continens, quæ scilicet inter eminentias subsidet, secundum earum fluctuationem pinnatim distinguitur, media stria ad quam utrinque aliæ breves crebræque striæ vergunt. (2) *ἐρωτύλον* igitur superficies callosa variè fluitans, *ἀμφίκομην* species hirsuta nuncupavit. Durities pertinacior marmore, color est albidus.

## N O T Æ.

Nimis levis esse videtur Mercati conjectura, dum statuit Lumbricatum lapidem eundem esse ac Plinii Erotylum, seu Amphicomen, quam potius diversam omnino fuisse censendum est, quod inter gemmas collocetur. Nomina enim hæc nullo modo notam exprimunt, qua gemmæ illius differentia innotescat: nam haud ex argumento naturæ ducta sunt, sed potius ex superstitioso hominum arbitrio vanas facultates illi gemmæ tribuentium, quas nihil prohibet de quovis lapide comminisci. *Ερωτύλον* enim dicta esse videtur, nimirum amatoria, fortasse quia amorem ea conciliari posse crediderint, *ἱερομνήμων* vero à sacrarum rerum memoria, quod in divinationibus adhiberetur. Cur denique *ἀμφίκομη*, idest *utrinque comata* appellata fuerit, variæ rationes afferri possunt, nempe aut quod comæ speciem præberet, aut quod comis adnecteretur, vel quia adversus comæ ac capillorum efflu- vium utilis haberetur.

(2) *Ερωτύλον* ob superficiem callosam dicendum putat auctor hunc lapidem; unde conjicere licet *ἐρωτύλον* quasi *ἐριτύλον* ab *ἐρι* particula significationem augente, & *τύλος* *callus* pro *τυλώδης*, idest *callosus* accepisse; verum *ἐρωτύλον* non à *τύλον* *callum*, sed ab *ἔρως* *amor*, ut ante diximus, deflectum est: neque etiam *ἐριτύλον*, quod sciamus pro *τυλώδης* usurpatum adhuc est.

Lapis



# Lapides ΙΔΙΟΜΟΡΦΟΙ. 315

Lapis hic à Boccone [a] vocatur Astroites undulatus ubi iconis, quæ hîc exhibetur, atque hujus operis mentionem facit summa cum ejusdem commendatione, ut in testimoniis retulimus : compingitur autem, ut idem Auctor asserit, ex pluribus quasi membranâ lapideis se se involventibus, ex quarum complexione, multis poris distinguitur : Hinc verisimile arbitratur, Astroitam prædictam esse quandam marinæ concretionis speciem, quam fungum maritimum coralloidem undulatum vocat, in lapidem conversam : huic enim tum pororum multitudine, tum interna lamellarum structura, tum externa quoque superficie undulata admodum similis est, eoque tantum differt, quod compactior longè sit, ac ponderosior : quæ differentia ex lapidea substantia inducta est.

[a] *Recherches & observations naturelles* 17. lettre.

Assert præterea præfatus Bocconus cujusdam ossis, ignoti animalis iconem, ac descriptionem, quod cum Astroite undulato figuræ admodum etiam congruere asserit.

Hujus lapidis meminit quoque doctissimus Vallisnerius, [b] ubi Mercati Metallothecam laudat.

[b] *Considerazioni ed esperienze intorno al cervello impietrito.*


## L O C U L O XXXXVIII.

### LEPIDOTES.

#### C A P. LVI.

**L**EPIDOTES, inquit Plinius, squamas piscium variis coloribus imitatur. Si nos ipsum ostendimus, non est ea varietas in singulis, sed in aliis, aliisque ejusdem generis. Duos vidimus ex Oriente advectos magna possidentium ostentatione, alterum Armenus, alterum Mercator Florentinus Constantino- poli redemptum è collo gestabat assidue, quod adversis rebus amuletum ex-istere, persuasum esset. Erant figuræ planæ, quam equidem dubito num ars, an natura dederat : similes enim ambos rotunditate in octangulum cæsa diversi afferebant. Materia lenior marmore, duritiam habet mediocrem : albidus

Descriptio.



LEPIDOTES

color alteri, in alio rubidus ; momentis coloris fusci partim squamas, partim cutem piscium referentibus ; hinc undulatum constipatis, inde in gyros con- versis. Mercatoris unum, si honesto pretio emendus fuisset, sanè percupie- bam ; quod ubi sensit homo astutus, virtutem prædicare, majorisque æstimari cœpit in dies. Quid ego ? Surdo dictare hominem patiebar. Res enim mihi, quæ dignam in Natura considerationem afferunt summopere curæ sunt : ve- rum ad sobrietatem omnia, qua nisi studia condiantur, gratiam amittunt.

#### N O T Æ.

Lepidotes dictus est à *λεπίς squama*. Lapidem huic inter stellares connumerat Bocconus [a] ; ejus enim iconem exhibet nomine *Stellaria punctata minima*, *Lepidotes dicta*.

[a] *Museo di piante rare tab. 32.*





LOCULO XXXIX.  
ANANCHITIS SEU SYNOCHITIS.

C A P. LVII.


Pseudolepidotes.

**M**AGICÆ venditationis lapis (1) Ananchitis promittebatur in (2) Hydromantia evocare imagines deorum, idemq; videtur ab aliis (3) Synochitis ap-

VERTEX





BASIS



BASIS

VERTEX



LEPIDOTES ALIUS

*Alloysius Goulier sculp.*

pellatus, sponse non minus splendida, quod possit umbras inferorum evocatas tenere. Æqua promissi utriusque inanitas non perinde admonet, duplex uni lapidi nomen esse; uti propositus in tabella lapis sibi utrunque pariter convenire



## Lapides ΙΔΙΟΜΟΡΦΟΙ. 317

venire demonstrat. Est enim perelegans, & singularis figura, quoddam præferens virtutis argumentum, tota superficie nodoso complexu obstricta, unde (4) ἀναγκηῖς, & propter complexus exæquatam seriem συνανηῖς nominandus est. Nam cui tota species comparetur, non subvenit. Constituit orbem dimidiatum, sed altius paulum assurgit vertex præbens dorsum gibbosum uno præ cæteris latere extuberante: cui quod adversum est, sinum reducit, quasi hujus cavitas in illius cedat eminentiam. Multiplici coagmentatione constat, ut in subiecta planitie cernitur è commissuris reticulatis, quæ ad convexitatem concinnè disponuntur, stria singulas discriminante. Ab his tota convexitas ambitur ordinibus vicinis, à vertice ad imam basim deductis, principio tenuibus, uti fert circuitus lapidis, processu latioribus. Horum est distinctio duplex, dimidia pars crebras, arcuatasque secturas, qualis est in lacertarum caudis circinatio, dimidia rariores, & ampliores jungit. Similes ordines semper bini dissimilibus intercedunt: bini crebriores cavitationem occupant, atque alii hinc inde vicissim, ut summum dorsum latiores obsideant. Omnes hæc diversitates è tabella spectare licet. Intus materia nitorem lapidis Judaici celat durior colore candido, ad eboris similitudinem in superficie renidente. Plures ex hoc genere nobis oblatis sunt, omnes origine incerta.

Ananchitidis & Synochitidis etymon, & descriptio.

### N O T Æ.

[1] Anancitis, & Græcè ἀναγκηῖς, ab ἀνάγκη vis, aut necessitas, quod Deorum imagines necessitate quadam seu vi cogeret, & evocaret. Salmasius [a] autem pro Anancitide, Anagogitide, apud Plinium legendum suspicatur: ἀναγωγῖς enim ab ἀναγαγεῖν evocare, quod inferorum imagines evocaret, ut idem legit, deorum verò ut in vulgatis. Sed cum non adeò firmis rationibus ejus conjectura nitatur, nihil videtur mutandum: Anancitis enim etymon sat obvium est ad gemmæ hujus proprietatem declarandam, ut superius dictum, ac ipse etiam Salmasius agnoscit. Appellatur verò Anancitis etiam Adamantis genus apud Plinium.

[a] Exercit. Plinian. in Solinum.

[2] Pro Hydromantia, Necromantia scriptum fuisse dubitat Salmasius, ac ita Plinii locum legendum: *Anagogitide in necromantia dicunt evocari imagines Deorum inferorum: Synochitide umbras evocatas teneri.*

[3] Synochitis Græcè συνανηῖς à συνέχειν continere.

[4] Mercatus legit pro *Anancitis* Ananchitis, ut etiam in quibusdam vulgatis exemplaribus habetur; cujus etymon deducere videtur ab ἀγκω (quod propriè strangulo significat, & interdum etiam obstringo) addita præpositione ἀνα.

Icon quæ hic apponitur inscribitur *Lepidotes* alius, quod ita primò nominare visum fuisset Mercato ob squamarum similitudinem, quarum commissuris scandulatum, aut imbricatum opus refert: exinde verò mutato consilio aptius atque accommodatius nomen duxit Anancitis seu Synochitis ad ipsius formam exprimendam. Hinc in m. s. margine, alio, sed ipsius met Auctoris, caractere, qui ex ejusdem epistolis autographis nobis est perspectus, atque exploratus, *Pseudolepidotes* exaratum, legitur, idest falsus *Lepidotes*. At melius ac verius *Echinites* dici potest; cum re vera nihil aliud sit, quàm *Echini Marini* genus, in lapidem conversum.

## L O C U L O L. AMMITES, ET COCCODES.

### C A P. LVIII.

NON terræ, sed videtur foetura piscium lapis Ammites, momentis lapidum rotundis spectabilem magnitudinem componens. Multæ censentur ejus differentię, quarum aliquæ nihil habent dignum observatione. Nam saxa sunt, quibus coagmentatio laxior nomen Ammitis convenire ostendit. Aspectu enim arenosa compositio, vel quidam nitri bolus judicantur. Hujusmodi multis locis duritie, ac colore diversa caduntur, uti Rochlitzæ in Germania, quod oppidum incolunt Hermunduri ad Muldam fluvium medio cursu, quàm in Albim deferatur. Similibus in Prusia punctim fulgor metallicus intermicat. Si verò majuscula sunt momenta, quæ inter se componuntur: cum ovis piscium similitudinem contrahunt, qualis in Tulisurgienfi conventu scinditur cinereus Ammites. Tantoque fit indiscreta magis similitudo, quo momentis exactior evenit rotunditas. Quæ tamen si absoluta sit, fortuito progressu

Ammitæ differentię

Locus.



gressu fieri non videtur, sed formæ conficientis modum habere. In Hetruria foditur supra Graviscos ad Sylvenam, in quo grana tam exactæ rotunditatis, interdum nitore aliquo externo, hærent nihilominus pertinaciter. Albicante colore similis ex Jura monte facilius solvitur. Hetrusco similior in Saxonia inter Eisleben, & Seburgum reperitur. Rufus in Helvetiis ad Bernam gignitur.

Eodem in Saxoniæ tractu, quo Ammites reperitur, saxum colore murinum, vel impluviatum cæditur, granis compositum oblongis, frumentaceis penè æqualibus. Hoc referunt quidam ad Ammitem, quamquam nomen, & figura deficit. Item alios lapides, quorum grana enormi magnitudine referri negant. Equidem Coccodes potius, quàm Ammites dixerim, cujusmodi ex agro Volaterrano allati sunt, magnitudine granorum baccis Hederæ pari, perfectæ rotunditatis, in planam massam coagmentati, colore albo, granis singulis si perfringantur aliam quasi nukulam inclusam edentibus. Vidi-  
*Lib. 5. de Nat. Foss.* mus id genus in Nursia Apennino, fragmentis singulis juglandem excedentibus. Non minoribus in Saxonia inter Hildesheimum, & Alfeldam haberi auctor est Agricola.

## N O T Æ.

Ammites, & Ammonites ab ἀμμο- arena, quod arenæ speciem habeat. Frequenter occurrit hic lapis apud alios Auctores, Gesnerum videlicet, Boetium, Aldrovandum, Vvormium, Scheuchzerum, Langium, &c.

## SPHÆRICUS LAPIS.

## C A P. LIX.

**S**ED frequentius incidimus in lapides, quorum simplex superficies undequaque convertitur æquabilis, tanquam arte parati sint ad horrorem belli, materia modò saxea, modò filicea. Existimet aliquis casu rotunditatem sæpius eis contingere. Nam filices ad eam naturaliter inclinant. Cuba Occidentis insula vallem inter duos montes habet ad xii. mil. pass. procedentem, globis lapideis confertam omnibus exactissimæ rotunditatis, lævitate, ac duritie insigni, magnitudine ita varia, ut quolibet tormento bellico apta repariatur. Illius ergo natura loci certò dirigi rotunditatem docet.

## HEMISPHERICUS LAPIS.

## C A P. LX.




**A**LIIIS locis semiorbicularem figuram lapidibus constitutam è proventu discitur, ut in Rhetia prope Taxajetum Helvetiis confederatum oppidum. Quo in loco lapides eos agricolæ panes dæmonum à figura nuncupant, & persuasum habent, depelli lumbricos, cum jumenta ex eis lingunt salem. Tantæ magnitudinis inveniuntur, ut cubitum obtineant ad diametrum. Ali-  
 bi, ut accepimus, in Veronensis agri montibus lapidum frequentia est, quorum figura, partiumque compactio massæ assimilatur, in quam redigere fermentum vulgus consuevit. Transisse ad lapidem figuram fermenti, sicuti multa lapidescunt; nulli minùs, quàm accolæ credant; Aliter enim præsentis copię ratio dictat, quâ solâ cognosci potest, hujusmodi figuras comitari formas substantiales. Nam fortuita materiæ collectio similes interdum efficiat in aquis lapidosas, vel ubicunque lapides multiplici accessione augentur. Quod cum aliqui non viderint, mirum quæ minutalia, quæ fercula, vel quas reliquias qualitate aquarum versa in lapidem, vel artis æmulatione Naturam confecisse ridiculè prodant.



L O C U L O L I,  
S P I N U S M E L I B O C I.

C A P. LXI.

**S**PINUS lapis est fissilis, colore ater, & bituminosus. Quibusdam locis scinditur ob venas æreas, quas urendo exigunt, quemadmodum dicitur. Hunc verò de hoc figmenta ludentis Naturæ recenferi debent. Crustas enim, quæ ex lapide facillè disparantur, ipsa sibi pro tabellis pictorum instituit, ima-



LAPIS ISLEBIANVS

gines animalium eis superinducens, non aliis usa coloribus, quàm lapidis qualitas concedit. Cùm ærosus lapis, ac bituminosus sit, aureas pyritæ micas ita disponit, ut delineamenta animalium omnino reddantur. Neque commo-  
diùs



Locus.

dius accidere potuit, ut ea perspicere possent, in atro lapide auri fulgore scintillante. Hic autem remissior est nonnunquam, evidens tamen, & auri similitudine, quem nos flammeum metallicum appellamus. Sed non quocunque loco Spinus gaudentem sibi Naturam habet. Solum effigies eas ex monte Meliboco depromptas reperio. Longè, latèque mons ille per Saxonum fines porrigitur facilem spini lapidis copiam ferens, quæ tribus præsertim locis excinditur, ad Mansfeldum, Eisleben, atque Hostedam. His omnibus metallici crebrò picturas in crustis offendunt, præcipuè verò piscium, quarum aliquæ ad nos pervenerunt. Has efficere, nullus causam affert micarum discurrentium varietatem, quæ necessariò incidat in figuras, quæ, si quærat aliquis, rebus certis comparari possint. Quippe nullæ sunt præter picturas in circuitu micæ, omnes ita digestæ, ut suo quoque piscium generi nomina insipientibus suggerantur, lucii, percæ, & aliorum. Quin Germanus ille Cosmographus fuit in opinione, omnes è proximo lacu pisces in Spino exhiberi, ranas, & quæ circa incolunt reptilia. Non viderat opinor gallinaceum genus, avesque item alias in eodem luculenter expressas. (2) Duas equidem effigies demiror in Spino repertas, alteram Senis barba prolixa, & habitu decore, caput apice obtekti diademate triplici coronato, quam ad Pontificis Maximi personam referre dubitaret nemo: alteram foeminæ puellum sinus complexu gestantis, quam Virginis Matris esse, omnium qui videbant, communi habebatur consensu.

## N O T Æ.

- (a) *Piscium querela.* (1) Piscium formæ in lapidibus adamussim expressæ sæpius occurrunt in Museis, quorū icones præter alios, elegantes edidit Scheuchzerus [a] qui mutas illas animantes propriam causam diserte agentes inducit, suamque figuram sibi firmissimis argumentis vindicantes. Hujusmodi enim figuræ re vera nihil aliud sunt, quam ipsimet pisces in lapidem concreti. Conspiciuntur enim plerunque inter laminas lapideas una cum spina, ac ipsius pulpæ ductibus, cæterisque partibus nihil à veris piscibus differentes, ut nos sæpius observavimus in ornatissimo Museo Eminentiss. Gualterii, apud Illustriss. Strozam, & Blanchinum. Pro varia autem concrendi ratione, ac materia, diversis spectantur coloribus, ac duritie. Modò enim particula lapideæ fibras piscis per earum interstitia, ac poros tantummodo pervadunt, ibique detentæ, atque irretitæ coalescunt: modò erosa, ac corrupta interna ejusdem substantia, lapideo, aut metallico fluore oppletur, qui postea eandem figuram induit: cujus rei specimen præbere potest marmor elegantissimum apud Illustriss. Strozam à nobis observatum, quod cochleis omnino ad sensum lapideis interceptis, planum mirifice figuris, ac coloribus variegatum exhibebat. Aureus itaque color, quo aquatilia hujusmodi lapidea nitent tribuendus est particulis metallicis eorum corpori immixtis, aut succis salinis idem inficientibus: ut frequenter observare licet in cornu Ammonis, aliisque testaceis in lapidem conversis, quemadmodum supra dictum est.
- (b) *De Divinatione.* (2) Quod autem ad Pontificis, ac Virginis imagines attinet, admodum veremur nè inter eas sint reponendæ, quæ in pariete res diversas sæpius exprimere videntur ex fortuitis linearum ductibus. Ac propterea appositè Tullii verba in hujusmodi quadrare non dubitamus: *Fingebat Carneades in Chiorum lapidicinis saxo diffisso caput extitisse Panisci. Credo aliquam non dissimilem figuram, sed certè non talem, ut eam factam à Scopis diceres: Sic enim se profectò res habet, ut nunquam perfectè veritatem casus imitetur.* Similes fortuitarum imaginum icones afferuntur apud Aldrovandum præsertim, quibus tamen maximam artificis partem accessisse existimandum est, qui alibi minuens, alibi augens, quæ spectanda essent eximie elaboravit; ut eleganter de Pyrrhi Achate scripsit Majorus (c): colores enim ex metallis parati, non modò lapidum superficiem tingunt, sed internam quoque eorundem substantiam facile pervadunt.
- (c) *Dier. Canic. Colloq.* Occurrunt verò passim hujusmodi simulachrorum lusus in diversis gemmis, ac præsertim in Achate, Jaspide, Onyche, Crystallo, variisque marmorum generibus: Inter quæ rarum sanè spectaculum præbet Crystallus, quam apud D. Marcum Antonium Sabbatinum, omni antiquitate apprimè versatum, vidimus. Hæc enim si determinato situ spectetur Servatoris imaginem è cruce pendentis, ob peculiarem luminis refractionem, mirè pellucidam refert: ut in tabella hac, quam ab eodem mutuum accepimus videre licet.





*Vn Pezzo di Cristallo di monte di peso di due libbre*

LOCULO LII.  
HIERACITES, GERANITES,  
Perdicites, Ictérias.

C A P. LXII.


**M**AGNAM haberet virtutis opinionem Hieracites, nisi adjuncta quærendi difficultate minueretur. Nam, siue rarum sit adeò Naturæ donum, siue cùm intercederit usus, imprudenter neglectum præterimus: omnem recuperandi laborem varietas auctorum deterret [1]. Similem collo accipitris Plinius, virescentem Aetius, nigrum Evax statuit. Quem Plinius habet, in Germania nuper eruit Agricola, milvinis nigricantem maculis, uti nostra in tabella ostenditur. Exponam quod de reliquis sentio. Principio autem inter lapides,

*Lib. 37. cap. 10. & 11.  
Tetrabibl. 1. serm. 2.  
cap. 30.*



Hieracitis varietas.

des, quorum dicta est materia multiplex, unum genus immiscet quid aluminosum, simul etiam humidi quicquam pinguioris, quorum interventu segmentata materies lenior efficitur marmore, pondusque variat, pro rata cuiusque rei mixtæ portione. Ab hujus inæqualitate color varietatem capit: uni candicans, alii fuscus, nonnulli luridus est, vel viridis. Atque hi colores singulis non insunt puri; nigricantibus alternant maculis, ut speciem plumæ gerant è collo gruis, perdicis, accipitris, galguli. Accidit easdem maculas dispergi rariùs, & transire venarum modo, nonnunquam verò deficere, atque in viridi fieri luridas. Itaque ex uno genere lapides affinis naturæ sunt (2) Geranites, Per-



HIERACITES

Geranites qui.

Perdicites qualis.

Isterias.

[a] Lib. 37. cap. 10.

[b] De Simp. med. fac. lib. 9.

[c] Lib. 7.

[d] Tetrabib. 1. ser. 2. cap. 30.

Hieracitis vires, ac probatio.

[e] Lib. 21. cap. 14.

[f] Lib. 10. cap. 29.

[g] Lib. cap. 30.

dicites, Hieracites, Isterias. Geranitem ab Hieracite Albertus, & alii non separarunt. Nunc diversitas coloris intelligitur, hunc nigriorem. Illi proximus est Perdicites, cui nomen Germani dederunt invento cum Hieracite in colle Saxonie ab occiduo Urbis Hildesheimi latere transitu fluminis excluso, atque cis flumen. Qui locus videtur, & alios ejus generis promittere. Isterias autem, Aetii Hieracites est, aliti lurido similis, in qua specie Plinius (a) alium ponit liquidiores: tertium folio viridi similem, penè sinè pondere, venis luridis, utpote nascentem tenuis crustæ segmento, ac mistorum qualitate æstimationem lapideæ gravitatis fallentem. Addit quartum in eodem colore nigris venis descendentibus.

Medendi dotem Hieraciti à Naturæ proprietate tribuit Galenus (b), quòd sanguinem hæmorrhoidum sistat. Præstare id alligatum docet Ægineta (c). Alligari autem dextro fœmori vult Aëtius (d), & suum periculum cõmendat. Qui luridum colorem habet, Isteriam dico, contra regios morbos salubris existimatur. Admirabile quid de liquidiores refert ex quodam Diogene Aëtius, ejus præsentia muscas procul agi. Nam probandi Hieracitis hanc doctrinam demonstrat, tenendum manu, quæ ut pelliciat muscas, inungatur melle: si refugiant illæ, vel nulla accesserit, ipsum esse. Insignem verò lapidem si fides habeatur. Officium ei Principum æstate perpetuum spondeam. Multa enim, quæ in perniciem muscarum excogitarunt, nè paulum excursions reprimere, nedum valent delere, ut videamur liberari. Non satagunt mensæ stipatores, abactum continuò remeat genus sordidum, parasiticum, otio infestum æquè, ut negotio. Ergo quanti liceret Hieracites, quem fugerent? Vel quo censetur non dignus pretio? Equidem ubi venierit, aut qui haberi sciret uspiam, audivi neminem. Tamen à Natura constari talem, quædam enarratæ rerum controversiæ confirmant. Plinius (e) in Creta scribit montem Carinam ix. M. pass. ambitu: intrà quod spatium muscæ non reperiantur, natumque ibi mel nusquam attingant. Idem auctor est (f), Romæ in ædem Herculis in foro Boario, nec muscas, nec canes intrasse. Supra lapis dicebatur, quo allato canes non latrarent. Alia more suo de Hieracite tradit Evax Maurus: qui in ore ferat, illi subvenire aliorum cogitata. Abluendum priùs os Marbodeus (g) putat. Ambo gestanti gratiam promittunt.

## N O T Æ.

(1) Hieracites à Græco ἱέραξ accipiter. Hujus lapidis iconem videre licet etiam apud Gesnerum, & Aldrovandum.

(2) Geranites nomen duxit à γέρανος grus.



L O C U L O L I I I .

C E R A T I T E S .

C A P . L X I I I .

CORNUA Monocerotum, quemadmodum de ossibus eorum diximus, quæ in diluvio per orbem terrarum universum dissipata receperit terra, eandem reddere, data est in vulgus fabula. Nam eorum cornuum similitudinem



CERATITES LAPIS

præbet lapis, qui Ceratites idcirco dicitur, ab imo sensim deficiens in acumem, indeque striis ad summitatem circumactis, crassior quàm ab illa geratur bel-  
lua, ut faciliè judicabunt, qui cornu ejus viderint in Principum thesauris habi-

Etymon.



Facultates.

Locus.

tum, ob efficaciam adversus venenum spectatam. Duo nanque egregiæ magnitudinis Romæ Summis Pontificibus asservantur. Ceratitem quoque adversari veneno fertur usu edoctum. Quæstum circumferendo faciunt agyræ, maximè quo remotius à locis natalitiis distraxerunt, impostura eo tutiore, ut cornu monocerotis æstimationem ferat. Materia lenis est, fragilis, internè candida, cinerea superficie, glutinosa linguæ, magnam edens exiccandi, & astringendi facultatem. Nasceitur in terra argillosa, in qua Stelechites apud Vangiones, & privatim in specu montis Meliboci, in tractu Cheruscorum, qui nuncupatur Stolbergenis.

## N O T Æ.

Ceratites à κέρα cornu, quo nomine appellatur etiam à Gesnero, Boetio, Langio, aliisque, vocatur quoque unicornu fossile à nonnullis, quod cornus speciem plerunque referat, & dens elephantis petrefactus, atque ebur foliile, quod frequenter etiam soleat concreescere eboris specie, ossium, aliorumque corporum. A Casalpino dicitur Lapis Arabicus, & ab aliis Lithomarga, quod ex marga lapidescente ferruminetur.

Lapis hic ex eadem materia constat, atque osteocollus: Gignitur enim, ex aqua solutæ margæ particulis imbuta: quæ in varias formas paulatim concreescit, præcipuè autem conî cornum monocerotis æmulantis: forma siquidem conica peculiaris est liquoribus per stillicidium concreescentibus, ut evenit in glacie & lapidibus stalactitis: nonnunquam verò alias species habet tum pro varia aliarum partium admistione, tum pro loci natura, à quo cohibetur; & sæpe sæpius diversa animalium ossa cornua, arborum truncos pervadens, atque implicans, eorundem figuram retinet, ut asserit Anselmus Boetius.

## L O C U L O L I V.

## ELAPHOCERATITES.

## C A P. LXIV.

Etymon.

Descriptio.

Elaphoceratites  
quid.

[a] Cap. 5.

[b] Lib. 8. cap. 32.

ELAPHOCERATITES (1) lapis ab ea ætate jam cognitus est, qua Orpheus veribus ipsum posteritati commendavit. Ejus speciem, quæ nominis rationem continet, ita cervino cornu similem scribit ille, ut prius lapidem esse non percipiamus, quàm rigorem ejus tentemus. Nos verò observavimus in eo similitudinis interdum defectus esse, quod lapideus candor superficiem obit, vel rariores ducuntur striæ, vel obtusæ sunt ramorum acies, aut nitore carent. Cæterum omnem varietatem, quæ cornu contingit, lapis similitudine reddit. Nam proceritas ejus, neque perpetuò una est, neque ramorum constat numerus: etiam simplicem, ac rectam tendit aciem, quomodo cervis primum binis cornua oriuntur, ob quæ ipsi subulones vocantur. (2) Tanta igitur similitudine hujus ætatis homines permoti, quoties Elaphoceratites repertus est, cervinum cornu in lapidem mutatum ferunt. Quæ mutatio cum ferè quibusque rebus possit contingere, ut dictum est: etiam sæpius, quàm aliis multis eam accidere cervi cornibus arbitrantur, non solum quod annua cervis cornua decidunt, verum etiam, quia locis aliis illa cervi defodiunt. Sinistrum cornu Aristoteles (a) in octavo Historiæ animalium scribit à nemine tum adhuc repertum fuisse, quod de cornu destro Plinius (b) affirmari tradit. Occultationis autem commoditate cornua facilius nancisci locum existimant, ex quo aliquando lapidea eruuntur. Et ista quidem ita se habeant, tamen negandum haud videtur Elaphoceratitem sinè rudimento etiam naturam conficere; fidem namque faciunt alii lapides omnes, qui præsentî Armario continentur, & Orpheus sensit cum Elaphoceratitem appellat φύσις πολυδαίδαλα ἔργον, dictamque transmutationem nè quidem suspectasse ipsum sequentia ostendunt, quibus rationem illius appellationis reddit.

Ἐκ κεφαλῆς ἐλάφοιο φύσις μὲν ἔ ποτὶ κόρην  
Πέτρῃ ἀλλ' ἔμπης πέλεται κρατερὴ τε γε πέτρῃ, idest  
Nam cervo non assurgunt decora ardua frontis  
Saxea,

Signa



## Lapides ΙΔΙΟΜΟΡΦΟΙ. 325

Signa lapideū cornu ab Elaphoceratite distinguunt, quibus in genere lapidefacta ab Idiomorphis discerni diximus. Gigni hunc lapidem alibi copiosè Locus: non est compertum. Singulos inveniri audivimus, & recentissimè in agro Veronensi. Facultates Elaphoceratiti Orpheus ascribit duas, quarum una capillos defuentes reparat cum detrimentum lapidis ex oleo quotidie temporibus inungitur, alteram facultatem ascripti versus comprehendunt. Facultas.

Πρωτόγαμον δ' αἰζείας: (2) usque ad finem

Ridiculum est nostris hominibus istud edicere, qui matrimonii dedecus argumento cornu potissimum notant, diadema esse cavillantes, quod sinè ambitione comparetur.

*Deest Figura.*

N O T Æ.

[1] Elaphoceratites dictus est ab ἐλαφ & cervus, & κέρας cornu.

[2] Tradit Anselmus Boetius se animadvertisse cervi cornua, à liquore margaceo in lapidem conversa: Hinc admodum verisimile existimamus Elaphoceratitem Mercati eodem modo genitum fuisse, præsertim cum ipse asserat cornu cervini figuram adamussim in eo fuisse expressam: licet enim fieri potuerit, ut aqua margæ particulis, aliisque lapideis corporibus repleta variis modis per terræ meatus fluens in rivos divideretur, qui deinde concrecentes, cornuum cervinorum ramos quodammodo referrent; improbable tamen videtur tam exactè iisdem assimilari potuisse, ut nulum nisi coloris discrimen intercederet.

Hic non omitteudos esse duximus integros Orphei versus:

Πρωτόγαμον δ' αἰζείας ἄγων ἐς δέμνια κούρην

Τερπάλῃς ἐρατῆς ἐπιμάττορα τὸν δὲ φέροισα

Λάαν, ὃδ' ἀρρήκτοιςιν ὁμοροσύνησιν ἄμ' ἄμφο

Υστατον ἐς γῆρας καὶ ἐς ἡμᾶτα πάντα καδέξει.

Virginem sponsam ad thorum ducens juvenis,

Jucunda delectationis testem hunc ferat

Lapidem: hic enim infrangibilibus ambos concordia vinculis

Ad extremam usque senectutem semper continebit.

## LAPIDES OSSEI.

C A P. LXV.

**O**SSA è terra nasci auctor Theophrastus est apud Plinium, cui si assentiamur, quæ adversum dicta sunt, in nos convertimus. Petunt discerni, utrum constet, è terra nasci, & ossis speciem iis à forma lapidis esse: an verò defossa, quæ in animalium compagibus extiterant, ingenio loci obduruisse in lapides. Enormi ipsorum magnitudine posteriùs falsum conabimur ostendere, cum easdem regiones, ubi fodiuntur, nulla incolant animalia, quorum corpora tantis ossibus fulciantur. Illi contrariam rationem excogitarunt: existimare se, quid augendi facultatis relinqui defunctis ossibus, qua possint figuræ termini proferri. Quæ sententia ut est popularis, ita non erat altiùs deprobandum, quod refelleret. Nos enim ossa, propter eandem vim, omnia sic debere sub terra prorogari ludebamus. At illi non quidem, quoniam è terra nequeant conficere materiam, quæ magnitudini impendenda est. Verùm cum in loca incidunt, quorum fomento convertuntur in lapides, tum ex eadem materia, qua partes densantur clementum suggeri, superficiemque extendi. Tamquam vis augendi ossibus attributa, tum vigeat, cum ossa naturam deferunt. Hæc cum vulgo ita transiguntur. Nam qui sanioribus disciplinis instructi sunt, ossibus auctricem facultatem permitti rideant. Augmentum omne in viventibus ab anima pendet. Ipsa appetit, transmutat, unit: quibus actionibus fit augmentum, & secundum quas ipsa multiplex dicitur: simplex verò substantia, ob quam secari non potest. Nihil illius itaque remanet cadaveri, nihil ossibus. Absurdus etiamnum illud, ossa quæ magnitudinem animata expleverant, augeri deserta. Augmentum animatis erat ad finem, videlicet

Ossa lapidea quomodo gignantur.



Quæ de Gigantibus  
produuntur esse fa-  
bulosa.

(a) Lib. 7. cap. 16.

Variorum Gigan-  
tum altitudo.

(b) Lib. 12. *Odys.*

(c) *De Senectute.*

(d) Lib. 1. *Saturn.*  
c. 20.

delicet ad commodissimam magnitudinem. Est autem hæc in mensura certa, quam nata augeri desistunt. Fortè videbitur alicui, ossa simpliciter augeri posse, scilicet externa additione, quæ propriè augmentum est inanimatis: Illud namque clementum, omnibus partibus promotis, datur solùm animanti- bus. Potest autem halitus ille sub terra, à quo ossea materia lapidescat, aliam obducere continuam materiam, sed ossis species amittitur. Nam æquali ma- teriæ accessione tantum crassitudini, quàm proceritati apponitur: inæquali magis etiam disperditur figura. Igitur ossa (1) è terra nasci specie ipsorum, & magnitudine confirmatur. A qua sententia rursus nos deterrent, qui gigan- tomachias objiciunt. Quibuscum si libet vincere, gigantes illi immanes è rerum natura ejiciendi sunt, quorum ossa lapidifaceta fodi dicunt. Perse- quamur, si neminem argumenti varietas offendit. Nequaquam ratione ad- ducor, ut homines tam vastæ figuræ vixisse credam, atque à Poetis perscribi- tur. At oporteat, si ossa fossilia, quanta nos vidimus, structuram corporis hu- mani sustinuisse existimamus. Fides historiæ de veritate postulatur. Refert Plinius [a], in Creta terræmotu rupto monte, inventum esse corpus stans xlvj. cubitorum, quod alii Orionis, alii Oti fuisse arbitrabantur. Simile Boccatus in Genealogiis prodit, sua ætate montem à rusticis effossum in Sicilia juxta Drepanum, in quo vastum patuit antrum, in eoque cadaver hominis seden- tis repertum, sinistra manu baculo innixum, quo proceriorem in navi malum, negat fuisse. Hominis autem staturam cc. cubitorum colligit, & baculo plum- bum inditum M. D. pondo, quo subtracto corruerit. Polyphemum ait credi- tum, ingentem illum Syculum Cycloperum ducem, Græco, ac Latino Poetæ ce- lebratum. Has invenio duas staturæ humanæ summas magnitudines. Cæte- ræ tolerabiles Naturæ, si è fabulis Poetarum non petantur. Tamen his vanas non minus illas existimo. Namque major pars hominum cubitos quatuor non excedit. Qui potuit ergo vel Orion, vel Otus mensuram nostram undecies geminatam dimidia superare? Servius ab Orione Cycloperum humeris imposi- tum per pelagus ad Orientem transvectum scribit, uti vastior altitudo, quam dedit Plinius, intelligatur. Otum verò, ejusque fratrem Ephialtem patre Ne- ptuno, longè majores nono ætatis anno, mensus est Homerus (b) novem jugerū altitudine; quæ cum efficiant pedes mclx. fiunt cubiti mccccxl. Hujus ma- gnitudinis partem trigesimam secundam addito tantum cubito Plinius Oto tri- buebat. Tam pusillum nolebat Polyphemum Boccatus, cujus latera alto mari fluctus non tinxisse à Poeta didicerat: ad minus altitudinem unius jugeri de- dit, & cubitos ampliùs xl. ut sit pars summæ totius paulo minùs septima. Eadem fide sex reliquas adjunxisset, cum qui haud vulgariter sapiunt, nun- quam induci poterunt, ut hominis staturam credant superasse centesimam qua- dragesimam quartam, idest, cubitos decem. Jam veteres scripta Poetarum, & Gigantomachias interpretati sunt, & Philosophiam sub iis involucris nascentem latuisse non dubitarunt. Nam qui ad opera Naturæ retulerunt, (2) Gigantū nomine volunt indicari spiritus cavis terræ clausos, quorum eruptione cum- ingentes quasi montes, effractique monstrantur, tamen vis in cælum nequid- quam videtur tendere. (c) Tullius tum primo de Natura Deor. improbat, quod supinè credatur, Titanas cælo bellum intulisse: tum quærit alibi, quid sit aliud gigantum more bellare cum Diis, nisi Naturæ repugnare? Macrobius (d) alios non putat fuisse gigantes, quàm hominum manum impiam Deos negan- tem, & ideo existimatam Deos pellere. Sed illis etiam staturam ingentem, roburque corporis ascriptum invenio, qui vigore animi præstarunt cæteris, vel in scientiis demonstrandis, vel in artibus pariendis, ut facinus supra vires ausi, fortunamque hominis excessisse viderentur. Hinc est quòd Hyperion in Astronomia clarus inter Titanas censeatur, quasi cælum prodiderit; & Japetus Thessalus ob multa filiorum inventa, Hesperii, Atlantis, Epimethei, Promethei: quos altiores homine vetustas finxit. De Orione fictæ magnitudinis fabulæque nubem penè dispellit Hesiodus, qui ait, id muneris Orionem à Patre Neptu- no impetrasse, uti posset per summos fluctus incedere. Sed lentius disputantur hæc



hæc exemplorum appositione; magis exquirendum est, quid ferat ratio. Nam qui gigantes condunt, ita statuunt; pessum ire Naturæ opera, & quo ipsa procedat longius, hominis staturam minui. Ita majores nostros fuisse gigantes asserunt, & nanos promittunt nobis posteros, fidemque exemplis faciunt, Titanas, & Cyclopas, aliosque speciatim commemorant. Et solam hanc mutationem in homine agnoscunt. Non elephantas, equos, tauros, cæteraque animalia quadragies majora, quàm sint hodie, reperiunt. Quid videtur illis de primæ hominis creatione? Si in tenebris Veterum delitescunt, nequaquam audiantur à Peripateticis. Et quid tantum Philosophum ad æternitatem Mundi constituendam vehementiùs commovit, quàm ratur ordo rerum? Nos quidem conditum fuisse veritas docuit, sed tamen generatio tum instituta eodem semper tenore progressum faciat, si non est instituta, ut tum desinat cum exinanita promoveri non possit: veluti pilam excutimus, quæ paulatim lentiùs devoluta demum cessat. Cedo, quis tum finis? itane Deus auctor? Altera ratio. Causa à qua generatio est, & crementum, non patitur eam mutationem. Non enim forma major, neque fit minor. Non enim substantia, sed accidens intenditur, vel remittitur. Quod eveniret individuis unius speciei, quæ secundum formam majorem, minoremque capefferent gradus. Deinde auctio diminutioque proprii sunt, atque, ut vocant, immediati affectus quantitatis. Non igitur attribui possunt formæ. Substantia namque haud est quantitas. Crescit autem corpus, ac decrescit per quantitatem, quatenus materiæ quanta recens informatur, vel privatur forma.

Opinio de Gigantibus refellitur.

## N O T Æ.

[1] Ossa lapidea non rarò reperiuntur. Varias eorum partes vidimus apud Eminentiss. Gualterium, præcipuè autem elegans est cranium hominis, cujus parti, quam zygoma, seu os jugale vocant, veluti quædam ansa lapidea adnectitur, alteraque extremitate syncipiti adhæret, itaut à quibusdam serpens in lapidem conversus existimetur. Singularis quoque est hominis sceletos crusta lapidea obductus, à nobis observatus apud Illustriss. Strozam: cujus mentionem fecimus superius in Notis Capitis IV. ubi de Metallis in genere, pag. 6. Ossa autem admirandæ magnitudinis, quæ in Italia præcipuè effodiuntur elephantum esse, quos Hannibal adduxit, Bocconus (a), Augustinus Scilla, alique existimant.

[a] Recherches, & observations naturelles des lettr.

[2] De hujusmodi Gigantibus ita legitur apud Hesiodum (b):

Ἄλλοι δ' αὖ γαίης τε καὶ οὐρανοῦ ἐξεγένοντο  
 Τρεῖς παῖδες μεγάλοι, καὶ ὄμβριοι οὐκ ὀνομαστοί:  
 Κόπρος τε βριάρεώς τε γούγης ὑπερήφανα τέκνα:  
 Τῶν ἑκατὸν μὲν χεῖρες ἐπ' ὤμων αἰώσαντο,  
 Ἀπλάγοι κεφαλῇ δ' ἐνάσῳ περὶ κνήμῳτα  
 Ἐξ ὤμων ἐπέφυκον ἐπὶ σιβαροῖσι μέλεσσι  
 Ἰσχυρὸς τ' ἀπλητος κρατερῇ μεγάλῳ ἐπὶ εἶδει.  
 Alii autem ex cælo & terra progenerati sunt  
 Tres filii magni, & fortes haud nominandi:  
 Cottus, Briareusque, & Gyges, superbi filii,  
 E quorum humeris centum quidem manus attollebantur,  
 Singulisque quinquaginta inaccessibleia capita  
 Humeris adnascebantur validis membris aptata,  
 Visque ingens ingentem staturam roborabat.

[b] In Theogonia.


Quæ de ventis subterraneis allegoricè conficta esse vult Scholiastes his verbis: Δηλαδὴ τὰ ὑπὸ τὴν γῆν ἐναποκλειόμενα πνεύματα καὶ αὐτὴν δεινῶς σπαράσσοντα καὶ οἶον μαρτύροντα. Venti nimirum infra terram inclusi eam vehementer divellentes, ac ferè verberantes. Hos inferiùs Titanas appellatos ait, παρόσον τιταῖνοισιν ἡ γοῦς κατασπινέουσιν βλάβας τοῖς ἀνθρώποις. In quantum intendunt, idest, parant damna hominibus.



## L A P I S S A R N I U S .

C A P . L X V I .

**L** A P I D E S Sarnii & siquidem ad unum omnes aliquantulum conformes, unusque materiæ compotes inter se sint : variam tamen, alter ab altero originis causam sortiuntur . Accidit enim sæpius ab impedimento, remoratoque aquarum decursu in subterraneis tubis eos coacervari sensim in congeriem



L A P I S S A R N I V S

*Aloysius Gouzier sculp.*

lapidum duriorum : quos summa ferramentorum vi disrumpi, expugnarique oporteat . Horum aliqui eleganter hepaticam, aliasque herbas impressas gerunt . Non rarò quoque in aquis fossarum quietis, & consistentibus oriri evenit : maximè verò ubi neglectæ fuerint, & ex diutina purgationis mora vitium cepe-



ceperint; in quibus arundines, junci, spatulæ, & hujus generis plures herbæ aquaticæ, cacuminum tenuis obrutæ, formam pristinam, vigoremque obtinere videntur. Nam neque in aquis natura miracula intermittit: & cum in eis saxum sponte concrefcere, ut supra diximus, in exitu paludis Reatinæ, tum immersa pristinam naturam lapidum duritie commutare, ut in hoc Campaniæ amne Sarno, nobis constat. Enim verò lapides isti ramulos, herbas, eisque similia involvunt: quæ cum ipsi concrefcunt, simul lapidescunt. Itaut præter virgulta, diversa etiam folia arboribus excussa, & fortuito ibi delapsa, veluti quercuum, alnorum, aliarumque arborum, in iis suaviter mirari liceat, & sæpe dignoscere.

Istud de Sarno Pontanus his versibus celebravit:

————— *Videas lapidescere Sarni*  
*Ceruleo sub fonte alnum, filicisque maniplos*  
*Et paleæ intortos lento cum vimine culmos.*

Nomen verò Sarnii lapidis iis etiam accommodamus, qui non in Sarno tantum, sed pari modo ex rebus mollioribus ab aliis aquis transmutati videntur, vel aquarum beneficio, simili aliqua forma concreti. Pluribus enim locis idem evenire testis est Plinius, ut in Ciclonum flumine, in Piceno lacu Velino lignum dejectum lapideo cortice obducitur, & in Surio Colchidis flumine, adeout lapidem plerunque durans integat cortex: similiter in Silaro Lucaniæ amne ultra Surrentum, in quo non modò virgulta immersa: verùm & folia lapidescunt. Quod Silius libro octavo inseruit:

*Nunc Silarus, quos nutrit aquis, quos gurgite tradunt*  
*Duritiem lapidum mersis inolescere ramis.*

Separandi non sunt, qui tum alibi, tum maximè in quodam Campaniæ tractu versus Sarnum eruuntur frondibus, surculisque insigniti, & eodem nomine, quo Sarnii, Neapoli appellati: Frequentiores isti ex loco vulgò *Tartareto* caduntur plano illo quidem & natura porrecto, arido, & sterili, qui indidem lapides magnæ insuperabilisque duritiei circumferuntur, supra quos incolæ rude linum contundunt, & domant. Istibus enim vehementer per plurium annorum spacium resistunt. Sanè non pauci patefunt adeò duri, & indomiti, ut ab iis excindendis superfedere in totum præstet: quoniam prius ferramenta omnia in eos adigerentur, quam summo cum conamine, evinci, penetrarique possent: qui scilicet aëri propinquiore in superficie terræ detegi solent. Verùm subter eos mitior, & ad fabrilem usum multò commodior, tractabiliorque materia cæditur, quæ quidem usque ad imum fundum, ex quo aqua naturaliter scaturit, & quem incolæ pelagum appellant, non deficit. Aqua non est ad summum altior duodecim palmis, quibusdam locis octo, sex, & quatuor. Compertum est insuper eò loci, ut in propriis eorum fodinis, unum alteri veluti asseres adhærere, ac in cujusque ferè interstitio, vel compage modicum terræ, quantum manus capiat, leviter inspersum jacere, cujus opportunitate facile ab invicem separantur. Hi etiam ut plurimum referunt frondium vestigia, & arundinum pluribus foraminibus compunctarum. Huc spectat incolæ solere fossas juxta Tartaretum educere, & terra deinceps frugifera opplere, ibique arbores plantare; quæ profectò eorum industria nihil, nisi in longinquum tempus, consulit. Viginti enim annis amplius terra ibi reposita, tum primum in tartarum convertitur; à quo strangulatæ, suffocatæque plantæ tandem exarescunt. Colorum nullæ in iis singulares differentiæ notantur: omnes utique ad colores medios concurrunt: qui partim cum albo communicant, partim cum rubro, partim cum obscuro, & caliginoso. Omnes injuriam temporum, & continuas glacies æquè perferunt, nihilque faciunt; quin & ignium vires, quindecim dies circiter pro memorabili intervallo sustinent. Ex durissimis globi fiunt, supra quos carri quamlibet onusti insistant, prætervehanturque. Optimas ad perpetuitatem structuras cum calce præstant adeò, ut cæmentarii fabricas ex iis constructas vix solo æquare valeant. Applicantur utiliter ad fundamenta jacienda, ad muros ducendos, ad fornices, & pilas



cvehendas. Non defunt quoque ex horum numero lapides, qui præ commoda sui temperatione secantur, & in quadræ formam rediguntur, quibus incolæ uti solent.

Deferuntur, ut diximus, lapides Tibure, qui in Anienis rivo delituere. Neque ab his diversi judicandi sunt lapilli, calculique, quibus etiam Tibur abundat; suam enim Metamorphosim ex leguminibus, olivis, ciborum reliquiis, & diversorum animalium excrementis præferre videntur. Immutantur autem ibi, & lapidescunt plurima mollioris materiæ: & ferè semper unà colorem candidum induunt. Ad hoc allusit Martialis in Lycorin.

*Tibur in Herculeum migravit nigra Lycoris*

*Omnia cùm fieri candida credit ibi.*

Hactenus verò diversa omnium origo in causa fuit, quòd finè nomine sepulti, spretique jacuerint.

N O T Æ.


[a] In Herbario di-  
luviano.

Plantæ unà cum lapidibus concretæ passim occurrunt apud Scriptores: sed præcipuè variæ earum icones visuntur apud Scheuchzerum (a).

## O N Y C H I T E S.

C A P. LXVII.

**L**APIDES ad humani unguis vel integri, vel dimidiati similitudinem alludentes Onychitas appellare libuit, & licuisse, quòd ad hæc usque tempora ignobiles latuerint, nemo mihi negaverit. Certa eorum magnitudo describi nequit multis mensuram excedentibus, aliisque tam longitudine, quam latitudine deformatis. Ebur candore, & substantia pollicentur. Strias qui-



VNGVIS LAPIDEVS

dam nisi propiùs intuentibus nunquam indicant. Singuli in extremitate sui foramen, quasi terebra confossum habent. Hoc nescio cujus solertiæ vulgus ascribit. Artis enim esse vult, neque à Natura profectum. Nobis hinc miram naturæ calliditatem percipere potius, & contemplari liceat. Nam quis ita deliret, ut consulto iis lapidibus illa foramina, stigmate quodam, vel cauterio inuolleret? Quis verò tam fatuus, tamque animo supinus: ut cùm omnem in-

iis



## Lapides ΙΔΙΟΜΟΡΦΟΙ. 331

iis terebrandis laborem posuisset, tandem sui, laborisque pertæsus exhausti, omnes in agrum coniecisset? Sed si ita esset, defecisset aliquando illorum numerus, quem natura instaurare videtur. Itaque in his lapidibus perinde, atque in aliis, naturam si minus assequor, mirari non desino. Fortassis enim necessaria quædam, & nobis incognita tametsi supprimat, inferre, & innuere videtur. Sed id aliis inquirendum relinquimus. Effodiuntur autem ex terra rubra, arida, & sicca in Hetruria sub Senensi ditione non longè à Monte Ilcineo in loco vulgò dicto *Cerreto alto*: horum accessionem debeo quoque Julii Sanfedonii diligentiae, ac singulari erga me studio.

Locus.

### NOTÆ.

Qui hic Ungues lapidei appellantur sunt etiam è concharum genere. Quorum plures species (a) *Hist. Lap. fig.* videre est apud Langium (a), qui cum Luidio Terebratulas appellat; à Littero autem appellantur Conchitz anomii rostro prominulo veluti pertuso.

## GLOSSOPETRÆ MAGNÆ.

### C A P. LXVIII.

UNUM Glossopetræ genus Plinius (b), idque inter gemmas ponit, linguæ humanæ simile. Nos multo plura observavimus, quibus (1) γλωσσοπέτρας etymon commune fieri posset ac si ab animalibus, quibus peculiares linguarum formæ sunt, libeat sumere differentias, totidem fermè erunt, quot ejusmodi inveniuntur animalia. Sed tantam multitudinem consultò ad tres ordines cogere visum fuit: ut omnes habeantur magnæ, vel mediæ, vel parvæ, singulis his suum locum dicavimus. Magnis, Plinii Glossopetræ continentur, & fortassis plures, quàm ejus non capit descriptio, causa enim dissimilitudinis, in multis acuminata extremitas. Sunt omnes latiores, neque excedunt humanam linguam, tametsi minores plurimæ. Rotundiores filicis aspectu, rarò nitidiores visuntur, & suam radicem sculptura sæpius quàm colore discriminant. Quæ in acutum desinunt, serrato utrimque margine insigniter nitent ad basim usque, quæ magis faxeæ est; color in nitore candicans, cinereus, flavesceus, croceus cæsius, nigricans, vel ex his maculosa, vel undulata varietate confusus. Refert Plinius, creditum non in terra nasci Glossopetras, sed deficiente luna è cœlo decidere. Idcirco narratæ superstitionis adhuc conscium vulgus cœlestem sagittam vocat. Ad contradicendum natalis locus incitavit duplici ratione. Una est quod in Melita insula sicubi terrarum abundantius reperiantur; altera certior, quia saxo innatam ad me misit Julius Sanfedonius Patritius Senensis, inerantque cum illa alii lapilli rudiores, inter quos enitebat. Saxum substantia candidum nec dissimile videbatur ab illo, cui minores Glossopetræ innascuntur. Accepi à Patre meo nitidissimas, & non unius coloris in agro Miniatensi fortuitò inventas. Frequentiores in Prusia feruntur. Ascribunt ridiculas facultates. Lenocinanti necessariam esse antiquis persuasum est; teste Plinio. Putarunt aliqui hac plusquam Thessalicis mendaciis, lunares motus posse excitari. Nostræ ætatis vanitas credit avertere fulmina, præcavere submersionem, læta inducere somnia, profectò mera somnia. Quare persuasæ mulierculæ gaudent hoc gestamine infantium colla munire. Orpheus de lapidibus quoque Græcus vulgari opinione superstitiosus esse voluit, qui Glossopetram ad aras afferenti non irrita vota promittit.

[b] Lib. 37. cap. 10.

Glossopetrarum triplex genus.


Descriptio magnarum.

Locus.

Facultates.



## \*GLOSSOPETRÆ MAIORES\*



## N O T Æ.

(1) Glossopetra vocatur à γλῶσσα lingua, & πέτρα petra, quasi lingua lapidea.



L A M I Æ D E N T E S.



C A P. LXIX.

U<sup>T</sup> ea, quæ tractarem, essent quàm planissima, laboravi semper : & nostri erat instituti res non solum docere, sed falsa, atque supposita amovere, extra locum, & occupatum ordinem relegare, vel ad minus fraudem prodere:

LAMIAE PISCIS CAPUT.



EIVSDEM LAMIAE DENTES.



Itaque seriem hoc loco cogor interrompere eam ob causam. (1) Video namque Glossopetras magnas, & Lamia piscis dentes confundi etiam à curiosis. Similitudo errorem subornavit, quæ tanta est, ut qui utrorumque ortum non no-  
verit,



Lamiæ descriptio.

verit, nihil suspicetur, qui utrinque notas non contulerit, non dignoscat. Certè non ingratum lectori fore confido istud diverticulum, præsertim ad naturæ miraculum, monstrosam scilicet belluæ faciem. Lamiæ Rondeletius accuratè descripsit: capite est magno, oris scissura maxima, dentibus acutissimis, durissimisque, trianguli figura, utrinque serratis, quorum sex sunt ordines: primi ordinis dentes extra os prominent, & in anteriorem partem vergunt: secundi recti sunt: tertii, quarti, quinti, & sexti in os recurvi, maxima ex parte in utraque maxilla, carne molli, fungosâque contexti. Piscis est carnivorus, voracissimus, & anthropophagus: cadavera enim mortuorum etiam integra vorat, quod ex dissectione compertum est. Massiliæ, & Nicæ (eodem auctore) captæ sunt, in quorum ventriculo homo loratus inventus est.

Dentes Lamiæ quo differant à Glossopetris.

Dentium Lamiæ facultates.

Unum Lamiæ caput, quod apud me est incisoris opportunitate depingi placuit. (2) Quod inter dentes, & Glossopetras illas discriminis est, exiguum fanè. Crassiores plerunque Glossopetræ, tenuiores dentes, & mollius nitent, ut inter osseam, & lapideam Glossopetram materiam ex aspectu iudicium capiamus: Unus quoque, & perpetuus dentium color candidus, vel ætate flavescens; Glossopetræ variant. Addamus hac occasione Lamiæ dentium usum: ad dentifrigia parantur optima, eorum enim asperitate dealbantur dentes; siccitate conservantur, confirmanturque. Mulieres ad puerorum colla deligatos, argentoque, aut auro inclusos suspendunt, quod dentitionem maturant, & puerorum pavores, ac terrores diffident.

## NOTÆ.

(1) Glossopetras huiusmodi nihil aliud esse, quàm dentes Lamiæ piscis, in lapidem conversos conjici potest ex his, quæ in Notis Cap. III. hujus Armarii dicta sunt, ac satis etiam ex iconibus, quibus eleganter tum Glossopetræ, tum dicti piscis caput, ac dentes hic exprimuntur perspicitur: inter has enim nullum penitus discrimen dignoscitur quoad figuram.

(2) Quas verò differentias afferre conatur Mercatus noster ex colore, duritie, pondere, ac magnitudine, ex tantum proveniunt ex substantia merè ossea, qua dentes nondum liquore lapideo concreti constant, atque ex osseo-lapidea, qua iidem dentes, qui Glossopetræ hic appellantur lapideæ materiæ admistione ferruminantur: color autem variari etiam potest ex variis terræ succis, qui ossa pro diversa locorum qualitate unde effodiuntur, inficiunt.

[c] Vana speculatione disingannata doli sensu.

[d] Recherches &amp; observations naturelles lettre 29.

Sed fusiùs super hac re argumenta adducuntur apud Fabium Columnam Stenonem, qui hujus loci mentionem facit, atque capitis Lamiæ piscis, & Glossopetrarum iconem hinc mutuatus est, ut in testimoniis retulimus, Augustinum Scillam [c], Paulum Boeconum [d], aliosque.


## GLOSSOPETRÆ MEDIÆ.

## CAP. LXX.

Descriptio.

**G**LOSSOPETRÆ mediæ angustiores sunt, & bifurca basi avium linguas imitantur tantæ formæ æmulatione, ut faciliùs vulgò persuadeam eis usas

## GLOSSOPETRÆ MINORES.



fuisse



fuisse volucres, quàm privatum naturæ opus esse. Multæ enim sunt differentiæ in longitudine, tenuitate, acumine, ac basis diductione, quasi verò non satis erat in uno genere nos deludi. Quædam velut ab exerente torquentur, & aliæ retorquentur. Idem nitor est, qui in majoribus, & durities. Colorum varietas etsi eadem, tamen in hoc genere majorem vidisse non contigit: nimirum fulvas, ferrugineas, rufas. Nascuntur in Melita Insula quemadmodum magnæ. Ex insulis Græciæ proximis unam ad me detulit indigena quidam, in qua utrinque à latere incepta erant novæ linguæ rudimenta. Fex vulgi, sibi inutile, & multitudini incommodum genus hominum, Circumforanei, inquam, & Circulatores hæc Glossopetras pro serpentium cornibus impudenter ostentant, præsens venenum sudando prodere mentiuntur, venditant. Pari audacia ad majores Glossopetras ventum est, nam quas simul inveniunt, simili fuco obtrudere non verentur. His multos etiam homines non privatos credere me pudet, inducique ab illis circumforaneis, ut pretio condigno scilicet redimant, & magnum se adversus venena præsidium parasse arbitrentur, qui nihil præter verborum ambages, quibus circumventi sunt, emerint. Quia verò serpenti cornu recordatio in hunc locum incidit, quanvis alienum videatur, eloquar liberè, quid sentiam, à me repertum nusquam, nè in ditissimis principum thecis, in qua se illo prætextu una, atque altera Glossopetra ingesserat. Omnino nullum inveniri non audeo dicere, cùm Plinius Ceraſti serpenti cornicula quadrigemina pingat. Quæ non à me expectanda, sed alterius diligentia perquirenda sunt. Cui ut favemus, ita libenter, quæ de serpentino cornu in Bibliotheca Vaticana inter Pontificum monumenta extant communicamus. Joanni XXII. qui præfuit Ecclesiæ anno à Christo nato mcccxvi. Margarita Comitissa Fuxensis de ipsius salute plurimum sollicita serpentis cornu utendum dederat anno Pontificatus quarto, cui Pontifex literis gratias agit: & rursus secundis restituit; idque facit verbis splendidis, ambas ad verbum descriptissimus:

Locus.

Glossopetrarum impostura.

Cornu serpentis Joanni XXII. missum.

Dilectæ in Christo filiæ nobili Mulieri Margaritæ Comitissæ Fuxensi.

**G**Ratum filia nobis multum accessit, & placidum, quod tu de sospitate, ac vitæ nostræ longævitate materno more sollicita cornu illud serpentinum factum ad modum manubrii cultellini, cujus virtus dicitur ad detegendas insidias veneni valere, nobis tam liberaliter commodare curasti, quem equidem sub certis modis, & obligationibus per dilectos filios Raymundum de Bearnio Archidiaconum Larvallen. in Ecclesia Lascurten. & Manaldum de Castrotino Canonicum Oloren. Nuntios tuos, qui Nobis cornu ipsum tuo nomine tradiderunt in tuam notitiam plenius adducendum ex causa commodati recepimus, & de receptione hujusmodi, ac de promissione restitutionis illius patentes alias recognitorias, & obligatorias literas per eosdem tibi Nuncios destinamus, sinceritatem tuam condignis inde prosequentes actionibus gratiarum, ac in tuis opportunitatibus, in quibus ad nos poteris, cum fiducia filiali habere recursum, prout res exegerit, & cùm Deo licebit favorem tibi propitium offerentes.

Dilectæ in Christo filiæ nobili Mulieri Margaritæ Comitissæ Fuxensi.

**E**Cce filia cornu illud serpentinum factum ad modum manubrii cultellini, quod adversus veneni valere fertur insidias, per dilectos filios Raymundum de Bearnio Archidiaconum Larvallen. in Ecclesia Lascurten. & Manaldum de Castrotino Canonicum Oloren. Nuntios tuos Nobis nuperrimè præsentatum, ex commodato nos recepisse cognoscimus: eumque tibi, vel certo mandato tuo, cùm de tua Nobis super hoc requisitione constabit, restituere, sinè difficultatis, & dilationis obstaculo pollicemur, Nos, & omnia bona nostra mobilia, & immobilia, quæcunque, & ubicunque sint tibi propter hoc obligantes, ac in quemcunque cornu detinentem hujusmodi contra voluntatem tuam, postquam per te, vel certum procuratorem tuum super istius restitutione fuerit requisitus, ex nunc prout ex tunc excommunicationis sententiam promulgamus.

GLOS-



## GLOSSOPETRÆ PARVÆ.

C A P. LXXI.

**T**ERTIUM Glossopetrarum genus non solum ex secundo deducimus, sed interest quid discriminis peculiare, ut erat inter illas, & primas. Describebantur enim latæ, sæpius ferrato utrinque latere: mediæ tenues, & in furcam diducta radice: hæ verò parvæ sunt non latæ, non bifurca basi. Et nisi aculei forma, materia, nitor, color, idemque frequenter natalis omnium locus jussissent illis superioribus annumerari adinvenissem, quibus rectius



GLOSSOPETRAE MINIMAE.

Locus.

potuissent conferri, quàm minutis avium, aut piscium linguis. Nam ad Lectoris captum, aliquæ brevioribus spinis, aliæ curvitate volucrum unguibus comparari voluissent. Nascuntur in Melita insula, sed nullibi plures, quàm in Balearibus insulis, & Sardinia. Formavimus inter has unam, atque alteram diversam, parvam quidem, sed latiusculam, & denticulatam, ac minuti piscis propius referentem pinnas, simili colore, & eisdem locis natam. Itaque cum superiores, ut sunt differentiæ, non reciperent hoc loco inseri debuerunt, qua ratione, & sequens caput connectetur.

## CARAPATINÆ.

C A P. LXXII.

Etymologia.


Descriptio.

**U**NA cum his lapillis eorum nomen ad nos pervenit, idque cum vetus nusquam extet, immutatum consultò tradimus. Corruptum nihilominus novum istud nomen esse, non levis relinquitur suspicio. Nam plerique ex his, quos Carapatinas vocant, insigniter Bufonites è Gallico sermone *Crapaudinas* nominatos assimulant. Tum verò maximè ea nominis corruptela placuit, ut cum pro Bufonitibus impostores probè supponant, quæ formæ similitudo est, in nomine non prorsus responderet, sed ex voce dissona, originis & naturæ diversitas intelligeretur. Sunt igitur Carapatinæ quædam, ac major pars, hemicycli figura; differuntque à Bufonitibus colore, ferè semper ex flavo, aut fulvo rubente; eisque peculiaris est extremam marginem velut circulo ambiens scabrities, sæpe etiam nigra. Magnitudo inæqualis est, tamen intrà nucem avellanam continetur, aliquæ lentibus minores sunt. Nitent omnes



# Lapides ΙΔΙΟΜΟΡΦΟΙ. 337

omnes: nunquam omnino concavæ sunt; aliquando rotunditas earum protrahitur. Raræ inventu sunt; quarum color ita nigrescit, ut ad Bufonitem accedat, & in his vix ullum nitorem vidimus: Cæteræ Carapatinæ eundem colorem, quem superiores servant; sed figura degenerat: Aliæ enim humani pedis ungues, aliæ primores dentes, nonnullæ pupillas exhibent, omnesque pari nitore. Quæ ungues videntur dilutius rubent, estque in eis hoc dissimile, quod



CARAPATINÆ

inferiori parte crassiores sint, & molliore ingesta materia, bifidæ. Pupillæ acutius desinunt, & magis eorum extremitas rubet, reliqua parte pallidæ, & minus nitidæ, inducta quandoque nigræ, subtus aliquatenus forantur, tantummodo major in aliis candor requiritur ad justam dentium similitudinem; nam ima pars, velut radice distinguitur, & color illic magis croceus, quasi ex convulsione sanguineis aspergitur vestigiis, supra morsu attritæ videntur, & color in dentium rubiginem sæpe vergit. Petuntur ex Balearibus Insulis, & Sardinia. Insunt omne genus in una eademque massa, quæ in Balearibus Insulis durior lapis est, squalidi coloris, nonnunquam rubentis, & versicoloribus admixtis scrupulis impurus. In Sardinia mollior, candida est ac purior, & linguæ

Locus.

V u

attactu



Carapatinae quomodo  
eruantur.

Vires.

attactu falsa. Hoc etiam inter Carapatinas interest; Baleares sæpius minus rufæ, & nitidiores sunt, contra Sardæ. Modum eruendi exposuerunt mihi Patres quidam Societatis Jesu, quos ex Sardinia venientes Romæ conveni, Tribus mill. pass. à Calari urbe ad Promontorium S. Heliae quasdam profundas specus esse mari proximas, in eas hominem funibus dimitti, qui illas tenaciùs inhærentes malleo excutiebat.

Solere autem indigenas argenteis annulis ita includere, ut digitum con-tingerent ad hemicraniam arcendam: & fœminas octo, vel decem in filum digerere, frontemque eis cingere, & utiles ad omnes capitis dolores propul-  
fandos putare, iisdem testibus accepi.

## E N C A R D I A.

### C A P. LXXIII.

**H**Oc naturæ detulisse videtur Plinius; ut quicumque lapides ab illa formis insigniuntur, eosdem loco, & ordine nobilitare non dubitaverit; quan-  
vis nitor sæpe nullus, & quandoque abesset lævitas: ut in Enorchi. Id verò ipsum non tam suo consilio, quàm communi æstimatione fecisse duxerim.



ENCARDIA TERTIA

Tam enim in honore, & pretio habebantur; & non solum curiosa, sed etiam superstitiosa antiquitas magnum ex novitate argumentum desumebat. Neque par esse statuebat operoso corpori ignavas tributas esse facultates: quarum maximè famam auxerat magorum vanitas. Hæc eò dicta esse volo; nè quis frustra hujusmodi miretur à Plinio inter gemmas relatos. Si quis non eosdem esse cavilletur, is interdum Plinii ad alia festinantis silentio nixus, in plerisque sententiam non tuebitur. Nos igitur, qui omnes certa aliqua effigie insi-  
gnes,



# Lapides ΙΔΙΟΜΟΡΦΟΙ. 339


gnes, sive gemmas, seu diversos lapides, quos quidem investigatione assequi potuimus in hoc Armarium congeffimus. Plinii Encardiam hoc loco adducimus, unam duntaxat speciem, cæteras nusquam erat invenire. Ille Encardiam cognominari, & Cardiscen dicit: ejusque tres istas esse species vult, unam in qua nigra effigies cordis eminet: altera eodem nomine viridi colore, cordis speciem repræsentat: tertia nigrum cor ostendit, reliqua sui parte candida. Hanc postremam nostram agnoscimus; Cordis nanque effigies nigrescit concreti, & frigore coagulati sanguinis colore, candor offusus accretum adipem refert. Silicis duritie est, nitore marmoris. Recensuit idem auctor in eodem capite Bucardiam bubulo cordi similem, aliam à nostra, Babylone tantum natam. Hac nostra mons in Epiro unus præ cæteris maximè abundat. Indè mihi Mahumettus Bejus vir apud suos magni loci, atque ordinis afferri curavit; Cordis palpitationibus si manu feratur, subvenire ajunt.

Locus.

Vires.

## N O T Æ.

Encardia ab *ἐν* in, & *καρδία* cor. Lapis hic sat vulgaris est apud Auctores Boetium, Aldrovandum, Vvormium, aliosque recentiores; & nos eum sæpius observavimus in Museis. Efformatur autem vel à concharum valvis invicem incumbentibus, atque in lapidem concretis, vel à liquore lapideo intra earum cavitatem nuclei instar ferruminato, ut ex autopsia manifestè dignoscitur. Crusta enim exterior à dicto nucleo interno diversa est, & plerunque nihil penè à testa conchyliorum differt. Itaque mirum sanè esset, si Plinius hujusmodi lapides vulgares, utpote qui nec raritate, nec alia ulla prærogativa præstarent inter gemmas reposuisset: ac propterea longè consentaneum est Plinii Encardiam ab hoc lapide aliam fuisse, ut facile demonstrari potest ex aliis argumentis, quæ attu-



ENCARDIA

imus Capite III. hujus Armarii. Alteram hanc iconem inter æreos typos repertam, sed à Mercato non descriptam hic subjungendam duximus, ob similitudinem, qua inter Encardias refertur.




## E N O R C H I S.

C A P. LXXIV.

**D**ESCRIBENDI quoque veniunt omnino hi lapides, qui obscœni quid præferunt: cujus apud Græcos vocabula, & tolerabiliora, & magis usu recepta sunt. Apud nos verò fœdiora verba, nè consuetudine quidem aliqua verecundiùs loquentium tolerantur, nedum commendantur: adeout difficilis hæc descriptio videatur, simul ut decorum, cujus nos memores in omni actione oportet esse, servemus, & rei cognitionem ad vivum piis legentium animis impartiamur. Ea tamen res non me aliquatenus detertere debuit, quin omnia, quæ hucusque cognoscere licuit, comprehenderem: præsertim ea, quæ à diversis auctoribus diffusè pertractata fuisse omnibus palàm est. Est igitur Enorchis ab antiquis à similitudine testium notus silex, prædurus, subcandidus, & inventu difficilis. Plinius eundem fortassis inter gemmas eodem nomine retulit; quem breviter descripsit his verbis; *Enorchis candida est, divisaque fragmentis testium effigiem representat.*

Lib. 37. cap. 10.



Lib. 5. de Nat. Foss.


Inventi quoque sunt (ut Agricola scribit) in Diœcesi Treverensi, cum crementa pro reparandis structuris, quæ vitium fecerant, arcis Crebritesteinensis eruerentur, lapides nigricantes, & duri, qui muliebri pudendum exprimerent.

Diphys lapis.

Diphys etiam describitur à Plinio candidus, & niger, qui genitale utriusque sexus distinguente linea ostendit, unde sibi nomen invenit. In fundo verò cujusdam putei Romæ inventus est hic lapis, cujus aspectu nemo, qui verecundiam amet movebitur. Silicis duritiem exuperat, similis ferro rubigine exeso, viriliaque ad unguem exprimens. Raphael Comaccius probus sanè, & antiquæ simplicitatis homo, dum vixit, cum in hoc lapide divinum artificium mirabatur, tum se mihi rem gratam facturum existimabat (mihi enim propter rerum naturalium studium id tribuebat) si me isto, quem intrà parietes suos, cum puteum expurgaret, fortuitò invenerat, donaret: Quocirca illum libenter, utpote ab amico accepi, & tabella quantum natura expresserat adjeci. Tibi verò candide Lector satis sit obliquo oculo semel aspicere.

Raphael Comaccius.





ΑΙΔΟΙΟΜΟΡΦΟΣ

Cardanus etiam de quodam miro lapide, juxta Salpheldam Thuringio-  
rum in puteo viginti orgyis profundo, effosso scribit: qui ad unguem pectoris  
humani integri formam referebat, cum costarum discriminibus, paulò tamen  
pectore humano angustior. Verùm cùm deinceps Agricola in manibus ha-  
berem in eandem historiam, quam Cardanus paucis mutatis verbis retulit,  
incidimus, cujus verba, tanquam veri hujus narrationis auctoris subjiciam:  
*At Salsfeldæ, inquit, in Thuringiis, ex puteo vigintiduas orgyas alto, effossus est Agricola ut supra:*  
*lapis, qui solidi pectoris speciem præseferbat, longus sesquipedem, latus palmas*  
*tres: crassus anteriori parte, ubi costæ terminabantur, digitos sex: posteriori,*  
*ubi erant vertebrae mediæ perforatae, tres; sed spina vacua erat ab eo, quòd*  
*medullam exprimeret; extrinsecus autem lapidi color insidebat, aut niger,*  
*aut rarus, intus lapidis Arabici similis, verùm hunc natura singularem pro-*  
*creaverat.*

Est & apud me lapis, quem Tiberis nuperrimè ejecit, Enorchi de qua  
superiùs dictum fuit simillimus, oblongus, in imo largior, & utrinque lineæ  
quadam latiùs impressa æqualiter divisus, ut insigniter naturam artificum in-  
genia in eo prævenisse nonnulli mirentur. Colorem habet cinereum, & sub-  
stantiam duram.

*Dceft Figura.*

N O T Æ.

Enorchis apud Plinium gemma est ab *ἐν ὀρχῇ*, & *ὀρχις testis* appellata.  
Hujus lapidis varias icones exhibet Aldrovandus orchitæ nomine. Nos autem lapidem vidimus  
apud Eminentiss. Gualterium similis figuræ.

AURIS



## AURICULARIS LAPIS.

C A P. LXXV.

**A**URICULAREM lapidem dicimus, quòd auris humanæ speciem præferrat. Hunc Hispaniæ montes quidam plurimum ferunt. Duræ substantiæ est, intus lævis, & colore corneo, extra scabrosus, ferrugineo magis, aut nigro.



LAPIS

AURICULARIS

Eadem huic, quæ auriculæ tenuitas, cartilaginæ rugas exprimit. Alii verò, aliis similiore. In multis tanta similitudo, ut etiam cavernulas, homini vocis aditus, cavitatem aliqua imitentur. Magna quoque extremitatum diversitas, margine explicata, in se reflexa, atque rugosa. Quibusdam auricula infima-

lon-




# Lapides ΙΔΙΟΜΟΡΦΟΙ. 343

longior, cæteris contractior. In his captare risum naturæ libuit, tales effin-  
gendo, quales cognomina multis indidere flaccorum; & alias acuta aliquan-  
tulum summitate desinentes, quas in homine Midæ, aut asininas dicimus. Si  
fuerit in rugis defectus, concharum testis similiores videbuntur, his præfer-  
tim, qui hoc lapidis genus ignoraverint.

## OCULARIS LAPIS.

### C A P. LXXVI.

**N**ON tam forma, quàm præsens auxilium longè, latèque divulgatum la- Descriptio:  
pillis istis nomen invenit. Quos, si quæ in oculos fordes inciderint,  
simul ac ipsis immittuntur, dicto citius egerere vulgus astruit. Idcirco nomine  
commendant Sanctæ Lucie lapides vocitantes. Minusculis fabis pares, sunt,  
ovata forma, duplici facie: una ad marginem æquali planitie brevis caudæ



LAPIS OCULARIS

volumina sinuat, quam tenues in circuitu sequuntur striæ: alteram cavam, &  
iniquam reddunt aversæ glomerationis vestigia. Candicant & in cinereo co-  
lore quidam rufescunt. Qui ad nos attulerunt ajunt inveniri ad Arbiæ flu-  
men prope Coroncinam locum ita dictum in agro Senensi. Nos ejusdem ge-  
neris esse putamus cum umbilicis marinis, quos in sexto Armario locavimus.  
Sola in magnitudine diversitas est. Itaque hi fluviales dici possunt.

Locus:

N O T A.

Vide Cap. VII. Arm. VIII.

## Ξ X I Z O Π O Δ E Ξ,

five Digitati.

### C A P. LXXVII.

**N**ON dubito quin procul abigat, quisquis paulò est humanior istos natu-  
ræ detractores, oderitque profanum vulgus, & arceat, ut inquit Hora-  
tius; Volunt illi quicquid à natura admirabile producit forma insolita, &  
earum rerum, quarum usus est æmula; ex eis in lapidem conversum esse riden-  
da certè metamorphosi. Nec vident difficilius esse illius causam investigare,  
cùm omnes ignorent, quàm simpliciter hanc fictionem naturæ ingenio tribue-  
re; quasi etiam non plura alia hujusmodi in reconditis terræ visceribus for-  
maverit; incluseritque: nonnulla saxi in intimis montibus, ut impingi non  
possit eo casu devenisse. Scimus quæ de omnibus narrantur miracula, & quæ  
vera esse oculis didicimus, non inficias imus, quorum plurima etiam ex ipsa  
ratione deduximus. Sunt enim plura naturæ ludicra, ut sæpius dictum est, in  
quorum catalogo istos lapides recensemus: quibus digitatæ plantæ figura  
Schi-



Schizopodum nomen fecit. Pedis forma planior est, quadrupedum: Volæ quibusdam latior, aliis longior, & in crassitie differentia est. Accedit extremitas minutis veluti discreta digitis, quinque plerunque retortis, ut in humano pede, convenienti sæpe proportionem. Externa etiam scabrities exiccatam cutem æssimulat, & melius adjecta, ut in quibusdam nigritie, in cinereo, ac



## ΣΧΙΖΟΠΟΔΕΣ

Locus.

colore croceo, velut efflorescente. Sunt alii candidiores. Planta intus divisa est, vel interjecta molliori materia facillè separabilis, quasi cum carne aruerit cutis exenteratis ossibus. Color ibi corneus, ligneus, vel dilutior. Inveniuntur temerè in Hetruriæ campis, ac complures prope Romam reperti sunt: qui cum à pluribus habeantur, verbum amplius quàm volebam addere perversa aliquorum opinione coactus sum.

## N O T Æ.

Schizopodes dicti sunt à Mercato à verbo *σχίζω* scindere, & *πὸς* pes. His haud absimiles Aldrovandus Chiritas appellat à manuum similitudine.

Hujusmodi lapides internè etiam compinguntur tanquam ex virgarum inter se cohærentium fasciculis, quæ in extremitate ab invicem nonnihil secedentes protuberant digitorum specie, ut nos observavimus. Quæ quidem figura fortuito facta videtur ex humore lapidescente quasi propinquis, ac invicem nexis stillicidiis fluente, quemadmodum etiam stalactitas variis formis concrefcere dictum est.


## S I L E X A U R E U S.

## C A P. LXXVIII.

**I**NVENIUNTUR in auri metallis Silex, auro & ipse dives, sed non admodum frequens, qualem nos Romæ vidimus ex India delatum ad Hieronymum Cieulum publicanum divitem, quem gemmas omne genus undecunque magnis sumptibus colligere delectabat. Ab eo Silicis iconem, quam videtis extorsimus, tres auri uncias in se continentis, lepido, argutoque emblemate admonens in illis venis nos aurum rimari, unde ignem aliàs quærimus.

Hujus-





SILEX AVREVS

Hujusmodi tres alios, magnitudine tantum dissimiles, unum etiam totum ferme aureum nunc habemus, quibus me oneravit inter alias suae benevolentiae significationes Andreas Battorius Cardinalis, Stephani Regis Poloniae ex fratre nepos, in quo humanitas cum stemmate decertat, nec minorem ex animi dotibus, cultuque, quam ex generositate Christianae Reipub. spem concipere debet. Major silex quindecim uncias excedit, alter octo, in quo rara apparent lapidis vestigia, tertius septem aequat. Silicis color communis cinereo flavescit auro vermiculatus, & ut in texturae genere aliis undulatum, aliis crispatum illitus, nonnullis parcius, quidam auro rudes.

Andreas Battorius  
Cardinalis.

## SILEX MULTIPLEX OCULATUS.

C A P. LXXIX.

**A**LATUS est etiam ad me hic silex, quem ut facilius cognoscatur hic pingendum curavi, is ex pluribus partim minutis, partim grandioribus, la-



SILEX MULTIPLEX OCULATUS

pillis est compactus, & veluti multis oculis distinctus graeci πολύομμα, magis accommodato, quam nos nomine appellarent. Itali *Brecciam* vocant; qui unde-

X x



# 346 *Arm.IX.Lap.* ΙΔΙΟΜΟΡΦΟΙ.

undequaque est cinereus, hinc verò, atque hinc inter se conferti, & veluti glutine coagmentati lapilli cernuntur, quorum alii colore sanguineo, alii rufo, alii fusco, & nigro, alii pallido, croceo alii conspiciuntur: ii etiam figurâ differunt, nam rotundâ, oblongâ, rectis, aut curvis lineis circumscribuntur, harum pleræque omnes in extremis oris sunt nigræ. Mirificè totus flix nitet, & cum duritie Achatem superet, potest gemmis adnumerari. Huc accedit quòd quibusdam è partibus collucet. Inventu est difficilis, rarissimumque dicere possis, quandoquidem talem non sæpe reperi, quanvis multi quotidie ad me sint delati, ipseque multorum descriptionem legerim, in iisque vestigandis (ut verum fatear) curiosior quàm sat est fuerim, vetustissimorumque ædificiorum monumenta, lapidicinarumque abstrusos specus fuerim rimatus. Reperitus fuit hic inter ruinas ædificiorum montis Aventini.

Locus.

STILIX MULTIPLEX OCULATUS.

C. A. B. LXXIX.

STILIX, est etiam ad ædificia, quæ in facili cognoscuntur hic planus, etiam curvis, et ex omnibus partibus, partem grandioribus, et



STILIX, est etiam ad ædificia, quæ in facili cognoscuntur hic planus, etiam curvis, et ex omnibus partibus, partem grandioribus, et

ORDO.



# O R D O

## IN IDIOMORPHIS SERVANDUS.

*Loculo*

1. **C**Rucifer.
2. Astroites.
3. Eumeces lapis literatus, five Grammatias.
4. Dendrophythus, Dendrophorus, Daphnia, lapis palmatus.
5. Barbarus, Smilaces, Ciffites, Narciffites, Zoronifios.
6. Lepidotes, Echites, Chelidonia.
7. Hieracites, Geranites, Perdicites, Isterias.
8. Meliboci Spinus.
9. Daetylus Idæus.
10. Aetites.
11. Lapidēs cæteri è nidis avium Aspilares, Cirrites, Coracia.
12. Pæanites, five Gemonis.
13. Aciculatus, five Aculeoferus.
14. Ovum Anguinum.
15. Ombria.
16. Brontia.
17. Edita nubibus, ferrum, lapides, bola, & pluviae portenta.
18. Pentexoche, seu Mespilæus.
19. Ceraunia cuneata quæ Sotaci.
20. Ceraunia triquetra.
21. Nummus Siliceus.
22. Nummus diabolicus, five pyritoides.
23. Ammonis cornu aureum.
24. Ammonis cornu lapideum, &c.
25. Stelechites.
26. Osteocollus.
27. Stelechites tertius.
28. Stiriæ lapideæ, calculi Tiburtini.
29. Lapis Sarnius.
30. Fungus Glaphyrus, & Columellæ Phausiæ.
31. Pæcilospermos, Sitophorus, Cenchrites Meconites.
32. Pisolithos.
33. Lapis Judaicus.
34. Trochites, & Entrochus.
35. Pentacrinos, & Encrinos.
36. Asteriscos, & Enastros Rhombites.
37. Echites floridus, vel species prima Cryptopetræ; five Cucurbites.
38. Echinites stellatus, five monostroites, vel Cryptopetræ species altera.
39. Cancer lapideus.
40. Ammonites.
41. Conchites Pausaniæ.
42. Conchites lævis.
43. Conchites striatus, & Crenites.
44. Conchites lunatus.
45. Ostracites Chrysites.
46. Ostracites alter.
47. Ceramites.
48. Porphyroides, & Muricites.
49. Strombites, & Nerites.
50. Cochlea lapidea.
51. Buccinum lapideum.
52. Dentale.
53. Myites, & Myscites.
54. Tellinites, & Chemites, Onychites, & alii.
55. Lapis auricularis.
56. Umbilicus lapideus, five Ocularis lapis.
57. Monoceratites.
58. Elaphoceratites.
59. Onychites.
60. Glossopetræ.
61. Ossa lapidea.
62. Encardia.
63. Enorchis.
64. Lapidēs digitati.
65. Sphæricus lapis.
66. Hæmisphæricus lapis.
67. Silex aureus.
68. Silex multiplex.



*Sequitur Approbatio, atque imprimendi facultas  
tunc temporis sacri Palatii Apostolici Magistri.*

**L**Egi hunc Librum, & nihil in eo reperi bonis  
moribus, & fidei contrarium quantum iudicio  
meo assequi potui.

*Ita est Franciscus Lamata Doctor Theol.*


*Imprimatur cum suprascripta attestatione, & non  
aliter.*

Fr. Bartholomæus de Miranda sacri Palatii  
Apostolici Magister.



**A**rmarium X. in quo Saxa, & Lapidea facta continebantur, ut videre licet, in METALLOTHECÆ Figura, cujus Tabula initio Libri delineata exhibetur, desideratur: quod quidem à MERCATO non fuisse absolutum exinde colligi potest, quòd edendi hujus Operis facultas legitur in fine Armarii IX. unde intelligitur, novem tantum Armaria ad edendum apud Auctorem parata extitisse, ideoque ea tantum sacri Palatii tunc temporis Magistro examinanda exhibuisse: atque dum Liber excuderetur cætera, ut sæpe fit, perficere in animo habuisse. Summa enim adhibita diligentia, nihil aliud reperire potuimus, præter fragmentum Armarii de Marmoribus, quod separatum à cæteris in libello angustiori charta exarato, inventum est, quodque non XI. ut in præfata Tabula, sed mutato consilio X. inscribit.







# ARMARIUM X.

## MARMORA.

MARMORIS ETYMON,  
& Definitio.

### CAPUT I.



APIDES magna corporis mole, & æquabili substantia provenientes, ut expoliti nitorem concipiant, Marmora vocantur; non à viriditate, sicut Isidorus scribit, quæ nihil pertinet ad originem vocis, & paucis marmoribus, iisque non solis convenit: sed à nativa dictione Græca *μαρμαίρεω*, quâ nitor omnium peculiaris indicatur. Definitionem marmoris etiam Isidorus ille minus idoneam constituit, una ex parte nimis coercens eam, ex altera latiore permittens: lapides enim

eximios, qui maculis, & coloribus, commendantur, ait dici marmora, cum species marmorum complures unius coloris, nullisque maculis variatæ conspiciantur: sed è diverso gemmæ, inter lapides eximios præcipuè, maculis coloribus probentur: ita ut has, quanvis alienas, definitio marmoris comprehendat: illas verò, tametsi proprias, eadem definitio marmoris excludat. Multò cautiùs igitur Georgius Agricola, & alii recentiores eum secuti, universam marmoris naturam circumscribunt magnitudine corporis, & nitore, quibus Julius Scaliger apponi voluit alias qualitates duas, duritiam, & æquabilitatem: sed earum altera parum commoda, redundat etiam altera: nam æquabilitas in marmore non aliud existimari debet, quam nitor, ut dici solet, potentia existens, qui artificis opera in actum producit: & duritia, quæ summa reperitur in gemmis marmoris nè quidem proxima conceditur omnino: aliis nanque generibus lapidum communicatur, ut idiomorphis, saxis, filicibus, quorum aliqui duritiam marmoris exæquant, nonnulli etiam superant. Verùm nitor, qui marmoribus, gemmis, fluoribus, aliisque multis attribuitur, in primis omnia saxa, & asperioris substantiæ lapides, qui poliendo minùs apti sunt, removet à definitione marmoris: deinde corporis magnitudo, quæ his convenit, vicissim gemmas, fluores, & alios omnes æquioris substantiæ lapides, ab eadem definitione separat: ita hæ solæ qualitates duæ, magnitudo corporis, & nitor, simul acceptæ justum definitionis ambitum conficiunt. Et nitor quidem in marmore peculiaris intelligi potest diversus ab eo, qui spectatur in gemmis, & fluoribus: nam effulget acrior, atque illustrior in gemmis, in marmore multò remissior, in fluoribus etiam evanidiùs, liquidior tamen, quam in marmore. Cæteris lapidibus si quis contingit nitor, ille ratione substantiæ existimatur, velut in Idiomorphis, vel alia proprietate insignitis lapidibus, vel corporibus animantium innatis, aliqui marmoream, aliqui filiceam, nonnulli gemmeam, aliam alii substantiam præferunt. Silices verò quicunque nitore excellunt, generi marmorum inferuntur: siquidem magnitudine corporis medii videntur inter gemmas, & marmora, quemadmodum & fluores. Gemmæ quidem grandes reperiuntur, sed earum summa magnitudo rariùs gradum attingit, quo

Marmorum definitio.

Isidorus Hispalensis  
originum lib. 16.

Etymologia.

Georgius Agricola  
de natura Fossilium.  
lib. 1.

Julius Scaliger de  
Subtilitate Exercit.  
126.



Marmora à gemmis  
quo discrepent.

quo infima possit haberi inter marmora . Quare accidit in hoc naturæ confinio, ut gemmantes lapides, & magnitudinem gemmæ convenientem excedentes (in qua nitor gemmeus quoque deficit) ad genus marmorum declinent, sicut onyx, Smaragdites, & qui novo debet appellari nomine, Iaspites . Qua vice versa, contingit etiam, ut marmora mole exigua, & insigni prædita nitore, vel eximie partes è grandi marmore dissectæ, gemmarum existimationem consequantur, sicut Alabastrites, Arabica exhebenum aliter dicta, Eurotias, Lysimachus, Eusebes, Meroetes, quorum ratio posterius demonstrabitur.

## N O T Æ.

Multi post Mercatum Marmorum historiam attigerunt, Boetius nimirum, Aldrovandus, Vvormius, Langius, alique, qui de Lapidibus scribere aggressi sunt. Verum super hac re egregie præ cunctis operam suam collocavit toties laudatus Illustrissimus Strozza, qui tum ex diligenti observatione infinitorum penè Marmorum generum, quæ in ipsius instructissimo Museo spectantur, tum ex multiplici eruditione multa collegit, quibus hanc naturalis historię partem mirifice illustratam iri arbitramur, siquidem haud commissurum speramus Auctorem humanissimum, ut opus tam eximium diutius in propriis scriniis delitescat, ac publicæ literarum luci, maximæque studioforum utilitati invidente fortuna eripiat.

## DIFFERENTIÆ MARMORIS.

## C A P. II.

**D**IFFERENTIÆ marmorum aliæ oriuntur à substantiæ temperamento, aliæ à compositione partium, nonnullæ à magnitudine corporis, quæ gignuntur, quædam à duritia, quædam à nitore, sed plures à colore, à specie macularum, & locis natalibus.

Differentiæ à substantia.

Substantiæ temperamentum duplici ratione differentiam efficit: una ratio est, quoniam alia marmorum genera crassiora, rudiora que continent substantiam, alia tenuiora, atque concinniora, ut etiam ex iis quædam transluceant, sicut Alabastrum, Onyx, Phengites: qua ratione primùm nobilia marmorum genera discerni possunt à vilioribus, antequam poliuntur. Altera ratio est, quod marmora quædam per universum corpus unam exhibent, eandemque substantiam, ut Parium, Lunense, Thasium, Luculleum, Porphyrites; quædam verò substantiam variant, & modò venis perstringuntur, modò scrupis, segmentisque à corpore continente plurimùm diversis confertantur; ut Synnadicum marmor, Hymettium, & Proconnesium.

A compositione partium.

Compositio partium differentiam habet, cum in aliis marmoribus, cunctæ partes corporis, uno & perpetuo tenore continuantur, in aliis verò minimè, sed ipsa vel meatibus venarum insinuatæ corpori distinguuntur, ut Hierapolitanum, & Lybicum, & interdum Numidicum: vel coagmentatione crustarum, ut Deucalium, & Carystium, quod ideo vulgus ab involuto caparum complexu similitudinem ducens capollinum appellat: vel scrupulis, inquam, segmentisque distinguuntur, ipsorum corpori sic insertis; ut dissecta marmora iis incrustari videantur, sicut Claudianum, Proconnesium, & quod vulgò *Septibassum* vocant, aliaque his similia, quæ artifices marmorarii, uno nomine *Brecias* nuncupant, Latinè verò filices asaroticos appellasse videtur Angelus Politianus, eorum similitudinem referens ad genus pavimenti variegati asarotum Græcis dictum, sed eadem nominare segmentata marmora convenientius huic loco visum est: vel postremò crebris minutarum partium interpunctionibus distinguuntur, ut Syenites, & Ophitis genera, quæ communi nomine à marmorariis vocantur *Granita*, quasi multis veluti granis in corpus unum redactis compingantur.

A magnitudine.

Magnitudo corporis etiam ex natura marmoris differentiam affert, cum enim multa promoveantur ad tantam corporis vastitatem, ut molibus quantislibet excidendis eorum fodinæ sufficiant; tamen aliqua magnitudinem non



non ampliorem nanciscuntur, quàm ut parvis columnis aptari possint, ut Ophites niger, Augustum marmor, & Tiberium, aliqua etiam propter exiguitatem nè quidem columellæ justam materiam præbent, ut columnæ ex marmore Lacedæmonio, nullæ etiam Romæ videntur ex segmentato Tiburtino factæ, ex quo nullam Romæ columnam vidimus, quemadmodum neque ex Septibasio vocato. Lygdinum Plinius repertum tradit amplitudine, qua lances, *Plin. lib. 36. cap. 8.* craterasque non excedat, & Coraliticum mensuræ non ultra bina cubita.

Duritia multum quoque differunt marmora Porphyrites, Lacedæmonium, *A duritie.* Basaltes ad gemmeam duritiam ferè accedunt. Lygdinum marmor, & Alabastri quædam species, & Ophites Germanicus tantæ existunt teneritudinis, ut torno in vasa conformentur; atque inter hæc velut extrema, mediocrem duritiam obtinent multa, eamque vel æqualem sibi per omnes corporis partes, ut illa, quæ constant una, eademque substantia; vel inæqualem, ut marmora segmentata in quibus scrupi, & segmenta cum inter se, tum à continente corpore duritia variant. Numidicum marmor difficilis secturæ facillimè inter cælandum diffilit in crustas exiles ob tenue, ac retorridum substantiæ temperamentum, marmorarii artifices à vitri comparatione vitrina nominant. Contra verò Parium marmor & Lunense cum secturæ sint facilioris, materiam cælo lentiores præbent.

Nitoris intensio, vel remissio gradum duritiæ consequitur, non tamen in *A nitore.* omnibus, nam Ophites quidam, & marmoris genus atri, cum duritia excellant, tamen propter saxeam naturam vix nitore queunt affici, & inter species Alabastri, quæ tenera sunt, mirum videtur quantum enitescunt. Hoc solum omnino duritiæ convenit nitorem qualiscunque sit, eo retineri diutius marmori, quò major est duritia marmoribus indita.

Coloris differentia sunt hujusmodi, quædam uno colore; quædam pluribus ornata conspiciuntur. *A colore.* Marmora unius coloris secundum differentias coloris discernuntur; alia nanque sunt candida, alia flava, rubra, viridia, cœrulea, nigra; atque ad hos colores præcipuos aliter alia inclinant. Quæ simul pluribus decorantur coloribus, aliqua duos tantum, aliqua tres, & quatuor colores, modò plures, modò pauciores, alia, atque alia proportionem, alio ordine, & figura commiscunt. Unde rursus altera varietas procedit.

*A maculis.* A maculis sumuntur etiam differentia, ut Psaronium à maculis sturni, & Ophites à serpentium maculis.

Loci natales differentias quoque afferunt, ut Paros Insula, Hispania, *A locis.* Numidia, Portus Lunæ, unde marmor dicitur Parium, Hispanicum, Numidicum, Lunense.

Nonnulli ab inventoribus ipsis differentias sumunt, ut Lucullo, Augusto, *Ab inventoribus.* Tiberio, quia eorum tempore reperta, & curata fuerint. Verum antequam singulas marmorum species demonstramus, scire convenit quidnam posteritati de his antiqui Scriptores reliquerint, quamquam recentiores iisdem accessionem fecerint: Sic enim perspicuum fiet quantum operis post omnes Scriptores nobis restat conficiendum. Unus inter auctores veteres Plinius reperitur, qui hanc materiam sit professus: nam Draconis Corcyraei scripta, quæ de marmoribus citat Athenæus planè videntur periisse, cum ea nusquam appareant. Plinius verò marmorum species partim notis particularibus descripsit, partim solo nomine designatas commemorat, velut Sinnadicum, Carystium, Hispanicum, Proconnesium, sive Cyzicenum, Numidicum, Hymettium, Chium, de quibus nihil prodit, quod possit animus formam ipsorum concipere. Describit autem marmor Parium, Lunense, Thasium, Lesbium, Porum, Chernite, Alabastriten, Onychem, Lygdinum, Coraliticum, Phengitem, Syenitem, Porphyritem, Lacedæmonium, Ophitis genera, Augustum, Tiberium, Luculleum, Tanarium, Basaltem: sed descriptionum notæ adeò tenues sunt, ut ex iis pauca marmora nunc agnosci queant. Auctores igitur nostri seculi cum animadverterent tam exiguum notitiam à Scriptoribus vetustis ad se pervenisse, de-



scriptionem marmorum neglectam, vel potius desperatam habuerunt: nec quisquam in hunc diem extitit præter Georgium Agricolum; cùmque aliorum lapidum naturam describerent, marmora vel non attigerunt, vel descriptis Plinii verbis, nullum ipsi verbum apposuerunt. Adeò difficile iis visum est nova condere, atque depromere.

## DE CANDIDO MARMORE, *Pario vocato.*

### C A P. I I I.

Etymologia.

Statuæ à Pario marmore.

Metallothecæ locus.

**P**ARIUM marmor dicitur quod in Paro insula natum sit, lapidem Lychnitem, quod ad lucernas effoderetur, tradidit Varro Græcos vocasse. Nobilissimum ad statuas; est nanque candidissimum, purissimum, nitidissimumque. Non defertur amplius ex Paro, cùm imminuta sit Romanorum potentia, supersunt tantum ex urbis ruinis reliquæ; effoditur nonnunquam in portu Trojano ad Ostia Tiberina, rude, & ut erat advectum exoneratis navibus, in littore expositum. Ex hoc Phidiam fecisse Rhamnusiæ Nemesis statuum in Atticis Pausanias auctor est. Ex hoc ex statuæ sunt, quas in æs incidendas, & hoc loco exprimendas operæ pretium esse duxi. LAOCOON, APOLLO, ANTINOUS, Statua item TRUNCA: nec veritus sum nè meam diligentiam candidus Lector reprehenderet, ac supervacaneam esse existimaret. Nam cùm ex statuæ, ac pleræque aliæ in quodam atrio Vaticanorum Hortorum positæ sint, Conclavia autem mihi attributa, ubi & Metallothecam habeo, illi atrio conjunctam, ea me commoditas invitavit, ut cùm de marmore scriberem, facultatemque haberem præstantissimi pictoris, & incisoris, nobilissimas statuas propemodum inspiciendi cuivis facerem potestatem. Quemadmodum enim in opere longo, magnique laboris, iuvat me, ac delectavit, hoc perpetuæ scriptionis, & rerum abditarum pervestigationis intervallum. Sic Lectorem hæc non alienissimo loco interposita recreabunt, atque reficient; Vix quisquam paulo antiquitatis Studiosior Romam venit, quin eas statuas cupidè visat. Ex TRUNCA etiam Statua (nam cæteræ operæ, & clausæ sunt, hæc in propatulo) Pictores ad artis suæ perfectionem exemplum nonnunquam sumunt, expressaque egregio artificio singula membra pingendo imitantur, ac veterum Pictorum, Sculptorumque solertiam, à qua hæc ætas longissimè abest, defixi mirantur: ut maxima gratia principibus habenda sit, qui hæc veteris artificii monumenta, ad posterorum disciplinam, & ad liberalis industriæ artes tuendas, ac ornandas extare voluerunt, eaque magno sumptu parata illustri loco poni jusserunt.



## L A O C O O N .

**L** AOCOON autem (1) Julii II. Pontificatu (2) in ruinis Thermarum Imperatoris Titi repertus est, quo loco nunc horti sunt Ecclesiæ S. Petri ad Vincula. Ex quo invento nomen sibi apud posteros Felix de Fredis peperit, ut ex hoc ejus Epitaphio perspicui potest, quod est in Ecclesia Aræ cœli:

FELICI DE FREDIS,  
 QUI OB PROPRIAS VIRTUTES,  
 ET REPERTUM LAOCOONTIS DIVINUM QUOD  
 IN VATICANO CERNIS FERE  
 RESPIRANS SIMULACRUM,  
 IMMORTALITATEM MERUIT,  
 FEDERICOQUE PATERNAS ANIMI DOTES REFERENTI,  
 IMMATURA NIMIS MORTE PRÆVENTIS  
 HIERONYMA BRANCA UXOR, ET MATER,  
 JULIAQUE DE FREDIS DE MILITIBUS  
 FILIA, ET SOROR MÆSTISSIMÆ P.  
 ANNO DOMINI MDXXVIII.





Laocoon

*Io Dom. Campiglia delin. et scul.*



(1) Statuam hanc Julii II. ætate, ut Mercatus scribit, non autem Leonis X. ut Nardinus (a), aliique tradunt, repertam fuisse credibile est: id enim satis declarat Herculis Strozæ, qui eo tempore floruit, quod hic adjungimus, Epigramma: Meritò igitur antiquæ eruditionis periti signum hoc, ut cunctis illustribus Statuariis summopere admirandum, ac præsertim Michaeli Angelo Bonarotæ, qui illud *artis miraculum* solebat appellare, ita nulli imitabile, idem esse statuunt, ac Laocoontem illum à Plinio his verbis celebratum: (b) *Deinde multorum obscurior fama est, quorundam claritati in operibus eximiis obstante numero Artificum: quoniam nec unus occupat gloriam, nec plures pariter nuncupari possunt; sicut in Laocoonte, qui est in Titi Imperatoris Domo, opus omnibus & picturæ, & statuariæ artis præferendum. Ex uno lapide eum & liberos, draconumque mirabiles nexus de consilii sententia fecere summi Artifices Agerander, & Polydorus, & Athenodorus Rhodii.*

(a) *Nardin. Rom. Antiq. lib. 3. cap. 10.*

(b) *Lib. 36. cap. 5.*

A quo communi penè doctorum Virorum consensu quidam desciscere conatur, eo argumento ductus, quòd in æreo quodam nummo Neronis imaginem præferente idem Laocoon adversa parte excusus spectetur à Vaticano simulacro longè diversus: ac propterea hanc antiqui operis laudem alii potius signo tribuendam opinatur, quòd erutum fuisse, cum Sanctæ Pudentianæ Tholi fundamenta jacerentur memorat Caspar Coelius, (c) qui conspectis tantum binis ejusdem fragmentis ad se perlatis, tibia videlicet, ac pugno, cum Pliniano Laocoonte contendere posse judicavit. Siquidem non videmus cur præfati ærei nummi Artifex non potuerit Laocoontis imaginem vel ad arbitrium, nulloque proposito ad imitandum exemplo confingere, vel aliud in Urbe simulacrum exprimere, ut in aliis nummis cernere licet.

(c) *Memorie de' nomi degli Artefici delle Pitture di Roma.*

Cæterum tanta est Vaticani hujus Laocoontis præstantia, ut in nullum alium potiori jure Plinii verba quadrare posse videantur, ac suos auctores, quantumvis celebres illustret potius, quàm eorumdem fama, commendetur.

Quamvis autem Michael Angelus Bonarota commissuras in eo deprehenderit, ex tamen tanto artificio junguntur, ut facilè Plinio imponere potuisse videantur, qui ex uno lapide factum asseruit.

Extant quoque apud Hyginum (d) filiorum Laocoontis nomina, Antiphantis videlicet, ac Thymbræi: immo & ipsorum serpentum, Porcis, & Charibœæ, ut Rhodiginus (e) apud Leschem se animadvertisse refert; quod Paulus Eques Massejus, rerum antiquarum cognitione insignis, à Quinto etiam Smyrnæo proditum tradit: sed cum diligenter excussissemus, reperire apud eundem non potuimus, licet lib. 12. fabulam hanc eleganter narret:

(d) *Fab. cap. 135.*

(e) *Lib. 8. cap. 13. Antiq. Lect.*

Verum juvat Laocoontem Poetarum quoque carminibus cum statuariæ certantibus expressum, celebratumque Lectoribus exhibere. Sic enim de ipso Virgilius:

### Æneid. lib. 2.

**H**ic aliud majus miseris, multoque tremendum  
Objicitur magis, atque improvida pectora turbat.  
LAOCOON, ductus Neptuno forte Sacerdos,  
Solennes taurum ingentem mactabat ad aras.  
Ecce autem gemini à Tenedo tranquilla per alta  
(Horresco referens) immensis orbibus angues  
Incumbunt pelago, pariterque ad littora tendunt:  
Pectora quorum inter fluctus arrecta, jubæque  
Sanguinæ exsuperant undas; pars cætera pontum  
Ponè legit, sinuatque immensa volumine terga.  
Fit sonitus spumante falo; jamque arva tenebant,  
Ardentesque oculos suffecti sanguine, & igni,  
Sibila lambebant linguis vibrantibus ora.  
Diffugimus visu exsangues: illi agmine certo  
LAOCOONTA petunt, & primum parva duorum  
Corpora natorum serpens amplexus uterque  
Implicat, & miseros morfu depascitur artus.  
Post ipsum auxilio subeuntem, ac tela ferentem  
Corripiunt, spirisque ligant ingentibus, & jam  
Bis medium amplexi, bis collo squamea circum

Terga



Terga dati, superant capite, & cervicibus altis:  
 Ille simul manibus tendit divellere nodos,  
 Perfusus sanie vittas, atroque veneno:  
 Clamores simul horrendos ad sidera tollit.  
 Quales mugitus, fugit cum faucibus aras,  
 Taurus, & incertam excussit cervice securim.  
 At gemini lapsu delubra ad summa dracones  
 Effugiunt, sævæque petunt Tritonidis arcem,  
 Sub pedibusque Deæ, clypeique sub orbe teguntur.  
 Tum verò tremefacta novus per pectora cunctis  
 Insinuat pavor, & scelus expendisse merentem  
 LAOCOONTA ferunt, sacrum qui cuspidē robur  
 Læserit, & tergo sceleratam intorserit hastam.  
 Ducendum ad sedes simulacrum, orandaque Divæ  
 Numina, conclamant.

*Post Virgilium extant sequentia insignium Poetarum Recentiorum  
 C A R M I N A.*

J A C O B I S A D O L E T I

C A R D I N A L I S

C A R M E N.

*Delitæ CC. Itolorum  
 Poetarum tom. 2.*

E CCE alto terræ è cumulo, ingentisque ruinæ  
 Visceribus iterum reducem longinqua reduxit  
 LAOCOONTA dies: aulis regalibus olim  
 Qui stetit, atque tuos ornabat, Tite, Penates.  
 Divinæ simulacrum artis, nec docta vetustas  
 Nobilius spectabat opus, nunc celsa revisit,  
 Exemptum tenebris, redivivæ mœnia Romæ.  
 Quid primum, summumve loquar? miserumne parentem,  
 Et prolem geminam? an sinuatos flexibus angues  
 Terribili adspectu, caudasque, irasque draconum,  
 Vulneraque, & veros, saxo moriente, dolores?  
 Horret ad hæc animus, mutâque ab imagine pulsat  
 Pectora non parvo pietas commixta tremori.  
 Prolixum bini spiris glomerantur in orbem  
 Ardentes colubri, & sinuosis orbibus oram,  
 Ternaque multiplici constringunt corpora nexu.  
 Vix oculi sufferre valent, crudele tuendo  
 Exitium, casusque feros: micat alter, & ipsum  
 LAOCOONTA petit, totumque, infraque, supraque

Im-



Implicat, & rabido tandem ferit ilia morfu.  
Connexum refugit corpus, torquentia sese  
Membra, latusque retro sinuatum à corpore cernas.  
Ille dolore acri, & laniatu impulsus acerbo  
Dat gemitum ingentem, crudosque avellere dentes  
Connixus, lævam impatiens ad terga Chelydri  
Objicit: intendunt nervi, collectaque ab omni  
Corpore vis frustra summis conatibus instat,  
Ferre nequit rabiem, & de vulnere murmur anhelum est.  
At serpens lapsu crebro redeunte subintrat  
Lubricus, intortoque ligat genua infima nodo.  
Crus tumet, obsepto turgent vitalia pulsu,  
Liventesque atro distendunt sanguine venas.  
Nec minus in natos eadem vis effera sævit,  
Implexuque angit rapido, miserandaque membra  
Dilacerat: jamque alterius depasta cruentum  
Pectus supremâ genitorem voce cientis,  
Circumjectu orbis, validoque volumine fulcit.  
Alter adhuc nullo violatus corpore morfu,  
Dum parat adductâ caudam divellere plantâ,  
Horret ad adspectum miseri patris: hæret in illo:  
Et jam jam ingentes fletus, lachrymasque cadentes  
Anceps in dubio retinet timor. Ergo perenni,  
Qui tantum statuistis opus, jam laude nitentes,  
Artifices magni (quanquam & melioribus actis  
Quæritur æternum nomen, multòque licebat  
Clariùs ingenium venturæ tradere famæ)  
Attamen ad laudem quæcumque oblata facultas,  
Egregium hanc rapere, & summa ad fastigia niti.  
Vos rigidum lapidem vivis animare figuris  
Eximiè, & vivos spiranti in marmore sensus  
Inferere aspicimus, motumque, iramque, doloremque,  
Et pænè audimus gemitus: vos extulit olim  
Clara Rhodos, vestræ jacuerunt artis honores  
Tempore ab immenso, quos rursus in luce secundâ  
ROMA videt, celebratque frequens: operisque vetusti  
Gratia parta recens. Quantò præstantius ergo est  
Ingenio, aut quovis extendere fata labore,  
Quàm fastus, & opes, & inanem extendere luxum.



## S O N E T T O

D I M O N S I G N O R

B E R N A R D I N O B A L D I

D A U R B I N O

A B A T E D I G U A S T A L L A .

*Versi, e prose.  
pag. 283.*

**I**N questa antica, e celebrata pietra,  
 Che fra mill' altre il Vatican riserba,  
 De' nobili Scultor viva si serba  
 La Fama, e nova Fama a loro impetra.

Sì ben del marmo la durezza spetra  
 L'ingegnòs' arte, che l'etate acerba,  
 Ancorchè incontro lui s'armi superba,  
 D'offenderlo non osa, e'l piede arretra.

Con stretti nodi, e replicati giri  
 L'uno, e l'altro circonda horribil' angue  
 Ambedue i figli, e'l genitor dolente.

Geme egli oppresso, e'l proprio mal non sente,  
 Ma sembra sol, ch' a la vendetta aspiri  
 De l'uno, e l'altro suo Figliuol, che langue.

## H E R C U L I S S T R O Z Z Æ

## E P I G R A M M A .

*Delitæ CC. Italicorum  
Poetarum tom. 2.*

**N**ON temere antetulit statuis prisca omnibus ætas  
 Cælatum triplici LAOCOONTA manu.  
 En geminus natis patrem implicat anguis, & unus  
 Sibilat, & sævit, fletque, gemitque lapis.  
 Si labor hoc ausus mortali excudere ferro,  
 Mirum tam longo non fenuisse situ.  
 Sin dedit hoc Pallas, quid adhuc Phrygas angit? Iulo  
 Præsides fas nè ulli lædere Roma tuos?



ANTONII TEBALDEI  
EPIGRAMMA.

**A**UDAX ingenium Fabri, ut certare Minervæ  
Possit, & impunè vincere, sculpsit opus,


LAOCOONTA feris gemina cum prole colubris  
Depastum læsæ terna trophæa Deæ.

Ut cùm læta suos pœnas dare cerneret hostes,  
Vincere non vinci crederet arte Fabri.

A P O L L O.

**A**POLLO Antii, quod postea Neptunum appellatum est, repertus penès  
eundem Julium II. fuit priùs quàm Pontifex Maximus fieret, conlocatusque est in ejus Palatii hortis, quod prope Ecclesiam SS. Apostolorum est.





Apollo

Io. Dom. Campiglia delin.

Ber. Fariat sculp. Roma



## N O T Æ.

Eximio hoc opere Apollo eleganter exprimitur , pharetram sagittis plenam humeris gestans , quod ipsi tantum , ac Dianæ proprium esse animadvertit Scaliger . Dextera arcis fragmentum tenet , quo Pythonem ( notissima fabula est ) juxta exculptum interfecit .

## A N T I N O U S .

**A**NTINOUS verò (I) Pauli III. Pontificatu extra Urbem inventus est, in hortis propinquis moli Adriani Imperatoris , ubi nunc S. Angeli est Arx.

Hæc igitur qui Romæ viderunt ab eximio Artifice bene , peritèque incisa , & expressa non sinè voluptate agnoscent : Qui Romæ non fuerunt , habebunt , ut opinor , gratiam , quòd non solùm METALLOTHECAM meam in Vaticano positam his libris ante ipsorum oculos libenter exprompserim , sed etiam ea monimenta , quæ propter sunt , quæque egregia , & visenda esse duxi , fecerim , quantum ars consequi potuit imitando , ut è longinquo aspicerent , & hos libros perlegendi satietatem , ac molestiam tempestiva oblectatione lenirent . Hac igitur digressione , & quiete , paulisper recreati ad institutum opus revertamur .





Antinous

Io. Dom. Campiglia delin.

Vinc. Franceschini scul. Romae




## N O T Æ.

(1) A Mercato discrepat Nardinus, (a) ait enim Antinoi statuam inventam fuisse apud S. Martinum de Montibus Leonis X. ætate, in loco, qui vulgò appellatur *Adrianello*, ubi Thermas Titi ab Adriano amplificatas fuisse asserit. (a) *Antiquit. Rom. lib. 3. cap. 10.*

Ephebus hic obscuro loco natus in Bithynia Adriano Imperatori maximè fuit in deliciis, ad cujus vitam producendam *voluntarium fatum poscentibus magis, cunctis retractantibus Antinonem objecisse se referunt*: quam ob causam *Urbem ejus nomine Adrianum condidisse, statuasque ipsi collocasse fama est*. Vide Sextum Aurelium Victorem (b), ac Xephilinum (c). (b) *De Cæsaribus in Adriano.*

(c) *Epit. Dion. Cassii.*





*Statua trunca  
vulgò Il Torso*

*Io. Dom. Campiglia delin.*

*Aloysius Gomer scul. Romæ*




## STATUA TRUNCA.

N O T Æ.

Icon hæc artubus & capite mutilata Herculis esse creditur, tum ob leoninæ pellis indumentum, tum ob musculorum robur. Hæc cum in Campo Floræ fuisset inventa, à Julio II. inter cæteras statuas in impluvio sub dio fuit collocata: verum CLEMENS XI. qua est in veterum monumentis reparandis, ac tuendis propensione, ut aeris injuriis, puerorumque insultibus subduceretur, sub propinquam porticum transferri, ac ferreis cancellis muniri jussit.

## CLEOPATRA.



Cleopatra

Max<sup>us</sup> L<sup>ion</sup> Limpach Boos<sup>us</sup> Prag<sup>us</sup> del: et sculp. Romæ

N O T Æ.

Hujus Statuæ iconem, licet ejus nulla fiat à Mercato mentio, hic addi mandavit Sanctiss. Pontifex, tum ob ejus elegantiam, tum quod juxta idem statuarum impluvium ad fontem ornandum jussu Julii II. collocata fuit. In brachio aspis spectatur, (a) cujus morsu Cleopatram occubuisse vulgaris fert opinio: quamvis alii epoto veneno mortem sibi conscivisse, contendant. Sed quam penè spirantem vidisti, Lector, audias etiam loquentem, illustrium Poetarum, quæ hic tradimus, Carminibus.

(a) *Plutarch. in Vita Antonii.*



BALTHASSARIS CASTILLIONIS  
C A R M E N.

*Delitiae CC. Italicorum  
Poetarum tom. i.*

**M**ARMORE quisquis in hoc saevis admorsa colubris  
Brachia, & aeterna torpentia lumina nocte  
Adspicis; invitam nè crede occumbere letho.  
Victores vetuere diu me abrumpere vitam,  
Regina ut veherer celebri captiva triumpho;  
Scilicet & nuribus parerem ferva Latinis  
Illa ego progenies tot ducta ab origine Regum,  
Quam Pharii coluit gens fortunata Canopi,  
Delitiis fovitque suis Ægyptia tellus,  
Atque oriens omnis Divum dignatus honore est.  
Sedulitas pulcræque necis generosa cupido  
Vicit vitæ ignominiam, insidiasque Tyranni:  
Libertas nam parta nece est, nec vincula sensi,  
Umbræque Tartareas descendi libera ad umbras.  
Quod licuisse mihi indignatus perfidus hostis,  
Sævitæ insanis stimulis exarsit, & ira;  
Namque triumphali in vectus Capitolia curru,  
Insignes inter titulos, gentesque subactas  
Extinctæ infelix simulacrum duxit, & amens  
Spectaculo explevit crudelia lumina inani.  
Neu longæva vetustas facti famam aboleret,  
Aut seris mea fors ignota Nepotibus esset,  
Effigiem excudi spiranti è marmore iussit,  
Testari & casus fatum miserabile nostri.  
Quam deinde ingenium Artificis miratus Iulus  
Egregium celebri visendam sede locavit  
Signa inter veterum Heroum, faxoque perennes  
Supposuit lacrymas ægræ solatia mentis:  
Optatæ non ut deflerem gaudia mortis  
( Nam mihi nec lacrymas lethali vipera morfu  
Excussit, nec mors ullum intulit ipsa timorem )  
Sed charo ut cineri, & dilecti Conjugis umbræ  
Æternas lacrymas æterni pignus amoris  
Mœsta darem, inferiasque inopes, & tristia dona.  
Has etiam tamen infensi rapuere Quirites.  
At tu Magne Leo, Divum genus, aurea sub quo  
Sæcula, & antiquæ redierunt laudis honores,  
Si te præsidium miseris mortalibus ipse  
Omnipotens pater æthereo demisit Olympo,

Et



Et tua si immensæ virtuti est æqua potestas,  
 Munificaque manu dispensas dona Deorum,  
 Annue supplicibus votis, nec vana precari  
 Me sine: parva peto, lacrymas Pater optime redde,  
 Redde ore fletum, fletus mihi muneris instar,  
 Improba quando aliud nil jam fortuna reliquit.  
 At Niobe ausa Deos scelerata incessere lingua,  
 Induerit licet in durum præcordia marmor,  
 Flet tamen, assiduusque liquor de marmore manat.  
 Vita mihi dispar; vixi sinè crimine, si non  
 Crimen amare vocas, fletus solamen amantum est.  
 Adde, quod afflictis nostræ jucunda voluptas  
 Sunt lacrymæ, dulcesque invitant murmure somnos:  
 Et cùm exusta siti Icarius canis arva perurit,  
 Huc potum veniunt volucres; circumque, supraque  
 Frondibus insultant, tenero tum gramine læta  
 Terra viret, rutilantque suis poma aurea ramis:  
 Hic ubi odoratum surgens densâ nemus umbrâ  
 Hesperidum dices truncos non invidet hortis.

## AUGUSTINI FAVORITI CARMEN.

**S**I te spectaclum infelix, si tristia tangunt  
 Fata meæ duro bene sculptæ in marmore fortis,  
 O nostros dignata lares invisere mundi  
 Cardine ab extremo, patriâ, regnoque relictis,  
 Regina Heroum nulli virtute secunda,  
 Aurea, quos olim tulit ætas, maxima Clymphi.  
 Numina cum humanos non dedignantia cœtus  
 Tecta frequentabant mortalia, castaque gentis  
 Pectora non falsæ complebant laudis amore,  
 Huc ades. Illa ego sum Latiis celeberrima fastis  
 Femina. Nosti angues, animumque in morte ferocem.  
 Quò properas? saltem alloquio solare dolentem,  
 Reginam Regina; nec est indigna videri  
 Forma loci, & sacris regio gratissima musis,  
 Quæ nemus hoc, fontesque colunt, jugaque alta viretis  
 Cyrrhæ posthabitis, & verticibus Parnassi.  
 Hic ubi Grajorum artificum miranda videbis  
 Signa antiqua tuæ gentis, quibus ira pepercit,  
 Abstinitque manus artem mirata vetustas,  
 Ut de me fileam, viden' hos qui robore multo



Luctantem, ingratosque Deos, arasque vocantem  
 Arrecti miserum spiris ingentibus hydri  
 Laocoonta ligant? Ut anhelat! ut ore supremum  
 Ingemit! ut socios implorat, opemque propinqui  
 Herculis! ipse quidem casum dolet, & cupit angues  
 Elifisse manu, ac primos iterare labores,  
 Phidiacus labor Alcides; sed enim aspera Juno  
 Heroa immeritum dum grandine pulsat, & imbri,  
 Non tantum orbavit clava, exuviisque leonis,  
 Verum & poplitibus nervos, humerisque torosis  
 Brachia divellit, fecitque ex Hercule monstrum  
 Informe, ignaræque (nefas!) ludibria turbæ.  
 Ast illum informem licet, & finè nomine truncum  
 Miratum huc Ararim veniunt, Rhenumque bibentes,  
 Et vivos illinc discunt effingere vultus.  
 Cætera quid memorem? Nilum, Tibrinque parentem  
 Spirantes docto in filice, Eridanumque, Tagumque  
 Nativo fulgentem auro, Gangemque superbum  
 Eois opibus, quos omnes dædala, & ipsi  
 Æmula naturæ finxit manus? Hic habitant dii.  
 Aurato hinc Phœbus percurrit pectine cordas:  
 Hic gelidam fundit proles Semeleia lympham  
 Pocula, deliciasque tuas: hinc otia degunt  
 Mercuriusque, minaxque rubenti casside Mavors;  
 Et magni Æneæ genitrix, & candida Phœbe,  
 Omnes aut Divi, aut Divum genus; unaque deerat,  
 Quam studiis, vultuque refers, factisque Minerva:  
 Huc & Alexander (Fabium tunc nomine dici  
 Audieram) indocti fugeret cum murmura vulgi,  
 Nobiliumque manus juvenum comitata solebant  
 Ferre pedem, hinc tristes animo deponere curas;  
 Dulcia securæ ducentes gaudia mentis.  
 Vidi ego & in cubitum surrexi oblita doloris,  
 Incessumque viri observans, & lumina, dixi:  
 Aut Babylon ignara futuri; aut hic erit, hic vir,  
 Olim qui Latiam regnando restituat rem,  
 Qui veteres artes, & sæcula prisca reducat,  
 Iratasque pio componat fœdere gentes,  
 Quanquam animi flecti indociles, & vulnera tactu  
 Crudescent, medicamque manum impacata recusent.  
 Quò properas, nè Diva oculis te subtrahe nostris:  
 Namque ego te rerum seriem, eventusque docebo,  
 Qui super heroum sedes, super æthera tollent  
 Nomen Alexandri, sub mortem plurima quando  
 Et longè faciem venientis cernimus ævi:  
 An te proxima sylva trahit, studiumque ferarum,  
 Non tibi torvus aper, non duris unguibus urfi

Quos



Quos jaculo cecidisse tuo sæpe horruit Arctos  
 Utraque; sed cervi imbelles, capreæque fugaces,  
 Pictarumque cohors non invadenda volucrum.  
 Quin etiam casus, & mors ingloria ab altis  
 Imminet arboribus: nam quæ nux pinea curvo  
 Strata jacet campo, satyros quam ludere circum,  
 Metirique vides thyrsos, suâ ab arbore nuper  
 Decidit, & magno tellurem perculit ictu.  
 Adde, quod inclusus Boreas, Eurusque, Notusque,  
 Et quotquot sævis agitant plangoribus æquor,  
 Illâ turre fremunt everfuri omnia latè:  
 Quamvis sub tanto cohiberi Principe venti  
 Non indignentur, veniantque ad jussa volentes:  
 Jamque parent iterum Scythicas illidere puppes  
 Leucatæ. Ah diram Leucatam, & conscia luctus  
 Saxa mei! Heu dolor, heu cladis monumenta nefandæ.

## S O N E T T O

D I M O N S I G N O R

B E R N A R D I N O B A L D I

D A U R B I N O

A B A T E D I G U A S T A L L A.

**I**O cui già tanto lieta il Nilo accolse;  
 Quant' or mesta, e dolente il Tebro mira  
 Del Latin vincitore il fasto, e l'ira  
 Fuggendo, il mio fin corsi, e non men dolse.

Versi, e prose  
 pag. 283.


Il mio collo real soffrir non volse  
 Catena indegna, onde il velen che spira  
 L'angue ch' al nudo mio freddo si aggira  
 Ringrazio, e lei, ch' indi il mio stame sciolse.

Non può tutto chi vince; il suo superbo  
 Trionfo non ornai, bench' egli il bianco  
 Marmo intagliasse che 'l mio vero adombra.

Libera fui regina, e 'l fato acerbo  
 Libertà non mi tolse; onde scesi anco  
 Sciolto spirto all' inferno, e liber' ombra.




*Cum nulla extent sequentium Iconum descriptiones in Metallotheca m.f. utpote quæ omnes ferme ad Gemmas, aliaque Armaria, quæ desiderantur, pertinent, hoc loco apponendas duximus.*



## NOTÆ.


Figura hæc adamussim exprimit formam aluminis octaedricam, quam Auctor fortasse, postquam Librum hunc conscripsisset oblata occasione observavit, atque proinde incidendam curavit, ideo nihil mirum si in Capite de Alumine huic Iconi spatium non reliquerit.






PYRITES BOTRYITES






## N O T Æ.

Lapis hic est echinitæ genus, de quo Capite VII. Armarii IX. dictum est.



LAPIS MULTANGVLVS






*N O T Æ.*


Hujusmodi forma plerumque spectantur Achata, ut videre licet apud Aldrovandum, aliosque.





N O T Æ.

Huic etiam similes Icones Achatem exprimentes visuntur apud Aldrovandum.




LAPIS CRYSTALLINVS πολυεξάγωνος

NOTA

NOTÆ.






LAPIS DICONVS


## N O T Æ:

Qui hic lapis diconus à Mercato inscribitur extat apud Imperatum, nomine: *Ingemmamenti cristallini olivari*, ed appuntati in ambe le parti.



ADAMANTES SPONTE NATVRAE FORMATI





AMMONITES LAPIS

Lapis hic spectat ad Caput LVIII. Armarii Noni.



# INDEX RERUM.

## QUÆ IN HOC OPERE

### CONTINENTUR.

Litera N. indicat Notas.

#### A



<i>BADIR lapis quid</i>	pag. 242	<i>Alcionio tuberoso in forma di fico frut-</i>	
<i>Abbatia Avellana describi-</i>		<i>to</i>	103. N.
<i>tur</i>	310	<i>Alcyonium</i>	95
<i>Aboriginum tela filicea,</i>		<i>Alcyonia cur inter metalla habeantur</i>	2
<i>pag.</i>	245	<i>Alcyonium petrosum, &amp; reticulatum</i>	107
<i>Acetabulum</i>	135. N.	<i>Alcyonium petrosum vermiculatum</i>	109
<i>Achata icones</i>	375. & 376	<i>Alcyonium polyphyllum</i>	ibid.
<i>Achates Asteria Plinii similis</i>	236. N.	<i>Alcyonium primum antiquorum</i>	97
<i>Achates nemora exprimit</i>	117	<i>Alcyonium quartum antiquorum</i>	100
<i>Acidum latens quomodo deprehendatur</i>		<i>Alcyonium quintum antiquorum</i>	102
<i>pag.</i>	27. N.	<i>Alcyonium secundum antiquorum</i>	97
<i>Adarces lapis</i>	112	<i>Alcyonium secundum quinti generis</i>	104
<i>Adarchi, Atharachi, &amp; Adarcha</i>	ibid.	<i>Alcyonium tertium antiquorum</i>	99
<i>Adamantes sponte natura formati</i>	377	<i>Alcyonium tertium quinti generis</i>	106
<i>Adstringentes plantæ eundem usum præ-</i>		<i>Alectorius lapis</i>	182
<i>stant, ac gallæ in atramenti conse-</i>		<i>Alexander Medices laudatur</i>	165
<i>ctione</i>	63. N.	<i>Aljermanio, gentile nomen est Arabia Fe-</i>	
<i>Ægyptus sale marino ac salis aquis abun-</i>		<i>licis</i>	54
<i>dans</i>	33. N.	<i>Almelho sal</i>	26. N.
<i>Quondam mare fuit</i>	ibid.	<i>Almirbaga nitri genus</i>	41
<i>Æreæ particula, qua ratione ex chalcā-</i>		<i>Αλδς ανδος</i>	32
<i>tho separentur</i>	63. N.	<i>Αλδς αχην, hoc est spuma maris est Alcyo-</i>	
<i>Aeris vis elastica</i>	48. & 49. N.	<i>nium</i>	95
<i>Ærugō</i>	72	<i>Alpagus à Salmasio reprehensus</i>	65. N.
<i>Æruginis analysis</i>	72. N.	<i>Αλς sal</i>	25
<i>Aetites lapis</i>	259	<i>Alfuri</i>	67
<i>Αιδιόμορφος lapis</i>	341	<i>Alfurio</i>	67
<i>Aimant est magnes</i>	163	<i>Alumen</i>	53
<i>Ageratus lapis</i>	241	<i>Alume di rocca</i>	54
<i>Αγέματος</i>	242	<i>Alumen catini</i>	34. & 56
<i>Agorajuole</i>	270	<i>Alumen facis</i>	56
<i>Agstein Succinum</i>	87	<i>Alumen, quibus principiis chymicis constat</i>	
<i>Alana gleba</i>	14	<i>pag.</i>	56. N.
<i>Alazuardo quid Arabibus</i>	71	<i>Continet acidum, &amp; alkali</i>	ibid.
<i>Albazar</i>	171	<i>Figura crystallorum</i>	ibid.
<i>Albion unde dicta</i>	17	<i>Alumen rupeum</i>	54
<i>Alcalia quibus indiciis deprehendantur,</i>		<i>Alumen scagliolæ</i>	56. & 154
<i>pag.</i>	17. N.	<i>Alumen sulphuri cognatum</i>	80. N.
<i>Alcedinis descriptio</i>	95	<i>Aluminis icon</i>	372
<i>Alcionio foraminoso</i>	107. N.	<i>Αμβαρ</i>	91
<i>Alcionio Milefio</i>	109. N.	<i>Ambar</i>	ibid.



# Index Rerum .

<i>Ambaron unde dictum</i>	92. N.	<i>Arbores floridae prope bituminis ignem</i>	84
<i>Ambarum</i>	91	<i>Arca Noe bitumine fuit illita</i>	83
<i>Ambra</i>	87	<i>Archelai turres incombustibiles</i>	160
<i>Ambracane</i>	91	<i>Arena</i>	21
<i>Ambra odorata, seu grysea</i>	ibid.	<i>Αργίλη</i>	19
<i>Αμραντος</i>	156. N.	<i>Argilla</i>	ibid.
<i>Amiantus, &amp; ejus historia</i>	155	<i>Argilletum locus</i>	20
<i>Ammites lapis</i>	317	<i>Aristoteles defenditur</i>	5
<i>Ammonis cornu aureum</i>	307	<i>Arma ex lapidibus</i>	243
<i>Lapideum</i>	309	<i>Arma ex ossibus piscium</i>	245
<i>Ammonites lapis</i>	378	<i>Armenia terra, est colore luteo</i>	12. N.
<i>Αμπελίτης terra</i>	87	<i>Diversa est ab Armenio Dioscor.</i>	ibid.
<i>Amphicome lapis</i>	314	<i>Item à lapide Armeno</i>	ibid.
<i>Ananchites lapis</i>	316	<i>Ab Arsenico</i>	ibid.
<i>Anancitis lapis</i>	317. N.	<i>Armenia terrae vires</i>	ibid.
<i>Ancus Martius primus salinarum insti- tutor</i>	33	<i>Aromatites lapis</i>	224
<i>Andreas Battorius Cardinalis laudatur pag.</i>	345	<i>Αρρενικόν, &amp; αρσενικόν</i>	73
<i>Andreas Casalpinus Auctoris Praeceptor pag.</i>	17	<i>Arsenic</i>	ibid.
<i>Androdamas gemma</i>	155. N.	<i>Arsenicum</i>	73
<i>Androsaces</i>	18. & 135. N.	<i>Arsinoes templum ex magnete</i>	163
<i>Anglia Cimoliam candidam gignit</i>	17	<i>Arundo epigeios</i>	111
<i>Ανθος avis</i>	266	<i>Asbestos gemma</i>	224
<i>Antinoi statua</i>	363	<i>Asbestos lucerna cur dicta</i>	158
<i>Antipathes</i>	177	<i>Asini speculum est alumen scagliola</i>	56
<i>Antonius Heisenhout Tabulas Mercati de- lineavit, ac sculpsit</i>	229	<i>Asphaltites lacus in Judea</i>	81. & 83
<i>Aphronitri, &amp; salis differentia</i>	45	<i>Asphaltum</i>	83
<i>Aphronitri historia</i>	44	<i>Aspilates gemma</i>	265
<i>Differt à spuma nitri apud Gale- num</i>	ibid.	<i>Affurio</i>	67. N.
<i>Αφροσίλινος</i>	154	<i>Aster terra Samiae genus</i>	15
<i>Apolloniaticum bitumen</i>	84. N.	<i>Asteria lapis</i>	234
<i>Aquae lapidescentes</i>	6. N.	<i>Asteriscus lapis</i>	ibid.
<i>Tiburtinae</i>	16	<i>Ασφαλαδωτή aluminis genus</i>	53
<i>Aqua fortis</i>	45	<i>Astricus lapis</i>	230
<i>In loco aere destituto concreescens, non expanditur</i>	49. N.	<i>Astrios lapis</i>	234
<i>Lapidum concretioni necessaria, pag.</i>	256. N.	<i>Astroites lapis</i>	233. & 234. N.
<i>Non est explosionis causa in nitro, pag.</i>	49. N.	<i>Astroites undulatus</i>	315. N.
<i>Nullam per se vim elasticam habet, nisi admistum aerem contineat</i>	49. N.	<i>Astrobolos lapis</i>	ibid.
<i>Quae metalla constituat</i>	4	<i>Atramentum quomodo fiat ex chalcantbo pag.</i>	63. N.
<i>Et quomodo</i>	ibid.	<i>Ad idem conficiendum quod chalcant- thi genus adhibendum</i>	63. N.
<i>Quomodo lapides exedat</i>	257. N.	<i>Atramentum futorium</i>	59. N.
<i>Refrigerata cur expandatur</i>	49. N.	<i>Auctor in Ilvam proficiscitur</i>	164
<i>Spiritu chalcantbi incalescit</i>	64. N.	<i>Augustini Favoriti Carmen in Cleopatrae statuam</i>	369
<i>Aquila cur partus tempore lapides in nidos conferant</i>	259. & 260.	<i>Augustinus Mannius</i>	309
<i>Aquila inimicitiae cum aliis avibus</i>	259	<i>Avis Japonica</i>	181
<i>Arabum lapsus de Aphronitro</i>	45. N.	<i>Aurelius Stagnus Medicus Mutinensis</i>	71
		<i>Auricularis lapis</i>	342
		<i>Auripigmentum</i>	73
		<i>Azzagiaton</i>	65. N.



# Index Rerum.

## B

<b>B</b> Abel ex bituminis glutino compacta	
pag.	81
Babylon ex bitumine adificata	ibid.
Badezaharon idem atque alexipharmacum	176. N.
Βάτυλος	242
Bactulus lapis	ibid.
Batrachites lapis non est Bufonites	185
Bauraco alaphrikio: hoc est nitrum Aphricum, ineptè ab Arabibus Aphronitrum vocatum	45. N.
Bauracon	44. N.
Belemnites lapides	280
Βέρβερι	195
Berberi, & Berberion	ibid.
Besdon, Bosdon, & Bossadbon, idem.	
pag.	120. N.
Bernardini Baldi Carmen in Laocoontis statuam	360
Aliud in Cleopatrae statuam	371
Bertholdus Schwartzus pulveris pyrii inventor	50. N.
Bezar	171
Bezed Avicennae quid	117
Bezoarius lapis	171
Bitirias	65
Bitumen quid	81
Spissum	82
Bituminum differentiae quomodo oriantur	
pag.	82. N.
Bitumen Judaicum	83
Bolares terrae acidum corporibus distillatis tribuunt	37. N.
Cur distillandis corporibus misceantur	ibid.
Bolenia gemma	224
Bolus Armenius	11
Βόλος est gleba	12
Bolus Toccavienfis Orientali praestantior	
pag.	ead.
Bombarda pneumatica	49
Borace non rifatto	41
Rifatto	68
Boracis analysis chymica	70. N.
Borax	43. & 68
Britannia Cimoliam candidam gignit	17
Brontia lapis	246
Bostrychites lapis	156
Buccinum lapideum	301
Bufonites lapis	184
Burnei Rex socerum aggreditur, ut unio-	
nes ejus rapiat	200

## C

<b>C</b> Abriton	80. N.
Cadmia atramentosa	146
Bituminosa	ibid.
Fossilis	ibid.
Calaminaris lapis	ibid.
Calcadis	59
Calcadison	60. N.
Est chalcitis	64. N.
Calcandon	59
Calci cur misceatur arena	22. N.
Calculi Tiburtini	254
Callimus lapis	261
Campora cur in calice fusorio candente flammam non concipiat	50. N.
Est arboris gummi	81
Cancer lapideus	306
Canes marini conchas sectantur	196
Eorum zelotypia mirabilis erga con-	
cham	ibid.
Cantianum Oppidum	309
Capistrum auri chrysocolla audit	43
Capnumargon	20
Carapatina lapis	336
& 184.	
Carbones fossiles	86
Carbones quid conferant in pulverem py-	
rium	48. N.
Cardanus reprehensus	191
Cardenillo quid	72
Caro fossilis fabulosa	222
Caroli V. mappae amiantinae	156
Cenchrites lapis	286
Ceramites lapis	295
Ceratites lapis	323
Ceraunia Cuneata lapis	241
Vulgaris	243
Cervia ex acervis salis dicta	33
Cerviae salinae	ibid.
Cervi lacryma	177
Chalcanthi historia	59
Chalcanthi chymica principia	63. N.
Conficiendi ratio	61. & seqq.
Spiritus delet atramenti lituras,	
pag.	63. N.
Χαλκανθος, & χαλκανθεις cur atramentum	
sutorium dicatur	60. N.
Chalcanthum Cyprium	63
Factitium	61
Germanicum	63
Romanum	ibid.
Chalcitis	64
Chalcophonus lapis	224
Chan-	



# Index Rerum.

Chanquo	195	ventor	50
Charabe	87	Coparosa	59
Charitoblepharon; corallium appellatum		Coperose	ibid.
pag.	116	Unde dicta	60. N.
Chelidonium lapis	183	Copher	80. N.
Chelonia lapis	185	Coracia gemma	266
Chelonitis lapis	246	Corallia	114. & 120. N.
Chelonitis Plinii quid	185	Coralia cur inter metalla connumerentur	
Chemites lapis	305	pag.	2
Cheriso	195	Coralliola	122
Chia terra	16	Corallium nigrum	127. N.
Chrysalites lapis	311	Corallo	117
Chrysocolla historia	43. & 67	Coriffas	189
Conchæ pinnis similes	204. & 205	Cornets	301
Ineptè capistrum auri appellata	44	Cornu serpentinum alexipharmacum Jo-	
Crystallus Servatoris imaginem exhibens		anni XXII. à Margarita Fuxensi com-	
pag.	321	modatum	335
Cimolia terra	17	Corpora animantium sine vita augeri non	
Ciris avis	266	possunt	221. N.
Circos lapis	226	Per se consistentia quomodo, & ex	
Circumcisionis initium apud Judæos	243	quibus fiant	3
Cirrites lapis	266	Corsoides lapis	15
Cissites lapis	275	Crapaudines	336
Cittites lapis	260	Cretica terra	19
Climia	146. N.	Cryptopetra lapis	232
Clodius Tragædus margaritas tibus admi-		Crystallus aquam inclusam continens,	
scuit	210	pag.	6. N.
Coccodes lapis	317	Ctenites lapis	297
Cochlea lapidea	304	Cucurbites lapis	233
Cochlearum Indicarum elegantia	204	Calcinata corpora acidum aeris imbibere	
Cælo principium formam efficiens conti-		possunt	37. N.
netur	1	Cultelli silicei	243
Cælum humanum captum cur superet ibid.		Cupfer Vvasser	59
Cælum rerum principium	2. N.	Cyamea lapis	261
Cognitionis ordo qui	1. & 2. N.	Cyaneus lapis	70
Colcotar	64	Cytheriaca conchæ	104
Colcotaron unde dictum	64. N.		
Collyrion terræ Samiæ genüs	15		
Unde dictum	15. N.		
Colorum causa quæ	8. N.		
Columellæ Phausiæ	257		
Clariss. Comes Marsilius laudatur	120. N.		
Composita corpora faciliorem habent cogni-			
tionem	1		
Eorum divisio	ibid.		
Animata cur cæteris præsent	2		
Concharum captura	196		
Concharum, & Ostrearum differentia			
pag.	195		
Conchites lapis	287		
Lævis	290		
Lunatus	292		
Conchites striatus	297		
Conoides lapis	224		
Constantinus Anklitzen pulveris pyrii in-			

## D

Dætyli Idæi lapides	280
Dantis Aligeri cella	310
Daphnia lapis	272
Δαυδ πορρο	ibid.
Dendrophytus lapis	ibid.
Dendrophorus lapis	ibid.
Dens elephanti petrefactus	324
Dentale	301
Difelta herba	34
Diluvium universale, quomodo figuratis	
lapidibus occasionem præbere potuerit	
pag.	222. N.
Diota vasa	296
Diphryges à Phrygio lapide diversum est	
pag.	148
Diphys	



# Index Rerum.

Diphys lapis 340  
Donner stein lapis 241  
Du Corall 117

## E

**E** Bur fossile 324. N.  
Exelins 261  
Echinites lapis 233. N. & 374  
Echinophora concha 203. & 204  
Echites floridus, lapis 233  
Echites lapis 261  
Eyxos 261  
Elaphoceratites lapis 324  
Electrum 87  
Elementa communia cur metalla non sint  
pag. 3  
Cur simplicia nusquam reperiuntur  
ibid.  
Qua ratione corpora per se consis-  
tentia efficiantur ibid.  
Elenchi uniones 207  
Enastros lapis 230  
Encardia lapis 338  
Encrinos lapis 230  
Enorchis lapis 340  
Entrochus lapis 228  
Erctria terra 16  
Erotylos lapis 314  
Eschara marina 109. N.  
Eumeces quid 226. N.  
Eumeces lapis 239  
Eusebes gemma 224  
Exhalatio sicca quae metalla constituat 3  
Exhalationes quo à metallis differant,  
pag. ead.  
Cur propriis terminis non continean-  
tur ibid.

## F

**F** Abæ marina 138  
Fantinus Petrignanus Archiepiscopus  
Consentinus laudatur 105  
Favagine Imperato 98. N.  
Felix de Fredis Laocoontis statuam inve-  
nit 355  
Ferri inventores 245  
Ferri scobe atramentum quomodo fiat,  
pag. 63. N.  
Ferrugo 73  
Flores coralliorum 120. N.  
Flores lapidis Affii 145

Flos nitri 44  
Folgora lapis 241  
Fontes aquae calidae in Lemno 10. N.  
Forma eadem, atque unica in diversas  
materias successive nequit infundi 218  
Forma substantialis à materia, cui inhæ-  
ret, abduci non potest 218  
Franciscus Galliarum Rex lapides Belem-  
nitas reperit 281  
Frotten stein lapis 247  
Frutex marinus 131. N.  
Fulmina cur deorsum ferantur 241  
Fulminis ictus trium Pontificum mortem  
precessit 249  
Varii effectus 242. N.  
Fulminum varietas 250  
Fungus glaphyrus 257  
Fungus marinus minimus 135. N.

## G

**G** Agates lapis 85  
Gayatins 259  
Gayatins 259  
Gala herba 34  
Galactites lapis 161. & 224  
Gallarum solutio, quid præbet ad atra-  
menti confectionem 63. N.  
Gasidanes lapis 273  
Gemma nomine quid accipiatur, & unde  
ductum 225. N.  
Gemma cur perlucida 6. N.  
Gebson 161. N.  
Stellarum radiis fulgentes 236. N.  
Gemonis lapis 268  
Generatio ex putri rejecta 194. N.  
Geodes lapis 261  
Geranites lapis 322  
Giallamiona lapis 146  
Gigantum historia an vera 326  
Eorum nomine quid intellexerint  
Poeta ibid.  
Girasole gemma 236. N.  
Glacies in loco aere destituto concreescens,  
ponderosior, ac contractior est, quam  
quæ in loco aeri exposito 49. N.  
Glossopetra magna 331  
Media 334  
Minima 336  
Gnecos aquilæ genus 259  
Grammatias lapis 239  
Grammita lapis ibid. N.  
Gregorius XIII. laudatur 175  
Grues lapides in nidos congerunt 265  
Cur



# Index Rerum.

<i>Cur inter volandum lapides ferant</i>	
pag.	<i>ead.</i>
<i>Eminentiss. Cardinalis Gualterii Museum,</i>	
<i>&amp; Bibliotheca commendantur</i>	313
<i>Guanaccos animal</i>	173
<i>Gulielminus laudatur</i>	26. N.
<i>Gypsum</i>	160

## H

<b>H</b> <i>Æmatites lapis</i>	162
<i>Hematopus avis</i>	266
<i>Hager almagritos est Magnes</i>	163
<i>Hager Armeni, seu lapis Armenus</i>	71
<i>Hager Asos</i>	145
<i>Hagiario algesi</i>	161. N.
<i>Hagiar aljehud</i>	226
<i>Hagiario Alkamari</i>	155. N.
<i>Armenion</i>	71. N.
<i>Afuson</i>	145. N.
<i>Halinitrum</i>	<i>ibid.</i>
<i>Halinitri, &amp; nitri differentia</i>	45
<i>Quomodo paretur</i>	47
<i>Halosanthos, &amp; Halosachne</i>	32
<i>Hasciscio Alkali</i>	35. N.
<i>Heliades Solis sorores</i>	87
<i>Herba cur in nitrariis non gignantur,</i>	
pag.	49. N.
<i>Herculis Strozze Epigramma in Laocoontis statuam</i>	360
<i>Hesiodi sententia de generatione rerum</i>	
pag.	2. N.
<i>Hieracites lapis</i>	321
<i>Hirundinis historia</i>	183
<i>Hombergi sententia de generatione metallorum</i>	5. N.
<i>Homines quæ facilius cognoscant</i>	1
<i>Hystrix quomodo lapides gignat</i>	179. N.

## I

<b>I</b> <i>Acobi Sadoleti Carmen in Laocoontis statuam</i>	358
<i>S. Jacobi insula margaritis ditissima</i>	201
<i>Quantum pendat Hispaniarum Regi</i>	
pag.	<i>ead.</i>
<i>Quomodo margaritæ in ea fuerint inventæ</i>	<i>ibid.</i>
<i>Jameni alumen sciissile</i>	53
<i>Icterias lapis</i>	322
<i>Idiomorphi lapides quid sint, ac quomodo gignantur</i>	216. ad 223
<i>Idiomorphorum lapidum figura, eorundem</i>	

<i>facultates indicari</i>	224
<i>Inter gemmas cur recensiti</i>	<i>ibid.</i>
<i>Γερομενίων lapis</i>	314
<i>Ignium eructationes cur eveniant</i>	80. N.
<i>Ilvæ descriptio</i>	164
<i>Cimoliam gignit</i>	17
<i>Inocissites lapis</i>	276. N.
<i>Joannes Vasilæ Regis Moscovitarum Orator Romam petiit</i>	156
<i>Joannis XXII. epistolæ ad Margaritam Comitissam Fuxensem</i>	335
<i>Ιω σκώληξ</i>	72
<i>Ιδς σιδήρου</i>	73
<i>Ιδς ξυδός</i>	72
<i>Isidis Palma</i>	132
<i>Isidis Plocamos primus</i>	126
<i>secundus</i>	128
<i>tertius</i>	129
<i>quartus</i>	131
<i>Cur inter fossilia recenseatur</i>	2
<i>Isticus lapis</i>	235
<i>Junci lapidei</i>	114
<i>Juncus lapideus</i>	134

## K

<b>K</b> <i>Abrusson Cyprium</i>	60. N.
<i>Kabraba succinum cur dicatur</i>	90. N.
<i>Καλαμάχου</i>	112
<i>Kali quid</i>	27. & 35. N.
<i>Καίρις avis</i>	266
<i>Κεραμίτις terra</i>	20. N.
<i>Κίναδ</i>	188
<i>Κίσσηρις</i>	150
<i>Κοράλλιον</i>	116
<i>Κρεξ avis</i>	266
<i>Κουράλιον</i>	116
<i>Κωράλιον</i>	116
<i>Κωράλισκον</i>	<i>ibid.</i>

## L

<b>L</b> <i>Acus asphaltites in Arabia</i>	83
<i>Lamiæ caput</i>	333
<i>Dentes qui dignoscantur à glossopetris</i>	334
<i>Illustrissimi Lancisii sententia de nitro</i>	48
<i>Dissertatio epistolaris ad Cl. Vieussenium</i>	36. N.
<i>Laocoontis statua</i>	355. & 356
<i>Lapides aculeati, sive aculeoferi</i>	270
<i>Cancrorum</i>	187. N.
<i>Carpionum</i>	<i>ibid.</i>
<i>Compin-</i>	



# Index Rerum.

Compinguntur ex fluida materia.		Judaicus	226
pag.	6. N.	Lazuli	70
Cur avibus parturientibus apponantur	259	Limacis	86
Digitati	343	Literatus	239
E cælo lapsi	248. & seqq.	Lumbricatus	314
Ex fragmentis lapideis in aqua innatantibus coalescunt	257. N.	Lunaris	154
Figurati recentiorum, ab iis, qui à Plinio inter gemmas recensentur differunt	225. N.	Malacensis	179
Fortuita concretionem materia nascuntur	ibid.	Manganensis	148
Frustribus similes	283	Multangulus	375
Heterogenea corpora includentes,		Palmaris	273
pag.	6. N.	Phrygius	147
In mari cur gignantur	255	Sarcophagus	145
In renibus Venerab. Servi Dei Innocentii XI. reperti	178. N.	Sarnius	328
In vesica Sancti Pii V. reperti	ibid.	Specularis	154
Offei	325	Sphericus	318
Percarum	187. N.	Lemnina terra	8
Qua ratione in nubibus generentur		σφαγῆς cur dicta	ibid.
pag.	250	Acidis mineralibus cur difficile dissolvatur	11. N.
Qui divino cultu, aut alio ministerio memorabiles	238	Adulterina quomodo deprehendatur	8
Quomodo diversorum corporum figuram nanciscantur	6. N.	pag.	
Quomodo ex arena concrecant,		Optima quæ	12
pag.	21. N.	Quomodo effodiatur	ibid.
Quomodo in animalibus gignantur		Sulphurea	10. N.
pag.	175	An rectè rubrica appellatur	ibid.
Spongiarum	213	Ex colore non dignoscitur	ibid.
Stillatitii	256	Lemnina insula ignem eructat	ibid.
Lapidum differentia, ac divisio	143	Aquas calidas emittit	ibid.
Diversitas unde	6. N.	Lepidotes lapis	315
Idiomorphorum materia diversa,		Leucogæi colles	77. & 79
pag.	215	Leucium chalcantum vitiosè legitur apud Plinium	60. N.
Pluvie	249	Λευκάδιον terra	20. N.
Lapis Ammochrysus	152	Lezaco aldehebi	44. N.
Arabicus	324. N.	Αἰθὴρ ὡς ὄρεον, corallium dictum	116
Armenius	71	Linteum ex amianto singulare Bibliothecæ Vaticanæ donatum à Sanctiss. CLEMENTE XI.	156. N.
Affius	145	Linum Asbestinum	155
Avis Japonica	182	Carpasium	156
Bibulus	152	Vivum	155
Calaminaris	146	Liquores invicem permisti quomodo concrecant	6. N.
Corallites	124	Lithomarga	324. N.
Crucifer	237	Lithophyta ex seminibus nasci	123. N.
Crystallinus πολυζήτανος	376	Lithophyton Tournefortii quid	127. N.
Diconus	377	Λιθὸν ἀσβεστῆν	71
Fungarius	148. N.	Litrum pro nitro Artice	41
Hæmisphæricus	318	Λογχοπῶς Chalcantum lanceolatum	59
In capite bovillo genitus	18	Lollia Paullina luxur	210
In felle bovillo	ibid.	Lucerna asbestos	156
Islebianus	319	Lucernæ perpetuæ rejiciuntur	159. N.
		Lucis materia metallorum principium,	
		pag.	5. N.
		Lulu	189
		Ccc	Lutum



# Index Rerum.

<i>Lutum Armenium</i>	11
<i>Creticum</i>	19
<i>Lemnium</i>	16
<i>Licius lapis</i>	85
<i>Lyncurius</i>	87
<i>Non est lapis Phrygius</i>	148
<i>Fit ex urina lyncis, secundum Evacem</i>	ibid.

## M

<b>M</b> <i>Achometis sacellum</i>	163
<i>Madrepora quid</i>	123. N.
<i>Magnathis</i>	163
<i>Maghnathison</i>	168. N.
<i>Magnes</i>	163
<i>Magnesia alba ex nitro quomodo paretur</i>	
pag.	50. N.
<i>Ejus vires</i>	ibid.
<i>Magnesia lapis</i>	149. N.
<i>Mahomethus Bei Eubœæ Præfectus</i>	12
<i>Maltina</i>	65
<i>Malpighii sententia de metallorum generatione</i>	5. N.
<i>Mancevo del hierro</i>	163
<i>Manganese</i>	148
<i>Magnetis</i>	153
<i>Marcus Antonius Sabbatinus laudatur,</i>	
pag.	320
<i>Mare ab ostreis rubro colore inficitur,</i>	
pag.	202
<i>are Typhonis nomine apud Ægyptios appellatum</i>	33. N.
<i>Margaritæ adulterinæ, ac factitiæ quomodo deprehendantur</i>	211
<i>Et de earum generatione</i>	188
<i>Fluviatiles, &amp; lacustres</i>	106
<i>Martellate</i>	206
<i>Molliores, quomodo perficiantur,</i>	
pag.	211
<i>Panetti appellatæ</i>	101
<i>Qua mensura æstimentur</i>	209
<i>Quibus locis proveniant</i>	197
<i>Rebus vilibus permutatæ</i>	201.
& 202.	
<i>Margaritarum delectus</i>	206
<i>Piscatio</i>	197. & seqq.
<i>Vitia</i>	197
<i>Magyarins</i>	188
<i>Magyarov</i>	ibid.
<i>Marga terra</i>	20
<i>Margianon</i>	120. N.
<i>Maris falsedo unde</i>	141
<i>Marmoris definitio</i>	351

<i>Etymon</i>	ibid.
<i>Differentia</i>	353
<i>Marsilius Cagnatus laudatur</i>	273
<i>Materia quatuor formis affecta</i>	1
<i>Difficile percipitur</i>	ibid.
<i>Cognoscitur ex compositis</i>	ibid.
<i>Materia locus</i>	ibid.
<i>Matthæus Cantarellus Cardinalis Avem Japonicam Mercato donat</i>	182
<i>Matthioli lapsus</i>	10. N.
<i>Meconites</i>	286
<i>Melech, &amp; Melha sal</i>	25
<i>Melach sal</i>	26. N.
<i>Melanaetos aquilæ genus</i>	259
<i>Melanteria</i>	65
<i>Melanteria veterum est nonnullis vena,</i>	
<i>chalcanti</i>	61
<i>Melia terra</i>	16
<i>Melicymbales conchæ</i>	203. & 204
<i>Melitenfis terra</i>	17
<i>Melitites lapis</i>	161
<i>Menoides lapis</i>	311
<i>Mercurius metallorum principium qualis</i>	
pag.	5. N.
<i>Mespilæus lapis</i>	282
<i>Metalla quæ sint</i>	2
<i>Sunt diversa ab elementis</i>	3
<i>Plantarum instar ex semine gigni,</i>	
<i>secundum nonnullos</i>	5. N.
<i>Singula propriam figuram habent,</i>	
pag.	5. N.
<i>An sint animata</i>	ibid.
<i>Quo gradu sint inter composita</i>	ibid.
<i>Quomodo gigantur</i>	5. N.
<i>Experimenta varia de ipsorum compositione</i>	ibid. N.
<i>Metalli etymon</i>	2
<i>Metallorum divisio secundum Theophrastum</i>	4
<i>Galenum</i>	ibid.
<i>Avicennam</i>	ibid.
<i>Albertum</i>	ibid.
<i>Aristotelem</i>	3
<i>Prædictorum divisiones ad Aristotelis mentem exponuntur</i>	4. & 5
<i>Generatio à sulphure adjuvatur</i>	79
<i>Principia chymica quæ</i>	5. N.
<i>Metallothecæ Mercati locus</i>	354
<i>Mica lapis</i>	153
<i>Millepora</i>	134. N.
<i>Miltos Lemnia cur dicta</i>	8
<i>Μίλτος σινωπικὴ</i>	13
<i>Μίλτος τελευτικὴ</i>	14
<i>Misy</i>	65
<i>Monostroites lapis</i>	232
<i>Mo-</i>	



# Index Rerum.

<i>Morochthus lapis</i>	161
<i>Mogēs</i>	ibid.
<i>Morphnos aquila species</i>	259
<i>Moti, &amp; Moto, margaritæ</i>	189
<i>Mumia Arabum quid</i>	85
<i>Unde dicta</i>	85. N.
<i>Mundo quæ contineantur</i>	1
<i>Muricites lapis</i>	299
<i>Myaces conchæ</i>	ibid.
<i>Myites lapis</i>	ibid.
<i>Myscæ conchæ</i>	305
<i>Myscites lapis</i>	ibid.
<i>Mytuli conchæ</i>	ibid.

## N

<b>N</b> <i>Aphtha</i>	81
<i>Narneth</i>	73. & 74. N.
<i>Natura quid sit</i>	1
<i>Nechoscetk</i>	65. N.
<i>Nerites lapis</i>	304
<i>Nescphaton</i>	152. N.
<i>Nether</i>	44. N.
<i>Netrunon</i>	ibid.
<i>Nitrariæ quo herbarum generationi offi-</i> <i>ciant</i>	49. N.
<i>Nitria Ægypti regio</i>	41
<i>Nitrum, &amp; ejus historia</i>	41
<i>Unde dictum</i>	ibid.
<i>Ejus differentia à sale</i>	42
<i>Medicinæ</i>	50. N.
<i>Vires, &amp; usus</i>	42. & 43
<i>Quibus principiis constet</i>	48. N.
<i>Continet alkali, &amp; acidum</i>	49. N.
<i>Est valde ponderosum</i>	41
<i>Est sale acrius</i>	42
<i>Ab Arabibus pro sale usurpatus</i>	ibid.
<i>Aere emollitum eandem figuram</i> <i>servat</i>	ibid.
<i>Aerem inclusum habet</i>	48. N.
<i>Aquam refrigerat</i>	50. N.
<i>Argentum auro agglutinat</i>	45
<i>Cur in calice fusorio candente non</i> <i>inflammetur</i>	50. N.
<i>In igne non crepitat</i>	42
<i>Non est sal petra</i>	43
<i>Parietibus adherens verum est ni-</i> <i>trum</i>	48. N.
<i>Plantarum nutritioni quid conferat</i> <i>pag.</i>	49. N.
<i>Quid præstet in pulvere pyrio</i>	48. N.
<i>Nitrum Ægyptium</i>	41
<i>Aquatile</i>	ibid.
<i>Armenum</i>	42

<i>Berenicum</i>	ibid.
<i>Chalastricum</i>	41. & 42
<i>Ex Bunis</i>	42
<i>Fossile non reperitur</i>	ibid.
<i>Ilvense marmoreum</i>	41
<i>Specuarium</i>	42
<i>Nummi diabolici</i>	240
<i>Lapidei</i>	239
<i>Nymphæum bitumen</i>	84. N.

## O

<b>O</b> <i>Bsidianus lapis non est bitumen</i>	81
<i>Ochra terra</i>	18
<i>Ocularis lapis</i>	343
Ωκυτόκου	261
<i>Olea cur admisto spiritu chalcantbi in-</i> <i>flammentur</i>	641. N.
<i>Oleum Medæ</i>	81
<i>Ombria lapis</i>	247
<i>Onychites lapis</i>	305. & 330
<i>Operimentum nitri species</i>	44
<i>Operment</i>	73
<i>Orichalcum quomodo fiat</i>	146
<i>Oropimente</i>	73
<i>Orpimento</i>	ibid.
<i>Orpin</i>	ibid.
<i>Ossa lapidea</i>	327. N.
<i>Osteocollus lapis</i>	277. & seqq.
<i>Ostiensis salina</i>	33
<i>Ostracites lapis</i>	293
<i>Ostrea ingentis magnitudinis</i>	200
<i>Ostrea in Indiis maxima</i>	195
<i>Ovum anguinum lapis</i>	312

## P

<b>P</b> <i>Agasæi fontes</i>	32
<i>Pæanites lapis</i>	267
<i>Plantula lapidea scutulata</i>	135
<i>Alia</i>	136
<i>Planta lapidescentes</i>	328
<i>Papyrus ex amianto</i>	159. N.
Παράφορ	53
<i>Paretonium terra</i>	18
<i>Parium marmor</i>	354
<i>Pasta di borace</i>	68
<i>Patera è terra Lemnia à Francisco Gallia</i> <i>Rege Clementi VII. donata</i>	10
<i>Paulus III. Reatinorum, ac Interamna-</i> <i>tum controversiam sedat</i>	252
<i>Pazan, &amp; Pazar</i>	171
<i>Pentacrini lapides</i>	230



# Index Rerum.

<i>Pentadaetyles concha</i>	203. & 204
<i>Pentaphylloides lapis</i>	233. N.
<i>Pentexocha lapis</i>	282
<i>Perdicites lapis</i>	322
<i>Petroleum</i>	81
<i>Distillatum succini facultatem habet</i>	
pag.	82. N.
<i>Petrus Mercati pater</i>	184
Παλὸν ἀμενικόν	11
<i>Piedra esponia</i>	150
<i>Piedra suffre</i>	77
<i>Pietre ponce</i>	150
Φαρμακίτις	87
<i>Phlegrai campi</i>	79
<i>Phloginos lapis</i>	295
<i>Phanices lapis</i>	226
Φοῖβον aluminis species	53
<i>Pila marina</i>	111
<i>Velut ampullis constans</i>	98. N.
<i>Pisces in mediterraneis locis unâ cum aquis</i>	
<i>subitò emergentes</i>	223
<i>Piscium lapides</i>	187
<i>Pisolithi lapides</i>	284
<i>Pissasphaltus</i>	84
Πισσάσαλτ	ibid.
<i>S. Pius V. mortem imminentem contemnit</i>	
pag.	249
<i>Plinius à Salmasio reprehensus</i>	10. N.
<i>Defensus</i>	196
<i>Injuria à Gesnero reprehensus</i>	294. N.
<i>Ejus opinio de margaritis rejicitur</i>	90
<i>Mors</i>	151
<i>Pluviae admirabiles</i>	251
<i>Pluviae lapideae fabulosae</i>	ibid.
Πλωτρεῖς γῆ	18. N.
<i>Prigitis terra</i>	ibid.
Ποικιλόσπερμ	285. & seq.
<i>Pæcilospermus lapis</i>	ibid.
<i>Polia</i>	156
<i>Pomice</i>	150
<i>Porcellana fit ex porcellis conchis</i>	305
<i>Porcella concha</i>	ibid.
<i>Poro anguino</i>	113. N.
Πόρ	152
<i>Porphyroides</i>	299
<i>Porus corallio affinis</i>	109. N.
<i>Principia corporum simplicia</i>	1
<i>Cur incorruptibilia</i>	ibid.
<i>Ex aliis non constant</i>	ibid.
<i>Quae, &amp; quot</i>	ibid.
	& 2. in N.
<i>Loca eorum</i>	ibid.
<i>Compositis cur præstent</i>	ibid.
<i>Principia secundum Platonem quæ</i>	2. N.
<i>Pseudolepidotes lapis</i>	316

<i>Pulmo marinus</i>	101
<i>Pumex</i>	150
<i>Pumex spumofus</i>	140
<i>Pulveris pyrii inventor</i>	46. & 50. N.
<i>Pulveris pyrii natura, &amp; effectus</i>	46
<i>Quibus constet</i>	48. N.
<i>Ejus vis explicatur</i>	48. & 49. N.
<i>Pygargus aquilæ species</i>	259
<i>Pyren lapis</i>	226
<i>Pyrites lapis</i>	224
<i>Pyrites botryites</i>	373

Q	
Q	Uiritia, & quirinus lapis 266

R	
R	Abric 77
	Rabrie vitiosè scriptum apud Sera-
	pionem 80. N.
	Reatinorum, ac Interamnatum odia unde
	pag. 25
	Retepora 109. N.
	Rhamer germanicè nitrum 41
	Rhombites lapis 155. N.
	Risagallum 73
	Rosa marina 109. N.
	Rubigo 73
	Rubrica fabrilis 14
	Germanica sinopica similis 13
	Ilvensis ad sinopicam accedit ibid.
	Lemnia, vide Terra Lemnia.
	Sinopica ibid.

S	
S	Adenegi 172
	Sagitta lapis 243
	Sabira 66. N.
	Sal in genere 25
	Ejus differentia ibid.
	Quomodo ab aliis succis concretis dif-
	cernatur 26
	Quot modis accipitur apud recen-
	tiores ibid. N.
	Ejus proprietates ibid. N.
	Quomodo gignatur ibid. N.
	Est metallorum principium 5. N.
	Sal principium 26. N.
	Sal acidus quid 27. N.
	Cur contrarios effectus habeat ibid.
	In



# Index Rerum.

<i>In sanguine continetur</i>	36. N.	<i>Refellitur</i>	60. & 66. N.
<i>Qua ratione è sanguine sit extra-</i>		<i>Sal nitrum</i>	45
<i>hendus</i>	37. N.	<i>Salpeter, Germanis est nitrum</i>	41
<i>Sal Ægyptius</i>	33	<i>Sal petra</i>	45
<i>Alkali</i>	34. N.	<i>Salz est sal Germanus</i>	25
<i>Ejus textura qualis</i>	ibid.	<i>Samia terra</i>	15
<i>Differentiæ</i>	ibid.	<i>Samothracia gemma</i>	224
<i>Facultates</i>	ibid.	<i>Bitumine diversa</i>	81
<i>Quomodo ab aliis corporibus alkali-</i>		<i>Sandaracha</i>	74
<i>cis dignoscatur</i>	127. N.	<i>Σανδαράχη</i>	ibid.
<i>Ammoniacus</i>	30	<i>Sandastros lapis</i>	236. N.
<i>Cur liquores varios refrigeret cum</i>		<i>Sanguis ex animalibus nequit penitus ex-</i>	
<i>fermentatione</i>	31. D.	<i>hauriri</i>	38. N.
<i>Aquatilis, ejusque variæ species</i>	31	<i>Ejus proportio erga salem fixum ab</i>	
<i>Ex arundine</i>	34	<i>eo extractum diversa deprehensa est</i>	
<i>Communis nitro est affinis</i>	29. N.	<i>pag.</i>	39. N.
<i>Variis mineralibus imbutus est</i>	ibid.	<i>Inter ipsum, &amp; ejus partes generalis</i>	
<i>Ex corylo</i>	ibid.	<i>proportio statui non potest</i>	38. N.
<i>Ex cranio humano</i>	ibid.	<i>Sanguinis determinatæ partis proportio</i>	
<i>Creticus</i>	33	<i>erga sua principia, non arguit eandem</i>	
<i>Essentialis</i>	35. N.	<i>proportionem in universo sanguine,</i>	
<i>Ex fimo</i>	34	<i>pag.</i>	ead.
<i>Fixus</i>	27. N.	<i>Ejus gravitas in homine variat,</i>	
<i>Fluidus</i>	ibid.	<i>pag.</i>	ead.
<i>Fossilis</i>	28	<i>Sanguinis humani cineres destillati cur</i>	
<i>Ab aquatili differt</i>	ibid.	<i>acidum tantum præbeant</i>	ibid.
<i>Fusilis</i>	28. N.	<i>Sanguinis humani sal fixum falsum est,</i>	
<i>Hispaniensis</i>	40	<i>ibid.</i>	
<i>Lixivialis</i>	34. & 35. N.	<i>Pondus, non respondet ponderi par-</i>	
<i>Quomodo fiat volatilis</i>	ibid.	<i>tium ex ipso extractarum</i>	39. N.
<i>Marinus</i>	33	<i>Proportio erga suas partes facile</i>	
<i>Cur variis corporibus constet</i>	29. N.	<i>immutatur</i>	ibid.
<i>In sanguine deprehensus fuit</i>	36. N.	<i>Quantitas variat in hominibus,</i>	
<i>τοφῶνος ἀφρός, nempe salis spuma ab</i>		<i>pag.</i>	38. N.
<i>Ægyptiis appellatus</i>	35. N.	<i>Santerna quid</i>	43
<i>Massæ</i>	33	<i>Sapo gallicus</i>	17
<i>Muriaticus</i>	34	<i>Saponaria terra est cimolia</i>	ibid.
<i>Naphthicus</i>	32. & 41	<i>Sarnich</i>	73
<i>Panis</i>	33	<i>Savalia Hispanis dicitur Isidis plocamos</i>	
<i>Putealis</i>	ibid.	<i>pag.</i>	127
<i>Ex quercu</i>	34	<i>Scedenegi</i>	162
<i>Salsus</i>	27. N.	<i>Sceb, sive Seb</i>	53. & 54. N.
<i>Salsus volatilis</i>	35	<i>Sceletos hominis lapideus</i>	6. N.
<i>Solutus</i>	27. N.	<i>Schistus lapis</i>	162
<i>Tattæus</i>	40	<i>Scolecia</i>	43
<i>Thebaicus</i>	ibid.	<i>Scolex æruginis</i>	44. N.
<i>Volaterranus</i>	33	<i>Scolopendrites lapis</i>	312
<i>Volatilis</i>	34. N.	<i>Σχιστὴν alumen scissile</i>	53
<i>Volatilis acidus</i>	35. N.	<i>Σχιζοπόδες lapides</i>	343
<i>Volatilis urinosus</i>	34. N.	<i>Scylla in Cirim versa</i>	266
<i>Ex urina</i>	ibid.	<i>Selenita lapis</i>	155. N.
<i>Uticensis</i>	33	<i>Σελανίτης</i>	154
<i>Salis fodinæ in Polonia</i>	28	<i>Selinusia terra</i>	16
<i>Salinum ex sale gemma factum</i>	ibid.	<i>Serapionis Arabica nomina depravata</i>	74
<i>Salmasius Plinium reprehendit</i>	10. N.	<i>Sicilex</i>	243



## Index Rerum.

Silex aureus	344	Strombites lapis	303
Multiplex oculatus	345	Illustris. Stroza Præsul laudatur	5. N.
Unde dictus	243	Ejus Museum	ibid.
Sidereia lapis	149. N.	Ejus Tractatus de Marmoribus	352
Σιδηρίτις	163	Ξ τυπηρία alumen	53
Sinopica rubrica generatim, ac speciatim accepta	14. N.	Succi liquidi, & concreti	25
Sirbonis palus	84. N.	Eorum ab aquis medicatis differentia	ibid.
Sitophorus lapis	285	Succinum	87
Sittites lapis	260	Sulphetara	79
Smeriglio	169	Sulphur	77
Σμῦκητις γῆ, dicitur cimolia	18	Cur pyrio pulveri misceatur	48. N.
Smilax lapis	275	Metallorum principium	5
Smiris lapis	169	Sulphuris communis analysis	80. N.
Soda herba	34	Surie	67
Solfo	77	Sycites lapis	226
Sol nitri generationem adjuvat	42	Syderea	148
Sopbron	65. N.	Sylvena	61
Soufre	77	Synochitis lapis	316
Sonus unde	261. & seq.	Μ υρωπικόν terra Samia	15
Sory	67	Μ υρωπικόν unde dictum	ibid. N.
Cur achmaro, idest rubrum ab Arabibus vocatum	67. N.		
Spangruen	72		
Spartopolia	156		
Specchio d'asino	154		
Σφαῖρα θαλασσία	111		
Spinos est Thracius lapis Theophrasto	86		
Spinus Meliboci lapis	319		
Spiritus salis Ammoniaci urinosus, & acidus	30. N.		
Spiritus vini cur spiritui salis ammoniaci commistus coaguletur	31. N.		
Spongia Corallites	124		
Spongiae an sensu sint præditæ & in N. ibid.	213		
Spuma marina Cæsalpini	98. N.		
Spuma nitri	44		
Squilla pinna index	205		
Σταλακτίτης, & σταλακτικός chalcanthum stillatitium	59		
Stalactita lapides	256		
Stalimine est Lemnus	8		
Statua è pario marmore in hortis Vaticanis	354		
Stelechites lapis	277. & 279		
Stellares lapides quid, ac quomodo gignantur	125		
Stellaria ex Achate concreta	237. N.		
Stellarius lapis	234		
Stirie lapidea	252		
Strigoniensis terra Armenia substituitur pag.	12. N.		
Στρογγύλην alumen rotundum	53		
Strobilodes lapis	301		
		T	
		Alcum	153
		Est Samius aster apud Arabes pag.	16. N.
		Talkum crystallinum	155. N.
		Taos lapis	184
		Tarruga animal	174
		Tasconium argilla species	19
		Tatta palus	32
		Tecolithos lapis	213
		Tellinites lapis	305
		Tephritis lapis	311
		Terebratulæ lapides	331. N.
		Terra, & ejus historia in genere	7
		Quotuplex secundùm Galenum	4
		Est metallorum principium	5. N.
		Terra Ampelitis	87
		Lemnias. Vide Lemnia terra.	
		Norvegica pro Samia usurpatur, pag.	15. N.
		Pharmacitis	87
		S. Pauli	17
		Terræ cur à locis nomen acceperint	15
		Θείον	77
		Θερσότιον	19
		Testæ animantium quomodo gignantur, pag.	222. N.
		Testaceorum generatio ex Aristotelis sententia	189
		Testaceus collis Romæ quomodo aggestus pag.	295
		Thea-	



# Index Rerum.

<i>Theamedes lapis</i>	168	pag.	207
<i>Thenoras</i>	189	<i>Gallinaceum ovum æquantes</i>	199
<i>Tin alcharin</i>	87	<i>Occidentales</i>	200. & seqq.
<i>Thracius lapis</i>	85	<i>Rubri</i>	200
<i>Tincar</i>	43. & 67	<i>Unionum differentia, varius usus, ac pretium</i>	208. & seqq.
<i>Tino alcarmi</i>	87. N.	<i>Unionum insula</i>	201
<i>Tino acrites</i>	19	<i>Unionum medicina</i>	212
<i>Tino Armenion est lutum Armenium</i> , pag.	12. N.	<i>Unio sexaginta caratorum</i>	199
<i>Tino-Machtumon terra lemnia cur dicta</i> pag.	10. N.	<i>Urna marmorea, in qua linteum ex amianto repertum est</i>	157. N.
<i>Tin sciamus</i>	15. N.	<i>Urne fictiles sepulcrales in Italia</i>	296
<i>Tino Kimulia</i>	18. N.	<i>Uscnanon herba</i>	27. N. & 35. N.
<i>Tofo</i>	152	<i>Usne herba</i>	34
<i>Tofus</i>	ibid.	<i>Vulcani forum</i>	79
<i>Tofus juvencarum</i>	180	<i>Vulcani nomine terra Lemnia intellecta</i>	11
<i>Τριχίτης alumen plumæ</i>	53	<i>Vulpes ambram devorat</i>	91
<i>Tripela terra</i>	20		
<i>Trochites lapis</i>	228		
<i>Truncus corallites</i>	124		
<i>Tubalcain primus ferri faber</i>	244		
<i>Tubularia purpurea</i>	109. N.		
<i>Tubuli testacei marini in lapidem conversi</i> pag.	110		
<i>Tympana uniones</i>	207		

## V

<b>V</b> <i>Entri cristallini</i>	269. N.
<i>Verd de gris, verdet</i>	72
<i>Verderame</i>	72
<i>Vermicchiara</i>	100. N.
<i>Vescaria marina I.B.</i>	98. N.
<i>Victoria lapis</i>	234
<i>Vicogna animal</i>	173
<i>Virginitatis deprehendendæ modus</i>	86
<i>Vitriuolo</i>	59
<i>Vitriolum. Vide Chalcanthum.</i>	
<i>Vitrum qua ratione expurgetur</i>	149. N.
<i>Quomodo ex arena conficiatur</i> , pag.	22. N.
<i>Umbilicus marinus</i>	138
<i>Unicornu fossile lapis</i>	324. N.
<i>Uniones</i>	188
<i>Uniones exaluminati</i>	207
<i>Eximia magnitudinis, ac pretii</i> ,	

## X

**X**ristus V. porticum Lateranensem ornavit 296

## Z

<b>Z</b> <i>Agio achmaro, idest zagio rubrum</i> pag.	67. N.
<i>Zagio alachadaro, chalcanthum viride</i> , pag.	60. N. & 66
<i>Zagio alhebro</i>	66.
<i>Zagio aspharo</i>	65. N.
<i>Zagion</i>	65. N.
<i>Zarnichon</i>	74. N.
<i>Zebed albauraki, idest spuma nitri</i>	45. N.
<i>Zebedo albahri, idest spuma maris</i>	96. N.
<i>Zebelia isidis plocamos à piscatoribus vocatur</i>	127
<i>Zebeth albahar, &amp; zebd albhar</i>	95
<i>Zeg, &amp; zagi</i>	65
<i>Zeg viride quid sit apud Serapionem</i> , pag.	65. N.
<i>Zengiaron</i>	72. N.
<i>Zinjar</i>	72
<i>Zoronistos lapis</i>	275

F I N I S.

ER-







## ERRATA CORRIGE.

- Pag. xviii. lin. 42. à maximis, *corrige* maxima.  
 Pag. 23. lin. 46. quem, *corr.* quam.  
 Pag. xxv. lin. 18. sextum, *corr.* decimumnum.  
 Pag. lviii. lin. 18. οἶρεν, *corr.* εὐρεν.  
 Pag. lix. lin. 25. paralisis, *corr.* paralytis.  
 Pag. 2. lin. 13. τῆ, *corr.* τῇ.  
 Pag. 5. lin. 10. à fin. Stannum, *corr.* stannum.  
 Pag. 12. lin. 13. sub rubro, *corr.* subrubro.  
 Pag. 15. lin. 19. à fin. de tempore, *corr.* hoc tempore.  
 Pag. 19. lin. 5. Bohetia, *corr.* Rhetia.  
 Pag. 21. lin. 3. à fine impregnato, *corr.* præguante.  
 Pag. 22. lin. 4. à fine agere, *corr.* aggere.  
 Pag. 27. lin. 61. infecto, *corr.* infecta.  
 Pag. 29. lin. 33. implicitæ, *corr.* implicita.  
 Ibid. lin. 6. à fine, stamno, *corr.* stanno.  
 Pag. 30. lin. 36. cœruleum, *corr.* cœruleam.  
 Pag. 37. lin. 41. acidi, *corr.* acidi vi.  
 Pag. 39. lin. 5. observavit, *corr.* observaverit.  
 Ibid. lin. 25. totæ, *corr.* universæ.  
 Pag. 53. v. 25. τριχίτις, *corr.* τριχίτις.  
 Ibid. in marg. τριχίτις, *corr.* τριχίτις.  
 Lin. 28. τριχίτιν, *corr.* τριχίτιν.  
 Ibid. lin. 33. ἀσραγαλώτω, *corr.* ἀσραγαλώτω.  
 In marg. ἀσραγαλώτης, *corr.* ἀσραγαλώτη.  
 Ibid. lin. 34. πλινδίτης, *corr.* πλινδίτης.  
 Ibid. πλακίτις, *corr.* πλακίτις, etiam in marg.  
 Pag. 44. lin. 24. diaëtriticis, *corr.* diacriticis.  
 Pag. 67. lin. 24. achmaro vocatur, *corr.* achmaro, idest rubrum vocatur.  
 Pag. 68. lin. 23. ἐροβίτις, *corr.* ἐροβίτις.  
 Pag. 87. lin. 12. ἀμπελίτιν, *corr.* ἀμπελίτιν.  
 Ibid. φαρμακίτιν, *corr.* φαρμακίτιν.

## ERRATA CORRIGE.

- Pag. 92. lin. 4. عنبجور *corr.* عنبجور.  
 Pag. 120. lin. 53. conchyliarum, *corr.* conchyliorum.  
 Ibid. lin. 58. è latere, *corr.* elatere.  
 Pag. 127. lin. 29. Antiphathes, *corr.* Antipathes.  
 Ibid. lin. penult. distillatam, *corr.* distillata.  
 Pag. 161. lin. 10. الجص *corr.* الجص.  
 Pag. 163. lin. 38. in marg. Thimæo, *corr.* Timæo.  
 Ibid. lin. 4. σιδηρίτις, *corr.* σιδηρίτις.  
 Pag. 186. lin. 6. in marg. Cholonix, *corr.* Chelonix.  
 Pag. 200. lin. 31. Babilon, *corr.* Babylon.  
 Pag. 201. lin. 4. à fine, Cherronesi, *corr.* Cherrhonesi.  
 Pag. 202. lin. 24. littora, *corr.* littore.  
 Pag. 204. lin. 20. amæno, *corr.* amæno.  
 Pag. 207. lin. 27. Budeo, *corr.* Budæo.  
 Pag. 243. lin. 6. χῆμα, *corr.* χῆσμα.  
 Ibid. lin. 10. aliquid divinum, *corr.* oraculum divinum.  
 Ibid. lin. 13. Jacobo, ut habemus in sacris literis, qui in, *corr.* Jacobo, qui ut habemus in sacris literis in.  
 Pag. 259. lin. 28. in marg. Hierosogliphicæ, *corr.* Hieroglyphicæ.  
 Pag. 289. lin. 9. multo non minus, *corr.* multo minus.  
 Pag. 299. lin. 2. PORPHIROIDES, *corr.* PORPHYROIDES.  
 Pag. 305. lin. 9. mitulos, *corr.* mytulos.  
 Pag. 327. lin. 39. κρατερῇ, *corr.* κρατερῇ.  
 Pag. 357. lin. 10. Agerander, *corr.* Agesander.  
 Pag. 365. lin. ult. Xephilinum, *corr.* Xiphilinum.







# REGESTUM.

\* b c d e f g h

\* A B C D E F G H I K L M N O P Q R S T V X Y Z

Aa Bb Cc Dd Ee Ff Gg Hh Ii Kk Ll Mm Nn Oo Pp Qq

Rr Ss Tt Vv Xx Yy Zz

Aaa Bbb Ccc

*Omnes sunt Duerniones, præter Ccc, quod est Ternio.*

---

## MONITUM AD BIBLIOPEGUM.

*Tabulæ sequentes ponendæ sunt hoc ordine, videlicet:*

EFFIGIES MICHAELIS MERCATI inter pag. xx. & xxi.

METALLOTHECA ante pag. xlix.

Tabula, quæ inscribitur *Terræ*, inter pag. 6. & 7.

Tabula, quæ inscribitur *Sal & Nitrum*, inter pag. 24. & 25.

TERRA SULPHURATA PUTEOLANA inter pag. 78. & 79.

QUARTUM DIOSCORIDIS ALCYONIUM inter pag. 100. & 101.



1717

R O M Æ M D C C X V I I

Ex Officina JO: MARIE SALVIONI ROMANI

In Archigymnasio SAPIENTIÆ.

---

S U P E R I O R U M F A C U L T A T E .



# REGISTER.

Aa Bb Ccc  
Rr St Tt Vv Xx Yy Zz  
Aa Bb Cc Dd Ee Ff Gg Hh Ii Kk Ll Mm Nn Oo Pp Qq  
A B C D E F G H I K L M N O P Q R S T V X Y Z  
\* b c d e f g h

Omnes sunt Dictiones, prae-ter, Ccc, quod est Termin.

## MONITUM AD BIBLIOTHEGUM.

Tabulae sequentes ponenda sunt hoc ordine, videlicet:

Quarta Dispositio Alcyonum inter pag. 100 & 101.  
Terra circumdata inter pag. 98 & 99.  
Tabula, quae inscribitur deo & Minerva, inter pag. 94 & 95.  
Tabula, quae inscribitur Jove, inter pag. 6 & 7.  
Metallotropha ante pag. xlix.  
Finis Mithras Mercator inter pag. 8 & 9.



R O M A E M D C C X V I I

In Archigymnasio Sapien-  
tiae Ex Officina Jo: Mariae Salvioni Romani

S U P E R I O R U M F A C U L T A T E




A P P E N D I X  
A D  
METALLOTHECAM  
V A T I C A N A M  
MICHAELIS MERCATI.

In qua Lectoribus exhibentur XIX. Icones ex Typis  
æneis nuper Florentiæ inventis, quorum XIV.  
Pontificia liberalitate suppleti jam fuerant:  
Quinque verò penitus desiderabantur.

A D D I T I S N O T I S,

*Et novis Iconibus Choclearum Cornu Ammonis formâ.*



R O M Æ M D C C X I X. 1719

Apud Jo: MARIAM SALVIONI Typographum VATICANUM  
In Archigymnasio SAPIENTIÆ.

S U P E R I O R U M F A C U L T A T E.













Archiatrum cernis, celebrat quem fama per orbem  
doctrinâ, ingenio, moribus, eloquio:  
**CLEMENTI** incolumi seruando, quem Deus alto  
consilio elegit, nomine **LANCISIVM**.

Sebastiano Conca pinx.

Jac. Frey Sc. Romae 1748



PRÆFATIO  
JOANNIS Mariæ LANCISII  
ARCHIATRI PONTIFICII  
AD LECTOREM.



IX SANCTISSIMUS PATER CLEMENS XI. ad incrementa bonarum Artium mirificè intentus, superioribus mensibus rescivit, inventos fuisse Florentiæ nonnullos Typos ære incisos, quos in Vaticana Metallothea, Pontificiis impensis Romæ edita, tanquam deperditos dolebamus, & quorum desiderium, quemadmodum à nobis in prolegomenis dictum fuit, novâ ex superstitionibus iconibus comparatâ incisione majorem partem lenivimus; cum nobilissimo, ut solet, incensus ardore de universa Literaria Republica benè merendi, statim mihi mandavit, ut scriberem ad Reverendissimum Patrem Magistrum Petrum Antonium de Rubeis ex familia Servorum B. V. M. in Pisana Academia Sacræ Historiæ præstantissimum Interpretem: nemo enim hujus rei vel tam sciens, vel tam boni exitus amans occurrere poterat, quippe qui non levem opem ad Mercati Metallotheam exornandam contulit. Ubi autem imperata fecissem, Vir ille solers, ac diligens non prius mihi respondit (respondit autem nondum elapsis quindecim diebus) quàm certiozem reddere me posset, Typos non solum inventos, sed etiam apud se, brevi ad Sanctissimum Pontificem deferendos, habere.

Sanctissimus Pontifex jubet nuper inventos æneos Metallotheæ Typos comparari.

Cl. Cœnobitæ de Rubeis diligentia in prædictis Typis adpiscendis laudatur.

Et quoniam harum Tabularum inventionis historia Lectoribus fortasse non erit injucunda, illam, ut nobis prædictus Cœnobita scripto retulit, hæc, conversâ in Latinum sermonem ejus epistolâ, subjiciemus.

ILLUSTRISSIMO, AC REVERENDISSIMO VIRO  
D. JOANNI Mariæ LANCISIO  
ARCHIATRO PONTIFICIO

FR. PETRUS ANTONIUS DE RUBEIS  
Ord. Servorum B. M. V.  
S. P. D.

**Q**ua ratione XV. Tabule æræ ad Metallotheam Michaelis Mercati pertinentes, quas diu frustra vestigavimus, tandem repertæ sint, paucis accipe, Vir Illustrissime. Eum, qui M. S. ejusdem Metallotheæ primùm à Celeberrimi Caroli Dati heredibus na-



etus fuit, utique predictas Tabulas nunquam habuisse certum est: nulla siquidem adhibita tunc quantumvis maxima diligentia inveniri apud illum potuerunt: quo factum est, ut omnem spem de hujusmodi jactura sarcienda abjecerimus, omnino periisse arbitrati.

Narratur typorum inventio.

Nobilis Vir Camillus Datus novas apud se repertas tabulas SS. Pontifici offert.

Cum autem nuper betruscum quoddam ejusdem Caroli opus, quod inscribitur: Le veglie di Carlo Dati. (*A Viris doctis vehementer expetitur*) studiosissime quaereretur, inter aliquot illius scriptos commentarios accidit, ut, cum quaquaversum revolverentur schedae omnes, quae capsae asservabantur, in fundo forte fortuna occurrerent iidem aenei typi charta involuti, quales ab ipso Mercato ita conditos fuisse, à vero non abludit. Quapropter contendi ego, atque efflagitavi à Nobili hujus Civitatis Viro, literisque magnopere expolito Thoma Bonaventura, ut ad Typos acquirendos auxilium ferret. Convenit hic Nobilissimum Virum, ac Senatorem Tornaquincium, maximo affinitatis vinculo cum D. Camillo Dato Caroli filio conjunctum. Hic verò statim ac certior factus est de Sanctissimi Pontificis desiderio, aeneas Tabulas perliberaliter ad me attulit, petiitque, ut Sanctissimi Patris Pedibus suo nomine sisterentur, quo demisse erga Sacratissimum Principem literarum, bonarumque Artium gloriosissimum Patronum observantiae, ac venerationis suae argumentum quaecumque constaret. Nihil aliud interim Nobilis Vir optat, quam ut Beatissimus Pater Pontificia Benedictione, ac Patrocinio se, suamque familiam impertiat, ac protegat. Ego quoque hanc mihi felicitatem gratulatus, quod jussa Sapientissimi Pontificis implere potuerim, cum eosdem Typos ad Te mitto, hoc unum enixe rogo, ut meis verbis Sanctissimi Patris Pedes demississimo amplexu osculeris. Vale, Vir optime, ac me eximiae virtutis tuae cultorem fovere perge.

Florentiae XII. Kal. Octobris MDCCXVIII.

Carolus Datus, & Camillus filius commendantur.

Hac igitur viâ Summo Pontifici per me oblatis sunt XV. aenei Typi, nomine Eximii Viri Camilli Dati, Caroli Filii, qui, ut omnigenam ac singularem Parentis sui literarum cognitionem, amoremque egregiè imitatur, ita in illius celebritatis, gloriaeque consortium feliciter venire contendit.

SS. Pontifex oblatas tabulas illustrandas Lancisio tradit.

Cum autem Sapientissimus Princeps ipse primum, eximio, ac sublimi, quo pollet ingenio, menteque perspicacissimâ lustrasset, eosque animadversionibus nonnullis pro exquisitissimâ suâ eruditione dignatus esset, mihi utcumque illustrandos perhumaniter tradidit. Ego verò statim è re putavi doctissimum Virum Petrum Assaltum arcessere, utpote quem cæteris in Metallotheca Notis concinnandis socium non sinè publicae eruditionis fructu adhibueram. Ambo igitur aeneos Typos versantes, attentèque insipientes.

Tres tantum ex quindecim Typis in edita Metallotheca desiderabantur.

I. Deprehendimus ex XV. Tabulis tres tantum edito in opere omnino desiderari: Siquidem XI. expressae, ac rursus Beneficentiâ saepe, ac nunquam fati laudatâ Sanctissimi Pontificis incisae fuerant, ad exemplum videlicet iconum, quae in Autographo jam glutino affixae suis locis reperiabantur.

II. In-



## Ad Metallothecam Vaticanam. 5

II. Inter æneas Tabulas nuper detectas comperimus illam, quæ Statuam Truncam repræsentat, quam ex ipsomet Herculis Archetypo, quemadmodum quatuor alias, nimirum Laocoontis, Apollinis, Antinoi, & Cleopatæ, ut in Prolegomenis præfati sumus, exculpendas Artifici nostro mandavimus. Ad Statuam verò hanc Herculeam quod attinet five ob majorem antiqui delineatoris solertiam, five quod Mercati tempore, nimirum circa annum 1565. non tantas hominum, elementorumque injurias passa fuerit, ipsi etiam fatemur præscam hanc iconem recenti nostræ non parum antecellere.

Statuæ truncæ Icon nuper reperta, cur nostrâ elegantior.

III. Animadvertimus binas alias Icones, nimirum Trochites, & Enastros in Metallotheca pag. 229., & 230. exhibitas, suis æneis Typis inter hæc nuper inventas non occurrissæ. Has tamen nos ex iis, quæ in Mercati M. S. extabant imaginibus, recens insculptis tabulis, suppleri curavimus.

Binæ tabulæ Trochitem & Enastros exprimētes ex chartaceis iconibus delineatæ, nondum receptæ.

IV. Demum candidè fatemur nos in errorem ab ipso vel Mercato, vel ejus Amanuensi inductos fuisse, ubi pag. 342. pro figura lapidis Auricularis, cujus nunc unâ Tabulâ sex Romam nuper allatæ icones Tibi sistuntur, posuimus alteram penè informem. Cur autem error hic nobis obrepserit, eumque in Mercati Amanuensem rejiciamus, id fuit in causa. Cum ænei omnes Metallothecæ typi essent chartâ involuti, in qua inscriptus inveniebatur paginæ numerus, ubi collocandi erant; in Tabula informis illius iconis notabatur pag. 342. Cumque ibidem justum spatium in Codice M. S. ad eam excipiendam animadverteremus, non dubitavimus eandem illic apponere: & quamvis humanæ auris similitudinem nullo pacto præferre cognosceremus; nihilominus, quia plerunque lithographi quâdam veluti licentiâ circa lapidum figuratorum nomina abuti solent, rudes etiam quandoque peculiaribus corporibus assimilantes, veluti de Carneade ait Cicero (a) *Fingebat Carneades in Chiorum lapidicinis saxo diffisso caput extitisse Panisci. Credo aliquam non dissimilem figuram, sed certè non talem, ut eam factam à Scopâ diceret; idcirco figuram ei loco aptari posse credidimus, præsertim cum ob acuminatam formam in illam quadrare viderentur, quæ de Midæ auribus in ipso eodem Cap. LXXV. pag. 443. à Mercato describuntur.*

Cur pro Icone lapidis auricularis aliâ fuerit apposita.

[a] De Divinat. Lib. 1.

Ad quem locum Icon hætenus pro auriculari habita videatur referenda.

At enim verò informem eam iconem perperam pro auriculari positam, cum diù nobiscum reputaremus, cui nam loco revera esset restituenda (non enim Typus hic æneus nullius apud Mercatum usus erat) censuimus spectare ad pag. 248. Armar. videlicet nono Cap. XIX., in quo Auctor agit de lapidibus demissis è nubibus, scriptumque nobis reliquit: *In Brutiis aliquot homines oppidi Castrovilarii in amœna planitie cœlo sereno in aere conspicatos fuisse atrum, atque involutum turbinem magno impetu irruentem, qui in terram non longè decidens horribilem fragorem edidit. Quò cum homines confestim multi concurrissent, saxum ingens conspicati sunt turbine illo jactum, ac circum foramen unum minutatim dissipatum, ac massam ferro similem exhibuit ea figura, quæ in fronte præfigitur.* Habebat itaque Mercatus

no-



noster Tabulam Saxi, quod a nubibus demissum ferebatur. Hanc autem, cum nusquam in codice exhibitam reperiamus, illam esse suspicamur, de qua est sermo.

Quatuor alia ærea  
tabulæ apud Presbi-  
terum Boninum in-  
ventæ, ac per eun-  
dem Cœnobitam SS.  
Pontifici oblatae.

Dum hæc parabantur ad prælum, ecce altera per Tabellarium nobis reddita fuit epistola ejusdem præclarissimi Cœnobitæ de Rubeis, quâ quidem Vir singulari solertiâ, & incredibili erga ingenuas artes amore, opportunè significavit, quatuor alias æreas Tabulas ad Mercati quoque Metallothecam pertinentes apud Doctissimum Presbyterum Antonium Boninum olim Bibliothecarium Nosocomii Sanctæ Mariæ Novæ de Florentia, ibidemque Horto Medico Præfectum; nunc verò Priorem S. Mariæ de Peretula Diocesis Florent., fuisse deprehensas; quem sanè plurimum animo discruciatum addidit, quod de Metallothecæ editione per Equitem Paulum Maffæum, à quo ejus rei nuncium expectabat, certior minimè factus fuerit. Hic igitur egregius Presbyter, cum accepisset, Appendicem à nobis eidem Metallothecæ properari, memoratas Tabulas Beatissimo Principi offerendas prædicto Cœnobitæ liberaliter tradidit.

Harum autem tres sunt icones statuarum, quæ in Impluvio Vaticano custodiuntur, nimirum Laocoontis, Apollinis, & Antinoi, quas, ut supra indicatum est, suppleri curavimus: alia verò, quæ reliqua est, speciem exhibet Pori, quem alii *Madreporam* vocant, eamque ad illarum classem rejiciemus.

Cur omnes nuper  
repti typi edan-  
tur.

Habes itaque, Lector humanissime, tum XV. Tabulas ab hæredibus Caroli Dati, tum IV. has alias à Presbytero Bonino liberaliter Summo Pontifici oblatas, quæ simul XIX. recens inventas constituunt. Gratum autem Tibi futurum rati sumus, si has omnes impressas tuis oculis subjiceremus; non tantum, nè qua diligentia laus Mercato decederet, verum etiam, ut Graphicæ Artis studiosi peritiam, & antiquorum, quibus Auctor usus fuit, & nostrorum Sculptorum inter se comparare valeant: quanquam is, qui lapidem Phrygium nostro ævo expressit, non satis diligenter figuram representavit: quæ enim dextera erant, sinistra; & quæ contra sinistra, dextera exculpsit.

Cæterum non omnes Tabularum lacunæ in Metallotheca expleri potuerunt: cum nonnullæ aliquot in locis adhuc desint, quarum ænei Typi fortasse alicubi in scriniis latent.

Cætera præsertim  
nonnullæ epistolæ  
in notis rejiciuntur.

Nos interim, qui hæc in genere admonuisse opportunum duximus, aliqua etiam de plerisque subjiciemus in Notis, adjiciemusque Mantillæ instar nonnullas Clarissimorum Virorum epistolas, nostrasque responsiones, quibus obscura quædam Metallothecæ loca facile, ni fallor, poterunt illustrari.



QUARTUM DIOSCORIDIS ALCYONIUM.

Vide Armarium Sextum Cap.V. pag.100.




I. **T**Abulam huic similem ex chartaceo exemplari Metallotheca jam deprompsimus. Quod autem attinet ad hujus Alcyonii naturam nihil adjiciendum habemus Notis, quas suo loco edidimus.



CORALLIUM ALBUM SQUALLI-  
DIUSCULUM.

Vide Armarium Sextum Cap. XIV. pag. 118.




CORALLIVM ALBVM SQUALLIDIVSCVLVM ATQVE INQVINATVM

II. **I**Con hæc pertinet ad pag. 118. prope finem. Hujus autem lacuna impleri hæcenus non potuit, quod nec æneum typum, nec chartaceum habuerimus. Est autem genus Madreporeæ, de cujus natura consule Notas Capituli XV. Armarii Sexti pag. 123. In qua pagina paulò superius altera desideratur tabula.

MA-



*Ad Metallothecam Vaticanam.* 9  
MADREPORÆ GENUS.



III. **H**Æc tabula reperea nuper fuit inter alias Mercati sine titulo : fortasse exprimit Madreporæ genus, de qua Armario Sexto Capite XV. pag. 122. ubi vide notas de ipsius natura.



## ISIDIS PLOCAMOS SECUNDUS.

Vide Armarium Sextum Cap. XVIII. pag. 128. Ubi nostra impressa,  
est icon ex chartaceâ MSS. delineata.



ISIDIS PLOCAMOS

SECUNDUS

IV. **H**Oc genus stirpis Lithophyton apud Turnefortium appellatur a λίθος lapis, & φυτόν planta, quod figurâ, partium structurâ, ac generationis modo stirpes, duritie autem lapides æmuletur: quamobrem vocabulum hoc corallio quoque poris, seu *Madreporis*, aliisque id genus aptari potest.

ISI-



ISIDIS PLOCAMOS TERTIUS.

Vide Armarium Sextum Cap.XIX. pag.129.



ISIDIS PLOCAMOS


TERTIVS

V. **T**Abulam hanc delineatam exhibuimus ab exemplari chartaceo in MSS. reperto.



## LAPIS PHRYGIUS.

Vide Armarium Sextum Cap.IV. pag.147.




LAPIS PHRYGIUS FVNGOS FERENS

VI. **T**Abulam hanc noster Sculptor ex chartacea Mercati delineavit, sed per errorem situm invertit, ut quæ dextra erant, sinistra exhibeat.



P U M E X.

Vide Armarium Septimum Cap.VII. pag.150.



P V M E X

VII. **T**abula hæc suppleta est ex chartacea in MSS. reperta.

AVIS



## AVIS JAPONICA.


Vide Armarium Octavum Cap.V. pag.181.

VIII. **H**anc Iconem delineandam curavimus ex tabula Mercati chartacea.



CTENITES.

Vide Armarium Nonum Cap.XLI. pag.297.



CTENITES


IX. Testæ hujusmodi lapideæ, quæ à Mercato inter veros lapides recensentur, apud (a) Lan-  
gium, aliosque, Latio nomine pectinitæ, ac pectunculitæ audiunt. <sup>(a)</sup> Hist. Lap. fig.

POR.



Appendix  
PORPHYROIDES.

Vide Armarium Nonum Cap.XLII. pag.299.



PORPHYROIDES

X. **P**Orphyroides, cujus tabulam supplevimus appellatur, quasi *πορφυροειδής* purpureæ testæ similis; quanquam revera nihil aliud sit, quàm purpuræ testa in lapidem conversa, ut fusè demonstravimus in notis ad caput secundum hujus Armarii.



MYITES.

Hæc tabula omnino desiderabatur, & pertinet ad  
Armarium Nonum Cap.XLVII. pag.305.



MYITES

XI. **D**E hujusmodi lapidibus agit Mercatus Armario Nono Cap.XLVII.pag.305. Verum ibi non Myitarum, sed Myscitarum iconem se præponere scribit: unde ambigimus, an postea con- filium mutaverit, ac secus inscripserit: Myes enim, ac Myscæ conchæ sunt congeneres: dicti nam- que sunt *μῆες* quasi mures, fortasse à similitudine, cujus diminutivum mysca: qui propterea mu- sculi à latinis appellantur: quanquam secundum alios etymon à *μῦς* musca mutuentur. Hujusmodi verò conchulas videre licet apud Rondeletium, Aldrovandum, aliosque, sed non nihil ab hisce (a) *Hist. Lap. fig.* diverfas. (a) Langius autem musculitæ lapidis definitionem affert, quæ Myitæ Mercati aptari ne- quit; sic enim scribit: *Conchites valvis æqualibus inæquilateris levis, ex altero cardinis latere valde productus, & umbone cardinum unito.* Cæterum non absimiles icones idem (b) exhibet terebratulæ (b) *Ibidem.*



nomine: quod parvo foramine sint perforatæ. Apud Luidium audiunt Conchitæ anomii.

Vide exactam hujus testæ descriptionem, ac figuram apud Fabium Columnam de purpura, Cap. XII. apud quem audit concha anomia vertice rostrato, quod valvas *ἀνισήκας* hoc est inæquales habeat, ac in verticem desinat rostro similem.




*Ad Metallothecam Vaticanam. 19*


LEPIDOTES.

Vide Armarium Nonum Cap.LVII. pag.316.


VERTEX





BASIS



BASIS



VERTEX



LEPIDOTES ALIUS


XII. **H**ujus lapidis iconem, unde nostram expressimus, quæ Lepidotes alius inscribitur, appo-  
fuit Mercatus Armario Nono Cap.LVII. ubi agit de Ananchitide, & Synochitide:  
Cur autem nomen mutaverit in titulo capitis, satis dictum est in Notis.



*Appendix*  
**OSSA LAPIDEA.**

Vide Armarium Nonum Cap.LXV. pag.325.

*Hec Tabula omnino desiderabatur.*



OSSA FOSSILIA

XIII. **I**nter Ossa Lapidea accensendus videtur lapis ille sterni humani formâ ab Agricola, & Cardano descriptus Stalheldiæ effossus, de quo Mercatus noster pag.341. siquidem à ratione non abhorret, sternum revera fuisse lapideo fluore concretum: quod sanè comprobatur non modò ipsius figura adamusim costas, & vertebrae referens, quantum ex illius descriptione colligi potest; verum etiam quòd unicus repertus sit [ quæ enim natura sunt singularia non progignuntur ] nec unquam similis ibidem occurrerit, ait enim Agricola: *Verum hunc naturæ singularem procreaverat.*

Hinc




## *Ad Metallothecam Vaticanam.* 21

Hinc clarissimus Ernestus Cyprianus, Vir porrò rerum naturalium peritissimus, lapidem hunc nuper quantumvis maximâ diligentia prope Stalpheldiam eruere incassum studuit : qua de re literas humanissimas ad nos dedit cum variis figuratorum lapidum iconibus, ac descriptionibus, quas quidem unâ cum iisdem literis hic in calce hujus Appendicis adjungendas duximus, quo exterorum etiam studium in nostram Metallothecam ornandam palam fiat. Ex iconibus autem selegimus num. XVII. , & XVIII. , cochleas binas cornu ammonis speciem exprimentes, utpote quæ ad naturalem historiam illustrandam præ cæteris conducunt quemadmodum ex Illustrissimi Lancisii responso intelligi potest.



## LAPIS SARNIUS.

Vide Armarium Nonum Cap.LXVI. pag.328.




LAPIS SARNIVS

XIV. **T**Abulam hanc exculpfit noster Artifex à Mercati chartaceo exemplari.



LAPIS AURICULARIS.

Vide Armarium Nonum Cap.LXXV. pag.342.



LAPIS AVRICVLARIS

XV. **L** Apides hī perbellè aurem humanam exprimunt ; referendi autem videntur ad testas lapideas , nimirum ad valvas inferiores concharum , quæ apud scriptores patellæ auritæ audiunt . Cur autem hujus tabulæ vice alia fuerit hîc impressa jam dictum est in præfatione pag. 5.



*Appendix*  
**LAOCOON**

Vide Armarium Decimum Cap.III. pag.356.



XVI. **I**N prædicto capite Armarii X. uberes notæ appositæ sunt, cùm ex marmoreo Archetypo iconem in Metallotheçæ MSS. desideratam, à nostro Artifice insculpi curaverimus.

APOL-



Vide Armarium Decimum Cap.III. pag.362.




XVII. **A** Pollinis simulacrum Sanctissimi Pontificis munificentia, omnino deficiente Mercati excom-  
plari, exculptum dedimus ex ipso Archetypo marmoreo.



*Appendix*  
A N T I N O U S .

Vide Armarium Decimum Cap.III. pag.364.




XVIII. **C**Um Antinoi tabula omnino desideraretur in Metallothece MSS., incisa fuit ex ipso Archetypo Vaticano.



STATUA TRUNCA.

Vide Armarium Decimum Cap.III. pag.366.

STATVA TRVNCA E MARMORE PARIO.



XIX. **H**æc Mercati icon aliam nostri Artificis longè superat: Verùm id non ejusdem imperitiæ: aut negligentia, sed potiùs temporis injuriæ, ut in Præfatione dictum est, tribuendum, illa enim antiquior cum sit ferme ducentis annis, statuem exprimit, qualis eâ ætate spectabatur, non adeò videlicet attrita, ut nunc vîsitur: siquidem hætenus aëri, ac vulgi ludibriis fuit exposita, quibus in dies magis oblitterata est: unde eximius ille Poeta Augustinus Favoritus, qui superiori seculo floruit, ac propterea non multum à nostro ævo remotus, eleganter hisce carminibus conquestus est.



*Pbidiacus labor Alcides ; Sed enim aspera Juno  
 Heroa immeritum dum grandine pulsat , & imbri ,  
 Non tantum orbat clava , exuviiisque leonis ,  
 Verum & poplitibus nervos , humerisque torosis  
 Brachia divellit , fecitque ex Hercule Monstrum  
 Informe , ignaræque ( nefus ! ) ludibria turba .*

Quamobrem hanc mutili Herculis effigiem , magnæ illis utilitati fore speramus , qui , ut idem Poeta cecinit ,

*Illum informem licet , & sine nomine truncum  
 Miratum huc Ararim veniunt Rhenumque bibentes .*

Cum in ipsa musculorum robur , quod in marmoreo simulacro variis in locis est penè abolitum , mirificè vigeat .



I.

EPISTOLA APOLOGETICA  
DE GENERATIONE METALLORUM

Pertinet ad Prolegomena Metallothecæ

Cap. nempe IV. pag. 5.

ARGUMENTUM.

*Dissertationi Doctissimi Viri super Notis in Metallothecam Vaticanam respondet, eumque, gratias agendo, laudat. Amicè refellit ejusdem opinionem, qua statuit Metalla plantarum instar ex semine nasci, atque adolescere. Irridet Chrysopœorum ineptias. Differit de vi magnetica.*

CLARISSIMO ERUDITISSIMOQUE VIRO

PATRI D. HERCULI CORAZZIO

In Bonon. Lyceo Analyseos Professori Pub.

JO: MARIA LANCISIUS S. P. D.

**O**Ratorem nè magis, an Philosophum eximium Te, Vir doctissime admirer, ac prædicem, prorsus ignoro: utrumque enim in ea, quam ad me dissertatione misisti, egregiè præstas, ut Te in oratoriis acutissimum, & in philosophicis eloquentissimum ostendas. Utinam verò particula oratoriæ facultatis tuæ mihi obtigisset; quò gratias pro laudibus, quas in Vaticanam Metallothecam, meosque, & Clarissimi Affalti in eam labores confers, reddere nunc tibi non omnino impares possem. Quod autem ad Philosophiam spectat, si minùs idoneum me, laudatorem subtilitatis tuæ præbere valeo, esse saltèm contendam in veritate inquirenda laudabilis curiositatis tuæ sedulus æmulator. Descendo itaque ad quæstionem de Metallorum Generatione, ad quam accuratiùs vestigandam in luculentissimo scripto tuo amicè me provocare videris. Atque ab initio quidem aliqua de consilio nostro in concinnandis brevibus ad eandem Metallothecam commentariis dicere operæ pretium arbitror. Scilicet non fuimus solliciti de Chymicorum arcanis adamussimè persequendis, atque enucleandis: id enim nostra non referre, nec operis brevitatem, ac rationem pati posse credidimus: contenti propterea Scriptorum opiniones summatim attingere, ac lectoribus veluti degustandas propinare; præsertim cum in ea simus sententia, Chymicorum quidem inventa ab experimentis petita, eaque ad Mechanicæ leges, Clinicamque expensâ, & revocata, plurimum ad naturalem historiam, ac rem Medicam illustrandam, locupletandamque conducere: Quæ autem beati illi Chrysopœi de auri confectiõne, lapide philosophico, aliisque similibus comminiscuntur, hujusmodi esse censemus, ut in illis tem-  
pus



[a] In Dissert. de Me-  
thodo pag. m. 7.

(b) Tit. de Sem. ge-  
nerat. pag. 63.

pus terere hominis sit otio, opibus, studiisque abutentis. Nam olim sæpius animo reputavimus, ac reputandum hodie amicis nostris inculcavimus prudentissimum illud (a) Cartesii monitum, nè nos *vel Alchimista, vel Astrologi prædictiones, vel Magi impostura, vel cujuslibet alterius ex iis, qui videri volunt ea se scire, quæ ignorant, inanis unquam jactantia fallat*. Quid enim ab hisce magnificis pollicitatoribus affertur, quod vel experientiâ, vel saltèm fanis rationibus comprobetur? omnia, siquidem ænigmaticè, ac veluti ex tripode, ut imperito vulgo illudant, verborum ambagibus involvunt: idcirco adduci non possumus, ut credamus, Te Virum alioqui sapientissimum eorum nugis capi posse, quarum auctores severioribus etiam legibus plectendi essent, nisi egregium hunc fructum attulissent, atque in dies afferrent, ut propriis fraudati votis inveniendi, cui tantopere inhiant, philosophicum lapidem, tot tantasque ad Physicam, ad Medicinam, atque ad civilis quoque vitæ commoda, utilitates in salebroso illo, per ignem, per aquas regias, perque innumeros labores opificio, ad imaginarias divitias assequendas, detexerint. Magnum proinde ingenii, atque eloquentiæ specimen dedisti in Metallica arbore exponenda, extollendaque. Nam hæc, si fuerit illa, quam vocant Dianæ; certè, modò verum fateri velimus, specie solùm planta dici potest, re tamen ipsâ merus est oculorum lusus, quem nobis chymici faciunt. Hi enim, tametsi sciant in fictitia illa arbore metallicas partes per juxta positionem coherere, id tamen fieri per organicam intus assumptionem credulis student imponere. Si verò de Majeri, aliorumque arbore loquamur; quis est, qui, cum omnem in judicando anticipationem, quam præcipitantiam dicunt, vitaverit, illam per imaginariam chymicorum hypothesim confictam non dicat, & fateatur? Age porro; Vir Præclarissime, Metalla asserunt ex chalcantho, nitro &c. tanquam ex seminibus primum ortum ducere. Id autem, ut constet, an veritati sit consentaneum, statuendum est ante omnia quid veri seminis nomine veniat, quod sanè ita ab immortali (b) Malpighio vestro, immo & nostro definitum accipimus, *ut sit compendium minimi surculi in folia laxandi, quod à toto deciduum, ac separatum, suoque alimento circumdatum, quasi filius emancipatus propriis præest muneribus, diciturque seminalis plantula*, in qua præter fluida multas organicas partes Botanici omnes inesse fatentur.

Et quanquam idem Malpighius paulò superiùs asseruerit in Metallo-  
rum saliumque concretionibus quid non ab simile accidere, ac in *vegetabilium* seminum generatione observare contingit; hoc tamen per analogiam duntaxat fieri intellexit: ait enim *quid simile miramur in metallo-  
rum, & salium concrezione*.

Tria igitur ex allata seminum definitione ad ipsorum naturam constituendam necessariò requiri Tute vides, Amicorum dulcissime. Primum quidem explicandam mox plantam cum foliis in eodem semine contineri. Alterum, ut semen ex planta, cujus semen est, gignatur. Postremum, ut in se per organorum fluidorumque peculiarem statum, & conditionem novas, sibi que similes stirpes in sæcula possit emittere.

Quis, amabo, chymicorum vel unam ex iis conditionibus non me-



## *Ad Metallothecam Vaticanam. 31*

metaphoricè, sed revera in Metallorum, quæ dicunt, feminibus, atque adeò in ipsis metallis inesse demonstravit? Quod enim attinet ad feminalem plantulam, ubi quæso observatum est unquam, nobiliora metalla in memoratis salibus, aut in tantopere decantato mercurio contineri; nisi per illusionem nos à nebulonibus decipi patiamur, qui frequenter, ut scis, clandestinà ipsius auri, vel argenti permixtione incautis, temereque credentibus turpiter imponunt. Quid verò dicam de pericarpio, tubulis, tracheis, cæterisque organicis partibus, quæ in quolibet vero femine reperiri apud omnes est in confesso? Hæc siquidem tantum abest, ut in metallicis concretionibus animadvertantur, ut contrarium potius experimentis evincatur; cum sales sive integri, atque in massulas coacti, sive per analysim resoluti, semper ope microscopii spectantibus plus minusve se exhibeant compactos utique ex corpusculis, nunc *rhomboidalem*, nunc *prismaticam*, nunc *cubicam*, aliamve figuram præferentes (quarum doctrinam celeberrimus Gulielminus civis tuus ac totius Philosophiæ experimentalis lumen præ cæteris illustravit) nunquam tamen eosdem sales pericarpio, canalibus, utriculis, tubulisque præditos ullus ostendit, ac patefecit. Quod sanè luculentius confirmatur ex repetitis salium ferventi in aqua solutionibus, vicissimque concretionibus, per quas in easdem semper crystallorum figuras redeunt; secus ac contingit in veris plantarum feminibus, quæ per ebullitionem, multoque magis per veram combustionem ita divelluntur, & corrumpuntur, ut cum organis naturam quoque, vivendique, ac vegetandi facultatem prorsus amittant.

Hoc quidem argumentum longè validius urget in metallis, quæ priorum feminum trunci, rami, fructusque perhibentur. Etenim certo nobis constat metalla, tametsi divulsa, & ad minima per violentissimum ignem, donec fundantur, agitata sint, in eandem perenniter, imò puriorem indolem, naturamque redire. Quod profectò, si eadem ullis organis donarentur, evenire non posset, quemadmodum passim in *vegetabilium* feminibus, atque adeò in furculis, plantisque fieri videmus, quæ per ignem distracta, divulsa, inque minimas partes divisa omnino vitiantur, & corrumpuntur.

Deinde ad alteram feminum conditionem accedentes, non multis opus est, ut laboremus, demonstraturi sales non produci ex metallis, saltem servatâ vegetationis lege; quemadmodum femina provenire ex fruticibus, arboribusque spectamus. Nam, etiam si nonnulli sales, vitriolum præsertim à ferro, & cupro abundè eliciantur, quia scilicet (ut sales fixi, volatilesque compositionem *vegetabilium* corporum ingrediuntur) inter illorum elementares particulas adnumerantur; non proinde tamen ab ejusmodi metallis per organicam structuram secernuntur, & coeunt; quinimo magnam partem ab ipsa atmosphæra, quæ omnigenas salium particulas congerit, & huc illuc volitantes continet, ob simplicem congruentiam copiosè derivantur; ut in corporibus, quæ *mortua* salium *capita* vocant, ubique evenire comperimus.

Denum quomodo femina ex metallis per organicam structuram decidunt, foetusque sibi similes in sæcula pariunt? Nam, quanquam de-

mus



(2) *Genes. Cap. 1.* mus matricem vitriolicam, vel alterius generis verum esse metallorum semen; quâ peto ratione adeò dissimiles sibi filios edit? quod in *vegetabilium* feminibus nequaquam observatur, cum eadem per Divinam Omnipotentiam eâ lege fuerint creata, ut (a) *unumquodque juxta genus suum virentem herbam*, arboremque produceret, vicissimque produceretur.

Sed istinc vocem tuam audio, Vir ornatissime, femina, inquis, non ita strictè sunt accipienda, prout, à Botanicis definiuntur; sed veluti quædam elementa, eorumque primordia. At, præter quam quod isto in sensu nihil ex feminibus non gignitur; cum corpora omnia (sint inorganica, & non viventia, sint etiam artefacta) ex certa mixtione, atque adhæsiōne particularum, hoc est ex aptis principiis oriantur; unde nam evincitur metallorum generationem vitriolo, nitro, aliisque tanquam feminibus deberi?

At achillæa, instabis, vincenda est vis argumenti, quod chymiatrum magnoperè jactant, & extollunt, videlicet Metalla non ubique locorum innascenti, sed in suis tantummodo fodinis, quæ nunquam exhauriri observantur; hinc enim colligunt in ejusmodi matricibus metallorum semina contineri, in perpetuum duratura. Verum, Suavissime Corazzi, quanto iidem in errore versentur, facile demonstrari potest, si animum advertamus ad tot tantasque obvias salium, lapidum, gemmarumque concreciones, quæ certis in locis ideo nascuntur, quia in hæc, & non in illa ex terræ visceribus confluunt, elevanturque particularia fluida, halitusque, quibus singularia quæquæ corpora coalescunt. Neque verò iis recensendis singillatim immoramur, cum nulla sit mundi plaga, in qua peculiare aliquod harum concrecionum genus sine ullis organis, ac vitæ indiciis non occurrat.

Illud utique inficiari nec possumus, nec debemus dari nimirum in subterraneis metallorum fodinis, peculiare salino-terreas concreciones, quas matricem nominant. Hæ autem diversæ inter se mixturæ, & compositionis secundum diversas Metallorum species occurrunt, ad hoc scilicet ut varias metallicarum particularum figuras, moles, crasesque per congruentes suos meatus, porosque partim trajicere, partim modificare, partim etiam, præcipitatis incongruis moleculis, defæcare valeant, donec in liquorem metallicum sui generis abeant, tandemque coeant, & concrecant. Cum verò metallica ejusmodi corpuscula, inter multiplices terræ canaliculos præterlabentia, varias secum quisquilias necessario abripiant, exinde fit, ut eadem nusquam pura suis è fodinis eruantur; sed opus sit, ut vel ignis, vel aquarum stygiarum ope ab heterogeneis fordibus vindicentur, expurgenturque. Quod si autem Metallorum hæc matricem quis eorundem semina, ac ferè glandulas, metaphoricè duntaxat, velit appellare, cum eo quidem non pugnabimus; hæc enim ratione cuncta organa secretionum cum naturalium, tum artificialium nomenclaturâ seminis, ac radice possent insigniri.

E contrario autem, cum certò nobis constet, plantas, earumque minutissima semina partibus instructa esse, quæ certam figuram tam tubulorum, quàm sinuum, & folliculorum (organicam structuram vocamus)



## *Ad Metallothecam Vaticanam . 33*

mus ) habent , quæque , si notabiliter atterantur , divellantur , vel solvantur , propriam naturam , atque officium amittunt ; quânam quæso ratione Metalla non analogicè , sed verè , ac propriè vegetare dici queunt , cùm si , ut modò memoravi , atterantur , divellantur , solvantur , atque ad minima per fusionem reducantur , tantum abest , ut quidquam de prisca indole , naturæque deperdant , ut potiùs puriora reddantur ; argumento quidem firmissimo , eadem metalla tubulis , aliisque vegetabilium organis penitus destitui , sed per simplicem duntaxat , mutuamque particularum conjunctionem progigni .

Et quidem Metallorum generatio , Vir Spectatissime , frequenti illo fusoriæ artis opificio luculenter innotescit . Si enim varia metallorum genera ignis ope unâ fundantur , ita eorum particulæ invicem permiscuntur , & coalescunt , ut , postquam concreverint , unum veluti illudque simplex Metallum produxisse videantur ; ac , nisi apud eosdem Artifices præsto essent diversa stygiarum aquarum genera , quibus unumquodque ab alio secernitur , procul dubio , qui compositionis rationem ignoraverint , facilè mixtum corpus pro peculiari , naturalique unius Metallī specie posset accipere . Quis verò ejusmodi mixturam ( unde Corinthiacum veluti metallum coalescit ) non potiùs per minimarum particularum juxta-positionem , quàm per intus-assumptionem fieri non affirmabit ? Atque hinc porrò didicimus quemadmodum simplicia , quæ vocamus metalla , per diversam mineralium particularum fusionem à subterraneis ignibus excitatam natura ipsa moliatur , atque compingat .

Denique quod ex Mythologorum figmentis de Saturno probare niteris , plumbum omnium esse metallorum principium , ac veluti parentem , jocularè sanè est , atque in eo refellendo minimè immorandum censemus ; nam aptiori longè sensu fabulam illam explicari posse ex Samuele Bocharto in Geographia Sacra , Daniele Huetio , aliisque abunde intelligitur .

Quod ad magnetis vim attinet , non injuriâ videbimur Mercatum extulisse , qui inter illorum temporum caliginem , longè omnium verisimillimam rationem excogitavit ; cùm ferri motum versùs magnetem , ex corpusculorum effluviis repetiit . Etenim , cùm cæteras opiniones ad trutinam revocaverimus , nihil in illis nobis apparuit , quod vel obscurissimum non sit , vel planè absurdum . Merito itaque à recentioribus irridentur , qui ad occultas qualitates , & sympathiam confugiunt , quibus verbis nihil magis rem explanant , quàm qui eam omnino nescire fatentur . Illos autem , qui magnetem vivere arbitrantur , scitè Auctor noster peritorum risu dignos censuit . Nam , si quid revera magneticæ animæ nomine designari statuamus , fatendum profectò est , aut magneti vitam tribuere esse penitus absolum , vel vitæ nomen non nisi æquivocè accipiendum . Quid enim sibi vult anima ista analoga ? Num cogitat ? Num sentit ? At porrò nihil horum , sinè temeritate affirmari potest . Igitur anima propriè vocari nequit . Quod si vitam in eo forsitan repositam esse contendat aliquis , quòd magnes vim habeat impellendi , ac motum corporibus impertiendi ; vide,



de, quæso, in quos scopulos sit impingendum: cum omnia corpora, quæ solâ aut gravitate, aut impulsione moventur, moventque, huiusmodi facultatem nancisci possint.

Verùm liceat hanc vim motricem, ut lubet, animæ vocabulo quamvis impropriè insignire; effugere tamen non possis, quin vel in meris verbis consistas, vel in recentiorum sententiam descendas. Primum sanè continget, si interroganti quid sit ista vis motrix, & in quo reposita, nihil aliud respondeas, ac ultro progredi nequeas, quàm in synonyma, nihil magis rem illustrantia. Sin verò ex altioribus principiis analyticè rem investigare pergas, eò deveniendum est, ut facultatem hanc ex nullo alio fonte derivari posse concedas, quàm ex corpusculorum motu, atque impulsu. Constat enim ex metaphysicis axiomatis, nihil naturaliter agere in distans, sinè intermediorum corporum actione, nec motum nisi ex corporum appulsu collisioneque propagari. Quodcunque igitur esse credatur hæc magnetis anima, non potest ferrum distans ad se allicere, nisi movendo corpora intermedia inter ipsum, & ferrum.

Quæ cum ita sint vel omnino super hac re silendum, vel recentiorum opinionem, quamvis multis difficultatibus obnoxiam, cæteris longè probabiliorem confitendum. Illud sanè exploratum est, saltèm Mechanicorum opiniones rejici planè non posse, quatenus magnetis attractionem, & proprietates ex corpusculorum motu, atque impetu explicant. Quod pertinet ad reliquas conditiones, cuilibet suam hypothesein adorandi potestas esto.

Cùm autem animum adverto, scobis ferreæ particulas super magnetem projectas invicem conjungi, dirigique in lineas, immo suspendi, itaut miro ordine dimidium arcus efforment, ex uno scilicet magnetis puncto in oppositum tendentis; corpusculorum effluxum, & circuitum ex uno in alterum magnetis polum, tantum non oculis perspicere mihi videor. Quod quidem phænomenon sagaciter observavit, atque affabre descripsit Mercatus noster in lanugine illa magneti adhærente. Quid? nonnè cymbula magnete onusta, dum ab admoto alterius magnetis polo refugit, videtur veluti à quodam vento hoc est effluentibus ex altero magnetis polo corpusculis impelli? quæ quidem corpuscula etsi oculis non percipimus, ipsa tamen ratio suadet; quemadmodum cùm navim leni secundoque vento procul appellentem spectamus; nullum quidem flatum sensibus animadvertimus: non alia tamen ratione, causaque navigium agi posse, quàm ventorum impetu, certò certiùs statuimus. Quid dicam de odoribus, de sonitu? in quibus licèt nullum motum, aut visu, aut tactu percipiamus, tamen sinè illo contingere non posse omnes cordatiores Physici arbitrantur.

Quæ verò de facultate directionis ad polos tradit Mercatus, tecum sentimus, nullo modo sustineri posse; nihilominus illi ætati aliquid condonandum: neque enim omnia ab eodem rite explicata contendimus, sed tantùm illum non mediocrem laudem promeritum arbitramur, si in multis ad veritatem propiùs collimaverit. Porro id fatès innuimus, ubi Lectores ad Cartesium, & Gassendum ablegavimus, cum quibus nul-



## *Ad Metallothecam Vaticanam. 35*

lo modo convenire possunt, quæ de stella polari Auctor comminiscitur.

Hæc tecum, ut otium fallerem, dicenda habui, Vir Optime. Vale interim, ac perge amore mutuo mecum certare; ibique magis studiorum, ac voluntatis concordiam fovere, ubi plus opinionum varietate dissentimus.

Romæ XIII. Kal. Decembris M. DCC. XVIII.

### II.

#### ARGUMENTUM:

*Exponit quam utilitatem afferant controversiæ literariæ. Improbat cum Auctore Chrysopœorum vanitatem: Scribit suam Dissertationem non seriò, sed animi causa exaratam.*

EGREGIO AC SAPIENTISSIMO PRÆSULI

JOANNI MARIÆ LANCISIO  
SS. D. N. CLEMENTIS XI.  
ARCHIATRO.

HERCULES CORAZZI S. P. D.

**Q**uantus sit controversiæ literariæ usus ex postremâ tuâ ad nos epistolâ, præclarissimarum cognitione rerum refertissimâ, fati intellexi; nec est amplius quod mirer multorum scripta adversus celeberrimam Baptistæ Guarini Tragicomœdiam id effecisse (quemadmodum animadvertit Vincentius Placius) (a) ut multa scitu dignissima, quæ nemo veterum, aut recentiorum de Poëtica Tragicomica docuit, hac occasione fuerint excogitata, præceptisque universalibus definita. Illud verò quid est, quod subvereris, nè ad Chymicos transferim? Certè ita scribis, ut videaris non carere suspicione. Nè superi faxint, ut tantum insaniam. XVIII. ferè ab hinc annis cum Neapoli essem, multosque hujus farinae homines identidem offenderem, non alienum putavi à Philosophico studio, eos audire, eorumque volumina volutare; sed citò cognovi, quàm proximè omnia ad Poësim accederent. Ab eo tempore nihil unquam hujus generis legi, aut scripsi: ac si quid forte enucleatius in hac exercitatione exaravi, velim Tibi persuadeas, fecisse me animi gratia. Ubi enim in magna auditorum corona dicendum est, ipsa etiam Philosophia, cæteroquin ad utilitatem instituta, ad oblectationem converti potest. Idem fac Præstantissimo Assalto significes, quem ego virum jamdiu ob ingenium suspicio, nunc verò etiam tuâ causâ vehementer diligo. Denique illud Te etiam, atque etiam oro, ut monere nos benevolè pergas, & ad illam naturalium rerum cognitionem adducas, quam Tu Tibi non humanâ industriâ, sed prope divinitus peperisse videris. Vale literatorum omnium ornamentum, & decus.

Bononiæ Idibus Decembris M. DCC. XVIII.

[a] In Theat. Script.  
Ital. c. 15. pag. 661.



Spectant ad Armarii Noni Cap.L. pag.307., Cap.LXV.  
pag.325., & Cap.LXXIV. pag.341.

## III.

## ARGUMENTUM.

*Significat se sui Principis jussu frustra quæsisse lapidem descriptum à Mercato Stalfeldiæ effossum. Alios tamen ex Idiomorphis invenisse, quorum icones mittit, ac similia pollicetur.*

ILLUSTRI ATQUE CELEBERRIMO VIRO

D. JOANNI MARIAE LANCISIO  
ARCHIATRO PONTIFICIO

S. P. D.

ERNESTUS SALOMON CYPRIANUS D. Serenissimo Principi Saxo Gothano  
à protosynedrii Consiliis, & Bibliothecæ directione.

Romam

CUM Serenissimus Princeps meus in Mercati Metallotheca nuper à Te publicæ luci, admirationique exposita invenisset, quæ inter Lapidēs *ἰδιόμορφους* commemorantur de quodam naturæ imitamento Stalfeldiæ, quæ Civitas Hero meo paret, olim reperto; admonebat me, ut Lapidem illum ipsum, forsitan à majoribus asservatum, aut certè similes diligenter investigarem, & ad Te mitterem harum rerum collectorem omni prædicatione dignissimum. Etsi autem nihil omnino venatus sum, quod loculum illum, cui pag.341. figura deest, explere posset; tamen ut venerationis, cultusque, quo excelsum ingenium, tuum, ac dotes incomparabiles prosequor, significatio existeret, offero Tibi alia quædam apud nos obvia, precatus Deum, ut destinationes tuas omnes prosperet, Teque CLEMENTI XI. Pontificum Eruditissimo, ac toti literato Orbi diù sospitet. Si hæc Tibi salivam movebunt, ut plura desideres in posterum; quæso ad Gullmannos, Mercatores Augspurgenses mandata tua cures perferenda. Etenim, si fero gratum Tibi ea in re officium meum, quæcunque apud nos Natura, divinæ Sapientiæ æmula umbra, luserit, à me omnia habebis. Scrib. Gothæ Thuringorum.

A. O. R. M. DCC. XVIII. Idibus Julii.

## INDEX

Iconum, quas idem Clarissimus CYPRIANUS unà cum Epistola ad Pontificium Archiatrum misit.

- I. **R** Adix lignosa, dentibus obsita, cujus delineatio N. II. Exhibetur, cum ab operario rudi, & simplice, qui lapides coquendæ calci quærebat ex fovea profunda prope Tennebergam Thuringiæ arcem erue-



## *Ad Metallothecam Vaticanam.* 37

erueretur, per imprudentiam tota penè confracta atque comminuta est, ut non nisi unica hæc particula, nec ipsa illæsa servata fuerit: cum antea orgyie longitudine sub rupe porrigeretur. Radix verè lignum esse deprehenditur, cujus autem generis, nemo adhuc affirmare potuit; arboris tamen radicem fuisse sanè incredibile non est: tanta fuit foræ, unde eruta fuit, altitudo. Dentes ex osse perinde sunt, nec tamen de illius ratione magis constat: ceterum radices suas, & poros instar dentium naturalium habent.

- III. Erius sive Echinus petrefactus, colore, & corticis crassitudine nativo egregiè similis.
- IV. Phasma lapideum admodum notabile, chelonitidis specie, colore fusco, cujus alterum latus eodem N. IV. inscriptum, juxta illud exhibemus.
- V. Lapis, cui plura concharum, & cochlearum genera sunt inclusa.
- VI. Cancris petrefacti portio, in Fossa, arcem Triedensteinensem ambiente inventa.
- VII. VIII. IX. Lapidis cujusdam fissilis, & mollioris tabula, aut crusta, montium, & in illis arborum tenuissimarum figuris distincta.
- X. Anguilla, aut serpens petrefactus, cujus portio aliqua à reliquo corpore avulsa, sub eodem numero visenda.
- XI. XII. Lapidis fragmenta duo, quæ conchas aliquot continent.
- XIII. Lapidis fragmentum aliud, in quo cancer sine brachiis, sive chelis deprehenditur.
- XIV. Lapis alius, concha coloris fusci, & majoris cochleæ parte inscriptus.
- XV. Testa ostrea clausa, petrefacta: integra, & sine frontis, aut tergi discrimine pariter utrinque speciosa.
- XVI. Fragmentum lapidis aliud variis concharum, & cochlearum imaginibus pictum.
- XVII. XVIII. Cochleæ duæ rarissimæ formæ, quas vulgo cornua Ammonis dicunt, tanto candore, & specie, ut conchularum, quæ uniones gignunt cum pulcherrimis certare possint: aut planè ejusdem materiæ esse videantur.
- XIX. Cochlea petrefacta, per medium rupta, cujus latera interiora internarum cochleæ partium lineamentis, & simulacris inscripta sunt: quæ coticulis magis exarata quasi, & expolita, totius formæ internæ habitum unà cum medulla flava, accuratè ostendunt.
- XX. Testa ostrea.
- XXI. Cancer petrefactus, nautilo incumbens.
- XXII. Lapis, in quo piscis aut Gobio fluviatilis visendus, habitu nantis, & turbidam, vel limum quasi sulcantis.
- XXIII., XXIV., XXV. Cochleæ petrefactæ tres Ammonis cornua dictæ, juxta quas conchæ aliquot visuntur.



## A R G U M E N T U M.

*Gratias agit de missis figuratorum Lapidum Iconibus, quas si unquam Metallotheca recudatur, unà editurum pollicetur: Serenissimo Principi, rogat, ut suam observantiam testificetur.*

*VIRO ERUDITISSIMO CLARISSIMOQUE*

**D. ERNESTO SALOMONI CYPRIANO**

SERENISSIMO PRINCIPI SAXO-GOTHANO A PROTOSYNEDRII  
CONSILII, ET BIBLIOTHECÆ DIRECTIONE.

*Gotham Thuringorum.*

JO: MARIA LANCISIUS S. P. D.

**H**umanissimas Literas Tuas, Vir Celeberrime, unà cum Iconibus Lapidum *ἰδιομόρφων* præclarè, eleganterque delineatis accepi, illasque statim Sapientissimo Pontifici, qui eas impensè laudavit, videntas exhibui. Tibi itaque singularibus verbis gratias ago, tum ob eximii erga me amoris significationes, tum ob egregiam curam de naturæ studiosis bene merendi. Profectò, si quid erit in posterum, in quo operam tuam, liberalitatemque literariam implorare mihi necesse sit, utar amplissimis officiis tuis. Vicissim verò, si quando à me, exiguisque studiis meis quidquam Tibi commodari posse intelligam, è vestigio mandata tua, quæ vehementer exopto, impigrè faciam. Cum autem nova Metallothecæ curabitur editio, munus tabularum tuarum cum universa literatorum Republica communicabo; præsertim Icones XVII. & XVIII. cum earum descriptione, quibus exprimuntur cochleæ Cornu Ammonis formam præferentes. Etenim singulare, ac rarum nobis visum est ejusmodi inventum, quippe quod plurimum conducit ad dirimendam ingentem illam controversiam inter lithographos de Cornu Ammonis natura, atque origine; cum enim hæ cochleæ, ut Tu Vir Clarissime, scribis, materiâ prorsus testaceâ consent, atque ad eas conchas, quæ margaritas gignunt, admodum accedant, nihil planè dubii relinqui videtur, quin Cornua Ammonis, vulgò dicta, ad testaceorum genus sint referenda. Interim ad Serenissimam Celsitudinem Principis, ac Mæcenatis Tui demississimos grati animi mei sensus deferar precor, obtestorque; Teque Deus Opt. Max. diutissimè servet incolumem. Vale.

Romæ XIII. Kal. Septembris M. DCC. XVIII.





TESTACEA CORNU AMMONIS FORMÂ

Cum hæc ederentur, accepimus eruditissimam M.S. dissertationem Ornatissimi Juvenis Jo: Hyacinthi Vogli, Medicinæ Doctoris Bononiensis : in qua nonnulla observat ad nostram Metallothecam spectantia. Inter alia verò arbitratur Cornua Ammonis referenda esse ad opercula testaceorum, de quibus egimus in Notis Cap.XXV. Armar.VI. pag.139. Verùm tamen non incongruis ad id probandum utatur argumentis ; nihilominus in eâ adhuc fumus sententiâ, quæ, & suo loco exposita fuit, Cap.L. Armar.IX. pag.308., & superiori epistolâ luculenter confirmatur. Ut enim missas faciamus cæteras rationes, quibus adducti fuimus : magna intercedit differentia inter prædicta opercula, & Ammonis Cornua. Illa enim alterâ superficie sunt penè lævi, & parum concava, exiguis lineis in spiram convolutis, distincta ; alterâ convexa. Hæc autem spiris teretibus atque insigniter extantibus componuntur. Accedit etiam quòd opercula solida internè sunt ; cum Cornua Ammonis, ut in Notis dictum est, cellulas habeant interiùs per septa transversa divisas.

Opinio Clarissimi Vogli hic præ festinatione non integre fuit à nobis relata : putat enim, cornu Ammonis esse genus Testaceorum, quod gaudet operculo lentummarinarum, sed non ipsa opercula.



## QUATUOR SEQUENTIBUS EPISTOLIS

Occasionem dedere quæ à nobis attinguntur Armario X.  
in Notis super Statua Cleopatæ, de genere  
Ejusdem obitus pag.367.

V.

## A R G U M E N T U M.

*Extollit Sanctissimum Pontificem ob Metallothecæ editionem. Differit  
de genere obitus Cleopatæ. Auctori ob eandem sibi missam gratias  
agit.*

ILLUSTRISSIMO, AC REVERENDISSIMO VIRO.

D. D. JOANNI MARIÆ LANCISIO

AB INTIMO CUBICULO PONT. MAX., ET ARCHIATRORUM  
COMITI MERITISSIMO.

JO: BAPTISTA MORGANIUS S. P. D.

**Q**Uod sæpè aliàs ab Deo Opt. Max. sum precatus, ut Sanctissi-  
mo Pontifici tempora aliquando feliciora concederet, idem  
superioribus diebus etiam, atque etiam optavi, cùm Michaë-  
lis Mercati Volumen abs Te mihi redditum est. Nam quid ipse in  
secundo rerum omnium cursu ad bonarum Artium incrementum, ea-  
rumque Cultorum commoda non conferret, qui in difficillimis, gra-  
vissimisque temporibus tantum conferat? Vix enim Eustachii Tabu-  
lis exoptatissimis Anatomicos donaverat, cum de vulganda Mercati  
Metallotheca consilium cœpit non minus ab omnibus rerum naturæ  
studiosis desiderata. Quod etsi per se donum erat eximium, mirum  
tamen in modum auxit, cum à Te, Vir Doctissime, recenseri, notis  
illustrari, supplementis instrui, cum elegantissimis typis describi,  
cùm & amissas, & novas etiam Tabulas à peritissimis Artificibus ad-  
di jussit. Quas inter, ut plures sunt, quibus Statuarii, Pictoresque ju-  
vari possunt, sic aliqua etiam est, quæ ab eruditis Historiæ Culto-  
ribus haud inutiliter aspicietur, illudque cum primis Cleopatæ mo-  
rientis signum antiquo opere, & summo artificio perfectum, quod  
nominatim jussu Principis, earum quoque artium, totiusque Erudi-  
tionis Patroni, cæteris esse interjectum mones. In eo enim simula-  
cro Aspis est, non pectori admota (qua in re Pictores scilicet  
nostri peccant, historiæ veritatem, ut Petrus Victorius animadver-  
tit, deferentes) sed ita brachio alligata, ut ipsius vinculi constri-  
ctione irritari, & ad mordendum provocari videatur. Accedit in si-  
mulacro is corporis habitus, ut non tam morientem, quàm placidè  
dormientem spectare credas: quod pulchre nimirum cum iis consen-  
tit,



## *Ad Metallothecam Vaticanam. 41*

tit, quæ à Plutarcho in Antonio traduntur: aspidis morsum grato somno inducto finè ullo dolore interimere; idque Cleopatram, factò in capite damnatis periculo, cognovisse, illudque propterea mortis genus potissimùm elegisse. Quinimo Florus, ipsam *admotis ad venas serpentibus, sic morte quasi somno solutam* scribit. Neque alio habitu illam quoque Cleopatram imaginem fuisse, crediderim, quam in Augusti Triumpho gestari Propertius vidit: *Brachia, inquit, spectavi sacris* (Beoaldus autem legebat *fixis*) *admorfa colubris*.

*Et trahere occultum membra soporis iter.*

Non ignoro, quod Franciscus Reditus de imagine in triumpho gestata, id de isto quoque simulacro eos posse dicere, qui, ut Tu refers, non aspidis ictu, sed epoto veneno Reginam mortuam esse contenderent, nimirum aspidem à Sculptoribus additam, quod nulla alia ratione significare melius possent, quo illa se mortis genere interemisset. Sed, præterquam quòd nullus antiqui Scriptoris locus mihi in præsentia succurrit, quo illi suam de epoto veneno sententiam possint tueri, & serpentis præfertim, cuius venenum *non gustu, sed in vulnere nocere*, vel ipse olim Celsus docuerat; certè adversatur iis Plutarchus tum alia scribens, quæ prætermitto, tum illud adjiciens: *brachium Cleopatram ajunt duas notas habuisse leviter impressas, & humidas*; neque video, si locus ictus non apparuisset, quomodo Augustus, ut Dion, & Suetonius tradunt, admove Pysillos potuisset *qui venenum, ac virus exsugerent*. Itaque Reditus non hanc sententiam, sed aliam quandam secutus est Auctoris Libri de Theriaca ad Pisonem, & ejus quem supra memoravimus, Dionis narrationibus consentientem: brachium ipsam sibi momordisse, aut pupugisse, & venenum vulnere instillasse. Verùm quas affert hujus sententiæ rationes non ita difficilè solvi possunt. Nam quòd primùm ait, unius aspidis morsu non potuisse Cleopatram secundùm ea, quæ ipse in viperis expertus est, duas primùm ancillas, tum postea se quoque ipsam interficere; ut mittam, ex Plutarchi narratione apparere, Reginam primùm, deinde Ancillas, harum quoque alteram non ita celeriter occubuisse, illud quæram modò, quâ illi ratione unam, eadem cur plures aspides habere non licuerit? Addit, quod Plutarchus idem fatetur, aspidem ipsam ab nemine conspectam esse. Sed omittit quod ille continuò subjicit: *trahens dumtaxat quosdam in littore, quâ domus ad mare spectabat, esse visos*, indicio serpentes post ictus illatos, ab Ancillis projectos, se se illac subduxisse. Novissimè pavidum naturâ fœminarum omnium animum memorat, ut serpentes finè incredibili horrore non modò tractare, sed nè aspicere quidem possint. Verùm sive ob eam, quæ ut ab Æliano scriptum est, Ægyptiis erat cum aspidibus familiaritatem, habuit Cleopatra, cur minus expavesceret, sive potius tenui alioquì animo fœmina desperatione accedente, non magis serpentes horruit, quàm paulò ante ferrum, quod ipsa sibi, dum caperetur, intentaverat, horruisset; profectò ob hunc ipsum impavidum animum ab æquali ferè Historico Vellejo commendata est, ubi illatâ, inquit, *aspide, morsu ejus, sanè expers muliebris metus, spiritum reddidit*. Narrationibus autem Dionis, & Authoris libri de



[a] *Carmin. lib. I.*  
Ode. 37.

Theriaca, eorumque omnium, qui aspidis morsum in dubium traxe-  
re, testimonium oppono, quo neminem, quod sciam, esse adhuc  
usum, plurimum miror; nam Scriptoris est, & omnium manibus  
tritissimi, & Augusto perfamiliaris, & qui illud protulit iisdem pe-  
nè diebus, quibus Cleopatra mortua est, ut nec verum ignoravisse,  
neque Sculptorum licentiæ, aut aliorum Scriptorum authoritati servi-  
re potuisse credendus sit. Is ergo est Horatius Flaccus, qui in eo,  
ipso (a) Carmine, quod ut ejus initium apertissimè indicat, statim  
ab allato de iis rebus nuncio lætabundus scripsit, hæc primus omnium  
de morte Cleopatæ posteris tradidit:

..... quæ generosiùs

*Perire quærens, nec muliebriter*

*Expavit ensẽ, nec latentes*

*Classe cita reparavit oras.*

*Ausa & jacentem visere Regiam*

*Vultu sereno fortis, & asperas*

*Tractare serpentes, ut atrum*

*Corpore combiberet venenum,*

*Deliberata morte ferocior, &c.*

Neminis ergo narrationes, multoque minùs dubitationes, & con-  
jecturas ejusmodi testimonio, quod perantiqua etiam simulacra, istud-  
que in primis Vaticanum confirmant, facilè præferendas esse credi-  
derim. Sed ut tandem aliquando eò redeam, unde me istud ipsum  
signum abduxerat; plurimum omnes, quicunque bonas Artes colim-  
us, Pontificis Optimi Liberalitati, & Munificentia, multumque  
etiam Tibi, qui hæc nobis munera tum consiliis Tuis impetras, tum  
doctrinâ, atque eruditione adauges, Illustrissime Lancisi, debemus;  
ego autem præ cæteris, qui ut aliis pridem ornamentis, ita ut hujus  
etiam Voluminis Dono à Maximo omnium Principe honestarer cura-  
visti. Ad cujus ego Sanctissimos Pedes provolutus, dum Ipsi, atque  
adeò nobis, & Literis fausta omnia precor, illud prætermittere nul-  
lo pacto possum, ut Tu, qui Ejus valetudinem servas rectè, & diu-  
tissimè valeas.

D. Patavii XVI. Kal. Majas M.DCC.XVII.



V I.

ARGUMENTUM.

*Excusat tarditatem responsi. Scribit se Tiburtino secessu à morbo recreatum. Gratias agit de sibi missa epistola, quam laudat. Examinat quo mortis genere Cleopatra obierit.*

VIRO CLARISSIMO ERUDITISSIMOQUE

D. JO: BAPTISTÆ MORGAGNIO

Med. Doct., & primam in Patavino Lyceo Anatomes  
Cathedram obtinenti.

JO: MARIA LANCISIUS S. P. D.

CUM superioribus diebus valetudinis causâ Tibur secessissem; scilicet, ut libros omnes ab oculis meis, atque urbana negotia ab auribus, animoque, unde mihi pertinax capitis gravitas suborta fuerat, penitus removerem; inter nonnulla MSS. literas quoque tuas xvi. Kal. Maji ad me datas (quas quidem Romæ præ adventitia visus imbecillitate vix legere, nè dicam delibare potueram) fortè fortuna mecum attulisse animadverti. Cumque ibidem non minus cœli salubritate, quàm prænobili, ac perhumano Amplissimi Cardinalis Orighi hospitio confestim à morbo recreatus fuissim, easdem literas elegantissimè, doctissimèque perscriptas tum sedulò versare, tum minutatim degustare valui. Quamobrem nullâ interpositâ morâ stylum arripui, atque hanc epistolam exarare cœpi, quâ singulares Tibi gratias ago; primum, quòd subsidio veneris tenuitati studiorum meorum, quæ commendandis maximis virtutibus, egregiisque factis Summi Pontificis CLEMENTIS XI. paria nunquam aut fuerunt, aut esse poterunt. Deinde etiam quòd labores meos, unâ cum vigiliis D. Petri Assalti, Viri quidem doctrinis omnibus exculti, in adornandis ad Metallothecam Vaticanam Notis pro tua humanitate laudaveris. Denique quòd magnam voluptatem attuleris ob ingeniosa, novaque argumenta, quibus Cleopatram periisse aspidis morfu demonstrare contendis. Sed, quanquam ejusmodi rem obnixè, copioseque à Te affirmatam videam, patere tamen, obsecro Morgagni doctissime, ut ego periclitter, an pristinas ingenioli mei vires præsentirusticatione utcunque recollegerim; videlicet ita me in hoc argumento nunc exerceam, ut paucis contra tuam opinionem differens, non unum, sed duos in disputando nos fuisse commonstrem. Non enim vereor, nè apud Te, Virum quippe ingenuum, ac probum non sit mihi liberum candidè aperire quid sentiam: nam, quemadmodum inertissimæ segnitiae est ea diligenter non expendere, quæ dubia sunt in historia; ita delicatissimi est animi eos ægrè ferre qui à nostra sententia discedunt.

Arbitror itaque celebrem Ægypti Reginam, ut mortem obiret,



non anguem brachio suo admovisse, sed paratiori, ac fortè narcotico admixto veneno usam fuisse.

Ut autem nostræ hypothesis fundamenta jaciamus, ac veluti per securum tramitem inter tot ambages ad veritatis metam progrediamur; animadvertendum est, constare quidem ex priscis Historicis, Cleopatram futuro probro, ac servituti celerem mortem libenter anteposuisse; sed nihil certi de ratione, quâ eam oppetiverit, erui posse. Narrat porrò Plutarchus, & Dion Ægyptiam hanc Mulierem, postea quàm Antonio parentasset, Augustum per epistolam, ut cum ipso sepeliretur, obsecrasse; indeque remotis arbitris, & duabus solum comitatam Ancillis secessisse: Cæsarem verò, intellectâ ejusdem desperatione, statim, qui rem inviserent, misisse; eosque Reginam, comperisse jam mortuam, aureoque in lecto reclinatam; alteramque ex Ancillis Eiram nomine ad pedes ejus animam agentem; alteram, Charmium appellatam, capite adhuc nutantem, regiumque diadema componentem, quæ & ipsa mox interiit, deprehendisse. Hærent verò inter hæc iidem Auctores, quanquam Græcè scripserint, iisque temporibus proximiores, quâ operâ, vel instrumento illa necem sibi consciverit. Plutarchus siquidem fatetur, *nemini rem fuisse exploratam*: Dion pariter confirmat, *veritatem novisse neminem*: quinimmo Suetonius, quem Tu Testem inducis, à certo ferendo judicio refugit; non enim ait, *morsu aspidis* periit; sed, *periisse* putabatur.

Neque porrò testimonium Horatii, quod Tu luculentissimum, certissimumque judicas, utpote factò coævum, plus pendet, quàm unius assertio Poëtæ, qui, ut cæteri solent, liberiori verborum licentiâ, & quasi quodam afflatu furoris verosimilia tantùm effinxit; præsertim cùm Flaccus Cleopatram, procul ab omnibus morientem, non aspexerit; sed inductus fuerit, ut rem carminibus (quod etiam Propertius, & Statius fecerunt) exaggeraret exemplo Augusti Cæsaris, qui, ut Plutarchus refert, ob exiguas notas in Cleopatram brachio visas, illius statuam, affixo eidem parti aspide, gestari in triumpho jussit; nisi potius Pictorum, Sculptorumque (ut viris doctissimis visum est) consilium fuerit, tacito hoc, aptoque symbolo, persuadendis gentibus, & celebrando triumpho splendidiori, palàm exponere, Cleopatram atrum à Serpentis morsu venenum combibisse: Quemadmodum & olim, & nostrâ ætate Pictores, ad exprimendum D. Joanni Evangelistæ venenum fuisse propinatum, repræsentant Juvenem manu tenentem calicem, è quo serpens caput attollit, ac profilit. Unde postea Vellejus Paterculus, & Florus laconicam, acutamque ejusdem facti narrationem, tametsi incertam, derivarunt.

Minoris longè momenti meo quidem judicio videtur argumentum, quod ex eodem Plutarcho deducis; Aspidis nempe tractus in tellure visos fuisse. Nam ejusmodi vestigia non in ipsa domo, sed *in littore prope mare* animadversa narrantur, quæ vel à serpentibus quidem, sed non iis, quæ Cleopatram peremerint, vel ab aliis causis, ut sæpe accidit, imprimi potuerunt.



## Ad Metallothecam Vaticanam. 45

Incertum huc usque ostendimus pulcherrimam hanc Reginam ab anguis morfu interiisse: nunc id ipsum nec esse verisimile demonstrare conabimur. Profectò cum ex Plutarcho, ac Dione conjicere liceat, duas ejusdem Ancillas idem mortis genus selegisse; non unam, sed plures aspides præsto fuisse necessum est (singulæ enim virus è gingivarum vesiculis, cum semel eodem die momorderint, plerunque solent exhaurire) ac proinde eas aspides, ab asserta cistula, & post illatos morsus in libertatem vindicatas, sic à moribundis Ancillis occultari potuisse, ut nemo viderit, ac retulerit, non est credibile: multo adhuc minus teneras, mollesque manus cum Regiæ Mulieris, tum Puellarum, asperas, horrendasque serpentes impunè prius, quò faciliùs pro re nata suis membris admoveere possent, tractare didicisse.

Huc accedit, quod qui serpentino dente vulnerantur, neque statim de vita decedunt, neque sinè indiciis furentis veneni, & in faucia parte, & in universo corpore; quæ quidem indicia penitus abfuisse per hæc verba Plutarchus describit: *Præterea neque macula, neque signum ullum veneni effloruit*; & quanquam idem Auctor subjungat aliquos *Cleopatræ brachium duas puncturas tenues, & exiles habere dixisse*; Non enim, ut Tu, Vir optime, illud *κατὰ τὴν αἰσθητικὴν*, ego interpretor leviter impressas, & humidas: siquidem verbum *αἰσθητικὴν* communiter in Lexicis subobscurus, exiguus, ac vix apparens latinè vertitur: & cum pro humido accipitur, diverso accentu scribi solet, diversoque etymo gaudere: (ut Assaltus quoque noster Græcæ linguæ peritissimus asseverat) quid amabo exiguæ, tenuesque puncturæ, quæ à multis aliis, quæ externis, quæ internis principiis, iisque nullo pacto pestiferis, oriri potuerant; quid amabo, cum venenato, taboque tandem diffluente aspidis morfu commune præferunt?

Cum verò apud Suetonium legamus, *Cleopatræ, quam servatam triumpho Cæsar magnopere cupiebat, Psyllos, qui venenum exsugerent, frustra admotos fuisse*; quid causæ fuit, cur vivas adhuc Eiram, & Charmium, si ex aspidis morfu laborassent, miseratione saltèm permoti non servaverint?

Superest modò, mi Morgagni, ut quibus conjecturis ducor ad suspicandum, Cleopatram epoto narcoticæ indolis toxico, occidisse, tibi significem. Et quamvis hoc ipsum non nisi infirmis rationibus, obscurisque Historicorum auctoritatibus inniti cognoscam; tamen quærendi defatigatio turpis mihi videretur, cum id, quod quæritur, pulcherrimum sit, Artique, quam profitemur, apprimè conveniens, & consentaneum.

Ut autem certâ ratione procedamus, principiò inter nos conveniat, oportet, veteres tum Afros, tum Græcos, ac Romanos præsentissimum aliquod venenum, tanquam imminentium ærumnarum, ac prementium miseriarum pharmacum, secum vel in (a) annulo, vel alibi afferre consuevisse, quo, cum usus exposceret, epoto, vel sucto ocyssimè simul, & facillimè à maximo quovis corporis, animive dolore se subtraherent; ut fertur de Annibale, Demosthene, multisque aliis.

Præterea notior res est, quàm ut longiori sermone tractari debeat,

[a] Vide Kirchmannum de Annulis cap. XXI. plura de hoc argumento congerentem.



beat, atque ad Te, præstantissime Vir, nunc perscribi, qui anatomicorum, chymicorumque studiorum (quæ mihi communia tecum sunt) æquissimus sedes isthic æstimator, ac judex: scilicet venena, quæ sanguinem cogunt, figuntque spiritus, ac præcordia, cerebrumque enervant, variis modis cum solventibus, & admixto potissimum opio, ita excoqui solere, ut citam, & cruciatibus vacuum, immo verò sine pestiferis signis & cum placidissimo profundoque somno mortem ipsam arceßant: At relinquamus venenorum materiam, in qua utinam mutæ hæcenus fuissent historiæ, ac omnino silerent Medicorum libri.

Hæc igitur cum ita se habeant, equidem probabili argumentatione, ac penè dixerim mathematicorum ratione demonstrari posse arbitror, Cleopatram, ejusque Ancillas narcoticum venenum bibisse. Etenim, cum soleant Medici ex signis, ac symptomatibus, quibus qui virus aliquod, ac pestiferum pharmacum sumpserunt, divexantur, naturam, indolemque veneni cognoscere, atque distinguere; non dubito, quin Tu, Vir ingenue, postquam animum sedulò intenderis in modum, atque in signa, quibus tum Cleopatra, tum ejus Ancillæ decesserunt, candidè fatearis, me suspicione certâ moveri, illas ab opiato veneno interiisse. Nam de Regina quidem constans fama est, eam in lecto dormientis instar inventam fuisse; Charmium verò, quemadmodum, qui opium recens obbiberint, *lapsa abundam* (sunt verba Plutarchi) & *capite gravatam* deprehensam fuisse.

Sed audio jam quæ objicis, Vir Clarissime, nullum videlicet antiqui Scriptoris locum Tibi succurrere, quo nos sententiam de ipso epoto veneno tueri possimus. Atqui referimus eundem Plutarchum id non obscure commonstrasse, cum scripsit: *quoniam etiam dictum est ipsam gestasse venenum in cava novacula*. De novaculæ itaque manubrio paratissimum venenum deducere, sibi que necem ad Reginæ exemplum etiam Ancillæ facili negotio afferre potuerant.

Neque autem quis objectet, Cleopatram se ipsam solo veneni olfactu interficere valuisse: id enim, præterquam quod admodum rarum, & paratu difficile est; nimis inconsultè pharmacum gestasset, quo etiam incautè, atque invita necari potuisset.

Hæc verò, quæ scripsi in Tiburtino secessu prope dirutas Cæsaris, ac Mæcenatis Villas, subcivis à matutina, & vespertina ambulatione horis, cum ob excelsas quoque virtutes Eminentissimus Hospes noster, ac Illustrissimi, doctissimique Præsules Archiepiscopus Battellus à Secretis Pontificiarum ad Principes epistolarum, nec non Prosper de Lambertinis Fidei Promotor, hîc etiam rusticantes, eruditos sermones miscerent, ad Te, ut de iisdem liberè judices, mittere non reformido; nam, si ea probaveris, mihi etiam probata erunt; sin contra, rejiciam: non enim is sum, qui opiniones meas mordicus unquam tueri soleam. Vale.

Tibure IX. Kal. Junii M.DCC.XVII.



V I I.

A R G U M E N T U M.

*Rursus tuetur Sententiam de Cleopatrae interitu ex aspidis morfu.*

ILLUSTRISSIMO, ET REVERENDISSIMO VIRO

D. D. JOANNI MARIAE LANCISIO

Ab intimo Cubiculo Pontificis Maximi, &  
Archiatrorum Comiti Meritissimo.

JO: BAPTISTA MORGAGNIUS S. P. D.

CUM Tuæ mihi Literæ gratæ, jucundæque semper fuerint, tum hæ, quas Tibure nuper scripsisti, jucundissimæ fuerunt, ut quæ Te convaluisse, non nunciarunt modò, sed & certissimè comprobarunt. In his enim doctè, ut soles, copiosèque ostendis, quid Tibi de veneni genere, quo sibi Cleopatra mortem conscivit, videatur. Qua in re etsi longè aliter, atque ego, sentis; id tamen mihi ingratum esse non potest, primum quòd à Te est; deinde quòd veri studio dissentis; novissimè quod tuam ita sententiam proponis, ut mihi meæ retinendæ locum relinquo: quanquam neque eo animo scripsi, ut vehementer tuerer, & id quod Tibi, Vir Summe, non probari intelligo, non nisi remissè, & dubitanter tueri possum.

Aspidis morfu periisse Reginam, scripsi non quòd ignorarem, id Dioni quidem, & Plutarcho incertum videri; sed quod in Romana Historia plus Latinis, quàm Græcis, & in re antiqua plus æqualibus, quàm posteris credendum existimavi. At enim Horatius, qui, ut æqualis Poëta tamen esset, veri tantùm similitudinem summa cum libertate est secutus. Qui credam, quando in reliquis quæ de Cleopatra eodem in loco tradit, summa cum fide verum sequitur? Quid quòd Vellejus, & ferè æqualis, & historicus idem confirmat? At Suetonius pro certo non tradit. Fateor. Sed Vellejo posterior. Sed eo teste non de morfu aspidis, sed de Psyllis admotis, non ad probandum, sed ad conjiciendum sum usus: ut neque ad illud probandum, sed ad indicium, quale idcumque est, dissimulatum à Redio, commemorandum, Plutarchi locum adduxi de tractibus in litore animadversis. Horatio igitur, & Vellejo testibus potissimùm usus sum. His Florum, & vetustissima signa addidi. Quibus adductus, si non certum, at minus sanè incertum esse credidi, Cleopatram morfu aspidis quàm alia ratione extinctam esse.

Id verò est quod Tibi, Vir Amplissime, nè verisimile quidem videtur. Nam pluries, inquis, aspides præsto fuissent necesse foret. Ego verò, etsi ei rei in priore epistola etiam alia videor ratione satisfecisse, hinc quæram, cujusnam experimentis constet, aspidem uno morfu omne exhaustire venenum oportere? Reditus enim, qui hæc in viperis expertus est, contin-



tingere interdum vidit, ut non nisi tertio, alias non nisi quarto, aut sexto morfu venenum omne exprimeretur. At enim à moribundis Ancillis occultari aspides non potuissent. A' moribundis fateor; à morfu statim, quid prohibuit? Nam argumentis quidem à tenero, mollique foeminarum animo ductis jam pridem respondi. Quod autem addis: ictos à serpentibus neque statim mori, neque sinè indiciis veneni, & in faucibus parte, & in toto corpore manifestis; Aëtius sanè aliud aspidis genus intrà horas ad summum tres, aliud præsentiissimâ morte conficere, tradit; maculas autem, vel alia istiusmodi inter signa ejus veneni, quæ alioqui diligenter numerat, minimè ponit. Sed neque hæc ponit Actuarius. Ponit verò, *Aspidis morsum* esse acus puncturæ similem omnino, *exiguum sinè tumore*: quod quidem signum, atque adeò istam cum *punctura acus* similitudinem ipse olim Dioscorides, quem Cleopatraz familiarem fuisse, accepimus; literis mandavit, Paulus deinde Ægineta, Avicennas, & quoscunque de ictu aspidis legisse memini, ad unum omnes inculcavere, præcipuè autem idem Aëtius, cujus in libris, quod Tu minimè ignoras, plurimæ nobis Veterum nobilium Medicorum, eorumque etiam quorum scripta interciderunt, observationes servatæ sunt. Hic igitur *in iis*, quos *aspides momorderunt*, non illud modò tradidit, *vulnera in demorso loco, veluti ab acu puncta inveniri*; sed hoc præterea subjecit, *bina quidem ex masculi morsu, à quibus nihil effluit, nisi violentum animal sit, quod morsum inflixit*: quæ omnia pulchre nimirum conveniunt cum duabus illis notis, quas Plutarchus memorat, exilibus videlicet, & subobscuris; jam enim juvat Tuam potius, & Eruditissimi Assalti, quàm Leonardi Aretini versionem sequi, præsertim quando Græca Plutarchi exemplaria ad manum non habeo. Cæterum eundem Aretinum animadverto, unam Charmium inventam esse vivam, dicere: cui quare Psylli non sint admoti, & si sint admoti, cur id historici literis mandare neglexerint, etsi non difficile potest intelligi; mihi tamen satis est, ex Suetonii, & Dionis testimonio constare, Cleopatraz quidem fuisse Psyllos admotos, hinc enim consequitur, locum ictus apparuisse. Dabis ergo veniam, Humanissime Lancisi, quòd Cleopatram morsu aspidis occisam esse non modò à veri similitudine non alienum, sed verisimilius adhuc censeam. Nam quòd potius veneno quodam præsentiissimo degustato mortem obierit, ut Tu eruditè, ingenioseque adstruis, tutè ipse confiteris, nullo veteris Scriptoris loco confirmari facillè posse, quando Plutarchi verba producis, quæ de veneno inflictum in vulnus instillando explicari æquè, nè dicam credibilius possint, cum id in novacula gestatum fuerit, & cum præterea apud Auctorem Libri de Theriaca, & apud Dionem hujus generis venenum à Cleopatra servatum esse inveniamus, ejus autem generis, cujus Tu existimas, non inveniamus. At verò epoti veneni narcotici, & in Regina, & in Ancillis indicia fuerunt. Non nego. Sed tu vicissim pro tua eximia Eruditione, & candore non negabis, ista ipsa indicia aspidis etiam morsum consequi, ut non modò Plutarchus, sed celeberrimi quique de quibus supra dictum est, Medici, in primisque Aëtius luculentissimè docuere.

Cum



## *Ad Metallothecam Vaticanam. 49*

Cùm ergo ambigua signa habeamus, cur ab epoto à Cleopatra veneno, de quo apud Veteres Auctores nihil habemus, ea derivabimus; ab aspidis autem morfu, quem contra tot habemus non modò memorantes, ut dubium, sed affirmantes, ut certum, antiquos Scriptores, non derivabimus?

Hæc habui, Vir doctissime, quæ statim rescriberem, cùm ex multis occupationibus distinerer, & corpore languerem, non ut sententiam tuerer meam, multòque minùs, ut Tuæ adversarer, sed nè nihil viderer respondisse. Meæ enim sententiæ arbitrium tuum esto. Tua certè magno semper apud me in pretio erit; nam quod argumentis utcunque opponerem tuis, invenire fortasse potui, quod Auctoritati opponam Tuæ, quæ cùm apud omnes, tum verò apud me summa est, atque amplissima invenire profectò non possum. Vale.

Patavii IV. Nonas Junii M.DCC.XVII.

### VIII.

#### ARGUMENTUM.

*Respondet rationibus allatis adversùs sententiam de obitu Cleopatræ ex epoto veneno.*

VIRO CLARISSIMO ERUDITISSIMOQUE

D. JO: BAPTISTÆ MORGAGNIO

Med. Doct., & primam in Patavino Lyceo Anatomies  
Cathedram obtinenti

JO: MARIA LANCISIUS S. P. D.

**Q**Uoniam proximo superiori mense Urbinum digressus, tum ut valetudinem meam multis incommodis affectam firmiùs repararem, tum ut Amplissimum Abbatem Alexandrum Albanum Sanctissimi Patris F. F. ad Jurisprudentiæ Lauream capeffendam illuc proficiscentem comitarer, nullas ab amicis literas accepi: cùm primùm verò ad Urbem remeavi, novissimæ abs Te redditæ mihi sunt. Et quanquam apud animum meum statueram non ampliùs Cleopatræ Manes sollicitare, de mortis ejus genere ultra disquirens; nihilominus epistola tua tam humaniter provocat, tam eruditè, urbanèque excitat, ut me de suscepto tacendi consilio decedere compellat; præsertim cùm non sit mihi injucundum severiora studia per æstivos hosce dies intermittere.

At primum omnium inter nos congruamus oportet; oculatos testes rei, de qua disputamus, nullos in literarum monumentis extare, quorum idcirco fidei acquiescere, atque auctoritate litem penitùs dirimere valeamus. Quamobrem judicium hoc solis exercendum est conjecturis, in quibus is ad veritatem propiùs accedet, qui res ipsas,



tempora, & loca unà cum locupletioribus Scriptorum testimoniis diligentius, & accuratius comparat, & conjungit.

Huic itaque philosophandi methodo insistentes controversiæ definitionem Græcis potius, quàm Latinis historicis deferendam esse, arbitramur: præterquam quod enim Regiæ hujus interitus Alexandriæ, ubi Græcorum Imperium, & lingua vigeat, contigit; tantum abest, ut in Romana historia Græcis Scriptoribus Latini sint præferendi, ut contra illos Latinis longo intervallo præstare nemo non fateatur; qua de re non immerito doctissimi quique sinè Græcorum historicorum diligentia, rerum Romanarum notitiam, ac veritatem tenebris obvolutam, & mancam futuram existimarunt. Enim verò Græci longè accuratius, ac diligentius narrant; copiosius adjuncta, seu circumstantias persequuntur; varias aliorum sententias excutiunt, nec suas nisi omnibus hinc indè expensis proferunt: ut observare licet in Polybio, Dionysio Halicarnasseo, Plutarcho, Appiano, Herodiano, Dione, aliisque, quorum auctoritatibus Latini ipsi recentiores ita innituntur, ut illis profectò si carerent, in densa gestarum rerum caligine versarentur.

Quod autem addis Romanorum res Romanis esse, quàm Græcis exploratiores; atque coævis potius, quàm posterioribus credendum; id mihi, pace tuâ, pro mea potius sententiâ pugnare videtur: de Græcorum enim hîc factis disputamus. Nam Græcorum Imperium ab Alexandro in Ægyptios, Syros, aliasque Orientis nationes tum jam productum, ac dilatatum fuerat: quin & nomina ipsa Cleopatræ, & Charmii, quæ à Græcis sumpta sunt, de Græcanicis rebus agi nos apertissimè admonent.

Ad æquales quod attinet, tametsi ex Romanis nonnulli Dionem, ac Plutarchum ætate præcesserint, ac fuerint Cleopatræ temporis propiores, locis tamen, atque indiciis pro rebus cognoscendis remoti longius existimandi sunt. Cum è contrario Plutarchus, & natione Græcus, & rerum utriusque gentis, Græcæ nimirum, Romanæque peritissimus (fuit enim Romæ Consul, ut & Dio) ad hujus facti cognitionem fideli gentilium suorum traditione propius accedere potuerit. Quid enim ad confirmandam narrantis fidem, & auctoritatem aptius, quàm quod ipsemet Plutarchus in vita Antonii commemorat, ab Lampria Avo scilicet suo se accepisse, *quæ ad Cœnas Antonii, & Cleopatræ parabantur*? Quem nunc mihi, Morgagni amicissime, ex Latinis proferre poteris, qui testimoniis tam certis utatur? Paterculum, & Florum objicis; cùm prior *adulationis, supra quam credi potest, vitio laborarit*, ut scribunt Sigonius, & Lipsius; quo fanè factum est, ut neque inter historicos à Quintiliano recensatur: Posterior verò *puerili desiderio mirabilia dicendi, veritatis dispendio se abripi passus sit*, ut inquit Scaliger. Neque Horatium moror, qui in reliquis, ut famæ obsequutus, de mortis tamen genere poetam agit; atque idcirco triumphis speciem carminibus exornans nobis philosophis imponere non debet; potissimum quod Cleo-  
pa-



## Ad Metallothecam Vaticanam. 51

patræ simulacrum, ut Tute in priori epistola animadvertisti, Aspidem vittâ brachio alligatam exhibeat. Quis autem impunè serpentem vinculis constringere auit, & speret, eâ irritatâ, morsum in brachio potius constricto, quàm in manu tractantis, atque alligantis infigendum?

Nunc Aëtii auctoritas elevanda est; quod certè mihi apud Te pronum erit consequi; nosti enim illum consarcinatorem potius esse, quàm Auctorem; cùm omnia ex aliis, præsertim ex Galeno corraferit: ut non satis rationi, & philosophicæ gravitati consentaneum videatur, ejusmodi Scriptoris judicio causam nostram definire. Mihi quidem persuadere non possum per venenatum vulnus dilaceratis solidis, crasque vehementer perturbatis fluidis, nullum in cutem prodire vestigium; cùm certò constet vespas ipsas, atque etiam culices non obscura phlogosis indicia post ictum relinquere. Quinimo (a) *(a) Lib. 20. cap. 22.* Paræus ex Matthiolo de Aspidis morfu hæc tradit: *Cùm pars icta purpurea, nigra, viridisve evadit, signum est veneni malignitate extincti, & suffocati caloris nativi.* Id autem perbellè (b) Dioscoridis *(b) Lib. 6. cap. 38.* asserto respondet, qui ex Aspidis morfu *sanguinem exiguum quidem, sed atrum destillare* asseverat; quem talem certè prodire non posse arbitrari, nisi idem intrâ propinqua vulnere vascula ob veneni permixtionem jam coactus cutim atro pariter colore inficeret. Coagulari autem ab Aspidis virulentia sanguinem ex eodem Dioscoride in calce sui operis luculenter colligitur. Itaque, si Cleopatra ex Aspidis vulnere decessisset, minimè esset ambigendum, quin tum in ejus sauciato brachio memorata signa, tum in universo corpore *virens color*, ut Nicander cecinit, apparuissent.

Quod verò attinet ad Dioscoridem; profectò, Amicissime Morgagni, manus darem, si duo de hoc Auctore sinè controversia constarent: primum quidem illum fuisse coævum, & familiarem Cleopatæ: alterum alicubi suis in operibus de Ægyptiæ Reginæ per Aspidis morsum interitu, quemadmodum domesticum decebat, postulabatque facinoris claritas, sermonem habuisse. Sed quanquam nos minimè lateat apud Suidam mentionem fieri cujusdam Dioscoridis, qui Phacas cognominabatur, cumque Cleopatra vixit tempore Antonii: Cornarius tamen, Salmasius, aliique de Pedacii nostri ætate admodum dubitant; quinimo (c) Tournefortius, Anazarbeum hunc omnino *(c) Instit. Rei herb. Isagog.* diversum extitisse ab illo Alexandrino, qui apud Suidam Phacas cognominatur, obfirmatè asserit. Itaque quàm perperam duo Dioscorides confundantur, vel ipsorum patriæ diversitas apertè demonstrat: alteri enim Anazarbus Ciliciæ Urbs, quæ nunc Diocæsarea, sive Cæsaraugusta nuncupatur; alteri Alexandria in Ægypto contigit: ut hinc verosimilius videri possit, Alexandrinum, non Anazarbeum inter Cleopatæ familiares adscitum fuisse. Quòd autem de hujus Reginæ obitu altum sit apud Pedacium silentium, non est, cur Tibi, Vir Eruditissime, ostendere contendam, cùm ex ipsius operibus satis elucescat.

Cæterum auctoritate diligentis naturalium rerum Scriptoris, cu-



jusmodi fuit Pedacius Dioscorides, haud labefactatur sententia nostra. Tametsi enim exiguas ipse puncturas ab Aspide infligi tradat, exinde tamen non sequitur, nullam venenati vulneris notam in læsa parte relinqui, cum ex eodem Dioscoride supra deduxerimus, signa virulenti hujus morsus apparere.

Quos deinde sequiores tum Græcos, tum Arabes congeris Scriptores, Doctissime Morgagni, nihil momenti ad Dioscoridis testimonium addere posse putamus, utpote qui omnia vel ex eodem Pedacio, vel ex Galeno excerpserint.

[a] Lib. V. cap. XIX.

Quid? quod Paulus (a) Ægineta, quanquam natione Græcus à cæteris tamen auctoribus de membro per aspidem in Cleopatra vulnerato ita dissentit, ut non brachio, sed *sinistræ mamme feriendæ illam admovisse* scribat.

[b] Cap. 8.

Si verò Galeni, vel cujusvis alterius Auctoris libri de (b) Theriaca ad Pisonem testimonium rursus afferres, Cleopatram scilicet aspidis veneno interiisse, urgeasque in uno duntaxat, & Medici, & Græci Scriptoris pondus perpendendum; sedulò, precor animadvertas, Auctorem hunc nequaquam cum Plutarcho, ac Dione esse comparandum, quippe qui nec historicus (non enim omnes de ratione mortis ejus opiniones recenset) neque, ut Plutarchus, temporibus illis proximus fuit: immo verò Galenum planè rideo, qui (ut Terrentii utar phrasi) *ait se scire, cum is solus nesciat omnia*. Nam primum commemorat Reginam jussisse Ptyadem (hoc est insipientem, non mordentem aspidem) *ficubus, atque urvis contactam inferri*; qua ex re non ictu, sed venefico halitu mortuam colligendum esset. Deinde scribit periculum se prius cum Ancillis fecisse, cumque eas celeriter interiisse vidit, *illam sibi admovisse*: non igitur altera ex Ancillis post Dominae interitum vivens adhuc (ut alii tradunt) inventa fuit. Denique sententiam longè diversam à cæteris Scriptoribus de infligti vulneris ratione proponit; Cleopatram scilicet *magnum primo, ac profundum vulnus brachio suo dentibus intulisse, deinde venenum, quod ex aspide paratum, ac pyxidi inclusum habebat infudisse*. Proclive est itaque intelligere opinionem tuam Galeni auctoritate fulciri non posse, qui ipse non in diversas solum, sed in contrarias sententias vacillat, & labitur.

Quod autem nullum Prisci Auctoris testimonium adhibuerim ad conjecturam adstruendam de veneno potius hausto, quam infuso, id supervacaneum reputavi; cum exempla ex historiis in superiori epistola innuerim, eorum nempe, qui vel ad hostium immanitatem, aut ludibrium, propriamque ignominiam, vel ad quodvis aliud infortunium antevertendum præsentissima secum venena gestabant: quam in rem appositè (c) Plinius *sub annulorum geminis venena claudunt, annulosque mortis gratia habent*. Hoc porro de Cleopatra credibilis, quam de cæteris videtur, utpote quæ cum Antonio convenerat, superstitem alterum, statim ac de alterius morte constitisset, sibi necem illaturum. Igitur oportuit, ea mortis instrumenta apud se parata semper ha-

(c) N.H. lib. 33.  
cap. 1.



## *Ad Metallothecam Vaticanam.* 53

habere, quæ ubique locorum, etiam si in hostium manus devenisset, posset adhibere: nullum autem commodius Regiæ Mulieri occurrere potuit, quàm novacula, vel acus comatoria, ornamenta nimirum muliebria, quæ, cùm crinibus implicarentur, communis usus specie omnem Romanorum diligentiam fallerent: proditum est enim captæ Cleopatæ gladium quidem fuisse ereptum, & vestes à Proculeio excussas, *nè quid veneni occultarent*; capillos tamen neminem exploravisse.

Præterea cùm ipse in hoc potissimum argumento contenderim, aspidis morsum à verisimilitudine prorsus abludere, aliamque proinde rationem arcessendæ mortis à Cleopatra susceptam fuisse; nullis aliis testibus opus habueram, quàm iis Scriptoribus, qui in hujus veneni narratione mirum in modum inter se dissentiunt, quos inter, ut ostendimus, Galenus quoque succurrit, qui refert Ægyptiam Reginam venenum in pyxide paratum retinuisse. Præsentissimum porrò, ac quovis nocentius est illud, quod ex viperinorum dentium vaginis extrahitur, & narcotico permixtum vulneri, vel ulceri admovetur. Vides igitur, mi Morgagni, minùs facilem, expeditamque viam ad Cleopatæ interitum fuisse aspidis ictum, utpote magno apparatu in captiva, custodibusque septa indigentem; planiorem secus aptioremque id ipsum occultatum in aciculæ, vel novaculæ manubrio venenum, quo aut epoto, ut putamus, aut vulneri instillato, ut alii arbitrantur, mortem minimo negotio sibi conscisceret.

Sed nè in reprehensionem incidam, quâ olim Albutius Rhetor notatus fuit, quòd scilicet in omni causa dicere cuperet non quidquid debebat dici, sed quidquid poterat; supersedeo plura congerere, quæ de hoc argumento afferri possent, quæque Tibi Eruditissimo Viro, non ignota, ac propterea molesta potius, quàm grata acciderent. Humano siquidem generi de venenis tacuisse, quàm differuisse præstaret. Quocunque igitur mortis genere Cleopatra obierit, nos, dulcissime Morgagni, vivamus atque inter studiorum nostrorum fructus numeremus, quòd ex ejus Fatis hanc qualemcunque ætivi temporis graviorum curarum remissionem ceperimus.

Illud etiam (quod inter maximos fructus meritò referri debet) ab immaturo, violento, ac planè miserando hujus Reginæ interitu saluberrimum, ac sapientissimum hauriamus documentum, quod feliciter in suis Italicis carminibus expressit Vir omni literarum, ac doctrinarum genere excultus Bernardinus Baldus Urbinas in MSS., quæ in privata Sanctissimi Patris CLEMENTIS XI. Bibliotheca asservantur. Nam deducto à Cleopatæ statua argumento cecinit.

*Tu che di Cleopatra il marmo vedi,*

*E dal marmo il pensier porti all'istoria,*

*Dì: Ben veggio in costei, ch'umana gloria*

*Veloci in ver l'ocaso ha penne, e piedi.*

Denique rogo Te, ut omnem rescribendi hac de re molestiam deponas: nolo enim valetudini tuæ incommodare, quam magno cum animi mei dolore laborasse ex Tuis literis intellexi. Vale.

Romæ IV. Idus Julias M.DCC.XVII.



# SYLLABUS

## CONTENTORUM IN APPENDICE.

- P**refatio . Pag. 3  
*Epistola Reverendissimi Patris de Rubeis ad Illustrissimum Lancisium  
super inventione typorum . 3*  
Tab. I. *Quartum Dioscoridis Alcyonium . 7*  
Tab. II. *Corallium album squallidiusculum . 8*  
Tab. III. *Madrepore genus . 9*  
Tab. IV. *Isidis Plocamos secundus . 10*  
Tab. V. *Isidis Plocamos tertius . 11*  
Tab. VI. *Lapis Phrygius . 12*  
Tab. VII. *Pumex . 13*  
Tab. VIII. *Avis Japonica . 14*  
Tab. IX. *Ctenites . 15*  
Tab. X. *Porphyroides . 16*  
Tab. XI. *Myites . 17*  
Tab. XII. *Lepidotes . 19*  
Tab. XIII. *Ossa Lapidea . 20*  
Tab. XIV. *Lapis Sarnius . 22*  
Tab. XV. *Lapis Auricularis . 23*  
Tab. XVI. *Laocoon . 24*  
Tab. XVII. *Apollo . 25*  
Tab. XVIII. *Antinous . 26*  
Tab. XIX. *Statua Trunca . 27*  
*Epistole adjectæ ad Metallothecam .*  
I. *Epistola Apologetica de generatione metallorum Illustrissimi Lancisii . 29*  
II. *Responsio Clarissimi Patris D. Herculis Corazzi . 35*  
III. *Epistola Clarissimi Ernesti Cypriani à protosynedrii Consiliis Serenissimi Principis Saxo-Gothani, de nonnullis lapidibus idiomorphis, ac præcipuè de Cornu Ammonis . 36*  
*Index Iconum ab eodem missarum pag. ead.*  
IV. *Responsio Illustrissimi Lancisii ad superiorem Epistolam . 38*  
*Icones duæ cochleas Cornu Ammonis forma exprimentes, quæ describuntur Num. XVII. & XVIII. 39*  
V. *Epistola Clarissimi Joannis Baptiste Morgagnii ad Illustrissimum Lancisium de genere necis Cleopatre . 40*  
VI. *Responsio Illustrissimi Lancisii super eodem argumento . 43*  
VII. *Epistola altera Clarissimi Morgagni super eodem argumento . 47*  
VIII. *Postrema Epistola Illustrissimi Lancisii ad eundem Præstantissimum Virum D. Morgagnium . 49*



